

अथर्ववेदसंहिता
प्रथमं कारडम्

(१) प्रथमं सूक्तम्

(१-४) चतुर्ऋचस्यास्य सूक्तस्याथर्वा ऋषिः । वाचस्पतिर्देवता । (१-३)
प्रथमादितृचस्यानुष्टुप् (४) चतुर्थ्या ऋचश्च चतुष्पदा विरादुरोबृहती छन्दसी ॥
ये त्रिषुप्ताः परियन्ति विश्वा रूपाणि बिभ्रतः ।
वाचस्पतिर्बला तेषां तन्वो अद्य दधातु मे ॥१॥

पुनरेहि वचस्पते देवेन मनसा सह ।
वसौष्पते नि रमय मय्येवास्तु मयि श्रुतम् ॥२॥

इहैवाभि वि तनूभे आर्त्नी इव ज्यया ।
वाचस्पतिर्नि र्छतु मय्येवास्तु मयि श्रुतम् ॥३॥

उपहूतो वाचस्पतिरुपास्मान्वाचस्पतिर्हयताम् ।
सं श्रुतेन गमेमहि मा श्रुतेन वि राधिषि ॥४॥

(२) द्वितीयं सूक्तम्

(१-४) चतुर्ऋचस्यास्य सूक्तस्याथर्वा ऋषिः । चन्द्रमाः पर्जन्यश्च देवते । (१-२,
४) प्रथमाद्वितीयाचतुर्थीनामृचामनुष्टुप् (३) तृतीयायाश्च त्रिपदा विराड्गायत्री छन्दसी
विद्या शरस्य पितरं पर्जन्यं भूरिधायसम् ।
विद्यो ष्वस्य मातरं पृथिवीं भूरिवर्षसम् ॥१॥

ज्याके परि शो न्माश्मानं तन्वं कृधि ।
वीडुर्वरीयोऽरातीरप द्वेषास्या कृधि ॥२॥

वृक्षं यद्गावः परिष्वजाना अनुस्फुरं शरं अर्चन्त्युभुम् ।
शरुमस्मद्यावय दिद्युमिन्द्र ॥३॥

यथा द्यां च पृथिवीं चान्तस्तिष्ठति तेजन्म ।
एवा रोगं चास्त्रावं चान्तस्तिष्ठतु मुञ्ज इत् ॥४॥

(३) तृतीयं सूक्तम्

(१-६) नवर्चस्यास्य सूक्तस्याथर्वा ऋषिः । मन्त्रोक्ताः सर्वा देवताः । (१-५)

प्रथमादिपञ्चर्चा पथ्यापङ्क्तिः (६-६) षष्ठ्यादिचतसृणाञ्चानुष्टुप् छन्दसी
विद्या शरस्य पितरं पर्जन्यं शतवृषायं ।
तेना ते तन्वेऽशं करं पृथिव्यां तै निषेचनं ब्रह्मिष्ठे अस्तु बालिति ॥१॥

विद्या शरस्य पितरं मित्रं शतवृषायं ।
तेना ते तन्वेऽशं करं पृथिव्यां तै निषेचनं ब्रह्मिष्ठे अस्तु बालिति ॥२॥

विद्या शरस्य पितरं वरुणं शतवृषायं ।
तेना ते तन्वेऽशं करं पृथिव्यां तै निषेचनं ब्रह्मिष्ठे अस्तु बालिति ॥३॥

विद्या शरस्य पितरं चन्द्रं शतवृषायं ।
तेना ते तन्वेऽशं करं पृथिव्यां तै निषेचनं ब्रह्मिष्ठे अस्तु बालिति ॥४॥

विद्या शरस्य पितरं सूर्यं शतवृषायं ।
तेना ते तन्वेऽशं करं पृथिव्यां तै निषेचनं ब्रह्मिष्ठे अस्तु बालिति ॥५॥

यदान्त्रेषु गवीन्योर्यद्वस्तावधि संश्रितम् ।
एवा ते मूत्रं मुच्यतां ब्रह्मिर्बालिति सर्वकम् ॥६॥

प्र तै भिनद्धि मेहनं वत्रं वेशन्त्या इव ।
एवा ते मूत्रं मुच्यतां ब्रह्मिर्बालिति सर्वकम् ॥७॥

विषितं ते वस्तिबिलं समुद्रस्योदधेरिव ।
एवा ते मूत्रं मुच्यतां ब्रह्मिर्बालिति सर्वकम् ॥८॥

यथेषुका पुरापतदवसृष्टाधि धन्वनः ।
एवा ते मूत्रं मुच्यतां बहिर्बालिति सर्वकम् ॥६॥

(४) चतुर्थं सूक्तम्

(१-४) चतुर्ऋचस्यास्य सूक्तस्य सिन्धुद्वीप ऋषिः । अपानपात् सोम आपश्च देवताः ।

(१-३) प्रथमादितृषस्य गायत्री (४) चतुर्थ्या ऋचश्च पुरस्ताद्बृहती छन्दः
अम्बयौ यन्त्यध्वभिर्जामयौ अध्वरीयताम् ।
पृञ्चतीर्मधुना पर्यः ॥१॥

अमूर्या उप सूर्ये याभिर्वा सूर्यः सह ।
ता नो हिन्वन्त्वध्वरम् ॥२॥

अपो देवीरुपं ह्वये यत्र गावः पिबन्ति नः ।
सिन्धुभ्यः कर्त्वं हविः ॥३॥

अप्स्वश्रुन्तरमृतमप्सु भेषजम् ।
अपामुत प्रशस्तिभिरश्वा भवथ वाजिनो गावो भवथ वाजिनीः ॥४॥

(५) पञ्चमं सूक्तम्

(१-४) चतुर्ऋचस्यास्य सूक्तस्य सिन्धुद्वीप ऋषिः । अपानपात् सोम आपश्च देवताः ।
गायत्री छन्दः

आपो हि ष्ठा मयोभुवस्ता न ऊर्जे दधातन ।
महे रणाय चक्षसे ॥१॥

यो वः शिवतमो रसस्तस्य भाजयतेह नः ।
उशतीरिव मातरः ॥२॥

तस्मा अरं गमाम वो यस्य क्षयाय जिन्वथ ।
आपो जनयथा च नः ॥३॥

ईशाना वार्याणां क्षयन्तीश्चर्षणीनाम् ।
अपो यांचामि भेषजम् ॥४॥

(६) षष्ठं सूक्तम्

(१-४) चतुर्ऋचस्यास्य सूक्तस्य सिन्धुद्वीपोऽथर्वा वा ऋषिः । अपानपात् सोम आपश्च देवताः । (१-३) प्रथमादितृचस्य गायत्री (४) चतुर्थ्या ऋचश्च पथ्यापङ्क्तिश्छन्दसी शं नो देवीरभिष्टयु आपो भवन्तु पीतये ।
शं योरभि स्रवन्तु नः ॥१॥

अप्सु मे सोमो अब्रवीदन्तर्विश्वानि भेषजा ।
अग्निं च विश्वशंभुवम् ॥२॥

आपः पृणीत भेषजं वरूथं तन्वेरु मम ।
ज्योक्च सूर्यं दृशे ॥३॥

शं न आपो धन्वन्याः शमु सन्त्वनूप्याः ।
शं नः खनित्रिमा आपुः शमु याः कुम्भ आभृताः ।
शिवा नः सन्तु वार्षिकीः ॥४॥

(७) सप्तमं सूक्तम्

(१-७) सप्तर्चस्यास्य सूक्तस्य चातन ऋषिः । (१-२, ३, ४-७)
प्रथमाद्वितीययोर्ऋचोस्तृतीयापूर्वाद्धस्य
चतुर्थ्यादिचतसृणाञ्चाग्निः (३) तृतीयाया उत्तरार्धस्य चाग्नीन्द्रौ देवते । (१-४, ६-७)
प्रथमादिचतुर्ऋचां षष्ठीसप्तम्योश्चानुष्टुप् (५) पञ्चम्याश्च त्रिष्टुप् छन्दसी
स्तुवानमग्र आ वह यातुधानं किमीदिनम् ।
त्वं हि देव वन्दितो हुन्ता दस्योर्बभूविथ ॥१॥

आज्यस्य परमेष्ठिन्जातवेदस्तनूवशिन् ।
अग्रं तौलस्य प्राशान यातुधानान्वि लापय ॥२॥

वि लपन्तु यातुधानां अत्रिणो ये किमीदिनः ।
अथेदमग्ने नो हविरिन्द्रश्च प्रति हर्यतम् ॥३॥

अग्निः पूर्वं आ रभतां प्रेन्द्रो नुदतु बाहुमान् ।
ब्रवीतु सर्वो यातुमानयमस्मीत्येत्य ॥४॥

पश्याम ते वीर्यं जातवेदः प्र णो ब्रूहि यातुधानानृचक्षः ।
त्वया सर्वे परितप्ताः पुरस्तात् आ यन्तु प्रब्रुवाणा उपेदम् ॥५॥

आ रभस्व जातवेदोऽस्माकार्थाय जज्ञिषे ।
दूतो नो अग्ने भूत्वा यातुधानान्वि लापय ॥६॥

त्वमग्ने यातुधानानुपबद्धां इहा वह ।
अथैषामिन्द्रो वज्रेणापि शीर्षाणि वृश्चतु ॥७॥

(८) अष्टमं सूक्तम्

(१-४) चतुर्ऋचस्यास्य सूक्तस्य चातन ऋषिः । (१-२)

प्रथमाद्वितीययोर्ऋचोर्बृहस्पतिरग्नीषोमौ च (३-४)

तृतीयाचतुर्थयोश्चाग्निर्देवताः । (१-३) प्रथमादितृचस्यानुष्टुप् (४) चतुर्थ्याश्च
बार्हतगर्भा त्रिष्टुप् छन्दसी

इदं हविर्यातुधानान्नादी फेनमिव आ वहत् ।
य इदं स्त्री पुमानकरिह स स्तुवतां जनः ॥१॥

अयं स्तुवान् आगमदिमं स्म प्रति हर्यत ।
बृहस्पते वशे लब्ध्वाग्नीषोमा वि विध्यतम् ॥२॥

यातुधानस्य सोमप जृहि प्रजां नयस्व च ।
नि स्तुवानस्य पातय परमद्युतावरम् ॥३॥

यत्रैषामग्ने जनिमानि वेत्थ गुहां सतामत्रिणां जातवेदः ।

तांस्त्वं ब्रह्मणा वावृधानो जृह्ये षां शततर्हमग्ने ॥४॥

(९) नवमं सूक्तम्

(१-४) चतुर्ऋचस्यास्य सूक्तस्याथर्वा ऋषिः । (१-२)

प्रथमाद्वितीययोर्ऋचोरग्निपुरोगमा यस्यादयो

मन्त्रोक्ताः (३-४) तृतीयाचतुर्थ्योश्चाग्निर्देवताः । त्रिष्टुप् छन्दः

अस्मिन्वसु वसवो धारयन्त्वन्द्रः पूषा वरुणो मित्रो अग्निः ।
इममादित्या उत विश्वे च देवा उत्तरस्मिन्ज्योतिषि धारयन्तु ॥१॥

अस्य देवाः प्रदिशि ज्योतिरस्तु सूर्यो अग्निरुत वा हिरण्यम् ।
सपत्ना अस्मदधरे भवन्तूत्तमं नाकमधि रोहयेमम् ॥२॥

येनेन्द्राय समभरः पयांस्युत्तमेन ब्रह्मणा जातवेदः ।
तेन त्वमग्र इह वर्धयेमं सजातानां श्रेष्ठ्य आ धेह्येनम् ॥३॥

ऐषां यज्ञमुत वर्चो ददेऽहं रायस्पोषमुत चित्तान्यग्ने ।
सपत्ना अस्मदधरे भवन्तूत्तमं नाकमधि रोहयेमम् ॥४॥

(१०) दशमं सूक्तम्

(१-४) चतुर्ऋचस्यास्य सूक्तस्याथर्वा ऋषिः । (१) प्रथमर्चोऽसुरः

(२-४) द्वितीयादितृचस्य च वरुणो देवते । (१-२) प्रथमाद्वितीययोस्त्रिष्टुप् (३)

तृतीयायाः ककुम्मत्यनुष्टुप् (४) चतुर्थ्याश्चानुष्टुप् छन्दांसि

अयं देवानामसुरो वि राजति वशा हि सत्या वरुणस्य राज्ञः ।
तत्स्परि ब्रह्मणा शाशदान उग्रस्य मन्योरुदिमं नयामि ॥१॥

नमस्ते रजन्वरुणास्तु मन्यवे विश्वं ह्युग्र निचिकेषि दुग्धम् ।
सहस्रमन्यान् सुवामि साकं शतं जीवाति शरदस्तवायम् ॥२॥

यदुवक्थानृतमजिह्वया वृजिनं बहु ।
राज्ञस्त्वा सत्यधर्मणो मुञ्चामि वरुणादहम् ॥३॥

मुञ्चामि त्वा वैश्वानरादर्शुवान्महतस्परि ।
सजातानुग्रेहा वदु ब्रह्म चापं चिकीहि नः ॥४॥

(११) एकादशं सूक्तम्

(१-६) षड्चस्यास्य सूक्तस्याथर्वा ऋषिः । पूषादयो देवताः । (१) प्रथमर्चः पङ्क्तिः

(२) द्वितीयाया अनुष्टुप् (३) तृतीयायाश्चतुष्पदोष्णिग्गर्भा ककुम्मत्यनुष्टुप्

(४-६) चतुर्थ्यादितृचस्य च पथ्यापङ्क्तिश्छन्दांसि

वषट्ते पूषन्नस्मिन्सूतावर्यमा होता कृणोतु वेधाः ।
सिस्रतां नार्युतप्रजाता वि पर्वाणि जिहतां सूतवा उ ॥१॥

चतस्रो दिवः प्रदिशुश्चतस्रो भूम्या उत ।
देवा गर्भं समैरयन्तं व्यूर्णवन्तु सूतवे ॥२॥

सूषा व्यूर्णोतु वि योनिं हापयामसि ।
श्रथया सूषणे त्वमव त्वं बिष्कले सृज ॥३॥

नेवं मांसे न पीवसि नेवं मज्जस्वाहतम् ।
अवैतु पृश्नि शेवलं सुनें जराय्वत्तवेऽव जरायु पद्यताम् ॥४॥

वि तै भिनद्धि मेहनं वि योनिं वि गुवीनिके ।
वि मातरं च पुत्रं च वि कुमारं जरायुणावं जरायु पद्यताम् ॥५॥

यथा वातो यथा मनो यथा पतन्ति पक्षिणः ।
एवा त्वं दशमास्य साकं जरायुणा पतावं जरायु पद्यताम् ॥६॥

(१२) द्वादशं सूक्तम्

(१-४) चतुर्ऋचस्यास्य सूक्तस्य भृग्वङ्गिरा ऋषिः । यक्ष्मनाशनरूपोऽर्थो देवता ।

(१) प्रथमर्चो जगती (२-३) द्वितीयातृतीययोस्त्रिष्टुप् (४) चतुर्थ्याश्चानुष्टुप् छन्दांसि

जरायुजः प्रथम उस्त्रियो वृषा वार्तभ्रजा स्तनयन्नेति वृष्ट्या ।

स नो मृडाति तन्वृ ऋजुगो रुजन्य एकमोजस्त्रेधा विचक्रमे ॥१॥

अङ्गैरङ्गे शोचिषा शिश्रियाणं नमस्यन्तस्त्वा हविषा विधेम ।
अङ्कान्तसमङ्कान्हविषा विधेम यो अग्रभीत्पर्वास्या ग्रभीता ॥२॥

मुञ्च शीर्षक्त्या उत कास एनं परुष्परुराविवेशा यो अस्य ।
यो अभ्रजा वातजा यश्च शुष्मो वनस्पतीन्त्सचतां पर्वतांश्च ॥३॥

शं मे परस्मै गात्राय शमस्त्ववराय मे ।
शं मे चतुर्भ्यो अङ्गैर्भ्यः शमस्तु तन्वेरे मम ॥४॥

(१३) त्रयोदशं सूक्तम्

(१-४) चतुर्ऋचस्यास्य सूक्तस्य भृगवङ्गिरा ऋषिः । विद्युदेवता ।

(१-२) प्रथमाद्वितीययोर्ऋचोरनुष्टुप् (३) तृतीयायाश्चतुष्पाद्विराड् जगती

(४) चतुर्थ्याश्च त्रिष्टुप्परा बृहतीगर्भा पङ्क्तिश्छन्दांसि

नमस्ते अस्तु विद्युते नमस्ते स्तनयित्तवै ।
नमस्ते अस्त्वशमने येना दूडाशे अस्यसि ॥१॥

नमस्ते प्रवतो नपाद्यतस्तपः समूहसि ।
मृडया नस्तनूभ्यो मयस्तोकेभ्यस्कृधि ॥२॥

प्रवतो नपान्नम एवास्तु तुभ्यं नमस्ते हेतये तपुषे च कृणमः ।
विद्य ते धाम परमं गुहा यत्समुद्रे अन्तर्निहितासि नाभिः ॥३॥

यां त्वा देवा असृजन्त विश्व इषुं कृणवाना असनाय धृष्णुम् ।
सा नो मृड विदथै गृणाना तस्यै ते नमो अस्तु देवि ॥४॥

(१४) चतुर्दशं सूक्तम्

(१-४) चतुर्ऋचस्यास्य सूक्तस्य भृगवङ्गिरा ऋषिः । वरुणो यमो वा देवता ।

(१) प्रथमर्चः ककुम्मत्यनुष्टुप् (२, ४) द्वितीयाचतुर्थ्योरनुष्टुप्

(३) तृतीयायाश्च चतुष्पाद्विराडनुष्टुप् छन्दांसि

भगमस्या वर्च आदिष्यधि वृक्षादिव स्रजम् ।

महाबुध इव पर्वतो ज्योक्पितृष्वास्ताम् ॥१॥

एषा तै राजन्कन्या वृधूर्नि धूयताम्यम ।
सा मातुर्बध्यतां गृहेऽथो भ्रातुरथो पितुः ॥२॥

एषा तै कुलपा राजन्तामु ते परि दद्यसि ।
ज्योक्पितृष्वासाता आ शीर्ष्णः शमोप्यात् ॥३॥

असितस्य ते ब्रह्मणा कश्यपस्य गर्यस्य च ।
अन्तःकोशमिव जामयोऽपि नह्यामि ते भगम् ॥४॥

(१५) पञ्चदशं सूक्तम्

(१-४) चतुर्ऋचस्यास्य सूक्तस्याथर्वा ऋषिः । मन्त्रोक्ता देवताः । (१) प्रथमर्चो
भुरिग्वृहती (२) द्वितीयायाः पथ्यापङ्क्तिः (३-४) तृतीयाचतुर्थ्योश्चानुष्टुप् छन्दांसि
सं सं स्रवन्तु सिन्धवः सं वाताः सं पतत्रिणः ।
इमं यज्ञं प्रदिवो मे जुषन्तां संस्राव्येऽण हविषा जुहोमि ॥१॥

इहैव हवमा यात म इह संस्रावणा उतेमं वर्धयता गिरः ।
इहैतु सर्वो यः पशुरस्मिन्तिष्ठतु या रयिः ॥२॥

ये नदीनां संस्रवन्त्युत्सासुः सदमक्षिताः ।
तेभिर्मे सर्वैः संस्रावैर्धनं सं स्रावयामसि ॥३॥

ये सर्पिषः संस्रवन्ति क्षीरस्य चोदकस्य च ।
तेभिर्मे सर्वैः संस्रावैर्धनं सं स्रावयामसि ॥४॥

(१६) षोडशं सूक्तम्

(१-४) चतुर्ऋचस्यास्य सूक्तस्य चातन ऋषिः । मन्त्रोक्ता अग्नीन्द्रवरुणा देवताः ।
(१-३) प्रथमादितृचस्यानुष्टुप् (४) चतुर्थ्याश्च ककुम्मत्यनुष्टुप् छन्दसी
येऽमावास्याः रात्रिमुदस्थुर्वाजमत्रिणः ।

अग्निस्तुरीयो यातुहा सो अस्मभ्यमधि ब्रवत् ॥१॥

सीसायाध्याह वरुणः सीसायाग्निरुपावति ।
सीसं म इन्द्रः प्रायच्छत्तदङ्ग यातुचातनम् ॥२॥

इदं विष्कन्धं सहत इदं बाधते अत्रिणः ।
अनेन विश्वा ससहे या जातानि पिशाच्याः ॥३॥

यदि नो गां हंसि यद्यश्चं यदि पूरुषम् ।
तं त्वा सीसैन विध्यामो यथा नोऽसो अवीरहा ॥४॥

(१७) सप्तदशं सूक्तम्

(१-४) चतुर्ऋचस्यास्य सूक्तस्य ब्रह्मा ऋषिः । मन्त्रोक्ता लोहितवाससो योषितो देवताः

। (१) प्रथमर्चो भुरिगनुष्टुप् (२-३) द्वितीयातृतीययोरनुष्टुप्

(४) चतुर्थ्याश्च त्रिपदार्षी गायत्री छन्दांसि

अमूर्या यन्ति योषितो हिरा लोहितवाससः ।
अभ्रातर इव जामयस्तिष्ठन्तु हृतवर्चसः ॥१॥

तिष्ठावरे तिष्ठ पर उत त्वं तिष्ठ मध्यमे ।
कनिष्ठिका च तिष्ठति तिष्ठादिद्धमनिर्मही ॥२॥

शतस्य धुमनीनां सहस्रस्य हिराणाम् ।
अस्थुरिन्मध्यमा इमाः साकमन्ता अरंसत ॥३॥

परि वः सिकतावती धनूर्बृहत्यक्रमीत् ।
तिष्ठतेलयता सु कम् ॥४॥

(१८) अष्टादशं सूक्तम्

(१-४) चतुर्ऋचस्यास्य सूक्तस्य द्रविणोदा ऋषिः । विनायको देवता ।

(१) प्रथमर्च उपरिष्ठाद्विराड्बृहती (२) द्वितीयाया निचृजगती

(३) तृतीयाया विराडास्तारपङ्क्तिस्त्रिष्टुप् (४) चतुर्थ्याश्चानुष्टुप् छन्दांसि
निर्ल्दम्यं ललाम्यं निररातिं सुवामसि ।
अथ या भद्रा तानि नः प्रजाया अरातिं नयामसि ॥१॥

निररणिं सविता साविषक्पदोर्निर्हस्तयोर्वरुणो मित्रो अर्यमा ।
निरस्मभ्यमनुमती रराणा प्रेमां देवा असाविषुः सौभगाय ॥२॥

यत्त आत्मनि तन्वां घोरमस्ति यद्वा केशेषु प्रतिचक्षणे वा ।
सर्वं तद्वाचार्ष हन्मो वयं देवस्त्वा सविता सूदयतु ॥३॥

रिश्यपदीं वृषदतीं गोषेधां विधमामुत ।
विलीढ्यं ललाम्यं ता अस्मन्नाशयामसि ॥४॥

(१६) एकोनविंशं सूक्तम्

(१-४) चतुर्ऋचस्यास्य सूक्तस्य ब्रह्मा ऋषिः । (१) प्रथमर्च इन्द्रः

(२) द्वितीयाया मनुष्येषवः (३) तृतीयाया रुद्रः (४) चतुर्थ्याश्च विश्वे देवा देवताः ।

(१, ४) प्रथमाचतुर्थ्योरनुष्टुप् (२) द्वितीयायाः पुरस्ताद्बृहती

(३) तृतीयायाश्च पथ्यापङ्क्तिश्छन्दांसि ॥

मा नो विदन्विव्याधिनो मो अभिव्याधिनो विदन् ।
आराच्छरव्या अस्मद्विषूचीरिन्द्र पातय ॥१॥

विष्वञ्चो अस्मच्छरवः पतन्तु ये अस्ता ये चास्याः ।
दैवीर्मनुष्येसवो ममामित्रान्वि विध्यत ॥२॥

यो नः स्वो यो अरणः सजात उत निष्ट्यो यो अस्माँ अभिदासति ।
रुद्रः शरव्यं यैतान्ममामित्रान्वि विध्यतु ॥३॥

यः सपत्नो योऽसपत्नो यश्च द्विषच्छपाति नः ।
देवास्तं सर्वे धूर्वन्तु ब्रह्म वर्म ममान्तरम् ॥४॥

(२०) विंशं सूक्तम्

(१-४) चतुर्ऋचस्यास्य सूक्तस्याथर्वा ऋषिः । (१) प्रथमर्चः सोमो मरुतश्च
 (२) द्वितीयाया मित्रावरुणौ (३) तृतीयाया वरुणः (४) चतुर्थ्याश्चेन्द्रो देवताः ।
 (१) प्रथमायास्त्रिष्टुप् (२-४) द्वितीयादितृचस्य चानुष्टुप् छन्दसी
 अदारसृद्धवतु देव सोमास्मिन्यज्ञे मरुतो मृडता नः ।
 मा नो विददभिभा मो अशस्तिर्मा नो विदद्वृजिना द्वेष्या या ॥१॥

यो अद्य सेन्यो वधो ऽघायूनामुदीरते ।
 युवं तं मित्रावरुणावस्मद्वावयतं परि ॥२॥

इतश्च यदमुतश्च यद्वधं वरुण यावय ।
 वि महच्छर्म यच्छ वरीयो यावया वधम् ॥३॥

शास इत्था महां अस्यमित्रसाहो अस्तुतः ।
 न यस्य हन्यते सखा न जीयते कदा चन ॥४॥

(२१) एकविंशं सूक्तम्

(१-४) चतुर्ऋचस्यास्य सूक्तस्याथर्वा ऋषिः । इन्द्रो देवता । अनुष्टुप् छन्दः
 स्वस्तिदा विशां पतिर्वृत्रहा विमृधो वृशी ।
 वृषेन्द्रः पुर एतु नः सोमपा अभयंकरः ॥१॥

वि न इन्द्र मृधौ जहि नीचा यच्छ पृतन्यतः ।
 अधमं गमया तमो यो अस्माँ अभिदासति ॥२॥

वि रक्षो वि मृधौ जहि वि वृत्रस्य हनू रुज ।
 वि मन्युमिन्द्र वृत्रहन्नमित्रस्याभिदासतः ॥३॥

अपेन्द्र द्विषतो मनोऽपु जिज्यासतो वधम् ।
 वि महच्छर्म यच्छ वरीयो यावया वधम् ॥४॥

(२२) द्वाविंशं सूक्तम्

(१-४) चतुर्ऋचस्यास्य सूक्तस्य ब्रह्मा ऋषिः । सूर्यो हरिमा हद्रोगश्च देवताः ।

अनुष्टुप् छन्दः

अनु सूर्यमुदयतां हृदयोतो हरिमा च ते ।
गो रोहितस्य वर्णेन तेन त्वा परि दध्मसि ॥१॥

परि त्वा रोहितैर्वर्णैर्दीर्घायुत्वाय दध्मसि ।
यथायमरुपा असुदथो अहरितो भुवत् ॥२॥

या रोहिणीर्देवत्याः गावो या उत रोहिणीः ।
रूपंरूपं वयोवयस्ताभिष्ट्वा परि दध्मसि ॥३॥

शुकैषु ते हरिमाणं रोपणाकासु दध्मसि ।
अथो हारिद्रवेषु ते हरिमाणं नि दध्मसि ॥४॥

(२३) त्रयोविंशं सूक्तम्

(१-४) चतुर्ऋचस्यास्य सूक्तस्याथर्वा ऋषिः । असिक्नीवनस्पतिर्देवता ।

अनुष्टुप् छन्दः

नक्तंजातास्योषधे रामे कृष्णे असिक्नि च ।
इदं रजनि रजय किलासं पलितं च यत् ॥१॥

किलासं च पलितं च निरितो नाशया पृषत् ।
आ त्वा स्वो विंशतां वर्णः परा शुक्लानि पातय ॥२॥

असितं ते प्रलयनमास्थानमसितं तव ।
असिक्नी अस्योषधे निरितो नाशया पृषत् ॥३॥

अस्थिजस्य किलासस्य तनूजस्य च यत्त्वचि ।
दूस्या कृतस्य ब्रह्मणा लक्ष्मं श्वेतमनीनशम् ॥४॥

(२४) चतुर्विंशं सूक्तम्

(१-४) चतुर्ऋचस्यास्य सूक्तस्य ब्रह्मा ऋषिः । आसुरीवनस्पतिर्देवता ।
(१, ३-४) प्रथमातृतीयाचतुर्थीनामृचानुष्टुप् (२) द्वितीयायाश्च निचृत्पथ्यापङ्क्तिश्छन्दसी
सुपर्णी जातः प्रथमस्तस्य त्वं पित्तमांसिथ ।
तदासुरी युधा जिता रूपं चक्रे वनस्पतीन् ॥१॥

आसुरी चक्रे प्रथमेदं किलासभेषजमिदं किलासनाशनम् ।
अनीनशत्किलासं सरूपामकरत्त्वचम् ॥२॥

सरूपा नाम ते माता सरूपो नाम ते पिता ।
सरूपकृत्वमौषधे सा सरूपमिदं कृधि ॥३॥

श्यामा सरूपंकरणी पृथिव्या अद्ध्युद्धता ।
इदमू षु प्र साधय पुना रूपाणि कल्पय ॥४॥

(२५) पञ्चविंशं सूक्तम्

(१-४) चतुर्ऋचस्यास्य सूक्तस्य भृग्वङ्गिरा ऋषिः । यक्ष्मनाशनाग्निर्देवता ।
(१) प्रथमर्चस्त्रिष्टुप् (२-३) द्वितीयातृतीययोर्विराङ्गर्भा त्रिष्टुप्
(४) चतुर्थ्याश्च पुरोऽनुष्टुप् त्रिष्टुप् छन्दांसि
यद्गिरापो अदहत्प्रविश्य यत्राकृण्वन्धर्मधृतो नमांसि ।
तत्र त आहुः परमं जनित्रं स नः संविद्वान्परि वृङ्गिध तक्मन् ॥१॥

यद्यर्चिर्यदि वासिं शोचिः शकल्येषि यदि वा ते जनित्रम् ।
हूडुर्नामांसि हरितस्य देव स नः संविद्वान्परि वृङ्गिध तक्मन् ॥२॥

यदि शोको यदि वाभिशोको यदि वा राज्ञो वरुणस्यासि पुत्रः ।
हूडुर्नामांसि हरितस्य देव स नः संविद्वान्परि वृङ्गिध तक्मन् ॥३॥

नमः शीताय तक्मने नमो रूराय शोचिषे कृणोमि ।
यो अन्येद्युरुभयद्युरभ्येति तृतीयकाय नमो अस्तु तक्मने ॥४॥

(१६) षड्विंशं सूक्तम्

(१-४) चतुर्ऋचस्यास्य सूक्तस्य ब्रह्मा ऋषिः । इन्द्रादयो मन्त्रोक्ता देवताः ।

(१, ३) प्रथमातृतीययोर्ऋचोर्गायत्री (२) द्वितीयाया एकावसाना त्रिपदा त्रिष्टुप्

(४) चतुर्थ्याश्चैकावसाना पादनिचृद्गायत्री छन्दांसि

आरे३ऽसाव॒स्मद॑स्तु हे॒तिर्दे॑वासो असत् ।

आरे अश्मा॒ यमस्य॑थ ॥१॥

सखा॒साव॒स्मभ्य॑मस्तु रा॒तिः सखेन्द्रो॑ भगः ।

सवि॒ता चि॒त्ररा॑धाः ॥२॥

यू॒यम्रः॑ प्रवतो न॒पान्मरु॑तः सूर्य॒त्वच॑सः ।

शर्म॑ यछथ स॒प्रथाः॑ ॥३॥

सुषू॒दत॑ मृ॒डत॑ मृ॒डया॑ नस्त॒नूभ्यो॑ ।

मये॒स्तोके॑भ्य॒स्कृधि॑ ॥४॥

(२७) सप्तविंशं सूक्तम्

(१-४) चतुर्ऋचस्यास्य सूक्तस्याथर्वा ऋषिः । चन्द्रमा इन्द्राणी वा देवता ।

(१) प्रथमर्चः पथ्यापङ्क्तिः (२-४) द्वितीयादितृचस्य आनुष्टुप् छन्दसी

अ॒मूः पा॒रे पृ॒दाक्व॑स्त्रिष॒प्ता निर्ज॑रायवः ।

तासां॑ ज॒रार्यु॑भिर्व॒यम॑द्या॒वपि॑ व्ययामस्यघ्ना॒योः परि॑प॒न्थिनः॑ ॥१॥

विषू॒च्येतु॑ कृ॒न्तती॑ पिना॒कमि॑व॒ बिभ्र॑ती ।

विष्व॑क्पुन॒र्भुवा॑ मनोऽस॑मृ॒द्धा अघ्ना॑यवः ॥२॥

न ब॒हवः॑ सम॑श॒कन्ना॑र्भ॒का अ॒भि दा॑धृषुः ।

वे॒णोर॑द्गा॒ इवा॒भितो॑ऽस॑मृ॒द्धा अघ्ना॑यवः ॥३॥

प्रेतं॑ पादौ प्र स्फु॒रतं॑ वह॑तं पृ॒णतो॑ गृ॒हान् ।

इन्द्रा॑न्ये॒तु प्रथ॑माजी॒तामु॑षिता पुरः ॥४॥

(२८) अष्टाविंशं सूक्तम्

(१-४) चतुर्ऋचस्यास्य सूक्तस्य चातन ऋषिः ।

(१, २) प्रथमर्चो द्वितीयायाः पूर्वार्धस्य चाग्निः (२, ३-४) द्वितीयाया उत्तरार्धस्य
तृतीयाचतुर्थ्याश्च यातुधान्यो देवताः । (१-२) प्रथमाद्वितीययोरनुष्टुप्
(३) तृतीयाया विराट् पथ्याबृहती (४) चतुर्थ्याश्च पथ्यापङ्क्तिश्छन्दांसि
उप प्रागाद्देवो अग्नी रक्षोहामीवचातनः ।
दहन्नप द्वयाविनो यातुधानान्किमीदिनः ॥१॥

प्रति दह यातुधानान्प्रति देव किमीदिनः ।
प्रतीचीः कृष्णवर्तने सं दह यातुधान्यः ॥२॥

या शशाप शर्पनेन याघं मूरमादधे ।
या रसस्य हरणाय जातमरिभे लोकमत्तु सा ॥३॥

पुत्रमत्तु यातुधानीः स्वसारमुत नमचम् ।
अधा मिथो विकेश्योरे वि घृतां यातुधान्योरे वि तृह्यन्तामराय्यः ॥४॥

(२९) एकोनत्रिंशं सूक्तम्

(१-६) षडृचस्यास्य सूक्तस्य वसिष्ठ ऋषिः । ब्रह्मणस्पतिर्देवता । अनुष्टुप् छन्दः
अभिवर्तेन मणिना येनेन्द्रो अभिववृधे ।
तेनास्मान्ब्रह्मणस्पतेऽभि राष्ट्राय वर्धय ॥१॥

अभिवृत्य सपत्नानभि या नो अरातयः ।
अभि पृतन्यन्तं तिष्ठाभि यो नो दुरस्यति ॥२॥

अभि त्वा देवः संविताभि षोमो अवीवृधत् ।
अभि त्वा विश्वा भूतान्यभिवर्तो यथासंसि ॥३॥

अभिवर्तो अभिभवः सपत्नक्षयणो मणिः ।

राष्ट्राय मह्यं बध्यतां सपत्नैभ्यः पराभुवे ॥४॥

उदसौ सूर्यो अगादुदिदं मामकं वचः ।
यथाहं शत्रुहोऽसान्यसपत्नः सपत्नहा ॥५॥

सपत्नक्षयणो वृषाभिराष्ट्रो विषासहिः ।
यथाहमेषां वीराणां विराजानि जनस्य च ॥६॥

(३०) त्रिंशं सूक्तम्

(१-४) चतुर्ऋचस्यास्य सूक्तस्याथर्वा ऋषिः । विश्वे देवा देवताः । (१-२, ४)
प्रथमाद्वितीयाचतुर्थीनामृचां त्रिष्टुप् (३) तृतीयायाश्च शाक्वरगर्भा विराड् जगती छन्दसी
विश्वे देवा वसवो रक्षतेममुतादित्या जागृत यूयमस्मिन् ।
मेमं सनाभिरुत वान्यनाभिर्मेमं प्रापत्पौरुषेयो वृधो यः ॥१॥

ये वौ देवाः पितरो ये च पुत्राः सचेतसो मे शृणुतेदमुक्तम् ।
सर्वेभ्यो वः परि ददाम्येतं स्वस्त्येऽनं जरसे वहाथ ॥२॥

ये देवा दिवि ष्ट ये पृथिव्यां ये अन्तरिक्षे ओषधीषु पशुष्वप्स्वश्रुतः ।
ते कृणुत जरसमारुस्मै शतमन्यान्परि वृणक्तु मृत्यून् ॥३॥

येषां प्रयाजा उत वानुयाजा हुतभागा अहुतादश्च देवाः ।
येषां वः पञ्च प्रदिशो विभक्तास्तान्वौ अस्मै सत्रसदः कृणोमि ॥४॥

(३१) एकत्रिंशं सूक्तम्

(१-४) चतुर्ऋचस्यास्य सूक्तस्य ब्रह्मा ऋषिः । आशापाला वास्तोष्पतयश्च देवताः ।
(१-२) प्रथमाद्वितीययोर्ऋचोरनुष्टुप् (३) तृतीयाया विराट् त्रिष्टुप्
(४) चतुर्थ्याश्च परानुष्टुप् त्रिष्टुप् छन्दांसि
आशानामाशापालेभ्यश्चतुर्भ्यो अमृतैभ्यः ।
इदं भूतस्यार्ध्वन्नेभ्यो विधेम हविषा वयम् ॥१॥

य आशांनामाशापालाश्चत्वारु स्थनं देवाः ।
ते नो निऋत्याः पार्शेभ्यो मुञ्चतांहसोअंहसः ॥२॥

अस्रामस्त्वा हविषा यजाम्यश्लौणस्त्वा घृतेन जुहोमि ।
य आशांनामाशापालस्तुरीयो देवः स नः सुभूतमेह वक्षत् ॥३॥

स्वस्ति मात्र उत पित्रे नो अस्तु स्वस्ति गोभ्यो जगते पुरुषेभ्यः ।
विश्वं सुभूतम्सुविदत्रं नो अस्तु ज्योगेव दृशेम सूर्यम् ॥४॥

(३२) द्वात्रिंशं सूक्तम्

(१-४) चतुर्ऋचस्यास्य सूक्तस्य ब्रह्मा ऋषिः । द्यावापृथिव्यौ देवते । (१, ३-४)
प्रथमातृतीयाचतुर्थीनामृचामनुष्टुप् (२) द्वितीयायाश्च ककुम्मत्यनुष्टुप् छन्दसी
इदं जनासो विदथ महद्ब्रह्म वदिष्यति ।
न तत्पृथिव्यां नो दिवि येन प्राणन्ति वीरुधः ॥१॥

अन्तरिक्ष आसां स्थाम श्रान्तसदामिव ।
आस्थानमस्य भूतस्य विदुष्टद्वेषो न वा ॥२॥

यद्रोदसी रेजमाने भूमिश्च निरतक्षतम् ।
आर्द्रं तदद्य सर्वदा समुद्रस्यैव श्रोत्याः ॥३॥

विश्वमन्यामभीवारु तदन्यस्यामधि श्रितम् ।
दिवे च विश्ववेदसे पृथिव्यै चाकरं नमः ॥४॥

(३३) त्रयस्त्रिंशं सूक्तम्

(१-४) चतुर्ऋचस्यास्य सूक्तस्य शन्तातिर्ऋषिः । चन्द्रमा आपो वा देवताः ।
त्रिष्टुप् छन्दः
हिरण्यवर्णाः शुचयः पावका यासु जातः सविता यास्वग्निः ।
या अग्निं गर्भं दधिरे सुवर्णास्ता न आपः शं स्योना भवन्तु ॥१॥

यासां राजा वरुणो याति मध्ये सत्यानृते अ॒व॒पश्य॒न्जना॑नाम् ।
या अ॒ग्निं गर्भं॑ दधिरे सुवर्णास्ता न॒ आपः॑ शं स्यो॒ना भव॑न्तु ॥२॥

यासां देवा दिवि कृ॒णवन्ति॑ भु॒क्षं या अ॒न्तरि॑क्षे बहुधा भवन्ति ।
या अ॒ग्निं गर्भं॑ दधिरे सुवर्णास्ता न॒ आपः॑ शं स्यो॒ना भव॑न्तु ॥३॥

शिवेन॑ मा चक्षु॒षा पश्य॑तापः शिवया॑ त॒न्वोप॑ स्पृशत॒ त्वचं॑ मे ।
घृ॒तश्चु॒तः शुच॑यो याः पा॒व॒कास्ता॑ न॒ आपः॑ शं स्यो॒ना भव॑न्तु ॥४॥

(३४) चतुस्त्रिंशं सूक्तम्

(१-५) पञ्चर्चस्यास्य सूक्तस्याथर्वा ऋषिः । मधुवनस्पतिर्देवता । अनुष्टुप् छन्दः
इयं वी॒रुन्मधु॑जाता मधु॒ना त्वा खना॑मसि ।
मधो॒रधि॑ प्रजा॒तासि॑ सा नो मधु॑मतस्कृधि ॥१॥

जि॒ह्वाया॑ अग्रे मधु॑ मे जिह्वा॒मूले॑ म॒धूल॑कम् ।
ममेद॒ह क्र॑ता॒वसो॑ मर्म चि॒त्तमु॑पायसि ॥२॥

मधु॑मन्मे नि॒क्रम॑णं मधु॑मन्मे प॒राय॑णम् ।
वा॒चा वे॑दामि मधु॑म॒द्भूयासुं॑ मधु॑संदृशः ॥३॥

मधो॑रस्मि मधु॑तरो म॒दुघा॒न्मधु॑मत्तरः ।
मामि॒त्किल॒ त्वं वनाः॑ शाखां॒ मधु॑मतीमिव ॥४॥

परि॑ त्वा परि॒त॒तुने॒क्षुणा॑गामविद्विषे ।
यथा॑ मां का॒मि॒न्यसो॑ यथा॒ मन्ना॑प॒गा असः॑ ॥५॥

(३५) पञ्चत्रिंशं सूक्तम्

(१-४) चतुर्ऋचस्यास्य सूक्तस्याथर्वा ऋषिः । हिरण्यमिन्द्राग्नी विश्वे देवा वा देवताः
। (१-३) प्रथमादितृचस्य जगती (४) चतुर्थ्याश्चानुष्टुब्गर्भा चतुष्पदा त्रिष्टुप् छन्दसी
यदाब॑ध्नन्दाक्षा॒य॒णा हिर॑ण्यं श॒तानी॑काय सुम॒न॒स्यमा॑नाः ।

तत्ते बद्नाम्यायुषे वर्चसे बलाय दीर्घायुत्वाय शतशारदाय ॥१॥
 नैनं रक्षांसि न पिशाचाः सहन्ते देवानामोजः प्रथमजं ह्येइतत् ।
 यो बिभर्ति दाक्षायणं हिरण्यं स जीवेषु कृणुते दीर्घमायुः ॥२॥

अपां तेजो ज्योतिरोजो बलं च वनस्पतीनामुत वीर्याणि ।
 इन्द्र इवेन्द्रियाण्यधि धारयामो अस्मिन्तदक्षमाणो बिभरद्विरण्यम् ॥३॥

समानां मासामृतुभिष्ट्वा वृयं संवत्सरस्य पयसा पिपर्मि ।
 इन्द्राग्नी विश्वे देवास्तेऽनु मन्यन्तामहणीयमानाः ॥४॥

इति प्रथमं कारण्डं समाप्तम् ॥

(२) अथ द्वितीयं काण्डम्

(१) प्रथमं सूक्तम्

(१-५) पञ्चर्चस्यास्य सूक्तस्य वेन ऋषिः । ब्रह्मात्मा देवता । (१-२, ४-५)
प्रथमाद्वितीयाचतुर्थीपञ्चमीनामृचां त्रिष्टुप् (३) तृतीयायाश्च जगती छन्दसी

वेनस्तत्पश्यत्परमं गुहा यद्यत्र विश्वं भवत्येकरूपम् ।
इदं पृश्निरदुहत्तयमानाः स्वर्विदौ अभ्यनूषत् व्राः ॥१॥

प्र तद्वैचेदमृतस्य विद्वान्गन्धर्वो धाम परमं गुहा यत् ।
त्रीणि पदानि निहिता गुहास्य यस्तानि वेद स पितुष्पितासत् ॥२॥

स नः पिता जनिता स उत बन्धुर्धामानि वेद भुवनानि विश्वा ।
यो देवानां नामध एक एव तं संप्रश्नं भुवना यन्ति सर्वा ॥३॥

परि द्यावापृथिवी सुद्य आयमुपातिष्ठे प्रथमजामृतस्य ।
वाचमिव वृक्तरि भुवनेष्ठा धास्युरेष नन्वेऽेषो अग्निः ॥४॥

परि विश्वा भुवनान्यायमृतस्य तन्तुं वित्तं दृशे कम् ।
यत्र देवा अमृतमानशानाः समाने योनावध्यैरयन्त ॥५॥

(२) द्वितीयं सूक्तम्

(१-५) पञ्चर्चस्यास्य सूक्तस्य मातृनामा ऋषिः । गन्धर्वाप्सरसो देवताः ।

(१) प्रथमर्चो विराड् जगती (२-३) द्वितीयातृतीययोस्त्रिष्टुप्

(४) चतुर्थ्या विराड्गायत्री (५) पञ्चम्याश्च भुरिगनुष्टुप् छन्दांसि

दिव्यो गन्धर्वो भुवनस्य यस्पतिरेक एव नमस्यो विद्वीड्यः ।
तं त्वा यौमि ब्रह्मणा दिव्य देव नमस्ते अस्तु दिवि तै सुधस्थम् ॥१॥

दिवि स्पृष्टो यजतः सूर्यत्वगवयाता हरसो दैव्यस्य ।
मृडाङ्गन्धर्वो भुवनस्य यस्पतिरेक एव नमस्यः सुशेवाः ॥२॥

अन॒व॒द्याभिः॑ समु॑ जग्म आ॒भिर॒प्स॒रास्व॒पि गन्ध॒र्व आ॑सीत् ।
समु॒द्र आ॑सां॒ स॒दनं॑ म आ॒हुर्य॑तः स॒द्य आ च॒ परां च॒ यन्ति॑ ॥३॥

अ॒ध्रिये॑ दि॒द्युन्न॑क्ष॒त्रिये॑ या वि॒श्वाव॑सुं गन्ध॒र्व स॑र्च॒ध्वे ।
ताभ्यो॑ वो दे॒वीर्न॑म॒ इत्कृ॑णोमि ॥४॥

याः क्ल॒न्दास्त॑मि॒षीच॑योऽक्ष॒कामा॑ मनो॒मुहः॑ ।
ताभ्यो॑ गन्ध॒र्वप॑तीभ्योऽप्स॒राभ्योऽक॑रं॒ नमः॑ ॥५॥

(३) तृतीयं सूक्तम्

(१-६) षडृचस्यास्य सूक्तस्याङ्गिरा ऋषिः । भैषज्यायुर्धन्वन्तरयो देवताः ।
प्रथमादिपञ्चार्चामनुष्टुप् (६) षष्ठ्याश्च त्रिपात् स्वराड् उपरिष्टान्महाबृहती छन्दसी
अ॒दो यद॑व॒धाव॑त्यव॒त्कम॑धि॒ पर्व॑तात् ।
तत्तै॑ कृ॒णोमि॑ भेष॒जं सु॑भेष॒जं यथा॑स॒सि ॥१॥

आ॒दु॒ङ्गा कु॑वि॒दु॒ङ्ग श॑तं या भैष॒जानि॑ ते ।
तेषा॑म॒सि त्वमु॑त्त॒मम॑नास्त्रा॒वम॑रौ॒गण॑म् ॥२॥

नी॒चैः ख॑न॒न्त्यसु॑रा अ॒रु॒स्त्राण॑मि॒दं म॒हत् ।
तदा॑स्त्रा॒वस्य॑ भेष॒जं तदु॑ रोग॑मनी॒नश॑त् ॥३॥

उ॒प॒जीका॑ उ॒द्धर॑न्ति॒ समु॒द्राद॑धि॒ भेष॒जम् ।
तदा॑स्त्रा॒वस्य॑ भेष॒जं तदु॑ रोग॑मशी॒शम॑त् ॥४॥

अ॒रु॒स्त्राण॑मि॒दं म॒हत्पृ॑थि॒व्या अ॒ध्यु॒द्ध॑तम् ।
तदा॑स्त्रा॒वस्य॑ भेष॒जं तदु॑ रोग॑मनी॒नश॑त् ॥५॥

शं नो॑ भव॒न्त्वप॑ ओष॒धयः॑ शि॒वाः ।
इन्द्र॑स्य॒ वज्रो॑ अप॑ हन्तु र॒क्षस॑ आ॒राद्वि॑सृ॒ष्टा इ॑ष॒वः प॑तन्तु र॒क्षसा॑म् ॥६॥

(४) चतुर्थं सूक्तम्

(१-६) षडृचस्यास्य सूक्तस्याथर्वा ऋषिः । चन्द्रमा जङ्गिडो वा देवता ।

(१) प्रथमर्चो विराट् प्रस्तारपङ्क्तिः (२-६) द्वितीयादिपञ्चानाञ्चानुष्टुप् छन्दसी
दीर्घायुत्वाय बृहत् रणायारिष्यन्तो दक्षमाणाः सदैव ।
मृशिं विष्कन्धदूषणं जङ्गिडं बिभृमो वयम् ॥१॥

जङ्गिडो जम्भाद्विश्राद्विष्कन्धादभिश्चोचनात् ।
मृशिः सहस्रवीर्यः परिणः पातु विश्वतः ॥२॥

अयं विष्कन्धं सहतेऽयं बाधते अत्रिणः ।
अयं नो विश्वभैषजो जङ्गिडः पात्वंहसः ॥३॥

देवैर्दत्तेन मृशिना जङ्गिडेन मयोभुवा ।
विष्कन्धं सर्वा रक्षांसि व्यायामे सहामहे ॥४॥

शृणश्च मा जङ्गिडश्च विष्कन्धादभि रक्षताम् ।
अरणयादन्य आभृतः कृष्या अन्यो रसेभ्यः ॥५॥

कृत्यादूषिरयं मृशिरथो अरातिदूषिः ।
अथो सहस्वान्जङ्गिडः प्रण आयुषि तारिषत् ॥६॥

(५) पञ्चमं सूक्तम्

(१-७) सप्तर्चस्यास्य सूक्तस्याथर्वणो भृगुर्ऋषिः । इन्द्रो देवता ।

(१) प्रथमर्चो निचृदुपरिष्ठाद्बृहती (२) द्वितीयाया विराडुपरिष्ठाद्बृहती

(३) तृतीयाया विराट् पथ्याबृहती (४) चतुर्थ्या पुरोविराड् जगती

(५-७) पञ्चम्यादितृचस्य च त्रिष्टुप् छन्दांसि

इन्द्रं जुषस्व प्र वृहा याहि शूर हरिभ्याम् ।
पिबा सुतस्य मतेरिह मधौश्चकानश्चारुर्मदाय ॥१॥

इन्द्रं जठरं नव्यो न पृणस्व मधोर्दिवो न ।
अस्य सुतस्य स्वर्शुर्णोप त्वा मदाः सुवाचो अगुः ॥२॥

इन्द्रस्तुराषाणिमत्रो वृत्रं यो जघान यतीर्न ।
बिभेद वलं भृगुर्न सैसहे शत्रून्मदे सोमस्य ॥३॥

आ त्वा विशन्तु सुतास इन्द्र पृणस्व कुक्षी विद्धि शक्र धियेह्या नः ।
श्रुधी हवं गिरौ मे जुषस्वेन्द्र स्वयुग्भिर्मत्स्वेह महे रणाय ॥४॥

इन्द्रस्य नु प्र वौचं वीर्याणि यानि चकार प्रथमानि वज्री ।
अहन्नहिमन्वपस्तर्द प्र वक्षणा अभिनत्पर्वतानाम् ॥५॥

अहन्नहिं पर्वते शिश्रियाणं त्वष्टास्मै वज्रं स्वर्यं ततक्ष ।
वाश्रा इव धेनवः स्यन्दमाना अज्जः समुद्रमव जग्मुरापः ॥६॥

वृषायमाणो अवृणीत् सोमं त्रिकद्रुकेष्वपिबत्सुतस्य ।
आ सायकं मघवादत्त वज्रमहन्नेनं प्रथमजामहीनाम् ॥७॥

(६) षष्ठं सूक्तम्

(१-५) पञ्चर्चस्यास्य सूक्तस्य शौनक ऋषिः । अग्निर्देवता । (१-३) प्रथमादितृचस्य
त्रिष्टुप् (४) चतुर्थ्याश्चतुष्पदार्षी पङ्क्तिः (५) पञ्चम्याश्च विराट् प्रस्तारपङ्क्तिश्छन्दांसि
समास्त्वाम् ऋतवो वर्धयन्तु संवत्सरा ऋषयो यानि सत्या ।
सं दिव्येन दीदिहि रोचनेन विश्वा आ भाहि प्रदिशश्चतस्रः ॥१॥

सं चेध्यस्वाम्ने प्र च वर्धयेममुच्चं तिष्ठ महते सौभगाय ।
मा तै रिषन्नुपसत्तारो अग्ने ब्रह्माणस्ते यशसः सन्तु मान्ये ॥२॥

त्वामग्ने वृणते ब्राह्मणा इमे शिवो अग्ने संवरणे भवा नः ।
सपत्नहाग्ने अभिमातिजिद्ध्वस्वे गये जागृह्यप्रयुछन् ॥३॥

क्षत्रेणाग्ने स्वेन सं रभस्व मित्रेणाग्ने मित्रधा यतस्व ।
सजातानां मध्यमेष्टा राज्ञामग्ने विहव्यौ दीदिहीह ॥४॥

अति निहो अति सृधोऽत्यचित्तीरति द्विषः ।
विश्वा ह्यग्ने दुरिता तर् त्वमथास्मभ्यं सहवीरं रुयिं दाः ॥५॥

(७) सप्तमं सूक्तम्

(१-५) पञ्चर्चस्यास्य सूक्तस्याथर्वा ऋषिः । भैषज्यायुर्वनस्पतयो देवताः ।

(१) प्रथमर्चो भुरिगनुष्टुप् (२-३, ५) द्वितीयातृतीयापञ्चमीनामनुष्टुप्

(४) चतुर्थ्याश्च विराडुपरिष्ठाद्बृहती छन्दांसि

अघद्विष्ठा देवजाता वीरुच्छपथयोपनी ।
आपो मलमिव प्राणैक्षीत्सर्वान्मच्छपथाँ अधि ॥१॥

यश्च सापुत्रः शपथो जाम्याः शपथश्च यः ।
ब्रह्मा यन्मन्युतः शपात्सर्वं तन्नो अधस्पदम् ॥२॥

दिवो मूलमवततं पृथिव्या अध्युत्ततम् ।
तेन सहस्रकारडेन परि णः पाहि विश्वतः ॥३॥

परि मां परि मे प्रजां परि णः पाहि यद्धनम् ।
अरातिर्नो मा तारीन्मा नस्तारिशुरभिमातयः ॥४॥

शप्तरमेतु शपथो यः सुहार्त्तेन नः सह ।
चक्षुर्मन्त्रस्य दुर्हार्दः पृष्टीरपि शृणीमसि ॥५॥

(८) अष्टमं सूक्तम्

(१-५) पञ्चर्चस्यास्य सूक्तस्य भृग्वङ्गिरा ऋषिः । वनस्पतिर्यद्धमनाशनञ्च देवते ।

(१-२) प्रथमाद्वितीययोरनुष्टुप् (३) तृतीयायाः पथ्यापङ्क्तिः

(४) चतुर्थ्या विराडनुष्टुप् (५) पञ्चम्याश्च निचृत्पथ्यापङ्क्तिश्छन्दांसि

उदगातां भगवती विचृतौ नाम तारके ।

वि क्षेत्रियस्य मुञ्चतामधुमं पाशमुत्तमम् ॥१॥

अपेयं रात्र्युच्छत्वपोछन्त्वभिकृत्वरीः ।
वीरुत्क्षेत्रियनाशन्यप क्षेत्रियमुछतु ॥२॥

बभ्रोरर्जुनकारणस्य यवस्य ते पलाल्या तिलस्य तिलपिञ्जया ।
वीरुत्क्षेत्रियनाशन्यप क्षेत्रियमुछतु ॥३॥

नमस्ते लाङ्गलेभ्यो नम ईषायुगेभ्यः ।
वीरुत्क्षेत्रियनाशन्यप क्षेत्रियमुछतु ॥४॥

नमः सनिस्त्रसाक्षेभ्यो नमः संदेश्येभ्यः ।
नमः क्षेत्रस्य पतये वीरुत्क्षेत्रियनाशन्यप क्षेत्रियमुछतु ॥५॥

(६) नवमं सूक्तम्

(१-५) पञ्चर्चस्यास्य सूक्तस्य भृग्वङ्गिरा ऋषिः । यक्ष्मनाशनो वनस्पतिर्देवता ।

(१) प्रथमर्चो विराट् प्रस्तारपङ्क्तिः (२-५) द्वितीयादिचतसृणाञ्चानुष्टुप् छन्दसी
दशवृक्ष मुञ्चेमं रक्षसो ग्राह्या अधि यैनं जग्राह पर्वसु ।
अथो एनम्वनस्पते जीवानां लोकमुन्नय ॥१॥

आगादुदगादयं जीवानां व्रातमर्ष्यगात् ।
अभूदु पुत्राणां पिता नृणां च भगवत्तमः ॥२॥

अधीतीरर्ध्यगादयमधि जीवपुरा अंगान् ।
शतं ह्यस्य भिषजः सहस्रमुत वीरुधः ॥३॥

देवास्तै चीतिमविदन्ब्रह्माणं उत वीरुधः ।
चीतिं ते विश्वै देवा अविदन्भूम्यामधि ॥४॥

यश्चकार स निष्करत्स एव सुभिषक्तमः ।

स एव तुभ्यं भेषजानि कृणवद्भिषजा शुचिः ॥५॥

(१०) दशमं सूक्तम्

(१-८) अष्टर्चस्यास्य सूक्तस्यस् भृग्वङ्गिरा ऋषिः । (१) प्रथमर्चो ब्रह्मणा सह

निर्ऋतिः (२-८) द्वितीयादिसप्तानाञ्च द्यावापृथिव्यौ तत्रापि

(२) द्वितीयायाः पूर्वपादस्याद्भिः सहाग्निः उत्तरस्य च ओषधिभिः सह सोमः

(३) तृतीयायाः पूर्वपादस्य वात उत्तरस्य च चतस्रो दिशः

(४-८) चतुर्थ्यादिपञ्चानाञ्च वातपत्न्यः सूर्यो यक्ष्मा निर्ऋतिप्रसृतयश्च देवताः ।

(१) प्रथमायास्त्रिष्टुप् (२) द्वितीयायाः सप्तपादष्टिः (३-५, ७-८) तृतीयादितृचस्य

सप्तम्यष्टम्योश्च सप्तपदा धृतिः (६) षष्ठ्याश्च सप्तपदात्यष्टिश्छन्दांसि ॥

क्षेत्रियात्वा निर्ऋत्या जामिशंसाद्द्रुहो मुञ्चामि वरुणस्य पाशात् ।

अनागसं ब्रह्मणा त्वा कृणोमि शिवे ते द्यावापृथिवी उभे स्ताम् ॥१॥

शं ते अग्निः सहाद्भिरस्तु शं सोमः सहौषधीभिः ।

एवाहं त्वां क्षेत्रियान्निर्ऋत्या जामिशंसाद्द्रुहो मुञ्चामि वरुणस्य पाशात् ।

अनागसं ब्रह्मणा त्वा कृणोमि शिवे ते द्यावापृथिवी उभे स्ताम् ॥२॥

शं ते वातौ अन्तरिक्षे वयो धाच्छं ते भवन्तु प्रदिशश्चतस्रः ।

एवाहं त्वां क्षेत्रियान्निर्ऋत्या जामिशंसाद्द्रुहो मुञ्चामि वरुणस्य पाशात् ।

अनागसं ब्रह्मणा त्वा कृणोमि शिवे ते द्यावापृथिवी उभे स्ताम् ॥३॥

इमा या देवीः प्रदिशश्चतस्रो वातपत्नीरभि सूर्यो विचष्टे ।

एवाहं त्वां क्षेत्रियान्निर्ऋत्या जामिशंसाद्द्रुहो मुञ्चामि वरुणस्य पाशात् ।

अनागसं ब्रह्मणा त्वा कृणोमि शिवे ते द्यावापृथिवी उभे स्ताम् ॥४॥

तासु त्वान्तर्जरस्या दधामि प्र यक्ष्म एतु निर्ऋतिः पराचैः ।

एवाहं त्वां क्षेत्रियान्निर्ऋत्या जामिशंसाद्द्रुहो मुञ्चामि वरुणस्य पाशात् ।

अनागसं ब्रह्मणा त्वा कृणोमि शिवे ते द्यावापृथिवी उभे स्ताम् ॥५॥

अमुक्था यक्ष्माद्दुरितादवद्याद्द्रुहः पाशाद्ब्राह्म्याश्चोदमुक्थाः ।

एवाहं त्वां क्षेत्रियान्निर्ऋत्या जामिशंसाद्द्रुहो मुञ्चामि वरुणस्य पाशात् ।

अनागसं ब्रह्मणा त्वा कृणोमि शिवे ते द्यावापृथिवी उभे स्ताम् ॥६॥

अहा अरातिमविदः स्योनमप्यभूभद्रे सुकृतस्य लोके ।
एवाहं त्वां दैत्रियान्निर्ऋत्या जामिशंसाद्द्रुहो मुञ्चामि वरुणस्य पाशात् ।
अनागसं ब्रह्मणा त्वा कृणोमि शिवे ते द्यावापृथिवी उभे स्ताम् ॥७॥

सूर्यमृतं तमसो ग्राह्या अधि देवा मुञ्चन्तो असृजन्निरेणसः ।
एवाहमत्वां दैत्रियान्निर्ऋत्या जामिशंसाद्द्रुहो मुञ्चामि वरुणस्य पाशात् ।
अनागसं ब्रह्मणा त्वा कृणोमि शिवे ते द्यावापृथिवी उभे स्ताम् ॥८॥

(११) एकादशं सूक्तम्

(१-५) पञ्चस्यस्यास्य सूक्तस्य शुक्र ऋषिः । कृत्यादूषणं देवता ।

(१) प्रथमायाश्चतुष्पदा विराङ्गायत्री (२-५) द्वितीयादिचतसृणाञ्च त्रिपदा परोष्णिक
तत्रापि (४) चतुर्थ्याः पिपीलिकमध्या निचृच्छन्दांसि

दूष्या दूषिरसि हेत्या हेतिरसि मेन्या मेनिरसि ।
आप्नुहि श्रेयांसमतिं समं क्राम ॥१॥

स्रक्त्योऽसि प्रतिसरोऽसि प्रत्यभिचरणोऽसि ।
आप्नुहि श्रेयांसमतिं समं क्राम ॥२॥

प्रति तमभि चर योर्ऽस्मान्द्वेष्टि यं वयं द्विष्मः ।
आप्नुहि श्रेयांसमतिं समं क्राम ॥३॥

सूरिरसि वर्चोधा असि तनूपानोऽसि ।
आप्नुहि श्रेयांसमतिं समं क्राम ॥४॥

शुक्रोऽसि भ्राजोऽसि स्वऽरसि ज्योतिरसि ।
आप्नुहि श्रेयांसमतिं समं क्राम ॥५॥

(१२) द्वादशं सूक्तम्

(१-८) अष्टर्चस्यास्य सूक्तस्य भरद्वाज ऋषिः । द्यावापृथिव्यादिबह्वयो देवताः ।

(१, ३-६) प्रथमर्चसृतीयादिचतसृणाञ्च त्रिष्टुप् (२)

द्वितीयायाजगती (७-८) सप्तम्यष्टम्योश्चानुष्टुप् छन्दांसि

द्यावापृथिवी उर्वशुन्तरिक्षं क्षेत्रस्य पन्नचुरुगायोऽद्भुतः ।

उतान्तरिक्षमुरु वातगोपं त इह तप्यन्तां मयि तप्यमाने ॥१॥

इदं देवाः शृणुत ये यज्ञिया स्थ भरद्वाजो मह्यमुक्थानि शंसति ।

पाशे स बद्धो दुरिते नि युज्यतां यो अस्माकं मन इदं हिनस्ति ॥२॥

इदमिन्द्र शृणुहि सोमप यत्त्वा हृदा शोचता जोहवीमि ।

वृश्चामि तं कुलिशेनेव वृक्षं यो अस्माकं मन इदं हिनस्ति ॥३॥

अशीतिभिस्त्रिसृभिः सामगेभिरादित्येभिर्वसुभिरङ्गिरोभिः ।

इष्टापूर्तमवतु नः पितृणामामुं देदे हरसा दैव्येन ॥४॥

द्यावापृथिवी अनु मा दीधीथां विश्वे देवासो अनु मा रभध्वम् ।

अङ्गिरसः पितरः सोम्यासः पापमाछत्वपकामस्य कर्ता ॥५॥

अतीव यो मरुतो मन्यते नो ब्रह्म वा यो निन्दिषत्क्रियमाणम् ।

तपूषि तस्मै वृजिनानि सन्तु ब्रह्मद्विषं द्यौरभिसंतपाति ॥६॥

सप्त प्राणानुष्टौ मन्यस्तांस्ते वृश्चामि ब्रह्मणा ।

अया यमस्य सादनमग्निदूतो अरंकृतः ॥७॥

आ दधामि ते पुदं समिद्धे जातवैदसि ।

अग्निः शरीरं वेवेष्टुसुं वागपि गछतु ॥८॥

(१३) त्रयोदशं सूक्तम्

(१-५) पञ्चर्चस्यास्य सूक्तस्याथर्वा ऋषिः । अग्निर्विश्वे देवा वा देवताः । (१-३)

प्रथमादितृचस्य त्रिष्टुप् (४) चतुर्थ्या अनुष्टुप् (५) पञ्चम्याश्च विराड्जगती छन्दांसि
आयुर्दा अग्ने जुरसं वृणानो घृतप्रतीको घृतपृष्ठो अग्ने ।
घृतं पीत्वा मधु चारु गव्यं पितेव पुत्रानभि रक्षतादिमम् ॥१॥

परि धत्त धत्त नो वर्चसेममजरामृत्युं कृणुत दीर्घमायुः ।
बृहस्पतिः प्रायच्छद्वास एतत्सोमाय राज्ञे परिधातुवा उ ॥२॥

परीदं वासो अधिथाः स्वस्तयेऽभूर्गृष्टीनामभिशस्तिपा उ ।
शतं च जीवं शरदः पुरुची रायश्च पोषमुपसंव्ययस्व ॥३॥

एह्यश्मानमा तिष्ठाश्मा भवतु ते तनूः ।
कृणवन्तु विश्वे देवा आयुष्टे शरदः शतम् ॥४॥

यस्य ते वासः प्रथमवास्यं हारामस्तं त्वा विश्वेऽवन्तु देवाः ।
तं त्वा भ्रातरः सुवृधा वर्धमानमनु जायन्तां ब्रह्वः सुजातम् ॥५॥

(१४) चतुर्दशं सूक्तम्

(१-६) षडृचस्यास्य सूक्तस्य चातन ऋषिः । शालाग्रिर्मन्त्रोक्ता वा देवताः । (१, ३,
५-६) प्रथमातृतीयापञ्चमीषष्टीनामृचामनुष्टुप् (२) द्वितीयाया भुरिगनुष्टुप्
(४) चतुर्थ्याश्चोपरिष्ठाद्विराड्बृहती छन्दांसि

निःसालां धृष्णुं धिषणमेकवाद्यामर्जिघृत्स्वम् ।
सर्वाश्चण्डस्य नप्त्यो नाशयामः सदान्वाः ॥१॥

निर्वो गोष्ठादजामसि निरक्षान्निरुपानशात् ।
निर्वो मगुन्द्या दुहितरो गृहेभ्यश्चातयामहे ॥२॥

असौ यो अध्रारद्गहस्तत्र सन्त्वराय्यः ।
तत्र सेदिर्न्युच्यतु सर्वाश्च यातुधान्यः ॥३॥

भूतपतिर्निरजृत्विन्द्रश्चेतः सदान्वाः ।

गृहस्य बुध्ना आसीनास्ता इन्द्रो वज्रेणाधि तिष्ठतु ॥४॥

यदि स्थ द्यौत्रियाणां यदि वा पुरुषेषिताः ।
यदि स्थ दस्युभ्यो जाता नश्यतेतः सदान्वाः ॥५॥

परि धामान्यासामाशुर्गाष्ठामिवासरम् ।
अजैषु सर्वानाजीन्वो नश्यतेतः सदान्वाः ॥६॥

(१५) पञ्चदशं सूक्तम्

(१-६) षडृचस्यास्य सूक्तस्य ब्रह्मा ऋषिः । प्राणापानायूंषि देवताः ।
त्रिपाद्वायत्री छन्दः

यथा द्यौश्च पृथिवी च न बिभीतो न रिष्यतः ।
एवा मे प्राण मा बिभेः ॥१॥

यथाहश्च रात्री च न बिभीतो न रिष्यतः ।
एवा मे प्राण मा बिभेः ॥२॥

यथा सूर्यश्च चन्द्रश्च न बिभीतो न रिष्यतः ।
एवा मे प्राण मा बिभेः ॥३॥

यथा ब्रह्म च क्षत्रं च न बिभीतो न रिष्यतः ।
एवा मे प्राण मा बिभेः ॥४॥

यथा सत्यं चानृतं च न बिभीतो न रिष्यतः ।
एवा मे प्राण मा बिभेः ॥५॥

यथा भूतं च भव्यं च न बिभीतो न रिष्यतः ।
एवा मे प्राण मा बिभेः ॥६॥

(१६) षोडशं सूक्तम्

(१-५) पञ्चर्चस्यास्य सूक्तस्य ब्रह्मा ऋषिः । प्राणापानायूषि देवताः ।

(१, ३) प्रथमातृतीययोर्ऋचोरेकपदासुरी त्रिष्टुप् (२) द्वितीयाया एकपदासुर्युष्णिक्

(४-५) चतुर्थीपञ्चम्योश्च द्विपदासुरी गायत्री छन्दांसि

प्राणापानौ मृत्योर्मा पातं स्वाहा ॥१॥

द्यावापृथिवी उपश्रुत्या मा पातं स्वाहा ॥२॥

सूर्यं चक्षुषा मा पाहि स्वाहा ॥३॥

अग्ने वैश्वानर विश्वैर्मा देवैः पाहि स्वाहा ॥४॥

विश्वम्भर विश्वेन मा भरसा पाहि स्वाहा ॥५॥

(१७) सप्तदशं सूक्तम्

(१-७) सप्तर्चस्यास्य सूक्तस्य ब्रह्मा ऋषिः । प्राणापानायूषि देवताः ।

(१-६) प्रथमादिषडृचामेकपदासुरी त्रिष्टुप् (७) सप्तम्याश्चासुर्युष्णिक् छन्दसी
ओजोऽस्योजौ मे दाः स्वाहा ॥१॥

सहोसि सहो मे दाः स्वाहा ॥२॥

बलमसि बलं दाः स्वाहा ॥३॥

आयुरस्यायुर्मे दाः स्वाहा ॥४॥

श्रोत्रमसि श्रोत्रं मे दाः स्वाहा ॥५॥

चक्षुरसि चक्षुर्मे दाः स्वाहा ॥६॥

परिपाणमसि परिपाणं मे दाः स्वाहा ॥७॥

(१८) अष्टादशं सूक्तम्

(१-५) पञ्चर्चस्यास्य सूक्तस्य चातन ऋषिः । अग्निर्देवता ।

द्विपदा साम्नी बृहती छन्दः

भ्रातृव्यक्षर्यणमसि भ्रातृव्यचातनं मे दाः स्वाहा ॥१॥

सपत्नक्षर्यणमसि सपत्नचातनं मे दाः स्वाहा ॥२॥

अरायक्षर्यणमस्यरायचातनं मे दाः स्वाहा ॥३॥

पिशाचक्षर्यणमसि पिशाचचातनं मे दाः स्वाहा ॥४॥

सदान्वाक्षर्यणमसि सदान्वाचातनं मे दाः स्वाहा ॥५॥

(१९) एकोनविंशं सूक्तम्

(१-५) पञ्चर्चस्यास्य सूक्तस्याथर्वा ऋषिः । अग्निर्देवता । (१-४)

प्रथमादिचतसृणामेकावसाना निचृद्विषमा त्रिपदा गायत्री

(५) पञ्चम्याश्चैकावसाना भुरिग्विषमा त्रिपदा गायत्री छन्दसी

अग्ने यत्ते तपस्तेन तं प्रति तप योऽस्मान्द्वेष्टि यं वयं द्विष्मः ॥१॥

अग्ने यत्ते हरस्तेन तं प्रति हर योऽस्मान्द्वेष्टि यं वयं द्विष्मः ॥२॥

अग्ने यत्तेर्चिस्तेन तं प्रत्यर्च योऽस्मान्द्वेष्टि यं वयं द्विष्मः ॥३॥

अग्ने यत्ते शोचिस्तेन तं प्रति शोच योऽस्मान्द्वेष्टि यं वयं द्विष्मः ॥४॥

अग्ने यत्ते तेजस्तेन तमतेजसं कृणु योऽस्मान्द्वेष्टि यं वयं द्विष्मः ॥५॥

(२०) विंशं सूक्तम्

(१-५) पञ्चर्चस्यास्य सूक्तस्याथर्वा ऋषिः । (१-४) प्रथमादिचतसृणामृचामेकावसाना

निचृद्विषमा त्रिपदा गायत्री (५) पञ्चम्याश्चैकावसाना भुरिग्विषमा त्रिपदा गायत्री छन्दसी

वायो यत्ते तपस्तेन तं प्रति तप योऽस्मान्द्वेष्टि यं वयं द्विष्मः ॥१॥

वायो यत्ते हरस्तेन तं प्रति हर योऽस्मान्द्वेष्टि यं वयं द्विष्मः ॥२॥

वायो यत्तेऽर्चिस्तेन तं प्रत्यर्च योऽस्मान्द्वेष्टि यं वयं द्विष्मः ॥३॥

वायो यत्ते शोचिस्तेन तं प्रति शोच योऽस्मान्द्वेष्टि यं वयं द्विष्मः ॥४॥

वायो यत्ते तेजस्तेन तमतेजसं कृणु योऽस्मान्द्वेष्टि यं वयं द्विष्मः ॥५॥

(२१) एकविंशं सूक्तम्

(१-५) पञ्चर्चस्यास्य सूक्तस्याथर्वा ऋषिः । सूर्यो देवता ।

(१-४) प्रथमादिचतसृणामृचामेकावसाना निचृद्विषमा त्रिपदा गायत्री

(५) पञ्चम्याश्चैकावसाना भुरिग्विषमा त्रिपदा गायत्री छन्दसी

सूर्य यत्ते तपस्तेन तं प्रति तप योऽस्मान्द्वेष्टि यं वयं द्विष्मः ॥१॥

सूर्य यत्ते हरस्तेन तं प्रति हर योऽस्मान्द्वेष्टि यं वयं द्विष्मः ॥२॥

सूर्य यत्तेऽर्चिस्तेन तं प्रत्यर्च योऽस्मान्द्वेष्टि यं वयं द्विष्मः ॥३॥

सूर्य यत्ते शोचिस्तेन तं प्रति शोच योऽस्मान्द्वेष्टि यं वयं द्विष्मः ॥४॥

सूर्य यत्ते तेजस्तेन तमतेजसं कृणु योऽस्मान्द्वेष्टि यं वयं द्विष्मः ॥५॥

(२२) द्वाविंशं सूक्तम्

(१-५) पञ्चर्चस्यास्य सूक्तस्याथर्वा ऋषिः । चन्द्रमा देवता ।

(१-४) प्रथमादिचतसृणामृचामेकावसाना निचृद्विषमा त्रिपदा गायत्री

(५) पञ्चम्याश्चैकावसाना भुरिग्विषमा त्रिपदा गायत्री छन्दसी

चन्द्र यत्ते तपस्तेन तं प्रति तप योऽस्मान्द्वेष्टि यं वयं द्विष्मः ॥१॥

चन्द्र यत्ते हरस्तेन तं प्रति हर योऽस्मान्द्वेष्टि यं वयं द्विष्मः ॥२॥

चन्द्र यत्तेऽर्चिस्तेन तं प्रत्यर्च योऽस्मान्द्वेष्टि यं वयं द्विष्मः ॥३॥

चन्द्र यत्ते शोचिस्तेन तं प्रति शोच योऽस्मान्द्वेष्टि यं वयं द्विष्मः ॥४॥

चन्द्र यत्ते तेजस्तेन तमतेजसं कृणु योऽस्मान्द्वेष्टि यं वयं द्विष्मः ॥५॥

(२३) त्रयोविंशं सूक्तम्

(१-५) पञ्चर्चस्यास्य सूक्तस्याथर्वा ऋषिः । आपो देवताः ।

(१-४) प्रथमादिचतसृणामृचामेकावसाना समविषमा त्रिपदा गायत्री

(५) पञ्चम्याश्च स्वराडिवषमा त्रिपदा गायत्री छन्दसी

आपो यद्द्वस्तपस्तेन तं प्रति तपत् योऽस्मान्द्वेष्टि यं वयं द्विष्मः ॥१॥

आपो यद्दो हरस्तेन तं प्रति हरत् योऽस्मान्द्वेष्टि यं वयं द्विष्मः ॥२॥

आपो यद्दोऽर्चिस्तेन तं प्रत्यर्चत् योऽस्मान्द्वेष्टि यं वयं द्विष्मः ॥३॥

आपो यद्वः शोचिस्तेन तं प्रति शोचत् योऽस्मान्द्वेष्टि यं वयं द्विष्मः ॥४॥

आपो यद्द्वस्तेजस्तेन तमतेजसं कृणुत् योऽस्मान्द्वेष्टि यं वयं द्विष्मः ॥५॥

(२४) चतुर्विंशं सूक्तम्

(१-८) अष्टर्चस्यास्य सूक्तस्य ब्रह्मा ऋषिः । आयुर्देवता ।

(१-४) प्रथमादिचतसृणामृचां वैराजपरा पञ्चपदा पथ्यापङ्क्तिः तत्रापि

(१-२) प्रथमाद्वितीययोः भुरिक् पुर उष्णिक्

(३-४) तृतीयाचतुर्थ्योः निचृत् पुरोदेवत्या पङ्क्तिः (५) पञ्चम्याश्चतुष्पदा बृहती

(६-८) षष्ठ्यादितृचस्य च चतुष्पदा भुरिग्बृहती छन्दांसि ॥

शेर्वृधक् शेर्वृध पुनर्वो यन्तु यातवः पुनर्हेतिः किमीदिनः ।

यस्य स्थ तमत्तु यो वः प्राहैत्तमत्तु स्वा मांसान्यत्त ॥१॥

शेर्वृधक् शेर्वृध पुनर्वो यन्तु यातवः पुनर्हेतिः किमीदिनः ।

यस्य स्थ तमत्त यो वः प्राहैत्तमत्त स्वा मांसान्यत्त ॥२॥

म्रोकानुम्रोक् पुनर्वो यन्तु यातवः पुनर्हेतिः किमीदिनः ।
यस्य स्थ तमत्त यो वः प्राहैत्तमत्त स्वा मांसान्यत्त ॥३॥

सर्पानुसर्प पुनर्वो यन्तु यातवः पुनर्हेतिः किमीदिनः ।
यस्य स्थ तमत्त यो वः प्राहैत्तमत्त स्वा मांसान्यत्त ॥४॥

जूर्णि पुनर्वो यन्तु यातवः पुनर्हेतिः किमीदिनः ।
यस्य स्थ तमत्त यो वः प्राहैत्तमत्त स्वा मांसान्यत्त ॥५॥

उपब्दे पुनर्वो यन्तु यातवः पुनर्हेतिः किमीदिनः ।
यस्य स्थ तमत्त यो वः प्राहैत्तमत्त स्वा मांसान्यत्त ॥६॥

अर्जुनि पुनर्वो यन्तु यातवः पुनर्हेतिः किमीदिनः ।
यस्य स्थ तमत्त यो वः प्राहैत्तमत्त स्वा मांसान्यत्त ॥७॥

भरुंजि पुनर्वो यन्तु यातवः पुनर्हेतिः किमीदिनः ।
यस्य स्थ तमत्त यो वः प्राहैत्तमत्त स्वा मांसान्यत्त ॥८॥

(२५) पञ्चविंशं सूक्तम्

(१-५) पञ्चर्चस्यास्य सूक्तस्य चातन ऋषिः । पृश्निपर्योषधिर्देवता ।

(१-३, ५) प्रथमादितृचस्य पञ्चम्या ऋचश्चानुष्टुप् (४) चतुर्थ्याश्च भुरिगगनुष्टुप् छन्दसी
शं नो देवी पृश्निपर्यशं निऋत्या अकः ।

उग्रा हि कंरवजर्भनी तामभद्भि सहस्वतीम् ॥१॥

सहमानेयं प्रथमा पृश्निपर्यजायत ।
तयाहं दुर्गाम्नां शिरौ वृश्चामि शकुनैरिव ॥२॥

अरायमसृक्पावानं यश्च स्फातिं जिहीर्षति ।

गर्भादं कण्वं नाशय पृश्निपर्णि सहस्व च ॥३॥

गिरिमैनाँ आ वैशय कणवाञ्जीवितयोपनान् ।
तांस्त्वं देवि पृश्निपर्यग्रिर्विवानुदहन्निहि ॥४॥

परांच एनान्प्र शुद कणवाञ्जीवितयोपनान् ।
तमांसि यत्र गच्छन्ति तत्क्रव्यादौ अजीगमम् ॥५॥

(२६) षड्विंशं सूक्तम्

(१-५) पञ्चर्चस्यास्य सूक्तस्य सविता ऋषिः । पशवो देवताः ।

(१-२) प्रथमाद्वितीययोस्त्रिष्टुप् (३) तृतीयाया उपरिष्ठाद्विराड्बृहती

(४) चतुर्थ्या भुरिगनुष्टुप् (५) पञ्चम्याश्चानुष्टुप् छन्दांसि

एह यन्तु पशवो ये परियुर्वायुर्येषां सहचारं जुजोष ।
त्वष्टा येषां रूपधेयानि वेदास्मिन्तान्गोष्ठे सविता नि यच्छतु ॥१॥

इमं गोष्ठं पशवः सं स्रवन्तु बृहस्पतिरा नयतु प्रजानन् ।
सिनीवाली नयत्वाग्रमेषामाजग्मुषो अनुमते नि यच्छ ॥२॥

सं सं स्रवन्तु पशवः समश्वाः समु पूरुषाः ।
सं धान्यस्य या स्फातिः संस्राव्येण हविषा जुहोमि ॥३॥

सं सिञ्चामि गवां क्षीरं समाज्यैर्न बलं रसम् ।
संसिक्ता अस्माकं वीरा ध्रुवा गावो मयि गोपतौ ॥४॥

आ हरामि गवां क्षीरमार्हार्षं धान्यं रसम् ।
आहता अस्माकं वीरा आ पतीरिदमस्तकम् ॥५॥

(२७) सप्तविंशं सूक्तम्

(१-७) सप्तर्चस्यास्य सूक्तस्य कपिञ्जल ऋषिः । (१-५) प्रथमादिपञ्चर्चामोषधिः

(६) षष्ठ्या रुद्रः (७) सप्तम्याश्चेन्द्रो देवताः । अनुष्टुप् छन्दः

नेच्छत्रुः प्राशं जयाति सहमानाभिभूरसि ।
प्राशं प्रतिप्राशो जह्यरसान्कृणवोषधे ॥१॥

सुपर्णस्त्वान्वविन्दत्सूकरस्त्वाखनन्नसा ।
प्राशं प्रतिप्राशो जह्यरसान्कृणवोषधे ॥२॥

इन्द्रो ह चक्रे त्वा ब्राहावसुरेभ्य स्तरीतवे ।
प्राशं प्रतिप्राशो जह्यरसान्कृणवोषधे ॥३॥

पाटामिन्द्रो व्याशनादसुरेभ्य स्तरीतवे ।
प्राशं प्रतिप्राशो जह्यरसान्कृणवोषधे ॥४॥

तयाहं शत्रून्त्साल इन्द्रः सालावृकाँ इव ।
प्राशं प्रतिप्राशो जह्यरसान्कृणवोषधे ॥५॥

रुद्र जलाषभेषजु नीलशिखण्ड कर्मकृत् ।
प्राशं प्रतिप्राशो जह्यरसान्कृणवोषधे ॥६॥

तस्य प्राशं त्वं जहि यो न इन्द्राभिदासति ।
अधि नो ब्रूहि शक्तिभिः प्राशि मामुत्तरं कृधि ॥७॥

(२८) अष्टाविंशं सूक्तम्

(१-५) पञ्चर्चस्यास्य सूक्तस्य शम्भुर्ऋषिः । (१) प्रथमर्चो जरिमा आयुश्च

(२) द्वितीयाया मित्रावरुणौ (३) तृतीयाया जरिमा

(३-४) चतुर्थीपञ्चम्योर्द्यावापृथिव्यादय आयुश्च देवताः । (१) प्रथमाया

जगती (२-४) द्वितीयादितृचस्य त्रिष्टुप् (५) पञ्चम्याश्च भुरिक्त्रिष्टुप् छन्दांसि

तुभ्यमेव जरिमन्वर्धतामयं मेममन्ये मृत्यवो हिंसिषुः शतं ये ।

मातेव पुत्रं प्रमना उपस्थै मित्र एनं मित्रियात्पात्वंहसः ॥१॥

मित्र एनं वरुणो वा रिशादा जरामृत्युं कृणुतां संविदानौ ।

तदग्निर्होता वयुनानि विद्वान्विश्वा देवानां जनिमा विवक्ति ॥२॥

त्वमीशिषे पशूनां पार्थिवानां ये जाता उत वा ये जनित्राः ।
मेमं प्राणो हासीन्मो अपानो मेमं मित्रा वधिषुर्मो अमित्राः ॥३॥

द्यौष्ट्वा पिता पृथिवी माता जरामृत्युं कृणुतां संविदाने ।
यथा जीवा अदितेरुपस्थे प्राणापानाभ्यां गुपितः शतं हिमाः ॥४॥

इममग्ं आयुषे वर्चसे नय प्रियं रेतौ वरुण मित्र राजन् ।
मातेवास्मा अदिते शर्म यच्छ विश्वे देवा जरदष्टिर्यथासत् ॥५॥

(२६) एकोनत्रिंशं सूक्तम्

(१-७) सप्तर्चस्यास्य सूक्तस्याथर्वा ऋषिः । बह्व्यो देवताः । (१) प्रथमाया अनुष्टुप्

(२-३, ५-७) द्वितीयातृतीययोः पञ्चम्यादितृचस्य च त्रिष्टुप्

(४) चतुर्थ्याश्च पराबृहती निचृत्प्रस्तारपङ्क्तिश्छन्दांसि

पार्थिवस्य रसे देवा भर्गस्य तन्वोऽ् बले ।

आयुष्यमस्मा अग्निः सूर्यो वर्च आ धाद्बृहस्पतिः ॥१॥

आयुरस्मै धैहि जातवेदः प्रजां त्वष्टरधिनिधैह्यस्मै ।
रायस्पोषं सवितरा सुवास्मै शतं जीवाति शरदस्तवायम् ॥२॥

आशीर्ण ऊर्जमुत सौप्रजास्त्वं दक्षं धत्तं द्रविणं सचेतसौ ।
जयं क्षेत्राणि सहसायमिन्द्र कृणवानो अन्यानधरान्तसपत्नान् ॥३॥

इन्द्रेण दत्तो वरुणेन शिष्टो मरुद्भिरुग्रः प्रहितो न आगन् ।
एष वां द्यावापृथिवी उपस्थे मा क्षुधन्मा तृषत् ॥४॥

ऊर्जमस्मा ऊर्जस्वती धत्तं पयो अस्मै पयस्वती धत्तम् ।
ऊर्जमस्मै द्यावापृथिवी अधातां विश्वे देवा मरुत् ऊर्जमापः ॥५॥

शिवाभिष्टे हृदयं तर्पयाम्यनमीवो मौदिषीष्ठाः सुवर्चाः ।
सवासिनौ पिबतां मन्थमेतमश्विनौ रूपं परिधाय मायाम् ॥६॥

इन्द्र एतां संसृजे विद्धो अग्र ऊर्जा स्वधामजरां सा त एषा ।
तया त्वं जीव शरदः सुवर्चा मा त आ सुस्रोद्धिषजस्ते अक्रन् ॥७॥

(३०) त्रिंशं सूक्तम्

(१-५) पञ्चर्चस्यास्य सूक्तस्य प्रजापतिर्ऋषिः । अश्विनौ देवते ।

(१) प्रथमायाः पथ्यापङ्क्तिः (२, ४-५) द्वितीयाचतुर्थीपञ्चमीनामनुष्टुप्

(३) तृतीयायाश्च भुरिगनुष्टुप् छन्दांसि

यथेदं भूम्या अधि तृणं वातो मथायति ।

एवा मन्थामि ते मनो यथा मां कामिन्यसो यथा मन्नापंगा असः ॥१॥

सं चेन्नयाथो अश्विना कामिना सं च वक्षथः ।

सं वां भगांसो अगमत सं चित्तानि समु वृता ॥२॥

यत्सुपर्णा विवक्षवो अनमीवा विवक्षवः ।

तत्र मे गच्छताद्धवं शल्य इव कुल्मलं यथा ॥३॥

यदन्तरं तद्वाह्यं यद्वाह्यं तदन्तरम् ।

कन्यानां विश्वरूपाणां मनो गृभायौषधे ॥४॥

एयमगन्पतिकामा जनिकामोऽहमार्गमम् ।

अश्वः कनिक्रदद्यथा भगेनाहं सहागमम् ॥५॥

(३१) एकत्रिंशं सूक्तम्

(१-५) पञ्चर्चस्यास्य सूक्तस्य काण्व ऋषिः । मही चन्द्रमा वा देवता ।

(१) प्रथमाया अनुष्टुप् (२, ४) द्वितीयाचतुर्थ्योरुपरिष्ठाद्विराड्बृहती

(३, ५) तृतीयापञ्चम्योश्चार्षी त्रिष्टुप् छन्दांसि

इन्द्रस्य या मही दृषत्क्रिमेर्विश्वस्य तर्हणी ।

तया॑ पि॒नष्मि॒ सं क्रि॒मीन्दृ॒षदा॒ खल्वाँ॑ इव ॥१॥

दृ॒ष्टम॒दृष्ट॑म॒तृह॑म॒थौ कु॒रूरु॑म॒तृह॑म् ।
अ॒ल्गा॒रडू॒न्त्सवा॑न्छ॒लुना॒न्क्रि॒मीन्व॑च॒सा ज॑म्भयामसि ॥२॥

अ॒ल्गा॒रडू॒न्हन्मि॑ मह॒ता व॒धेन॑ दू॒ना अ॒दूना॑ अ॒रसा॑ अ॒भूवन् ।
शि॒ष्टान॑शि॒ष्टान्नि॑ ति॒रामि॑ वा॒चा यथा॑ क्रि॒मीणां॑ नकि॒रु॒छिषा॑तै ॥३॥

अ॒न्वा॒न्त्यं शी॑र्ष॒णय॑म॒थो पा॑र्षे॒यं क्रि॒मीन् ।
अ॒व॒स्क॒वं व्य॑ध्व॒रं क्रि॒मीन्व॑च॒सा ज॑म्भयामसि ॥४॥

ये क्रि॒मयुः॑ प॒र्वते॑षु व॒नेष्वो॑ष॒धीषु॑ प॒शुष्व॑प्स्व॒शुन्तः॑ ।
ये अ॒स्माकं॑ त॒न्व॒मावि॑वि॒शुः सर्व॑ तद्ध॒न्मि॒ जनि॑म॒ क्रि॒मीणा॑म् ॥५॥

(३२) द्वात्रिंशं सूक्तम्

(१-६) षडृचस्यास्य सूक्तस्य कारव ऋषिः । आदित्यो देवता ।

(१) प्रथमर्चस्त्रिपाद्भुरिगायत्री (२-५) द्वितीयादिचतसृणामनुष्टुप्

(६) पथ्याश्च चतुष्पान्निचृदुष्णिक् छन्दांसि

उ॒द्यन्ना॑दि॒त्यः क्रि॒मीन्ह॑न्तु नि॒म्रोच॑न्ह॒न्तु र॒श्मिभिः॑ ।
ये अ॒न्तः क्रि॒मयो॑ ग॒वि ॥१॥

वि॒श्वरूपं॑ च॒तुर॑क्षं क्रि॒मिं सा॒रङ्ग॑म॒र्जुन॑म् ।
शृ॒णाम्य॑स्य पृ॒ष्टीर॑पि वृ॒श्चामि॑ यच्छि॒रः ॥२॥

अ॒त्रि॒वद्वः॑ क्रि॒मयो॑ ह॒न्मि॒ कए॑व॒वज्र॑मद॒ग्नि॒वत् ।
अ॒ग॒स्त्य॑स्य ब्रह्म॒णा सं पि॑नष्म्य॒हं क्रि॒मीन् ॥३॥

ह॒तो राजा॑ क्रि॒मीणा॑मु॒तैषां॑ स्थ॒पति॑र्हतः ।
ह॒तो ह॒तमा॑ता क्रि॒मिर्ह॑त॒भ्राता॑ ह॒तस्व॑सा ॥४॥

हृतासौ अस्य वेशसौ हृतासुः परिवेशसः ।
अथो ये कुल्लका इव सर्वे ते क्रिमयो हताः ॥५॥

प्र ते शृणामि शृङ्गे याभ्यां वितुदायसि ।
भिनाधि ते कुषुम्भं यस्तै विषधानः ॥६॥

(३३) त्रयस्त्रिंशं सूक्तम्

(१-७) सप्तर्चस्यास्य सूक्तस्य ब्रह्मा ऋषिः । यद्मविबर्हणं देवता ।

(१-२) प्रथमाद्वितीययोर्ऋचोरनुष्टुप् (३) तृतीयाया ककुमत्यनुष्टुप्

(४) चतुर्थ्याश्चतुष्पाद्भूरिगुष्णिक (५) पञ्चम्या उपरिष्ठाद्विराड्बृहती

(६) षष्ठ्या उष्णिग्गर्भा निचृदनुष्टुप् (७) सप्तम्याश्च पथ्यापङ्क्तिश्छन्दांसि

अक्षीभ्यां ते नासिकाभ्यां कर्णाभ्यां छुबुकादधि ।
यद्मं शीर्षण्यं म्स्तिष्काञ्जिहाया वि वृहामि ते ॥१॥

ग्रीवाभ्यस्त उष्णिहाभ्यः कीकसाभ्यो अनूक्यात् ।
यद्मं दोषन्यं संसाभ्यां बाहुभ्यां वि वृहामि ते ॥२॥

हृदयात्ते परि क्लोमो हलीक्षणात्पार्श्वभ्याम् ।
यद्मं मत्स्राभ्यां प्लीहो यक्नस्ते वि वृहामसि ॥३॥

आन्त्रेभ्यस्ते गुदाभ्यो वनिष्ठोरुदरादधि ।
यद्मं कुक्षिभ्यां प्लाशेर्नाभ्या वि वृहामि ते ॥४॥

ऊरुभ्यां ते अष्टीवद्भ्यां पाष्णिभ्यां प्रपदाभ्याम् ।
यद्मं भसृद्यं श्रोणिभ्यां भासदं भंससो वि वृहामि ते ॥५॥

अस्थिभ्यस्ते मज्जभ्यः स्नावभ्यो धूमनिभ्यः ।
यद्मं पाणिभ्यामङ्गुलिभ्यो नखेभ्यो वि वृहामि ते ॥६॥

अङ्गैरङ्गे लोमिलोमि यस्ते पर्वणिपर्वणि ।

यद्धमं त्वचस्यं ते वयं कश्यपस्य वीबर्हेण विष्वञ्चं वि वृहामसि ॥७॥

(३४) चतुस्त्रिंशं सूक्तम्

(१-५) पञ्चर्चस्यास्य सूक्तस्याथर्वा ऋषिः । (१) प्रथमर्चः पशुपतिः

(२) द्वितीयाया देवाः (३) तृतीयाया अग्निर्विश्वकर्मा च

(४) चतुर्थ्या वायुः प्रजापतिश्च (५) पञ्चम्याश्चाशीर्देवताः । त्रिष्टुप् छन्दः

य ईशै पशुपतिः पशूनां चतुष्पदामुत यो द्विपदाम् ।

निष्क्रीतः स यज्ञियं भागमेतु रायस्पोषा यजमानं सचन्ताम् ॥१॥

प्रमुञ्चन्तो भुवनस्य रेतौ गातुं धत्त यजमानाय देवाः ।

उपाकृतं शशमानं यदस्थात्प्रियं देवानामप्येतु पार्थः ॥२॥

ये ब्रुध्यमानमनु दीध्याना अन्वैक्षन्त मनसा चक्षुषा च ।

अग्निष्ठानग्रे प्र मुमोक्तु देवो विश्वकर्मा प्रजया संरराणः ॥३॥

ये ग्राम्याः पशवो विश्वरूपा विरूपाः सन्तो बहुधैकरूपाः ।

वायुष्ठानग्रे प्र मुमोक्तु देवः प्रजापतिः प्रजया संरराणः ॥४॥

प्रजानन्तः प्रति गृह्णन्तु पूर्वे प्राणमङ्गैभ्यः पर्याचरन्तम् ।

दिवं गच्छ प्रति तिष्ठा शरीरिः स्वर्गं याहि पथिभिर्देवयानैः ॥५॥

(३५) पञ्चत्रिंशं सूक्तम्

(१-५) पञ्चर्चस्यास्य सूक्तस्याङ्गिरा ऋषिः । विश्वकर्मा देवता ।

(१) प्रथमर्चमो बृहतीगर्भा त्रिष्टुप् (२-३) द्वितीयातृतीययोस्त्रिष्टुप्

(४-५) चतुर्थीपञ्चम्योश्च भुरिक्त्रिष्टुप् छन्दां सि

ये भक्षयन्तो न वसून्यानुधुर्यानुग्रयो अन्वतप्यन्त धिष्ण्याः ।

या तेषामवया दुरिष्टिः स्विष्टिं नस्तान्कृणवद्विश्वकर्मा ॥१॥

यज्ञपतिमृषय एनसाहुर्निर्भक्तं प्रजा अनुत्प्यमानम् ।

मथव्यान्तस्तोकानप यान्नराधु सं नष्टेभिः सृजतु विश्वकर्मा ॥२॥

अदान्यान्त्सौमपान्मन्यमानो यज्ञस्य विद्वान्त्सामये न धीरः ।
यदेनश्चकृवान्बद्ध एष तं विश्वकर्मन्त्र मुञ्चा स्वस्तये ॥३॥

घोरा ऋषयो नमो अस्त्वेभ्यश्चक्षुर्यदेषां मनसश्च सत्यम् ।
बृहस्पतये महिष द्युमन्नमो विश्वकर्मन्त्रमस्ते पाह्यशुस्मान् ॥४॥

यज्ञस्य चक्षुः प्रभृतिमुखं च वाचा श्रोत्रेण मनसा जुहोमि ।
इमं यज्ञं विततं विश्वकर्मणा देवा यन्तु सुमनस्यमानाः ॥५॥

(३६) षट्त्रिंशं सूक्तम्

(१-८) अष्टर्चस्यास्य सूक्तस्य पतिवेदन ऋषिः । (१) प्रथमर्चोऽग्निः (२) द्वितीयाया
सोमादयः (३) तृतीयाया अग्नीषोमौ (४) चतुर्थ्या इन्द्रः (५) पञ्चम्याः सूर्यः
(६) षष्ठ्या धनपतिः (७) सप्तम्या हिरण्यं भगश्च (८) अष्टम्याश्चौषधिर्देवताः ।
(१) प्रथमाया भुरिगनुष्टुप् (२, ५-७) द्वितीयायाः पञ्चम्यादितृचस्य चानुष्टुप्
(३-४) तृतीयाचतुर्थ्योस्त्रिष्टुप् (८) अष्टम्याश्च निचृत्पुरउष्णिक् छन्दांसि
आ नो अग्ने सुमतिं संभ्रलो गमेदिमां कुमारीं सह नो भगैर्न ।
जुष्टा वरेषु समनेषु वल्गुरोषं पत्या सौभगमस्त्वस्यै ॥१॥

सोमजुष्टं ब्रह्मजुष्टमर्यम्ना संभृतं भगम् ।
धातुर्देवस्य सत्येन कृणोमि पतिवेदनम् ॥२॥

इयमग्ने नारी पतिं विदेष्टु सोमो हि राजा सुभगां कृणोति ।
सुवाना पुत्रान्महिषी भवाति गत्वा पतिं सुभगा वि राजतु ॥३॥

यथाखरो मघवंश्चारुष प्रियो मृगाणां सुषदा ब्रभूव ।
एवा भगस्य जुष्टेयमस्तु नारी संप्रिया पत्याविराधयन्ती ॥४॥

भगस्य नावमा रोह पूर्णामनुपदस्वतीम् ।
तयोपप्रतारय यो वरः प्रतिकाम्यः ॥५॥

आ क्रन्दय धनपते वरमामनसं कृणु ।
सर्वं प्रदक्षिणं कृणु यो वरः प्रतिकाम्यः ॥६॥

इदं हिरण्यं गुल्गुल्वयमौक्षो अथो भगः ।
एते पतिभ्यस्त्वामदुः प्रतिकामाय वेत्तवे ॥७॥
आ तै नयतु सविता नयतु पतिर्यः प्रतिकाम्यः ।
त्वमस्यै धेहि ओषधे ॥८॥

इति द्वितीयं काण्डम्

अथ तृतीयं कारण्डम्

(१) प्रथमं सूक्तम्

(१-६) षड्चस्यास्य सूक्तस्याथर्वा ऋषिः । (१) प्रथमर्चोऽग्निः

(२) द्वितीयाया मरुतः (३-६) तृतीयादिचतसृणाञ्चेन्द्रो देवताः ।

(१, ४) प्रथमाचतुर्थ्योस्त्रिष्टुप् (२) द्वितीयाया विराड्गर्भा भुरिक्त्रिष्टुप्

(३, ६) तृतीयाषष्ठयोरनुष्टुप् (५) पञ्चम्याश्च विराट् पुरउष्णिक् छन्दांसि

अग्निर्नः शत्रून्प्रत्येतु विद्वान्प्रतिदहन्नभिर्शस्तिमरातिम् ।

स सेनां मोहयतु परेषां निर्हस्तांश्च कृणवज्जातवैदाः ॥१॥

यूयमुग्रा मरुत ईदृशै स्थाभि प्रेत मृणतु सहध्वम् ।

अर्मीमृणन्वसवो नाथिता इमे अग्निर्ह्येषां दूतः प्रत्येतु विद्वान् ॥२॥

अमित्रसेनां मघवन्नस्माज्छत्रयतीमभि ।

युवं तानिन्द्र वृत्रहन्नग्निश्च दहतं प्रति ॥३॥

प्रसूत इन्द्र प्रवता हरिभ्यां प्र ते वज्रः प्रमृणन्नैतु शत्रून् ।

जहि प्रतीचो अनूचः पराचो विष्वक्सत्यं कृणुहि चित्तमैषाम् ॥४॥

इन्द्र सेनां मोहयामित्राणाम् ।

अग्नेर्वातस्य ध्राज्या तान्विषूचो वि नाशय ॥५॥

इन्द्रः सेनां मोहयतु मरुतौ घ्नन्त्वोर्जसा ।

चक्षूष्यग्निरा दत्तां पुनरितु पराजिता ॥६॥

(२) द्वितीयं सूक्तम्

(१-६) षड्चस्यास्य सूक्तस्याथर्वा ऋषिः । (१-२) प्रथमाद्वितीययोर्ऋचोरग्निः (३-

४) तृतीयाचतुर्थ्योरिन्द्रः (५) पञ्चम्या द्यौः (६) षष्ठ्याश्च मरुतो देवताः ।

(१, ५-६) प्रथमापञ्चमीषष्टीनां त्रिष्टुप् (२-४) द्वितीयादितृचस्य चानुष्टुप् छन्दांसि

अग्निर्नो दूतः प्रत्येतु विद्वान्प्रतिदहन्नभिर्शस्तिमरातिम् ।

स चित्तानि मोहयतु परेषां निर्हस्तांश्च कृणवज्जातवैदाः ॥१॥

अयमग्निर्मूमुहृद्यानि चित्तानि वो हृदि ।
वि वौ धमत्वोकसः प्र वौ धमतु सर्वतः ॥२॥

इन्द्रं चित्तानि मोहयन्नर्वाडाकृत्या चर ।
अग्नेर्वातस्य ध्राज्या तान्विषूचो वि नाशय ॥३॥

व्याकृतय एषामिताथो चित्तानि मुह्यत ।
अथो यदद्यैषां हृदि तदैषां परि निर्जहि ॥४॥

अमीषां चित्तानि प्रतिमोहयन्ती गृहाणाङ्गान्यध्वे परैहि ।
अभि प्रेहि निर्दह हृत्सु शोकैर्ग्राह्यामित्रांस्तमसा विध्य शत्रून् ॥५॥

असौ या सेना मरुतः परैषामस्मानैत्यभ्योर्जसा स्पर्धमाना ।
तां विध्यत तमसापव्रतेन यथैषामन्यो अन्यं न जानात् ॥६॥

(३) तृतीयं सूक्तम्

(१-६) षडृचस्यास्य सूक्तस्याथर्वा ऋषिः । अग्निर्मन्त्रोक्ता वा देवताः ।

(१-२, ४) प्रथमाद्वितीयाचतुर्थीनामृचां त्रिष्टुप् (३) तृतीयायाश्चतुष्पदा भुरिक्पङ्क्तिः

(५-६) पञ्चमीषष्ठ्योश्चानुष्टुप् छन्दांसि

अचिक्रदत्स्वपा इह भुवदग्ने व्यचिस्व रोदसी उरूची ।
युञ्जन्तु त्वा मरुतो विश्ववैदस आमुं नय नमसा रातहव्यम् ॥१॥

दूरे चित्सन्तमरुषास इन्द्रमा च्यावयन्तु सख्याय विप्रम् ।
यद्गायत्रीं बृहतीमर्कमस्मै सौत्रामण्या दधृषन्त देवाः ॥२॥

अद्भस्त्वा राजा वरुणो ह्यतु सोमस्त्वा ह्यतु पर्वतेभ्यः ।
इन्द्रस्त्वा ह्यतु विड्भ्य आभ्यः श्येनो भूत्वा विश आ पतेमाः ॥३॥

श्येनो हव्यं नयत्वा परस्मादन्यक्षेत्रे अपरुद्धं चरन्तम् ।
अश्विना पन्थां कृणुतां सुगं त इमं संजाता अभिसंविशध्वम् ॥४॥

ह्वयन्तु त्वा प्रतिजनाः प्रति मित्रा अवृषत ।
इन्द्राग्नी विश्वे देवास्ते विशि क्षेममदीधरन् ॥५॥

यस्ते हवं विवदत्सजातो यश्च निष्टयः ।
अपाञ्चमिन्द्र तं कृत्वाथेममिहाव गमय ॥६॥

(४) चतुर्थं सूक्तम्

(१-७) सप्तर्चस्यास्य सूक्तस्याथर्वा ऋषिः । इन्द्रो देवता । (१) प्रथमर्चो जगती
(२-३, ६-७) द्वितीयातृतीयाषष्ठीसप्तमीनां त्रिष्टुप्
(४-६) चतुर्थीपञ्चम्योश्च भुरिक्त्रिष्टुप् छन्दांसि
आ त्वा गत्राष्टं सह वर्चसोदिहि प्राङ्गि वशां पतिरेकुराट् त्वं वि राज ।
सर्वास्त्वा राजन्प्रदिशौ ह्वयन्तूपसद्यौ नमस्यो भवेह ॥१॥

त्वां विशौ वृणातां राज्याय त्वामिमाः प्रदिशः पञ्च देवीः ।
वर्षमत्राष्टस्य ककुदि श्रयस्व ततो न उग्रो वि भजा वसूनि ॥२॥

अच्छ त्वा यन्तु हविर्नः सजाता अग्निर्दूतो अजिरः सं चरातै ।
जायाः पुत्राः सुमनसो भवन्तु ब्रह्मं बलिं प्रति पश्यासा उग्रः ॥३॥

अश्विना त्वाग्रे मित्रावरुणोभा विश्वे देवा मरुतस्त्वा ह्वयन्तु ।
अधा मनो वसुदेयाय कृणुष्व ततो न उग्रो वि भजा वसूनि ॥४॥

आ प्र द्रव परमस्याः परवतः शिवे ते द्यावापृथिवी उभे स्ताम् ।
तदयं राजा वरुणस्तथाह स त्वायमहत्स उपेदमेहि ॥५॥

इन्द्रेन्द्र मनुष्याः परैहि सं ह्यज्ञास्था वरुणैः संविदानः ।
स त्वायमहत्स्वे सुधस्थे स देवान्यक्षत्स उ कल्पयाद्विशः ॥६॥

पथ्या रेवतीर्बहुधा विरूपाः सर्वाः संगत्य वरीयस्ते अक्रन् ।

तास्त्वा सर्वाः संविदाना ह्वयन्तु दशमीमुग्रः सुमना वशेह ॥७॥

(५) पञ्चमं सूक्तम्

(१-८) अष्टर्चस्यास्य सूक्तस्याथर्वा ऋषिः । सोमः पर्णमणिर्वा देवता ।

(१) प्रथमर्चः पुरोऽनुष्टुप्त्रिष्टुप्

(२-३, ५-७) द्वितीयातृतीययोः पञ्चम्यादितृचस्य चानुष्टुप् (४) चतुर्थ्यास्त्रिष्टुप्

(८) अष्टम्याश्च विराडुरोबृहती छन्दांसि

आयमगन्पर्णमृणिर्बली बलेन प्रमृणन्त्सपत्नान् ।

ओजो देवानां पय ओषधीनां वर्चसा मा जिन्वन्त्वप्रयावन् ॥१॥

मयि क्षत्रं पर्णमणे मयि धारयताद्रयिम् ।

अहं राष्ट्रस्याभीवर्गे निजो भूयासमुत्तमः ॥२॥

यं निदधुर्वनस्पतौ गुह्यं देवाः प्रियं मृणिम् ।

तमस्मभ्यं सहायुषा देवा ददतु भर्तवे ॥३॥

सोमस्य पर्णः सह उग्रमागन्निन्द्रेण दत्तो वरुणेन शिष्टः ।

तं प्रियासं बहु रोचमानो दीर्घायुत्वार्यं शतशारदाय ॥४॥

आ मारुक्षत्पर्णमृणिर्मह्या अरिष्टतातये ।

यथाहमुत्तरोऽसान्यर्यम्ण उत संविदः ॥५॥

ये धीवानो रथकाराः कर्मारु ये मनीषिणः ।

उपस्तीर्णं मह्यं त्वं सर्वान्कृण्वभितो जनान् ॥६॥

ये राजानो राजकृतः सूता ग्रामरयुश्च ये ।

उपस्तीर्णं मह्यं त्वं सर्वान्कृण्वभितो जनान् ॥७॥

पर्णोऽसि तनूपानुः सयोनिर्वीरो वीरेण मया ।

संवत्सरस्य तेजसा तेन बध्नामि त्वा मणे ॥८॥

(६) षष्ठं सूक्तम्

(१-८) अष्टर्चस्यास्य सूक्तस्य जगद्धीजं पुरुष ऋषिः ।

अश्वत्थवनस्पतिर्देवता । अनुष्टुप् छन्दः

पुमा॑न्पुंसः परि॑जातोऽश्व॑त्थः ख॑दि॒रादधि॑ ।

स ह॑न्तु॒ शत्रू॑न्माम॒कान्या॑न॒हं द्वेषि॑मि॒ ये च॒ माम् ॥१॥

तान॑श्वत्थ॒ निः शृ॑णीहि॒ शत्रू॑न्वैबाध॒दोध॑तः ।

इन्द्रे॑ण वृ॒त्रघ्ना॑ मे॒दी मि॒त्रेण॑ वरु॒णेन॑ च ॥२॥

यथा॑श्वत्थ॒ निर॑भ॒नोऽन्त॑र्म॒हृत्य॑र्ण॒वे ।

ए॒वा ता॑न्त्स॒र्वा॒न्निर्भ॑ङ्गि॒ध॒ यान॑हं द्वेषि॑मि॒ ये च॒ माम् ॥३॥

यः स॑ह॒मान॑श्चर॒सि सा॑स॒हान॑ इ॒व ऋ॑ष॒भः ।

तेना॑श्वत्थ॒ त्वया॑ व॒यं स॒पत्नान्त्स॑हिषीमहि ॥४॥

सि॒नात्वे॑ना॒न्निर्ऋ॑ति॒र्मृत्योः॑ पा॒शैर॑मो॒क्ष्यैः ।

अश्व॑त्थ॒ शत्रू॑न्माम॒कान्या॑न॒हं द्वेषि॑मि॒ ये च॒ माम् ॥५॥

यथा॑श्वत्थ॒ वान॑स्प॒त्यान॑रो॒ह॑न्कृ॒णुषे॑ऽध॒रान् ।

ए॒वा मे॒ शत्रो॑र्मु॒र्धानं॑ वि॒ष्वग्भि॑न्द्रि॒ सह॑स्व च ॥६॥

तेऽध॑रा॒ञ्चः प्र॑ प्ल॒वन्तां॑ छि॒न्ना नौरि॑व॒ बन्ध॑नात् ।

न वैबा॑धप्र॒णुत्तानां॑ पु॒नर॑स्ति॒ निव॑र्तनम् ॥७॥

प्रे॒णा॑न्नु॒दे मन॑सा॒ प्र चि॑त्ते॒नोत॑ ब्रह्म॒णा ।

प्रे॒णान्॑वृ॒क्षस्य॑ शा॒खया॑श्वत्थस्य॒ नुदा॑महे ॥८॥

(७) सप्तमं सूक्तम्

(१-७) सप्तर्चस्यास्य सूक्तस्य भृग्वङ्गिरा ऋषिः । (१-३) प्रथमादितृचस्य हरिणः

(४) चतुर्थ्या ऋचस्तारके (५) पञ्चम्या आपः

(६-७) षष्ठीसप्तम्योश्च यद्धमनाशनं देवताः ।

(१-५, ७) प्रथमादिपञ्चामां सप्तम्याश्चानुष्टुप् (६) षष्ठ्याश्च भुरिगनुष्टुप् छन्दसी
हरिणस्य रघुष्यदोऽर्धं शीर्षणिं भेषजम् ।
स क्षेत्रियं विषाणया विषूचीनमनीनशत् ॥१॥

अनु त्वा हरिणो वृषां पृद्धिश्चतुर्भिरक्रमीत् ।
विषाणे वि ष्यं गुष्पितं यदस्य क्षेत्रियं हृदि ॥२॥

अदो यदवरोचते चतुष्पक्षमिव छदिः ।
तेनां ते सर्वं क्षेत्रियमङ्गैर्भ्यो नाशयामसि ॥३॥

अमू ये दिवि सुभगे विचृतौ नाम तारके ।
वि क्षेत्रियस्य मुञ्चतामधमं पार्शमुत्तमम् ॥४॥

आप इद्वा उं भेषजीरापौ अमीवचातनीः ।
आपो विश्वस्य भेषजीस्तास्त्वा मुञ्चन्तु क्षेत्रियात् ॥५॥

यदासुतेः क्रियमानायाः क्षेत्रियं त्वा व्यानशे ।
वेदाहं तस्य भेषजं क्षेत्रियं नाशयामि त्वत् ॥६॥

अपवासे नक्षत्राणामपवास उषसांमुत् ।
अपास्मत्सर्वं दुर्भूतमप क्षेत्रियमुच्छतु ॥७॥

(८) अष्टमं सूक्तम्

(१-६) षड्चस्यास्य सूक्तस्याथर्वा ऋषिः ।

(१-४) प्रथमादिचतुर्भूचां मित्रादयो विश्वे देवाः

(५-६) पञ्चमीषष्ठ्योश्च मनो देवताः । (१, ३) प्रथमातृतीययोस्त्रिष्टुप्

(२, ६) द्वितीयाषष्ठ्योर्जगती चतुर्थ्याश्चतुष्पदा विराड्बृहतीगर्भा त्रिष्टुप्

(५) पञ्चम्याश्चानुष्टुप् छन्दांसि

आ यातु मित्र ऋतुभिः कल्पमानः संवेश्यन्पृथिवीमुस्त्रियाभिः ।
अथास्मभ्यं वरुणो वायुरग्निर्बृहद्राष्ट्रं संवेश्यं दधातु ॥१॥

धा॒ता रा॒तिः सं॒वि॒तेदं जु॒शन्ता॒मिन्द्र॒स्त्वष्ट्रा॑ प्रति॒ हर्य॑न्तु मे॒ वचः॑ ।
हु॒वे दे॒वीमदि॑तिं शूर॑पुत्रां सजा॒तानां॑ मध्य॒मेष्टा॑ यथा॒सानि॑ ॥२॥

हु॒वे सोमं॑ स॒वि॒तारं॑ नमो॒भिर्वि॒श्वाना॑दि॒त्याँ अ॒हमु॑त्तर॒त्वे ।
अ॒यम॒ग्निर्दी॑दाय॒द्दीर्घ॑मे॒व संजा॒तैरि॒न्द्रोऽप्र॑तिबुवद्भिः ॥३॥

इ॒हेद॑साथ॒ न प॒रो ग॒माथे॒र्यो गो॒पाः पु॒ष्टप॑तिर्व॒ आर्ज॑त् ।
अ॒स्मै का॒मायो॑प॒ का॒मिनी॑र्वि॒श्वे वो दे॒वा उ॑प॒संय॑न्तु ॥४॥

सं वो॒ मना॑सि॒ सं व॒ता स॒माकू॑तीर्न॒माम॑सि ।
अ॒मी ये वि॒व्रता॑ स्थ॒न तान्त्रः॑ सं न॒मया॑मसि ॥५॥

अ॒हं गृ॑भ्णामि॒ मन॑सा॒ मना॑सि॒ मम॑ चि॒त्तम॑नु॒ चित्ते॑भिरेत ।
मम॑ वशै॒षु हृ॑द्यानि॒ वः कृ॑णोमि॒ मम॑ या॒तम॑नु॒वर्त्मान् ए॑त ॥६॥

(६) नवमं सूक्तम्

(१-६) षडृचस्यास्य सूक्तस्य वामदेव ऋषिः । द्यावापृथिव्यौ विश्वे देवा वा देवताः ।

(१-३, ५) प्रथमादितृचस्य पञ्चम्या ऋचश्चानुष्टुप्

(४) चतुर्थ्याश्चतुष्पदा निचृद्ब्रहती (६) षष्ठ्याश्च भुरिगनुष्टुप् छन्दांसि

क॒र्शफ॑स्य॒ विश॑फस्य॒ द्यौष्पि॑ता॒ पृथि॑वी॒ मा॒ता ।
यथा॑भिच॒क्र दे॒वास्तथा॑प॒ कृ॒णुता॑ पुनः ॥१॥

अ॒श्रेष्मा॑णो॒ अधा॑र॒यन्त॑था॒ तन्म॑नु॒ना कृ॑तम् ।
कृ॒णोमि॑ वधि॒ विष्क॑न्धं॒ मुष्का॑ब॒र्हो ग॒वामि॑व ॥२॥

पि॒शङ्गे॑ सू॒त्रे खृ॑ग॒लं तदा॑ ब॒ध्नन्ति॑ वे॒धसः॑ ।
श्र॒व॒स्युं शु॑ष्मं॒ काब॑वं॒ वधिं॑ कृ॒णव॑न्तु॒ बन्धु॑रः ॥३॥

येना॑ श्र॒वस्य॑व॒श्चर॑थ॒ दे॒वा इ॑वा॒सुर॑मा॒यया॑ ।
शु॒नां क॒पिरि॑व॒ दूष॑णो॒ बन्धु॑रा॒ काब॑वस्य॒ च ॥४॥

दुष्ट्यै हि त्वा भृत्स्यामि दूषयिष्यामि काब्रवम् ।
उदाशवो रथा इव शपथैभिः सरिष्यथ ॥५॥

एकशतं विष्कन्धानि विष्टिता पृथिवीमनु ।
तेषां त्वामग्रे उज्जरुर्मणिं विष्कन्धदूषणम् ॥६॥

(१०) दशमं सूक्तम्

(१-१३) त्रयोदशर्चस्यास्य सूक्तस्याथर्वा ऋषिः । अष्टका देवता ।

(१-३, ८-११, १३) प्रथमादितृचस्याष्टम्यादिचतसृणामृचां त्रयोदश्याश्चानुष्टुप्

(४-६, १२) चतुर्थ्यादितृचस्य द्वादश्याश्च त्रिष्टुप्

(७) सप्तम्याश्च त्र्यवसाना षट्पदा विराङ्गर्भातिजगती छन्दांसि

प्रथमा ह व्युवासा सा धेनुर्भवद्यमे ।
सा नः पर्यस्वती दुहामुत्तरामुत्तरां समाम् ॥१॥

यां देवाः प्रतिनन्दन्ति रात्रिं धेनुमुपायतीम् ।
संवत्सरस्य या पत्नी सा नो अस्तु सुमङ्गली ॥२॥

संवत्सरस्य प्रतिमां यां त्वा रात्र्युपास्महे ।
सा न आयुष्मतीं प्रजां रायस्पोषेण सं सृज ॥३॥

इयमेव सा या प्रथमा व्यौच्छेदास्वितरासु चरति प्रविष्टा ।
महान्तौ अस्यां महिमानौ अन्तर्वधूर्जिगाय नवगजनित्री ॥४॥

वानस्पत्या ग्रावाणो घोषमक्रत हविष्कृणवन्तः परिवत्सरीणाम् ।
एकाष्टके सुप्रजसः सुवीरा वयं स्याम पतयो रयीणाम् ॥५॥

इडायास्पदं घृतवत्सरीसृपं जातवेदः प्रति हव्या गृभाय ।
ये ग्राम्याः पशवो विश्वरूपास्तेषां सप्तानां मयि रन्तिरस्तु ॥६॥

आ मां पुष्टे च पोषे च रात्रिं देवानां सुमतौ स्याम ।

पूर्णां देवैः परां पतुः सुपूर्णां पुनरा पत ।
सर्वान्यज्ञान्त्संभुञ्जतीषमूर्जं न आ भर ॥७॥

आयमगन्त्संवत्सरः पतिरेकाष्टके तव ।
सा न आयुष्मतीं प्रजां रायस्पोषेण सं सृज ॥८॥

ऋतून्यज ऋतुपतीनार्तवानुत हायनान् ।
समाः संवत्सरान्मासांभूतस्य पतये यजे ॥९॥

ऋतुभ्यष्ट्वार्तवेभ्यो माद्भ्यः संवत्सरेभ्यः ।
धात्रे विधात्रे समृधे भूतस्य पतये यजे ॥१०॥

इडया जुह्वतो वयं देवान्घृतवता यजे ।
गृहानलुभ्यतो वयं सं विशेमोप गोमतः ॥११॥

एकाष्टका तपसा तप्यमाना जुजानु गर्भं महिमानुमिन्द्रम् ।
तेन देवा व्यसहन्त शत्रून्हन्ता दस्यूनामभवच्छचीपतिः ॥१२॥

इन्द्रपुत्रे सोमपुत्रे दुहितासि प्रजापतेः ।
कामानस्माकं पूरय प्रति गृह्णाहि नो हविः ॥१३॥

(११) एकादशं सूक्तम्

(१-८) अष्टर्चस्यास्य सूक्तस्य ब्रह्मा ऋषिः । इन्द्राग्नी आयुर्यक्ष्मनाशनं देवताः ।

(१-३) प्रथमादितृचस्य त्रिष्टुप् (४) चतुर्थ्या शक्वरीगर्भा जगती

(५, ६) पञ्चमीषष्ठयोश्चानुष्टुप् (७) सप्तम्या उष्णिग्बृहती गर्भा पथ्यापङ्क्तिः

(८) अष्टम्याश्च षट्पदा बृहतीगर्भा जगती छन्दांसि

मुञ्चामि त्वा हविषा जीवनाय कर्मज्ञातयक्ष्मादुत राजयक्ष्मात् ।

ग्राहिर्जग्राह यद्येतदेनं तस्या इन्द्राग्नी प्र मुमुक्तमेनम् ॥१॥

यदि क्षितायुर्यदि वा परेतो यदि मृत्योरन्तिकं नीत एव ।

तमा ह॑रामि॒ नि॒ऋ॒तैरु॒प॒स्था॒द॒स्पा॒र्श॒मे॒नं॑ श॒त॒शा॒र॒दा॒य ॥२॥

स॒ह॒स्रा॒क्षे॒णं॑ श॒त॒वी॒र्ये॒ण॑ श॒ता॒यु॒षा॑ ह॒वि॒षा॒हा॒र्ष॒मे॒नम् ।
इन्द्रो॒ यथै॑नं श॒रदो॒ न॒या॒त्य॒ति॒ विश्व॑स्य दुरि॒त॒स्य॑ पा॒रम् ॥३॥

श॒तं जी॑व श॒रदो॒ वर्ध॑मानः श॒तं है॑म॒न्ता॒च्छ॒तमु॑ वस॒न्तान् ।
श॒तं ते॒ इन्द्रो॑ अ॒ग्निः स॒वि॒ता बृ॒ह॒स्प॒तिः॑ श॒ता॒यु॒षा॑ ह॒वि॒षा॒हा॒र्ष॒मे॒नम् ॥४॥

प्र वि॑शतं प्राणापानाव॒नु॒ड्वाहा॑विव वृ॒जम् ।
व्य॑शु॒न्ये य॑न्तु मृ॒त्यवो॒ या॒ना॒ह॒रि॒ते॒रा॒च्छ॒तम् ॥५॥

इ॒है॒व स्तं॑ प्राणापानौ मापं गा॒त॒मि॒तो॒ यु॒वम् ।
शरी॑रम॒स्याङ्गानि॑ ज॒रसे॑ वह॒तं पु॑नः ॥६॥

ज॒रा॒यै त्वा॒ परि॑ द॒दामि॒ ज॒रा॒यै नि॑ धु॒वामि॒ त्वा ।
ज॒रा॒ त्वा भ॒द्रा नैष्ट॑ व्य॑शु॒न्ये य॑न्तु मृ॒त्यवो॒ या॒ना॒ह॒रि॒ते॒रा॒च्छ॒तम् ॥७॥

अ॒भि त्वा॑ ज॒रि॒मा॒हि॒त॒ गामु॑क्ष्णमि॒व॒ रज्ज्वा॑ ।
यस्त्वा॑ मृ॒त्यु॒रभ्य॑धत्त॒ जा॒र्य॑मानं सु॒पा॒शया॑ ।
तं ते॑ स॒त्य॒स्य॒ ह॒स्ता॒भ्या॒मु॒द॒मु॒ञ्च॒द्बृ॒ह॒स्प॒तिः ॥८॥

(१२) द्वादशं सूक्तम्

(१-६) नवर्चस्यास्य सूक्तस्य ब्रह्मा ऋषिः । शालावास्तोष्पतिर्देवते ।

(१, ४, ५) प्रथमाचतुर्थीपञ्चमीनामृचां त्रिष्टुप् (२) द्वितीयाया विराड्

(३) तृतीयाया बृहती (६) षष्ठ्याः शक्वरीगर्भा जगती (७)

सप्तम्या आर्ष्यनुष्टुप् (८) अष्टम्या भुरिक् (९) नवम्याश्चानुष्टुप्छन्दांसि

इ॒है॒व ध्रु॒वां नि॑ मि॒नोमि॒ शाला॑न् क्षे॒मे॒ ति॒ष्ठा॒ति॒ घृ॒त॒मु॒क्ष्ण॑मा॒णा ।

तां त्वा॑ शाले॒ सर्व॑वीराः सु॒वीरा॒ अ॒रि॑ष्टवीरा॒ उप॒ सं च॑रेम ॥१॥

इ॒है॒व ध्रु॒वा प्र॑ति॒ ति॒ष्ठ शाले॑ऽश्वा॒वती॒ गो॒मती॑ सू॒नृता॑वती ।

ऊर्जस्वती घृतवती पर्यस्वत्युच्छ्रयस्व महते सौभगाय ॥२॥

ध्रुवस्यसि शाले बृहच्छन्दाः पूर्तिधान्या ।
आ त्वा वत्सो गमेदा कुमार आ धेनवः सायमास्पन्दमानाः ॥३॥

इमां शालां सविता वायुरिन्द्रो बृहस्पतिर्नि मिनोतु प्रजानन् ।
उक्षन्तूद्रा मरुतो घृतेन भगो नो राजा नि कृषिं तेनोतु ॥४॥

मानस्य पत्नि शरणा स्योना देवी देवेभिर्निर्मितास्यग्रे ।
तृणं वसाना सुमना असस्त्वमथास्मभ्यं सहवीरं रयिं दाः ॥५॥

ऋतेन स्थूणामधि रोह वंशोग्रो विराजन्नप वृङ्ख्व शत्रून् ।
मा ते रिषन्नुपसत्तारो गृहाणां शाले शतं जीवेम शरदः सर्ववीराः ॥६॥

एमां कुमारस्तरुण आ वत्सो जगता सह ।
एमां परिस्त्रुतः कुम्भ आ दध्नः कलशैरगुः ॥७॥

पूर्णं नारि प्र भर कुम्भमेतं घृतस्य धारामृतेन संभृताम् ।
इमां पातृनमृतेना समङ्गधीष्टापूर्तमभि रक्षात्येनाम् ॥८॥

इमा आपः प्र भराम्ययुद्धमा यद्धमनाशनीः ।
गृहानुप प्र सीदाम्यमृतेन सहाग्निना ॥९॥

(१३) त्रयोदशं सूक्तम्

(१-७) सप्तर्चस्यास्य सूक्तस्य भृगुर्ऋषिः । वरुणः सिन्ध्वापो वा देवताः ।

प्रथमर्चो निचृदनुष्टुप् (२-४, ७) द्वितीयादितृचस्य सप्तम्याश्चानुष्टुप्

(५) पञ्चम्या विराड्जगती (६) षष्ठ्याश्च निचृत्विष्टुप् छन्दांसि

यद्दः संप्रयतीरहावनदता हते ।

तस्मादा नद्योरे नाम स्थ ता वो नामानि सिन्धवः ॥१॥

यत्प्रेषिता वरुणेनाच्छीभं समवल्गत ।
तदाप्रोदिन्द्रो वो यतीस्तस्मादापो अनु ष्टन ॥२॥

अपक्रामं स्यन्दमाना अवीवरत वो हि कम् ।
इन्द्रो वः शक्तिभिर्देवीस्तस्माद्द्वानाम वो हितम् ॥३॥

एको वो देवोऽप्यतिष्ठत्स्यन्दमाना यथावशम् ।
उदानिषुर्महीरिति तस्मादुदकमुच्यते ॥४॥

आपो भद्रा घृतमिदापं आसन्नग्रीषोमौ बिभ्रत्यापु इत्ताः ।
तीव्रो रसो मधुपृचामरंगम आ मा प्राणेन सह वर्चसा गमेत् ॥५॥

आदित्यश्याम्युत वां शृणोम्या मा घोषो गच्छति वाङ्मासाम् ।
मन्ये भेजानो अमृतस्य तर्हि हिरण्यवर्णा अर्तुपं यदा वः ॥६॥

इदं व आपो हृदयमयं वत्स ऋतावरीः ।
इहेत्थमेतं शक्वरीर्यत्रेदं वेशयामि वः ॥७॥

(१४) चतुर्दशं सूक्तम्

(१-६) षड्चस्यास्य सूक्तस्य ब्रह्मा ऋषिः । गोष्ठो मन्त्रोक्ता वा देवताः ।

(१-५) प्रथमादिपञ्चार्चामनुष्टुप् (६) षष्ठ्याश्चार्षी त्रिष्टुप् छन्दसी

सं वो गोष्ठेन सुषदा सं रय्या सं सुभूत्या ।
अहर्जातस्य यन्नाम तेना वः सं सृजामसि ॥१॥

सं वः सृजत्वयमा सं पूषा सं बृहस्पतिः ।
समिन्द्रो यो धनंजयो मयि पुष्यत यद्वसु ॥२॥

संजग्माना अबिभ्युषीरस्मिन्गोष्ठे करीषिणीः ।
बिभ्रतीः सोम्यं मध्वनमीवा उपेतन ॥३॥

इहैव गाव एतनेहो शकैव पुष्यत ।
इहैवोत प्र जायध्वं मयि संज्ञानमस्तु वः ॥४॥

शिवो वौ गोष्ठो भवतु शारिशाकैव पुष्यत ।
इहैवोत प्र जायध्वं मया वः सं सृजामसि ॥५॥

मया गावो गोपतिना सचध्वमयं वौ गोष्ठ इह पौषयिष्णुः ।
रायस्पोषेण बहुला भवन्तीर्जीवा जीवन्तीरुप वः सदेम ॥६॥

(१५) पञ्चदशं सूक्तम्

(१-८) अष्टर्चस्यास्य सूक्तस्याथर्वा ऋषिः । विश्वे देवा इन्द्राग्नी वा देवते ।
(१) प्रथमर्चो भुरिक्त्रिष्टुप् (२-३, ६) द्वितीयातृतीययोः षष्ठ्याश्च त्रिष्टुप्
(४) चतुर्थ्यास्त्रयवसाना षट्पदा बृहतीगर्भा विराडत्यष्टिः (५) पञ्चम्या विराड्जगती
(७) सप्तम्या अनुष्टुप् (८) अष्टम्याश्च निचृत्त्रिष्टुप् छन्दांसि
इन्द्रमहं वृणिजं चोदयामि स न ऐतु पुरएता नौ अस्तु ।
नुदन्नरातिं परिपन्थिनं मृगं स ईशानो धनुदा अस्तु मह्यम् ॥१॥

ये पन्थानो बृहवो देवयाना अन्तरा द्यावापृथिवी संचरन्ति ।
ते मा जुषन्तां पर्यसा घृतेन यथा क्रीत्वा धनमाहराणि ॥२॥

इध्मेनाग्न इच्छमानो घृतेन जुहोमि हव्यं तरसे बलाय ।
यावदीशे ब्रह्मणा वन्दमान इमां धियं शतसेयाय देवीम् ॥३॥

इमामग्ने शरणिं मीमृषो नो यमध्वानमगाम दूरम् ।
शुनं नौ अस्तु प्रपुणो विक्रयश्च प्रतिपुणः फलिनं मा कृणोतु ।
इदं हव्यं संविदानौ जुषेथां शुनं नौ अस्तु चरितमुत्थितं च ॥४॥

येन धनेन प्रपुणं चरामि धनेन देवा धनमिच्छमानः ।
तन्मे भूयौ भवतु मा कनीयोऽग्रै सातघ्नो देवान्हविषा नि षैध ॥५॥

येन॒ धने॑न प्र॒प॒णं॑ च॒रामि॑ धने॑न दे॒वा धन॑मिच्छ॒मानः॑ ।
तस्मिन्म॒ इन्द्रो॑ रुचि॒मा द॑धातु प्र॒जाप॑तिः स॒विता॑ सोमो॑ अ॒ग्निः ॥६॥

उप॑ त्वा॒ नम॑सा व॒यं हो॑तर्वैश्वानर॒ स्तुमः॑ ।
स नः॑ प्र॒जास्वा॒त्मसु॑ गोषु॒ प्राणेषु॑ जागृ॒हि ॥७॥

वि॒श्वाहा॑ ते स॒दमि॑द्भरे॒माश्वा॑येव॒ तिष्ठ॑ते जा॒तवे॑दः ।
रा॒यस्पोषे॑ण॒ समि॑षा म॒दन्तो॑ मा ते॒ अग्ने॑ प्रति॒वेशा॑ रिषाम ॥८॥

(१६) षोडशं सूक्तम्

(१-७) सप्तर्चस्यास्य सूक्तस्याथर्वा ऋषिः । अग्नीन्द्रादयो मन्त्रोक्ता देवताः ।

(१) प्रथमर्च आर्षी जगती (२-३, ५-७) द्वितीयातृतीययोः पञ्चम्यादितृचस्य च त्रिष्टुप्

(४) चतुर्थ्याश्च भुक्पङ्क्तिश्छन्दांसि

प्रा॒तर॒ग्निं प्रा॒तरि॑न्द्रं ह॒वामहे॑ प्रा॒तर्भि॑त्रावरु॒णा प्रा॒तर॒श्विना॑ ।
प्रा॒तर्भ॑गं पू॒षणं॑ ब्र॒ह्मण॑स्पतिं प्रा॒तः सोम॑मु॒त रु॒द्रं ह॑वामहे ॥१॥

प्रा॒तर्जि॑तं भ॒गमु॑ग्रं ह॒वामहे॑ व॒यं पु॒त्रमदि॑ते॒र्यो वि॑ध॒र्ता ।
आ॒ध्रश्चि॑द्यं म॒न्येमा॑नस्तुरश्चि॒द्राजा॑ चि॒द्यं भ॑गं भ॒क्षीत्या॑ह ॥२॥

भ॒गु प्र॑णो॒तर्भ॑गु स॒त्यरा॑धो भ॒गेमां॑ धि॒यमु॑द॒वा द॑दन्नः ।
भ॒गु प्र॑णो॒ जन॑यु॒ गोभि॑रश्वैर्भ॒गु प्र॑ नृभिर्नृ॒वन्तः॑ स्याम ॥३॥

उ॒तेदा॑नीं भ॒गव॑न्तः स्यामो॒त प्र॑पि॒त्व उ॒त म॑ध्ये अ॒ह्नाम् ।
उ॒तोदि॑तौ म॒घव॑न्त्सूर्यस्य व॒यं दे॒वानां॑ सु॒म॒तौ स्या॑म ॥४॥

भ॒ग ए॒व भ॑ग॒वाँ अ॒स्तु दे॒वस्तेना॑ व॒यं भ॑गव॒न्तः स्या॑म ।
तं त्वा॑ भ॒गु सर्व॑ इ॒ज्जो॑हवीमि॒ स नो॑ भ॒ग पु॑र॒एता॑ भ॒वेह॑ ॥५॥

स॒म॒ध्व॒रायो॑षसौ॒ नम॑न्त दधि॒क्रावै॑व॒ शुच॑ये प॒दाय॑ ।
अ॒र्वाची॑नं व॒सु॑वि॒दं भ॑गं मे॒ रथ॑मि॒वाश्वा॑ वा॒जिन॑ आ॒ व॑हन्तु ॥६॥

अश्वावतीर्गोमतीर्न उषासौ वीरवतीः सदमुछन्तु भद्राः ।
घृतं दुहाना विश्वतः प्रपीता यूयं पात स्वस्तिभिः सदा नः ॥७॥

(१७) सप्तदशं सूक्तम्

(१-६) नवर्चस्यास्य सूक्तस्य विश्वामित्र ऋषिः । सीता देवता ।

(१) प्रथमर्च आर्षी गायत्री (२, ५, ६) द्वितीयापञ्चमीनवमीनां त्रिष्टुप्

(३) तृतीयायाः पथ्यापङ्क्तिः (४, ६) चतुर्थीषष्ठ्योरनुष्टुप्

(७) सप्तम्या विराट् पुर उष्णिक् (८) अष्टम्याश्च निचृदनुष्टुप् छन्दांसि

सीरां युञ्जन्ति क्वयौ युगा वि तन्वते पृथक् ।

धीरां देवेषु सुम्रयौ ॥१॥

युनक्तु सीरा वि युगा तनोत कृते योनौ वपतेह बीजम् ।

विराजः श्नुष्टिः सभरा असन्नो नेदीय इत्सृगयः पक्वमा यवन् ॥२॥

लाङ्गलं पवीरवत्सुशीमं सोमसत्सरु ।

उदिद्वपतु गामविं प्रस्थावद्रथवाहनं पीबरीं च प्रफर्व्यम् ॥३॥

इन्द्रः सीतां नि गृह्णातु तां पूषाभि रक्षतु ।

सा नः पर्यस्वती दुहामुत्तरामुत्तरां समाम् ॥४॥

शुनं सुफाला वि तुदन्तु भूमिं शुनं कीनाशा अनु यन्तु वाहान् ।

शुनासीरा हविषा तोशमाना सुपिप्पला ओषधीः कर्तमस्मै ॥५॥

शुनं वाहाः शुनं नरःशुनं कृषतु लाङ्गलम् ।

शुनं वरत्रा बध्यन्तां शुनमष्टामुदिङ्गय ॥६॥

शुनासीरेह स्म मे जुषेथाम् ।

यद्विवि चक्रथुः पयस्तेनेमामुप सिञ्चतम् ॥७॥

सीते वन्दामहे त्वावार्ची सुभगे भव ।

यथा नः सुमना असो यथा नः सुफला भुवः ॥८॥

घृतेन सीता मधुना समक्ता विश्वैर्देवैरनुमता मरुद्भिः ।
सा नः सीते पर्यसाभ्यार्ववृत्स्वोर्जस्वती घृतवृत्पिन्वमाना ॥९॥

(१८) अष्टादशं सूक्तम्

(१-६) षडृचस्यास्य सूक्तस्याथर्वा ऋषिः । वनस्पतिः वाणपर्योषधिः देवता ।

(१-३, ५) प्रथमादितृचस्य पञ्चम्या ऋचश्चानुष्टुप् (४) चतुर्थ्या अनुष्टुब्गर्भा
चतुष्पादुष्णिक (६) षष्ठ्याश्चोष्णिग्गर्भा पथ्यापङ्क्तिश्छन्दांसि

इमां खनाम्योषधिं वीरुधां बलवत्तमाम् ।
यया सपत्नीं बाधते यया संविन्दते पतिम् ॥१॥

उत्तानपर्णे सुभगे देवजूते सहस्वति ।
सपत्नीं मे परां शुद्र पतिं मे केवलं कृधि ॥२॥

नहि ते नाम जग्राह नो अस्मिन्नमसे पतौ ।
परामेव परावतं सपत्नीं गमयामसि ॥३॥

उत्तराहमुत्तर उत्तरेदुत्तराभ्यः ।
अधः सपत्नी या ममाधरा साधराभ्यः ॥४॥

अहमस्मि सहमानाथो त्वमसि सासहिः ।
उभे सहस्वती भूत्वा सपत्नीं मे सहावहै ॥५॥

अभि तैऽधां सहमानामुप तेऽधां सहीयसीम् ।
मामनु प्र ते मनो वृत्सं गौरिव धावतु पथा वारिव धावतु ॥६॥

(१९) एकोनविंशं सूक्तम्

(१-८) अष्टर्चस्यास्य सूक्तस्य वसिष्ठ ऋषिः । विश्वे देवाः चन्द्रमा इन्द्रो वा देवता ।

(१) प्रथमर्चः पथ्याबृहती (२, ४) द्वितीयाचतुर्थ्योरनुष्टुप् (३) तृतीयाया भुरिग्वृहती

(५) पञ्चम्यास्त्रिष्टुप् (६) षष्ठ्यारुयवसाना षट्पदा त्रिष्टुक्कुम्भतीगर्भातिजगती
(७) सप्तम्या विराडास्तारपङ्क्तिः (८) अष्टम्याश्च पथ्यापङ्क्तिश्छन्दांसि
संशितं म इदं ब्रह्म संशितं वीर्यं बलम् ।
संशितं क्षत्रमजरमस्तु जिष्णुर्येषामस्मि पुरोहितः ॥१॥

समहमेषां राष्ट्रं स्यामि समोजौ वीर्यं बलम् ।
वृश्चामि शत्रूणां ब्राह्मणेन हविषाहम् ॥२॥

नीचैः पद्यन्तामधरे भवन्तु ये नः सूरिं मघवानं पृतन्यान् ।
क्षिणामि ब्रह्मणामित्रानुन्नयामि स्वानहम् ॥३॥

तीक्ष्णीयांसः परशोरग्रेस्तीक्ष्णतरा उत ।
इन्द्रस्य वज्रात्तीक्ष्णीयांसो येषामस्मि पुरोहितः ॥४॥

एषामहमार्युधा सं स्याम्येषां राष्ट्रं सुवीरं वर्धयामि ।
एषां क्षत्रमजरमस्तु जिष्णवेऽेषां चित्तं विश्वेऽवन्तु देवाः ॥५॥

उद्धर्षन्तां मघवन्वाजिनान्युद्धीराणां जयतामेतु घोषः ।
पृथग्घोषां उलुलयः केतुमन्त उदीरताम् ।
देवा इन्द्रज्येष्ठा मरुतौ यन्तु सेनया ॥६॥

प्रेता जयता नर उग्रा वः सन्तु ब्राहवः ।
तीक्ष्णेषवोऽबलधन्वनो हतोग्रायुधा अब्रलानुग्रबाहवः ॥७॥

अर्वसृष्टा परा पतु शरव्ये ब्रह्मसंशिते ।
जयामित्रान्प्र पद्यस्व जह्येऽेषां वरंवरं मामीषां मोचि कश्चन ॥८॥

(२०) विंशं सूक्तम्

(१-१०) दशर्चस्यास्य सूक्तस्य वसिष्ठ ऋषिः । (१-२, ५) प्रथमाद्वितीययोर्ऋचोः
पञ्चम्याश्चाग्निः (३-४, ६-१०) तृतीयाचतुर्थ्योः षष्ठ्यादिपञ्चानाञ्च भगादयो देवताः ।

(१-५, ७, ९-१०) प्रथमादिपञ्चानां सप्तमीनवमीदशमीनाञ्चानुष्टुप्
(६) षष्ठ्याः पथ्यापङ्क्तिः (८) अष्टम्याश्च विराड्जगती छन्दांसि
अयं ते योनिर्ऋत्वियो यतो जातो अरौचथाः ।
तं जानन्नम आ रोहाधा नो वर्धय रयिम् ॥१॥

अग्ने अच्छा वदेह नः प्रत्यङ्गनः सुमना भव ।
प्र शौ यच्छ विशां पते धनदा असि नस्त्वम् ॥२॥

प्र शौ यच्छत्वर्यमा प्र भगुः प्र बृहस्पतिः ।
प्र देवीः प्रोत सूनृता रयिं देवी दधातु मे ॥३॥

सोमं राजानमवसेऽग्निं गीर्भिर्हवामहे ।
आदित्यं विष्णुं सूर्यं ब्रह्माणं च बृहस्पतिम् ॥४॥

त्वं नो अग्ने अग्निभिर्ब्रह्म यज्ञं च वर्धय ।
त्वं नो देव दातवे रयिं दानाय चोदय ॥५॥

इन्द्रवायू उभाविह सुहवेह हवामहे ।
यथा नः सर्व इज्जनः संगत्यां सुमना असदानकामश्च नो भुवत् ॥६॥

अर्यमणं बृहस्पतिमिन्द्रं दानाय चोदय ।
वातं विष्णुं सरस्वतीं सवितारं च वाजिनम् ॥७॥

वाजस्य नु प्रसवे सं बभूविमेमा च विश्वा भुवनान्यन्तः ।
उतादित्सन्तं दापयतु प्रजानन्नयिं च नः सर्ववीरं नि यच्छ ॥८॥

दुहां मे पञ्च प्रदिषो दुहामुर्वीर्यथाबलम् ।
प्रापैयं सर्वा आकूतीर्मनसा हृदयेन च ॥९॥

गोसनिं वाचमुदेयं वर्चसा माभ्युदिहि ।

आ रुन्धां सर्वतो वायुस्त्वष्ट्रा पोषं दधातु मे ॥१०॥

(२१) एकविंशं सूक्तम्

(१-१०) दशर्चस्यास्य सूक्तस्य वसिष्ठ ऋषिः । (१-७) प्रथमादिसप्तर्चामग्रयः
(८-१०) अष्टम्यादितृचस्य च मन्त्रोक्ता देवताः । (१) प्रथमायाः पुरोऽनुष्टुप्त्रिष्टुप्
(२-३, ८) द्वितीयातृतीयाष्टमीनां भुरिक् त्रिष्टुप् (४) चतुर्थ्यास्त्रिष्टुप् (५) पञ्चम्या
जगती (६) षष्ठ्या उपरिष्टाद्विराड्बृहती (७) सप्तम्या विराड्गर्भा त्रिष्टुप्
(८) नवम्या निचृदनुष्टुप् (१०) दशम्याश्चानुष्टुप् छन्दांसि

ये अग्रयो अस्वश्रुन्तर्ये वृत्रे ये पुरुषे ये अशमसु ।

य आविवेशोषधीर्यो वनस्पतींस्तेभ्यो अग्निभ्यो हुतमस्त्वेतत् ॥१॥

यः सोमै अन्तर्यो गोष्वन्तर्य आविष्टो वयःसु यो मृगेषु ।

य आविवेश द्विपदो यश्चतुष्पदस्तेभ्यो अग्निभ्यो हुतमस्त्वेतत् ॥२॥

य इन्द्रैण सरथं याति देवो वैश्वानर उत विश्वदाव्यः ।

यं जोहवीमि पृतनासु सासृहिं तेभ्यो अग्निभ्यो हुतमस्त्वेतत् ॥३॥

यो देवो विश्वाद्यमु काममाहुर्य दातारं प्रतिगृह्णन्तमाहुः ।

यो धीरः शक्रः परिभूरदाभ्यस्तेभ्यो अग्निभ्यो हुतमस्त्वेतत् ॥४॥

यं त्वा होतारं मनसाभि संविदुस्त्रयोदश भौवनाः पञ्च मानवाः ।

वर्चोधसे यशसे सूनृतावते तेभ्यो अग्निभ्यो हुतमस्त्वेतत् ॥५॥

उक्षान्नाय वशान्नाय सोमपृष्ठाय वेधसे ।

वैश्वानरज्यैष्ठेभ्यस्तेभ्यो अग्निभ्यो हुतमस्त्वेतत् ॥६॥

दिवं पृथिवीमन्वन्तरिक्षं ये विद्युतमनुसंचरन्ति ।

ये दिद्वश्रुन्तर्ये वार्ते अन्तस्तेभ्यो अग्निभ्यो हुतमस्त्वेतत् ॥७॥

हिरण्यपाणिं सवितारमिन्द्रं बृहस्पतिं वरुणं मित्रमग्निम् ।

विश्वान्देवानङ्गिरसो हवामहे इमं क्रव्यादं शमयन्त्वग्निम् ॥८॥

शान्तो अग्निः क्रव्याच्छान्तः पुरुषरेषणः ।
अथो यो विश्वदाव्यशुस्तं क्रव्यादमशीशमम् ॥९॥

ये पर्वताः सोमपृष्ठा आपं उत्तानशीवरीः ।
वातः पर्जन्य आदग्निस्ते क्रव्यादमशीशमन् ॥१०॥

(२२) द्वाविंशं सूक्तम्

(१-६) षड्वचस्यास्य सूक्तस्य वसिष्ठ ऋषिः । बृहस्पतिर्विश्वे देवा वा देवता ।

(१) प्रथमर्चो विराट् त्रिष्टुप् (२, ५-६) द्वितीयापञ्चमीषष्ठीनामनुष्टुप्

(३) तृतीयायाः पञ्चपदा परानुष्टुब्बिराडतिजगती

(४) चतुर्थ्याश्च त्र्यवसाना षट्पदा जगती छन्दांसि

हस्तिवर्चसं प्रथतां बृहद्यशो अदित्या यत्तन्वः संबभूव ।
तत्सर्वे समदुर्मह्यमेतद्विश्वे देवा अदितिः सजोषाः ॥१॥

मित्रश्च वरुणश्चेन्द्रो रुद्रश्च चेततु ।
देवासौ विश्वधायसुस्ते माञ्जन्तु वर्चसा ॥२॥

येन हस्ती वर्चसा संबभूव येन राजा मनुष्येष्वप्स्वशुन्तः ।
येन देवा देवतामग्र आयन्तेन मामद्य वर्चसाग्रे वर्चस्विनं कृणु ॥३॥

यत्ते वर्चो जातवेदो बृहद्भ्रवत्याहुतेः ।
यावत्सूर्यस्य वर्च आसुरस्य च हस्तिनः ।
तावन्मे अश्विना वर्च आ धत्तां पुष्करस्रजा ॥४॥

यावच्चतस्रः प्रदिशश्चक्षुर्यावत्समश्नुते ।
तावत्समैत्विन्द्रियं मयि तद्धस्तिवर्चसम् ॥५॥

हस्ती मृगाणां सुषदामतिष्ठावान्बभूव हि ।

तस्य भर्गेन वर्चसाभि षिञ्चामि मामहम् ॥६॥

(२३) त्रयोविंशं सूक्तम्

(१-६) षडृचस्यास्य सूक्तस्य ब्रह्मा ऋषिः । चन्द्रमा योनिर्वा देवता ।

(१-४) प्रथमादिचतसृणामृचामनुष्टुप् (५) पञ्चम्या उपरिष्ठाद्भुरिग्बृहती

(६) षष्ठ्याश्च स्कन्धोग्रीवी बृहती छन्दांसि

येन वेहद्भूविथ नाशयामसि तत्त्वत् ।

इदं तदन्यत्र त्वदर्प दूरे नि दध्मसि ॥१॥

आ ते योनिं गर्भ एतु पुमान्बाणं इवेषुधिम् ।

आ वीरोऽत्र जायतां पुत्रस्ते दर्शमास्यः ॥२॥

पुमांसं पुत्रं जनय तं पुमाननु जायताम् ।

भवासि पुत्राणां माता जातानां जनयाश्च यान् ॥३॥

यानि भद्राणि बीजान्यृषभा जनयन्ति च ।

तैस्त्वं पुत्रं विन्दस्व सा प्रसूर्धेनुका भव ॥४॥

कृणोमि ते प्राजापत्यमा योनिंगर्भ एतु ते ।

विन्दस्व त्वं पुत्रं नारि यस्तुभ्यं शमसच्छमु तस्मै त्वं भव ॥५॥

यासां द्यौष्पिता पृथिवी माता समुद्रो मूलं वीरुधां बभूव ।

तास्त्वा पुत्रविद्याय दैवीः प्रावन्त्वोषधयः ॥६॥

(२४) चतुर्विंशं सूक्तम्

(१-७) सप्तर्चस्यास्य सूक्तस्य भृगुर्ऋषिः । वनस्पतिः प्रजापतिर्वा देवता ।

(१, ३-७) प्रथमर्चस्तृतीयादिपञ्चानाञ्चानुष्टुप्

(२) द्वितीयायाश्च निचृत्पथ्यापङ्क्तिश्छन्दसी

पर्यस्वतीरोषधयः पर्यस्वन्मामकं वर्चः ।

अथो पर्यस्वतीनामा भरेऽहं सहस्रशः ॥१॥

वेदाहं पर्यस्वन्तं चकारं धान्यं ब्रह्म ।
संभृत्वा नाम यो देवस्तं वयं हवामहे योयो अयज्वनो गृहे ॥२॥

इमा याः पञ्च प्रदिशो मानवीः पञ्च कृष्टयः ।
वृष्टे शापं नदीरिवेह स्फातिं समावहान् ॥३॥

उदुत्सं शतधारं सहस्रधारमक्षितम् ।
एवास्माकेदं धान्यं सहस्रधारमक्षितम् ॥४॥

शतहस्त समाहर सहस्रहस्त सं किर ।
कृतस्य कार्यस्य चेह स्फातिं समावह ॥५॥

तिस्रो मात्रा गन्धर्वाणां चतस्रो गृहपत्न्याः ।
तासां या स्फातिमत्तमा तया त्वाभि मृशामसि ॥६॥

उपोहश्च समूहश्च क्षत्तारौ ते प्रजापते ।
ताविहा वहतां स्फातिं ब्रह्म भूमानमक्षितम् ॥७॥

(२५) पञ्चविंशं सूक्तम्

(१-६) षडृचस्यास्य सूक्तस्य भृगुर्ऋषिः । मित्रावरुणौ कामेषवश्च देवताः ।

अनुष्टुप् छन्दः

उत्तुदस्त्वोत्तुदतु मा धृथाः शर्यने स्वे ।
इषुः कामस्य या भीमा तया विध्यामि त्वा हृदि ॥१॥

आधीपर्णां कामशल्यामिषुं संकल्पकुल्मलाम् ।
तां सुसंनतां कृत्वा कामौ विध्यतु त्वा हृदि ॥२॥

या प्लीहानं शोषयति कामस्येषुः सुसंनता ।
प्राचीनपद्मा व्योषा तया विध्यामि त्वा हृदि ॥३॥

शुचा विद्धा व्योषया शुष्कास्याभि सर्प मा ।
मृदुर्निर्मन्युः केवली प्रियवादिन्यनुव्रता ॥४॥

आजामि त्वाजन्या परि मातुरथो पितुः ।
यथा मम क्रतावसो मम चित्तमुपायसि ॥५॥

व्यस्यै मित्रावरुणौ हृदश्चित्तान्यस्यतम् ।
अथैनामक्रतुं कृत्वा ममैव कृणुतं वशै ॥६॥

(२६) षड्विंशं सूक्तम्

- (१-६) षड्विंशस्य सूक्तस्याथर्वा ऋषिः । (१) प्रथमर्चः साग्रयो हेतयः
(२) द्वितीयायाः सकामा अविष्यवः (३) तृतीयाया अव्युक्ता वैराजाः
(४) चतुर्थ्याः सवाताः प्रविध्यन्तः (५) पञ्चम्याः सौषधिका निलिम्पाः
(६) षष्ठ्याश्च बृहस्पतियुक्ता अवस्वन्तो देवताः । (१) प्रथमायास्त्रिष्टुप्
(२, ५-६) द्वितीयापञ्चमीषष्ठीनां जगती
(३-४) तृतीयाश्चतुर्थ्योश्च भुरिक्त्रिष्टुप् छन्दांसि

प्रत्येकं पञ्चपदा विपरीतपादलक्ष्मा ॥

येऽस्यां स्थ प्राच्यां दिशि हेतयो नाम देवास्तेषां वो अग्निरिषवः ।
ते नो मृडतु ते नोऽधि ब्रूत तेभ्यो वो नमस्तेभ्यो वः स्वाहा ॥१॥

येऽस्यां स्थ दक्षिणायां दिश्य विष्यवो नाम देवास्तेषां वः काम इषवः ।
ते नो मृडतु ते नोऽधि ब्रूत तेभ्यो वो नमस्तेभ्यो वः स्वाहा ॥२॥

येऽस्यां स्थ प्रतीच्यां दिशि वैराजा नाम देवास्तेषां वः आप इषवः ।
ते नो मृडतु ते नोऽधि ब्रूत तेभ्यो वो नमस्तेभ्यो वः स्वाहा ॥३॥

येऽस्यां स्थोदीच्यां दिशि प्रविध्यन्तो नाम देवास्तेषां वो वात इषवः ।
ते नो मृडतु ते नोऽधि ब्रूत तेभ्यो वो नमस्तेभ्यो वः स्वाहा ॥४॥

येऽस्यां स्थ ध्रुवायां दिशि निलिम्पा नाम देवास्तेषां वः ओषधीरिषवः ।

ते नो मृडतु ते नोऽधि ब्रूत तेभ्यो वो नमस्तेभ्यो वः स्वाहा ॥५॥

येऽस्यां स्थोर्ध्वायां दिश्यवस्वन्तो नाम देवास्तेषां वो बृहस्पतिरिषवः ।
ते नो मृडतु ते नोऽधि ब्रूत तेभ्यो वो नमस्तेभ्यो वः स्वाहा ॥६॥

(२७) सप्तविंशं सूक्तम्

(१-६) षड्चस्यास्य सूक्तस्याथर्वा ऋषिः । (१) प्रथमर्चः प्राची दिग्गिरसित
आदित्याः (२) द्वितीयाया दक्षिणा दिगिन्द्रस्तिरश्विराजिः पितरः

(३) तृतीयायाः प्रतीची दिग्वरुणः पृदाकुरन्नम् (४) चतुर्थ्या उदीची दिक्सोमः
स्वजोऽशनिः (५) पञ्चम्या ध्रुवा दिग्विष्णुः कल्माषग्रीवो वीरुधः (६) षष्ठ्याश्चोर्ध्वा
दिग्बृहस्पतिः श्वित्रं वर्षञ्च देवताः । (१, ३-४, ६) प्रथमातृतीयाचतुर्थीषष्ठीनां पञ्चपदा
ककुम्मतीगर्भाष्टिः (२) द्वितीयाया पञ्चपदा ककुम्मतीगर्भात्यष्टिः

(५) पञ्चम्याश्च पञ्चपदा ककुम्मतीगर्भा भुरिगष्टिश्छन्दांसि

प्राची दिग्गिरधिपतिरसितो रक्षितादित्या इषवः ।

तेभ्यो नमोऽधिपतिभ्यो नमो रक्षितृभ्यो नम इषुभ्यो नम एभ्यो अस्तु ।

योऽस्मान्द्वेष्टि यं वयं द्विष्मस्तं वो जम्भै दध्मः ॥१॥

दक्षिणा दिगिन्द्रोऽधिपतिस्तिरश्विराजी रक्षिता पितर इषवः ।

तेभ्यो नमोऽधिपतिभ्यो नमो रक्षितृभ्यो नम इषुभ्यो नम एभ्यो अस्तु ।

योऽस्मान्द्वेष्टि यं वयं द्विष्मस्तं वो जम्भै दध्मः ॥२॥

प्रतीची दिग्वरुणोऽधिपतिः पृदाकू रक्षितान्मिषवः ।

तेभ्यो नमोऽधिपतिभ्यो नमो रक्षितृभ्यो नम इषुभ्यो नम एभ्यो अस्तु ।

योऽस्मान्द्वेष्टि यं वयं द्विष्मस्तं वो जम्भै दध्मः ॥३॥

उदीची दिक्सोमोऽधिपतिः स्वजो रक्षिताशनिरिषवः ।

तेभ्यो नमोऽधिपतिभ्यो नमो रक्षितृभ्यो नम इषुभ्यो नम एभ्यो अस्तु ।

योऽस्मान्द्वेष्टि यं वयं द्विष्मस्तं वो जम्भै दध्मः ॥४॥

ध्रुवा दिग्विष्णुरधिपतिः कल्माषग्रीवो रक्षिता वीरुध इषवः ।

तेभ्यो नमोऽधिपतिभ्यो नमो रक्षितृभ्यो नम इषुभ्यो नम एभ्यो अस्तु ।

यो३ऽस्मान्द्वेष्टि यं व॒यं द्विष्मस्तं वो॒ जम्भै॑ दध्मः ॥५॥

ऊ॒र्ध्वा दिग्बृहस्पतिरधिपतिः श्वित्रो रक्षिता वर्षमिषवः ।
तेभ्यो॒ नमोऽधिपतिभ्यो॒ नमो॑ रक्षितृभ्यो॒ नम॑ इषुभ्यो॒ नम॑ एभ्यो अस्तु ।
यो३ऽस्मान्द्वेष्टि यं व॒यं द्विष्मस्तं वो॒ जम्भै॑ दध्मः ॥६॥

(२८) अष्टाविंशं सूक्तम्

(१-६) षड्चस्यास्य सूक्तस्य ब्रह्मा ऋषिः । यमिनी देवता ।

(१) प्रथमर्चोऽतिशक्वरीगर्भा चतुष्पदातिजगती (२-३) द्वितीयातृतीययोरनुष्टुप्

(४) चतुर्थ्या यवमध्या विराट्ककुप् (५) पञ्चम्यास्त्रिष्टुप्

(६) षष्ठ्याश्च विराड्गर्भा प्रस्तारपङ्क्तिश्छन्दांसि

एकैकयैषा सृष्ट्या सं बभूव यत्र गा असृजन्त भूतकृतो विश्वरूपाः ।
यत्र विजायते यमिन्यर्पतुः सा पशून्क्षिणाति रिफती रुशती ॥१॥

एषा पशून्त्सं क्षिणाति क्रव्याद्भूत्वा व्यद्वरी ।
उतैनां ब्रह्मणै दद्यात्तथा स्योना शिवा स्यात् ॥२॥

शिवा भव पुरुषेभ्यो गोभ्यो अश्वेभ्यः शिवा ।
शिवास्मै सर्वस्मै क्षेत्राय शिवा न इहैधि ॥३॥

इह पुष्टिर्हि रस इह सहस्रसातमा भव ।
पशून्यमिनि पोषय ॥४॥

यत्रा सुहार्दः सुकृतो मदन्ति विहाय रोगं तन्वशुः स्वायाः ।
तं लोकं यमिन्यभिसंबभूव सा नो मा हिंसीत्पुरुषान्पशून्श्च ॥५॥

यत्रा सुहार्दा सुकृतामग्निहोत्रहतां यत्र लोकः ।
तं लोकं यमिन्यभिसंबभूव सा नो मा हिंसीत्पुरुषान्पशून्श्च ॥६॥

(२६) एकोनत्रिंशं सूक्तम्

(१-८) अष्टर्चस्यास्य सूक्तस्योद्दालक ऋषिः । (१-६) प्रथमादिषडृचां शितिपादविः

(७) सप्तम्याः कामः (८) अष्टम्याश्च भूमिर्देवताः । (१, ३) प्रथमातृतीययोर्ऋचोः

पथ्यापङ्क्तिः (२, ४-६) द्वितीयायाश्चतुर्थ्यादितृचस्य चानुष्टुप्

(७) सप्तम्यास्त्रयवसाना षट्पदा उपरिष्ठाद्देवी बृहती ककुम्मतीगर्भा विराड्जगती

(८) अष्टम्याश्चोपरिष्ठाद्बृहती छन्दांसि

यद्राजानो विभजन्त इष्टापूर्तस्य षोडशं यमस्यामी संभासदः ।

अविस्तस्मात्प्र मुञ्चति दत्तः शितिपात्स्वधा ॥१॥

सर्वान्कामान्पूरयत्याभवन्प्रभवन्भवन् ।

आकूतिप्रोऽर्विर्दत्तः शितिपान्नोप दस्यति ॥२॥

यो ददाति शितिपाद्मविं लोकेन संमितम् ।

स नाकमभ्यारौहति यत्र शुल्को न क्रियते अबलेन बलीयसे ॥३॥

पञ्चापूपं शितिपाद्मविं लोकेन संमितम् ।

प्रदातोप जीवति पितृणां लोकेऽक्षितम् ॥४॥

पञ्चापूपं शितिपाद्मविं लोकेन संमितम् ।

प्रदातोप जीवति सूर्यामासयोरक्षितम् ॥५॥

इरेव नोप दस्यति समुद्र इव पयो महत् ।

देवौ सवासिनाविव शितिपान्नोप दस्यति ॥६॥

क इदं कस्मा अदात्कामुः कामायादात् ।

कामो दाता कामः प्रतिग्रहीता कामः समुद्रमा विवेश ।

कामेन त्वा प्रति गृह्णामि कामैतत्तै ॥७॥

भूमिष्ठा प्रति गृह्णात्वन्तरिक्षमिदं महत् ।

माहं प्राणेन मात्मना मा प्रजया प्रतिगृह्य वि राधिषि ॥८॥

(३०) त्रिंशं सूक्तम्

(१-७) सप्तर्चस्यास्य सूक्तस्याथर्वा ऋषिः । चन्द्रमा सामनस्यञ्च देवते ।
 (१-४) प्रथमादिचतुर्ऋचामनुष्टुप् पञ्चम्या विराड्जगती (६) षष्ठ्याः प्रस्तारपङ्क्तिः
 (७) सप्तम्याश्च त्रिष्टुप् छन्दांसि
 सहृदयं सामनस्यमविद्वेषं कृणोमि वः ।
 अन्यो अन्यमभि हर्यत वृत्सं जातमिवाघ्र्या ॥१॥

अनुव्रतः पितुः पुत्रो मात्रा भवतु संमनाः ।
 जाया पत्ये मधुमतीं वाचं वदतु शन्तिवाम् ॥२॥

मा भ्राता भ्रातरं द्विजन्मा स्वसारमुत स्वसा ।
 सम्यञ्चः सव्रता भूत्वा वाचं वदत भद्रया ॥३॥

येन देवा न वियन्ति नो च विद्विषतै मिथः ।
 तत्कृणो ब्रह्म वो गृहे संज्ञानं पुरुषेभ्यः ॥४॥

ज्यार्यस्वन्तश्चित्तिनो मा वि यौष्ट संराधयन्तः सधुराश्चरन्तः ।
 अन्यो अन्यस्मै वल्गु वदन्त एत सध्रीचीनान्वः संमनसस्कृणोमि ॥५॥

सुमानी प्रपा सह वौऽन्नभागः समाने योक्त्रे सह वौ युनज्मि ।
 सम्यञ्चोऽग्निं सपर्यतारा नाभिमिवाभितः ॥६॥

सध्रीचीनान्वः संमनसस्कृणोम्येकशुष्ठीन्त्संवननेन सर्वान् ।
 देवा इवामृतं रक्षमाणाः सायंप्रातः सौमनसो वौ अस्तु ॥७॥

(३१) एकविंशं सूक्तम्

(१-११) एकादशर्चस्यास्य सूक्तस्य ब्रह्मा ऋषिः । पाप्महा मन्त्रोक्ताश्च देवताः ।
 (१-३, ६-११) प्रथमादितृचस्य षष्ठ्यादिषण्णाञ्चानुष्टुप् (४) चतुर्थ्या भुरिगनुष्टुप्
 (५) पञ्चम्याश्च विराट् प्रस्तारपङ्क्तिश्छन्दांसि
 वि देवा जरसावृतन्वि त्वमग्ने अरात्या ।

व्य॑हं सर्वे॑ण पा॒प्मना॒ वि यद्मै॑ण॒ समायु॑षा ॥१॥

व्या॒र्त्या प॑र्व॒मानो॒ वि श॒क्रः पा॑प॒कृत्य॑या ।
व्य॑हं सर्वे॑ण पा॒प्मना॒ वि यद्मै॑ण॒ समायु॑षा ॥२॥

वि ग्रा॒म्याः प॒शव॑ आ॒रुण॑यै॒र्व्या॑पु॒स्तृष्णा॑यासरन् ।
व्य॑हं सर्वे॑ण पा॒प्मना॒ वि यद्मै॑ण॒ समायु॑षा ॥३॥

वी॒रु॑ मे द्यावा॑पृथि॒वी इ॒तो वि प॒न्थानो॑ दि॒शंदि॑शम् ।
व्य॑हं सर्वे॑ण पा॒प्मना॒ वि यद्मै॑ण॒ समायु॑षा ॥४॥

त्वष्टा॑ दु॒हित्रे॑ व॒हृतुं॑ यु॒नक्ती॑ती॒दं वि॒श्वं भु॑व॒नं वि या॑ति ।
व्य॑हं सर्वे॑ण पा॒प्मना॒ वि यद्मै॑ण॒ समायु॑षा ॥५॥

अ॒ग्निः प्रा॒णान्त्सं द॑धाति च॒न्द्रः प्रा॒णेन॒ संहि॑तः ।
व्य॑हं सर्वे॑ण पा॒प्मना॒ वि यद्मै॑ण॒ समायु॑षा ॥६॥

प्रा॒णेन॑ वि॒श्वतो॑वीर्यं दे॒वाः सूर्य॑ समै॒रयन् ।
व्य॑हं सर्वे॑ण पा॒प्मना॒ वि यद्मै॑ण॒ समायु॑षा ॥७॥

आ॒युष्म॑तामा॒युष्कृ॑तां प्रा॒णेन॑ जीव॒ मा मृ॑थाः ।
व्य॑हं सर्वे॑ण पा॒प्मना॒ वि यद्मै॑ण॒ समायु॑षा ॥८॥

प्रा॒णेन॑ प्रा॒णतां॑ प्रा॒णेहै॑व भव॒ मा मृ॑थाः ।
व्य॑हं सर्वे॑ण पा॒प्मना॒ वि यद्मै॑ण॒ समायु॑षा ॥९॥

उ॒दायु॑षा॒ समा॒युषो॑दोष॒धीनां॑ रसे॒न ।
व्य॑हं सर्वे॑ण पा॒प्मना॒ वि यद्मै॑ण॒ समायु॑षा ॥१०॥

आ पु॒र्जन्य॑स्य वृ॒ष्ट्यो॑द॒स्थामा॒मृता॑ व॒यम् ।
व्य॑हं॒ सर्वे॑ण पा॒प्मना॒ वि यद्मे॑ण॒ समायु॑षा ॥११॥

इति तृतीयं कारण्डम्

अथ चतुर्थं काण्डम्

(१) प्रथमं सूक्तम्

(१-७) सप्तर्चस्यास्य सूक्तस्य वेन ऋषिः । बृहस्पतिरादित्यो वा देवता ।

(१, ३-४, ६-७) प्रथमातृतीयाचतुर्थीषष्ठीसप्तमीनामृचां त्रिष्टुप्

(२, ५) द्वितीयापञ्चम्योश्च भुरिक्त्रिष्टुप् छन्दसी

ब्रह्म जज्ञानं प्रथमं पुरस्ताद्वि सीमृतः सुरुचो वेन आवः ।

स बुध्या उपमा अस्य विष्टाः सतश्च योनिमसतश्च वि वः ॥१॥

इयं पित्र्या राष्ट्रयेत्वग्रे प्रथमाय जनुषे भुवनेष्टाः ।

तस्मा एतं सुरुचं ह्यारमह्यं घर्म श्रीणन्तु प्रथमाय धास्यवे ॥२॥

प्र यो जज्ञे विद्वानस्य बन्धुर्विश्वा देवानां जनिमा विवक्ति ।

ब्रह्म ब्रह्मण उज्जभार मध्यान्नीचैरुच्चैः स्वधा अभि प्र तस्थौ ॥३॥

स हि दिवः स पृथिव्या ऋतस्था मही क्षेमं रोदसी अस्कभायत् ।

महान्मही अस्कभायद्वि जातो द्यां सद्य पार्थिवं च रजः ॥४॥

स बुध्यादाष्ट्र जनुषोऽभ्यग्रं बृहस्पतिर्देवता तस्य सम्राट् ।

अहर्यच्छुक्रं ज्योतिषो जनिष्टार्थं द्युमन्तो वि वसन्तु विप्राः ॥५॥

नूनं तदस्य काव्यो हिनोति महो देवस्य पूर्वस्य धाम ।

एष जज्ञे बहुभिः साकमित्था पूर्वे अर्धे विषिते ससन्तु ॥६॥

योऽथर्वाणं पितरं देवबन्धुं बृहस्पतिं नमसाव च गच्छात् ।

त्वं विश्वेषां जनिता यथासः क्विर्देवो न दभायत्स्वधावान् ॥७॥

(२) द्वितीयं सूक्तम्

(१-८) अष्टर्चस्यास्य सूक्तस्य वेन ऋषिः । आत्मा देवता ।

(१-५, ७) प्रथमादिपञ्चर्चा सप्तम्याश्च त्रिष्टुप् (६) षष्ठ्याः पुरोऽनुष्टुप्त्रिष्टुप्

(८) अष्टम्याश्चोपरिष्टाज्जयोतिश्छन्दांसि

य आत्मदा बलदा यस्य विश्वं उपासते प्रशिषं यस्य देवाः ।
योऽस्येशै द्विपदो यश्चतुष्पदः कस्मै देवाय हविषा विधेम ॥१॥

यः प्राणतो निमिषतो महित्वैको राजा जगतो बभूव ।
यस्य छायामृतं यस्य मृत्युः कस्मै देवाय हविषा विधेम ॥२॥

यं क्रन्दसी अर्वातश्चस्कभाने भियसाने रोदसी अहयेथाम् ।
यस्यासौ पन्था रजसो विमानः कस्मै देवाय हविषा विधेम ॥३॥

यस्य द्यौरुर्वी पृथिवी च मही यस्याद उर्वंश्चरिन्नम् ।
यस्यासौ सूरु विततो महित्वा कस्मै देवाय हविषा विधेम ॥४॥

यस्य विश्वे हिमवन्तो महित्वा समुद्रे यस्य रसामिदाहुः ।
इमाश्च प्रदिशो यस्य बाहू कस्मै देवाय हविषा विधेम ॥५॥

आपो अग्रे विश्वमावन्गर्भं दधाना अमृता ऋतज्ञाः ।
यासु देवीष्वधि देव आसीत्कस्मै देवाय हविषा विधेम ॥६॥

हिरण्यगर्भः समवर्तताग्रे भूतस्य जातः पतिरेक आसीत् ।
स दाधार पृथिवीमुत द्यां कस्मै देवाय हविषा विधेम ॥७॥

आपो वृत्सं जनयन्तीर्गर्भमग्रे समैरयन् ।
तस्योत जायमानस्योल्ब आसीद्धिरण्ययुः कस्मै देवाय हविषा विधेम
॥८॥

(३) तृतीयं सूक्तम्

(१-७) समर्चस्यास्य सूक्तस्याथर्वा ऋषिः । रुद्रो व्याघ्रो वा देवता ।

(१) प्रथमर्चः पथ्यापङ्क्तिः (२, ४-६) द्वितीयायाश्चतुर्थ्यादितृचस्य चानुष्टुप्

(३) तृतीयाया गायत्री समम्याश्च ककुम्मतीगर्भोपरिष्ठाद्बृहती छन्दांसि

उदितस्त्रयो अक्रमन्व्याघ्रः पुरुषो वृकः ।

हिरुगिघ यन्ति सिन्धवो हिरुदेवो वनस्पतिर्हिरुङ्गनमन्तु शत्रवः ॥१॥

परैणेतु पृथा वृकः परमेणेत तस्करः ।
परैण दृत्वती रज्जुः परैणाघायुरर्षतु ॥२॥

अद्यौ च ते मुखं च ते व्याघ्र जम्भयामसि ।
आत्सर्वान्विश्रुतिं नृखान् ॥३॥

व्याघ्रं दृत्वतां वयं प्रथमं जम्भयामसि ।
आदुष्टेनमथो अहिं यातुधानमथो वृकम् ॥४॥

यो अद्य स्तेन आयति स संपिष्टो अपायति ।
पथामपध्वंसेनैत्विन्द्रो वज्रैण हन्तु तम् ॥५॥

मूर्णा मृगस्य दन्ता अपिशीर्णा उ पृष्टयः ।
निमुक्ते गोधा भवतु नीचार्यच्छशयुर्मृगः ॥६॥

यत्संयमो न वि यमो वि यमो यन्न संयमः ।
इन्द्रजाः सौमजा आथर्वणमसि व्याघ्रजम्भनम् ॥७॥

(४) चतुर्थं सूक्तम्

(१-८) अष्टर्चस्यास्य सूक्तस्याथर्वा ऋषिः । वनस्पतिर्देवता ।

(१-३, ५, ८) प्रथमादितृचस्य पञ्चम्यष्टम्योर्त्रचोरनुष्टुप्

(४) चतुर्थ्याः भुरिक्पुर उष्णिक् (६-७) षष्ठीसप्तम्योश्च भुरिगनुष्टुप् छन्दांसि

यां त्वा गन्धर्वो अखनद्वरुणाय मृतभ्रजे ।
तां त्वा वयं खनामस्योर्षधिं शेपहर्षणीम् ॥१॥

उदुषा उदु सूर्य उद्विदं मामकं वचः ।
उदैजतु प्रजापतिर्वृषा शुष्मेण वाजिना ॥२॥

यथा स्म ते विरोहतोऽभितप्रमिवानति ।
ततस्ते शुष्मवत्तरमियं कृणोत्वोषधिः ॥३॥

उच्छुष्मौषधीनां सारं ऋषुभागाम् ।
सं पुंसामिन्द्र वृष्यमस्मिन्धैहि तनूवशिन् ॥४॥

अपां रसः प्रथमजोऽथो वनस्पतीनाम् ।
उत सोमस्य भ्रातास्युतार्शमसि वृष्यम् ॥५॥

अद्याग्ने अद्य सवितरद्य देवि सरस्वति ।
अद्यास्य ब्रह्मणस्पते धनुर्वा तानया पसः ॥६॥

आहं तनोमि ते पसो अधि ज्यामिव धन्वनि ।
क्रमस्वर्श इव रोहितमनवग्लायता सदा ॥७॥

अश्वस्याश्वतरस्याजस्य पेट्वस्य च ।
अथ ऋषभस्य ये वाजास्तानस्मिन्धैहि तनूवशिन् ॥८॥

(५) पञ्चमं सूक्तम्

(१-७) सप्तमर्चस्यास्य सूक्तस्य ब्रह्मा ऋषिः । वृषभः स्वपनञ्च देवते ।

(१, ३-६) प्रथमर्चस्तृतीयादिचतसृणाञ्चानुष्टुप् (२) द्वितीयाया भुरिगनुष्टुप्

(७) सप्तम्याश्च पुरस्ताज्ज्योतिस्त्रिष्टुप् छन्दांसि

सहस्रशृङ्गो वृषभो यः समुद्रादुदाचरत् ।
तेना सहस्येना वयं नि जनान्स्वापयामसि ॥१॥

न भूमिं वातो अति वाति नाति पश्यति कश्चन ।
स्त्रियश्च सर्वाः स्वापय शुनश्चेन्द्रसखा चरन् ॥२॥

प्रोष्ठेशयास्तल्पेशया नारीर्या वह्यशीवरीः ।
स्त्रियो याः पुर्यगन्धयस्ताः सर्वाः स्वापयामसि ॥३॥

एजदेजदजग्रभं चक्षुः प्राणमजग्रभम् ।
अङ्गान्यजग्रभं सर्वा रात्रीणामतिशवरे ॥४॥

य आस्ते यश्चरति यश्च तिष्ठन्विपश्यति ।
तेषां सं दध्मो अक्षीणि यथेदं हर्म्य तथा ॥५॥

स्वप्तुं माता स्वप्तुं पिता स्वप्तुं श्वा स्वप्तुं विश्पतिः ।
स्वपन्त्वस्यै ज्ञातयः स्वप्त्वयमभितो जनः ॥६॥

स्वप्नं स्वप्राभिकरणेन सर्वं निष्वापया जनम् ।
ओत्सूर्यमन्यान्त्स्वापयाव्युषं जागृतादहमिन्द्र इवारिष्टो अक्षितः ॥७॥

(६) षष्ठं सूक्तम्

(१-८) अष्टर्चस्यास्य सूक्तस्य गरुत्मानृषिः । तक्षको मन्त्रोक्ताश्च देवताः ।
अनुष्टुप् छन्दः ॥

ब्राह्मणो जज्ञे प्रथमो दशशीर्षो दशास्यः ।
स सोमं प्रथमः पपौ स चकारारसं विषम् ॥१॥

यावती द्यावापृथिवी वरिष्णा यावत्सप्त सिन्धवो वितष्टिरे ।
वाचं विषस्य दूषणीं तामितो निरवादिषम् ॥२॥

सुपर्णस्त्वां गरुत्मान्विषं प्रथममावयत् ।
नामीमदो नारूरुप उतास्मा अभवः पितुः ॥३॥

यस्त आस्यत्पञ्चाङ्गुरिर्वक्राच्चिदधि धन्वनः ।
अपस्कम्भस्य शल्यान्निरवोचमहं विषम् ॥४॥

शल्याद्विषं निरवोचं प्राञ्जनादुत पर्णधेः ।
अपाष्ठाच्छृङ्गात्कुल्मलान्निरवोचमहं विषम् ॥५॥

अरसस्त इषो शल्योऽथो ते अरसं विषम् ।
उतारसस्य वृक्षस्य धनुष्टे अरसारसम् ॥६॥

ये अपीषुन्ये अदिहन्य आस्यन्ये अवासृजन् ।
सर्वे ते वध्रयः कृता वध्रिर्विषगिरिः कृतः ॥७॥

वध्रयस्ते खनितारो वध्रिस्त्वमस्योषधे ।
वध्रिः स पर्वतो गिरिर्यतो जातमिदं विषम् ॥८॥

(७) सप्तमं सूक्तम्

(१-७) सप्तर्चस्यास्य सूक्तस्य गरुत्मानृषिः । वनस्पतिर्देवता ।

(१-३, ५-७) प्रथमादितृचस्य पञ्चम्यादितृचस्य चानुष्टुप्

(४) चतुर्थ्याश्च स्वराडनुष्टुप् छन्दसी

वारिदं वारयातै वरुणावत्यामधि ।
तत्रामृतस्यासिक्तं तेना ते वारये विषम् ॥९॥

अरसं प्राच्यं विषमरसं यदुदीच्यम् ।
अथेदमधराच्यं करम्भेण वि कल्पते ॥१०॥

करम्भं कृत्वा तिर्यं पीबस्पाकमुदारथिम् ।
क्षुधा किल त्वा दुष्टनो जद्विवान्त्स न रूरुपः ॥११॥

वि ते मदं मदावति शरमिव पातयामसि ।
प्र त्वा चरुमिव येषन्तं वचसा स्थापयामसि ॥१२॥

परि ग्राममिवाचितं वचसा स्थापयामसि ।
तिष्ठा वृक्ष इव स्थापयध्रिखाते न रूरुपः ॥१३॥

पवस्तैस्त्वा पर्यक्रीणन्दूर्शेभिरजिनैरुत ।
प्रक्रीरसि त्वमौषधेऽध्रिखाते न रूरुपः ॥१४॥

अनाप्ता ये वः प्रथमा यानि कर्माणि चक्रिरे ।
वीरान्नो अत्र मा दभन्तद्व एतत्पुरो दधे ॥७॥

(८) अष्टमं सूक्तम्

(१-७) सप्तर्चस्यास्य सूक्तस्याथर्वाऽङ्गिरा ऋषिः । चन्द्रमा आपश्च देवताः । (१, ७)
प्रथमासप्तम्योर्ऋचोर्भुरिक्त्रिष्टुप् (२, ४, ६) द्वितीयाचतुर्थीषष्ठीनामनुष्टुप् (३)
तृतीयायास्त्रिष्टुप् (५) पञ्चम्याश्च विराट् प्रस्तारपङ्क्तिश्छन्दांसि
भूतो भूतेषु पय आ दधाति स भूतानामधिपतिर्बभूव ।
तस्य मृत्युश्चरति राजसूयं स राजा राज्यमनु मन्यतामिदम् ॥१॥

अभि प्रेहि माप वेन उग्रश्चेत्ता संपत्नहा ।
आ तिष्ठ मित्रवर्धन तुभ्यं देवा अधि ब्रुवन् ॥२॥

आतिष्ठन्तं परि विश्वे अभूषं द्वियं वसानश्चरति स्वरोचिः ।
महत्तद्वृष्णो असुरस्य नामा विश्वरूपो अमृतानि तस्थौ ॥३॥

व्याघ्रो अधि वैयाघ्रे वि क्रमस्व दिशौ महीः ।
विशस्त्वा सर्वा वाञ्छन्त्वापौ दिव्याः पर्यस्वतीः ॥४॥

या आपौ दिव्याः पर्यसा मदन्त्यन्तरिक्ष उत वा पृथिव्याम् ।
तासां त्वा सर्वासामपामभि षिञ्चामि वर्चसा ॥५॥

अभि त्वा वर्चसासिचन्नापौ दिव्याः पर्यस्वतीह ।
यथासौ मित्रवर्धनस्तथा त्वा सविता करत् ॥६॥

एना व्याघ्रं परिष्वजानाः सिंहं हिन्वन्ति महते सौभगाय ।
समुद्रं न सुभुवस्तस्थिवांसं मर्मृज्यन्ते द्वीपिनमुप्स्वन्तः ॥७॥

(६) नवमं सूक्तम्

(१-१०) दशर्चस्यास्य सूक्तस्य भृगुर्ऋषिः । त्रैकाकुदाञ्जनं देवता ।

(१, ४-१०) प्रथमर्चश्चतुर्थ्यादिसप्तानाञ्चानुष्टुप् (२) द्वितीयाया ककुम्मत्यनुष्टुप्

(३) तृतीयायाश्च पथ्यापङ्क्तिश्छन्दांसि

एहि जीवं त्रायमाणां पर्वतस्यास्यक्षयम् ।

विश्वेभिर्देवैर्दत्तं परिधिर्जीवनाय कम् ॥१॥

परिपाणां पुरुषाणां परिपाणां गवामसि ।

अश्वानामर्वतां परिपाणाय तस्थिषे ॥२॥

उतासिं परिपाणां यातुजम्भनमाञ्जन ।

उतामृतस्य त्वं वेत्थाथो असि जीवभोजनमथो हरितभेषजम् ॥३॥

यस्याञ्जन प्रसर्पस्यङ्गमङ्गं परुष्परुः ।

ततो यद्धमं वि बाधस उग्रो मध्यमशीरिव ॥४॥

नैनं प्राप्नोति श्पथो न कृत्या नाभिशोचनम् ।

नैनं विष्कन्धमश्नुते यस्त्वा बिभर्त्याञ्जन ॥५॥

असन्मन्त्राद्दुष्वप्रयाद्दुष्कृताच्छर्मलादुत ।

दुर्हार्दश्चक्षुषो घोरात्तस्मान्नः पाह्याञ्जन ॥६॥

इदं विद्वानाञ्जन सत्यं वक्ष्यामि नानृतम् ।

सनेयमश्वं गामहमात्मानं तव पूरुष ॥७॥

त्रयो दासा आञ्जनस्य तुक्मा बलासु आदहिः ।

वर्षिष्ठः पर्वतानां त्रिकुन्नाम ते पिता ॥८॥

यदाञ्जनं त्रैककुदं जातं हिमवतस्परि ।

यातूँश्च सर्वाञ्जम्भयत्सर्वाश्च यातुधान्युः ॥९॥

यदि वासिं त्रैककुदं यदि यामुनमुच्यसे ।
उभे ते भद्रे नाम्नी ताभ्यां नः पाह्याञ्जन ॥१०॥

(१०) दशमं सूक्तम्

(१-७) सप्तर्चस्यास्य सूक्तस्याथर्वा ऋषिः । शङ्खमणिः कृशनो देवता ।

(१-५) प्रथमादिपञ्चार्चामनुष्टुप् (६) षष्ठ्याः पथ्यापङ्क्तिः

(७) सप्तम्याश्च पञ्चपदा परानुष्टुप् शकवरी छन्दांसि

वाताञ्जातो अन्तरिक्षाद्विद्युतो ज्योतिषस्परि ।
स नो हिरण्यजाः शङ्खः कृशनः पात्वंहसः ॥१॥

यो अग्रतो रौचनानां समुद्रादधि जज्ञिषे ।
शङ्खेन हत्वा रक्षांस्यत्त्रिणो वि षहामहे ॥२॥

शङ्खेनामीवाममतिं शङ्खेनोत सदान्वाः ।
शङ्खो नो विश्वभैषजः कृशनः पात्वंहसः ॥३॥

दिवि जातः समुद्रजः सिन्धुतस्पर्याभृतः ।
स नो हिरण्यजाः शङ्ख आयुष्प्रतरणो मणिः ॥४॥

समुद्राञ्जातो मणिर्वृत्राञ्जातो दिवाकरः ।
सो अस्मान्त्सर्वतः पातु हेत्या देवासुरेभ्यः ॥५॥

हिरण्यानामेकोऽसि सोमात्त्वमधि जज्ञिषे ।
रथे त्वमसि दर्शत इषुधौ रौचनस्त्वं प्र ण आयूषि तारिषत् ॥६॥

देवानामस्थि कृशनं बभूव तदात्मन्वच्चरत्यप्स्वश्रुन्तः ।
तत्ते बध्नाम्यायुषे वर्चसे बलाय दीर्घायुत्वाय शतशारदाय कार्शनस्त्वाभि
रक्षतु ॥७॥

(११) एकादशं सूक्तम्

(१-१२) द्वादशर्चस्यास्य सूक्तस्य भृगवङ्गिरा ऋषिः । इन्द्ररूपोऽनडुदेवता । (१, ४)
प्रथमाचतुर्थ्योऽर्चोर्जगती (२) द्वितीयाया भुरिक्विष्टुप् (३, ५-६) तृतीयापञ्चमीषष्ठीनां
त्रिष्टुप् (७) सप्तम्यारूयवसाना षट्पदानुष्टुब्गर्भोपरिष्ठाज्जागता निचृच्छक्वरी
(८-१२) अष्टम्यादिपञ्चानाञ्चानुष्टुप् छन्दांसि ॥

अनड्वान्दाधार पृथिवीमुत द्यामनड्वान्दाधारोर्वशुन्तरिक्षम् ।
अनड्वान्दाधार प्रदिशः षडुर्वीरनड्वान्विश्वं भुवनमा विवेश ॥१॥

अनड्वानिन्द्रः स पशुभ्यो वि चष्टे त्रयां छक्रो वि मिमीते अध्वनः ।
भूतं भविष्यद्भुवनं दुहानः सर्वा देवानां चरति वृतानि ॥२॥

इन्द्रो जातो मनुष्येष्वन्तर्घर्मस्तमश्चरति शोशुचानः ।
सुप्रजाः सन्त्स उदारे न सर्षद्यो नाशनीयादनुडुहो विजानन् ॥३॥

अनड्वान्दुहे सुकृतस्य लोक ऐनं प्याययति पर्वमानः पुरस्तात् ।
पर्जन्यो धारां मरुत ऊधौ अस्य यज्ञः पयो दक्षिणा दोहो अस्य ॥४॥

यस्य नेशै यज्ञपतिर्न यज्ञो नास्य दातेशे न प्रतिग्रहीता ।
यो विश्वजिद्विश्वभृद्विश्वकर्मा घर्म नो ब्रूत यतमश्चतुष्पात् ॥५॥

येन देवाः स्वरारुरुहर्हित्वा शरीरममृतस्य नाभिम ।
तेन गेष्म सुकृतस्य लोकं घर्मस्य वृतेन तपसा यशस्यवः ॥६॥

इन्द्रो रूपेणाग्निर्वहेन प्रजापतिः परमेष्ठी विराट् ।
विश्वानरे अक्रमत वैश्वानरे अक्रमतानुदुह्यक्रमत ।
सोऽदृहयत् सोऽधारयत् ॥७॥

मध्यमेतदनुडुहो यत्रैष वह आहितः ।
एतावदस्य प्राचीनं यावान्प्रत्यङ् समाहितः ॥८॥

यो वेदानुदुहो दोहान्त्सप्तानुपदस्वतः ।
प्रजां च लोकं चाप्नोति तथा सप्तऋषयौ विदुः ॥६॥

पुद्भिः सेदिमवक्रामन्निरां जङ्घाभिरुत्खिदन् ।
स्रमैणानुड्वान्कीलालं कीनाशश्चाभि गच्छतः ॥१०॥

द्वादश वा एता रात्रीर्वत्या आहुः प्रजापतेः ।
तत्रोप ब्रह्म यो वेद तद्वा अनुदुहो व्रतम् ॥११॥

दुहे सायं दुहे प्रातदुहे मध्यंदिनं परि ।
दोहा ये अस्य संयन्ति तान्विघ्नानुपदस्वतः ॥१२॥

(१२) द्वादशं सूक्तम्

(१-७) सप्तर्चस्यास्य सूक्तस्य ऋभुर्ऋषिः । वनस्पतिर्देवता ।

(१) प्रथमर्चस्त्रिपदा गायत्री (२-५) द्वितीयादिचतसृणामनुष्टुप्

(६) षष्ठ्यास्त्रिपदा यवमध्या भुरिगायत्री

(७) सप्तम्याश्च बृहती छन्दांसि

रोहणयसि रोहणयस्थनश्छिन्नस्य रोहणी ।
रोहयेदमरुन्धति ॥१॥

यत्ते रिष्टं यत्ते द्युत्तमस्ति पेष्टं त आत्मनि ।
धाता तद्द्रव्या पुनः सं दधत्परुषा परुः ॥२॥

सं ते मज्ज मज्ञा भवतु समु ते परुषा परुः ।
सं ते मांसस्य विस्त्रस्तं समस्थ्यपि रोहतु ॥३॥

मज्ज मज्ञा सं धीयतां चर्मणा चर्म रोहतु ।
असृक्ते अस्थि रोहतु मांसं मांसेन रोहतु ॥४॥

लोम लोम्ना सं कल्पया त्वचा सं कल्पया त्वचम् ।

असृक्ते अस्थि रोहतु च्छिन्नं सं धैह्योषधे ॥५॥

स उत्तिष्ठ प्रेहि प्र द्रव रथः सुचक्रः सुपविः सुनाभिः ।
प्रति तिष्ठोर्ध्वः ॥६॥

यदि कर्त पतित्वा संश्रे यदि वाश्मा प्रहतो जघान ।
ऋभू रथस्येवाङ्गानि सं दधत्परुषा परः ॥७॥

(१३) त्रयोदशं सूक्तम्

(१-७) समर्चस्यास्य सूक्तस्य शन्तातिर्ऋषिः । चन्द्रमा विश्वे देवा वा देवताः ।

अनुष्टुप् छन्दः

उत देवा अवहितं देवा उन्नयथा पुनः ।
उतागश्चक्रुषं देवा देवा जीवर्यथा पुनः ॥१॥

द्वाविमौ वातौ वात आ सिन्धोरा परावतः ।
दक्षं ते अन्य आवातु व्यष्टन्यो वातु यद्रपः ॥२॥

आ वात वाहि भेषजं वि वात वाहि यद्रपः ।
त्वं हि विश्वभेषज देवानां दूत ईर्यसे ॥३॥

त्रायन्तामिमं देवास्त्रायन्तां मरुतां गुणाः ।
त्रायन्तां विश्वा भूतानि यथायमरुपा असत् ॥४॥

आ त्वागमं शन्तातिभिरथो अरिष्टतातिभिः ।
दक्षं त उग्रमाभारिषं परा यक्ष्मं सुवामि ते ॥५॥

अयं मे हस्तो भगवानयं मे भगवत्तरः ।
अयं मे विश्वभेषजोऽयं शिवाभिर्मर्शनः ॥६॥

हस्ताभ्यां दशशाखाभ्यां जिह्वा वाचः पुरोगवी ।

अनामयित्नुभ्यां हस्ताभ्यां ताभ्यां त्वाभि मृशामसि ॥७॥

(१४) चतुर्दशं सूक्तम्

(१-६) नवर्चस्यास्य सूक्तस्य भृगुर्ऋषिः । आज्यमग्निश्च देवते । (१, ५-६)
प्रथमापञ्चमीषष्ठीनामृचां त्रिष्टुप् (२, ४) द्वितीयाचतुर्थ्योरनुष्टुप् (३) तृतीयायाः
प्रस्तारपङ्क्तिः (७, ६) सप्तमीनवम्योर्जगती (८) अष्टम्याश्च पञ्चपदातिशक्वरी छन्दांसि
अजो ह्यशुंभेरजनिष्ट शोकात्सो अपश्यञ्जनितारमग्रे ।
तेन देवा देवतामग्र आयन्तेन रोहानुरुहुर्मेध्यासः ॥१॥

क्रमध्वमग्निना नाकमुख्यान्हस्तैषु बिभ्रतः ।
दिवस्पृष्टं स्वर्गत्वा मिश्रा देवेभिराध्वम् ॥२॥

पृष्ठात्पृथिव्या अहमन्तरिक्षमारुहमन्तरिक्षादिवमारुहम् ।
दिवो नाकस्य पृष्ठात्स्वर्ज्योतिरगामहम् ॥३॥

स्वर्त्यन्तो नापेक्षन्त आ द्यां रोहन्ति रोदसी ।
यज्ञं ये विश्वतौधारं सुविद्वांसो वितेनिरे ॥४॥

अग्ने प्रेहि प्रथमो देवतानां चक्षुर्देवानामुत मानुषानाम् ।
इयक्षमाणा भृगुभिः सजोषाः स्वर्त्यन्तु यजमानाः स्वस्ति ॥५॥

अजमनज्मि पर्यसा घृतेन दिव्यं सुपर्नं पयसं बृहन्तम् ।
तेन गेष्म सुकृतस्य लोकं स्वर्ारोहन्तो अभि नाकमुत्तमम् ॥६॥

पञ्चौदनं पञ्चभिरङ्गुलिभिर्दर्व्योद्धर पञ्चधैतमौदनम् ।
प्राच्यां दिशि शिरौ अजस्य धेहि दक्षिणायां दिशि दक्षिणं धेहि पार्श्वम्
॥७॥

प्रतीच्यां दिशि भुसदमस्य धेह्युत्तरस्यां दिश्युत्तरं धेहि पार्श्वम् ।
ऊर्ध्वायां दिश्युजस्यानूकं धेहि दिशि ध्रुवायां धेहि पाजस्यमन्तरिक्षे

मध्यतो मध्यमस्य ॥८॥

श्रुतमजं श्रुतया प्रोर्णहि त्वचा सर्वैरङ्गैः संभृतं विश्वरूपम् ।
स उत्तिष्ठेतो अभि नाकमुत्तमं पुद्भिश्चतुर्भिः प्रति तिष्ठ दिक्षु ॥९॥

(१५) पञ्चदशं सूक्तम्

(१-१६) षोडशर्चस्यास्य सूक्तस्याथर्वा ऋषिः । (१) प्रथमर्चः सर्वा दिशः (२-३)
द्वितीयातृतीययोर्वारुधः (४) चतुर्थ्या मारुतपर्जन्याः (५-६) पञ्चम्यादिपञ्चानां मरुतः
(१०) दशम्या अग्निः (११) एकादश्याः स्तनयित्नुना सह प्रजापतिः (१२) द्वादश्या
वरुणः (१३-१५) त्रयोदश्यादितृचस्य मण्डूकाः पितरश्च (१६) षोडश्याश्च वातो
देवताः । (१-२, ५) प्रथमाद्वितीयापञ्चमीनां विराड्जगती
(३, ६, ११, १६) तृतीयाषष्ठयेकादशीषोडशीनां त्रिष्टुप्
चतुर्थ्या विराट् पुरस्ताद्ब्रह्मती (७-८, १३-१४) सप्तम्यष्टमीत्रयोदशीचतुर्दशीनामनुष्टुप्
(९) नवम्याः पथ्यापङ्क्तिः (१०) दशम्या भुरिक्त्रिष्टुप्
(१२) द्वादश्याः पञ्चपदानुष्टुब्गर्भा भुरिक्त्रिष्टुप् (१५) पञ्चदश्याश्च शङ्कुमत्यनुष्टुप् छन्दांसि
समुत्पतन्तु प्रदिशो नभस्वतीः समभ्राणि वातजूतानि यन्तु ।
महृत्प्रभस्य नदतो नभस्वतो वाश्रा आपः पृथिवीं तर्पयन्तु ॥१॥

समीक्षयन्तु तविषाः सुदानवोऽपां रसा ओषधीभिः सचन्ताम् ।
वर्षस्य सर्गा महयन्तु भूमिं पृथग्जायन्तामोषधयो विश्वरूपाः ॥२॥

समीक्षयस्व गायतो नभांस्यपां वेगांसः पृथगुद्विजन्ताम् ।
वर्षस्य सर्गा महयन्तु भूमिं पृथग्जायन्तां वीरुधौ विश्वरूपाः ॥३॥

गुणास्त्वोप गायन्तु मारुताः पर्जन्य घोषिणः पृथक् ।
सर्गा वर्षस्य वर्षतो वर्षन्तु पृथिवीमनु ॥४॥

उदीरयत मरुतः समुद्रतस्त्वेषो अर्को नभ उत्पातयाथ ।
महृत्प्रभस्य नदतो नभस्वतो वाश्रा आपः पृथिवीं तर्पयन्तु ॥५॥

अभि क्रन्द स्तनयार्दयोदधिं भूमिं पर्जन्य पर्यसा समङ्धि ।

त्वया सृष्टं बहुलमैतु वर्षमाशारैषी कृशगुरित्वस्तम् ॥६॥

सं वोऽवन्तु सुदानव उत्सा अजगरा उत ।
मरुद्भिः प्रच्युता मेघा वर्षन्तु पृथिवीमनु ॥७॥

आशामाशां वि द्यौततां वाता वान्तु दिशोदिशः ।
मरुद्भिः प्रच्युता मेघाः सं यन्तु पृथिवीमनु ॥८॥

आपो विद्युद्भ्रं वर्षं सं वोऽवन्तु सुदानव उत्सा अजगरा उत ।
मरुद्भिः प्रच्युता मेघाः प्रावन्तु पृथिवीमनु ॥९॥

अपामग्निस्तनूभिः संविदानो य ओषधीनामधिपा बभूव ।
स नो वर्षं वन्तुतां जातवेदाः प्राणं प्रजाभ्यो अमृतं दिवस्परि ॥१०॥

प्रजापतिः सलिलादा समुद्रादाप ईरयन्नुदधिर्मर्दयाति ।
प्र प्यायतां वृष्णो अश्वस्य रेतोऽर्वाङ्ङितेन स्तनयित्बुनेहि ॥११॥

अपो निषिञ्चन्नसुरः पिता नः श्वसन्तु गर्गरा अपां वरुणाव नीचीरपः सृज ।
वदन्तु पृश्निबाहवो मण्डूका इरिणानु ॥१२॥

संवत्सरं शशयाना ब्राह्मणा व्रतचारिणः ।
वाचं पर्जन्यजिन्वितां प्र मण्डूका अवादिषुः ॥१३॥

उपुप्रवद मण्डूकि वर्षमा वद तादुरि ।
मध्ये हृदस्य प्लवस्व विगृह्य चतुरः पदः ॥१४॥

खण्खाण्डु खैमखाण्डु मध्ये तदुरि ।
वर्षं वनुध्वं पितरो मरुतां मन इच्छत ॥१५॥

महान्तं कोशमुदचाभि षिञ्च सविद्युतं भवतु वातु वातः ।

तन्वतां यज्ञं बहुधा विसृष्टा आनन्दिनीरोषधयो भवन्तु ॥१६॥

(१६) षोडशं सूक्तम्

(१-६) नवर्चस्यास्य सूक्तस्य ब्रह्मा ऋषिः । वरुणो देवता । (१) प्रथमर्चोऽनुष्टुप् (२-४, ६) द्वितीयादितृचस्य षष्ठ्याश्च त्रिष्टुप् (५) पञ्चम्या भुरिक्त्रिष्टुप् (७) सप्तम्या जगती (८) अष्टम्यास्त्रिपदान्महाबृहती (९) नवम्याश्च त्रिपदा विराङ्गायत्री छन्दांसि बृहनैषामधिष्ठाता अन्तिकादिव पश्यति ।

य स्तायन्मन्यते चरन्त्सर्वं देवा इदं विदुः ॥१॥

यस्तिष्ठति चरति यश्च वञ्चति यो निलायं चरति यः प्रतङ्गम् ।
द्वौ संनिषद्य यन्मन्त्रयेते राजा तद्वेद वरुणस्तृतीयः ॥२॥

उतेयं भूमिर्वरुणस्य राज्ञ उतासौ द्यौर्बृहती दूरेअन्ता ।
उतो समुद्रौ वरुणस्य कुक्षी उतास्मिन्नल्प उदके निलीनः ॥३॥

उत यो द्यामत्सिर्पात्परस्तान्न स मुच्यातै वरुणस्य राज्ञः ।
दिव स्पशः प्र चरन्तीदमस्य सहस्राक्षा अति पश्यन्ति भूमिम् ॥४॥

सर्वं तद्राजा वरुणो वि चष्टे यदन्तरा रोदसी यत्परस्तात् ।
संख्याता अस्य निमिषो जनानाम्क्षानिव श्वघ्नी नि मिनोति तानि ॥५॥

ये ते पाशा वरुण सप्तसप्त त्रेधा तिष्ठन्ति विषिता रुशन्तः ।
छिनन्तु सर्वे अनृतं वदन्तं यः संत्यवाद्यति तं सृजन्तु ॥६॥

शतेन पाशैरभि धैहि वरुणै न मा ते मोच्यन्तुवाङ् नृचक्षः ।
आस्तां जाल्म उदरं श्रंशयित्वा कोश इवाबन्धः परिकृत्यमानः ॥७॥

यः समाम्योऽरे वरुणो यो व्याम्योऽरे यः संदेश्योऽरे वरुणो यो विदेश्यः ।
यो दैवो वरुणो यश्च मानुषः ॥८॥

तैस्त्वा सर्वैरभि ष्यामि पाशैरसावामुष्यायणामुष्याः पुत्र ।
तानु ते सर्वाननुसंदिशामि ॥६॥

(१७) सप्तदशं सूक्तम्

(१-८) अष्टर्चस्यास्य सूक्तस्य शुक्र ऋषिः । अपामार्गवनस्पतिर्देवता । अनुष्टुप् छन्दः
ईशाणां त्वा भेषजानामुज्जैष आ रभामहे ।
चक्रे सहस्रवीर्यं सर्वस्मा ओषधे त्वा ॥१॥

सत्यजितं शपथ्यावर्नीं सहमानां पुनःसुराम् ।
सर्वाः समह्योषधीरितो नः पारयादिति ॥२॥

या शशाप शपनेन याघं मूरमादधे ।
या रसस्य हरणाय जातमरिभे तोकमन्तु सा ॥३॥

यां तै चक्रुरामे पात्रे यां चक्रुर्नीललोहिते ।
आमे मांसे कृत्यां यां चक्रुस्तया कृत्याकृतौ जहि ॥४॥

दौष्वप्रयं दौर्जीवित्यं रक्षौ अभ्वमराय्यः ।
दुर्गाम्नीः सर्वा दुर्वाचस्ता अस्मन्नाशयामसि ॥५॥

क्षुधामारं तृष्णामारमगोतामनपत्यताम् ।
अपामार्गं त्वया वयं सर्वं तदपं मृज्महे ॥६॥

तृष्णामारं क्षुधामारमथौ अक्षपराजयम् ।
अपामार्गं त्वया वयं सर्वं तदपं मृज्महे ॥७॥

अपामार्गं ओषधीनां सर्वासामेक इदृशी ।
तेन ते मृज्म आस्थितमथ त्वमगदश्चर ॥८॥

(१८) अष्टादशं सूक्तम्

(१-८) अष्टर्चस्यास्य सूक्तस्य शुक्र ऋषिः । अपामार्गवनस्पतिर्देवता । (१-५,
७-८) प्रथमादिपञ्चानामृचां सप्तम्यष्टम्योश्चानुष्टुप् (६) षष्ठ्याश्च बृहतीगर्भानुष्टुप् छन्दसी
सुमं ज्योतिः सूर्येणाह्वा रात्री सुमावती ।
कृणोमि सत्यमूतयेऽरसाः संन्तु कृत्वरीः ॥१॥

यो देवाः कृत्यां कृत्वा हरदविदुषो गृहम् ।
वत्सो धारुरिव मातरं तं प्रत्यगुपं पद्यताम् ॥२॥

अमा कृत्वा पाप्मानं यस्तेनान्यं जिघांसति ।
अश्मानिस्तस्यां दुग्धायां बहुलाः फट्करिक्रति ॥३॥

सहस्रधामन्विशिखान्विग्रीवां छायया त्वम् ।
प्रति स्म चक्रुषे कृत्यां प्रियां प्रियावते हर ॥४॥

अनयाहमोषध्या सर्वाः कृत्या अदूदुषम् ।
यां क्षेत्रे चक्रुर्या गोषु यां वा ते पुरुषेषु ॥५॥

यश्चकार न शशाक कर्तुं शश्रे पादमङ्गुरिम् ।
चकार भद्रमस्मभ्यमात्मने तपनं तु सः ॥६॥

अपामार्गोऽपं मार्ष्टुं क्षेत्रियं शपथश्च यः ।
अपाहं यातुधानीरपु सर्वा अराय्यः ॥७॥

अपमृज्यं यातुधानानपु सर्वा अराय्यः ।
अपामार्गं त्वया वयं सर्वं तदपं मृज्महे ॥८॥

(१९) एकोनविंशं सूक्तम्

(१-८) अष्टर्चस्यास्य सूक्तस्य शुक्र ऋषिः ।
(१, ३-८) प्रथमर्चस्तृतीयादिषण्णाञ्चानुष्टुप् (२) द्वितीयायाश्च पथ्यापङ्क्तिश्छन्दसी

उतो अस्यबन्धुकृदुतो असि नु जामिकृत् ।
उतो कृत्याकृतः प्रजां नदमिवा छिन्धि वार्षिकम् ॥१॥

ब्राह्मणेन पर्युक्तासि करवेन नार्षदेन ।
सेनैवैषि त्विषीमती न तत्र भयमस्ति यत्र प्राप्नोष्यौषधे ॥२॥

अग्रमेष्योषधीनां ज्योतिषेवाभिदीपयन् ।
उत त्रातासि पाकस्याथौ हन्तासि रक्षसः ॥३॥

यददो देवा असुरांस्त्वयाग्रे निरकुर्वत ।
ततस्त्वमध्यौषधेऽपामार्गो अजायथाः ॥४॥

विभिन्दती शतशाखा विभिन्दन्नाम ते पिता ।
प्रत्यग्वि भिन्धि त्वं तं यो अस्मां अभिदासति ॥५॥

असूद्भूम्याः समभवत्तद्यामेति महद्वचः ।
तद्वै ततो विधूपार्यत्प्रत्यक्कर्तारमृच्छतु ॥६॥

प्रत्यङ् हि संबभूविथ प्रतीचीनफलस्त्वम् ।
सर्वान्मच्छुपथां अधि वरीयो यावया वृधम् ॥७॥

शतेन मा परि पाहि सहस्रैणाभि रक्षा मा ।
इन्द्रस्ते वीरुधां पत उग्र ओज्मानुमा दधत् ॥८॥

(२०) विंशं सूक्तम्

(१-६) नवर्चस्यास्य सूक्तस्य मातृनामा ऋषिः । मातृनामौषधिर्देवता ।

(१) प्रथमर्चः स्वराडनुष्टुप् (२-६) द्वितीयादिसप्तानामनुष्टुप्

(६) नवम्याश्च भुरिगनुष्टुप् छन्दांसि

आ पश्यति प्रति पश्यति परा पश्यति पश्यति ।
दिवमन्तरिक्षमाद्भूमिं सर्वं तदैवि पश्यति ॥१॥

तिस्रो दिवस्त्रिंशः पृथिवीः षट् चेमाः प्रदिशः पृथक् ।
त्वयाहं सर्वा भूतानि पश्यानि देव्योषधे ॥२॥

दिव्यस्य सुपर्णस्य तस्य हासि कनीनिका ।
सा भूमिमा रुरोहिथ वह्यं श्रान्ता वधूरिव ॥३॥

तां मै सहस्राक्षो देवो दक्षिणे हस्त आ दधत् ।
तयाहं सर्वं पश्यामि यश्च शूद्र उतार्यः ॥४॥

आविष्कृणुष्व रूपाणि मात्मानमपे गूहथाः ।
अथो सहस्रचक्षो त्वं प्रति पश्याः किमीदिनः ॥५॥

दर्शय मा यातुधानान्दर्शय यातुधान्यः ।
पिशाचान्तसर्वान्दर्शयेति त्वा रभ ओषधे ॥६॥

कश्यपस्य चक्षुरसि शुन्याश्च चतुरदयाः ।
वीधे सूर्यमिव सर्पन्तं मा पिशाचं तिरस्करः ॥७॥

उदग्रभं परिपाणाद्यातुधानं किमीदिनम् ।
तेनाहं सर्वं पश्याम्युत शूद्रमुतार्यम् ॥८॥

यो अन्तरिक्षेण पतति दिवं यश्चातिसर्पति ।
भूमिं यो मन्यते नाथं तं पिशाचं प्र दर्शय ॥९॥

(२१) एकविंशं सूक्तम्

(१-७) सप्तर्चस्यास्य सूक्तस्य ब्रह्मा ऋषिः । गावो देवताः । (१, ५-७) प्रथमर्चः
पञ्चम्यादितृचस्य च त्रिष्टुप् (२-४) द्वितीयादितृचस्य च जगती छन्दसी
आ गावो अग्नन्नुत भद्रमक्रन्त्सीदन्तु गोष्ठे रणयन्त्वस्मे ।
प्रजावतीः पुरुरूपा इह स्युरिन्द्राय पूर्वीरुषसो दुहानाः ॥१॥

इन्द्रो यज्वने गृणते च शिक्तं उपेददाति न स्वं मुषायति ।
भूयौभूयो रयिमिदस्य वर्धयन्नभिन्ने खिल्ये नि दधाति देवयुम् ॥२॥

न ता नशन्ति न दधाति तस्करो नासामामित्रो व्यथिरा दधर्षति ।
देवांश्च याभिर्यजते ददाति च ज्योगित्ताभिः सचते गोपतिः सह ॥३॥

न ता अर्वा रेणुककाटोऽश्नुते न संस्कृतत्रमुप यन्ति ता अभि ।
उरुगायमभयं तस्य ता अनु गावो मर्तस्य वि चरन्ति यज्वनः ॥४॥

गावो भगो गाव इन्द्रो म इच्छाद्गावः सोमस्य प्रथमस्य भुक्तः ।
इमा या गावः स जनासु इन्द्र इच्छामि हृदा मनसा चिदिन्द्रम् ॥५॥

यूयं गावो मेदयथ कृशं चिदश्रीरं चित्कृणुथा सुप्रतीकम् ।
भद्रं गृहं कृणुथ भद्रवाचो बृहद्वो वयं उच्यते सभासु ॥६॥

प्रजावतीः सूयवसे रुशन्तीः शुद्धा अपः सुप्रपाणे पिबन्तीः ।
मा व स्तेन ईशत माघशंसुः परि वो रुद्रस्य हेतिर्वृणक्तु ॥७॥

(२२) द्वाविंशं सूक्तम्

(१-७) सप्तर्चस्यास्य सूक्तस्य वसिष्ठ अथर्वा वा ऋषिः । इन्द्रो देवता । त्रिष्टुप् छन्दः
इममिन्द्र वर्धय क्षत्रियं मे इमं विशामैकवृषं कृणु त्वम् ।
निर्मित्रानक्षुह्यस्य सर्वास्तान्धयास्मा अहमुत्तरेषु ॥१॥

एमं भञ्ज ग्रामे अश्वेषु गोषु निष्टं भञ्ज यो अमित्रो अस्य ।
वर्षं क्षत्राणामयमस्तु राजेन्द्र शत्रुं रन्धय सर्वमस्मै ॥२॥

अयमस्तु धनपतिर्धनानामयं विशां विशपतिरस्तु राजा ।
अस्मिन्निन्द्र महि वर्चांसि धेह्यवर्चसं कृणुहि शत्रुमस्य ॥३॥

अस्मै द्यावापृथिवी भूरि वामं दुहाथां घर्मदुघै इव धेनु ।

अ॒यं राजा॑ प्रि॒य इन्द्र॑स्य भूयात्प्रि॒यो गवा॑मोष॒धीनां पशू॑नाम् ॥४॥

यु॒नज्मि॑ त उ॒त्तरा॑व॒न्तमिन्द्रं॑ ये॒न ज॑र्यन्ति न प॒राज॑र्यन्ते ।
यस्त्वा॒ कर॑देक॒वृषं॑ ज॒नानामु॑त राज्ञा॑मु॒त्तमं॑ मा॒नवाना॑म् ॥५॥

उत्त॑र॒स्त्वमध॑रे ते स॒पत्ना॒ ये के च॑ राज॒न्प्रति॑शत्रवस्ते ।
ए॒कवृ॑ष इन्द्र॑सखा जिगी॒वां छत्रू॑य॒तामा भ॑रा भोज॒नानि ॥६॥

सि॒ंहप्र॑तीको॒ विशो॑ अ॒द्धि सर्वा॑ व्याघ्र॒प्रतीकोऽव॑ बाधस्व शत्रू॑न् ।
ए॒कवृ॑ष इन्द्र॑सखा जिगी॒वां छत्रू॑य॒तामा खि॑दा भोज॒नानि ॥७॥

(२३) त्रयोविंशं सूक्तम्

(१-७) सप्तर्चस्यास्य सूक्तस्य मृगार ऋषिः । प्रचेता अग्निर्देवता । (१-२, ५, ७)

प्रथमाद्वितीयापञ्चमीसप्तमीनामृचां त्रिष्टुप् (३) तृतीयायाः पुरस्ताज्ज्योतिष्मती त्रिष्टुप्

(४) चतुर्थ्या अनुष्टुप् (६) षष्ठ्याश्च प्रस्तारपङ्क्तिश्छन्दांसि

अ॒ग्नेर्म॑न्वे प्रथ॒मस्य॑ प्र॒चेत॑सः पाञ्च॒जन्य॑स्य बहु॒धा यमि॑न्धते ।
वि॒शोवि॑शः प्रवि॒शिवांस॑मीमहे स नो॑ मुञ्च॒न्त्वंह॑सः ॥१॥

यथा॑ ह॒व्यं वह॑सि जा॒तवे॑दो यथा॑ य॒ज्ञं क॒ल्पय॑सि प्र॒जान॑न् ।
ए॒वा दे॒वेभ्यः॑ सु॒मतिं॑ न॒ आ वह॑ स नो॑ मुञ्च॒न्त्वंह॑सः ॥२॥

या॒म॒न्यम॒नुप॑यु॒क्तं वहि॑ष्ठं क॒र्मङ्क॑र्म॒न्नाभ॑गम् ।
अ॒ग्निमी॑डे र॒क्षो॒हणं॑ य॒ज्ञवृ॑धं घृ॒ताह॑तं स नो॑ मुञ्च॒न्त्वंह॑सः ॥३॥

सु॒जातं॑ जा॒तवै॑दसम॒ग्निं वै॑श्वान॒रं वि॒भुम् ।
ह॒व्यवा॑हं हवामहे स नो॑ मुञ्च॒न्त्वंह॑सः ॥४॥

ये॒न ऋ॑षयो ब॒लम॑द्यो॒तय॑न्युजा येना॒सुरा॑णाम॒युव॑न्त मा॒याः ।
येना॒ग्निना॑ प॒णीनि॑न्द्रो जि॒गाय॑ स नो॑ मुञ्च॒न्त्वंह॑सः ॥५॥

येन देवा अमृतमन्वविन्दन्त्येनौषधीर्मधुमतीरकृणवन् ।
येन देवाः स्वशुराभरन्त्स नो मुञ्चन्त्वंहंसः ॥६॥

यस्येदं प्रदिशि यद्विरोचते यज्जातं जनितव्यं च केवलम् ।
स्तौम्यग्निं नाथितो जौहवीमि स नो मुञ्चन्त्वंहंसः ॥७॥

(२४) चतुर्विंशं सूक्तम्

(१-७) सप्तर्चस्यास्य सूक्तस्य मृगार ऋषिः । इन्द्रो देवता । (१) प्रथमर्चः
शक्वरीगर्भा पुरःशक्वरी त्रिष्टुप् (२-७) द्वितीयादिषण्णञ्च त्रिष्टुप् छन्दसी
इन्द्रस्य मन्महे शश्वदिदस्य मन्महे वृत्रघ्न स्तोमा उप मेम आर्गुः ।
यो दाशुषः सुकृतो हवमेति स नो मुञ्चन्त्वंहंसः ॥१॥

य उग्रीणामुग्रबाहुर्ययुर्यो दानवानां बलमारुरोज ।
येन जिताः सिन्धवो येन गावः स नो मुञ्चन्त्वंहंसः ॥२॥

यश्चर्षणिप्रो वृषभः स्वर्विद्यस्मै ग्रावाणः प्रवदन्ति नृणाम् ।
यस्याध्वरः सप्तहोता मदिष्टः स नो मुञ्चन्त्वंहंसः ॥३॥

यस्य वशास ऋषभास उक्षणो यस्मै मीयन्ते स्वरवः स्वर्विदे ।
यस्मै शुक्रः पवते ब्रह्मशुम्भितः स नो मुञ्चन्त्वंहंसः ॥४॥

यस्य जुष्टं सोमिनः कामयन्ते यं हवन्त इषुमन्तं गविष्टौ ।
यस्मिन्नर्कः शिश्रिये यस्मिन्नोजः स नो मुञ्चन्त्वंहंसः ॥५॥

यः प्रथमः कर्मकृत्याय जज्ञे यस्य वीर्यं प्रथमस्यानुबुद्धम् ।
येनोद्यतो वज्रोऽभ्यायताहिं स नो मुञ्चन्त्वंहंसः ॥६॥

यः संग्रामान्नयति सं युधे वशी यः पुष्टानि संसृजति दूयानि ।
स्तौमीन्द्रं नाथितो जौहवीमि स नो मुञ्चन्त्वंहंसः ॥७॥

(२५) पञ्चविंशं सूक्तम्

(१-७) सप्तर्चस्यास्य सूक्तस्य मृगार ऋषिः । वायुसवितारौ देवते ।

(१-२, ४-६) प्रथमाद्वितीययोर्ऋचोश्चतुर्थ्यादितृचस्य च त्रिष्टुप्

(३) तृतीयाया अतिशक्वरीगर्भा जगती (७) सप्तम्याश्च पथ्याबृहती छन्दांसि
वायोः सवितुर्विदथानि मन्महे यावात्मन्वद्विशथो यौ च रक्षथः ।
यौ विश्वस्य परिभू बभूवथुस्तौ नौ मुञ्चतमंहसः ॥१॥ययोः संख्याता वरिमा पार्थिवानि याभ्यां रजौ युपितमन्तरिक्षे ।
ययौः प्रायं नान्वानुशे कश्चन तौ नौ मुञ्चतमंहसः ॥२॥तव वृते नि विंशन्ते जनासस्त्वय्युदिते प्रेरते चित्रभानो ।
युवं वायो सविता च भुवनानि रक्षथुस्तौ नौ मुञ्चतमंहसः ॥३॥अपेतो वायो सविता च दुष्कृतमपु रक्षांसि शिमिदां च सेधतम् ।
सं ह्यृर्जया सृजथः सं बलैर्न तौ नौ मुञ्चतमंहसः ॥४॥रयिं मे पोषं सवितोत वायुस्तनू दक्षमा सुवतां सुशेवम् ।
अयत्नमतातिं मह इह धत्तं तौ नौ मुञ्चतमंहसः ॥५॥प्र सुमतिं सवितर्वाय ऊतये महस्वन्तं मत्सरं मादयाथः ।
अर्वाग्वामस्य प्रवतो नि यच्छतं तौ नौ मुञ्चतमंहसः ॥६॥उप श्रेष्ठा न आशिषो देवयोर्धामन्नस्थिरन् ।
स्तौमि देवं सवितारं च वायुं तौ नौ मुञ्चतमंहसः ॥७॥

(२६) षड्विंशं सूक्तम्

(१-७) सप्तर्चस्यास्य सूक्तस्य मृगार ऋषिः । द्यावापृथिव्यौ देवते ।

(१) प्रथमर्चः पुरोऽष्टिर्जगती (२-६) द्वितीयादिपञ्चानां त्रिष्टुप्

(७) सप्तम्याश्च शाक्वरगर्भातिमध्येज्योतिस्त्रिष्टुप् छन्दांसि

मुन्वे वां द्यावापृथिवी सुभोजसौ सचेतसौ ये अप्रथेथाममिता योजनानि ।

प्रतिष्ठे ह्यभवत् वसूनां ते नौ मुञ्चतमंहसः ॥१॥

प्रतिष्ठे ह्यभवत् वसूनां प्रवृद्धे देवी सुभगे उरूची ।
द्यावापृथिवी भवतं मे स्योने ते नौ मुञ्चतमंहसः ॥२॥

असंतापे सुतपसौ हुवेऽहमुर्वी गम्भीरे कविभिर्नमस्ये ।
द्यावापृथिवी भवतं मे स्योने ते नौ मुञ्चतमंहसः ॥३॥

ये अमृतं बिभृथो ये हवींषि ये स्रोत्या बिभृथो ये मनुष्यान् ।
द्यावापृथिवी भवतं मे स्योने ते नौ मुञ्चतमंहसः ॥४॥

ये उस्त्रिया बिभृथो ये वनस्पतीन्ययोर्वा विश्वा भुवनान्यन्तः ।
द्यावापृथिवी भवतं मे स्योने ते नौ मुञ्चतमंहसः ॥५॥

ये कीलालेन तर्पयथो ये घृतेन याभ्यामृते न किं च न शक्नुवन्ति ।
द्यावापृथिवी भवतं मे स्योने ते नौ मुञ्चतमंहसः ॥६॥

यन्मेदमभिशोचति येनयेन वा कृतं पौरुषेयान्न दैवात् ।
स्तौमि द्यावापृथिवी नाथितो जाह्वीमि ते नौ मुञ्चतमंहसः ॥७॥

(२७) सप्तविंशं सूक्तम्

(१-७) सप्तर्चस्यास्य सूक्तस्य मृगार ऋषिः । मरुतो देवताः । त्रिष्टुप् छन्दः
मरुतां मन्वे अर्धि मे ब्रुवन्तु प्रेमं वाजं वाजसाते अवन्तु ।
आशूनिव सुयमानह ऊतये ते नौ मुञ्चन्त्वंहसः ॥१॥

उत्समक्षितं व्यचन्ति ये सदा य आसिञ्चन्ति रसमोषधीषु ।
पुरो दधे मरुतः पृश्निमातृस्ते नौ मुञ्चन्त्वंहसः ॥२॥

पर्यो धेनूनां रसमोषधीनां जवमर्वतां कवयो य इन्वथ ।
शग्मा भवन्तु मरुतो नः स्योनास्ते नौ मुञ्चन्त्वंहसः ॥३॥

अपः समुद्राद्विवमुद्धहन्ति दिवस्पृथिवीमभि ये सृजन्ति ।
ये अब्द्विरीशाना मरुतश्चरन्ति ते नो मुञ्चन्त्वंहसः ॥४॥

ये कीलालेन तर्पयन्ति ये घृतेन ये वा वयो मेदसा संसृजन्ति ।
ये अब्द्विरीशाना मरुतौ वर्षयन्ति ते नो मुञ्चन्त्वंहसः ॥५॥

यदीदिदं मरुतो मारुतेन यदि देवा दैव्येनेदृगार ।
यूयमीशिध्वे वसवस्तस्य निष्कृतेस्ते नो मुञ्चन्त्वंहसः ॥६॥

तिग्ममनीकं विदितं सहस्वन्मारुतं शर्धः पृतनासूग्रम् ।
स्तौमि मरुतौ नाथितो जौहवीमि ते नो मुञ्चन्त्वंहसः ॥७॥

(२८) अष्टाविंशं सूक्तम्

(१-७) सप्तर्चस्यास्य सूक्तस्य मृगारोऽथर्वा वा ऋषिः । भवाशर्वो रुद्रो वा देवता ।
(१) प्रथमर्चो द्व्यतिजागतगर्भा भुरिक्त्रिष्टुप् (२-७) द्वितीयादिषण्णाञ्च त्रिष्टुप् छन्दसी
भवाशर्वो मन्वे वां तस्य वित्तं ययौर्वामिदं प्रदिशि यद्विरोचते ।
यावस्येशाथे द्विपदो यौ चतुष्पदस्तौ नो मुञ्चतमंहसः ॥१॥

ययौरभ्यभ्व उत यदूरे चिद्यौ विदिताविषुभृतामसिष्ठौ ।
यावस्येशाथे द्विपदो यौ चतुष्पदस्तौ नो मुञ्चतमंहसः ॥२॥

सहस्राक्षौ वृत्रहना हुवेहं दूरेगव्यूती स्तुवन्नैम्युगौ ।
यावस्येशाथे द्विपदो यौ चतुष्पदस्तौ नो मुञ्चतमंहसः ॥३॥

यावरिभाथे ब्रह्म साकमग्रे प्र चेदस्राष्ट्रमभिभां जनेषु ।
यावस्येशाथे द्विपदो यौ चतुष्पदस्तौ नो मुञ्चतमंहसः ॥४॥

ययौर्वधान्नापपद्यते कश्चनान्तर्देवेषुत मानुषेषु ।
यावस्येशाथे द्विपदो यौ चतुष्पदस्तौ नो मुञ्चतमंहसः ॥५॥

यः कृत्याकृन्मूलकृद्यातुधानो नि तस्मिन्धत्तं वज्रमुग्रौ ।
यावस्येशाथे द्विपदो यौ चतुष्पदस्तौ नौ मुञ्चतमंहसः ॥६॥

अधि नो ब्रूतं पृतनासूग्रौ सं वज्रेण सृजतं यः किमीदी ।
स्तौमि भवाश्रुर्वो नाथितो जोहवीमि तौ नौ मुञ्चतमंहसः ॥७॥

(२६) एकोनत्रिंशं सूक्तम्

(१-७) सप्तर्चस्यास्य सूक्तस्य मृगार ऋषिः । मित्रावरुणौ देवते । (१-६)
प्रथमादिषणामृचां त्रिष्टुप् (७) सप्तम्याश्च शक्वरीगर्भातिजगती छन्दसि
मन्वे वां मित्रावरुणावृतावृधौ सचेतसौ द्रुहणो यौ नुदेथे ।
प्र सत्यावानमवथो भरेषु तौ नौ मुञ्चतमंहसः ॥१॥

सचेतसौ द्रुहणो यौ नुदेथे प्र सत्यावानमवथो भरेषु ।
यौ गच्छथो नृचक्षसौ बभ्रुणा सुतं तौ नौ मुञ्चतमंहसः ॥२॥

यावङ्गिरसमवथो यावगस्तिं मित्रावरुणा जमदग्निमत्रिम् ।
यौ कश्यपमवथो यौ वसिष्ठं तौ नौ मुञ्चतमंहसः ॥३॥

यौ श्यावाश्वमवथो वाध्वयश्चं मित्रावरुणा पुरुमीढमत्रिम् ।
यौ विमदमवथो सप्तवध्रिं तौ नौ मुञ्चतमंहसः ॥४॥

यौ भरद्वाजमवथो यौ गविष्ठिरं विश्वामित्रं वरुण मित्र कुत्सम् ।
यौ कक्षीवन्तमवथः प्रोत कण्वं तौ नौ मुञ्चतमंहसः ॥५॥

यौ मेधातिथिमवथो यौ त्रिशोकं मित्रावरुणावुशनां काव्यं यौ ।
यौ गोतममवथः प्रोत मुग्दलं तौ नौ मुञ्चतमंहसः ॥६॥

ययो रथः सत्यवर्त्मर्जुरश्मिर्मथुया चरन्तमभियाति दूषयन् ।
स्तौमि मित्रावरुणौ नाथितो जोहवीमि तौ नौ मुञ्चतमंहसः ॥७॥

(३०) त्रिंशं सूक्तम्

(१-८) अष्टर्चस्यास्य सूक्तस्याथर्वा ऋषिः ।

सर्वरूपा सर्वात्मिका सर्वदेवमयो वाक् देवता ।

(१-५, ७, ८) प्रथमादिपञ्चर्चा सप्तम्यष्टम्योश्च त्रिष्टुप् (६) षष्ठ्याश्च जगती छन्दसि
 अ॒हं रु॒द्रेभि॒र्वसु॑भिश्च॒राम्य॒हमा॑दि॒त्यैरु॒त वि॒श्वदै॑वैः ।
 अ॒हं मि॒त्रावरु॑णो॒भा बि॒भर्म्य॑हमिन्द्रा॒ग्नी अ॒हम॑श्विनो॒भा ॥१॥

अ॒हं रा॒ष्ट्रीं सु॑गम॒नी व॒सूनां॑ चि॒कितु॑षीं प्रथ॒मा य॒ज्ञिया॑नाम् ।
 तां मां दे॒वा व्य॑दधुः पुरु॒त्रा भूरि॑स्थात्रां भूर्या॒वेश्य॑न्तः ॥२॥

अ॒हमे॒व स्व॒यमि॑दं व॒दामि॑ जुष्टं दे॒वाना॑मु॒त मा॒नुषा॑णाम् ।
 यं का॒मये॑ तंतंमु॒ग्रं कृ॑णोमि॒ तं ब्र॒ह्माणं॑ तमृषिं॒ तं सु॑मे॒धाम् ॥३॥

मया॒ सोऽन्न॑म॒त्ति यो वि॒पश्य॑ति॒ यः प्रा॒णति॑ य ईं श्रु॒णोत्यु॑क्तम् ।
 अ॒मन्त॒वो मां॑ त उप॑ क्षि॒यन्ति॑ श्रु॒धि श्रु॑त श्रु॒द्धेयं॑ ते व॒दामि॑ ॥४॥

अ॒हं रु॒द्राय॑ धनु॒रा ते॒नोमि॑ ब्रह्म॒द्विषे॑ शर॒वे ह॒न्त॒वा उ॑ ।
 अ॒हं ज॒नाय॑ सु॒मदं॑ कृ॒णोम्य॒हं द्या॒वापृ॑थि॒वी आ वि॑वेश ॥५॥

अ॒हं सोम॑मा॒ह॒नसं॑ बि॒भर्म्य॑हं त्वष्टा॒रमु॑त पू॒षणं॑ भ॒गम् ।
 अ॒हं द॑धामि॒ द्रवि॑णा ह॒विष्म॑ते सु॒प्राव्या॑इ॒ यज॑मानाय सु॒न्वते ॥६॥

अ॒हं सु॒वे पि॒तर॑मस्य मूर्ध॒न्मम॑ यो॒निर॑प्स्व॒शुन्तः॑ संमु॒द्रे ।
 ततो॒ वि ति॑ष्ठे भु॒र्वना॑नि॒ विश्वो॑तामूं द्यां वृ॒ष्मणो॑प स्पृशामि ॥७॥

अ॒हमे॒व वा॒त इ॒व प्र वा॑म्यार॒भमा॑णा भु॒र्वना॑नि॒ विश्वा॑ ।
 प॒रो दि॒वा प॒र ए॒ना पृ॑थि॒व्यैता॑र्वती म॒हिम्ना॑ सं ब॒भूव ॥८॥

(३१) एकत्रिंशं सूक्तम्

(१-७) सप्तर्चस्यास्य सूक्तस्य ब्रह्मास्कन्द ऋषिः । मन्युर्देवता ।

(१, ३) प्रथमातृतीययोर्ऋचोस्त्रिष्टुप् (२, ४) द्वितीयाचतुर्थ्योर्भुरिक्रिष्टुप्
(५-७) पञ्चम्यादितृचस्य च जगती छन्दांसि
त्वया मन्यो सरथमारुजन्तो हर्षमाणा हषितासो मरुत्वन् ।
तिग्मेष्व आयुधा संशिशाना उप प्र यन्तु नरो अग्निरूपाः ॥१॥

अग्निरिव मन्यो त्वषितः सहस्व सेनानीर्नः सहरे हूत एधि ।
हृत्वायु शत्रून्वि भजस्व वेद ओजो मिमानो वि मृधो नुदस्व ॥२॥

सहस्व मन्यो अभिमातिमुस्मै रुजन्मृणन्प्रमृणन्प्रेहि शत्रून् ।
उग्रं ते पाजो न्वा रुरुधे वशी वशं नयासा एकज त्वम् ॥३॥

एको बहूनामसि मन्यो ईडिता विशंविशं युद्धाय सं शिशाधि ।
अकृत्तृक्त्वया युजा वयं द्युमन्तं घोषं विजयाय कृणमसि ॥४॥

विजेषुकृदिन्द्र इवानवब्रवोऽस्माकं मन्यो अधिपा भवेह ।
प्रियं ते नाम सहरे गृणीमसि विद्या तमुत्सं यत अबभूथ ॥५॥

आभूत्या सहजा वज्र सायक सहौ बिभर्षि सहभूत उत्तरम् ।
क्रत्वा नो मन्यो सह मेद्येधि महाधनस्य पुरुहूत संसृजि ॥६॥

संसृष्टं धनमुभयं समाकृतमुस्मभ्यं धत्तां वरुणश्च मन्युः ।
भियो दधाना हृदयेषु शत्रवः पराजितासो अप नि लयन्ताम् ॥७॥

(३२) द्वात्रिंशं सूक्तम्

(१-७) सप्तर्चस्यास्य सूक्तस्य ब्रह्मास्कन्द ऋषिः । मन्युर्देवता । (१) प्रथमर्चो
जगती (२-७) द्वितीयादिषण्णञ्च त्रिष्टुप् छन्दसी
यस्ते मन्योऽविधद्वज्र सायक सह ओजः पुष्यति विश्वमानुषक ।
साह्याम् दासमार्य त्वया युजा वयं सहस्कृतेन सहसा सहस्वता ॥१॥

मन्युरिन्द्रो मन्युरेवास देवो मन्युर्होता वरुणो जातवेदाः ।

म॒न्युर्वि॒श ई॒डते॒ मानु॑षी॒र्याः पा॒हि नो॑ म॒न्यो तप॑स स॒जोषाः ॥२॥

अ॒भीहि॑ म॒न्यो त॒वस॒स्तवी॑या॒न्तप॑सा यु॒जा वि ज॑हि श॒त्रून् ।
अ॒मि॒त्रहा॑ वृ॒त्रहा॑ द॒स्युहा॑ च॒ विश्वा॑ व॒सू॒न्या भ॑रा॒ त्वं नः॑ ॥३॥

त्वं हि॑ म॒न्यो अ॒भिभू॑त्यो॒जाः स्वय॑भू॒र्भामो॑ अ॒भिमा॑ति॒षाहः॑ ।
वि॒श्वच॑र्ष॒णिः स॒हृ॒रिः स॒ही॒यान॒स्मास्वो॒जः पृ॑त॒नासु॑ धेहि ॥४॥

अ॒भा॒गः सन्न॑प॒ परै॑तो अ॒स्मि॒ तव॑ क्र॒त्वा त॒विष॑स्य॒ प्रचे॑तः ।
तं त्वा॑ म॒न्यो अ॒क्र॒तु॒र्जिही॑डा॒हं स्वा॑ त॒नूर्ब॑ल॒दावा॑ न॒ एहि॑ ॥५॥

अ॒यं तै॑ अ॒स्म्युप॑ न॒ एह्य॑र्वा॒ङ् प्र॑ती॒चीनः॑ स॒हुरे॑ वि॒श्वदा॑वन् ।
म॒न्यो व॒ज्रि॒भि न॒ आ व॑वृ॒त्स्व॒ हना॑व॒ दस्यु॑रु॒त बो॑ध्या॒पेः ॥६॥

अ॒भि प्रेहि॑ दक्षि॒णतो॑ भ॒वा नोऽधा॑ वृ॒त्राणि॑ जङ्घ॒नाव॑ भूरि॑ ।
जु॒होमि॑ ते ध॒रुणं॑ म॒ध्वो अ॒ग्र॒मु॒भा॒वुपां॑शु प्र॒थ॒मा पि॑बाव ॥७॥

(३३) त्रयस्त्रिंशं सूक्तम्

(१-८) अष्टर्चस्यास्य सूक्तस्य ब्रह्मा ऋषिः । अग्निर्देवता । गायत्री छन्दः
अ॒प॒ नः शो॑शु॒चद॒घम॑ग्रे शुशु॒ग्ध्या र॒यिम् ।
अ॒प॒ नः शो॑शु॒चद॒घम् ॥१॥

सु॒क्षेत्रि॒या सु॑गा॒तुया॑ व॒सू॒या च॑ य॒जाम॑हे ।
अ॒प॒ नः शो॑शु॒चद॒घम् ॥२॥

प्र॒ यद्भ॑न्दि॒ष्ठ ए॒षां प्रा॑स्माका॒सश्च॑ सू॒रयः॑ ।
अ॒प॒ नः शो॑शु॒चद॒घम् ॥३॥

प्र॒ यत्तै॑ अ॒ग्ने सू॒रयो॑ जा॒यैम॑हि॒ प्र तै॑ व॒यम् ।
अ॒प॒ नः शो॑शु॒चद॒घम् ॥४॥

प्र यद्ग्रेः सहस्वतो विश्वतो यन्ति भानवः ।
अप नः शोशुचदघम् ॥५॥

त्वं हि विश्वतोमुख विश्वतः परिभूरसि ।
अप नः शोशुचदघम् ॥६॥

द्विषो नो विश्वतोमुखाति नावेव पारय ।
अप नः शोशुचदघम् ॥७॥

स नः सिन्धुमिव नावाति पर्षा स्वस्तये ।
अप नः शोशुचदघम् ॥८॥

(३४) चतुस्त्रिंशं सूक्तम्

(१-८) अष्टर्चस्यास्य सूक्तस्याथर्वा ऋषिः । ब्रह्मौदनं देवता । (१-३)

प्रथमादितृचस्य त्रिष्टुप् (४) चतुर्थ्या भुरिक्त्रिष्टुप् (५) पञ्चम्याः सप्तपदा कृतिः

(६) षष्ठ्याः पञ्चपदातिशक्वरी (७) सप्तम्याः पञ्चपदा भुरिक्शक्वरी

(८) अष्टम्याश्च जगती छन्दांसि

ब्रह्मास्य शीर्षं बृहदस्य पृष्ठं वामदेव्यमुदरमोदनस्य ।

छन्दांसि पक्षौ मुखमस्य सत्यं विष्टारी जातस्तपसोऽधि यज्ञः ॥१॥

अनस्थाः पूताः पवनेन शुद्धाः शुचयः शुचिमपि यन्ति लोकम् ।

नैषां शिशनं प्र दहति जातवेदाः स्वर्गे लोके बहु स्त्रैणमेषाम् ॥२॥

विष्टारिणमोदनं ये पचन्ति नैनानवर्तिः सचते कदा चन ।

आस्तै यम उप याति देवान्त्सं गन्धर्वैर्मदते सोम्येभिः ॥३॥

विष्टारिणमोदनं ये पचन्ति नैनान्यमः परि मुष्णाति रेतः ।

रथी ह भूत्वा रथयानं ईयते पक्षी ह भूत्वाति दिवः समैति ॥४॥

एष यज्ञानां विततो वहिष्ठो विष्टारिणं पक्त्वा दिवमा विवेश ।
आरडीकं कुमुदं सं तनोति बिसं शालूकं शफको मुलाली ।
एतास्त्वा धारा उप यन्तु सर्वाः स्वर्गे लोके मधुमत्पिन्वमाना उप त्वा
तिष्ठन्तु पुष्करिणीः समन्ताः ॥५॥

घृतहृदा मधुकूलाः सुरोदकाः क्षीरेण पूर्णा उदकेन दध्ना ।
एतास्त्वा धारा उप यन्तु सर्वाः स्वर्गे लोके मधुमत्पिन्वमाना उप त्वा
तिष्ठन्तु पुष्करिणीः समन्ताः ॥६॥

चतुरः कुम्भांश्चतुर्धा ददामि क्षीरेण पूर्णा उदकेन दध्ना ।
एतास्त्वा धारा उप यन्तु सर्वाः स्वर्गे लोके मधुमत्पिन्वमाना उप त्वा
तिष्ठन्तु पुष्करिणीः समन्ताः ॥७॥

इममोदनं नि दधे ब्राह्मणेषु विष्टारिणं लोकजितं स्वर्गम् ।
स मे मा क्षैष्ट स्वधया पिन्वमानो विश्वरूपा धेनुः कामदुधा मे अस्तु ॥८॥

(३५) पञ्चत्रिंशं सूक्तम्

(१-७) सप्तर्चस्यास्य सूक्तस्य प्रजापतिर्ऋषिः । अतिमृत्युर्देवता । (१-२, ५-७)

प्रथमाद्वितीययोर्ऋचोः पञ्चम्यादितृचस्य च त्रिष्टुप् तृतीयाया भुरिक्त्रिष्टुप्

(४) चतुर्थ्याश्च जगती छन्दांसि

यमोदनं प्रथमजा ऋतस्य प्रजापतिस्तपसा ब्रह्मणेऽपचत् ।
यो लोकानां विधृतिर्नाभिरेषात्तेनौदनेनार्ति तराणि मृत्युम् ॥१॥

येनातरन्भूतकृतोऽति मृत्युं यमन्वविन्दन्तपसा श्रमेण ।
यं पपाच ब्रह्मणे ब्रह्म पूर्वं तेनौदनेनार्ति तराणि मृत्युम् ॥२॥

यो दाधार पृथिवीं विश्वभोजसं यो अन्तरिक्षमापृणाद्रसेन ।
यो अस्तभ्नाद्विर्वमूर्ध्वो महिम्ना तेनौदनेनार्ति तराणि मृत्युम् ॥३॥

यस्मान्मासा निर्मितास्त्रिंशदराः संवत्सरो यस्मान्निर्मितो द्वादशारः ।

अ॒होरा॒त्रा यं प॑रि॒यन्तो॒ नापु॑स्तेनौ॒दने॑नाति॒ तरा॑णि मृ॒त्युम् ॥४॥

यः प्रा॑ण॒दः प्रा॑ण॒दवा॑न्ब॒भूव॒ यस्मै॑ लो॒का घृ॒तव॑न्तः॒ क्षर॑न्ति ।
ज्योति॑ष्मतीः प्र॒दिशो॒ यस्य॒ सर्वा॑स्तेनौ॒दने॑नाति॒ तरा॑णि मृ॒त्युम् ॥५॥

यस्मा॑त्प॒क्वाद्मृ॑तं सं॒ब॒भूव॒ यो गा॑य॒त्र्या अ॒धि॒पति॑र्ब॒भूव॑ ।
यस्मि॑न्वे॒दा नि॒हिता॒ विश्व॑रू॒पास्ते॑नौ॒दने॑नाति॒ तरा॑णि मृ॒त्युम् ॥६॥

अ॒व॑ बा॒धे द्वि॑षन्तं दे॒वपी॑युं स॒पत्ना॒ ये मेऽप॑ ते भ॒वन्तु॑ ।
ब्र॒ह्मौ॒दनं॑ वि॒श्वजि॑तं प॒चामि॑ श्रृ॒गव॑न्तु॒ मे श्र॑द्द॒धान॑स्य दे॒वाः ॥७॥

(३६) षट्त्रिंशं सूक्तम्

(१-१०) दशर्चस्यास्य सूक्तस्य चातन ऋषिः । सत्यौजा अग्निर्देवता । (१-८, १०)
प्रथमाद्यष्टानां दशम्याश्चानुष्टुप् (९) नवम्याश्च भुरिगनुष्टुप् छन्दसी
तान्त्सत्यौजाः प्र दहत्वग्निर्वैश्वानरो वृषा ।
यो नो॑ दुर॒स्यादि॑प्सा॒च्चाथो॒ यो नो॑ अ॒राति॒यात् ॥१॥

यो नो॑ दि॒प्सादि॑प्सतो॒ दिप्स॑तो॒ यश्च॒ दिप्स॑ति ।
वै॒श्वान॑रस्य॒ दंष्ट्र॑यो॒ग्नेरपि॑ दधामि॒ तम् ॥२॥

य आ॑ग॒रे मृ॑गयन्ते प्र॒तिक्रो॑शेऽ॒मावा॑स्ये ।
क्र॒व्यादौ॑ अ॒न्यान्दि॑प्स॒तः सर्वा॑स्तान्त्सह॒सा स॒हे ॥३॥

स॒हे पि॒शा॒चान्त्सह॑सैषां॒ द्रवि॑णं ददे ।
सर्वा॑न्दुरस्यतो॒ ह॒न्मि॒ सं म॒ आकू॑तिर्ऋ॒घता॑म् ॥४॥

ये दे॒वास्ते॑न॒ हास॑न्ते॒ सूर्ये॑ण मिमते॒ ज॒वम् ।
न॒दीषु॒ पर्व॑तेषु॒ ये सं तैः॑ प॒शुभि॑र्विदे ॥५॥

त॒प॒नो अ॒स्मि पि॒शा॒चानां॑ व्या॒घ्रो गो॑म॒तामि॑व ।

श्वानः सिंहमिव दृष्ट्वा ते न विन्दन्ते न्यञ्जनम् ॥६॥

न पिशाचैः सं शक्नोमि न स्तेनैर्न वनर्गुभिः ।
पिशाचास्तस्मान्नश्यन्ति यमहं ग्राममाविशे ॥७॥

यं ग्राममाविशते इदमुग्रं सहो मम ।
पिशाचास्तस्मान्नश्यन्ति न पापमुप जानते ॥८॥

ये मां क्रोधयन्ति लपिता हस्तिनं मशका इव ।
तानहं मन्ये दुर्हिताञ्जने अल्पशयूनिव ॥९॥

अभि तं निर्ऋतिर्धत्तामश्वमिवाश्वाभिधान्या ।
मृत्वो यो मह्यं क्रुध्यति स उ पाशान्न मुच्यते ॥१०॥

(३७) सप्तत्रिंशं सूक्तम्

(१-१२) द्वादशर्चस्यास्य सूक्तस्य बादरायणिर्ऋषिः । (१-२, ६)

प्रथमाद्वितीयाषष्ठीनामृचामजशृङ्गयोषधिः (३-५) तृतीयादितृचस्याप्सरसः

(७-१२) सप्तम्यादिषण्णाश्च गन्धर्वाप्सरयोषधयो देवताः । (१-२, ४, ६, ८-१०)

प्रथमाद्वितीयाचतुर्थीषष्ठीनामष्टम्यादितृचस्य चानुष्टुप् (३) तृतीयायास्त्रयवसाना षट्पदा
त्रिष्टुप् (५) पञ्चम्याः प्रस्तारपङ्क्तिः (७) सप्तम्याः परोष्णिक्

(११) एकादश्याः षट्पदा जगती (१२) द्वादश्याश्च निचृदनुष्टुप् छन्दांसि

त्वया पूर्वमर्थर्वाणो जघ्नू रक्षांस्योषधे ।

त्वया जघान कश्यपस्त्वया करवो अगस्त्यः ॥१॥

त्वया वयमप्सरसो गन्धर्वाश्चातयामहे ।

अजशृङ्गयज रक्षः सर्वान्गन्धेन नाशय ॥२॥

नदीं यन्त्वप्सरसोऽपां तारमवश्वसम् ।

गुल्गुलूः पीला नलद्यौरेक्षगन्धिः प्रमन्दनी ।

तत्परैताप्सरसः प्रतिबुद्धा अभूतन ॥३॥

यत्राश्वत्था न्यग्रोधा महावृक्षाः शिखशिडनः ।
तत्परैताप्सरसः प्रतिबुद्धा अभूतन ॥४॥

यत्र वः प्रेङ्क्षा हरिता अर्जुना उत यत्राघाताः कर्कर्यः संवदन्ति ।
तत्परैताप्सरसः प्रतिबुद्धा अभूतन ॥५॥

एयमगन्नोषधीनां वीरुधां वीर्यावती ।
अजशृङ्ग्यराट्की तीक्ष्णशृङ्गी व्युषतु ॥६॥

आनृत्यतः शिखशिडनो गन्धर्वस्याप्सरापुतेः ।
भिनद्धि मुष्कावपि यामि शेषः ॥७॥

भीमा इन्द्रस्य हेतयः शतमृष्टीरयस्मयीः ।
ताभिर्हविरदानान्धर्वानवकादान्वुषतु ॥८॥

भीमा इन्द्रस्य हेतयः शतमृष्टीर्हिरययीः ।
ताभिर्हविरदानान्धर्वानवकादान्वुषतु ॥९॥

अवकादानभिश्चोचानप्सु ज्योतय मामकान् ।
पिशाचान्सर्वानोषधे प्र मृणीहि सहस्व च ॥१०॥

श्वैकैकः कपिरिवैकः कुमारः सर्वकेशकः ।
प्रियो दृश इव भूत्वा गन्धर्वः सचते स्त्रियस्तमितो नाशयामसि ब्रह्मणा
वीर्यावता ॥११॥

जाया इद्वौ अप्सरसो गन्धर्वाः पतयो यूयम् ।
अप धावतामर्त्या मर्त्यान्मा सचध्वम् ॥१२॥

(३८) अष्टात्रिंशं सूक्तम्

(१-७) सप्तर्चस्यास्य सूक्तस्य बादरायणिर्ऋषिः । (१-४) प्रथमादिचतुर्ऋचामप्सराः

(५-७) पञ्चम्यादितृचस्य च वाजिनीवानृषभो देवते ।

(१-२, ४) प्रथमाद्वितीयाचतुर्थीनामनुष्टुप् (३) तृतीयायास्त्रयवसाना षट्पदा जगती

(५) पञ्चम्या भुरिगत्यष्टिः (६) षष्ठ्यास्त्रिष्टुप् (७) सप्तम्याश्च त्रयवसाना

पञ्चपदानुष्टुब्गर्भा पुर उपरिष्ठाञ्जचोतिष्मती जगती छन्दांसि

उद्भिन्दतीं संजयन्तीमप्सरां सांधुदेविनीम् ।

ग्लहै कृतानि कृशवानामप्सरां तामिह हुवे ॥१॥

विचिन्वतीमाकिरन्तीमप्सरां सांधुदेविनीम् ।

ग्लहै कृतानि गृह्णानामप्सरां तामिह हुवे ॥२॥

यायैः परिनृत्यत्याददाना कृतं ग्लहात् ।

सा नः कृतानि सीषती प्रहामाप्रोतु मायया ।

सा नः पयस्वत्यैतु मा नौ जैषुरिदं धनम् ॥३॥

या अक्षेषु प्रमोदन्ते शुचं क्रोधं च बिभ्रती ।

आनन्दिनीं प्रमोदिनीमप्सरां तामिह हुवे ॥४॥

सूर्यस्य रश्मीननु याः संचरन्ति मरीचीर्वा या अनुसंचरन्ति ।

यासामृषभो दूरतो वाजिनीवान्त्सद्यः सर्वाल्लोकान्पर्येति रक्षन् ।

स न ऐतु होममिमं जुषाणोऽन्तरिक्षेण सह वाजिनीवान् ॥५॥

अन्तरिक्षेण सह वाजिनीवन्ककीं वत्सामिह रक्ष वाजिन् ।

इमे ते स्तोका बहुला एह्यर्वाडियं ते ककीह ते मनोऽस्तु ॥६॥

अन्तरिक्षेण सह वाजिनीवन्ककीं वत्सामिह रक्ष वाजिन् ।

अयं घासो अयं वृज इह वत्सां नि बधीमः ।

यथानाम व ईशमहे स्वाहा ॥७॥

(३६) एकोनचत्वारिंशं सूक्तम्

- (१-१०) दशर्चस्यास्य सूक्तस्याङ्गिरा ऋषिः । (१-२) प्रथमाद्वितीययोः पृथिव्यग्नी
(३-४) तृतीयाचतुर्थ्योर्वास्वन्तरिक्षे (५-६) पञ्चमीषष्ठयोर्दिवादित्यौ
(७-८) सप्तम्यष्टम्योर्दिवक्चन्द्रमसः (९-१०) नवमीदशम्योश्च जातवेदा अग्निर्देवताः ।
(१, ३, ५, ७) प्रथमातृतीयापञ्चमीसप्तमीनां त्रिपदा महाबृहती
(२, ४, ६, ८) द्वितीयाचतुर्थीषष्ठ्यष्टमीनां संस्तारपङ्क्तिः
(९-१०) नवमीदशम्योश्च त्रिष्टुप् छन्दांसि

पृथिव्यामग्रये समनमन्त्स आर्धोत् ।

यथा पृथिव्यामग्रये समनमन्नेवा मह्यं संनमः सं नमन्तु ॥१॥

पृथिवी धेनुस्तस्या अग्निर्वत्सः ।

सा मेऽग्निना वत्सेनेषमूर्जं कामं दुहाम् ।

आयुः प्रथमं प्रजां पोषं रयिं स्वाहा ॥२॥

अन्तरिक्षे वायवे समनमन्त्स आर्धोत् ।

यथान्तरिक्षे वायवे समनमन्नेवा मह्यं संनमः सं नमन्तु ॥३॥

अन्तरिक्षं धेनुस्तस्या वायुर्वत्सः ।

सा मे वायुना वत्सेनेषमूर्जं कामं दुहाम् ।

आयुः प्रथमं प्रजां पोषं रयिं स्वाहा ॥४॥

दिव्यादित्याय समनमन्त्स आर्धोत् ।

यथा दिव्यादित्याय समनमन्नेवा मह्यं संनमः सं नमन्तु ॥५॥

द्यौर्धेनुस्तस्या आदित्यो वत्सः ।

सा मे आदित्येन वत्सेनेषमूर्जं कामं दुहाम् ।

आयुः प्रथमं प्रजां पोषं रयिं स्वाहा ॥६॥

दिक्षु चन्द्राय समनमन्त्स आर्धोत् ।

यथा दिक्षु चन्द्राय समनमन्नेवा मह्यं संनमः सं नमन्तु ॥७॥

दिशो धेनवस्तासां चन्द्रो वत्सः ।
ता मै चन्द्रेण वत्सेनेषमूर्जं कामं दुहाम् ।
आयुः प्रथमं प्रजां पोषं रयिं स्वाहा ॥८॥

अग्रावग्निश्चरति प्रविष्ट ऋषीणां पुत्रो अभिशस्तिपा उ ।
नमस्कारेण नमसा ते जुहोमि मा देवानां मिथुया कर्म भागम् ॥९॥

हृदा पूतं मनसा जातवेदो विश्वानि देव वयुनानि विद्वान् ।
सप्तस्यानि तव जातवेदस्तेभ्यो जुहोमि स जुषस्व हव्यम् ॥१०॥

(४०) चत्वारिंशं सूक्तम्

(१-८) अष्टर्चस्यास्य सूक्तस्य शुक्र ऋषिः । सामान्यतः सर्वासामृचाञ्जातवेदाः
विशेषतश्च (१) प्रथमर्चोऽग्निः (२) द्वितीयाया यमः (३) तृतीयाया वरुणः
(४) चतुर्थ्याः सोमः (५) पञ्चम्या भूमिः (६) षष्ठ्या वायुः (७) सप्तम्याः सूर्यः
(८) अष्टम्याश्च ब्रह्म देवताः । (१, ३-७) प्रथमायास्तृतीयादिपञ्चानाञ्च त्रिष्टुप्
द्वितीयाया जगती (८) अष्टम्याश्च पुरोऽतिशक्वरीपादयुग्जगती छन्दांसि
ये पुरस्ताञ्जुहति जातवेदः प्राच्या दिशोऽभिदासन्त्यस्मान् ।
अग्निमृत्वा ते पराञ्चो व्यथन्तां प्रत्यगैनान्प्रतिसुरेण हन्मि ॥१॥

ये दक्षिणतो जुहति जातवेदो दक्षिणाया दिशोऽभिदासन्त्यस्मान् ।
यममृत्वा ते पराञ्चो व्यथन्तां प्रत्यगैनान्प्रतिसुरेण हन्मि ॥२॥

ये पश्चाञ्जुहति जातवेदः प्रतीच्या दिशोऽभिदासन्त्यस्मान् ।
वरुणमृत्वा ते पराञ्चो व्यथन्तां प्रत्यगैनान्प्रतिसुरेण हन्मि ॥३॥

य उत्तरतो जुहति जातवेद उदीच्या दिशोऽभिदासन्त्यस्मान् ।
सोममृत्वा ते पराञ्चो व्यथन्तां प्रत्यगैनान्प्रतिसुरेण हन्मि ॥४॥

येऽधस्ताञ्जुहति जातवेद ध्रुवाया दिशोऽभिदासन्त्यस्मान् ।
भूमिमृत्वा ते पराञ्चो व्यथन्तां प्रत्यगैनान्प्रतिसुरेण हन्मि ॥५॥

येऽन्तरिक्षाञ्जुहति जातवेदो व्यध्वायां दिशोऽभिदासन्त्यस्मान् ।
वायुमृत्वा ते पराञ्चो व्यथन्तां प्रत्यगैनान्प्रतिसुरेणं हन्मि ॥६॥

य उपरिष्ठाञ्जुहति जातवेद ऊर्ध्वायां दिशोऽभिदासन्त्यस्मान् ।
सूर्यमृत्वा ते पराञ्चो व्यथन्तां प्रत्यगैनान्प्रतिसुरेणं हन्मि ॥७॥

ये दिशामन्तर्देशेभ्यो जुहति जातवेदः सर्वाभ्यो दिग्भ्योऽभिदासन्त्यस्मान्
।
ब्रह्मर्त्वा ते पराञ्चो व्यथन्तां प्रत्यगैनान्प्रतिसुरेणं हन्मि ॥८॥

इति चतुर्थं काण्डम्

अथ पञ्चमं कारण्डम्

(१) प्रथमं सूक्तम्

(१-६) नवर्चस्यास्य सूक्तस्य बृहद्विवोऽथर्वा ऋषिः । वरुणो देवता ।

(१) प्रथमर्चः पराबृहती त्रिष्टुप् (२-६, ८) द्वितीयादिपञ्चानामष्टम्याश्च त्रिष्टुप्

(७) सप्तम्या विराट् त्रिष्टुप् (९) नवम्याश्च त्र्यवसाना षट्पदात्यष्टिश्छन्दांसि

ऋधङ्ङन्त्रो योनिं य आबृभूवामृतासुर्वर्धमानः सुजन्मा ।

अदब्धासुर्भार्जमानोऽहैव त्रितो धर्ता दाधार त्रीणि ॥१॥

आ यो धर्माणि प्रथमः ससाद् ततो वपूंषि कृणुषे पुरुशि ।

धास्युर्योनिं प्रथम आ विवेशा यो वाचमनुदितां चिकेत ॥२॥

यस्ते शोकाय तन्वां रिरेच क्षरद्विरण्यं शुचयोऽनु स्वाः ।

अत्रा दधेते अमृतानि नामास्मे वस्त्राणि विश् एर्यन्ताम् ॥३॥

प्र यदेते प्रतरं पूर्वं गुः सदःसद आतिष्ठन्तो अजुर्यम् ।

कविः शुषस्य मातरा रिहाणे जाम्यै धुर्य पतिमेरयेथाम् ॥४॥

तदू षु तै महत्पृथुज्मन्नमः कविः काव्येन कृणोमि ।

यत्सम्यञ्चावभियन्तावभि क्षामत्रा मही रोधचक्रे वावृधेतै ॥५॥

सप्त मर्यादाः क्वयस्ततक्षुस्तासामिदेकाम्भ्यं हुरो गात् ।

आयोर्ह स्कम्भ उपमस्य नीडे पथां विसर्गे धरुणेषु तस्थौ ॥६॥

उतामृतासुर्वत एमि कृन्वन्नसुरात्मा तन्वश्स्तत्सुमद्गुः ।

उत वा शक्रो रत्नं दधात्पूर्या वा यत्सर्चते हविर्दाः ॥७॥

उत पुत्रः पितरं क्षत्रमीडे ज्येष्ठं मर्यादमह्वयन्त्स्वस्तये ।

दर्शन्तु ता वरुण यास्तै विष्ठा आवर्ततः कृणवो वपूंषि ॥८॥

अर्धमर्धेन पर्यसा पृणक्ष्यर्धेन शुष्म वर्धसे अमुर ।

अविं वृधाम शृग्मियं सखायं वरुणं पुत्रमदित्या इषिरम् ।
कविशस्तान्यस्मै वपुष्यवोचाम् रोदसी सत्यवाचा ॥६॥

(२) द्वितीयं सूक्तम्

(१-६) नवर्चस्यास्य सूक्तस्य बृहद्विवोऽथर्वा ऋषिः । वरुणो देवता ।

(१-८) प्रथमाद्यष्टर्चा त्रिष्टुप् (६) नवम्याश्च भुरिक्परातिजागता त्रिष्टुप् छन्दसी
तदिदासु भुवनेषु ज्येष्ठं यतौ जज्ञ उग्रस्त्वेषनृम्णः ।
सद्यो जज्ञानो नि रिणाति शत्रूननु यदेनं मदन्ति विश्व ऊमाः ॥१॥

वावृधानः शर्वसा भूर्योजाः शत्रुर्दासाय भियसं दधाति ।
अव्यनच्च व्यनच्च सस्त्रि सं तै नवन्त प्रभृता मदेषु ॥२॥

त्वे क्रतुमपि पृञ्चन्ति भूरि द्विर्यदेते त्रिर्भवन्त्यूमाः ।
स्वादोः स्वादीयः स्वादुना सृजा समदः सु मधु मधुनाभि यौधीः ॥३॥

यदि चिन्नु त्वा धना जयन्तं रणैरणे अनुमदन्ति विप्राः ।
ओजीयः शुष्मिन्तिस्थरमा तनुष्व मा त्वा दभन्दुरेवासः कशोकाः ॥४॥

त्वया वयं शाशद्यहे रणेषु प्रपश्यन्तो युधेन्यानि भूरि ।
चोदयामि त्वा आयुधा वचोभिः सं तै शिशामि ब्रह्मणा वयांसि ॥५॥

नि तद्दधिषेऽवरु परै च यस्मिन्नाविथावसा दुरोणे ।
आ स्थापयत मातरं जिगत्तुमत इन्वत् कर्वराणि भूरि ॥६॥

स्तुष्व वर्ष्मन्पुरुवर्त्मानं समृभ्वाणमिनतममाप्तमाप्तयानाम् ।
आ दर्शति शर्वसा भूर्योजाः प्र सन्नति प्रतिमानं पृथिव्याः ॥७॥

इमा ब्रह्म बृहद्विवः कृणवदिन्द्राय शूषमग्रियः स्वर्षाः ।
महो गोत्रस्य क्षयति स्वराजा तुरंश्चिद्विश्वमर्णवत्तपस्वान् ॥८॥

एवा महान्बृहद्विवो अथर्वावोचत्स्वां तन्वश्मिन्द्रमेव ।
स्वसारौ मातरिभ्वरी अरिप्रे हिन्वन्ति चैने शर्वसा वर्धयन्ति च ॥६॥

(३) तृतीयं सूक्तम्

(१-११) एकादशर्चस्यास्य सूक्तस्य बृहद्विवोऽथर्वा ऋषिः ।

(१-२) प्रथमाद्वितीययोर्ऋचोर्विहव्योऽग्निः (३-४) तृतीयाचतुर्थयोर्देवाः

(५) पञ्चम्या द्रविणोदादयः (६, ६-१०) षष्ठीनवमीदशमीनां विश्वे देवाः

(७) सप्तम्याः सोमः (८, ११) अष्टम्येकादशयोश्चेन्द्रो देवताः ।

(१, ३-६, ११) प्रथमर्चस्तृतीयादिसप्तानामेकादश्याश्च त्रिष्टुप्

(२) द्वितीयाया भुरिक्त्रिष्टुप् (१०) दशम्याश्च विराड्जगती छन्दांसि

ममाग्ने वर्चो विहवेष्वस्तु वयं त्वेन्धानास्तन्वं पुषेम ।

मह्यं नमन्तां प्रदिशश्चतस्त्रस्त्वयाध्यक्षेण पृतना जयेम ॥१॥

अग्ने मनुं प्रतिनुदन्परैषां त्वं नो गोपाः परि पाहि विश्वतः ।

अपाञ्चो यन्तु निवता दुरस्यवोऽमैषां चित्तं प्रबुधां वि नैशत् ॥२॥

मम देवा विहवे सन्तु सर्व इन्द्रवन्तो मरुतो विष्णुरग्निः ।

ममान्तरिक्षमुरुलोकमस्तु मह्यं वातः पवतां कामायास्मै ॥३॥

मह्यं यजन्तां मम यानीष्टाकूतिः सत्या मनसो मे अस्तु ।

एनो मा नि गां कतमच्चनाहं विश्वे देवा अभि रक्षन्तु मेह ॥४॥

मयि देवा द्रविणमा यजन्तां मय्याशीरस्तु मयि देवहूतिः ।

दैवाः होतारः सनिषन्न एतदरिष्टाः स्याम तन्वा सुवीराः ॥५॥

दैवीः षडुर्वीरुरु नः कृणोत विश्वे देवास इह मादयध्वम् ।

मा नो विददभिभा मो अशस्तिर्मा नो विदद्वृजिना द्वेष्या या ॥६॥

तिस्रो दैवीर्महि नः शर्म यच्छत प्रजायै नस्तन्वेऽ यच्च पुष्टम् ।

मा हास्महि प्रजया मा तनूभिर्मा रंधाम द्विषते सौम राजन् ॥७॥

उरुव्यचा नो महिषः शर्म यच्छत्वस्मिन्हवै पुरुहूतः पुरुक्षु ।
स नः प्रजायै हर्यश्च मृडेन्द्र मा नो रीरिषो मा परो दाः ॥८॥

धाता विधाता भुवनस्य यस्पतिर्देवः सविताभिमातिषाहः ।
आदित्या रुद्रा अश्विनोभा देवाः पान्तु यजमानं निर्ऋथात् ॥९॥

ये नः सपत्ना अप ते भवन्त्विन्द्राग्निभ्यामव बाधामह एनान् ।
आदित्या रुद्रा उपरिस्पृशो नो उग्रं चेतारमधिराजमक्रत ॥१०॥

अर्वाञ्चमिन्द्रममुतो हवामहे यो गोजिद्धनजिदश्चजिद्यः ।
इमं नो यज्ञं विह्वे शृणोत्वस्माकमभूर्हर्यश्च मेदी ॥११॥

(४) चतुर्थं सूक्तम्

(१-१०) दशर्चस्यास्य सूक्तस्य भृग्वङ्गिरा ऋषिः । कुष्ठो यक्ष्मनाशनञ्च देवते ।

(१-४, ७-९) प्रथमादिचतुर्ऋचां सप्तम्यादितृचस्य चानुष्टुप् (५) पञ्चम्या भुरिगनुष्टुप्

(६) षष्ठ्या गायत्री (१०) दशम्याश्च उष्णिग्गर्भा निचृदनुष्टुप् छन्दांसि

यो गिरिष्वजायथा वीरुधां बलवत्तमः ।
कुष्ठेहि तक्ष्मनाशन तक्ष्मानं नाशयन्नितः ॥१॥

सुपर्णसुवने गिरौ जातं हिमवतस्परि ।
धनैरभि श्रुत्वा यन्ति विदुर्हि तक्ष्मनाशनम् ॥२॥

अश्वत्थो देवसदनस्तृतीयस्यामितो दिवि ।
तत्रामृतस्य चक्ष्णं देवाः कुष्ठमवन्वत ॥३॥

हिरण्ययी नौरचरद्विरण्यबन्धना दिवि ।
तत्रामृतस्य पुष्पं देवाः कुष्ठमवन्वत ॥४॥

हिरण्ययाः पन्थान आसन्नरित्राणि हिरण्यया ।
नावो हिरण्ययीरासन्याभिः कुष्ठं निरावहन् ॥५॥

इमं मे कुष्ठं पूरुषं तमा वहं तं निष्कुरु ।
तमु मे अगदं कृधि ॥६॥

देवेभ्यो अधि जातो ऽसि सोमस्यासि सर्वा हितः ।
स प्राणाय व्यानाय चक्षुषे मे अस्मै मृड ॥७॥

उदङ् जातो हिमवतः स प्राच्यां नीयसे जनम् ।
तत्र कुष्ठस्य नामान्युत्तमानि वि भैजिरे ॥८॥

उत्तमो नाम कुष्ठस्युत्तमो नाम ते पिता ।
यद्धमं च सर्वं नाशय त्वमानं चारसं कृधि ॥९॥

शीर्षामयमुपहृत्यामद्योस्तन्वोऽरु रपः ।
कुष्ठस्तत्सर्वं निष्करदैवं समह वृषयम् ॥१०॥

(५) पञ्चमं सूक्तम्

(१-६) नवर्चस्यास्य सूक्तस्याथर्वा ऋषिः । लाक्षा देवता । अनुष्टुप् छन्दः
रात्री माता नभः पितार्यमा तै पितामहः ।
सिलाची नाम वा असि सा देवानामसि स्वसा ॥१॥

यस्त्वा पिबति जीवति त्रायसे पूरुषं त्वम् ।
भर्त्री हि शश्वतामसि जनानां च न्यञ्जनी ॥२॥

वृक्षंवृक्षमा रोहसि वृषयन्तीव कन्यला ।
जयन्ती प्रत्यातिष्ठन्ती स्पर्णी नाम वा असि ॥३॥

यद्दुण्डेन यदिष्वा यद्द्वारुर्हरसा कृतम् ।
तस्य त्वमसि निष्कृतिः सेमं निष्कृधि पूरुषम् ॥४॥

भद्रात्प्लक्षान्निस्तिष्ठस्यश्चत्थात्वंदिराद्धवात् ।

भद्रान्नचग्रोधोत्पर्णात्सा न एह्यरुन्धति ॥५॥

हिरण्यवर्णे सुभगे सूर्यवर्णे वपुष्टमे ।
रुतं गच्छासि निष्कृते निष्कृतिर्नाम् वा असि ॥६॥

हिरण्यवर्णे सुभगे शुष्मे लोमशवक्षने ।
अपामसि स्वसा लाक्षे वातो हात्मा बभूव ते ॥७॥

सिलाची नाम कानीनोऽजबभु पिता तव ।
अश्वो यमस्य यः श्यावस्तस्य हास्त्रास्युक्षिता ॥८॥

अश्वस्यास्रः संपतिता सा वृक्षाँ अभि सिष्यदे ।
सुरा पतत्रिणी भूत्वा सा न एह्यरुन्धति ॥९॥

(६) षष्ठं सूक्तम्

(१-१४) चतुर्दशर्चस्यास्य सूक्तस्याथर्वा ऋषिः । (१) प्रथमर्चो ब्रह्मादित्यः
(२) द्वितीयायाः कर्माणि (३-४) तृतीयाचतुर्थ्यो रुद्रगणाः
(५-८) पञ्चम्यादिचतसृणां सोमारुद्रौ (९) नवम्या हेतिः (१०) दशम्या अग्निः
(११-१४) एकादश्यादिचतसृणाञ्च सर्वात्मा रुद्रो देवताः ।
(१, ९) प्रथमानवम्योत्रिष्टुप् (२) द्वितीयाया अनुष्टुप् (३) तृतीयाया जगती
(४) चतुर्थ्याः पञ्चपदानुष्टुबुष्णिक्त्रिष्टुब्गर्भा जगती (५-७) पञ्चम्यादितृचस्य त्रिपदा
विराङ्गायत्री (८) अष्टम्या एकावसाना द्विपदार्यनुष्टुप् (१०) दशम्याः प्रस्तारपङ्क्तिः
(११-१३) एकादश्यादितृचस्य पङ्क्तिः (१४) चतुर्दश्याश्च स्वराट् पङ्क्तिश्छन्दांसि
ब्रह्मं जज्ञानं प्रथमं पुरस्ताद्वि सीमतः सुरुचो वेन आवः ।
स बुध्याऽऽ उपमा अस्य विष्टाः सतश्च योनिमसतश्च वि वः ॥१॥

अनाप्ता ये वः प्रथमा यानि कर्माणि चक्रिरे ।
वीरान्नो अत्र मा दभन्तद्व एतत्पुरो दधे ॥२॥

सहस्रंधार एव ते समस्वरन्दिवो नाके मधुजिह्वा असुश्चतः ।
तस्य स्पशो न नि मिषन्ति भूर्णयः पदेपदे पाशिनः सन्ति सेतवे ॥३॥

पर्यु षु प्र धन्वा वाजसातये परि वृत्राणि सृक्षणिः ।
द्विषस्तदध्यर्णवेनैयसे सनिस्त्रसो नामासि त्रयोदशो मासु इन्द्रस्य गृहः ॥४॥

न्वेतेनारात्सीरसौ स्वाहा ।
तिग्मार्युधौ तिग्महेती सुषेवौ सोमारुद्राविह सु मृडतं नः ॥५॥

अवैतेनारात्सीरसौ स्वाहा ।
तिग्मार्युधौ तिग्महेती सुषेवौ सोमारुद्राविह सु मृडतं नः ॥६॥

अपैतेनारात्सीरसौ स्वाहा ।
तिग्मार्युधौ तिग्महेती सुषेवौ सोमारुद्राविह सु मृडतं नः ॥७॥

मुमुक्तमस्मान्दुरितादवद्याजुषेथां यज्ञममृतमस्मासु धत्तम् ॥८॥

चक्षुषो हेते मनसो हेते ब्रह्मणो हेते तपसश्च हेते ।
मेन्या मेनिरस्यमेनयस्ते सन्तु येऽस्माँ अभ्यघायन्ति ॥९॥

योऽस्माँश्चक्षुषा मनसा चित्याकूत्या च यो अघायुरभिदासात् ।
त्वं तानग्रे मेन्यामेनीन्कृणु स्वाहा ॥१०॥

इन्द्रस्य गृहोऽसि ।
तं त्वा प्र पद्ये तं त्वा प्र विशामि सर्वगुः सर्वपूरुषः सर्वात्मा सर्वतनूः सह
यन्मेऽस्ति तेन ॥११॥

इन्द्रस्य शर्मासि ।
तं त्वा प्र पद्ये तं त्वा प्र विशामि सर्वगुः सर्वपूरुषः सर्वात्मा सर्वतनूः सह
यन्मेऽस्ति तेन ॥१२॥

इन्द्रस्य वर्मासि ।
तं त्वा प्र पद्ये तं त्वा प्र विशामि सर्वगुः सर्वपूरुषः सर्वात्मा सर्वतनूः सह

यन्मेऽस्ति तेन ॥१३॥

इन्द्रस्य वरूथमसि ।

तं त्वा प्र पद्ये तं त्वा प्र विशामि सर्वगुः सर्वपूरुषः सर्वात्मा सर्वतनूः सह
यन्मेऽस्ति तेन ॥१४॥

(७) सप्तमं सूक्तम्

(१-१०) दशर्चस्यास्य सूक्तस्याथर्वा ऋषिः । (१-३, ६-१०) प्रथमादितृचस्य
षष्ठ्यादिपञ्चार्चाञ्जारातयः (४-५) चतुर्थीपञ्चम्योश्च सरस्वती देवताः ।

(१) प्रथमाया विराड्गर्भा प्रस्तारपङ्क्तिः

(२-३, ५, ७-१०) द्वितीयातृतीयापञ्चमीनां सप्तम्यादिचतसृणाञ्जानुष्टुप्

(४) चतुर्थ्याः मध्याबृहती (६) षष्ठ्याश्च प्रस्तारपङ्क्तिश्छन्दांसि ॥

आ नो भर मा परि ष्ठा अराते मा नो रक्षीर्दक्षिणां नीयमानाम् ।

नमो वीर्त्साया असमृद्धये नमो अस्त्वरातये ॥१॥

यमराते पुरोध्रत्से पुरुषं परिपिणाम् ।

नमस्ते तस्मै कृणमो मा वृनि व्यथयीर्मम ॥२॥

प्र शो वृनिर्देवकृता दिवा नक्तं च कल्पताम् ।

अरातिमनुप्रेमो वृयं नमो अस्त्वरातये ॥३॥

सरस्वतीमनुमतिं भगं यन्तो हवामहे ।

वाचं जुष्टां मधुमतीमवादिषं देवानां देवहृतिषु ॥४॥

यं याचाम्यहं वाचा सरस्वत्या मनोयुजा ।

श्रद्धा तमद्य विन्दतु दत्ता सोमैर्न बभ्रुणा ॥५॥

मा वृनि मा वाचं नो वीर्त्सीरुभाविन्द्राग्नी आ भरतां नो वसूनि ।

सर्वे नो अद्य दित्सन्तोऽरातिं प्रति हर्यत ॥६॥

प॒रोऽपै॒ह्यसमृ॒द्धे वि तै॑ हे॒तिं न॑यामसि ।
वेदं॑ त्वा॒हं नि॒मीव॑न्तीं॒ नितु॑दन्तीमराते ॥७॥

उ॒त न॒ग्ना बो॑भुवती स्वप्न॒या स॑चसे॒ जन॑म् ।
अ॒रा॒ते चि॒त्तं वी॒र्त्सन्त्या॑कू॒तिं पु॑रुषस्य च ॥८॥

या म॑हती म॒होन्मा॑ना॒ विश्वा॑ आशा॑ व्यानु॒शे ।
तस्यै॑ हि॒रण्य॑केश्यै॒ नि॒र्ऋत्या॑ अकरं॒ नमः॑ ॥९॥

हि॒र॒ण्यव॑र्णा सु॒भगा॑ हि॒र॒ण्यक॑शिपु॒र्मुही॑ ।
तस्यै॑ हि॒र॒ण्यद्रा॑पयेऽरा॒त्या अ॑करं॒ नमः॑ ॥१०॥

(८) अष्टमं सूक्तम्

(१-९) नवर्चस्यास्य सूक्तस्याथर्वा ऋषिः । (१-२) प्रथमाद्वितीययोर्ऋचोरग्निः

(३) तृतीयाया विश्वे देवाः (४-९) चतुर्थ्यादिषण्णाञ्चेन्द्रो देवताः ।

(१, ५, ८) प्रथमापञ्चम्यष्टमीनामनुष्टुप् (२) द्वितीयायास्त्रयवसाना षट्पदा जगती

(३-४) तृतीयाचतुर्थ्योर्भुरिक्पथ्यापङ्क्तिः (६) षष्ठ्या आस्तारपङ्क्तिः

(७) सप्तम्या द्व्युष्णिग्गर्भा पथ्यापङ्क्तिः

(९) नवम्याश्च त्रयवसाना षट्पदा द्व्युष्णिग्गर्भा जगती छन्दांसि

वै॒क॒ङ्क॒तेने॒ध्मेन॑ दे॒वेभ्य॑ आ॒ज्यं॑ वह ।

अग्ने॑ ताँ इ॒ह मा॑दय॒ सर्व॑ आ य॒न्तु मे॑ ह॒वम् ॥१॥

इन्द्रा॑ या॒हि मे॑ ह॒वमि॑दं॒ करि॑ष्यामि॒ तच्छृ॑णु ।

इ॒म ऐ॒न्द्रा अ॑तिस॒रा आ॑कू॒तिं सं न॑मन्तु मे ।

तेभिः॑ शकेम॒ वी॒र्यं॑ जा॒तवे॑द॒स्तनू॑वशिन् ॥२॥

यद॒साव॑मु॒तौ दे॒वा अ॑दे॒वः संश्चि॑की॒र्षति॑ ।

मा तस्या॑ग्नि॒र्हव्यं॑ वा॒क्षी॒द्धवं॑ दे॒वा अ॑स्य॒ मोषं॑ गु॒र्ममै॑व ह॒वमे॑तन ॥३॥

अ॒ति॑ धावता॒तिस॑रा॒ इन्द्र॑स्य॒ वच॑सा हत ।

अविं वृकं इव मथ्नीतु स वो जीवन्मा मौचि प्राणमस्यापि नह्यत ॥४॥

यममी पुरोदधिरे ब्रह्माणमपभूतये ।
इन्द्र स तै अधस्पदं तं प्रत्यस्यामि मृत्यवै ॥५॥

यदि प्रेयुर्देवपुरा ब्रह्म वर्माणि चक्रिरे ।
तनूपानं परिपाणं कृणवाना यदुपोचिरे सर्वं तदरसं कृधि ॥६॥

यानुसारवतिसरांश्चकार कृणवच्च यान् ।
त्वं तानिन्द्र वृत्रहन्प्रतीचः पुनरा कृधि यथामुं तृणहां जनम् ॥७॥

यथेन्द्र उद्वाचनं लब्ध्वा चक्रे अधस्पदम् ।
कृणवेऽहमधरांस्तथामूँश्चतीभ्यः समाभ्यः ॥८॥

अत्रैनानिन्द्र वृत्रहन्नुग्रो मर्माणि विध्य ।
अत्रैवैनानभि तिष्ठेन्द्र मेद्युहं तव ।
अनु त्वेन्द्रा रभामहे स्याम सुमतौ तव ॥९॥

(९) नवमं सूक्तम्

(१-८) अष्टर्चस्यास्य सूक्तस्य ब्रह्मा ऋषिः । वास्तोष्पतिर्देवता ।

(१, ५) प्रथमापञ्चम्योर्ऋचोर्देवी बृहती (२, ६) द्वितीयाषष्ट्योर्देवी त्रिष्टुप्

(३-४) तृतीयाचतुर्थ्योर्देवी जगती

(७) सप्तम्याः पञ्चपदा विराडुष्णिग्बृहतीगर्भा पञ्चपदा जगती

(८) अष्टम्याश्च त्र्यवसाना चतुष्पदा पुरस्कृतित्रिष्टुब्बृहतीगर्भातिजगती छन्दांसि

दिवे स्वाहा ॥१॥

पृथिव्यै स्वाहा ॥२॥

अन्तरिक्षाय स्वाहा ॥३॥

अन्तरिक्षाय स्वाहा ॥४॥

दिवे स्वाहा ॥५॥

पृथिव्यै स्वाहा ॥६॥

सूर्यो मे चक्षुर्वार्तः प्राणोऽन्तरिक्षमात्मा पृथिवी शरीरम् ।
अस्तृतो नामाहमयमस्मि स आत्मानं नि दधे द्यावापृथिवीभ्यां गोपीथाय
॥७॥

उदायुरुद्वलमुत्कृतमुत्कृत्यामुन्मनीषामुदिन्द्रियम् ।
आयुष्कृदायुष्पत्नी स्वधावन्तौ गोपा मे स्तं गोपायतं मा ।
आत्मसदौ मे स्तं मा मा हिंसिष्टम् ॥८॥

(१०) दशमं सूक्तम्

(१-८) अष्टर्चस्यास्य सूक्तस्य ब्रह्मा ऋषिः । वास्तोष्पतिर्देवता ।

(१-६) प्रथमादिषडृचां यवमध्या त्रिपदा गायत्री (७) सप्तम्या यवमध्या ककुप्

(८) अष्टम्याश्च पुरोधृतिद्वयनुष्टुब्गर्भा पराष्टिरुयवसाना चतुष्पदातिजगती छन्दांसि

अश्मवर्म मेऽसि यो मा प्राच्या दिशोऽघायुरभिदासात् ।
एतत्स ऋच्छात् ॥१॥

अश्मवर्म मेऽसि यो मा दक्षिणाया दिशोऽघायुरभिदासात् ।
एतत्स ऋच्छात् ॥२॥

अश्मवर्म मेऽसि यो मा प्रतीच्या दिशोऽघायुरभिदासात् ।
एतत्स ऋच्छात् ॥३॥

अश्मवर्म मेऽसि यो मोदीच्या दिशोऽघायुरभिदासात् ।
एतत्स ऋच्छात् ॥४॥

अश्मवर्म मैऽसि यो मां ध्रुवायां दिशोऽघायुरभिदासात् ।
एतत्स ऋच्छात् ॥५॥

अश्मवर्म मैऽसि यो मोर्ध्वायां दिशोऽघायुरभिदासात् ।
एतत्स ऋच्छात् ॥६॥

अश्मवर्म मैऽसि यो मां दिशामन्तर्देशेभ्योऽघायुरभिदासात् ।
एतत्स ऋच्छात् ॥७॥

बृहता मनु उप ह्ये मातरिश्चना प्राणापानौ ।
सूर्याच्चक्षुरन्तरिक्षाच्छ्रोत्रं पृथिव्याः शरीरम् ।
सरस्वत्या वाचमुप ह्यामहे मनोयुजा ॥८॥

(११) एकादशं सूक्तम्

(१-११) एकादशर्चस्यास्य सूक्तस्याथर्वा ऋषिः । वरुणो देवता ।

(१) प्रथमर्चो भुरिक्त्रिष्टुप् (२, ४-५, ७-१०) द्वितीयाचतुर्थीपञ्चमीनां
सप्तम्यादिचतसृणाञ्च त्रिष्टुप् (३) तृतीयायाः पङ्क्तिः (६) षष्ठ्याः पञ्चपदातिशक्वरी

(११) एकादश्याश्च त्र्यवसाना षट्पदात्यष्टिच्छन्दांसि

कथं महे असुरायाब्रवीरिह कथं पित्रे हरये त्वेषनृम्णः ।
पृश्निं वरुण दक्षिणां ददावान्पुनर्मघु त्वं मनसाचिकित्सीः ॥१॥

न कामेन पुनर्मघो भवामि सं चक्षे कं पृश्निमेतामुपाजे ।
केन नु त्वमथर्वन्काव्येन केन जातेनासि जातवेदाः ॥२॥

सत्यमहं गभीरः काव्येन सत्यं जातेनास्मि जातवेदाः ।
न मै दासो नार्यो महित्वा व्रतं मीमायु यद्दहं धरिष्ये ॥३॥

न त्वदन्यः कवितरो न मेधया धीरतरो वरुण स्वधावन् ।
त्वं ता विश्वा भुवनानि वेत्थ स चिन्तु त्वज्जनो मायी बिभाय ॥४॥

त्वं ह्यशुङ्ग वरुण स्वधावन्विश्वा वेत्थ जनिम सुप्रणीते ।
किं रजस एना पुरो अन्यदस्त्येना किं परेणावरममुर ॥५॥

एकं रजस एना पुरो अन्यदस्त्येना पर एकैन दुर्गशं चिदुर्वाक् ।
तत्तै विद्वान्वरुण प्र ब्रवीम्यधोवचसः पण्यौ भवन्तु नीचैर्दासा उप सर्पन्तु
भूमिम् ॥६॥

त्वं ह्यशुङ्ग वरुण ब्रवीषि पुनर्मघेष्ववृद्यानि भूरि ।
मो षु पण्यैर्भ्येइतावतो भून्मा त्वा वोचन्नराधसं जनासः ॥७॥

मा मा वोचन्नराधसं जनासः पुनस्ते पृश्निं जरितर्ददामि ।
स्तोत्रं मे विश्वमा याहि शचीभिरन्तर्विश्वासु मानुषीषु दिक्षु ॥८॥

आ तै स्तोत्राययुद्यतानि यन्त्वन्तर्विश्वासु मानुषीषु दिक्षु ।
देहि नु मे यन्मे अदत्तो असि युज्यो मे सप्तपदः सर्वासि ॥९॥

सुमा नौ बन्धुवरुण सुमा जा वेदाहं तद्यन्नावेषा सुमा जा ।
ददामि तद्यत्ते अदत्तो अस्मि युज्यस्ते सप्तपदः सर्वास्मि ॥१०॥

देवो देवाय गृण्ते वयोधा विप्रो विप्राय स्तुवते सुमेधाः ।
अजीजनो हि वरुण स्वधावन्नर्थवाणं पितरं देवबन्धुम् ।
तस्मा उ राधः कृणुहि सुप्रशस्तं सर्वा नो असि परमं च बन्धुः ॥११॥

(१२) द्वादशं सूक्तम्

(१-११) एकादशर्चस्यास्य सूक्तस्याङ्गिरा ऋषिः । जातवेदा अग्निर्देवता । (१-२,
४-११) प्रथमाद्वितीययोर्ऋचोश्चतुर्थ्याद्यष्टानाञ्च त्रिष्टुप् (३) तृतीयायाश्च पङ्क्तिश्छन्दसी
समिद्धो अद्य मनुषो दुरोणे देवो देवान्यजसि जातवेदः ।
आ च वह मित्रमहश्चिकित्वान्त्वं दूतः कविरसि प्रचेताः ॥१॥

तनूनपात्पथ ऋतस्य यानान्मध्वा समञ्जन्तस्वदया सुजिह्व ।

मन्मानि धीभिरुत यज्ञमृन्धन्दैवत्रा च कृणुह्यध्वरं नः ॥२॥

आजुह्वान ईड्यो बन्द्यश्चा याह्यग्ने वसुभिः सजोषाः ।
त्वं देवानामसि यद्ब्रु होता स एनान्यक्षीषितो यजीयान् ॥३॥

प्राचीनं बर्हिः प्रदिशा पृथिव्या वस्तोरस्या वृज्यते अग्ने अहाम् ।
व्यु प्रथते वितरं वरीयो देवेभ्यो अदितये स्योनम् ॥४॥

व्यचस्वतीरुर्विया वि श्रयन्तां पतिभ्यो न जनयः शुम्भमानाः ।
देवीर्द्वारो बृहतीर्विश्वमिन्वा देवेभ्यो भवत सुप्रायणाः ॥५॥

आ सुष्वयन्ती यजते उपाके उषासानक्ता सदतां नि योनौ ।
दिव्ये योषणे बृहती सुरुक्मे अधि श्रियं शुक्रपिशं दधाने ॥६॥

दैव्या होतारा प्रथमा सुवाचा मिमाना यज्ञं मनुषो यज्ध्ये ।
प्रचोदयन्ता विदथेषु कारू प्राचीनं ज्योतिः प्रदिशा दिशन्ता ॥७॥

आ नो यज्ञं भारती तूयमेत्विडा मनुष्वदिह चेतयन्ती ।
तिस्रो देवीर्बर्हिरेदं स्योनं सरस्वतीः स्वपसः सदन्ताम् ॥८॥

य इमे द्यावापृथिवी जनित्री रूपैरपिंशुद्भवनानि विश्वा ।
तमद्य होतरिषितो यजीयान्देवं त्वष्टारमिह यक्षि विद्वान् ॥९॥

उपावसृज् त्मन्या समञ्जन्देवानां पार्थ ऋतुथा हवींषि ।
वनस्पतिः शमिता देवो अग्निः स्वदन्तु हव्यं मधुना घृतेन ॥१०॥

सद्यो जातो व्यमिमीत यज्ञमग्निर्देवानामभवत्पुरोगाः ।
अस्य होतुः प्रशिष्यृतस्य वाचि स्वाहाकृतं हविरदन्तु देवाः ॥११॥

(१३) त्रयोदशं सूक्तम्

(१-११) एकादशरचस्यास्य सूक्तस्य गरुत्मानृषिः । तन्नको देवता ।

(१, ३) प्रथमातृतीययोर्त्र्यचोर्जगती (२) द्वितीयाया आस्तारपङ्क्तिः

(४, ७, ८) चतुर्थीसप्तम्यष्टमीनामनुष्टुप् (५) पञ्चम्यास्त्रिष्टुप्

(६) षष्ठ्याः पथ्यापङ्क्तिः

(६) नवम्या भुरिग्जगती (१०-११) दशम्येकादश्योश्च निचृद्गायत्री छन्दांसि
दृदिर्हि मह्यं वरुणो दिवः क्विर्वचोभिरुग्रैर्नि रिणामि ते विषम् ।
खातमखातमुत सूक्तमग्रभूमिरैव धन्वन्नि जजास ते विषम् ॥१॥

यत्ते अपौदकं विषं तत्त एतास्वग्रभम् ।

गृह्णामि ते मध्यममुत्तमं रसमुतावमं भियसा नेशदादु ते ॥२॥

वृषा मे रवो नभसा न तन्यतुरुग्रेण ते वचसा बाध आदु ते ।

अहं तमस्य नृभिरग्रभं रसं तमस इव ज्योतिरुदेतु सूर्यः ॥३॥

चक्षुषा ते चक्षुर्हन्मि विषेण हन्मि ते विषम् ।

अहे म्रियस्व मा जीवीः प्रत्यगभ्येतु त्वा विषम् ॥४॥

कैरात पृश्न उपतृण्य बभ्रु आ मै शृणुतासिता अलीकाः ।

मा मे सख्युः स्तामानमपि छाताश्रावर्यन्तो नि विषे रमध्वम् ॥५॥

असितस्य तैमातस्य बभ्रोरपौदकस्य च ।

सात्रासाहस्याहं मन्योरव ज्यामिव धन्वनो वि मुञ्चामि रथाँ इव ॥६॥

आलिङ्गी च विलिङ्गी च पिता च माता च ।

विद्य वः सर्वतो बन्ध्वरसाः किं करिष्यथ ॥७॥

उरुगूलाया दुहिता जाता दास्यसिक्न्या ।

प्रतङ्कं ददुषीणां सर्वासामरसं विषम् ॥८॥

कृणां श्वावित्तदब्रवीद्गिरेरेवचरन्तिका ।
याः काश्चेमाः खनित्रिमास्तासामरसतमं विषम् ॥६॥

ताबुवं न ताबुवं न घेत्त्वमसि ताबुवंम् ।
ताबुवैनारसं विषम् ॥१०॥

तस्तुवं न तस्तुवं न घेत्त्वमसि तस्तुवंम् ।
तस्तुवैनारसं विषम् ॥११॥

(१४) चतुर्दशं सूक्तम्

(१-१३) त्रयोदशर्चस्यास्य सूक्तस्य शुक्र ऋषिः । (१-२) प्रथमाद्वितीययोर्ऋचोरोषधिः
। (३-१३) तृतीयाद्येकादशानाञ्च कृत्यापरिहरणं देवते ।
(१-२, ४, ६-७, ९) प्रथमाद्वितीयाचतुर्थीषष्ठीसप्तमीनवमीनामनुष्टुप्
(३, ५, १२) तृतीयापञ्चमीद्वादशीनां भुरिगनुष्टुप् (८) अष्टम्यास्त्रिपदा विराडनुष्टुप्
(१०) दशम्या निचृद्धहती (११) एकादश्यास्त्रिपदा साम्नी त्रिष्टुप्
(१३) त्रयोदश्याञ्च स्वराडनुष्टुप् छन्दांसि

सुपर्णस्त्वान्वविन्दत्सूकरस्त्वाखनन्नसा ।
दिप्सौषधे त्वं दिप्सन्तमव कृत्याकृतं जहि ॥१॥

अव जहि यातुधानानव कृत्याकृतं जहि ।
अथो यो अस्मान्दिप्सति तमु त्वं जह्योषधे ॥२॥

रिश्यस्येव परीशासं परिकृत्य परि त्वचः ।
कृत्यां कृत्याकृतै देवा निष्कर्मिव प्रति मुञ्चत ॥३॥

पुनः कृत्यां कृत्याकृतै हस्तगृह्य परा णय ।
समक्षमस्मा आ धेहि यथा कृत्याकृतं हनत् ॥४॥

कृत्याः सन्तु कृत्याकृतै शपथः शपथीयते ।
सुखो रथ इव वर्ततां कृत्या कृत्याकृतं पुनः ॥५॥

यदि स्त्री यदि वा पुमान्कृत्यां चकारं पाप्मने ।
तामु तस्मै नयामस्यश्चमिवाश्वाभिधान्या ॥६॥

यदि वासिं देवकृता यदि वा पुरुषैः कृता ।
तां त्वा पुनर्णयामसीन्द्रैश्च सयुजा वयम् ॥७॥

अग्रै पृतनाषाट् पृतनाः सहस्व ।
पुनः कृत्यां कृत्याकृतै प्रतिहरणेन हरामसि ॥८॥

कृतव्यधनि विद्य तं यश्चकार तमिज्जहि ।
न त्वामचक्रुषे वयं वधाय सं शिशीमहि ॥९॥

पुत्र इव पितरं गच्छ स्वज इवाभिष्टितो दश ।
बन्धमिवावक्रामी गच्छ कृत्यै कृत्याकृतं पुनः ॥१०॥

उदेशीव वारण्यभिस्कन्धं मृगीव ।
कृत्या कर्तारमृच्छतु ॥११॥

इष्वा ऋजीयः पततु द्यावापृथिवी तं प्रति ।
सा तं मृगमिव गृह्णतु कृत्या कृत्याकृतं पुनः ॥१२॥

अग्निरिवैतु प्रतिकूलमनुकूलमिवोदकम् ।
सुखो रथ इव वर्ततां कृत्या कृत्याकृतं पुनः ॥१३॥

(१५) पञ्चदशं सूक्तम्

(१-११) एकादशर्चस्यास्य सूक्तस्य विश्वामित्र ऋषिः । मधुलौषधिर्देवता ।
(१-३, ६, १०-११) प्रथमादितृचस्य षष्ठीदशम्योकादशीनामृचामनुष्टुप् (४) चतुर्थ्याः
पुरस्ताद्बृहती (५, ७-९) पञ्चम्याः सप्तम्यादितृचस्य च भुरिगनुष्टुप् छन्दांसि
एकां च मे दर्शं च मेऽपवृत्तारं ओषधे ।
ऋतजातु ऋतावरि मधु मे मधुला करः ॥१॥

द्वे च मे विंशतिश्च मेऽपवृत्तारं ओषधे ।
ऋतजातु ऋतावरि मधु मे मधुला करः ॥२॥

तिस्रश्च मे त्रिंशच्च मेऽपवृत्तारं ओषधे ।
ऋतजातु ऋतावरि मधु मे मधुला करः ॥३॥

चतस्रश्च मे चत्वारिंशच्च मेऽपवृत्तारं ओषधे ।
ऋतजातु ऋतावरि मधु मे मधुला करः ॥४॥

पञ्च च मे पञ्चाशच्च मेऽपवृत्तारं ओषधे ।
ऋतजातु ऋतावरि मधु मे मधुला करः ॥५॥

षट्च मे षष्टिश्च मेऽपवृत्तारं ओषधे ।
ऋतजातु ऋतावरि मधु मे मधुला करः ॥६॥

सप्त च मे सप्ततिश्च मेऽपवृत्तारं ओषधे ।
ऋतजातु ऋतावरि मधु मे मधुला करः ॥७॥

अष्ट च मेऽशीतिश्च मेऽपवृत्तारं ओषधे ।
ऋतजातु ऋतावरि मधु मे मधुला करः ॥८॥

नव च मे नवतिश्च मेऽपवृत्तारं ओषधे ।
ऋतजातु ऋतावरि मधु मे मधुला करः ॥९॥

दश च मे शतं च मेऽपवृत्तारं ओषधे ।
ऋतजातु ऋतावरि मधु मे मधुला करः ॥१०॥

शतं च मे सहस्रं चापवृत्तारं ओषधे ।
ऋतजातु ऋतावरि मधु मे मधुला करः ॥११॥

(१६) षोडशं सूक्तम्

(१-११) एकादशर्चस्यास्य सूक्तस्य विश्वामित्र ऋषिः । एकवृषो देवता ।

(१, ४-५, ७-१०) प्रथमाचतुर्थीपञ्चमीनामृचां सप्तम्यादिचतसृणाञ्च साम्न्युष्णिक्

(२-३, ६) द्वितीयातृतीयाषष्ठीनामासुर्यनुष्टुप्

(११) एकादश्याश्वासुरी गायत्री छन्दांसि । सर्वा एकावसानाः ॥

यद्येकवृषोऽसिं सृजार्सोऽसि ॥१॥

यदि द्विवृषोऽसिं सृजार्सोऽसि ॥२॥

यदि त्रिवृसोऽसिं सृजार्सोऽसि ॥३॥

यदि चतुर्वृषोऽसिं सृजार्सोऽसि ॥४॥

यदि पञ्चवृषोऽसिं सृजार्सोऽसि ॥५॥

यदि षड्वृषोऽसिं सृजार्सोऽसि ॥६॥

यदि सप्तवृषोऽसिं सृजार्सोऽसि ॥७॥

यद्यष्टवृषोऽसिं सृजार्सोऽसि ॥८॥

यदि नववृषोऽसिं सृजार्सोऽसि ॥९॥

यदि दशवृषोऽसिं सृजार्सोऽसि ॥१०॥

यद्येकादशोऽसिं सोऽपौदकोऽसि ॥११॥

(१७) सप्तदशं सूक्तम्

(१-१८) अष्टादशर्चस्यास्य सूक्तस्य मयोभूर्ऋषिः । ब्रह्मजाया देवता ।

(१-६) प्रथमादिषडृचां त्रिष्टुप् (७-१८) सप्तम्यादिद्वादशानाञ्चानुष्टुप् छन्दसी

तेऽवदन्प्रथमा ब्रह्मकिल्बिषेऽकूपारः सलिलो मातरिश्वा ।
वीडुहरास्तप उग्रं मयोभूरापो देवीः प्रथमजा ऋतस्य ॥१॥

सोमो राजा प्रथमो ब्रह्मजायां पुनः प्रायच्छदहणीयमानः ।
अन्वर्तिता वरुणो मित्र आसीदग्निर्होता हस्तगृह्या निनाय ॥२॥

हस्तैर्नैव ग्राह्य आधिरस्या ब्रह्मजायेति चेदवौचत् ।
न दूतार्य प्रहेया तस्थ एषा तथा राष्ट्रं गुपितं क्षत्रियस्य ॥३॥

यामाहुस्तारकैषा विकेशीति दुच्छुनां ग्राममवपद्यमानाम् ।
सा ब्रह्मजाया वि दुनोति राष्ट्रं यत्र प्रापादि शश उल्कुषीमान् ॥४॥

ब्रह्मचारी चरति वेविषद्विषः स देवानां भवत्येकमङ्गम् ।
तेन जायामन्वविन्दद्बृहस्पतिः सोमेन नीतां जुह्वंश्च न देवाः ॥५॥

देवा वा एतस्यामवदन्त पूर्वे सप्तऋषयस्तपसा ये निषेदुः ।
भीमा जाया ब्राह्मणस्यापनीता दुर्धा दधाति परमे व्योमन् ॥६॥

ये गर्भा अवपद्यन्ते जगद्यच्चापलुप्यते ।
वीरा ये तृह्यन्ते मिथो ब्रह्मजाया हिनस्ति तान् ॥७॥

उत यत्पतयो दश स्त्रियाः पूर्वे अब्राह्मणाः ।
ब्रह्मा चेद्धस्तमग्रहीत्स एव पतिरेकधा ॥८॥

ब्राह्मण एव पतिर्न राजन्योश्च न वैश्यः ।
तत्सूर्यः प्रब्रुवन्नैति पञ्चभ्यो मानवेभ्यः ॥९॥

पुनर्वै देवा अददुः पुनर्मनुष्या अददुः ।
राजानः सत्यं गृह्णाना ब्रह्मजायां पुनर्ददुः ॥१०॥

पुनर्दायं ब्रह्मजायां कृत्वा देवैर्निकिल्बिषम् ।
ऊर्जं पृथिव्या भुक्त्वोरुगायमुपासते ॥११॥

नास्यं जाया शतवाही कल्याणी तल्पमा शये ।
यस्मिन्नाष्ट्रे निरुध्यते ब्रह्मजायाचित्या ॥१२॥

न विकर्णः पृथुशिरास्तस्मिन्वेश्मनि जायते ।
यस्मिन्नाष्ट्रे निरुध्यते ब्रह्मजायाचित्या ॥१३॥

नास्यं क्षत्ता निष्कग्रीवः सूनानामेत्यग्रतः ।
यस्मिन्नाष्ट्रे निरुध्यते ब्रह्मजायाचित्या ॥१४॥

नास्यं श्वेतः कृष्णकर्णो धुरि युक्तो महीयते ।
यस्मिन्नाष्ट्रे निरुध्यते ब्रह्मजायाचित्या ॥१५॥

नास्यं क्षेत्रे पुष्करिणी नारडीकं जायते बिसम् ।
यस्मिन्नाष्ट्रे निरुध्यते ब्रह्मजायाचित्या ॥१६॥

नास्मै पृश्निं वि दुहन्ति येऽस्या दोहमुपासते ।
यस्मिन्नाष्ट्रे निरुध्यते ब्रह्मजायाचित्या ॥१७॥

नास्यं धेनुः कल्याणी नान्द्वान्तसंहते धुरम् ।
विजानिर्यत्र ब्राह्मणो रात्रिं वसति पापया ॥१८॥

(१८) अष्टादशं सूक्तम्

(१-१५) पञ्चदशर्चस्यास्य सूक्तस्य मयोभूर्भृषिः । ब्रह्मगवी ब्राह्मणश्च देवते ।

(१-३, ६-७, १०-१२, १४-१५) प्रथमादितृचस्य षष्ठीसप्तम्योर्त्रचोर्दशम्यादितृचस्य
चतुर्दशीपञ्चदशयोश्चानुष्टुप् (४) चतुर्थ्या भुरिक्त्रिष्टुप्

(५, ८-९, १३) पञ्चम्यष्टमीनवमीत्रयोदशीनाञ्च त्रिष्टुप् छन्दांसि

नैतां तै देवा अददुस्तुभ्यं नृपते अत्तवे ।

मा ब्राह्मणस्य राजन्य गां जिघत्सो अनाद्याम् ॥१॥

अक्षद्रुग्धो राजन्यः पाप आत्मपराजितः ।
स ब्राह्मणस्य गामद्यादद्य जीवानि मा श्वः ॥२॥

आविष्टिताघविषा पृदाकूरिव चर्मणा ।
सा ब्राह्मणस्य राजन्य तृष्टैषा गौरनाद्या ॥३॥

निर्वै क्षत्रं नयति हन्ति वर्चोऽग्निरिवारब्धो वि दुनोति सर्वम् ।
यो ब्राह्मणं मन्यते अन्नमेव स विषस्य पिबति तैमातस्य ॥४॥

य एनं हन्ति मृदुं मन्यमानो देवपीयुर्धनकामो न चित्तात् ।
सं तस्येन्द्रो हृदयेऽग्निमिन्ध उभे एनं द्विष्टो नभसी चरन्तम् ॥५॥

न ब्राह्मणो हिंसितव्योऽग्निः प्रियतनोरिव ।
सोमो ह्यस्य दायाद इन्द्रो अस्याभिशस्तिपाः ॥६॥

शतापाष्टां नि गिरति तां न शक्नोति निःखिदम् ।
अन्नं यो ब्रह्मणां मूल्वः स्वाद्दृष्टीति मन्यते ॥७॥

जिह्वा ज्या भवति कुल्मलं वाङ्नाडीका दन्तास्तपसाभिदिग्धाः ।
तेभिर्ब्रह्मा विध्यति देवपीयून्हृद्बुलैर्धनुर्भिर्देवजूतैः ॥८॥

तीक्ष्णेषवो ब्राह्मणा हैतिमन्तो यामस्यन्ति शरुव्यांश्च न सा मृषा ।
अनुहाय तपसा मन्युना चोत दूरादर्व भिन्दन्त्येनम् ॥९॥

ये सहस्रमराजन्नासन्दशशता उत ।
ते ब्राह्मणस्य गां जग्ध्वा वैतह्व्याः पराभवन् ॥१०॥

गौरेव तान्हन्यमाना वैतह्व्याँ अवातिरत् ।

ये केसरप्राबन्धायाश्चरुमाजामपैचिरन् ॥११॥

एकशतं ता जूनता या भूमिर्व्यधूनुत ।
प्रजां हिंसित्वा ब्राह्मणीमसंभुव्यं पराभवन् ॥१२॥

देवपीयुश्चरति मर्त्येषु गरगीर्णो भवत्यस्थिभूयान् ।
यो ब्राह्मणं देवबन्धुं हिनस्ति न स पितृयाणामप्यैति लोकम् ॥१३॥

अग्निर्वै नः पदवायः सोमो दायाद उच्यते ।
हन्ताभिश्चस्तेन्द्रस्तथा तद्वेधसो विदुः ॥१४॥

इषुरिव दिग्धा नृपते पृदाकूरिव गोपते ।
सा ब्राह्मणस्येषुर्घोरा तया विध्यति पीयतः ॥१५॥

(१६) एकोनविंशं सूक्तम्

(१-१५) पञ्चदशर्चस्यास्य सूक्तस्य मयोभूर्ऋषिः । ब्रह्मगवी ब्राह्मणश्च देवते ।

(१, ३-६, ८-१५) प्रथमर्चस्तृतीयादिचतसृणामष्टम्याद्यष्टानाञ्चानुष्टुप्

(२) द्वितीयाया विराट् पुरस्ताद्बृहती (७) सप्तम्याश्चोपरिष्टाद्बृहती छन्दांसि

अतिमात्रमवर्धन्त नोदिव दिवमस्पृशन् ।
भृगुं हिंसित्वा सृञ्जया वैतह्वयाः पराभवन् ॥१॥

ये बृहत्सामानमाङ्गिरसमार्पयन्ब्राह्मणं जनाः ।
पेत्वस्तेषामुभयादमविस्तोकान्यावयत् ॥२॥

ये ब्राह्मणं प्रत्यष्टीवन्त्ये वास्मिञ्छुल्कमीषिरे ।
अस्त्रस्ते मध्ये कुल्यायाः केशान्खादन्त आसते ॥३॥

ब्रह्मगवी पच्यमाना यावत्साभि विजङ्गहे ।
तेजो राष्ट्रस्य निर्हन्ति न वीरो जायते वृषा ॥४॥

क्रूरमस्या आशसनं तृष्टं पिशितमस्यते ।
क्षीरं यदस्याः पीयते तद्वै पितृषु किल्बिषम् ॥५॥

उग्रो राजा मन्यमानो ब्राह्मणं यो जिघत्सति ।
परा तत्सिच्यते राष्ट्रं ब्राह्मणो यत्र जीयते ॥६॥

अष्टापदी चतुरक्षी चतुःश्रोत्रा चतुर्हनुः ।
द्वयास्या द्विजिह्वा भूत्वा सा राष्ट्रमव धूनुते ब्रह्मज्यस्य ॥७॥

तद्वै राष्ट्रमा स्रवति नावं भिन्नमिवोदकम् ।
ब्रह्माणं यत्र हिंसन्ति तद्राष्ट्रं हन्ति दुच्छुना ॥८॥

तं वृक्षा अप सेधन्ति छायां नो मोषणा इति ।
यो ब्राह्मणस्य सद्धनमभि नारद मन्यते ॥९॥

विषमेतद्देवकृतं राजा वरुणोऽब्रवीत् ।
न ब्राह्मणस्य गां जग्ध्वा राष्ट्रे जागार कश्चन ॥१०॥

नवैव ता नवतयो या भूमिर्व्यधूनुत ।
प्रजां हिंसित्वा ब्राह्मणीमसंभुव्यं पराभवन् ॥११॥

यां मृतायानुबुध्नन्ति कूद्यं पदयोपनीम् ।
तद्वै ब्रह्मज्य ते देवा उपस्तरणमब्रुवन् ॥१२॥

अश्रूणि कृपमानस्य यानि जीतस्य वावृतुः ।
तं वै ब्रह्मज्य ते देवा अपां भागमधारयन् ॥१३॥

येन मृतं स्रपयन्ति श्मश्रूणि येनोन्दते ।
तं वै ब्रह्मज्य ते देवा अपां भागमधारयन् ॥१४॥

न वर्षं मैत्रावरुणं ब्रह्मज्यमभि वर्षति ।
नास्मै समितिः कल्पते न मित्रं नयते वशम् ॥१५॥

(२०) विंशं सूक्तम्

(१-१२) द्वादशर्चस्यास्य सूक्तस्य ब्रह्मा ऋषिः । वानस्पत्यदुन्दुभिर्देवता ।

(१) प्रथमर्चो जगती (२-१२) द्वितीयाद्येकादशानाञ्च त्रिष्टुप् छन्दसी
उच्चैर्घोषो दुन्दुभिः सत्वनायन्वानस्पत्यः संभृत उंस्रियाभिः ।
वाचं क्षुण्वानो दमयन्त्सपत्नान्त्सिंह इव जेष्यन्नभि तंस्तनीहि ॥१॥

सिंह इवास्तानीद्द्रुवयो विबद्धोऽभिक्रन्दन्नृषभो वासितामिव ।
वृषा त्वं वध्रयस्ते सपत्ना ऐन्द्रस्ते शुष्मो अभिमातिषाहः ॥२॥

वृषेव यूथे सहसा विदानो गव्यन्नभि रुव संधनाजित् ।
शुचा विध्य हृदयं परेषां हित्वा ग्रामान्प्रच्युता यन्तु शत्रवः ॥३॥

संजयन्पतना ऊर्ध्वमायुर्गृह्या गृह्णानो बहुधा वि चक्ष्व ।
दैवीं वाचं दुन्दुभ आ गुरस्व वेधाः शत्रूणामुप भरस्व वेदः ॥४॥

दुन्दुभेर्वाचं प्रयतां वदन्तीमाश्रुण्वती नाथिता घोषबुद्धा ।
नारी पुत्रं धावतु हस्तगृह्यामित्री भीता समरे वधानाम् ॥५॥

पूर्वो दुन्दुभे प्र वदासि वाचं भूम्याः पृष्ठे वद रोचमानः ।
अमित्रसेनामभिजङ्गभानो द्युमद्वद दुन्दुभे सूनृतावत् ॥६॥

अन्तरेमे नभसी घोषो अस्तु पृथक्ते ध्वनयो यन्तु शीर्षम् ।
अभि क्रन्द स्तनयोत्पानः श्लोककृन्मित्रतूर्याय स्वर्धी ॥७॥

धीभिः कृतः प्र वदाति वाचमुद्धर्षय सत्वनामायुधानि ।
इन्द्रमेदी सत्वनो नि ह्यस्व मित्रैरमित्राँ अरव जङ्घनीहि ॥८॥

संक्रन्दनः प्रवदो धृष्णुषैणः प्रवेदकृद्बहुधा ग्रामघोषी ।
श्रियो वन्वानो वयुनानि विद्वान्कीर्ति बहुभ्यो वि हर द्विराजे ॥६॥

श्रेयःकेतो वसुजित्सहीयान्त्संग्रामजित्संशितो ब्रह्मणासि ।
अंशूनिव् ग्रावाधिषवण्णे अद्रिर्गव्यन्दुन्दुभेऽधि नृत्य वेदः ॥१०॥

शत्रूषारनीषादभिमातिषाहो ग्वेषणः सहमान उद्भित् ।
वाग्वीव् मन्त्रं प्र भरस्व वाचं सांग्रामजित्यायेषमुद्देह ॥११॥

अच्युतच्युत्समदो गर्मिष्ठो मृधो जेता पुरएतायोध्यः ।
इन्द्रेण गुप्तो विदथा निचिक्यद्बृहद्योतनो द्विषतां याहि शीर्भम् ॥१२॥

(२१) एकविंशं सूक्तम्

(१-१२) द्वादशर्चस्यास्य सूक्तस्य ब्रह्मा ऋषिः । (१-६) प्रथमादिनवर्चा

वानस्पत्यदुन्दुभिः (१०-१२) दशम्यादितृचस्य चादित्यादयो देवताः ।

(१, ४-५) प्रथमाचतुर्थीपञ्चमीनां पथ्यापङ्क्तिः (२-३, ७-१०) द्वितीयातृतीययोः
सप्तम्यादिचतसृणाञ्चानुष्टुप् (६) षष्ठ्या जगती (११) एकादश्या बृहतीगर्भा त्रिष्टुप्

(१२) द्वादश्याश्च त्रिपदा यवमध्या गायत्री छन्दांसि

विहृदयं वैमनस्यं वदामित्रेषु दुन्दुभे ।
विद्वेषं कश्मशं भयममित्रेषु नि दध्मस्यवैनान्दुन्दुभे जहि ॥१॥

उद्वेपमाना मनसा चक्षुषा हृदयेन च ।
धार्वन्तु बिभ्यतोऽमित्राः प्रत्रासेनाज्यै हुते ॥२॥

वानस्पत्यः संभृत उस्त्रियाभिर्विश्वगौत्र्यः ।
प्रत्रासममित्रैभ्यो वृदाज्यैनाभिघारितः ॥३॥

यथा मृगाः संविजन्त आरयाः पुरुषादधि ।
एव त्वं दुन्दुभेऽमित्रानभि क्रन्द प्र त्रासयाथौ चित्तानि मोहय ॥४॥

यथा वृकादजावयो धावन्ति बृह बिभ्यतीः ।
एव त्वं दुन्दुभेऽमित्रानुभि क्रन्द प्र त्रासयाथौ चित्तानि मोहय ॥५॥

यथा श्येनात्पतत्रिणः संविजन्ते अर्हदिवि सिंहस्य स्तनथोर्यथा ।
एव त्वं दुन्दुभेऽमित्रानुभि क्रन्द प्र त्रासयाथौ चित्तानि मोहय ॥६॥

परामित्रान्दुन्धुभिना हरिणस्याजिनैन च ।
सर्वे देवा अतित्रसन्त्ये संग्रामस्येशते ॥७॥

यैरिन्द्रः प्रक्रीडते पद्भौषैश्छायया सह ।
तैरमित्रास्त्रसन्तु नोऽमी ये यन्त्यनीकशः ॥८॥

ज्याघोषा दुन्दुभयोऽभि क्रौशन्तु या दिशः ।
सेनाः पराजिता यतीरमित्राणामनीकशः ॥९॥

आदित्य चक्षुरा दत्स्व मरीचयोऽनु धावत ।
पत्सङ्गिनीरा संजन्तु विगते बाहवीर्ये ॥१०॥

यूयमुग्रा मरुतः पृश्निमातर इन्द्रेण युजा प्र मृनीतु शत्रून् ।
सोमो राजा वरुणो राजा महादेव उत मृत्युरिन्द्रः ॥११॥

एता देवसेनाः सूर्यकेतवः सचैतसः ।
अमित्रान्नो जयन्तु स्वाहा ॥१२॥

(२२) द्वाविंशं सूक्तम्

(१-१४) चतुर्दशर्चस्यास्य सूक्तस्य भृग्वङ्गिरा ऋषिः । तक्मनाशनो देवता ।

(१) प्रथमर्चो भुरिक्त्रिष्टुप् (२) द्वितीयायास्त्रिष्टुप् (३-४, ६-१४) तृतीयाचतुर्थ्योः

षष्ठश्चादिनवानाञ्चानुष्टुप् (५) पञ्चम्याश्च विराट् पथ्याबृहती छन्दांसि

अग्निस्तक्मानुमप बाधतामितः सोमो ग्रावा वरुणः पूतदक्षाः ।

वेदिर्बर्हिः समिधः शोशुचाना अप द्वेषांस्यमुया भवन्तु ॥१॥

अयं यो विश्वान्हरितान्कृणोष्युच्छोचयन्नग्निरिवाभिदुन्वन् ।
अधा हि तक्मन्नरसो हि भूया अधा न्यङ्ङिङ्घराङ्वा परेहि ॥२॥

यः परुषः पारुषेयोऽवध्वंस इवारुणः ।
तक्मानं विश्वधावीर्याधराञ्चं परा सुवा ॥३॥

अधराञ्चं प्र हिणोमि नमः कृत्वा तक्मने ।
शुकम्भरस्य मुष्टिहा पुनरेतु महावृषान् ॥४॥

ओको अस्य मूर्जवन्त ओको अस्य महावृषाः ।
यावज्जातस्तक्मंस्तावानसि बल्हिकेषु न्योचरः ॥५॥

तक्मन्व्यालु वि गद व्यङ्ङि भूरि यावय ।
दासीं निष्टक्वरीमिच्छ तां वज्रेण समर्पय ॥६॥

तक्मन्मूर्जवतो गच्छ बल्हिकान्वा परस्तराम् ।
शूद्रामिच्छ प्रफर्व्यं तां तक्मन्वीव धूनुहि ॥७॥

महावृषान्मूर्जवतो बन्ध्वद्धि परेत्य ।
प्रेतानि तक्मने ब्रूमो अन्यक्षेत्राणि वा इमा ॥८॥

अन्यक्षेत्रे न रमसे वशी सन्मृडयासि नः ।
अभूदु प्रार्थस्तक्मा स गमिष्यति बल्हिकान् ॥९॥

यत्त्वं शीतोऽथो रूरः सह कासावैपयः ।
भीमास्ते तक्मन्हेतयस्ताभिः स्म परि वृङ्ङिध नः ॥१०॥

मा स्मैतान्तसर्खीन्कुरुथा बलासं कासमुद्युगम् ।
मा स्मातोऽर्वाडैः पुनस्तत्त्वा तक्मन्नुप बुवे ॥११॥

तक्मन्भ्रात्रा बलासेन स्वस्त्रा कासिकया सह ।
पाप्मा भ्रातृव्येण सह गच्छामुमरणं जनम् ॥१२॥

तृतीयकं वितृतीयं सदन्दिमुत शारुदम् ।
तक्मानं शीतं रूरं ग्रैष्मं नाशयु वार्षिकम् ॥१३॥

गन्धारिभ्यो मूजवृद्धोऽङ्गेभ्यो मृगधेभ्यः ।
प्रैष्यन्जनमिव शेवृधिं तक्मानं परि दद्यसि ॥१४॥

(२३) त्रयोविंशं सूक्तम्

(१-१३) त्रयोदशर्चस्यास्य सूक्तस्य कणव ऋषिः । इन्द्रादयो देवा देवताः ।
(१-१२) प्रथमादिद्वादशर्चामनुष्टुप् (१३) त्रयोदश्याश्च विरादनुष्टुप् छन्दसी
ओतै मे द्यावापृथिवी ओता देवी सरस्वती ।
ओतौ म इन्द्रश्चाग्निश्च क्रिमिं जम्भयतामिति ॥१॥

अस्येन्द्रं कुमारस्य क्रिमीन्धनपते जहि ।
हता विश्वा अरातय उग्रेण वर्चसा मम ॥२॥

यो अद्ध्यौः परिसर्पति यो नासे परिसर्पति ।
दृतां यो मद्यं गच्छति तं क्रिमिं जम्भयामसि ॥३॥

सरूपौ द्वौ विरूपौ द्वौ कृष्णौ द्वौ रोहितौ द्वौ ।
बभ्रुश्च बभ्रुकर्णश्च गृध्रः कोकश्च ते हताः ॥४॥

ये क्रिमयः शितिकक्षा ये कृष्णाः शितिबाहवः ।
ये के च विश्वरूपास्तान्क्रिमीन्जम्भयामसि ॥५॥

उत्पुरस्तात्सूर्य एति विश्वदृष्टो अदृष्टहा ।
दृष्टांश्च घ्नद्दृष्टांश्च सर्वांश्च प्रमृणन्क्रिमीन् ॥६॥

येवाषासुः कष्कषास एजुत्काः शिपविबुकाः ।
दृष्टश्च हन्यतां क्रिमिरुतादृष्टश्च हन्यताम् ॥७॥

हतो येवाषुः क्रिमीणां हतो नदनिमोत ।
सर्वान्नि मष्मषाकरं दृषदा खल्वाँ इव ॥८॥

त्रिशीर्षाणं त्रिककुदं क्रिमिं सारङ्गमर्जुनम् ।
शृणाम्यस्य पृष्टीरपि वृश्चामि यच्छिरः ॥९॥

अत्रिवद्वः क्रिमयो हन्मि कणववज्जमदग्निवत् ।
अगस्त्यस्य ब्रह्मणा सं पिनष्म्यहं क्रिमीन् ॥१०॥

हतो राजा क्रिमीणामुतैषां स्थपतिर्हतः ।
हतो हतमाता क्रिमिर्हतभ्राता हतस्वसा ॥११॥

हतासौ अस्य वेशसौ हतासुः परिवेशसः ।
अथो ये क्षुल्लका इव सर्वे ते क्रिमयो हताः ॥१२॥

सर्वेषां च क्रिमीणां सर्वासां च क्रिमीणाम् ।
भिनद्यश्मना शिरो दहाम्यग्निना मुखम् ॥१३॥

(२४) चतुर्विंशं सूक्तम्

(१-१७) सप्तदशर्चस्यास्य सूक्तस्याथर्वा ऋषिः । प्रथमर्चः सविता (२) द्वितीयाया
अग्निः (३) तृतीयाया द्यावापृथिव्यौ (४) चतुर्थ्या वरुणः (५) पञ्चम्या मित्रावरुणौ
(६) षष्ठ्या मरुतः (७) सप्तम्याः सोमः (८) अष्टम्या वायुः (९) नवम्या सूर्यः
(१०) दशम्याश्चन्द्रमाः (११) एकादश्या इन्द्रः (१२) द्वादश्या मरुतां पिता
(१३) त्रयोदश्या मृत्युः (१४) चतुर्दश्या यमः (१५) पञ्चदश्याः पितरः
(१६) षोडश्या अपरे तताः (१७) सप्तदश्याश्च तनस्ततामहा देवताः ।

(१-१०, १२-१४) प्रथमादिदशानां द्वादश्यादितृचस्य चातिशक्वरी
(११) एकादश्याः शक्वरी (१५-१६) पञ्चदशीषोडश्योस्त्रिपदा भुरिगतिजगती
सप्तदश्याश्च त्रिपदा विराट् शक्वरी छन्दांसि

सुविता प्रसुवानामधिपतिः स मावतु ।
अस्मिन्ब्रह्मण्यस्मिन्कर्मण्यस्यां पुरोधायामस्यां प्रतिष्ठायामस्यां ।
चित्तामस्यामाकृत्यामस्यामशिष्यस्यां देवहृत्यां स्वाहा ॥१॥

अग्निर्वनस्पतीनामधिपतिः स मावतु ।
अस्मिन्ब्रह्मण्यस्मिन्कर्मण्यस्यां पुरोधायामस्यां प्रतिष्ठायामस्यां ।
चित्तामस्यामाकृत्यामस्यामशिष्यस्यां देवहृत्यां स्वाहा ॥२॥

द्यावापृथिवी दातृणामधिपतीः स मावताम् ।
अस्मिन्ब्रह्मण्यस्मिन्कर्मण्यस्यां पुरोधायामस्यां प्रतिष्ठायामस्यां ।
चित्तामस्यामाकृत्यामस्यामशिष्यस्यां देवहृत्यां स्वाहा ॥३॥

वरुणोऽपामधिपतिः स मावतु ।
अस्मिन्ब्रह्मण्यस्मिन्कर्मण्यस्यां पुरोधायामस्यां प्रतिष्ठायामस्यां ।
चित्तामस्यामाकृत्यामस्यामशिष्यस्यां देवहृत्यां स्वाहा ॥४॥

मित्रावरुणौ वृष्ट्याधिपती तौ मावताम् ।
अस्मिन्ब्रह्मण्यस्मिन्कर्मण्यस्यां पुरोधायामस्यां प्रतिष्ठायामस्यां ।
चित्तामस्यामाकृत्यामस्यामशिष्यस्यां देवहृत्यां स्वाहा ॥५॥

मरुतः पर्वतानामधिपतयस्ते मावन्तु ।
अस्मिन्ब्रह्मण्यस्मिन्कर्मण्यस्यां पुरोधायामस्यां प्रतिष्ठायामस्यां ।
चित्तामस्यामाकृत्यामस्यामशिष्यस्यां देवहृत्यां स्वाहा ॥६॥

सोमो वीरुधामधिपतिः स मावतु ।
अस्मिन्ब्रह्मण्यस्मिन्कर्मण्यस्यां पुरोधायामस्यां प्रतिष्ठायामस्यां ।
चित्तामस्यामाकृत्यामस्यामशिष्यस्यां देवहृत्यां स्वाहा ॥७॥

वायुरन्तरिक्षस्याधिपतिः स मावतु ।
अस्मिन्ब्रह्मण्यस्मिन्कर्मण्यस्यां पुरोधायामस्यां प्रतिष्ठायामस्यां ।

चित्त्वा॑म॒स्यामाकू॑त्याम॒स्यामा॒शिष्य॒स्यां दे॒वहू॑त्यां॒ स्वाहा ॥८॥

सूर्य॑श्चक्षु॒षामधि॑पतिः स मा॑वतु ।
अ॒स्मिन्ब्र॑ह्म॒ण्यस्मि॑न्कर्म॒ण्यस्यां पु॑रो॒धायाम॑स्यां प्रति॒ष्ठायाम॑स्यां ।
चित्त्वा॑म॒स्यामाकू॑त्याम॒स्यामा॒शिष्य॒स्यां दे॒वहू॑त्यां॒ स्वाहा ॥९॥

च॒न्द्रमा॑ नक्ष॒त्राणामधि॑पतिः स मा॑वतु ।
अ॒स्मिन्ब्र॑ह्म॒ण्यस्मि॑न्कर्म॒ण्यस्यां पु॑रो॒धायाम॑स्यां प्रति॒ष्ठायाम॑स्यां ।
चित्त्वा॑म॒स्यामाकू॑त्याम॒स्यामा॒शिष्य॒स्यां दे॒वहू॑त्यां॒ स्वाहा ॥१०॥

इन्द्रो॑ दि॒वोऽधि॑पतिः स मा॑वतु ।
अ॒स्मिन्ब्र॑ह्म॒ण्यस्मि॑न्कर्म॒ण्यस्यां पु॑रो॒धायाम॑स्यां प्रति॒ष्ठायाम॑स्यां ।
चित्त्वा॑म॒स्यामाकू॑त्याम॒स्यामा॒शिष्य॒स्यां दे॒वहू॑त्यां॒ स्वाहा ॥११॥

म॒रुतां॑ पि॒ता प॑शूनामधि॑पतिः स मा॑वतु ।
अ॒स्मिन्ब्र॑ह्म॒ण्यस्मि॑न्कर्म॒ण्यस्यां पु॑रो॒धायाम॑स्यां प्रति॒ष्ठायाम॑स्यां ।
चित्त्वा॑म॒स्यामाकू॑त्याम॒स्यामा॒शिष्य॒स्यां दे॒वहू॑त्यां॒ स्वाहा ॥१२॥

मृ॒त्युः प्र॒जानामधि॑पतिः स मा॑वतु ।
अ॒स्मिन्ब्र॑ह्म॒ण्यस्मि॑न्कर्म॒ण्यस्यां पु॑रो॒धायाम॑स्यां प्रति॒ष्ठायाम॑स्यां ।
चित्त्वा॑म॒स्यामाकू॑त्याम॒स्यामा॒शिष्य॒स्यां दे॒वहू॑त्यां॒ स्वाहा ॥१३॥

य॒मः पि॑त॒ृणामधि॑पतिः स मा॑वतु ।
अ॒स्मिन्ब्र॑ह्म॒ण्यस्मि॑न्कर्म॒ण्यस्यां पु॑रो॒धायाम॑स्यां प्रति॒ष्ठायाम॑स्यां ।
चित्त्वा॑म॒स्यामाकू॑त्याम॒स्यामा॒शिष्य॒स्यां दे॒वहू॑त्यां॒ स्वाहा ॥१४॥

पि॒तरः॑ प॒रे ते मा॑वन्तु ।
अ॒स्मिन्ब्र॑ह्म॒ण्यस्मि॑न्कर्म॒ण्यस्यां पु॑रो॒धायाम॑स्यां प्रति॒ष्ठायाम॑स्यां ।
चित्त्वा॑म॒स्यामाकू॑त्याम॒स्यामा॒शिष्य॒स्यां दे॒वहू॑त्यां॒ स्वाहा ॥१५॥

त॒ता अ॒वरे॒ ते मा॑वन्तु ।
अ॒स्मिन्ब्र॑ह्म॒ण्यस्मिन्क॑र्म॒ण्यस्यां॑ पु॒रोधा॑र्या॒मस्यां॑ प्र॒तिष्ठा॑र्या॒मस्यां॑ ।
चि॒त्याम॒स्यामा॑कू॒त्याम॒स्यामा॑शि॒ष्यस्यां॑ दे॒वहू॑त्यां॒ स्वाहा ॥१६॥

त॒तस्त॑ताम॒हास्ते॑ मा॑वन्तु ।
अ॒स्मिन्ब्र॑ह्म॒ण्यस्मिन्क॑र्म॒ण्यस्यां॑ पु॒रोधा॑र्या॒मस्यां॑ प्र॒तिष्ठा॑र्या॒मस्यां॑ ।
चि॒त्याम॒स्यामा॑कू॒त्याम॒स्यामा॑शि॒ष्यस्यां॑ दे॒वहू॑त्यां॒ स्वाहा ॥१७॥

(२५) पञ्चविंशं सूक्तम्

(१-१३) त्रयोदशर्चस्यास्य सूक्तस्य ब्रह्मा ऋषिः । योनिर्गर्भो मन्त्रोक्ता देवाश्च देवताः ।

(१-१२) प्रथमादिद्वादशर्चानुष्टुप् (१३) त्रयोदश्याश्च विराट् पुरस्ताद्बृहती छन्दसी
पर्वताद्विवो योनेरङ्गादङ्गात्समाभृतम् ।
शेपो गर्भस्य रेतोधाः सरौ पूर्णमिवा दधत् ॥१॥

यथे॒यं पृ॑थि॒वी म॒ही भू॒तानां॑ गर्भ॒माद॑धे ।
ए॒वा द॑धामि ते गर्भं तस्मै त्वाम॒वसे॑ हुवे ॥२॥

गर्भं॑ धेहि॒ सिनी॑वालि॒ गर्भं॑ धेहि॒ सर॑स्वति ।
गर्भं॑ ते अ॒श्विनो॒भा ध॑त्तां पुष्कर॒स्रजा ॥३॥

गर्भं॑ ते मि॒त्रावरु॑णौ गर्भं॑ दे॒वो बृ॑हस्पतिः ।
गर्भं॑ त॒ इन्द्र॑श्चाग्निश्च॒ गर्भं॑ धा॒ता द॑धातु ते ॥४॥

विष्णु॑र्योनिं कल्पयतु त्वष्टां रूपाणि पिंशतु ।
आ सिञ्चतु प्रजापतिर्धाता गर्भं दधातु ते ॥५॥

यद्वेद॑ राजा वरु॒णो यद्वा॑ दे॒वी सर॑स्वती ।
यदिन्द्रो॑ वृ॒त्रहा॑ वेद॒ तद्गर्भ॑करणं पिब ॥६॥

गर्भो॑ अस्योषधीनां गर्भो॑ वनस्पतीनाम् ।

गर्भो विश्वस्य भूतस्य सो अग्ने गर्भमेह धाः ॥७॥

अधि स्कन्द वीरयस्व गर्भमा धैहि योन्याम् ।
वृषासि वृषयावन्प्रजायै त्वा नयामसि ॥८॥

वि जिहीष्व बार्हत्सामे गर्भस्ते योनिमा शयाम् ।
अदुष्टे देवाः पुत्रं सोमपा उभयाविनम् ॥९॥

धातुः श्रेष्ठेन रूपेणास्या नार्या गवीन्योः ।
पुमांसं पुत्रमा धैहि दशमे मासि सूतवे ॥१०॥

त्वष्टुः श्रेष्ठेन रूपेणास्या नार्या गवीन्योः ।
पुमांसं पुत्रमा धैहि दशमे मासि सूतवे ॥११॥

सवितुः श्रेष्ठेन रूपेणास्या नार्या गवीन्योः ।
पुमांसं पुत्रमा धैहि दशमे मासि सूतवे ॥१२॥

प्रजापते श्रेष्ठेन रूपेणास्या नार्या गवीन्योः ।
पुमांसं पुत्रमा धैहि दशमे मासि सूतवे ॥१३॥

(२६) षड्विंशं सूक्तम्

(१-१२) द्वादशर्चस्यास्य सूक्तस्य ब्रह्मा ऋषिः । वास्तोष्पतिर्बृहयो मन्तोर्त्ता वा देवताः
। (१, ५) प्रथमापञ्चम्योर्त्रुचोर्द्विपदार्युष्णिक (२, ४, ६-८, १०-११)
द्वितीयाचतुर्थ्योः षष्ठ्यादितृचस्य दशम्येकादशयोश्च द्विपदा प्राजापत्या बृहती
(३) तृतीयायास्त्रिपदा विराङ्गायत्री (६) नवम्यास्त्रिपदा पिपीलिकमध्या पुरउष्णिक
एता एकावसानाः (१२) द्वादश्याश्च परातिशक्वरी चतुष्पदा जगती छन्दांसि
यजूंषि यज्ञे समिधुः स्वाहाग्निः प्रविद्वानिह वो युनक्तु ॥१॥

युनक्तु देवः सविता प्रजानन्नस्मिन्यज्ञे महिषः स्वाहा ॥२॥

इन्द्र उक्थामदान्यस्मिन्यज्ञे प्रविद्वान्युनक्तु सुयुजः स्वाहा ॥३॥

प्रैषा यज्ञे निविदः स्वाहा शिष्टाः पत्नीभिर्वहतेह युक्ताः ॥४॥

छन्दांसि यज्ञे मरुतः स्वाहा मातेव पुत्रं पिपृतेह युक्ताः ॥५॥

एयमगन्बर्हिषा प्रोक्षणीभिर्यज्ञं तन्वानादितिः स्वाहा ॥६॥

विष्णुर्युनक्तु बहुधा तपांस्यस्मिन्यज्ञे सुयुजः स्वाहा ॥७॥

त्वष्टा युनक्तु बहुधा नु रूपा अस्मिन्यज्ञे सुयुजः स्वाहा ॥८॥

भगौ युनक्त्वाशिषो न्वशुस्मा अस्मिन्यज्ञे प्रविद्वान्युनक्तु सुयुजः स्वाहा ॥९॥

सोमौ युनक्तु बहुधा पयांस्यस्मिन्यज्ञे सुयुजः स्वाहा ॥१०॥

इन्द्रो युनक्तु बहुधा वीर्यांर्यस्मिन्यज्ञे सुयुजः स्वाहा ॥११॥

अश्विना ब्रह्मणा यातमर्वाञ्चौ वषट्कारेण यज्ञं वर्धयन्तौ ।

बृहस्पते ब्रह्मणा याह्यर्वाङ् यज्ञो अयं स्वर्दिदं यजमानाय स्वाहा ॥१२॥

(२७) सप्तविंशं सूक्तम्

(१-१२) द्वादशर्चस्यास्य सूक्तस्य ब्रह्मा ऋषिः । अग्निर्देवता । (१) प्रथमर्चो बृहतीगर्भा त्रिष्टुप् (२) द्वितीयाया द्विपदा साम्नी भुरिगनुष्टुप् (३) तृतीयाया द्विपदार्ची बृहती (४) चतुर्थ्या द्विपदा साम्नी भुरिगबृहती (५) पञ्चम्या द्विपदा साम्नी त्रिष्टुप् (६) षष्ठ्या द्विपदा विराङ्गायत्री (७) सप्तम्या द्विपदा साम्नी बृहती द्वितीयादिषडेकावसानाः (८) अष्टम्याः संस्तारपङ्क्तिः (९) नवम्याः षड्पदानुष्टुब्गर्भा परातिजगती (१०-१२) दशम्यादितृचस्य च पुर उष्णिक छन्दांसि

ऊर्ध्वा अस्य समिधो भवन्त्यूर्ध्वा शुक्रा शोचीष्यग्नेः ।

द्युमत्तमा सुप्रतीकः ससूनुस्तनूनपादसुरो भूरिपाणिः ॥१॥

दे॒वो दे॒वेषु॑ दे॒वः प॒थो अ॒नक्ति॑ म॒ध्वा घृ॒तेन॑ ॥२॥

म॒ध्वा य॒ज्ञं न॒क्षति॑ प्रै॒णानो॑ नरा॒शंसो॑ अ॒ग्निः सु॒कृद्दे॒वः स॒विता॑ वि॒श्ववारः॑
॥३॥

अ॒च्छा॒यमै॑ति॒ शर्व॑सा घृ॒ता चि॒दीदा॑नो॒ वह्नि॑र्म॒सा ॥४॥

अ॒ग्निः सु॒चो अ॒ध्वरे॑षु॒ प्रय॑क्षु॒ स य॑क्षदस्य म॒हिमान॑म॒ग्नेः ॥५॥

त॒री म॒न्द्रासु॑ प्र॒यक्षु॑ वस॒वश्चा॑तिष्ठन्वसु॒धातर॑श्च ॥६॥

द्वारो॑ दे॒वीर॑न्व॒स्य वि॒श्वे वृ॒तं र॑क्षन्ति वि॒श्वहा॑ ॥७॥

उ॒रु॒व्यच॑सा॒ग्नेर्धाम्ना॑ पत्य॒माने ।

आ सु॒ष्वय॑न्ती य॒जते॑ उ॒पाके॑ उ॒षासा॑न॒क्तेमं॑ य॒ज्ञम॑वताम॒ध्वरं॑ नः ॥८॥

दै॒वा हो॑तार ऊ॒र्ध्वम॑ध्व॒रं नोऽग्ने॑र्जिह्वा॒याभि॑ गृ॒नत॑ गृ॒नता॑ नः॒ स्विष्ट॑ये ।

ति॒स्रो दे॒वीर्ब॑र्हिरे॒दं स॑दन्ता॒मिडा॑ सर॒स्वती॑ म॒ही भा॑रती गृ॒णाना॑ ॥९॥

तन्न॑स्तुरी॒पम॑द्भू॒तं पुरु॑क्षु ।

दे॒वं त्व॑ष्टा रा॒यस्पोषं॑ वि ष्य॒ नाभि॑म॒स्य ॥१०॥

वन॑स्पतेऽ॒व सृ॒जा ररा॑णः ।

त्मना॑ दे॒वेभ्यो॑ अ॒ग्निर्ह॑व्यं श॒मिता॑ स्व॒दयतु॑ ॥११॥

अ॒ग्ने स्वा॑हा कृ॒णुहि॑ जा॒तवे॑दः ।

इन्द्रा॑य य॒ज्ञं वि॒श्वे दे॒वा ह॒विरि॑दं जुष॒न्ताम् ॥१२॥

(२८) अष्टाविंशं सूक्तम्

(१-१४) चतुर्दशर्चस्यास्य सूक्तस्याथर्वा ऋषिः । अग्न्यादयो मन्त्रोक्तास्त्रिवृच्च देवताः

। (१-५, ८, ११, १४) प्रथमादिपञ्चर्चामष्टम्येकादशीचतुर्दशीनाञ्च त्रिष्टुप् (६) षष्ठ्याः
पञ्चपदातिशक्वरी (७, ९-१०, १२) सप्तमीनवमीदशमीद्वादशीनां ककुम्मत्यनुष्टुप्
(१३) त्रयोदश्याश्च पुर उष्णिक छन्दांसि
नवं प्राणान्नवभिः सं मिमीते दीर्घायुत्वार्यं शतशारदाय ।
हरिते त्रीणि रजते त्रीन्यर्यसि त्रीणि तपसाविष्टितानि ॥१॥

अग्निः सूर्यश्चन्द्रमा भूमिरापो द्यौरन्तरिक्षं प्रदिशो दिशश्च ।
आर्तवा ऋतुभिः संविदाना अनेन मा त्रिवृता पारयन्तु ॥२॥

त्रयः पोषास्त्रिवृतिं श्रयन्तामनक्तुं पूषा पर्यसा घृतेन ।
अन्नस्य भूमा पुरुषस्य भूमा भूमा पशूनां त इह श्रयन्ताम् ॥३॥

इममादित्या वसुना समुक्षतेममग्ने वर्धय ववृधानः ।
इममिन्द्र सं सृज वीर्येणास्मिन्त्रिवृच्छ्रयतां पोषयिष्णु ॥४॥

भूमिष्ठा पातु हरितेन विश्वभृदग्निः पिपृत्वयसा सृजोषाः ।
वीरुद्धिष्टे अर्जुनं संविदानं दक्षं दधातु सुमनस्यमानम् ॥५॥

त्रेधा जातं जन्मनेदं हिरण्यमग्नेरेकं प्रियतमं बभूव सोमस्यैकं हिंसितस्य
परापतत् ।
अपामेकं वेधसां रेतं आहुस्तत्ते हिरण्यं त्रिवृदस्त्वायुषे ॥६॥

त्र्यायुषं जमदग्नेः कश्यपस्य त्र्यायुषम् ।
त्रेधामृतस्य चक्षुणं त्रीणयायुषि तेऽकरम् ॥७॥

त्रयः सुपर्णास्त्रिवृता यदायन्नेकाक्षरमभिसंभूय शक्राः ।
प्रत्यौहन्मृत्युममृतैः साकमन्तर्दधाना दुरितानि विश्वा ॥८॥

दिवस्त्वां पातु हरितं मध्यात्त्वा पात्वर्जुनम् ।
भूम्यां अयस्मयं पातु प्रागादेवपुरा अयम् ॥९॥

इ॒मास्ति॒स्रो दे॒वपुरा॒स्तास्त्वा॑ र॒क्षन्तु॑ स॒र्वतः॑ ।
तास्त्वं बिभ्र॑द्ब॒र्चस्व्यु॒त्तरो॑ द्वि॒षतां॑ भ॒व ॥१०॥

पुरं दे॒वाना॑म॒मृतं॑ हि॒रण्यं॑ य आ॒बिधे॑ प्रथ॒मो दे॒वो अ॒ग्रे ।
तस्मै॑ नमो॒ दश॑ प्रा॒चीः कृ॒णोम्य॑नु॒ मन्य॑तां त्रि॒वृदा॒बधे॑ मे ॥११॥

आ त्वा॑ च॒तत्त्वर्य॑मा पू॒षा बृ॒हस्प॑तिः ।
अ॒हर्जा॑तस्य॒ यन्नाम॑ ते॒न त्वा॑ति चृ॒ताम॑सि ॥१२॥

ऋ॒तुभि॑ष्ठा॒र्तवैरा॑युषे॒ वर्च॑से त्वा ।
स॒वत्स॑रस्य॒ तेर्ज॑सा॒ तेन॑ स॒ह॒नु कृ॑णमसि ॥१३॥

घृ॒तादु॒ल्लुप्तं॑ म॒धुना॑ स॒म॒क्तं भूमि॑दृ॒हम॑र्च्यु॒तं पा॒रयि॑ष्णु ।
भि॒न्दत्स॑प॒त्नान॑ध॒रांश्च कृ॑णवदा मा॒ रोह॑ मह॒ते सौ॒र्भगा॑य ॥१४॥

(२६) एकोनत्रिंशं सूक्तम्

(१-१५) पञ्चदशर्चस्यास्य सूक्तस्य चातन ऋषिः । जातवेदा मन्त्रोक्ता वा देवताः ।

(१-२, ४, ६-११) प्रथमाद्वितीयाचतुर्थीनामृचां षष्ठ्यादिषण्णाञ्च त्रिष्टुप्

(३) तृतीयायास्त्रिपदा विराङ्गायत्री (५) पञ्चम्याः पुरोऽतिजगती विराङ्जगती

(१२) द्वादश्या भुरिगनुष्टुप् (१३, १५) त्रयोदशीपञ्चदशयोरनुष्टुप्

(१४) चतुर्दश्याश्च चतुष्पदा पराबृहती ककुम्मत्यनुष्टुप् छन्दांसि

पुरस्ताद्युक्तो वह जातवेदोऽग्रे वि॒द्धि क्रि॒यमा॑णं॒ यथे॒दम् ।

त्वं भि॒षग्भै॑ष॒जस्या॑सि॒ क॒र्ता त्वया॑ गा॒मश्चं॑ पुरु॒षं स॑नेम ॥१॥

तथा॑ तद॒ग्रे कृ॑णु जा॒तवे॒दो वि॒श्वेभि॑र्दे॒वैः स॒ह सं॑वि॒दानः॑ ।

यो नो॑ दि॒देव॑ यत॒मो ज॒घास॑ यथा॒ सो अ॒स्य प॑रि॒धिष्प॑ताति ॥२॥

यथा॑ सो अ॒स्य प॑रि॒धिष्प॑ताति॒ तथा॑ तद॒ग्रे कृ॑णु जा॒तवे॒दः ।

वि॒श्वेभि॑र्दे॒वैः स॒ह सं॑वि॒दानः॑ ॥३॥

अद्ध्यौ३ नि विध्य हृदयं नि विध्य जिह्वां नि तृन्द्धि प्र दतो मृणीहि ।
पिशाचो अस्य यतमो जुघासाग्रे यविष्ठ प्रति शृणीहि ॥४॥

यदस्य हृतं विहृतं यत्पराभृतमात्मनो जुग्धं यतमत्पिशाचैः ।
तदग्रे विद्वान्पुनरा भर त्वं शरीरे मांसमसुमेरयामः ॥५॥

आमे सुपक्वे शबले विपक्वे यो मा पिशाचो अशने ददम्भ ।
तदात्मना प्रजया पिशाचा वि यातयन्तामगदो३ऽयमस्तु ॥६॥

क्षिरे मा मन्थे यतमो ददम्भाकृष्टपच्ये अशने धान्ये३ यः ।
तदात्मना प्रजया पिशाचा वि यातयन्तामगदो३ऽयमस्तु ॥७॥

आपां मा पाने यतमो ददम्भ क्रव्याद्यातूनां शयने शयानम् ।
तदात्मना प्रजया पिशाचा वि यातयन्तामगदो३ऽयमस्तु ॥८॥

दिवा मा नक्तं यतमो ददम्भ क्रव्याद्यातूनां शयने शयानम् ।
तदात्मना प्रजया पिशाचा वि यातयन्तामगदो३ऽयमस्तु ॥९॥

क्रव्यादमग्रे रुधिरं पिशाचं मनोहनं जहि जातवेदः ।
तमिन्द्रो वाजी वज्रैण हन्तु च्छिनत्तु सोमः शिरौ अस्य धृष्णुः ॥१०॥

सनादग्रे मृणसि यातुधानान्न त्वा रक्षांसि पृतनासु जिग्युः ।
सहमूराननु दह क्रव्यादो मा ते हेत्या मुक्षत दैव्यायाः ॥११॥

सुमाहर जातवेदो यद्धृतं यत्पराभृतम् ।
गात्राण्यस्य वर्धन्तामंशुरिवा प्यायतामयम् ॥१२॥

सोमस्येव जातवेदो अंशुरा प्यायतामयम् ।
अग्रे विरप्शिनं मेध्यमयुक्षमं कृणु जीवतु ॥१३॥

ए॒तास्ते॑ अ॒ग्ने स॒मिधः॑ पिशा॒च॒ज॒म्भनीः॑ ।
तास्त्वं जु॒षस्व॒ प्रति॑ चैना गृहाण जातवेदः ॥१४॥

ता॒ष्ट्रा॒धीर॑ग्ने स॒मिधः॑ प्रति॑ गृह्णाह्यर्चिषा ।
जहा॑तु क॒व्याद्रूपं॑ यो अ॒स्य मांसं॑ जिही॒र्षति॑ ॥१५॥

(३०) त्रिंशं सूक्तम्

(१-१७) सप्तदशास्य सूक्तस्योन्मोचन (आयुष्यकाम) ऋषिः । मन्त्रोक्ता आयुर्वा देवताः
। (१) प्रथमर्चः पथ्या पङ्क्तिः (२-८, १०, ११, १३, १५, १६) द्वितीयादिसप्तानामृचां
दशम्या एकादश्यास्त्रयोदश्याः पञ्चदश्याः षोडश्याश्चानुष्टुप्
(६) नवम्या भुरिगनुष्टुप् (१२) द्वादश्याश्चतुष्पदा विराड्जगती
(१४) चतुर्दश्या विराट्प्रस्तारपङ्क्तिः (१७) सप्तदश्याश्च षट्पदा जगती छन्दांसि
आवर्तस्त आवर्तः परावर्तस्त आवर्तः ।
इ॒हैव॑ भ॒व॒ मा नु॒ गा॒ मा पू॒र्वानु॑ गाः पि॒तृ॒नसु॑ ब॒ध्नामि॑ ते दृ॒ढम् ॥१॥

यत्त्वा॑भि॒चेरुः॑ पु॒रुषः॑ स्वो यदर॑णो जनः ।
उ॒न्मो॒चन॒प्रमो॒चने॑ उ॒भे वा॒चा व॑दामि ते ॥२॥

यद्दु॒द्रोहि॑थ शे॒पिषे॑ स्त्रि॒यै पुं॒से अ॒र्चित्या॑ ।
उ॒न्मो॒चन॒प्रमो॒चने॑ उ॒भे वा॒चा व॑दामि ते ॥३॥

यते॑न॒सो मा॒तृकृ॑ता॒च्छेषे॑ पि॒तृकृ॑ताञ्च॒ यत् ।
उ॒न्मो॒चन॒प्रमो॒चने॑ उ॒भे वा॒चा व॑दामि त ॥४॥

यत्ते॑ मा॒ता यत्ते॑ पि॒ता जा॒मिभ्रा॑ता च॒ सर्ज॑तः ।
प्र॒त्यक्से॑वस्व भेष॒जं ज॒रद॑ष्टिं कृ॒णोमि॑ त्वा ॥५॥

इ॒हैधि॑ पु॒रुष॑ स॒र्वेण॑ म॒नसा॑ स॒ह ।
दू॒तौ य॒मस्य॑ मा॒नु॑ गा॒ अ॒धि जी॒वपु॑रा इ॒हि ॥६॥

अनुहूतः पुनरेहिं विद्वानुदयनं पथः ।
आरोहणमाक्रमणं जीर्वतो जीवतोऽयनम् ॥७॥

मा बिभेर्न मरिष्यसि जरदष्टिं कृणोमि त्वा ।
निरवोचमहं यद्धममङ्गेभ्यो अङ्गज्वरं तव ॥८॥

अङ्गभेदो अङ्गज्वरो यश्च ते हृदयामयः ।
यद्धर्मः श्येन इव प्रापत्तद्वाचा साढः परस्तराम् ॥९॥

ऋषीं बोधप्रतीबोधावस्वप्नो यश्च जागृविः ।
तौ ते प्राणस्य गोप्तरौ दिवा नक्तं च जागृताम् ॥१०॥

अयमग्निरुपसद्य इह सूर्य उदैतु ते ।
उदेहि मृत्योर्गम्भीरात्कृष्णाच्चित्तमसस्परि ॥११॥

नमो यमाय नमो अस्तु मृत्यवे नमः पितृभ्य उत ये नयन्ति ।
उत्पारणस्य यो वेद तमग्निं पुरो दधेऽस्मा अरिष्टतातये ॥१२॥

ऐतु प्राण ऐतु मन ऐतु चक्षुरथो बलम् ।
शरीरमस्य सं विदां तत्पद्भ्यां प्रति तिष्ठतु ॥१३॥

प्राणेनाग्ने चक्षुषा सं सृजेमं समीरय तन्वाऽ सं बलेन ।
वेत्थामृतस्य मा नु गान्मा नु भूमिगृहो भुवत् ॥१४॥

मा ते प्राण उप दसन्मो अपानोऽपि धायि ते ।
सूर्यस्त्वाधिपतिर्मृत्योरुदायच्छतु रश्मिभिः ॥१५॥

इवमन्तर्वदति जिह्वा बद्धा पनिष्पदा ।
त्वया यद्धमं निरवोचं शतं रोपीश्च त्कर्मनः ॥१६॥

अ॒यं लो॒कः प्रि॒यत॑मो दे॒वाना॑मपराजितः ।
यस्मै॒ त्वमि॑ह मृ॒त्यवे॑ दि॒ष्टः पु॑रुष जज्ञिषे ।
स च॒ त्वानु॑ ह्यामसि॒ मा पु॒रा ज॒रसो॑ मृथाः ॥१७॥

(३१) एकत्रिंशं सूक्तम्

(१-१२) द्वादशस्यास्य सूक्तस्य शुक्र ऋषिः । कृत्याप्रतिहरणं देवता ।

(१-१०) प्रथमादिदशानामृचामनुष्टुप्

(११) एकादश्या बृहतीगर्भानुष्टुप् (१२) द्वादश्याश्च पथ्या बृहती छन्दांसि
यां तै च॒क्रुरा॒मे पा॒त्रे यां च॒क्रुर्मि॑श्रधान्ये ।
आ॒मे मा॒से कृ॒त्यां यां च॒क्रुः पु॒नः प्र॑ति॒ हरा॑मि॒ ताम् ॥१॥

यां तै च॒क्रुः कृ॒क॒वाका॑व॒जे वा॒ यां कु॑री॒रिणि॑ ।
अ॒व्यां ते कृ॒त्यां यां च॒क्रुः पु॒नः प्र॑ति॒ हरा॑मि॒ ताम् ॥२॥

यां तै च॒क्रुरे॑क॒शफे॑ प॒शूना॑मु॒भया॑दति ।
ग॒र्द॒भे कृ॒त्यां यां च॒क्रुः पु॒नः प्र॑ति॒ हरा॑मि॒ ताम् ॥३॥

यां तै च॒क्रुर॑मू॒लायां॑ व॒लगं॑ वा॒ नरा॑च्याम् ।
क्षेत्रे॑ ते कृ॒त्यां यां च॒क्रुः पु॒नः प्र॑ति॒ हरा॑मि॒ ताम् ॥४॥

यां तै च॒क्रुर्गा॑र्ह॒पत्ये॑ पूर्वा॒ग्नावु॑त दु॒श्चितः॑ ।
शा॒लायां॑ कृ॒त्यां यां च॒क्रुः पु॒नः प्र॑ति॒ हरा॑मि॒ ताम् ॥५॥

यां तै च॒क्रुः स॒भायां॑ यां च॒क्रुर॑धि॒देव॑ने ।
अ॒क्षे॑षु कृ॒त्यां यां च॒क्रुः पु॒नः प्र॑ति॒ हरा॑मि॒ ताम् ॥६॥

यां तै च॒क्रुः से॒नायां॑ यां च॒क्रुरि॑ष्वायुधे ।
दु॒न्दु॒भौ कृ॒त्यां यां च॒क्रुः पु॒नः प्र॑ति॒ हरा॑मि॒ ताम् ॥७॥

यां तै कृ॒त्यां कूपै॑ऽव॒द्धुः श॑म॒शाने॑ वा॒ निच॑रन्तुः ।

सद्यनि कृत्याम्यां चक्रुः पुनः प्रति हरामि ताम् ॥८॥

यां तै चक्रुः पुरुषास्थे अग्रौ संकसुके च याम् ।
मोकं निर्दाहं क्रव्यादं पुनः प्रति हरामि ताम् ॥९॥

अपथेना जभारैणां तां पथेतः प्र हिरमसि ।
अधीरो मर्याधीरेभ्यः सं जभाराचित्या ॥१०॥

यश्चकार न शशाक कर्तुं शश्रे पादमङ्गुरिम् ।
चकार भद्रमस्मभ्यमभुगो भगवद्भ्यः ॥११॥

कृत्याकृतं वलगिनं मूलिनं शपथेय्यम् ।
इन्द्रस्तं हन्तु महता वधेनाग्निर्विध्यत्वस्तया ॥१२॥

इति पञ्चमं कारडम

अथ षष्ठं काण्डम्

(१) प्रथमं सूक्तम्

(१-३) तृचस्यास्य सूक्तस्याथर्वा ऋषिः । सविता देवता ।

(१) प्रथमर्चस्त्रिपदा पिपीलिकमध्या साम्नी जगती

(२-३) द्वितीयातृतीययोश्च पिपीलिकमध्या पुर उष्णिक् छन्दसी

दोषो गाय बृहद्गाय द्युमद्देहि ।

आथर्वण स्तुहि देवं सवितारम् ॥१॥

तमुं ष्टुहि यो अन्तः सिन्धौ सूनुः ।

सत्यस्य युवानमद्रौघवाचं सुशेवम् ॥२॥

स घां नो देवः सविता साविषदमृतानि भूरि ।

उभे सुष्टुती सुगातवे ॥३॥

(२) द्वितीयं सूक्तम्

(१-३) तृचस्यास्य सूक्तस्याथर्वा ऋषिः । सोमो वनस्पतिर्देवता । परोष्णिक् छन्दः

इन्द्राय सोममृत्विजः सुनोता च धावत ।

स्तोतुर्यो वचः शृण्वद्धवं च मे ॥॥

आ यं विशन्तीन्द्वो वयो न वृक्षमन्धसः ।

विरंष्निन्वि मृधौ जहि रक्षस्विनीः ॥२॥

सुनोता सोमपाव्ने सोममिन्द्राय वृज्रिणै ।

युवा जेतेशानः स पुरुष्टुतः ॥३॥

(३) तृतीयं सूक्तम्

(१-३) तृचस्यास्य सूक्तस्याथर्वा ऋषिः । मन्त्रोक्ता देवताः ।

(१) प्रथमर्चः पथ्याबृहती (२-३) द्वितीययोश्च जगती छन्दसी

पातं न इन्द्रापूषणादितिः पान्तु मरुतः ।

अपां नपात्सिन्धवः सप्त पातन् पातु नो विष्णुरुत द्यौः ॥१॥

पातां नो द्यावापृथिवी ऋभिष्टये पातु ग्रावा पातु सोमो नो अंहसः ।
पातु नो देवी सुभगा सरस्वती पात्वग्निः शिवा ये अस्य पायवः ॥२॥

पातां नो देवाश्विना शुभस्पती उषासानक्तोत न उरुष्यताम् ।
अपां नपादभिहुती गर्यस्य चिदेव त्वष्टर्वर्धय सर्वतातये ॥३॥

(४) चतुर्थं सूक्तम्

(१-३) तृचस्यास्य सूक्तस्याथर्वा ऋषिः । मन्त्रोक्ता देवताः ।

(१) प्रथमर्चः पथ्याबृहती (२) द्वितीयायाः संस्तारपङ्क्तिः

(३) तृतीयायाश्च त्रिपदा विराङ्गायत्री छन्दांसि

त्वष्टा मे दैव्यं वचः पर्जन्यो ब्रह्मणस्पतिः ।
पुत्रैर्भ्रातृभिरदितिर्नु पातु नो दुष्टं त्रायमाणं सहः ॥१॥

अंशो भगो वरुणो मित्रो अर्यमादितिः पान्तु मरुतः ।
अप तस्य द्वेषो गमेदभिहुतो यावयच्छत्रुमन्तितम् ॥२॥

धिये समश्विना प्रावतं न उरुष्या ण उरुज्मन्नप्रयुच्छन् ।
द्यौश्षितर्यावय दुछुना या ॥३॥

(५) पञ्चमं सूक्तम्

(१-३) तृचस्यास्य सूक्तस्याथर्वा ऋषिः । (१, ३) प्रथमातृतीययोर्ऋचोरग्निः

(२) द्वितीयायाश्चेन्द्रो देवते । (१, ३) प्रथमातृतीययोरनुष्टुप्

(२) द्वितीयायाश्च भुरिगनुष्टुप् छन्दसी

उदेनमुत्तरं न्याग्रे घृतेनाहत ।
समेनं वर्चसा सृज प्रजया च ब्रह्मं कृधि ॥१॥

इन्द्रेमं प्रतरं कृधि सजातानामसद्वशी ।
रायस्पोषेण सं सृज जीवातवे जुरसे नय ॥२॥

यस्य कृगमो हविर्गृहे तमग्रे वर्धया त्वम् ।

तस्मै सोमो अधि ब्रवदयं च ब्रह्मणस्पतिः ॥३॥

(६) षष्ठं सूक्तम्

(१-३) तृचस्यास्य सूक्तस्याथर्वा ऋषिः । (१) प्रथमर्चो ब्रह्मणस्पतिः

(२-३) द्वितीयातृतीययोश्च सोमो देवते । अनुष्टुप् छन्दः

योऽस्मान्ब्रह्मणस्पतेऽदेवो अभिमन्यते ।

सर्वं तं रन्धयासि मे यजमानाय सुन्वते ॥१॥

यो नः सोम सुशंसिनो दुःशंस आदिदेशति ।

वज्रैणास्य मुखै जहि स संपिष्टो अपायति ॥२॥

यो नः सोमाभिदासति सनाभिर्यश्च निष्टयः ।

अप तस्य बलं तिर महीव द्यौर्वधुत्मना ॥३॥

(७) सप्तमं सूक्तम्

(१-३) तृचस्यास्य सूक्तस्याथर्वा ऋषिः । (१-२) प्रथमाद्वितीययोर्ऋचोः सोमः

(३) तृतीयायाश्च विश्वे देवा देवताः । (१) प्रथमाया निचृद्गायत्री

(२-३) द्वितीयातृतीययोश्च गायत्री छन्दसी

येन सोमादितिः पृथा मित्रा वा यन्त्यद्रुहः ।

तेना नोऽवसा गहि ॥१॥

येन सोम साहन्त्यासुरान्धयासि नः ।

तेना नो अधि वोचत ॥२॥

येन देवा असुराणामोजांस्यवृणीध्वम् ।

तेना नुः शर्म यच्छत ॥३॥

(८) अष्टमं सूक्तम्

(१-३) तृचस्यास्य सूक्तस्य जमदग्निर्ऋषिः । कामात्मा देवता । पथ्यापङ्क्तिश्छन्दः

यथा वृक्षं लिबुजा समन्तं परिष्वजे ।

एवा परि ष्वजस्व मां यथा मां कामिन्यसो यथा मन्नापंगा असः ॥१॥

यथा सुपर्णः प्रपतन्पक्षौ निहन्ति भूम्याम् ।

एवा नि हन्मि ते मनो यथा मां कामिन्यसो यथा मन्नापंगा असः ॥२॥

यथेमे द्यावापृथिवी सद्यः पर्येति सूर्यः ।

एवा पर्येमि ते मनो यथा मां कामिन्यसो यथा मन्नापंगा असः ॥३॥

(९) नवमं सूक्तम्

(१-३) तृचस्यास्य सूक्तस्य जमदग्निर्ऋषिः । कामात्मा देवता । अनुष्टुप् छन्दः
वाञ्छ मे तन्वँशु पादौ वाञ्छाद्यौ३ वाञ्छ सक्थ्यौ ।
अद्यौ वृषयन्त्याः केशा मां ते कामेन शुष्यन्तु ॥१॥

मम त्वा दोषणिश्रिषं कृणोमि हृदयश्रिषम् ।

यथा मम क्रतावसो मम चित्तमुपायसि ॥२॥

यासां नाभिरारेहणं हृदि संवननं कृतम् ।

गावो घृतस्य मातरोऽमूं सं वानयन्तु मे ॥३॥

(१०) दशमं सूक्तम्

(१-३) तृचस्यास्य सूक्तस्य शन्तातिर्ऋषिः । (१) प्रथमर्चोऽग्निः
(२) द्वितीयाया वायुः (३) तृतीयायाश्च सूर्यो देवताः । (१) प्रथमायाः साम्नी त्रिष्टुप्
(२) द्वितीयायाः प्राजापत्या बृहती (३) तृतीयायाश्च साम्नी बृहती छन्दांसि ।
सर्वा द्विपदाः

पृथिव्यै श्रोत्राय वनस्पतिभ्योऽग्नयेऽधिपतये स्वाहा ॥१॥

प्राणायान्तरिक्षाय वयोभ्यो वायवेऽधिपतये स्वाहा ॥२॥

दिवे चक्षुषे नक्षत्रेभ्यः सूर्यायाधिपतये स्वाहा ॥३॥

(११) एकादशं सूक्तम्

(१-३) तृचस्यास्य सूक्तस्य प्रजापतिर्ऋषिः । रेतो मन्त्रोक्ता वा देवताः ।

अनुष्टुप् छन्दः

शुमीमश्चुत्थ आरूढस्तत्र पुंसुर्वनं कृतम् ।
तद्वै पुत्रस्य वेदनं तत्स्त्रीष्व्वा भरामसि ॥१॥

पुंसि वै रेतो भवति तत्स्त्रियामनु षिच्यते ।
तद्वै पुत्रस्य वेदनं तत्प्रजापतिरब्रवीत् ॥२॥

प्रजापतिरनुमतिः सिनीवात्यचीक्लृपत् ।
स्त्रैषूयमन्यत्र दधत्पुमांसमु दधदिह ॥३॥

(१२) द्वादशं सूक्तम्

(१-३) तृचस्यास्य सूक्तस्य गरुत्मानृषिः । तक्षको देवता ।

अनुष्टुप् छन्दः

परि द्यामिव सूर्योऽहीनां जनिमागमम् ।
रात्री जगदिवान्यद्धसात्तेना ते वारये विषम् ॥१॥

यद्ब्रह्मभिर्यदृषिभिर्यद्वैर्विदितं पुरा ।
यद्भूतं भव्यमासन्वत्तेना ते वारये विषम् ॥२॥

मध्वा पृञ्चे नद्यः पर्वता गिरयो मधु ।
मधु परुष्णी शीपाला शमास्त्रे अस्तु शं हृदे ॥३॥

(१३) त्रयोदशं सूक्तम्

(१-३) तृचस्यास्य सूक्तस्याथर्वा ऋषिः । मृत्युर्देवता । अनुष्टुप् छन्दः

नमो देववधेभ्यो नमो राजवधेभ्यः ।
अथो ये विश्यानां वधास्तेभ्यो मृत्यो नमोऽस्तु ते ॥१॥

नमस्ते अधिवाकाय परावाकाय ते नमः ।

सुमृत्यै मृत्यो ते नमो दुर्मृत्यै त इदं नमः ॥२॥

नमस्ते यातुधानैभ्यो नमस्ते भेषजेभ्यः ।
नमस्ते मृत्यो मूलैभ्यो ब्राह्मणेभ्य इदं नमः ॥३॥

(१४) चतुर्दशं सूक्तम्

(१-३) तृचस्यास्य सूक्तस्य बभ्रुपिङ्गल ऋषिः । बलासो देवता । अनुष्टुप् छन्दः
अस्थिस्रंसं परुस्रंसमास्थितं हृदयामुयम् ।
बलासं सर्वं नाशयाङ्ग्रेष्ठा यश्च पर्वसु ॥१॥

निर्बलासं बलासिनः क्षिणोमि मुष्करं यथा ।
छिनद्यस्य बन्धनं मूलमुर्वा इव ॥२॥

निर्बलासेतः प्र पताशुंगः शिशुको यथा ।
अथो इट इव हायनोऽप द्राह्यवीरहा ॥३॥

(१५) पञ्चदशं सूक्तम्

(१-३) तृचस्यास्य सूक्तस्योद्दालक ऋषिः । वनस्पतिर्देवता । अनुष्टुप् छन्दः
उत्तमो अस्योषधीनां तव वृक्षा उपस्तयः ।
उपस्तिरस्तु सोऽस्माकं यो अस्माँ अभिदासति ॥१॥

सबन्धुश्चासंबन्धुश्च यो अस्माँ अभिदासति ।
तेषां सा वृक्षाणामिवाहं भूयासमुत्तमः ॥२॥

यथा सोम ओषधीनामुत्तमो हविषां कृतः ।
तलाशा वृक्षाणामिवाहं भूयासमुत्तमः ॥३॥

(१६) षोडशं सूक्तम्

(१-४) चतुर्ऋचस्यास्य सूक्तस्य शौनक ऋषिः । मन्त्रोक्ताश्चन्द्रमा वा देवता ।
(१) प्रथमर्चो निचृत्त्रिपदा गायत्री (२) द्वितीयाया अनुष्टुप् (३) तृतीयाया बृहतीगर्भा

ककुम्मत्यनुष्टुप् (४) चतुर्थ्याश्च त्रिपदा प्रतिष्ठा गायत्री छन्दांसि
आबयो अनाबयो रसस्त उग्र आबयो ।
आ तै करुम्भमघसि ॥१॥

विहल्हो नाम ते पिता मृदावती नाम ते माता ।
स हिंनु त्वमसि यस्त्वमात्मानमावयः ॥२॥

तौविलिकेऽवैलयावायमैलुब ऐलयीत् ।
बभ्रुश्च बभ्रुकर्णश्चापैहि निराल ॥३॥

अलसालासि पूर्वा सिलाञ्जालास्युत्तरा ।
नीलागलसाला ॥४॥

(१७) सप्तदशं सूक्तम्

(१-४) चतुर्चस्यास्य सूक्तस्याथर्वा ऋषिः । गर्भदृहणं देवता । अनुष्टुप् छन्दः
यथेयं पृथिवी मृही भूतानां गर्भमादधे ।
एवा तै धियतां गर्भो अनु सूतुं सवितवे ॥१॥

यथेयं पृथिवी मृही दाधारेमान्वनस्पतीन् ।
एवा तै धियतां गर्भो अनु सूतुं सवितवे ॥२॥

यथेयं पृथिवी मृही दाधार पर्वतान्गिरीन् ।
एवा तै धियतां गर्भो अनु सूतुं सवितवे ॥३॥

यथेयं पृथिवी मृही दाधार विष्टितं जगत् ।
एवा तै धियतां गर्भो अनु सूतुं सवितवे ॥४॥

(१८) अष्टादशं सूक्तम्

(१-३) तृचस्यास्य सूक्तस्याथर्वा ऋषिः । ईर्ष्याविनाशनं देवता । अनुष्टुप् छन्दः
ईर्ष्याया ध्राजिं प्रथमां प्रथमस्या उतापराम् ।

अग्निं हृदय्यं शोकं तं ते निर्वापयामसि ॥१॥

यथा भूमिर्मृतमना मृतान्मृतमनस्तरा ।
यथोत ममुषो मन एवेष्योर्मृतं मनः ॥२॥

अदो यत्ते हृदि श्रितं मनस्कं पंतयिष्णुकम् ।
ततस्त ईष्यां मुञ्चामि निरूष्माणं दृतेरिव ॥३॥

(१६) एकोनविंशं सूक्तम्

(१-३) तृचस्यास्य सूक्तस्य शन्तातिर्ऋषिः । चन्द्रमा मन्त्रोक्ता वा देवताः ।

(१) प्रथमर्चोऽनुष्टुप् (२-३) द्वितीयातृतीययोश्च गायत्री छन्दसी

पुनन्तु मा देवजनाः पुनन्तु मनवो धिया ।
पुनन्तु विश्वा भूतानि पर्वमानः पुनातु मा ॥१॥

पर्वमानः पुनातु मा क्रत्वे दक्षाय जीवसे ।
अथो अरिष्टतातये ॥२॥

उभाभ्यां देव सवितः पवित्रेण सवेन च ।
अस्मान्पुनीहि चक्षसे ॥३॥

(२०) विंशं सूक्तम्

(१-३) तृचस्यास्य सूक्तस्य भृगवङ्गिरा ऋषिः । यक्ष्मनाशनं मन्त्रोक्ताश्च देवताः ।

(१) प्रथमर्चोऽतिजगती (२) द्वितीयायाः ककुम्मती प्रस्तारपङ्क्तिः

(३) तृतीयायाश्च सतः पङ्क्तिश्छन्दांसि

अग्नेरिवास्य दहत एति शुष्मिणं उतेव मत्तो विलपन्नपायति ।
अन्यमस्मदिच्छतु कं चिदव्रतस्तपूर्वधाय नमो अस्तु त्वम्ने ॥१॥

नमो रुद्राय नमो अस्तु त्वम्ने नमो राज्ञे वरुणाय त्विषीमते ।
नमो दिवे नमः पृथिव्यै नम ओषधीभ्यः ॥२॥

अयं यो अभिशोचयिष्णुर्विश्वा रूपाणि हरिता कृणोषि ।
तस्मै तेऽरुणाय बभ्रवे नमः कृणोमि वन्याय त्वम्ने ॥३॥

(२१) एकविंशं सूक्तम्

(१-३) तृचस्यास्य सूक्तस्य शन्तातिर्ऋषिः । चन्द्रमा देवता । अनुष्टुप् छन्दः
इमा यास्त्रिस्रः पृथिवीस्तासां ह भूमिरुत्तमा ।
तासामधि त्वचो अहं भेषजं समु जग्रभम् ॥१॥

श्रेष्ठमसि भेषजानां वसिष्ठं वीरुधानाम् ।
सोमो भग इव यामेषु देवेषु वरुणो यथा ॥२॥

रेवतीरनाधृषः सिषासवः सिषासथ ।
उत स्थ केशदृंहणीरथो ह केशवर्धनीः ॥३॥

(२२) द्वाविंशं सूक्तम्

(१-३) तृचस्यास्य सूक्तस्य शन्तातिर्ऋषिः । आदित्यरश्मिर्मरुतो वा देवताः ।
(१, ३) प्रथमातृतीययोर्ऋचोस्त्रिष्टुप् (२) द्वितीयायाश्च चतुष्पदा भुरिगजगती छन्दसी
कृष्णं नित्यानुं हरयः सुपर्णा अपो वसाना दिवमुत्पतन्ति ।
त आर्ववृत्रन्त्सदनादृतस्यादिद्धृतेन पृथिवीं व्यूदुः ॥१॥

पर्यस्वतीः कृणुथाप ओषधीः शिवा यदेजथा मरुतो रुक्मवक्षसः ।
ऊर्जं च तत्र सुमतिं च पिन्वत यत्रा नरो मरुतः सिञ्चथा मधु ॥२॥

उदप्रुतो मरुतस्तां इयत वृष्टिर्या विश्वा निवतस्पृणाति ।
एजाति ग्लहा कन्येव तुन्नैरुं तुन्दाना पत्यैव जाया ॥३॥

(२३) त्रयोविंशं सूक्तम्

(१-३) तृचस्यास्य सूक्तस्य शन्तातिर्ऋषिः । आपो देवताः । (१) प्रथमर्चोऽनुष्टुप्
(२) द्वितीयायास्त्रिपदा गायत्री (३) तृतीयायाश्च परोष्णिक् छन्दांसि
सस्रुषीस्तदपसो दिवा नक्तं च सस्रुषीः ।

वरैरयक्रतुरहमपो देवीरुप ह्वये ॥१॥

ओता आपः कर्मण्या मुञ्चन्त्वितः प्रणीतये ।
सद्यः कृणवन्त्वेतवे ॥२॥

देवस्य सवितुः सवे कर्म कृणवन्तु मानुषाः ।
शं नो भवन्त्वप ओषधीः शिवाः ॥३॥

(२४) चतुर्विंशं सूक्तम्

(१-३) तृचस्यास्य सूक्तस्य शन्तातिर्ऋषिः । आपो देवताः । अनुष्टुप् छन्दः
हिमवतः प्र स्त्रवन्ति सिन्धौ समह संगमः ।
आपो ह मह्यं तद्देवीर्ददन्हृद्योतभेषजम् ॥१॥

यन्मै अद्योरादिद्योत पाष्यर्योः प्रपदोश्च यत् ।
आपुस्तत्सर्वं निष्करन्भिषजां सुभिषक्तमाः ॥२॥

सिन्धुपत्नीः सिन्धुराज्ञीः सर्वा या नद्यश्च स्थनं ।
दत्त नस्तस्य भेषजं तेना वो भुनजामहे ॥३॥

(२५) पञ्चविंशं सूक्तम्

(१-३) तृचस्यास्य सूक्तस्य शुनःशेष ऋषिः । मन्याविनाशनं देवता । अनुष्टुप् छन्दः
पञ्च च याः पञ्चाशच्च संयन्ति मन्या अभि ।
इतस्ताः सर्वा नश्यन्तु वाका अपचितामिव ॥१॥

सप्त च याः सप्ततिश्च संयन्ति ग्रैव्या अभि ।
इतस्ताः सर्वा नश्यन्तु वाका अपचितामिव ॥२॥

नव च या नवतिश्च संयन्ति स्कन्ध्या अभि ।
इतस्ताः सर्वा नश्यन्तु वाका अपचितामिव ॥३॥

(२६) षड्विंशं सूक्तम्

(१-३) तृचस्यास्य सूक्तस्य ब्रह्मा ऋषिः । पाप्मा देवता । अनुष्टुप् छन्दः
अर्व मा पाप्मन्सृज वृशी सन्मृदयासि नः ।
आ मा भद्रस्य लोके पाप्मन्धेह्यविहुतम् ॥१॥

यो नः पाप्मन्न जहासि तमु त्वा जहिमो वृयम् ।
पथामनु व्यावर्तनेऽन्यं पाप्मानु पद्यताम् ॥२॥

अन्यत्रास्मन्नच्युच्यतु सहस्राक्षो अमर्त्यः ।
यं द्वेषाम तमृच्छतु यमु द्विष्मस्तमिज्जहि ॥३॥

(२७) सप्तविंशं सूक्तम्

(१-३) तृचस्यास्य सूक्तस्य भृगुर्ऋषिः । यमो निर्ऋतिर्वा देवता ।
(१, ३) प्रथमातृतीययोर्ऋचोर्जगती (२) द्वितीयायाश्च त्रिष्टुप् छन्दसी
देवाः कपोत इषितो यदिच्छन्दूतो निर्ऋत्या इदमाजगाम ।
तस्मा अर्चाम कृण्वाम निष्कृतिं शं नो अस्तु द्विपदे शं चतुष्पदे ॥१॥

शिवः कपोत इषितो नो अस्त्वनागा देवाः शकुनो गृहं नः ।
अग्निर्हि विप्रो जुषतां हविर्नः परि हेतिः पक्षिणी नो वृणक्तु ॥२॥

हेतिः पक्षिणी न दभात्यस्मानाष्ट्री पदं कृणुते अग्निधाने ।
शिवो गोभ्य उत पुरुषेभ्यो नो अस्तु मा नो देवा इह हिंसीत्कपोतः ॥३॥

(२८) अष्टाविंशं सूक्तम्

(१-३) तृचस्यास्य सूक्तस्य भृगुर्ऋषिः । यमो निर्ऋतिर्वा देवता ।
(१) प्रथमर्चस्त्रिष्टुप् (२) द्वितीयाया अनुष्टुप् (३) तृतीयायाश्च जगती छन्दांसि
ऋचा कपोतं नुदत प्रणोदमिषं मर्दन्तः परि गां नयामः ।
संलोभयन्तो दुरिता पदानि हित्वा न ऊर्जं प्र पदात्यथिष्ठः ॥१॥

परीमेऽग्निर्मर्षत परीमे गामनेषत ।

देवेष्वक्रत् श्रवः क इमाँ आ दधर्षति ॥२॥

यः प्रथमः प्रवर्तमाससाद बहुभ्यः पन्थामनुपस्पशानः ।
योऽस्येशै द्विपदो यश्चतुष्पदस्तस्मै यमाय नमो अस्तु मृत्यवे ॥३॥

(२६) एकोनत्रिंशं सूक्तम्

(१-३) तृचस्यास्य सूक्तस्य भृगुर्ऋषिः । यमो निर्ऋतिर्वा देवता ।

(१-२) प्रथमाद्वितीययोर्ऋचोर्विराड्गायत्री

(३) तृतीयायाश्च त्र्यवसाना सप्तपदा विराडष्टिश्छन्दसी

अमून्हेतिः पंतत्रिणी न्येतु यदुलूको वदति मोघमेतत् ।
यद्वा कपोतः पदमग्नौ कृणोति ॥१॥

यौ ते दूतौ निर्ऋत इदमेतोऽप्रहितौ प्रहितौ वा गृहं नः ।
कपोतोलूकाभ्यामपदं तदस्तु ॥२॥

अवैरहत्यायेदमा पपत्यात्सुवीरताया इदमा संसद्यात् ।
पराडेव परा वद पराचीमनु संवर्तम् ।
यथा यमस्य त्वा गृहेऽसं प्रतिचाकशानाभूकं प्रतिचाकशान् ॥३॥

(३०) त्रिंशं सूक्तम्

(१-३) तृचस्यास्य सूक्तस्योपरिबभ्रव ऋषिः । शमी देवता । (१) प्रथमर्चो जगती

(२) द्वितीयायास्त्रिष्टुप् (३) तृतीयायाश्च चतुष्पदा शङ्कुमत्यनुष्टुप् छन्दांसि

देवा इमं मधुना संयुतं यवं सरस्वत्यामधि मृणावचर्कषुः ।
इन्द्र आसीत्सीरपतिः शतक्रतुः कीनाशा आसन्मरुतः सुदानवः ॥१॥

यस्ते मदोऽवकेशो विकेशो येनाभिहस्यं पुरुषं कृणोषि ।
आरात्त्वदन्या वनानि वृद्धि त्वं शमि शतवल्शा वि रौह ॥२॥

बृहत्पलाशे सुभगे वर्षवृद्ध ऋतावरि ।
मातेव पुत्रेभ्यो मृड केशेभ्यः शमि ॥३॥

(३१) एकत्रिंशं सूक्तम्

(१-३) तृचस्यास्य सूक्तस्योपरिबभ्रव ऋषिः । गौर्देवता । गायत्री छन्दः
आयं गौः पृश्निरक्रमीदसदन्मातरं पुरः ।
पितरं च प्रयन्त्स्वः ॥१॥

अन्तश्चरति रोचना अस्य प्राणादपानतः ।
व्यख्यन्महिषः स्वः ॥२॥

त्रिंशद्धामा वि राजति वाक्पतङ्गो अशिश्नियत् ।
प्रति वस्तोरहर्द्युभिः ॥३॥

(३२) द्वात्रिंशं सूक्तम्

(१-३) तृचस्यास्य सूक्तस्य (१-२) प्रथमाद्वितीययोर्ऋचोश्चातनः
(३) तृतीयायाश्चाथर्वा ऋषिः । (१) प्रथमाया अग्निः (२) द्वितीयाया रुद्रः
(३) तृतीयायाश्च मित्रावरुणौ देवताः । (१, ३) प्रथमातृतीययोस्त्रिष्टुप्
(२) द्वितीयायाश्च प्रस्तारपङ्क्तिश्छन्दसी
अन्तर्दावे जुहुत स्वेऽतद्यातुधानक्षयणं घृतेन ।
आराद्रक्षांसि प्रति दह त्वमग्ने न नो गृहाणामुप तीतपासि ॥१॥

रुद्रो वो ग्रीवा अशरैत्पिशाचाः पृष्ठीर्वोऽपि शृणातु यातुधानाः ।
वीरुद्रौ विश्वतौवीर्या यमेन समजीगमत् ॥२॥

अभयं मित्रावरुणाविहास्तु नोऽर्चिषात्त्रिणो नुदतं प्रतीचः ।
मा ज्ञातारं मा प्रतिष्ठां विदन्त मिथो विघ्नाना उप यन्तु मृत्युम् ॥३॥

(३३) त्रयस्त्रिंशं सूक्तम्

(१-३) तृचस्यास्य सूक्तस्य जाटिकायन ऋषिः । इन्द्रो देवता । (१, ३)
प्रथमातृतीययोर्ऋचोर्गायत्री (२) द्वितीयायाश्चानुष्टुप् छन्दसी
यस्येदमा रजो युजस्तुजे जना नवं स्वः ।
इन्द्रस्य रन्त्यं बृहत् ॥१॥

नाधृष आ दधृषते धृषाणो धृषितः शर्वः ।
पुरा यथा व्यथिः श्रव इन्द्रस्य नाधृषे शर्वः ॥२॥

स नो ददातु तां रयिमुं पिशङ्गसंदृशम् ।
इन्द्रः पतिस्तुविष्टमो जनेष्ववा ॥३॥

(३४) चतुस्त्रिंशं सूक्तम्

(१-५) पञ्चर्चस्यास्य सूक्तस्य चातन ऋषिः । अग्निर्देवता । गायत्री छन्दः
प्राग्रये वाचमीरय वृषभाय क्षितीनाम् ।
स नः पर्षदति द्विषः ॥१॥

यो रक्षांसि निजूर्वत्यग्निस्तिग्मेन शोचिषा ।
स नः पर्षदति द्विषः ॥२॥

यः परस्याः परावतस्तिरो धन्वातिरोचते ।
स नः पर्षदति द्विषः ॥३॥

यो विश्वाभि विपश्यति भुवना सं च पश्यति ।
स नः पर्षदति द्विषः ॥४॥

यो अस्य पारे रजसः शुक्रो अग्निरजायत ।
स नः पर्षदति द्विषः ॥५॥

(३५) पञ्चत्रिंशं सूक्तम्

(१-३) तृचस्यास्य सूक्तस्य कौशिक ऋषिः । वैश्वानरो देवता । गायत्री छन्दः
वैश्वानरो न ऊतय आ प्र यातु परावतः ।
अग्निर्नः सुष्टुतीरुप ॥१॥

वैश्वानरो न आर्गमदिमं यज्ञं स्रूरुप ।
अग्निरुक्थेष्वंहसु ॥२॥

वैश्वानरोऽङ्गिरसां स्तोममुक्थं च चाक्लृपत् ।
एषु द्युम्नं स्वर्ियमत् ॥३॥

(३६) षट्त्रिंशं सूक्तम्

(१-३) तृचस्यास्य सूक्तस्याथर्वा ऋषिः । अग्निर्देवता । गायत्री छन्दः
ऋतावानं वैश्वानरमृतस्य ज्योतिषस्पतिम् ।
अजस्रं घर्ममीमहे ॥१॥

स विश्वा प्रति चाक्लृप ऋतूरुत्सृजते वृशी ।
यज्ञस्य वयं उत्तिरन् ॥२॥

अग्निः परेषु धामसु कामो भूतस्य भव्यस्य ।
सम्रादेको वि राजति ॥३॥

(३७) सप्तविंशं सूक्तम्

(१-३) तृचस्यास्य सूक्तस्याथर्वा ऋषिः । चन्द्रमा देवता । अनुष्टुप् छन्दः
उप प्रागात्सहस्राक्षो युक्त्वा शपथो रथम् ।
शप्तारमन्विच्छन्मम् वृके इवाविमतो गृहम् ॥१॥

परि णो वृङ्गधि शपथ हृदमग्निर्वा दहन् ।
शप्तारमत्रं नो जहि दिवो वृक्षमिवाशनिः ॥२॥

यो नः शपादशपतः शपतो यश्च नः शपात् ।
शुने पेषमिवावक्षामं तं प्रत्यस्यामि मृत्यवे ॥३॥

(३८) अष्टात्रिंशं सूक्तम्

(१-४) चतुर्ऋचस्यास्य सूक्तस्याथर्वा ऋषिः । बृहस्पतिस्त्विषिर्वा देवता ।
त्रिष्टुप् छन्दः
सिंहे व्याघ्र उत या पृदाकौ त्विषिरग्नौ ब्राह्मणे सूर्ये या ।

इन्द्रं या देवी सुभगा जजान सा न ऐतु वर्चसा संविदाना ॥१॥

या हस्तिनि द्वीपिनि या हिरण्ये त्विषिरप्सु गोषु या पुरुषेषु ।
इन्द्रं या देवी सुभगा जजान सा न ऐतु वर्चसा संविदाना ॥२॥

रथे अक्षेष्वाभस्य वाजे वारै पर्जन्ये वरुणस्य शुष्मे ।
इन्द्रं या देवी सुभगा जजान सा न ऐतु वर्चसा संविदाना ॥३॥

राजन्ये दुन्दुभावार्यतायामश्वस्य वाजे पुरुषस्य मायौ ।
इन्द्रं या देवी सुभगा जजान सा न ऐतु वर्चसा संविदाना ॥४॥

(३६) एकोनचत्वारिंशं सूक्तम्

(१-३) तृचस्यास्य सूक्तस्याथर्वा ऋषिः । बृहस्पतिर्देवता । (१) प्रथमर्चो जगती
(२) द्वितीयायास्त्रिष्टुप् (३) तृतीयायाश्चानुष्टुप् छन्दांसि
यशो हविर्वर्धतामिन्द्रजुतं सहस्रवीर्यं सुभृतं सहस्कृतम् ।
प्रसस्त्राणमनु दीर्घाय चक्षसे हविष्मन्तं मा वर्धय ज्येष्ठतातये ॥१॥

अच्छा न इन्द्रं यशसं यशौर्यिशस्विनं नमसाना विधेम ।
स नो रास्व राष्ट्रमिन्द्रजुतं तस्य ते रातौ यशसः स्याम ॥२॥

यशा इन्द्रो यशा अग्निर्यशाः सोमो अजायत ।
यशा विश्वस्य भूतस्याहमस्मि यशस्तमः ॥३॥

(४०) चत्वारिंशं सूक्तम्

(१-३) तृचस्यास्य सूक्तस्याथर्वा ऋषिः । (१-२) प्रथमाद्वितीययोर्ऋचोर्मन्त्रोक्ताः
(३) तृतीयायाश्चेन्द्रो देवताः । (१-२) प्रथमाद्वितीययोर्जगती
(३) तृतीयायाश्चानुष्टुप् छन्दसी
अभयं द्यावापृथिवी इहास्तु नोऽभयं सोमः सविता नः कृणोतु ।
अभयं नोऽस्तूर्वाशुन्तरिक्षं सप्तऋषीणां च हविषाभयं नो अस्तु ॥१॥

अस्मै ग्रामाय प्रदिशश्चतस्र ऊर्जं सुभूतं स्वस्ति सविता नः कृणोतु ।
अशत्र्विन्द्रो अभयं नः कृणोत्वन्व्यत्र राज्ञामभि यातु मन्युः ॥२॥

अनुमित्रं नो अधुरादनमित्रं न उत्तरात् ।
इन्द्रानमित्रं नः पश्चादनमित्रं पुरस्कृधि ॥३॥

(४१) एकचत्वारिंशं सूक्तम्

(१-३) तृचस्यास्य सूक्तस्य ब्रह्मा ऋषिः । मन्त्रोक्ताश्चन्द्रमा वा देवता ।

(१) प्रथमर्चो भुरिगनुष्टुप् (२) द्वितीयाया अनुष्टुप् (३) तृतीयायाश्च त्रिष्टुप् छन्दांसि
मनसे चेतसे धिय आकूतय उत चित्तये ।
मृत्यै श्रुताय चक्षसे विधेम हविषा वयम् ॥१॥

अपानाय व्यानाय प्राणाय भूरिधायसे ।
सरस्वत्या उरुव्यचै विधेम हविषा वयम् ॥२॥

मा नो हासिषुर्ऋषयो दैव्या ये तनूपा ये नस्तन्वस्तनूजाः ।
अमर्त्या मर्त्या अभि नः सचध्वमार्युर्धत्त प्रतरं जीवसे नः ॥३॥

(४२) द्विचत्वारिंशं सूक्तम्

(१-३) तृचस्यास्य सूक्तस्य भृग्वङ्गिरा ऋषिः । मन्युर्देवता । (१-२)

प्रथमाद्वितीययोर्ऋचोर्भुरिगनुष्टुप् (३) तृतीयायाश्चानुष्टुप् छन्दसी

अव ज्यामिव धन्वनो मन्युं तनोमि ते हृदः ।
यथा संमनसौ भूत्वा सखायाविव सचावहै ॥१॥

सखायाविव सचावहा अव मन्युं तनोमि ते ।
अधस्ते अश्मनो मन्युमुपास्यामसि यो गुरुः ॥२॥

अभि तिष्ठामि ते मन्युं पाषर्या प्रपदेन च ।
यथावशो न वादिषो मम चित्तमुपायसि ॥३॥

(४३) त्रिचत्वारिंशं सूक्तम्

(१-३) तृचस्यास्य सूक्तस्य भृग्वङ्गिरा ऋषिः । मन्युशमनं देवता । अनुष्टुप् छन्दः
अयं दुर्भो विमन्युकः स्वायु चारणाय च ।
मन्योर्विमन्युकस्यायं मन्युशमन उच्यते ॥१॥

अयं यो भूरिमूलः समुद्रमवृत्तिष्ठति ।
दुर्भः पृथिव्या उत्थितो मन्युशमन उच्यते ॥२॥

वि ते हनव्यां शरणिं वि ते मुख्यां नयामसि ।
यथावशो न वादिषो मम चित्तमुपायसि ॥३॥

(४४) चतुश्चत्वारिंशं सूक्तम्

(१-३) तृचस्यास्य सूक्तस्य विश्वामित्र ऋषिः । मन्त्रोक्ता वनस्पतिर्वा देवता । (१-
२) प्रथमाद्वितीययोर्ऋचोरनुष्टुप् (३) तृतीयायाश्च त्रिपदा महाबृहती छन्दसी
अस्थाद्द्यौरस्थात्पृथिव्यस्थाद्विश्वमिदं जगत् ।
अस्थुर्वृक्षा ऊर्ध्वस्वप्नास्तिष्ठाद्रोगौ अयं तव ॥१॥

शतं या भेषजानि ते सहस्रं संगतानि च ।
श्रेष्ठमास्त्रावभेषजं वसिष्ठं रोगनाशनम् ॥२॥

रुद्रस्य मूत्रमस्यमृतस्य नाभिः ।
विषाणुका नाम वा असि पितृणां मूलादुत्थिता वातीकृतनाशनी ॥३॥

(४५) पञ्चचत्वारिंशं सूक्तम्

(१-३) तृचस्यास्य सूक्तस्याङ्गिरसः प्रचेता यमश्च ऋषयः । दुःस्वप्नाशनं देवता ।
(१) प्रथमर्चः पथ्यापङ्क्तिः (२) द्वितीयाया भुरिक्रिष्टुप्
(३) तृतीयायाश्चानुष्टुप् छन्दांसि
परोऽपैहि मनस्पाप किमशस्तानि शंससि ।
परैहि न त्वा कामये वृक्षां वनानि सं चर गृहेषु गोषु मे मनः ॥१॥

अवशसा निःशसा यत्पराशसौपारिम जाग्रतो यत्स्वपन्तः ।
अग्निर्विश्वान्यप दुष्कृतान्यजुष्टान्यारे अस्मद्घातु ॥२॥

यदिन्द्र ब्रह्मणस्पतेऽपि मृषा चरामसि ।
प्रचेता न आङ्गिरसो दुरितात्पात्वंहसः ॥३॥

(४६) षट्चत्वारिंशं सूक्तम्

(१-३) तृचस्यास्य सूक्तस्याङ्गिरसः प्रचेता यमश्च ऋषयः ।

दुःस्वप्नाशनं स्वप्नो वा देवता । (१) प्रथमर्चः ककुम्मती विष्टारपङ्क्तिः

(२) द्वितीयायारूयवसाना पञ्चपदा शक्वरीगर्भा जगती (३) तृतीयायाश्चानुष्टुप् छन्दांसि
यो न जीवोऽसि न मृतो देवानाममृतगर्भोऽसि स्वप्न ।
वरुणानी तै माता यमः पिताररुर्नामांसि ॥१॥

विद्य तै स्वप्न जनित्रं देवजामीनां पुत्रोऽसि यमस्य करणः ।
अन्तकोऽसि मृत्युरसि ।
तं त्वा स्वप्न तथा सं विद्य स नः स्वप्न दुष्वप्रयात्पाहि ॥२॥

यथा कलां यथा श्फं यथर्णं संनयन्ति ।
एवा दुष्वप्रयं सर्वं द्विषते सं नयामसि ॥३॥

(४७) सप्तचत्वारिंशं सूक्तम्

(१-३) तृचस्यास्य सूक्तस्याङ्गिरसः प्रचेता यमश्च ऋषयः । (१) प्रथमर्चोऽग्निः

(२) द्वितीयाया विश्वे देवाः (३) तृतीयायाश्च सौधन्वना देवताः । त्रिष्टुप् छन्दः

अग्निः प्रातःसवने पात्वस्मान्वैश्वानरो विश्वकृद्विश्वशंभूः ।
स नः पावको द्रविणे दधात्वायुष्मन्तः सहभक्षाः स्याम ॥१॥

विश्वे देवा मरुत इन्द्रो अस्मान्स्मिन्द्वितीये सवने न जह्युः ।
आयुष्मन्तः प्रियमेषां वदन्तो वयं देवानां सुमतौ स्याम ॥२॥

इदं तृतीयं सर्वनं कवीनामृतेन ये चमसमैरयन्त ।

ते सौधन्वनाः स्व्रानशानाः स्व्रिष्टिं नो ऋभि वस्यौ नयन्तु ॥३॥

(४८) अष्टचत्वारिंशं सूक्तम्

(१-३) तृचस्यास्य सूक्तस्याङ्गिरसः प्रचेता यमश्च ऋषयः । मन्त्रोक्ता देवताः ।

उष्णिक छन्दः

श्येनोऽसि गायत्रच्छन्दा अनु त्वा रभे ।
स्वस्ति मा सं वह्नास्य यज्ञस्योदृचि स्वाहा ॥१॥

ऋभुरसि जगच्छन्दा अनु अनु त्वा रभे ।
स्वस्ति मा सं वह्नास्य यज्ञस्योदृचि स्वाहा ॥२॥

वृषासि त्रिष्टुच्छन्दा अनु त्वा रभे ।
स्वस्ति मा सं वह्नास्य यज्ञस्योदृचि स्वाहा ॥३॥

(४९) एकोनपञ्चाशं सूक्तम्

(१-३) तृचस्यास्य सूक्तस्य गार्ग्य ऋषिः । अग्निर्देवता । (१) प्रथमर्चोऽनुष्टुप् (२)

द्वितीयाया जगती (३) तृतीयायाश्च विराड्जगती छन्दांसि

नृहि ते अग्ने तन्वः क्रूरमानंश मर्त्यः ।
कपिर्बभस्ति तेर्जनं स्वं जरायु गौरिव ॥१॥

मेष इव वै सं च वि चोर्वच्यसे यदुत्तरद्रावुपरश्च खादतः ।
शीर्ष्णा शिरोऽप्ससाप्सो अर्दयन्नंशून्बभस्ति हरितेभिरासभिः ॥२॥

सुपर्णा वाचमक्रतोप द्यव्याखरे कृष्णा इषिरा अनर्तिषुः ।
नि यन्नियन्तिपरस्य निष्कृतिं पुरू रेतौ दधिरे सूर्यश्रितः ॥३॥

(५०) पञ्चाशं सूक्तम्

(१-३) तृचस्यास्य सूक्तस्याथर्वा ऋषिः । अश्विनौ देवते ।

(१) प्रथमर्चो विराड्जगती (२-३) द्वितीयातृतीययोश्च पथ्यापङ्क्तिश्छन्दसी
हतं तर्दं समङ्कमाखुमश्विना छिन्तं शिरो अपि पृष्ठीः शृणीतम् ।

यवा॒न्नेद॒दानपि॑ नह्य॒तं मुख॑मथाभयं कृ॒णुतं॑ धान्या॒यि ॥१॥

तर्द॑ है प॒तङ्ग॑ है ज॒भ्य हा॑ उप॒क्वस॑ ।

ब्र॒ह्मेवा॑संस्थितं ह॒विर॑न॒दन्त॑ इ॒मान्य॑वा॒नहिंस॑न्तो अ॒पोदि॑त ॥२॥

तदा॑प॒ते व॒घा॑प॒ते तृ॑ष्ट॒जम्भा॒ आ शृ॑णोत मे ।

य आ॑र॒णया॑ व्य॒द्धि॒रा ये के च॒ स्थ व्य॑द्धि॒रास्ता॑न्त्सर्वा॒ञ्जम्भ॑यामसि ॥३॥

(५१) एकपञ्चाशं सूक्तम्

(१-३) तृचस्यास्य सूक्तस्य शन्तातिर्ऋषिः । (१-२) प्रथमाद्वितीययोरापः

(३) तृतीयायाश्च वरुणो देवताः । प्रथमर्चो गायत्री (२) द्वितीयायास्त्रिष्टुप्

(३) तृतीयायाश्च जगती छन्दांसि

वा॒योः पू॒तः प॒वित्रे॑ण प्र॒त्यङ् सोमो॑ अ॒ति द्रु॒तः ।

इन्द्र॑स्य॒ युज्यः॒ सर्वा॑ ॥१॥

आपो॑ अ॒स्मान्मा॒तरः॑ सू॒दय॑न्तु घृ॒तेन॑ नो घृ॒तष्वः॑ पु॒नन्तु॑ ।

विश्वं॑ हि रि॒प्रं प्र॒वह॑न्ति दे॒वीरु॑दिदा॒भ्यः शुचि॑रा पू॒त ए॑मि ॥२॥

यत्किं॑ चे॒दं वरु॑ण॒ दैव्ये॑ जने॒ऽभिद्रो॑हं म॒नुष्या॑ऽश्चर॑न्ति ।

अचि॑त्या॒ चेत॑व॒ धर्मा॑ यु॒योपि॑म मा न॒स्तस्मा॑दे॒नसो॑ दे॒व री॑रिषः ॥३॥

(५२) द्विपञ्चाशं सूक्तम्

(१-३) तृचस्यास्य सूक्तस्य भागलिर्ऋषिः । मन्त्रोक्ता देवताः । अनुष्टुप् छन्दः

उत्सूर्यो॑ दि॒व ए॑ति पु॒रो रक्षा॑ंसि नि॒जूर्वन् ।

आदि॑त्यः प॒र्वते॑भ्यो वि॒श्वदृ॑ष्टो अ॒दृष्ट॑हा ॥१॥

नि गा॒वो गो॑ष्ठे अ॒सद॑न्नि मृ॒गासो॑ अ॒विक्ष॑त ।

न्यू॑ऽर्मयो॑ न॒दीनां॑ न्य॒ऽदृष्टा॑ अ॒लिप्स॑त ॥२॥

आ॒यु॒र्ददं॑वि॒पश्चितं॑ श्रु॒तां क॑र॒वस्य॑ वी॒रुध॑म् ।

आभारिषं विश्वभेषजीमस्यादृष्टान्नि शमयत् ॥३॥

(५३) त्रिपञ्चाशं सूक्तम्

(१-३) तृचस्यास्य सूक्तस्य बृहच्छुक्र ऋषिः । मन्त्रोक्ता देवताः ।

(१) प्रथमर्चो जगती (२-३) द्वितीयातृतीययोश्च त्रिष्टुप् छन्दसी
द्यौश्च म इदं पृथिवी च प्रचेतसौ शुक्रो बृहन्दक्षिणया पिपर्तु ।
अनु स्वधा चिकितां सोमो अग्निर्वायुर्नः पातु सविता भर्गश्च ॥१॥

पुनः प्राणः पुनरात्मा न ऐतु पुनश्चक्षुः पुनरसुर्न ऐतु ।

वैश्वानरो नो अदब्धस्तनूपा अन्तस्तिष्ठाति दुरितानि विश्वा ॥२॥

सं वर्चसा पर्यसा सं तनूभिरगन्महि मनसा सं शिवेन ।

त्वष्टा नो अत्र वरीयः कृणोत्वनु नो मार्ष्टु तन्वोरे यद्विरिष्टम् ॥३॥

(५४) चतुष्पञ्चाशं सूक्तम्

(१-३) तृचस्यास्य सूक्तस्य ब्रह्मा ऋषिः । अग्नीषोमौ देवते । अनुष्टुप् छन्दः

इदं तद्युज उत्तरमिन्द्रं शुम्भाम्यष्टये ।

अस्य क्षत्रं श्रियं महीं वृष्टिरिव वर्धया तृणम् ॥१॥

अस्मै क्षत्रमग्नीषोमावस्मै धारयतं रयिम् ।

इमं राष्ट्रस्याभीवर्गे कृणुतं युज उत्तरम् ॥२॥

सबन्धुश्चासबन्धुश्च यो अस्माँ अभिदासति ।

सर्वं तं रन्धयासि मे यजमानाय सुन्वते ॥३॥

(५५) पञ्चपञ्चाशं सूक्तम्

(१-३) तृचस्यास्य सूक्तस्य ब्रह्मा ऋषिः । (१) प्रथमर्चो विश्वे देवाः

(२-३) द्वितीयातृतीययोश्च रुद्रो देवताः । (१, ३) प्रथमातृतीययोर्जगती

(२) द्वितीयायाश्च त्रिष्टुप् छन्दसी

ये पन्थानो बृहवो देवयाना अन्तरा द्यावापृथिवी संचरन्ति ।

तेषामज्यानिं यत्तमो वहांति तस्मै मा देवाः परि दत्तेह सर्वे ॥१॥

ग्रीष्मो हैमन्तः शिशिरो वसन्तः शरद्वर्षाः स्विते नो दधात ।
आ नो गोषु भजता प्रजायां निवात इद्वः शरणे स्याम ॥२॥

इदावत्सरायं परिवत्सरायं संवत्सरायं कृणुता बृहन्नमः ।
तेषां वयं सुमृतौ यज्ञियानामपि भद्रे सौमनसे स्याम ॥३॥

(५६) षट्पञ्चाशं सूक्तम्

(१-३) तृचस्यास्य सूक्तस्य शन्तातिर्ऋषिः । (१) प्रथमर्चो विश्वे देवाः (२-३)
द्वितीयातृतीययोश्च रुद्रो देवताः । (१) प्रथमाया उष्णिग्गर्भा पथ्यापङ्क्तिः (२)
द्वितीयाया अनुष्टुप् (३) तृतीयायाश्च निचृदनुष्टुप् छन्दांसि

मा नो देवा अर्हिर्वधीत्सतोकान्त्सहपुरुषान् ।
संयतं न वि ष्परद्व्यात्तं न सं यमन्नमौ देवजनेभ्यः ।

नमोऽस्त्वसिताय नमस्तिरश्चिराजये ।
स्वजायं बभ्रवे नमो नमो देवजनेभ्यः ॥२॥

सं ते हन्मि दृता दृतः समु ते हन्वा हनू ।
सं ते जिह्वया जिह्वां सम्वास्त्राहं आस्यम् ॥३॥

(५७) सप्तपञ्चाशं सूक्तम्

(१-३) तृचस्यास्य सूक्तस्य शन्तातिर्ऋषिः । रुद्रो देवता
((३) तृतीयाया रुद्रो मन्त्रोक्ता वा) । (१-२) प्रथमाद्वितीययोर्ऋचोरनुष्टुप्
(३) तृतीयायाश्च पथ्याबृहती छन्दसी

इदमिद्धा उं भेषजमिदं रुद्रस्य भेषजम् ।
येनेषुमेकतेजनां शतशल्यामपब्रवत् ॥१॥

जालाषेणाभि षिञ्चत जालाषेणोप सिञ्चत ।
जालाषमुग्रं भेषजं तेन नो मृड जीवसे ॥२॥

शं च नो मयश्च नो मा च नः किं चनाममत् ।
क्षमा रपो विश्वं नो अस्तु भेषजं सर्वं नो अस्तु भेषजम् ॥३॥

(५८) अष्टपञ्चाशं सूक्तम्

(१-३) तृचस्यास्य सूक्तस्याथर्वा ऋषिः । बृहस्पतिर्मन्त्रोक्ता वा देवताः ।
(१) प्रथमर्चो जगती (२) द्वितीयायाः प्रस्तारपङ्क्तिः (३) तृतीयायाश्चानुष्टुप् छन्दांसि
यशसं मेन्द्रो मघवान्कृणोतु यशसं द्यावापृथिवी उभे इमे ।
यशसं मा देवः सविता कृणोतु प्रियो दातुर्दक्षिणाया इह स्याम् ॥१॥

यथेन्द्रो द्यावापृथिव्योर्यशस्वान्यथाप ओषधीषु यशस्वतीः ।
एवा विश्वेषु देवेषु वयं सर्वेषु यशसः स्याम ॥२॥

यशा इन्द्रो यशा अग्निर्यशाः सोमो अजायत ।
यशा विश्वस्य भूतस्याहमस्मि यशस्तमः ॥३॥

(५९) एकोनषष्टितमं सूक्तम्

(१-३) तृचस्यास्य सूक्तस्याथर्वा ऋषिः । रुद्रो मन्त्रोक्ता वा देवताः । अनुष्टुप् छन्दः
अनुडुह्यस्त्वं प्रथमं धेनुभ्यस्त्वमरुन्धति ।
अर्धेनवे वर्यसे शर्म यच्छ चतुष्पदे ॥१॥

शर्म यच्छत्वोषधिः सह देवीररुन्धती ।
करत्पर्यस्वन्तं गोष्ठमयद्मामँ उत पूरुषान् ॥२॥

विश्वरूपां सुभगाम्च्छावदामि जीविलाम् ।
सा नो रुद्रस्यास्तां हेतिं दूरं नयतु गोभ्यः ॥३॥

(६०) षष्टितमं सूक्तम्

(१-३) तृचस्यास्य सूक्तस्याथर्वा ऋषिः । अर्यमा देवता । अनुष्टुप् छन्दः
अयमा यात्यर्यमा पुरस्ताद्विषितस्तुपः ।
अस्या इच्छन्नगुवै पतिमुत जायामजानये ॥१॥

अश्रमदियमर्यमन्न्यासां समनं यती ।
अङ्गो न्वर्यमन्नस्या अन्याः समनमार्यति ॥२॥

धाता दाधार पृथिवीं धाता द्यामुत सूर्यम् ।
धातास्या अगुवै पतिं दधातु प्रतिकाम्यम् ॥३॥

(६१) एकषष्टितमं सूक्तम्

(१-३) तृचस्यास्य सूक्तस्याथर्वा ऋषिः । रुद्रो देवता । (१) प्रथमर्चस्त्रिष्टुप्
(२-३) द्वितीयातृतीययोश्च भुरिक्त्रिष्टुप् छन्दसी

मह्यमापो मधुमदेर्यन्तां मह्यं सूरौ अभरज्ज्योतिषे कम् ।
मह्यं देवा उत विश्वे तपोजा मह्यं देवः सविता व्यचौ धातु ॥१॥

अहं विवेच पृथिवीमुत द्यामहमृतूरजनयं सप्त साकम् ।
अहं सत्यमनृतं यद्वदाम्यहं दैवीं परि वाचं विशश्च ॥२॥

अहं जजान पृथिवीमुत द्यामहमृतूरजनयं सप्त सिन्धून् ।
अहं सत्वमनृतं यद्वदामि यो अग्नीषोमावजुषे सखाया ॥३॥

(६२) द्विषष्टितमं सूक्तम्

(१-३) तृचस्यास्य सूक्तस्याथर्वा ऋषिः । रुद्रो मन्त्रोक्ता वा देवताः । त्रिष्टुप् छन्दः
वैश्वानरो रश्मिभिर्नः पुनातु वार्तः प्राणेनैषिरो नभौभिः ।
द्यावापृथिवी पर्यसा पर्यस्वती ऋतावरी यज्ञियै नः पुनीताम् ॥१॥

वैश्वानरीं सूनृतामा रभध्वं यस्या आशास्तन्वो वीतपृष्ठाः ।
तया गृणन्तः सध्रमादेषु वयं स्याम पतयो रयीणाम् ॥२॥

वैश्वानरीं वर्चस आ रभध्वं शुद्धा भवन्तः शुचयः पावकाः ।
इहेडया सध्रमादं मदन्तो ज्योक्पश्येम् सूर्यमुच्चरन्तम् ॥३॥

(६३) त्रिषष्टितमं सूक्तम्

(१-४) चतुर्ऋचस्यास्य सूक्तस्य द्रुहण ऋषिः । (१-३) प्रथमादितृचस्य निर्ऋतिर्यमो
मृत्युश्च (४) चतुर्थ्या ऋचश्चाग्निर्देवताः । (१) प्रथमाया अतिजगती
(२-३) द्वितीयातृतीययोर्जगतीगर्भा जगती (४) चतुर्थ्याश्चानुष्टुप् छन्दांसि
यत्ते देवी निर्ऋतिराबन्धु दामं ग्रीवास्वविमोक्तं यत् ।
तत्ते वि ष्याम्यायुषे वर्चसे बलायादोमदमन्नमद्धि प्रसूतः ॥१॥

नमोऽस्तु ते निर्ऋते तिग्मतेजोऽयस्मयान्वि चृता बन्धपाशान् ।
यमो मह्यं पुनरित्वां ददाति तस्मै यमाय नमो अस्तु मृत्यवे ॥२॥

अयस्मये द्रुपदे बैधिषे इहाभिहितो मृत्युभिर्ये सहस्रम् ।
यमेन त्वं पितृभिः संविदान उत्तमं नाकमधि रोहयेमम् ॥३॥

संसमिद्युवसे वृषन्नग्रे विश्वान्यर्य आ ।
इडस्पदे समिध्यसे स नो वसून्या भर ॥४॥

(६४) चतुःषष्टितमं सूक्तम्

(१-३) तृचस्यास्य सूक्तस्याथर्वा ऋषिः । विश्वे देवा मनश्च देवताः ।
(१, ३) प्रथमातृतीययोर्ऋचोरनुष्टुप् (२) द्वितीयायाश्च त्रिष्टुप् छन्दसी
सं जानीध्वं सं पृच्यध्वं सं वो मनांसि जानताम् ।
देवा भागं यथा पूर्वे संजानाना उपासते ॥१॥

समानो मन्त्रः समितिः समानी समानं वृतं सह चित्तमेषाम् ।
समानेन वो हविषा जुहोमि समानं चेतौ अभिसंविशध्वम् ॥२॥

समानी व आकूतिः समाना हृदयानि वः ।
समानमस्तु वो मनो यथा वः सुसहासति ॥३॥

(६५) पञ्चषष्टितमं सूक्तम्

(१-३) तृचस्यास्य सूक्तस्याथर्वा ऋषिः । चन्द्र इन्द्रः पराशरो वा देवता ।
(१) प्रथमर्चः पथ्यापङ्क्तिः (२-३) द्वितीयातृतीययोश्चानुष्टुप् छन्दसी

अव म॒न्युरवाय॑ताव॒ ब्राहू॑ म॒नो॒युजा॑ ।
परा॑शर॒ त्वं तेषां॑ परा॑ञ्चं शुष्म॑मर्द॒याधा॑ नो र॒यिमा कृ॑धि ॥१॥

निर्ह॑स्तेभ्यो नैर्ह॑स्तं यं दै॒वाः शरु॑मस्यथ ।
वृ॒श्चामि॑ शत्रू॑णां ब्रा॒हू॒ने॒न ह॒विषा॑ऽहम् ॥२॥

इन्द्र॑श्चकार प्रथ॒मं नैर्ह॑स्तमसुरेभ्यः ।
जय॑न्तु सत्वानो॒ मम॑ स्थि॒रेणेन्द्रै॑ण मे॒दिना॑ ॥३॥

(६६) षट्षष्टितमं सूक्तम्

(१-३) तृचस्यास्य सूक्तस्याथर्वा ऋषिः । चन्द्र इन्द्रो वा देवता । (१)
प्रथमर्चस्त्रिष्टुप् (२-३) द्वितीयातृतीययोश्चानुष्टुप् छन्दसी

निर्ह॑स्तः शत्रु॑रभि॒दासन्न॑स्तु॒ ये सेना॑भि॒र्युध॑मा॒यन्त्य॒स्मान् ।
सम॑र्पयेन्द्र मह॒ता व॒धेन॒ द्रात्वै॑षामघ॒हारो॑ विवि॒द्धः ॥१॥

आत॑न्वाना आ॒यच्छ॑न्तोऽस्य॑न्तो॒ ये च॒ धाव॑थ ।
निर्ह॑स्ताः शत्र॑वः स्थि॒नेन्द्रौ॑ वोऽद्य॒ परा॑शरीत् ॥२॥

निर्ह॑स्ताः सन्तु॒ शत्र॑वोऽङ्गै॑षां म्ला॒पयाम॑सि ।
अथै॑षामिन्द्र॒ वेदांसि॑ शत॒शो वि भ॑जामहै ॥३॥

(६७) सप्तषष्टितमं सूक्तम्

(१-३) तृचस्यास्य सूक्तस्याथर्वा ऋषिः । चन्द्र इन्द्रो वा देवता । अनुष्टुप् छन्दः
परि॒ व॒र्त्मानि॑ स॒र्वत॒ इन्द्रः॑ पू॒षा च॑ स॒स्रतुः॑ ।
मुह्य॑न्त्व॒द्यामूः॑ सेना॑ अ॒मित्रा॑णां पर॒स्तराम् ॥१॥

मू॒ढा अ॒मित्रा॑श्चरताशी॒र्षाण॑ इ॒वाह॑यः ।
तेषां॑ वो अ॒ग्नि॒मू॒ढाना॑मिन्द्रौ॒ हन्तु॑ वरं॒वरम् ॥२॥

ऐषु॑ नह्य॒ वृषा॑जिनं॒ हरि॑णस्या॒ भियं॑ कृधि ।

पराङ्मित्र एषत्वर्वाची गौरुपेषतु ॥३॥

(६८) अष्टषष्टितमं सूक्तम्

(१-३) तृचस्यास्य सूक्तस्याथर्वा ऋषिः । मन्त्रोक्ता देवताः ।

(१) प्रथमर्चश्चतुष्पदा पुरोविराडतिशाक्वरगर्भा जगती (२) द्वितीयाया अनुष्टुप्

(३) तृतीयायाश्चातिजगतीगर्भा त्रिष्टुप् छन्दांसि

आयमगन्त्सविता क्षुरेणोष्णेन वाय उदकेनेहि ।

आदित्या रुद्रा वसव उन्दन्तु सचैतसः सोमस्य राज्ञो वपतु प्रचैतसः ॥१॥

अदितिः श्मश्रु वपत्वाप उन्दन्तु वर्चसा ।

चिकित्सतु प्रजापतिर्दीर्घायुत्वाय चक्षसे ॥२॥

येनावपत्सविता क्षुरेण सोमस्य राज्ञो वरुणस्य विद्वान् ।

तेन ब्रह्माणो वपतेदमस्य गोमानश्चवानयमस्तु प्रजावान् ॥३॥

(६९) एकोनसप्ततितमं सूक्तम्

(१-३) तृचस्यास्य सूक्तस्याथर्वा ऋषिः । बृहस्पतिरश्विनौ च देवते । अनुष्टुप् छन्दः

गिरावरगराटेषु हिरण्ये गोषु यद्यशः ।

सुरायां सिच्यमानायां कीलाले मधु तन्मयि ॥१॥

अश्विना सारघेण मा मधुनाङ्गं शुभस्पती ।

यथा भर्गस्वतीं वार्चमावदानि जनां अनु ॥२॥

मयि वर्चो अथो यशोऽथो यज्ञस्य यत्पयः ।

तन्मयि प्रजापतिर्दिवि द्यामिव दृंहतु ॥३॥

(७०) सप्ततितमं सूक्तम्

(१-३) तृचस्यास्य सूक्तस्य काङ्गायन ऋषिः । अन्नया देवता । जगती छन्दः

यथा मांसं यथा सुरा यथाक्षा अधिदेवने ।

यथा पुंसो वृषणयत स्त्रियां निहन्यते मनः ।

एवा ते अघ्नये मनोऽधि वृत्से नि हन्यताम् ॥१॥

यथा हृस्ती हंस्तिन्याः पदेन पदमुद्युजे ।
यथा पुंसो वृषण्यत स्त्रियां निहन्यते मनः ।
एवा ते अघ्नये मनोऽधि वृत्से नि हन्यताम् ॥२॥

यथा प्रधिर्यथोपधिर्यथा नभ्यं प्रधावधि ।
यथा पुंसो वृषण्यत स्त्रियां निहन्यते मनः ।
एवा ते अघ्नये मनोऽधि वृत्से नि हन्यताम् ॥३॥

(७१) एकसप्ततितमं सूक्तम्

(१-३) तृचस्यास्य सूक्तस्य ब्रह्मा ऋषिः । (१-२) प्रथमाद्वितीययोर्ऋचोरग्निः

(३) तृतीयायाश्च विश्वे देवा देवताः । (१-२) प्रथमाद्वितीययोर्जगती

(३) तृतीयायाश्च त्रिष्टुप् छन्दसी

यदन्नमधि बहुधा विरूपं हिरण्यमश्वमुत गामुजामविम् ।
यदेव किं च प्रतिजग्रहाहमग्निष्टद्धोता सुहृतं कृणोतु ॥१॥

यन्मा हुतमहुतमाजगाम दत्तं पितृभिरनुमतं मनुष्यैः ।
यस्मान्मे मन उदिव रारजीत्यग्निष्टद्धोता सुहृतं कृणोतु ॥२॥

यदन्नमद्यनृतेन देवा दास्यन्नदास्यन्नत संगृणामि ।
वैश्वानरस्य महतो महिम्ना शिवं मह्यं मधुमदस्त्वन्नम् ॥३॥

(७२) द्विसप्ततितमं सूक्तम्

(१-३) तृचस्यास्य सूक्तस्याथर्वाङ्गिरा ऋषिः । शेषोऽर्को देवता । (१) प्रथमर्चो

जगती (२) द्वितीयाया अनुष्टुप् (३) तृतीयायाश्च भुरिगनुष्टुप् छन्दांसि

यथासितः प्रथयते वशां नु वपूषि कृणवन्नसुरस्य मायया ।
एवा ते शेषः सहसायमर्कोऽङ्गेनाङ्गं संसमकं कृणोतु ॥१॥

यथा पसस्तायादुरं वातैन स्थूलभं कृतम् ।

यावत्परस्वतुः पसस्तावत्ते वर्धतां पसः ॥२॥

यावद्दङ्गीनं पारस्वतं हास्तिनं गार्दभं च यत् ।
यावदश्वस्य वाजिनस्तावत्ते वर्धतां पसः ॥३॥

(७३) त्रिसप्ततितमं सूक्तम्

(१-३) तृचस्यास्य सूक्तस्याथर्वा ऋषिः । मन्त्रोक्ता देवताः ।

(१, ३) प्रथमातृतीययोर्ऋचोर्भुरिक्त्रिष्टुप् (२) द्वितीयायाश्च त्रिष्टुप् छन्दसी
एह यातु वरुणः सोमो अग्निर्बृहस्पतिर्वसुभिरेह यातु ।
अस्य श्रियमुपसंयातु सर्व उग्रस्य चेतुः संमनसः सजाताः ॥१॥

यो वः शुष्मो हृदयेष्वन्तराकूर्तिर्या वो मनसि प्रविष्टा ।
तान्त्सीवयामि हविषा घृतेन मयि सजाता रमतिर्वो अस्तु ॥२॥

इहैव स्त मापं याताध्यस्मत्पूषा पुरस्तादपथं वः कृणोतु ।
वास्तोष्पतिरनु वो जोहवीतु मयि सजाता रमतिर्वो अस्तु ॥३॥

(७४) चतुःसप्ततितमं सूक्तम्

(१-३) तृचस्यास्य सूक्तस्याथर्वा ऋषिः ।

(१-२) प्रथमाद्वितीययोर्ऋचोर्मन्त्रोक्ताः (३) तृतीयायाश्च त्रिणामा देवताः ।

(१-२) प्रथमाद्वितीययोरनुष्टुप् (३) तृतीयायाश्च त्रिष्टुप् छन्दसी

सं वः पृच्यन्तां तन्वशुः सं मनांसि समु वृता ।
सं वोऽयं ब्रह्मणस्पतिर्भगुः सं वो अजीगमत् ॥१॥

संज्ञपनं वो मनसोऽथो संज्ञपनं हृदः ।
अथो भगस्य यच्छ्रान्तं तेन संज्ञपयामि वः ॥२॥

यथादित्या वसुभिः संबभूवुर्मुद्भिरुग्रा अहणीयमानाः ।
एवा त्रिणामन्नहणीयमान इमाञ्जनान्त्संमनसस्कृधीह ॥३॥

(७५) पञ्चसप्ततितमं सूक्तम्

(१-३) तृचस्यास्य सूक्तस्य कबन्ध ऋषिः । इन्द्रो देवता ।

(१-२) प्रथमाद्वितीययोर्ऋचोरनुष्टुप् (३) तृतीयायाश्च षट्पदा जगती छन्दसी
निरमुं नुद ओकसः सपत्नो यः पृतन्यति ।
नैर्बाध्येन हविषेन्द्र एनं पराशरीत् ॥१॥

पूमां तं परावतमिन्द्रो नुदतु वृत्रहा ।
यतो न पुनरायति शश्वतीभ्यः समाभ्यः ॥२॥

एतु तिस्रः परावत एतु पञ्च जनाँ अति ।
एतु तिस्रोऽति रोचना यतो न पुनरायति शश्वतीभ्यः समाभ्यो यावत्सूर्यो
असद्विवि ॥३॥

(७६) षट्सप्ततितमं सूक्तम्

(१-४) चतुर्ऋचस्यास्य सूक्तस्य कबन्ध ऋषिः । सान्तपनाग्निर्देवता । (१-२, ४)

प्रथमाद्वितीययोर्ऋचोश्चतुर्थ्याश्चानुष्टुप् (३) तृतीयायाश्च ककुम्मत्यनुष्टुप् छन्दसी
य एनं परिषीदन्ति समादधति चक्षसे ।
संप्रेद्धौ अग्निर्जिह्वाभिरुदैतु हृदयादधि ॥१॥

अग्नेः सांतपनस्याहमायुषे पदमा रभे ।
अद्भ्रातिर्यस्य पश्यति धूममुद्यन्तमास्यतः ॥२॥

यो अस्य समिधुं वेदं क्षत्रियेण समाहिताम् ।
नाभिह्वारे पदं नि दधाति स मृत्यवे ॥३॥

नैनं घ्नन्ति पर्यायिणो न सन्नाँ अवं गच्छति ।
अग्नेर्यः क्षत्रियो विद्वान्नामं गृह्णात्यायुषे ॥४॥

(७७) सप्तसप्ततितमं सूक्तम्

(१-३) तृचस्यास्य सूक्तस्य कबन्ध ऋषिः । जातवेदा देवता । अनुष्टुप् छन्दः

अस्थाद्दयौरस्थात्पृथिव्यस्थाद्विश्वमिदं जगत् ।
आस्थाने पर्वता अस्थु स्थाम्नचश्वाँ अतिष्ठिपम् ॥१॥

य उदानट् पुरायणं य उदानरन्यार्यनम् ।
आवर्तनं निवर्तनं यो गोपा अपि तं हुवे ॥२॥

जातवेदो नि वर्तय श्तं तै सन्त्वावृतः ।
सहस्रं त उपावृतस्तर्भिर्नः पुनरा कृधि ॥३॥

(७८) अष्टसप्ततितमं सूक्तम्

(१-३) तृचस्यास्य सूक्तस्याथर्वा ऋषिः (१-२) प्रथमाद्वितीययोर्ऋचोश्चन्द्रमाः

(३) तृतीयायाश्च त्वष्टा देवते । अनुष्टुप् छन्दः

तेन भूतेन हविषायमा प्यायतां पुनः ।
जायां यामस्मा आवाक्षुस्तां रसेनाभि वर्धताम् ॥१॥

अभि वर्धतां पर्यसाभि राष्ट्रेण वर्धताम् ।
रय्या सहस्रवर्चसेमौ स्तामनुपक्षितौ ॥२॥

त्वष्टा जायामजनयत्त्वष्टास्यै त्वां पतिम् ।
त्वष्टा सहस्रमायुषि दीर्घमायुः कृणोतु वाम् ॥३॥

(७९) एकोनाशीतितमं सूक्तम्

(१-३) तृचस्यास्य सूक्तस्याथर्वा ऋषिः । संस्फानो देवता ।

(१-२) प्रथमाद्वितीययोर्ऋचोर्गायत्री (३) तृतीयायाश्च त्रिपदा प्राजापत्या जगती छन्दसी

अयं नो नभसस्पतिः संस्फानो अभि रक्षतु ।

असमातिं गृहेषु नः ॥१॥

त्वं नो नभसस्पत ऊर्जं गृहेसु धारय ।
आ पुष्टमेत्वा वसु ॥२॥

देव संस्फान सहस्रापोषस्यैशिषे ।

तस्य नो रास्व तस्य नो धेहि तस्य ते भक्तिवासः स्याम ॥३॥

(८०) अशीतितमं सूक्तम्

(१-३) तृचस्यास्य सूक्तस्याथर्वा ऋषिः । चन्द्रमा देवता । (१) प्रथमर्चो भुरिगनुष्टुप्

(२) द्वितीयाया अनुष्टुप् (३) तृतीयायाश्च प्रस्तारपङ्क्तिश्छन्दांसि

अन्तरिक्षेण पतति विश्वा भूतावृचाकशत् ।

शुनो दिव्यस्य यन्महस्तेना ते हविषा विधेम ॥१॥

ये त्रयः कालकाञ्जा दिवि देवा इव श्रिताः ।

तान्सर्वानह ऊतयेऽस्मा अरिष्टतातये ॥२॥

अप्सु ते जन्म दिवि ते सुधस्थं समुद्रे अन्तर्महिमा ते पृथिव्याम् ।

शुनो दिव्यस्य यन्महस्तेना ते हविषा विधेम ॥३॥

(८१) एकाशीतितमं सूक्तम्

(१-३) तृचस्यास्य सूक्तस्याथर्वा ऋषिः । मन्त्रोक्ता आदित्यो वा देवता ।

अनुष्टुप् छन्दः

यन्तासि यच्छसे हस्तावपु रक्षांसि सेधसि ।

प्रजां धनं च गृह्णानः परिहस्तो अभूदयम् ॥१॥

परिहस्तु वि धारयु योनिं गर्भायु धातवे ।

मर्यादे पुत्रमा धेहि तं त्वमा गमयागमे ॥२॥

यं परिहस्तमबिभ्रदितिः पुत्रकाम्या ।

त्वष्टा तमस्या आ बध्नाद्यथा पुत्रं जनादिति ॥३॥

(८२) द्व्यशीतितमं सूक्तम्

(१-३) तृचस्यास्य सूक्तस्य भग ऋषिः । इन्द्रो देवता । अनुष्टुप् छन्दः

आगच्छत आगतस्य नाम गृह्णाम्यायतः ।

इन्द्रस्य वृत्रघ्नो वन्वे वासवस्य शतक्रतोः ॥१॥

येन सूर्या सावित्रीमश्विनोहतुः पथा ।
तेन मामब्रवीद्भगौ जायामा वहतादिति ॥२॥

यस्तैऽङ्कुशो वसुदानो बृहन्निन्द्र हिरण्ययः ।
तेना जनीयते जायां मह्यं धेहि शचीपते ॥३॥

(८३) त्र्यशीतितमं सूक्तम्

(१-४) चतुर्ऋचस्यास्य सूक्तस्याङ्गिरा ऋषिः । मन्त्रोक्ता देवताः । (१-३)
प्रथमादितृचस्यानुष्टुप् (४) चतुर्थ्या ऋचश्चैकावसाना द्विपदा निचृदार्यनुष्टुप् छन्दसी
अपचितुः प्र पतत सुपर्णो वसुतेरिव ।
सूर्यः कृणोतु भेषजं चन्द्रमा वोऽपौच्छतु ॥१॥

एन्येका श्येन्येका कृष्णैका रोहिणी द्वे ।
सर्वासामग्रभं नामावीरघ्नीरपैतन ॥२॥

असूतिका रामायण्यपचित्प्र पतिष्यति ।
ग्लौरितः प्र पतिष्यति स गलुन्तो नशिष्यति ॥३॥

वीहि स्वामाहृतिं जुषानो मनसा स्वाहा मनसा यदिदं जुहोमि ॥४॥

(८४) चतुरशीतितमं सूक्तम्

(१-४) चतुर्ऋचस्यास्य सूक्तस्याङ्गिरा ऋषिः । निऋतिर्देवता ।
(१) प्रथमर्चो भुरिजगती (२) द्वितीयायास्त्रिपदार्षी बृहती
(३) तृतीयाया जगती (४) चतुर्थ्याश्च भुरिक्त्रिष्टुप् छन्दांसि
यस्यास्त आसनि घोरे जुहोम्येषां बृद्धानामवसर्जनाय कम् ।
भूमिरिति त्वाभिप्रमन्वते जना निऋतिरिति त्वाहं परि वेद सर्वतः ॥१॥

भूतै हविष्मती भवैष तै भागो यो अस्मासु ।

मुञ्चेमानुमूनेनसुः स्वाहा ॥२॥

एवो ष्वस्मन्निर्ऋतेऽनेहा त्वमयस्मयान्वि चृता बन्धपाशान् ।
यमो मह्यं पुनरित्वां ददाति तस्मै यमायु नमो अस्तु मृत्यवे ॥३॥

अयस्मये द्रुपदे बैधिष इहाभिहितो मृत्युभिर्ये सहस्रम् ।
यमेन त्वं पितृभिः संविदान उत्तमं नाकमधि रोहयेमम् ॥४॥

(८५) पञ्चाशीतितमं सूक्तम्

(१-३) तृचस्यास्य सूक्तस्याथर्वा ऋषिः । वनस्पतिर्देवता । अनुष्टुप् छन्दः
वरुणो वारयाता अयं देवो वनस्पतिः ।
यद्धमो यो अस्मिन्नाविष्टुस्तमु देवा अवीवरन् ॥१॥

इन्द्रस्य वचसा वयं मित्रस्य वरुणस्य च ।
देवानां सर्वेषां वाचा यद्धमं ते वारयामहे ॥२॥

यथा वृत्र इमा आपस्तस्तम्भ विश्वधा यतीः ।
एवा ते अग्निना यद्धमं वैश्वानरेण वारये ॥३॥

(८६) षडशीतितमं सूक्तम्

(१-३) तृचस्यास्य सूक्तस्याथर्वा ऋषिः । एकवृषो देवता । अनुष्टुप् छन्दः
वृषेन्द्रस्य वृषा दिवो वृषा पृथिव्या अयम् ।
वृषा विश्वस्य भूतस्य त्वमैकवृषो भव ॥१॥

समुद्र ईशे स्रवतामग्निः पृथिव्या वशी ।
चन्द्रमा नक्षत्राणामीशे त्वमैकवृषो भव ॥२॥

सम्राडस्यसुराणां ककुन्मनुष्याणाम् ।
देवानामर्धभागसि त्वमैकवृषो भव ॥३॥

(८७) सप्ताशीतितमं सूक्तम्

(१-३) तृचस्यास्य सूक्तस्याथर्वा ऋषिः । ध्रुवो देवता । अनुष्टुप् छन्दः
आ त्वाहार्षमन्तरभूर्ध्रुवस्तिष्ठाविचाचलत् ।
विशस्त्वा सर्वा वाञ्छन्तु मा त्वद्राष्ट्रमधि भ्रशत् ॥१॥

इहैवैधि मापं च्योष्ठाः पर्वत इवाविचाचलत् ।
इन्द्रेहैव ध्रुवस्तिष्ठेह राष्ट्रमु धारय ॥२॥

इन्द्र एतमदीधरद्ध्रुवं ध्रुवेण हविषा ।
तस्मै सोमो अर्धि ब्रवदयं च ब्रह्मणस्पतिः ॥३॥

(८८) अष्टाशीतितमं सूक्तम्

(१-३) तृचस्यास्य सूक्तस्याथर्वा ऋषिः । ध्रुवो देवता ।
(१-२) प्रथमाद्वितीययोर्ऋचोरनुष्टुप् (३) तृतीयायाश्च त्रिष्टुप् छन्दसी
ध्रुवा द्यौर्ध्रुवा पृथिवी ध्रुवं विश्वमिदं जगत् ।
ध्रुवासः पर्वता इमे ध्रुवो राजा विशामयम् ॥१॥

ध्रुवं ते राजा वरुणो ध्रुवं देवो बृहस्पतिः ।
ध्रुवं त इन्द्रश्चाग्निश्च राष्ट्रं धारयतां ध्रुवम् ॥२॥

ध्रुवोऽच्युतः प्र मृणीहि शत्रूञ्छत्रयतोऽधरान्पादयस्व ।
सर्वा दिशः संमनसः सध्रीचीर्ध्रुवाय ते समितिः कल्पतामिह ॥३॥

(८९) एकोननवतितमं सूक्तम्

(१-३) तृचस्यास्य सूक्तस्याथर्वा ऋषिः । मन्त्रोक्ता देवताः । अनुष्टुप् छन्दः
इदं यत्प्रेणयः शिरौ दत्तं सोमैनु वृष्ययम् ।
ततः परि प्रजातेनु हार्दिं ते शोचयामसि ॥१॥

शोचयामसि ते हार्दिं शोचयामसि ते मनः ।
वातं धूम इव सध्र्यश्नुइ मामेवान्वेतु ते मनः ॥२॥

मह्यं त्वा मित्रावरुणौ मह्यं देवी सरस्वती ।
मह्यं त्वा मध्यं भूम्या उभावन्तौ समस्यताम् ॥३॥

(६०) नवतितमं सूक्तम्

(१-३) तृचस्यास्य सूक्तस्याथर्वा ऋषिः । रुद्रो देवता ।

(१-२) प्रथमाद्वितीययोर्ऋचोरनुष्टुप् (३) तृतीयायाश्चार्षी भुरिगुष्णिक छन्दसी
यां तै रुद्र इषुमास्यदङ्गैभ्यो हृदयाय च ।
इदं तामद्य त्वद्वयं विषूचीं वि वृहामसि ॥१॥

यास्तै शतं धमनयोऽङ्गान्यनु विष्टिताः ।
तासां ते सर्वासां वयं निर्विषाणि ह्वयामसि ॥२॥

नमस्ते रुद्रास्यते नमः प्रतिहितायै ।
नमो विसृज्यमानायै नमो निपतितायै ॥३॥

(६१) एकनवतितमं सूक्तम्

(१-३) तृचस्यास्य सूक्तस्य भृग्वङ्गिरा ऋषिः । (१-२)

प्रथमाद्वितीययोर्ऋचोर्यद्वमनाशनम् (३) तृतीयायाश्च आपो देवताः । अनुष्टुप् छन्दः
इमं यवमष्टायोगैः षद्योगेभिरचर्कषुः ।
तेनां ते तन्वोरे रपोऽपाचीनमप व्यये ॥१॥

न्यशुग्वातो वाति न्यक्तपति सूर्यः ।
नीचीनमघ्न्या दुहे न्यग्भवतु ते रपः ॥२॥

आपु इद्वा उ भेषजीरापो अमीवृचातनीः ।
आपो विश्वस्य भेषजीस्तास्तै कृणवन्तु भेषजम् ॥३॥

(६२) द्विनवतितमं सूक्तम्

(१-३) तृचस्यास्य सूक्तस्याथर्वा ऋषिः । वाजी देवता । (१) प्रथमर्चो जगती

(२-३) द्वितीयातृतीययोश्च त्रिष्टुप् छन्दसी

वातरंहा भव वाजिन्युजमान् इन्द्रस्य याहि प्रसवे मनोजवाः ।
युञ्जन्तु त्वा मरुतो विश्ववेदस आ ते त्वष्टा पत्सु ज्वं दधातु ॥१॥

ज्वस्ते अर्वन्निहितो गुहा यः श्येने वात उत योऽचरत्परीतः ।
तेन त्वं वाजिन्बलवान्बलैनाजिं जय समने परयिष्णुः ॥२॥

तनूष्टै वाजिन्तन्वंशु नयन्ती वाममस्मभ्यं धावतु शर्म तुभ्यम् ।
अहुतो महो धरुणाय देवो दिवीव ज्योतिः स्वमा मिमीयात् ॥३॥

(६३) त्रिनवतितमं सूक्तम्

(१-३) तृचस्यास्य सूक्तस्य शन्तातिर्ऋषिः । (१-२) प्रथमाद्वितीययोर्ऋचो रुद्रः

(३) तृतीयायाश्च विश्वे देवा देवताः । त्रिष्टुप् छन्दः

यमो मृत्युरघमारो निर्ऋथो बभ्रुः शर्वोऽस्ता नीलशिखण्डः ।
देवजनाः सेनयोत्तस्थिवांसस्ते अस्माकं परि वृञ्जन्तु वीरान् ॥१॥

मनसा होमैर्हरसा घृतेन शर्वायास्त्र उत राज्ञे भुवाय ।
नमस्येभ्यो नम एभ्यः कृणोम्यन्यत्रास्मदघविषा नयन्तु ॥२॥

त्रायध्वं नो अघविषाभ्यो वृधाद्विश्वे देवा मरुतो विश्ववेदसः ।
अग्नीषोमा वरुणः पूतदक्षा वातापर्जन्ययोः सुमतौ स्याम ॥३॥

(६४) चतुर्नवतितमं सूक्तम्

(१-३) तृचस्यास्य सूक्तस्याथर्वाङ्गिरा ऋषिः । सरस्वती देवता ।

(१, ३) प्रथमातृतीययोर्ऋचोरनुष्टुप् (२) द्वितीयायाश्च विराड्जगती छन्दसी

सं वो मनांसि सं वृता समाकूतीर्नमामसि ।

अमी ये विव्रता स्थन् तान्वः सं नमयामसि ॥१॥

अहं गृभ्णामि मनसा मनांसि मम चित्तमनु चित्तेभिरेत ।
मम वशेषु हृदयानि वः कृणोमि मम यातमनुवर्तमान एत ॥२॥

ओतै मे द्यावापृथिवी ओता देवी सरस्वती ।
ओतौ म् इन्द्रश्चाग्निश्च ध्यास्मेदं सरस्वति ॥३॥

(६५) पञ्चनवतितमं सूक्तम्

(१-३) तृचस्यास्य सूक्तस्य भृग्वङ्गिरा ऋषिः । वनस्पतिर्देवता । अनुष्टुप् छन्दः
अश्वत्थो देवसदनस्तृतीयस्यामितो दिवि ।
तत्रामृतस्य चक्षुणं देवाः कुष्ठमवन्वत ॥१॥

हिरण्ययी नौरचरद्विरण्यबन्धना दिवि ।
तत्रामृतस्य पुष्पं देवाः कुष्ठमवन्वत ॥२॥

गर्भो अस्योषधीनां गर्भो हिमवतामुत ।
गर्भो विश्वस्य भूतस्येमं मे अगदं कृधि ॥३॥

(६६) षरणवतितमं सूक्तम्

(१-३) तृचस्यास्य सूक्तस्य भृग्वङ्गिरा ऋषिः । (१-२) प्रथमाद्वितीययोर्ऋचोर्वनस्पतिः
(३) तृतीयायाश्च सोमो देवते । (१-२) प्रथमाद्वितीययोरनुष्टुप्
(३) तृतीयायाश्च त्रिपदा विराङ्गायत्री छन्दसी
या ओषधयः सोमराज्ञीर्बृहीः शतविचक्षणाः ।
बृहस्पतिप्रसूतास्ता नो मुञ्चन्त्वंहसः ॥१॥

मुञ्चन्तु मा शपथ्याइदथौ वरुणयादुत ।
अथो यमस्य पड्वीशाद्विश्वस्माद्देवकिल्बिषात् ॥२॥

यच्चक्षुषा मनसा यच्च वाचोपारिम जाग्रतो यत्स्वपन्तः ।
सोमस्तानि स्वधया नः पुनातु ॥३॥

(६७) सप्तनवतितमं सूक्तम्

(१-३) तृचस्यास्य सूक्तस्याथर्वा ऋषिः । (१, ३) प्रथमातृतीययोर्ऋचोर्देवाः
(२) द्वितीयायाश्च मित्रावरुणौ देवताः । (१) प्रथमायास्त्रिष्टुप्
(२) द्वितीयाया जगती (३) तृतीयायाश्च भुरिक्त्रिष्टुप् छन्दांसि

अभिभूर्यज्ञो अभिभूरग्रिरभिभूः सोमो अभिभूरिन्द्रः ।
अभ्यर्हं विश्वाः पृतना यथासान्येवा विधेमाग्निहोत्रा इदं हविः ॥१॥

स्वधास्तु मित्रावरुणा विपश्चिता प्रजावत्क्षत्रं मधुनेह पिन्वतम् ।
बाधेथां दूरं निर्ऋतिं पराचैः कृतं चिदेनः प्र मुमुक्तमुस्मत् ॥२॥

इमं वीरमनु हर्षध्वमुग्रमिन्द्रं सखायो अनु सं रभध्वम् ।
ग्रामजितं गोजितं वज्रबाहुं जयन्तमज्मं प्रमृणन्तमोजसा ॥३॥

(६८) अष्टनवतितमं सूक्तम्

(१-३) तृचस्यास्य सूक्तस्याथर्वा ऋषिः । इन्द्रो देवता ।

(१, ३) प्रथमातृतीययोर्ऋचोस्त्रिष्टुप् (२) द्वितीयायाश्च बृहतीगर्भास्तारपङ्क्तिश्छन्दसी
इन्द्रो जयाति न परा जयाता अधिराजो राजसु राजयातै ।
चर्कृत्य ईड्यो वन्द्यश्चोपसद्यौ नमस्यो भवेह ॥१॥

त्वमिन्द्राधिराजः श्रवस्युस्त्वं भूरभिभूतिर्जनानाम् ।
त्वं दैवीर्विश इमा वि राजायुष्मत्क्षत्रमजरं ते अस्तु ॥२॥

प्राच्यां दिशस्त्वमिन्द्रासि राजतोदीच्या दिशो वृत्रहन्त्रुहोऽसि ।
यत्र यन्ति स्रोत्यास्तज्जितं तै दक्षिणतो वृषभ एषि हव्यः ॥३॥

(६९) नवनवतितमं सूक्तम्

(१-३) तृचस्यास्य सूक्तस्याथर्वा ऋषिः । (१-२) प्रथमाद्वितीययोर्ऋचोरिन्द्रः (३)
तृतीयायाश्चेन्द्रः सोमः सविता च देवताः । (१-२) प्रथमाद्वितीययोरनुष्टुप् (३)
तृतीयायाश्च भुरिग्बृहती छन्दसी

अभि त्वैन्द्र वरिमतः पुरा त्वांहूरणाद्धुवे ।
ह्याम्युग्रं चेतारं पुरुर्णामानमेकजम् ॥१॥

यो अद्य सेन्यो वधो जिघांसन्न उदीरते ।
इन्द्रस्य तत्र बाहू समन्तं परि दद्यः ॥२॥

परि दद्म इन्द्रस्य ब्राह्म समन्तं त्रातुस्त्रायतां नः ।
देवं सवितुः सोमं राजन्सुमनसं मा कृणु स्वस्तये ॥३॥

(१००) शततमं सूक्तम्

(१-३) तृचस्यास्य सूक्तस्य गरुत्मानृषिः । वनस्पतिर्देवता । अनुष्टुप् छन्दः
देवा अदुः सूर्यो अदाद्यौरदात्पृथिव्यदात् ।
तिस्रः सरस्वतिरदुः सचित्ता विषदूषणम् ॥१॥

यद्वौ देवा उपजीका आसिञ्चन्धन्वन्युदकम् ।
तेन देवप्रसूतेनेदं दूषयता विषम् ॥२॥

असुराणां दुहितासि सा देवानामसि स्वसा ।
दिवस्पृथिव्याः संभूता सा चकथारसं विषम् ॥३॥

(१०१) एकोत्तरशततमं सूक्तम्

(१-३) तृचस्यास्य सूक्तस्याथर्वाङ्गिरा ऋषिः । ब्रह्मणस्पतिर्देवता । अनुष्टुप् छन्दः
आ वृषायस्व श्वसिहि वर्धस्व प्रथयस्व च ।
यथाङ्गं वर्धतां शेपस्तेन योषितमिज्जहि ॥१॥

येन कृषं वाजयन्ति येन हिन्वन्त्यातुरम् ।
तेनास्य ब्रह्मणस्पते धनुर्वा तानया पसः ॥२॥

आहं तनोमि ते पसो अधि ज्यामिव धन्वनि ।
क्रमस्वर्श इव रोहितमनवग्लायता सदा ॥३॥

(१०२) द्व्युत्तरशततमं सूक्तम्

(१-३) तृचस्यास्य सूक्तस्य जमदग्निर्ऋषिः । अश्विनौ देवते । अनुष्टुप् छन्दः
यथायं वाहो अश्विना समैति सं च वर्तते ।
एवा मामभि ते मनः समैतु सं च वर्तताम् ॥१॥

आहं खिदामि ते मनो राजाश्वः पृष्ट्यामिव ।
रेष्मच्छिन्नं यथा तृणं मयि ते वेष्टतां मनः ॥२॥

आञ्जनस्य मुदुघस्य कुष्ठस्य नलदस्य च ।
तुरो भर्गस्य हस्ताभ्यामनुरोधनमुद्धरे ॥३॥

(१०३) त्र्युत्तरशततमं सूक्तम्

(१-३) तृचस्यास्य सूक्तस्योच्छोचन ऋषिः । मन्त्रोक्ता इन्द्राग्नी वा देवते ।
अनुष्टुप् छन्दः

सुदानं वो बृहस्पतिः सुदानं सविता करत् ।
सुदानं मित्रो अर्यमा सुदानं भर्गो अश्विना ॥१॥

सं परमान्त्समवमानथो सं द्यामि मध्यमान् ।
इन्द्रस्तान्पर्यहार्दाम्ना तानग्ने सं द्या त्वम् ॥२॥

अमी ये युधमायन्ति केतून्कृत्वानीकशः ।
इन्द्रस्तान्पर्यहार्दाम्ना तानग्ने सं द्या त्वम् ॥३॥

(१०४) चतुरुत्तरशततमं सूक्तम्

(१-३) तृचस्यास्य सूक्तस्य प्रशोचन ऋषिः । मन्त्रोक्ता इन्द्राग्नी वा देवते ।
अनुष्टुप् छन्दः

आदानेन सुदानेनामित्राना द्यामसि ।
अपाना ये चैषां प्राणा असुनासून्त्समच्छिदन् ॥१॥

इदमादानमकरं तपसेन्द्रैण संशितम् ।
अमित्रा येऽत्र नः सन्ति तानग्ने आ द्या त्वम् ॥२॥

ऐनान्द्यतामिन्द्राग्नी सोमो राजा च मेदिनौ ।
इन्द्रो मरुत्वानादानममित्रैभ्यः कृणोतु नः ॥३॥

(१०५) पञ्चोत्तरशततमं सूक्तम्

(१-३) तृचस्यास्य सूक्तस्योन्मोचन ऋषिः । कासा देवता । अनुष्टुप् छन्दः
यथा मनो मनस्केतैः परापतत्याशुमत् ।
एवा त्वं कासे प्र पत मनसोऽनु प्रवाय्यम् ॥१॥

यथा बाणः सुसंशितः परापतत्याशुमत् ।
एवा त्वं कासे प्र पत पृथिव्या अर्नु संवतम् ॥२॥

यथा सूर्यस्य रश्मयः परापतन्त्याशुमत् ।
एवा त्वं कासे प्र पत समुद्रस्यानु विक्षरम् ॥३॥

(१०६) षडुत्तरशततमं सूक्तम्

(१-३) तृचस्यास्य सूक्तस्य प्रमोचन ऋषिः । दूर्वाशाला देवता । अनुष्टुप् छन्दः
आर्यने ते परार्यणे दूर्वा रोहन्तु पुष्पिणीः ।
उत्सो वा तत्र जायतां हृदो वा पुण्डरीकवान् ॥१॥

अपामिदं न्ययनं समुद्रस्य निवेशनम् ।
मध्ये हृदस्य नो गृहाः पराचीना मुखा कृधि ॥२॥

हिमस्य त्वा जरायुणा शाले परि व्ययामसि ।
शीतहृदा हि नो भुवोऽग्निष्कृतो भेषजम् ॥३॥

(१०७) सप्तोत्तरशततमं सूक्तम्

(१-४) चतुर्ऋचस्यास्य सूक्तस्य शन्तातिर्ऋषिः । विश्वजिदेवता । अनुष्टुप् छन्दः
विश्वजित्त्रायमाणायै मा परि देहि ।
त्रायमाणे द्विपाञ्च सर्वं नो रक्ष चतुष्पाडयञ्च नः स्वम् ॥१॥

त्रायमाणे विश्वजिते मा परि देहि ।
विश्वजिद्विपाञ्च सर्वं नो रक्ष चतुष्पाद्यञ्च नः स्वम् ॥२॥

विश्वजित्कल्याण्यै मा परि देहि ।
कल्याणि द्विपाञ्च सर्वं नो रक्ष चतुष्पाद्यच्च नः स्वम् ॥३॥

कल्याणि सर्वविदे मा परि देहि ।
सर्वविदिद्विपाञ्च सर्वं नो रक्ष चतुष्पाद्यच्च नः स्वम् ॥४॥

(१०८) अष्टोत्तरशततमं सूक्तम्

(१-५) पञ्चर्चस्यास्य सूक्तस्य शौनक ऋषिः । (१-३, ५) प्रथमादितृचस्य पञ्चम्या
ऋचश्च मेधा (४) चतुर्थ्याश्चाग्निर्देवते । (१, ४-५) प्रथमाचतुर्थीपञ्चमीनामनुष्टुप्
(२) द्वितीयाया उरोबृहती (३) तृतीयायाश्च पथ्याबृहती छन्दांसि
त्वं नो मेधे प्रथमा गोभिरश्वैभिरा गंहि ।
त्वं सूर्यस्य रश्मिभिस्त्वं नो असि यज्ञिया ॥१॥

मेधामहं प्रथमां ब्रह्मणवतीं ब्रह्मजूतामृषिष्टुताम् ।
प्रपीतां ब्रह्मचारिभिर्देवानामवसे हुवे ॥२॥

यां मेधामृभवो विदुर्या मेधामसुरा विदुः ।
ऋषयो भद्रां मेधां यां विदुस्तां मय्या वैशयामसि ॥३॥

यामृषयो भूतकृतो मेधां मेधाविनो विदुः ।
तया मामद्य मेधयाग्रे मेधाविनं कृणु ॥४॥

मेधां सायं मेधां प्रातर्मेधां मध्यन्दिनं परि ।
मेधां सूर्यस्य रश्मिभिर्वचसा वैशयामहे ॥५॥

(१०९) नवोत्तरशततमं सूक्तम्

(१-३) तृचस्यास्य सूक्तस्याथर्वा ऋषिः । पिप्पली भेषजमायुर्वा देवता ।
अनुष्टुप् छन्दः

पिप्पली क्षिप्रभेषज्युःशतार्तिविद्धभेषजी ।
तां देवाः समकल्पयन्नियं जीवित्वा अलम् ॥१॥

पिप्पल्यः समवदन्तायतीर्जननादधि ।
यं जीवमश्नवामहै न स रिष्याति पूरुषः ॥२॥

असुरास्त्वा न्यखनन्देवास्त्वोदवपुन्पुनः ।
वातीकृतस्य भेषजीमथौ क्षिप्तस्य भेषजीम् ॥३॥

(११०) दशोत्तरशततमं सूक्तम्

(१-३) तृचस्यास्य सूक्तस्याथर्वा ऋषिः । अग्निर्देवता । (१) प्रथमर्चः पङ्क्तिः

(२-३) द्वितीयातृतीययोश्च त्रिष्टुप् छन्दसी

प्रतो हि कमीड्यौ अध्वरेषु सनाच्च होता नव्यश्च सत्सि ।
स्वां चाग्ने तन्व पिप्रायस्वास्मभ्यं च सौभगमा यजस्व ॥१॥

ज्येष्ठघ्रां जातो विचतौर्यमस्य मूलबर्हणात्परि पाह्येनम् ।
अत्येनं नेषदुरितानि विश्वा दीर्घायुत्वाय शतशारदाय ॥२॥

व्याघ्रेऽहयजनिष्ट वीरो नक्षत्रजा जायमानः सुवीरः ।
स मा वधीत्पितरं वर्धमानो मा मातरं प्र मिनीञ्जनित्रीम् ॥३॥

(१११) एकादशोत्तरशततमं सूक्तम्

(१-४) चतुर्ऋचस्यास्य सूक्तस्याथर्वा ऋषिः । अग्निर्देवता ।

(१) प्रथमर्चः परानुष्टुप्त्रिष्टुप् (२-४) द्वितीयादितृचस्य चानुष्टुप् छन्दसी

इमं मे अग्ने पूरुषं मुमुग्ध्ययं यो बद्धः सुर्यतो लालपीति ।
अतोऽधि ते कृणवद्भागधेयं यदानुन्मदितोऽसति ॥१॥

अग्निष्टे नि शमयतु यदि ते मन उद्युतम् ।
कृणोमि विद्वान्भेषजं यथानुन्मदितोऽससि ॥२॥

देवैनुसादुन्मदितुमुन्मत्तं रक्षस्परि ।
कृणोमि विद्वान्भेषजं यदानुन्मदितोऽसति ॥३॥

पुनस्त्वा दुरप्सरसः पुनरिन्द्रः पुनर्भगः ।
पुनस्त्वा दुर्विश्वे देवा यथानुन्मदितोऽसंसि ॥४॥

(११२) द्वादशोत्तरशततमं सूक्तम्

(१-३) तृचस्यास्य सूक्तस्याथर्वा ऋषिः । अग्निर्देवता । त्रिष्टुप् छन्दः
मा ज्येष्ठं वधीद्यमग्र एषां मूलबर्हणात्परि पाह्येनम् ।
स ग्राह्याः पाशान्वि चृत प्रजानन्तुभ्यं देवा अनु जानन्तु विश्वे ॥१॥

उन्मुञ्च पाशांस्त्वमग्र एषां त्रयस्त्रिभिरुत्सिता येभिरासन् ।
स ग्राह्याः पाशान्वि चृत प्रजानन्पितापुत्रौ मातरं मुञ्च सर्वान् ॥२॥

येभिः पाशैः परिवित्तो विबद्धोऽङ्गैर्ऋङ्ग आर्पित उत्सितश्च ।
वि तै मुच्यन्तां विमुचो हि सन्ति भ्रूणघ्नि पूषन्दुरितानि मृद्व ॥३॥

(११३) त्रयोदशोत्तरशततमं सूक्तम्

(१-३) तृचस्यास्य सूक्तस्याथर्वा ऋषिः । पूषा देवता ।
(१-२) प्रथमाद्वितीययोर्ऋचोस्त्रिष्टुप् (३) तृतीयायाश्च पङ्क्तिश्छन्दसी
त्रिते देवा अमृजतैतदेनस्त्रित एनन्मनुष्येषु ममृजे ।
ततो यदि त्वा ग्राहिरानुशे तां तै देवा ब्रह्मणा नाशयन्तु ॥१॥

मरीचीर्धूमान्प्र विशानुं पाप्मन्नुदारान्छोत वा नीहारान् ।
नदीनां फेनां अनु तान्वि नश्य भ्रूणघ्नि पूषन्दुरितानि मृद्व ॥२॥

द्वादशधा निहितं त्रितस्यापमृष्टं मनुष्यैनुसानि ।
ततो यदि त्वा ग्राहिरानुशे तां तै देवा ब्रह्मणा नाशयन्तु ॥३॥

(११४) चतुर्दशोत्तरशततमं सूक्तम्

(१-३) तृचस्यास्य सूक्तस्य ब्रह्मा ऋषिः । विश्वे देवा देवताः । अनुष्टुप् छन्दः
यद्देवा देवहेडनं देवासश्चकृम वयम् ।
आदित्यास्तस्मान्नो यूयमृतस्यर्तेन मुञ्चत ॥१॥

ऋतस्यर्तेनादित्या यजत्रा मुञ्चतेह नः ।
यज्ञं यद्यज्ञवाहसः शिक्तन्तो नोपशेकिम ॥२॥

मेदस्वता यजमानाः स्तुचाज्यानि जुह्वतः ।
अकामा विश्वे वो देवाः शिक्तन्तो नोप शेकिम ॥३॥

(११५) पञ्चदशोत्तरशततमं सूक्तम्

(१-३) तृचस्यास्य सूक्तस्य ब्रह्मा ऋषिः । विश्वे देवा देवताः । अनुष्टुप् छन्दः
यद्विद्वांसो यदविद्वांस एनांसि चकृमा वयम् ।
यूयं नस्तस्मान्मुञ्चत विश्वे देवाः सजोषसह ॥१॥

यदि जाग्रद्यदि स्वप्नेन एनस्योऽकरम् ।
भूतं मा तस्माद्भव्यं च द्रुपदादिव मुञ्चताम् ॥२॥

द्रुपदादिव मुमुचानः स्वन्नः स्नात्वा मलादिव ।
पूतं पवित्रेणैवाज्यं विश्वे शुम्भन्तु मैरसः ॥३॥

(११६) षोडशोत्तरशततमं सूक्तम्

(१-३) तृचस्यास्य सूक्तस्य जाटिकायन ऋषिः । विवस्वान्देवता ।
(१, ३) प्रथमातृतीययोर्ऋचोर्जगती (२) द्वितीयायाश्च त्रिष्टुप् छन्दसा
यद्यामं चक्रुर्निखनन्तो अग्रे कार्षीवणा अन्नविदो न विद्यया ।
वैवस्वते राजनि तज्जुहोम्यथ यज्ञियं मधुमदस्तु नोऽन्नम् ॥१॥

वैवस्वतः कृणवद्भागधेयं मधुभागो मधुना सं सृजाति ।
मातुर्यदेन इषितं न आगन्वद्वा पिताऽपराद्धो जिहीदे ॥२॥

यदीदं मातुर्यदि पितुर्नः परि भ्रातुः पुत्राञ्चेतस एन आगन् ।
यार्वन्तो अस्मान्पितरः सचन्ते तेषां सर्वेषां शिवो अस्तु मन्युः ॥३॥

(११७) सप्तदशोत्तरशततमं सूक्तम्

(१-३) तृचस्यास्य सूक्तस्य कौशिक ऋषिः । अग्निर्देवता । त्रिष्टुप् छन्दः
अपमित्यमप्रतीत्तं यदस्मि यमस्य येन बलिना चरामि ।
इदं तदग्ने अनृणो भवामि त्वं पाशान्विचृतं वेत्थ सर्वान् ॥१॥

इहैव सन्तः प्रति दद्य एनञ्जीवा जीवेभ्यो नि हराम एनत् ।
अपमित्यं धान्यंश्च यज्जघसाहमिदं तदग्ने अनृणो भवामि ॥२॥

अनृणा अस्मिन्नृणाः परस्मिन्तृतीये लोके अनृणाः स्याम ।
ये देवयानाः पितृयाणाश्च लोकाः सर्वान्यथो अनृणा आ क्षियेम ॥३॥

(११८) अष्टादशोत्तरशततमं सूक्तम्

(१-३) तृचस्यास्य सूक्तस्य कौशिक ऋषिः । अग्निर्देवता । त्रिष्टुप् छन्दः
यद्धस्ताभ्यां चकृम किल्बिषारयक्षाणां गन्तुमुपलिप्समानाः ।
उग्रंपश्ये उग्रजितौ तद्द्याप्सरसावनुं दत्तामृणं नः ॥१॥

उग्रंपश्ये राष्ट्रभृत्किल्बिषाणि यद्दक्षवृत्तमनुं दत्तं न एतत् ।
अृणान्नो नर्णमेत्समानो यमस्य लोके अधिरज्जुरायत् ॥२॥

यस्मां ऋणं यस्य जायामुपैमि यं याचमानो अभ्यैमि देवाः ।
ते वाचं वादिषुर्मोत्तरां मद्देवपत्नी अप्सरसावधीतम् ॥३॥

(११९) एकोनविंशत्युत्तरशततमं सूक्तम्

(१-३) तृचस्यास्य सूक्तस्य कौशिक ऋषिः । अग्निर्देवता । त्रिष्टुप् छन्दः
यददीव्यन्नृणमहं कृणोम्यदास्यन्नग्ने उत संगृणामि ।
वैश्वानरो नो अधिपा वसिष्ठ उदिन्नयाति सुकृतस्य लोकम् ॥१॥

वैश्वानराय प्रति वेदयामि यदृणं संगरो देवतासु ।
स एतान्पाशान्विचृतं वेद् सर्वानथ पक्वेन सह सं भवेम ॥२॥

वैश्वानरः पविता मा पुनातु यत्संगरमभिधावाम्याशाम् ।

अनाजानुन्मनसा याचमानो यत्तत्रैनो अप तत्सुवामि ॥३॥

(१२०) विंशत्युत्तरशततमं सूक्तम्

(१-३) तृचस्यास्य सूक्तस्य कौशिक ऋषिः । मन्त्रोक्ता देवताः ।

(१) प्रथमर्चो जगती (२) द्वितीयायाः पङ्क्तिः (३) तृतीयायाश्च त्रिष्टुप् छन्दांसि
यदन्तरिक्षं पृथिवीमुत द्यां यन्मातरं पितरं वा जिहिंसिम ।
अयं तस्माद्गार्हपत्यो नो अग्निरुदिन्नयाति सुकृतस्य लोकम् ॥१॥

भूमिर्मातादितिर्नो जनित्रं भ्रातान्तरिक्षमभिशास्त्या नः ।

द्यौरनः पिता पित्र्याच्छं भवाति जामिमृत्वा माव पत्सि लोकात् ॥२॥

यत्रा सुहार्दः सुकृतो मदन्ति विहाय रोगं तन्वशुः स्वायाः ।

अश्लोणा अङ्गैरहुताः स्वर्गे तत्र पश्येम पितरौ च पुत्रान् ॥३॥

(१२१) एकविंशत्युत्तरशततमं सूक्तम्

(१-४) चतुर्ऋचस्यास्य सूक्तस्य कौशिक ऋषिः । मन्त्रोक्ता देवताः ।

(१-२) प्रथमाद्वितीययोर्ऋचोस्त्रिष्टुप् (३-४) तृतीयाचतुर्थ्योश्चानुष्टुप् छन्दसी
विषाणा पाशान्वि ष्याध्यस्मद्य उत्तमा अधुमा वारुणा ये ।
दुष्वप्रयं दुरितं नि ष्वास्मदथ गच्छेम सुकृतस्य लोकम् ॥१॥

यद्दारुणि ब्रुध्यसे यच्च रज्ज्वां यद्ब्रूम्यां ब्रुध्यसे यच्च वाचा ।

अयं तस्माद्गार्हपत्यो नो अग्निरुदिन्नयाति सुकृतस्य लोकम् ॥२॥

उदगातां भगवती विचृतौ नाम तारके ।

प्रेहामृतस्य यच्छतां प्रैतु बद्धकमोचनम् ॥३॥

वि जिहीष्व लोकं कृणु बन्धान्मुञ्चासि बद्धकम् ।

योन्या इव प्रच्युतो गर्भः पथः सर्वा अनु क्षिय ॥४॥

(१२२) द्वाविंशत्युत्तरशततमं सूक्तम्

(१-५) पञ्चर्चस्यास्य सूक्तस्य भृगुर्ऋषिः । विश्वकर्मा देवता ।

(१-३) प्रथमादितृचस्य त्रिष्टुप् (४-५) चतुर्थीपञ्चम्योर्ऋचोश्च जगती छन्दसी
एतं भागं परि ददामि विद्वान्विश्वकर्मन्प्रथमजा ऋतस्य ।
अस्माभिर्दत्तं जरसः परस्तादच्छिन्नं तन्तुमनु सं तरेम ॥१॥

तत् तन्तुमन्वेके तरन्ति येषां दत्तं पित्र्यमार्यनेन ।
अबन्ध्वेके ददतः प्रयच्छन्तो दातुं चेच्छिन्नान्त्स स्वर्ग एव ॥२॥

अन्वारभेथामनुसंभेथामेतं लोकं श्रद्धांनाः सचन्ते ।
यद्वां पक्वं परिविष्टमग्नौ तस्य गुप्तये दंपती सं श्रयेथाम् ॥३॥

यज्ञं यन्तं मनसा बृहन्तमन्वारोहामि तपसा सयौनिः ।
उपहृता अग्ने जरसः परस्तात्तृतीये नाके सध्रमादं मदेम ॥४॥

शुद्धाः पूता योषितो यज्ञिया इमा ब्रह्मणां हस्तैषु प्रपृथक्सादयामि ।
यत्काम इदमभिषिञ्चामि वोऽहमिन्द्रो मरुत्वान्त्स ददातु तन्मे ॥५॥

(१२३) त्रयोविंशत्युत्तरशततमं सूक्तम्

(१-५) पञ्चर्चस्यास्य सूक्तस्य भृगुर्ऋषिः । विश्वे देवा देवताः ।

(१-२, ५) प्रथमाद्वितीयापञ्चमीनामृचां त्रिष्टुप् (३) तृतीयाया द्विपदा साम्नचनुष्टुप्

(४) चतुर्थ्याश्चैकावसाना द्विपदा प्राजापत्या भुरिगनुष्टुप् छन्दांसि

एतं संधस्थाः परि वो ददामि यं शैवधिमावहाज्जातवैदः ।
अन्वागन्ता यजमानः स्वस्ति तं स्म जानीत परमे व्योमिन् ॥१॥

जानीत स्मैनं परमे व्योमिन्देवाः सधस्था विद लोकमत्र ।
अन्वागन्ता यजमानः स्वस्तीष्टापूतं स्म कृणुताविरस्मै ॥२॥

देवाः पितरः पितरो देवाः ।
यो अस्मि सो अस्मि ॥३॥

स पंचामि स दंदामि स यजे स दत्तान्मा यूषम् ॥४॥

नाकै राजन्प्रति तिष्ठ तत्रैतत्प्रति तिष्ठतु ।
विद्धि पूर्तस्य नो राजन्त्स देव सुमना भव ॥५॥

(१२४) चतुर्विंशत्युत्तरशततमं सूक्तम्

(१-३) तृचस्यास्य सूक्तस्याथर्वा ऋषिः । मन्त्रोक्ता दिव्या आपो वा देवताः ।

त्रिष्टुप् छन्दः

दिवो नु मां बृहतो अन्तरिक्षात्पां स्तोको अभ्युपसद्रसेन ।
समिन्द्रियेण पर्यसाहमग्ने छन्दोभिर्यज्ञैः सुकृतां कृतेन ॥१॥

यदि वृक्षाद्भ्यपसत्फलं तद्यद्यन्तरिक्षात्स उ वायुरेव ।
यत्रास्पृक्षत्तन्वोरे यच्च वासस आपो नुदन्तु निर्ऋतिं पराचैः ॥२॥

अभ्यङ्गनं सुरभि सा समृद्धिर्हिरण्यं वर्चस्तदु पूत्रिममेव ।
सर्वा पवित्रा वितताध्यस्मत्तन्मा तारीन्निर्ऋतिर्मो अरातिः ॥३॥

(१२५) पञ्चविंशत्युत्तरशततमं सूक्तम्

(१-३) तृचस्यास्य सूक्तस्याथर्वा ऋषिः । वनस्पतिर्देवता ।

(१, ३) प्रथमातृतीययोर्ऋचोस्त्रिष्टुप् (२) द्वितीयायाश्च जगती छन्दसी

वनस्पते वीड्वङ्गो हि भूया अस्मत्सखा प्रतरणः सुवीरः ।
गोभिः संनद्धो असि वीडयस्वास्थाता तै जयतु जेत्वानि ॥१॥

दिवस्पृथिव्याः पर्योज उद्धतं वनस्पतिभ्यः पर्याभृतं सहः ।
अपामोज्मानं परि गोभिरावृतमिन्द्रस्य वज्रं हविषा रथं यज ॥२॥

इन्द्रस्यौजौ मरुतामनीकं मित्रस्य गर्भो वरुणस्य नाभिः ।
स इमां नो हव्यदाति जुषाणो देव रथ प्रति हव्या गृभाय ॥३॥

(१२६) षड्विंशत्युत्तरशततमं सूक्तम्

(१-३) तृचस्यास्य सूक्तस्याथर्वा ऋषिः । वानस्पत्यदुन्दुभिर्देवता । (१-२)
प्रथमाद्वितीययोर्ऋचोर्भुरिक्त्रिष्टुप् (३) तृतीयायाश्च पुरोबृहतीविराङ्गर्भा त्रिष्टुप् छन्दसी
उप श्वासय पृथिवीमुत द्यां पुरुत्रा तै वन्वतां विष्टितं जगत् ।
स दुन्दुभे सजूरिन्द्रेण देवैर्दूराद्वीयो अप सेध शत्रून् ॥१॥

आ क्रन्दय बलमोजो न आ धा अभि ष्टेन दुरिता बाधमानः ।
अप सेध दुन्दुभे दुच्छुनामित इन्द्रस्य मुष्टिरसि वीडयस्व ॥२॥

प्रामूं जयाभीश्मे जयन्तु केतुमदुन्दुभिर्वावदीतु ।
समश्वपर्णाः पतन्तु नो नरोऽस्मार्कमिन्द्र रथिनो जयन्तु ॥३॥

(१२७) सप्तविंशत्युत्तरशततमं सूक्तम्

(१-३) तृचस्यास्य सूक्तस्य भृग्वङ्गिरा ऋषिः । वनस्पतिर्यद्धमनाशनं वा देवता ।
(१-२) प्रथमाद्वितीययोर्ऋचोरनुष्टुप् (३) तृतीयायाश्च त्र्यवसाना षट्पदा जगती छन्दसी
विद्रुधस्य बलासस्य लोहितस्य वनस्पते ।
विसर्पकस्योषधे मोच्छिषः पिशितं चन ॥१॥

यौ तै बलासु तिष्ठतः कक्षे मुष्कावपश्रितौ ।
वेदाहं तस्य भेषजं चीपुद्गुरभिचक्षणम् ॥२॥

यो अङ्गयो यः करयो यो अक्षयोर्विसर्पकः ।
वि वृहामो विसर्पकं विद्रुधं हृदयामयम् ।
परा तमज्ञातं यद्धर्ममधुराञ्च सुवामसि ॥३॥

(१२८) अष्टाविंशत्युत्तरशततमं सूक्तम्

(१-४) चतुर्ऋचस्यास्य सूक्तस्याथर्वाङ्गिरा ऋषिः । सोमः शकधूमश्च देवते ।
अनुष्टुप् छन्दः

शकधूमं नक्षत्राणि यद्राजानमकुर्वत ।
भद्राहर्मस्मै प्रार्थच्छन्निदं राष्ट्रमसादिति ॥१॥

भद्राहं नो म॒ध्यन्दिने भद्राहं सा॒यमस्तु नः ।
भद्राहं नो अ॒ह्नां प्रा॒ता रात्री भद्राहमस्तु नः ॥२॥

अ॒होरा॒त्राभ्यां नक्ष॑त्रेभ्यः सु॒र्याचन्द्र॑मसा॒भ्याम् ।
भद्रा॒हम॒स्मभ्यं राज॑च्छक॒धूम॒ त्वं कृ॑धि ॥३॥

यो नो भद्रा॒हम॑करः सा॒यं नक्त॑मथो दि॒वा ।
तस्मै॑ ते नक्ष॑त्रराज॒ शक॑धूम॒ सदा॒ नमः ॥४॥

(१२९) एकोनत्रिंशदुत्तरशततमं सूक्तम्

(१-३) तृचस्यास्य सूक्तस्याथर्वा ऋषिः । भगो देवता । अनुष्टुप् छन्दः
भगे॑न मा शांश॒पेन॑ सा॒कमिन्द्रे॑ण मे॒दिना॑ ।
कृ॒णोमि॑ भ॒गिनं॑ मा॒पं द्रा॒न्त्वरा॑तयः ॥१॥

येन॑ वृ॒क्षाँ अ॒भ्यभ॑वो भगे॑न॒ वर्च॑सा स॒ह ।
तेन॑ मा भ॒गिनं॑ कृ॒णव॑प॒ द्रा॒न्त्वरा॑तयः ॥२॥

यो अ॒न्धो यः पु॑नःस॒रो भगो॑ वृ॒क्षेष्वा॑हितः ।
तेन॑ मा भ॒गिनं॑ कृ॒णव॑प॒ द्रा॒न्त्वरा॑तयः ॥३॥

(१३०) त्रिंशदुत्तरशततमं सूक्तम्

(१-४) चतुर्चस्यास्य सूक्तस्याथर्वा ऋषिः । स्मरो देवता ।
(१) प्रथमर्चो विराट् पुरस्ताद्बृहती (२-४) द्वितीयादितृचस्य चानुष्टुप् छन्दसी
रथ॑जितां राथजि॒तेयी॑नाम॒प्सर॑सा॒मयं॑ स्मरः ।
दे॒वाः प्र हि॑णुत स्मर॒मसौ॑ मामनु॑ शोचतु ॥१॥

अ॒सौ मे॑ स्मर॒तादि॑ति॒ प्रियो॑ मे॑ स्मर॒तादि॑ति ।
दे॒वाः प्र हि॑णुत स्मर॒मसौ॑ मामनु॑ शोचतु ॥२॥

यथा॑ म॒म स्म॑रा॒दसौ॑ नामु॒ष्या॒हं क॒दा च॑न ।

देवाः प्र हिणुत स्मरमसौ मामनु शोचतु ॥३॥

उन्मादयत मरुत उदन्तरिन्न मादय ।
अग्र उन्मादया त्वमसौ मामनु शोचतु ॥४॥

(१३१) एकत्रिंशदुत्तरशततमं सूक्तम्

(१-३) तृचस्यास्य सूक्तस्याथर्वा ऋषिः । स्मरो देवता । अनुष्टुप् छन्दः
नि शीर्षतो नि पत्तुत आध्योऽरे नि तिरामि ते ।
देवाः प्र हिणुत स्मरमसौ मामनु शोचतु ॥१॥

अनुमतेऽन्विदं मन्यस्वाकूते समिदं नमः ।
देवाः प्र हिणुत स्मरमसौ मामनु शोचतु ॥२॥

यद्धारवसि त्रियोजनं पञ्चयोजनमाश्विनम् ।
ततस्त्वं पुनुरार्यसि पुत्राणां नो असः पिता ॥३॥

(१३२) द्वात्रिंशदुत्तरशततमं सूक्तम्

(१-५) पञ्चर्चस्यास्य सूक्तस्याथर्वा ऋषिः । स्मरो देवता । (१) प्रथमर्चस्त्रिपदानुष्टुप्
(२, ४) द्वितीयाचतुर्थ्योस्त्रिपदा विराट् महाबृहती (३) तृतीयाया भुरिगनुष्टुप्
(५) पञ्चम्याश्च त्रिपदा महाबृहती छन्दांसि

यं देवाः स्मरमसिञ्चन्प्स्वशुन्तः शोशुचानं सहाद्या ।
तं तै तपामि वरुणस्य धर्मणा ॥१॥

यं विश्वे देवाः स्मरमसिञ्चन्प्स्वशुन्तः शोशुचानं सहाद्या ।
तं तै तपामि वरुणस्य धर्मणा ॥२॥

यमिन्द्राणी स्मरमसिञ्चदप्स्वशुन्तः शोशुचानं सहाद्या ।
तं तै तपामि वरुणस्य धर्मणा ॥३॥

यमिन्द्राग्नी स्मरमसिञ्चतामप्स्वशुन्तः शोशुचानं सहाद्या ।

तं तै तपामि वरुणस्य धर्मणा ॥४॥

यं मित्रावरुणौ स्मरमसिञ्चतामप्स्वशुन्तः शोशुचानं सहाद्या ।
तं तै तपामि वरुणस्य धर्मणा ॥५॥

(१३३) त्रयस्त्रिंशदुत्तरशततमं सूक्तम्

(१-५) पञ्चर्चस्यास्य सूक्तस्यागस्त्य ऋषिः । मेखला देवता ।

(१) प्रथमर्चो भुरिक्त्रिष्टुप् (२, ५) द्वितीयापञ्चम्योरनुष्टुप्

(३) तृतीयायास्त्रिष्टुप् (४) चतुर्थ्याश्च जगती छन्दांसि

य इमां देवो मेखलामाब्रुवन्ध यः संननाह य उ नो युयोज ।
यस्य देवस्य प्रशिषा चरामः स पारमिच्छात्स उ नो वि मुञ्चात् ॥१॥

आहुतास्यभिहत ऋषीणामस्यायुधम् ।

पूर्वा व्रतस्य प्राश्नती वीरघ्नी भव मेखले ॥२॥

मृत्योरहं ब्रह्मचारी यदस्मि निर्याचन्भूतात्पुरुषं यमाय ।

तमहं ब्रह्मणा तपसा श्रमेणानयैनं मेखलया सिनामि ॥३॥

श्रद्धायां दुहिता तपसोऽधि जाता स्वसा ऋषीणां भूतकृतां ब्रभूव ।

सा नो मेखले मतिमा धैहि मेधामथौ नो धेहि तप इन्द्रियं च ॥४॥

यां त्वा पूर्वे भूतकृत ऋषयः परिबेधिरे ।

सा त्वं परिष्वजस्व मां दीर्घायुत्वाय मेखले ॥५॥

(१३४) चतुस्त्रिंशदुत्तरशततमं सूक्तम्

(१-३) तृचस्यास्य सूक्तस्य शुक्र ऋषिः । वज्रो देवता । (१) प्रथमर्चः परानुष्टुप्

त्रिष्टुप् (२) द्वितीयाया भुरिक्त्रिष्टुप् गायत्री (३) तृतीयायाश्चानुष्टुप् छन्दांसि

अयं वज्रस्तर्पयतामृतस्यावांस्य राष्ट्रमप हन्तु जीवितम् ।

शृणातु ग्रीवाः प्र शृणातूष्णिहा वृत्रस्यैव शचीपतिः ॥१॥

अधरोऽधर उत्तरेभ्यो गूढः पृथिव्या मोत्सृपत् ।
वज्रेणावहतः शयाम् ॥२॥

यो जिनाति तमन्विच्छ यो जिनाति तमिञ्जहि ।
जिनतो वज्र त्वं सीमन्तमन्वञ्चमनु पातय ॥३॥

(१३५) पञ्चत्रिंशदुत्तरशततमं सूक्तम्

(१-३) तृचस्यास्य सूक्तस्य शुक्र ऋषिः । वज्रो देवता । अनुष्टुप् छन्दः
यदृशनामि बलं कुर्व इत्थं वज्रमा ददे ।
स्कन्धानमुष्यं शातर्यन्वृत्रस्यैव शचीपतिः ॥१॥

यत्पिबामि सं पिबामि समुद्र इव संपिबः ।
प्राणानमुष्यं संपाय सं पिबामो अमुं वयम् ॥२॥

यद्गिरामि सं गिरामि समुद्र इव संगिरः ।
प्राणानमुष्यं संगीर्यं सं गिरामो अमुं वयम् ॥३॥

(१३६) षट्त्रिंशदुत्तरशततमं सूक्तम्

(१-३) तृचस्यास्य सूक्तस्य वीतहव्य ऋषिः । नितलीवनस्पतिर्देवता । (१, ३)
प्रथमातृतीययोर्ऋचोरनुष्टुप् (२) द्वितीयायाश्चैकावसाना द्विपदा साम्नी बृहती छन्दसी
देवी देव्यामधि जाता पृथिव्यामस्योषधे ।
तां त्वा नितलि केशैभ्यो दृंहणाय खनामसि ॥१॥

दृंहं प्रत्नाञ्जनयाजाताञ्जातानु वर्षीयसस्कृधि ॥२॥

यस्ते केशोऽवपद्यते समूलो यश्च वृश्चते ।
इदं तं विश्वभेषज्याभि षिञ्चामि वीरुधा ॥३॥

(१३७) सप्तत्रिंशदुत्तरशततमं सूक्तम्

(१-३) तृचस्यास्य सूक्तस्य वीतहव्य ऋषिः । नितलीवनस्पतिर्देवता । अनुष्टुप् छन्दः

यां जुमदग््निरखनदुहित्रे केशवर्धनीम् ।
तां वीतहव्य आभरदसितस्य गृहेभ्यः ॥१॥

अभीशुना मेया आसन्व्यामेनानुमेयाः ।
केशा नडा इव वर्धन्तां शीर्ष्णस्तै असिताः परि ॥२॥

दृह मूलमाग्रं यच्छु वि मध्यं यामयौषधे ।
केशा नडा इव वर्धन्तां शीर्ष्णस्तै असिताः परि ॥३॥

(१३८) अष्टात्रिंशदुत्तरशततमं सूक्तम्

(१-५) पञ्चर्चस्यास्य सूक्तस्याथर्वा ऋषिः । नितबीवनस्पतिर्देवता । (१-२, ४-५)
प्रथमाद्वितीयाचतुर्थीपञ्चमीनामृचामनुष्टुप् (३) तृतीयायाश्च पथ्यापङ्क्तिश्छन्दसी
त्वं वीरुधां श्रेष्ठतमाभिश्चुतास्यौषधे ।
इमं मे अद्य पुरुषं क्लीबमौपशिनं कृधि ॥१॥

क्लीबं कृध्योपशिनमथौ कुरीरिणं कृधि ।
अथास्येन्द्रो ग्रावभ्यामुभे भिनत्त्वाण्डयौ ॥२॥

क्लीबं क्लीबं त्वाकरं वध्रे वधिं त्वाकरमरसारसं त्वाकरम् ।
कुरीरमस्य शीर्षणि कुम्बं चाधिनिदध्मसि ॥३॥

ये तै नाद्यौ देवकृते ययोस्तिष्ठति वृष्यम् ।
ते तै भिनधि शर्म्ययामुष्या अधि मुष्कयौः ॥४॥
यथा नडं कशिपुने स्त्रियौ भिन्दन्त्यश्मना ।
एवा भिनधि ते शेपोऽमुष्या अधि मुष्कयौः ॥५॥

(१३९) एकोनचत्वारिंशदुत्तरशततमं सूक्तम्

(१-५) पञ्चर्चस्यास्य सूक्तस्याथर्वा ऋषिः । वनस्पतिर्देवता । (१)
प्रथमर्चरुच्यवसाना षट्पदा विराड्जगती (२-५) द्वितीयादिचतसृणाञ्चानुष्टुप् छन्दसी
न्यस्तिका रुरोहित्य सुभगंकरणी मम ।

शुतं तव प्रतानास्त्रयस्त्रिंशन्नितानाः ॥
तया सहस्रपर्या हृदयं शोषयामि ते ॥१॥

शुष्यतु मयि ते हृदयमथो शुष्यत्वास्यम् ।
अथो नि शुष्य मां कामेनाथो शुष्कास्या चर ॥२॥

सुवननी समुष्पला बभ्रु कल्याणि सं नुद ।
अमूं च मां च सं नुद समानं हृदयं कृधि ॥३॥

यथोदकमर्पपुषोऽपशुष्यत्यास्यम् ।
एवा नि शुष्य मां कामेनाथो शुष्कास्या चर ॥४॥

यथा नकुलो विच्छिद्य संदधात्यहिं पुनः ।
एवा कामस्य विच्छिन्नं सं धैहि वीर्यावति ॥५॥

(१४०) चत्वारिंशदुत्तरशततमं सूक्तम्

(१-३) तृचस्यास्य सूक्तस्याथर्वा ऋषिः । ब्रह्मणस्पतिर्दन्ता वा देवताः ।

(१) प्रथमर्च उरोबृहती (२) द्वितीयाया उपरिष्ठाञ्जयोतिष्मती त्रिष्टुप्

(३) तृतीयायाश्चास्तारपङ्क्तिश्छन्दांसि

यौ व्याघ्रावर्वरूधौ जिघत्सतः पितरं मातरं च ।
तौ दन्तौ ब्रह्मणस्पते शिवौ कृणु जातवेदः ॥१॥

ब्रीहिमत्तं यवमत्तमथो माषमथो तिलम् ।
एष वां भागो निर्हितो रत्नधेयाय दन्तौ मा हिंसिष्टं पितरं मातरं च ॥२॥

उपहृतौ सयुजौ स्योनौ दन्तौ सुमङ्गलौ ।
अन्यत्र वां घोरं तन्वशुः परैतु दन्तौ मा हिंसिष्टं पितरं मातरं च ॥३॥

(१४१) एकचत्वारिंशदुत्तरशततमं सूक्तम्

(१-३) तृचस्यास्य सूक्तस्य विश्वामित्र ऋषिः । अश्विनौ देवते । अनुष्टुप् छन्दः

वा॒युरे॑नाः सु॒माक॑र॒त्त्वष्टा॑ पोषाय धियताम् ।
इन्द्र॑ आ॒भ्यो अ॒धि ब्र॑वद्बु॒द्रो भू॒म्ने चि॑कित्सतु ॥१॥

लोहि॑तेन॒ स्वधि॑तिना मिथुनं कर्णयोः कृधि ।
अ॒कर्ता॑म॒श्विना॒ लक्ष्म॑ तदस्तु प्र॒जया॑ ब॒ह ॥२॥

यथा॑ च॒क्रुर्दे॑वा॒सुरा यथा॑ मनु॒ष्या उ॒त ।
ए॒वा स॑हस्रपोषाय कृणुतं लक्ष्माश्विना ॥३॥

(१४२) द्विचत्वारिंशदुत्तरशततमं सूक्तम्

(१-३) तृचस्यास्य सूक्तस्य विश्वामित्र ऋषिः । वायुर्देवता । अनुष्टुप् छन्दः
उच्छ्र॑यस्व ब॒हर्भ॑व॒ स्वेन॑ मह॑सा यव ।
मृ॒णीहि॑ विश्वा पात्रा॑णि॒ मा त्वा॑ दि॒व्याश॑निर्वधीत् ॥१॥

आ॒शृ॒णव॑न्तं यवं दे॒वं यत्र॑ त्वाच्छ्रा॒वदा॑मसि ।
तदुच्छ्र॑यस्व॒ द्यौरि॑व॒ समु॒द्र इ॒वैध्य॑क्षितः ॥२॥

अ॒क्षिता॑स्त उप॒सदोऽक्षिताः॑ सन्तु रा॒शयः॑ ।
पृ॒णन्तो॑ अ॒क्षिताः॑ सन्त्व॒त्तारः॑ स॒न्त्वक्षिताः॑ ॥३॥
इति षष्ठं काण्डम्

अथ सप्तमं काण्डम्

(१) प्रथमं सूक्तम्

(१-२) द्व्यृचस्यास्य सूक्तस्याथर्वा ऋषिः । आत्मा देवता ।

(१) प्रथमर्चस्त्रिष्टुप् (२) द्वितीयायाश्च विराड्जगती छन्दसी
धीती वा ये अनयन्वाचो अग्रं मनसा वा येऽवदन्तानि ।
तृतीयैनु ब्रह्मणा वावृधानास्तुरीयेणामन्वत नाम धेनोः ॥१॥

स वैद पुत्रः पितरं स मातरं स सूनुर्भुवत्स भुवत्पुनर्मघः ।

स द्यामौर्णोदन्तरिन्नं स्वशुः स इदं विश्वमभवत्स आभरत् ॥२॥

(२) द्वितीयं सूक्तम्

(१) एकर्चस्यास्य सूक्तस्याथर्वा ऋषिः । आत्मा देवता । त्रिष्टुप् छन्दः

अथर्वाणं पितरं देवबन्धुं मातुर्गर्भं पितुरसुं युवानम् ।
य इमं यज्ञं मनसा चिकेत प्र णौ वोचस्तमिहेह ब्रवः ॥१॥

(३) तृतीयं सूक्तम्

(१) एकर्चस्यास्य सूक्तस्याथर्वा ऋषिः । आत्मा देवता । त्रिष्टुप् छन्दः

अया विष्ठा जनयन्कर्वराणि स हि घृणिरुर्वराय गातुः ।
स प्रत्युदैद्धरुणं मध्वो अग्रं स्वयां तन्वा तन्वमैरयत ॥१॥

(४) चतुर्थं सूक्तम्

(१) एकर्चस्यास्य सूक्तस्याथर्वा ऋषिः । वायुर्देवता । त्रिष्टुप् छन्दः

एकया च दशभिश्च सुहुते द्वाभ्यामिष्टयै विंशत्या च ।
तिसृभिश्च वहसे त्रिंशता च वियुग्भिर्वाय इह ता वि मुञ्च ॥१॥

(५) पञ्चमं सूक्तम्

(१-५) पञ्चर्चस्यास्य सूक्तस्याथर्वा ऋषिः । आत्मा देवता ।

(१-२, ५) प्रथमाद्वितीयापञ्चमीनामृचां त्रिष्टुप् (३) तृतीयायाः पङ्क्तिः

(४) चतुर्थ्याश्चानुष्टुप् छन्दांसि

यज्ञेन यज्ञमयजन्त देवास्तानि धर्माणि प्रथमान्यासन् ।

ते ह नार्कं महिमानः सचन्त यत्र पूर्वे साध्याः सन्ति देवाः ॥१॥

यज्ञो बभूव स आ बभूव स प्र जज्ञे स उ वावृधे पुनः ।
स देवानामधिपतिर्बभूव सो अस्मासु द्रविणमा दधातु ॥२॥

यद्देवा देवान्हविषाऽयजन्तामर्त्यान्मनसा मर्त्येन ।
मदैम तत्र परमे व्योमिन्पश्येम तदुदितौ सूर्यस्य ॥३॥

यत्पुरुषेण हविषा यज्ञं देवा अतन्वत ।
अस्ति नु तस्मादोजीयो यद्विहव्येनेजिरे ॥४॥

मुग्धा देवा उत शुनाऽयजन्तोत गोरङ्गैः पुरुधाऽयजन्त ।
य इमं यज्ञं मनसा चिकेत प्र णौ वोचस्तमिहेह ब्रवः ॥५॥

(६) षष्ठं सूक्तम्

(१-२) द्वयचस्यास्य सूक्तस्याथर्वा ऋषिः । अदितिर्देवता । (१) प्रथमर्चस्त्रिष्टुप्
(२) द्वितीयायाश्च भुरिक्त्रिष्टुप् छन्दसी
अदितिर्द्यौरदितिरन्तरिक्षमदितिर्माता स पिता स पुत्रः ।
विश्वे देवा अदितिः पञ्च जना अदितिर्जातमदितिर्जनित्वम् ॥१॥

महीमू षु मातरं सुव्रतानामृतस्य पत्नीमवसे हवामहे ।
तुविक्षत्रामजरन्तीमुरूचीं सुशर्माणमदितिं सुप्रणीतिम् ॥२॥

(७) सप्तमं सूक्तम्

(१-२) द्वयचस्यास्य सूक्तस्याथर्वा ऋषिः । अदितिर्देवता । विराङ्जगती छन्दः
सुत्रामाणं पृथिवीं द्यामनेहसं सुशर्माणमदितिं सुप्रणीतिम् ।
दैवीं नावं स्वरित्रामनागसो अस्त्रवन्तीमा रुहेमा स्वस्तये ॥१॥

वाजस्य नु प्रसवे मातरं महीमदितिं नाम वचसा करामहे ।
यस्या उपस्थ उर्वशुन्तरिक्षं सा नः शर्म त्रिवरूथं नि यच्छात् ॥२॥

(८) अष्टमं सूक्तम्

(१) एकर्चस्यास्य सूक्तस्याथर्वा ऋषिः । अदितिर्देवता । आसीं जगती छन्दः
दितैः पुत्राणामदितेरकारिषमव देवानां बृहतामनर्मणाम् ।
तेषां हि धामं गभिषक्समुद्रियं नैनान्नमसा पुरो अस्ति कश्चन ॥१॥

(९) नवमं सूक्तम्

(१) एकर्चस्यास्य सूक्तस्योपरिबभ्रव ऋषिः । बृहस्पतिर्देवता । त्रिष्टुप् छन्दः
भद्रादधि श्रेयः प्रेहि बृहस्पतिः पुरणता तै अस्तु ।
अथेममस्या वर आ पृथिव्या आरेशत्रुं कृणुहि सर्ववीरम् ॥१॥

(१०) दशमं सूक्तम्

(१-४) चतुर्ऋचस्यास्य सूक्तस्योपरिबभ्रव ऋषिः । पूषा देवता ।
(१-२) प्रथमाद्वितीययोर्ऋचोस्त्रिष्टुप् (३) तृतीयायास्त्रिपदार्षी गायत्री
(४) चतुर्थ्याश्चानुष्टुप् छन्दांसि
प्रपथे पथामजनिष्ट पूषा प्रपथे दिवः प्रपथे पृथिव्याः ।
उभे अभि प्रियतमे सधस्थे आ च परा च चरति प्रजानन् ॥१॥

पूषेमा आशा अनु वेद सर्वाः सो अस्माँ अभयतमेन नेषत् ।
स्वस्तिदा आघृणिः सर्ववीरोऽप्रयुच्छन्पुर एतु प्रजानन् ॥२॥

पूषन्तव वृते वयं न रिष्येम कदा चन ।
स्तोतारस्त इह स्मसि ॥३॥

परि पूषा परस्ताद्धस्तं दधातु दक्षिणम् ।
पुनर्नो नष्टमार्जतु सं नष्टेन गमेमहि ॥४॥

(११) एकादशं सूक्तम्

(१) एकर्चस्यास्य सूक्तस्य शौनक ऋषिः । सरस्वती देवता । त्रिष्टुप् छन्दः
यस्ते स्तनः शशयुर्यो मयोभूर्यः सुमयुः सुहवो यः सुदत्रः ।
येन विश्वा पुष्यसि वार्याणि सरस्वति तमिह धातवे कः ॥१॥

(१२) द्वादशं सूक्तम्

(१) ए॒क॒र्च॒स्यास्य॑ सू॒क्तस्य॑ शौ॒नक॑ ऋषिः । सर॒स्वती॑ दे॒वता॑ । त्रि॒ष्टुप् छन्दः॑
यस्ते॑ पृथु॒ स्तन॑यि॒त्तुर्य॑ ऋ॒ष्वो दै॒वः के॒तुर्वि॒श्वमा॒भूष॑ती॒दम् ।
मा नो॑ व॒धीर्वि॒द्युता॑ दे॒व स॒स्यं मोत॑ व॒धी र॒श्मिभिः॑ सू॒र्यस्य॑ ॥१॥

(१३) त्रयोदशं सूक्तम्

(१-४) चतु॒र्चस्यास्य॑ सू॒क्तस्य॑ शौ॒नक॑ ऋषिः । (१) प्रथ॑म॒र्चः सभा॑स॒मिती॑ पि॒तरो॑ वा
(२) द्वि॒तीया॑याः स॒भा (३) तृ॒तीया॑या इन्द्रः (४) चतु॒र्थ्याश्च॑ मन्त्रो॒क्ता दे॒वताः ।
(१) प्रथ॑मा॒या भुरि॑क्त्रि॒ष्टुप् (२-४) द्वि॒तीया॑दि॒तृच॑स्य चानु॒ष्टुप् छन्द॑सी
स॒भा च॑ मा॒ समि॑तिश्चा॒वतां॑ प्र॒जाप॑ते॒र्दुहित॑रौ संवि॒दाने॑ ।
येना॑ सं॒गच्छा॑ उप॒ मा स॑ शि॒क्षाच्चारु॑ व॒दानि॑ पि॒तरः॑ सं॒गतेषु॑ ॥१॥

वि॒द्य ते॑ स॒भे नाम॑ न॒रिष्टा॑ नाम॒ वा अ॒सि ।
ये ते॒ के च॑ स॒भास॑द॒स्ते मे॑ सन्तु॒ सर्वा॑च॒सः ॥२॥

ए॒षाम॑हं स॒मासी॑नानां॒ वर्चो॑ वि॒ज्ञान॑मा॒ ददे॑ ।
अ॒स्याः स॒र्वस्याः॑ सं॒सदो॑ मा॒मिन्द्र॑ भु॒गिनं॑ कृणु ॥३॥

यद्वो॑ म॒नः प॑रा॒गतं॑ यद्वृ॒द्धमि॒ह वे॒ह वा॑ ।
तद्वा॑ आ॒ वर्त॑याम॒सि म॒रि॒ वो र॑मतां॒ मनः॑ ॥४॥

(१४) चतुर्दशं सूक्तम्

(१-२) द्व्यृ॒चस्यास्य॑ सू॒क्तस्याथ॑र्वा ऋषिः । सू॒र्यो दे॒वता॑ । अ॒नुष्टु॑प् छन्दः
यथा॑ सू॒र्यो नक्ष॑त्राणा॒मुद्यं॑स्तेजा॒स्याद॑दे ।
ए॒वा स्त्री॑णां च पुं॒सां च॑ द्वि॒षतां॑ वर्च॒ आ द॑दे ॥१॥

याव॑न्तो मा स॒पत्नाना॑मा॒यन्तं॑ प्र॒तिप॑श्यथ ।
उ॒द्यन्त॑सू॒र्य इव॑ सु॒प्तानां॑ द्वि॒षतां॑ वर्च॒ आ द॑दे ॥२॥

(१५) पञ्चदशं सूक्तम्

(१-४) चतुर्ऋचस्यास्य सूक्तस्याथर्वा ऋषिः । सविता देवता । (१-२)
प्रथमाद्वितीययोर्ऋचोरनुष्टुप् (३) तृतीयायास्त्रिष्टुप् (४) चतुर्थ्याश्च जगती छन्दांसि
ऋभि त्यं देवं सवितारमोणयोः कविक्रतुम् ।
अर्चामि सत्यसवं रत्नधामभि प्रियं मतिम् ॥१॥

ऊर्ध्वा यस्यामतिर्भा अदिद्युत्सवीमनि ।
हिरण्यपाणिरमिमीत सुक्रतुः कृपात्स्वः ॥२॥

सावीर्हि देव प्रथमार्य पित्रे वर्ष्माणमस्मै वरिमाणमस्मै ।
अथास्मभ्यं सवितुर्वार्याणि दिवोदिव आ सुवा भूरि पश्वः ॥३॥

दमूना देवः सविता वरेण्यो दधद्रत्नं दक्षं पितृभ्य आयूंषि ।
पिबात्सोमं ममदेनमिष्टे परिज्मा चित्क्रमते अस्य धर्मणि ॥४॥

(१६) षोडशं सूक्तम्

(१) एकर्चस्यास्य सूक्तस्य भृगुर्ऋषिः । सविता देवता । त्रिष्टुप् छन्दः
तां सवितः सत्यसवां सुचित्रामाहं वृणे सुमतिं विश्ववाराम् ।
यामस्य कण्वो अदुहृत्प्रपीनां सहस्रधारां महिषो भर्गाय ॥१॥

(१७) सप्तदशं सूक्तम्

(१) एकर्चस्यास्य सूक्तस्य भृगुर्ऋषिः । सविता देवता । त्रिष्टुप् छन्दः
बृहस्पते सवितर्वर्धयैनं ज्योतयैनं महते सौभगाय ।
संशितं चित्संतरं सं शिशाधि विश्व एनमनु मदन्तु देवाः ॥१॥

(१८) अष्टादशं सूक्तम्

(१-४) चतुर्ऋचस्यास्य सूक्तस्य भृगुर्ऋषिः । सविता मन्त्रोक्ता वा देवता ।
(१) प्रथमर्चस्त्रिपदार्षी गायत्री (२) द्वितीयाया अनुष्टुप्
(३-४) तृतीयाचतुर्थ्योश्च त्रिष्टुप् छन्दांसि
धाता दधातु नो रयिमीशानो जगतस्पतिः ।
स नः पूर्णेन यच्छतु ॥१॥

धा॒ता द॑धातु दा॒शुषे॑ प्रा॒चीं जी॒वातु॑म॒क्षिताम् ।
व॒यं दे॒वस्य॑ धीमहि सु॒म॒तिं वि॒श्वरो॑धसः ॥२॥

धा॒ता विश्वा॑ वा॒र्या द॑धातु प्र॒जाका॑माय दा॒शुषे॑ दुरो॒णे ।
तस्मै॑ दे॒वा अ॒मृतं॑ सं व्य॒यन्तु॑ विश्वे॑ दे॒वा अ॒दितिः॑ सु॒जोषाः॑ ॥३॥

धा॒ता रु॒तिः सं॒विते॑दं जुष॒न्तां प्र॒जाप॑तिर्नि॒धिप॑तिर्नो अ॒ग्निः ।
त्वष्ट्रा॑ विष्णुः प्र॒जया॑ सं॒ररा॒णो यज॑मानाय॒ द्रवि॑णं दधातु ॥४॥

(१६) एकोनविंशं सूक्तम्

(१-२) द्वृचस्यास्य सूक्तस्याथर्वा ऋषिः । पर्जन्यः पृथिवी वा देवता ।
(१) प्रथमर्चश्चतुष्पदा भुरिगुष्णिक (२) द्वितीयायाश्च त्रिष्टुप् छन्दसी
प्र नभस्व पृथिवि भिन्द्धी॑दं दि॒व्यं नभः॑ ।
उ॒बो दि॒व्यस्य॑ नो धा॒तरी॑शा॒नो वि ष्या॑ दृतिम् ॥१॥

न घ्न॑स्त॒ताप॑ न हि॒मो ज॑घान॒ प्र न॑भतां पृथि॒वी जी॑रदा॒नुः ।
आप॑श्चिदस्मै घृ॒तमित्त्वर॑न्ति॒ यत्र॑ सोमः॒ सद॑मित्तत्र॑ भ॒द्रम् ॥२॥

(२०) विंशं सूक्तम्

(१) एकर्चस्यास्य सूक्तस्य ब्रह्मा ऋषिः । मन्त्रोक्ता देवता । जगती छन्दः
प्र॒जाप॑तिर्जनयति प्र॒जा इ॒मा धा॒ता द॑धातु सु॒मन॑स्य॒मानः॑ ।
सं॒जा॒ना॒नाः सं॒मन॑सुः स॒योन॑यो म॒रिचि॑ पु॒ष्टं पु॒ष्टप॑तिर्दधातु ॥१॥

(२१) एकविंशं सूक्तम्

(१-६) षडृचस्यास्य सूक्तस्य ब्रह्मा ऋषिः । अनुमतिर्देवता ।
(१-२) प्रथमाद्वितीययोर्ऋचोरनुष्टुप् (३) तृतीयायास्त्रिष्टुप् (४) चतुर्थ्या भुरिगनुष्टुप्
(५) पञ्चम्या जगती (६) षष्ठ्याश्चातिशाक्वरगर्भा जगती छन्दांसि
अ॒न्व॒द्य नोऽनु॑मतिर्य॒ज्ञं दे॒वेषु॑ मन्यताम् ।
अ॒ग्निश्च॑ ह॒व्यवा॑ह॒नो भव॑तां दा॒शुषे॑ मम ॥१॥

अन्विदनुमते त्वं मंससे शं च नस्कृधि ।
जुषस्व हव्यमाहुतं प्रजां देवि ररास्व नः ॥२॥

अनु मन्यतामनुमन्यमानः प्रजावन्तं रयिमर्क्षीयमाणम् ।
तस्य वयं हेडसि मापि भूम सुमृडीके अस्य सुमतौ स्याम ॥३॥

यत्ते नाम सुहवं सुप्रणीतेऽनुमते अनुमतं सुदानु ।
तेनां नो यज्ञं पिपृहि विश्ववारे रयिं नो धेहि सुभगे सुवीरम् ॥४॥

एमं यज्ञमनुमतिर्जगाम सुक्षेत्रतायै सुवीरतायै सुजातम् ।
भद्रा ह्यस्याः प्रमतिर्बभूव सेमं यज्ञमवतु देवगौपा ॥५॥

अनुमतिः सर्वमिदं बभूव यत्तिष्ठति चरति यदु च विश्वमेर्जति ।
तस्यास्ते देवि सुमतौ स्यामानुमते अनु हि मंससे नः ॥६॥

(२२) द्वाविंशं सूक्तम्

(१) एकर्चस्यास्य सूक्तस्य ब्रह्मा ऋषिः । आत्मा देवता ।

पराशक्वरी विराङ्गर्भा जगती छन्दः

समेतु विश्वे वचसा पतिं दिव एकौ विभूरतिथिर्जनानाम् ।
स पूव्यो नूतनमाविवासत्तं वर्तनिरनु वावृत एकमित्पुरु ॥१॥

(२३) त्रयोविंशं सूक्तम्

(१-२) द्व्यृचस्यास्य सूक्तस्य ब्रह्मा ऋषिः । मन्त्रोक्ता देवता । (१) प्रथमर्चो

द्विपदैकावसाना विराङ्गायत्री (२) द्वितीयायाश्च त्रिपदानुष्टुप् छन्दसी

अयं सहस्रमा नो दृशे कवीनां मतिर्ज्योतिर्विधर्मणि ॥१॥

ब्रध्नः समीचीरुषसः समैरयन् ।

अरेपसः सचैतसः स्वसरे मन्युमत्तमाश्विते गोः ॥२॥

(२४) चतुर्विंशं सूक्तम्

(१) एकर्चस्यास्य सूक्तस्य यम ऋषिः । दुःस्वप्ननाशनं देवता । अनुष्टुप् छन्दः
दौर्ष्वप्रच्य दौर्जीवित्यं रक्षौ अभ्वमराय्यः ।
दुर्गाम्नीः सर्वा दुर्वाचस्ता अस्मन्नाशयामसि ॥१॥

(२५) पञ्चविंशं सूक्तम्

(१) एकर्चस्यास्य सूक्तस्य ब्रह्मा ऋषिः । सविता देवता । त्रिष्टुप् छन्दः
यन्न इन्द्रो अखनद्यदग्निर्विश्वे देवा मरुतो यत्स्वर्काः ।
तदस्मभ्यं सविता सत्यधर्मा प्रजापतिरनुमतिर्नि यच्छात् ॥१॥

(२६) षड्विंशं सूक्तम्

(१-२) द्व्यृचस्यास्य सूक्तस्य मेधातिथिर्ऋषिः । विष्णुर्देवता । त्रिष्टुप् छन्दः
ययोरोजसा स्कभिता रजांसि यौ वीर्यैर्वीरतमा शर्विष्ठा ।
यौ पत्यैते अप्रतीतौ सहोभिर्विष्णुमगन्वरुणं पूर्वहृतिः ॥१॥

यस्येदं प्रदिशि यद्विरोचते प्र चानति वि च चष्टे शर्चीभिः ।
पुरा देवस्य धर्मणा सहोभिर्विष्णुमगन्वरुणं पूर्वहृतिः ॥२॥

(२७) सप्तविंशं सूक्तम्

(१-८) अष्टार्चस्यास्य सूक्तस्य मेधातिथिर्ऋषिः । विष्णुर्देवता ।
(१, ८) प्रथमाष्टम्योर्ऋचोस्त्रिष्टुप् (२) द्वितीयायास्त्रिपदा विराङ्गायत्री
(३) तृतीयायास्त्रयवसाना षट्पदा विराट् शक्वरी
(४-७) चतुर्थ्यादिचतसृणाञ्च गायत्री छन्दांसि
विष्णोर्नु कं प्रा वौचं वीर्याणि यः पार्थिवानि विममे रजांसि ।
यो अस्कभायदुत्तरं सधस्थं विचक्रमाणस्त्रेधोरुगायः ॥१॥

प्र तद्विष्णुं स्तवते वीर्याणि मृगो न भीमः कुचरो गिरिष्ठाः ।
परावत आ जगम्यात्परस्याः ॥२॥

यस्योरुषु त्रिषु विक्रमणेष्वधिक्षियन्ति भुवनानि विश्वा ।
उरु विष्णो वि क्रमस्वोरु क्षयाय नस्कृधि ।

घृतं घृतयोने पिबु प्रप्र यज्ञपतिं तिर ॥३॥

इदं विष्णुर्वि चक्रमे त्रेधा नि दधे पदा ।
समूढमस्य पंसुरे ॥४॥

त्रीणि पदा वि चक्रमे विष्णुर्गोपा अदाभ्यः ।
इतो धर्माणि धारयन् ॥५॥

विष्णोः कर्माणि पश्यतु यतो वृतानि पस्पशे ।
इन्द्रस्य युज्यः सर्वा ॥६॥

तद्विष्णोः परमं पदं सदा पश्यन्ति सूरयः ।
दिवीव चक्षुराततम् ॥७॥

दिवो विष्णु उत वा पृथिव्या महो विष्णु उरोरन्तरिक्षात् ।
हस्तौ पृणस्व बहुभिर्वसव्यैराप्रयच्छ दक्षिणादोत सुव्यात् ॥८॥

(२८) अष्टाविंशं सूक्तम्

(१) एकर्चस्यास्य सूक्तस्य मेधातिथिर्ऋषिः । इडा देवता । त्रिष्टुप् छन्दः
इडैवास्माँ अनु वस्तां वृतेन यस्याः पदे पुनरै देवयन्तः ।
घृतपदी शक्वरी सोमपृष्ठोप यज्ञमस्थित वैश्वदेवी ॥१॥

(२९) एकोनत्रिंशं सूक्तम्

(१) एकर्चस्यास्य सूक्तस्य मेधातिथिर्ऋषिः । वेदो देवता । त्रिष्टुप् छन्दः
वेदः स्वस्तिर्दुघ्नः स्वस्तिः परशुर्वेदिः परशुर्नः स्वस्ति ।
हविष्कृतौ यज्ञिया यज्ञकामास्ते देवासौ यज्ञमिमं जुषन्ताम् ॥१॥

(३०) त्रिंशं सूक्तम्

(१-२) द्वयचस्यास्य सूक्तस्य मेधातिथिर्ऋषिः । मन्त्रोक्ता देवता । त्रिष्टुप् छन्दः
अग्नाविष्णु महि तद्वा महित्वं पाथो घृतस्य गुह्यस्य नाम ।

दमेदमे सप्त रत्ना दधानौ प्रति वां जिह्वा घृतमा चरण्यात् ॥१॥

अग्नाविष्णु महि धाम प्रियं वां वीथो घृतस्य गुह्या जुषाणौ ।
दमेदमे सुष्टुत्या वावृधानौ प्रति वां जिह्वा घृतमुच्चरण्यात् ॥२॥

(३१) एकत्रिंशं सूक्तम्

(१) एकर्चस्यास्य सूक्तस्य भृग्वङ्गिरा ऋषिः । द्यावापृथिव्यौ मन्त्रोक्ता वा देवताः ।
बृहती छन्दः

स्वाक्तं मे द्यावापृथिवी स्वाक्तं मित्रो अकरयम् ।
स्वाक्तं मे ब्रह्मणस्पतिः स्वाक्तं सविता करत् ॥१॥

(३२) द्वात्रिंशं सूक्तम्

(१) एकर्चस्यास्य सूक्तस्य भृग्वङ्गिरा ऋषिः । इन्द्रो देवता । भुरिक्विष्टुप् छन्दः
इन्द्रोतिभिर्बहुलाभिर्नो अद्य यावच्छ्रेष्ठाभिर्मघवञ्छूर जिन्व ।
यो नो द्वेष्ट्यधर सस्पदीष्ट यमु द्विष्मस्तमु प्राणो जहातु ॥१॥

(३३) त्रयस्त्रिंशं सूक्तम्

(१) एकर्चस्यास्य सूक्तस्य ब्रह्मा ऋषिः । आयुर्देवता । अनुष्टुप् छन्दः
उप प्रियं पनिप्रतं युवानमाहुतीवृधम् ।
अगन्म बिभ्रतो नमो दीर्घमार्युः कृणोतु मे ॥१॥

(३४) चतुस्त्रिंशं सूक्तम्

(१) एकर्चस्यास्य सूक्तस्य ब्रह्मा ऋषिः । मरुदादयो देवताः । पथ्यापङ्क्तिश्छन्दः
सं मा सिञ्चन्तु मरुतः सं पूष सं बृहस्पतिः ।
सं मायमग्निः सिञ्चतु प्रजया च धनेन च दीर्घमार्युः कृणोतु मे ॥१॥

(३५) पञ्चत्रिंशं सूक्तम्

(१) एकर्चस्यास्य सूक्तस्याथर्वा ऋषिः । जातवेदा देवता । जगती छन्दः
अग्ने जातान्प्र गुदा मे सपत्नान्प्रत्यजाताञ्जातवेदो नुदस्व ।
अधस्पदं कृणुष्व ये पृतन्यवोऽनागसस्ते वृयमदितये स्याम ॥१॥

(३६) षड्विंशं सूक्तम्

(१-३) तृचस्यास्य सूक्तस्याथर्वा ऋषिः । जातवेदा देवता ।

(१-२) प्रथमाद्वितीययोर्ऋचोरनुष्टुप् (३) तृतीयायाश्च त्रिष्टुप् छन्दसी
प्रान्यान्त्सपत्नान्त्सहसा सहस्व प्रत्यजाताञ्जातवेदो नुदस्व ।
इदं राष्ट्रं पिपृहि सौभगाय विश्वं एनमनु मदन्तु देवाः ॥१॥

इमा यास्तै शतं हिराः सहस्रं धमनीरुत ।

तासां ते सर्वासामहमश्मना बिलमप्यधाम् ॥२॥

परं योनेरवरं ते कृणोमि मा त्वा प्रजाभि भून्मोत सूनुः ।

अस्वँश् त्वाप्रजसं कृणोम्यश्मानं ते अपिधानं कृणोमि ॥३॥

(३७) सप्तत्रिंशं सूक्तम्

(१) एकर्चस्यास्य सूक्तस्याथर्वा ऋषिः । अग्नि देवता । अनुष्टुप् छन्दः

अद्ध्यौ नौ मधुसंकाशे अनीकं नौ समञ्जनम् ।

अन्तः कृष्णुष्व मां हृदि मनु इन्नौ सहासति ॥१॥

(३८) अष्टात्रिंशं सूक्तम्

(१) एकर्चस्यास्य सूक्तस्याथर्वा ऋषिः । मन्त्रोक्ता देवता । अनुष्टुप् छन्दः

अभि त्वा मनुजातेन दधामि मम वाससा ।

यथाऽसो मम केवलो नान्यासां कीर्तयाश्चन ॥१॥

(३९) एकोनचत्वारिंशं सूक्तम्

(१-५) पञ्चर्चस्यास्य सूक्तस्याथर्वा ऋषिः । आसुरीवनस्पतिर्देवता । (१-२, ४-५)

प्रथमाद्वितीयाचतुर्थीपञ्चमीनामृचामनुष्टुप् (३) तृतीयायाश्च चतुष्पदोष्णिक छन्दसी
इदं खनामि भेषजं मां पश्यमभिरोरुदम् ।

परायतो निवर्तनमायतः प्रतिनन्दनम् ॥१॥

येनां निचक्र आसुरीन्द्रं देवेभ्यस्परि ।

तेना नि कुर्वे त्वामहं यथा तेऽसानि सुप्रिया ॥२॥

प्रतीची सोममसि प्रतीच्युत सूर्यम् ।
प्रतीची विश्वान्देवान्तां त्वाच्छावदामसि ॥३॥

अहं वदामि नेत्त्वं सभायामह त्वं वद ।
ममेदसस्त्वं केवलो नान्यासां कीर्तयाश्चन ॥४॥

यदि वासि तिरोजनं यदि वा नद्यस्तिरः ।
इयं ह मह्यं त्वामोषधिर्बद्ध्वेव न्यानयत् ॥५॥

(४०) चत्वारिंशं सूक्तम्

(१) एकर्चस्यास्य सूक्तस्य प्रस्करव ऋषिः । मन्त्रोक्ता देवताः । त्रिष्टुप् छन्दः
दिव्यं सुपर्णं पयसं बृहन्तम्पां गर्भं वृषभमोषधीनाम् ।
अभीपतो वृष्ट्या तर्पयन्तमा नो गोष्ठे रयिष्ठां स्थापयाति ॥१॥

(४१) एकचत्वारिंशं सूक्तम्

(१-२) द्व्यृचस्यास्य सूक्तस्य प्रस्करव ऋषिः । सरस्वान् देवता ।
(१) प्रथमर्चो भुरिक्त्रिष्टुप् (२) द्वितीयायाश्च त्रिष्टुप् छन्दसी
यस्य वृतं पशवो यन्ति सर्वे यस्य वृत उपतिष्ठन्त आर्पः ।
यस्य वृते पुष्टपतिर्निर्विष्टस्तं सरस्वन्तमवसे हवामहे ॥१॥

आ प्रत्यञ्चं दाशुषे दाश्वंसं सरस्वन्तं पुष्टपतिं रयिष्ठाम् ।
रायस्पोषं श्रवस्युं वसाना इह हुवेम सदनं रयीणाम् ॥२॥

(४२) द्विचत्वारिंशं सूक्तम्

(१-२) द्व्यृचस्यास्य सूक्तस्य प्रस्करव ऋषिः । श्येनो देवता ।
(१) प्रथमर्चो जगती (२) द्वितीयायाश्च त्रिष्टुप् छन्दसी
अति धन्वान्यत्यपस्तर्द श्येनो नृचक्षा अवसानदर्शः ।
तरन्विश्वान्यवरा रजांसीन्द्रेण सरख्या शिव आ जगम्यात् ॥१॥

श्येनो नृचक्षा दिव्यः सुपर्णः सहस्रपाच्छतयौनिर्वयोधाः ।
स नो नि यच्छाद्वसु यत्पराभृतमस्माकमस्तु पितृषु स्वधारवत् ॥२॥

(४३) त्रिचत्वारिंशं सूक्तम्

(१-२) द्वयचस्यास्य सूक्तस्य प्रस्करव ऋषिः । मन्त्रोक्ता देवताः । त्रिष्टुप् छन्दः
सोमारुद्रा वि वृहतं विषूचीममीवा या नो गयमाविवेश ।
बाधेथां दूरं निर्ऋतिं पराचैः कृतं चिदेनः प्र मुमुक्तमस्मत् ॥१॥

सोमारुद्रा युवमेतान्यस्मद्विश्वा तनूषु भेषजानि धत्तम् ।
अव स्यतं मुञ्चतं यन्नो असत्तनूषु बद्धं कृतमेनो अस्मत् ॥२॥

(४४) चतुश्चत्वारिंशं सूक्तम्

(१) एकर्चस्यास्य सूक्तस्य प्रस्करव ऋषिः । वाग्देवता । त्रिष्टुप् छन्दः
शिवास्त एका अशिवास्त एकाः सर्वा बिभर्षि सुमनस्यमानः ।
तिस्रो वाचो निर्हिता अन्तरस्मिन्तासामेका वि पपातानु घोषम् ॥१॥

(४५) पञ्चचत्वारिंशं सूक्तम्

(१) एकर्चस्यास्य सूक्तस्य प्रस्करव ऋषिः । मन्त्रोक्ता देवताः । भुरिक्रिष्टुप् छन्दः
उभा जिग्यथुर्न परा जयेथे न परा जिग्ये कतरश्चनैनयोः ।
इन्द्रश्च विष्णो यदपस्पृधेथां त्रेधा सहस्रं वि तदैरयेथाम् ॥१॥

(४६) षट्चत्वारिंशं सूक्तम्

(१) एकर्चस्यास्य सूक्तस्य प्रस्करव ऋषिः । भेषजं देवता । अनुष्टुप् छन्दः
जनाद्विश्वाजनीनात्सिन्धुतस्पर्याभृतम् ।
दूरात्त्वा मन्य उद्धृतमीर्ष्याया नाम भेषजम् ॥१॥

(४७) सप्तचत्वारिंशं सूक्तम्

(१) एकर्चस्यास्य सूक्तस्य प्रस्करव ऋषिः । मन्त्रोक्ता देवता । अनुष्टुप् छन्दः
अग्नेरिवास्य दहतो दावस्य दहतः पृथक् ।
एतामेतस्येर्ष्यामुद्राग्निमिव शमय ॥१॥

(४८) अष्टचत्वारिंशं सूक्तम्

(१-३) तृचस्यास्य सूक्तस्याथर्वा ऋषिः । मन्त्रोक्ता देवताः । (१-२)

प्रथमाद्वितीययोर्ऋचोरनुष्टुप् (३) तृतीयायाश्च त्रिष्टुप् छन्दसी

सिनीवालि पृथुष्टुके या देवानामसि स्वसा ।

जुषस्व हव्यमाहुतं प्रजां देवि दिदिङ्घि नः ॥१॥

या सुबाहुः स्वङ्गुरिः सुषूमा बहुसूवरी ।

तस्यै विश्वपत्न्यै हविः सिनीवाल्यै जुहोतन ॥२॥

या विश्वतीन्द्रमसि प्रतीची सहस्रस्तुकाभियन्ती देवी ।

विष्णोः पत्नि तुभ्यं राता हवींषि पतिं देवि राधसे चोदयस्व ॥३॥

(४९) एकोनपञ्चाशं सूक्तम्

(१-२) द्व्यृचस्यास्य सूक्तस्याथर्वा ऋषिः । मन्त्रोक्ता देवताः । (१) प्रथमर्चो जगती

(२) द्वितीयायाश्च त्रिष्टुप् छन्दसी

कुहं देवीं सुकृतं विद्युनापंसमस्मिन्यज्ञे सुहवां जोहवीमि ।

सा नो रयिं विश्ववारं नि यच्छाददातु वीरं शतदायमुक्थ्यम् ॥१॥

कुहूर्देवानाममृतस्य पत्नी हव्या नो अस्य हविषो जुषेत ।

शृनोतु यज्ञमुशती नो अद्य रायस्पोषं चिकितुषी दधातु ॥२॥

(५०) पञ्चाशं सूक्तम्

(१-२) द्व्यृचस्यास्य सूक्तस्याथर्वा ऋषिः । मन्त्रोक्ता देवता । जगती छन्दः

राकामहं सुहवां सुष्टुती हुवे शृणोतु नः सुभगा बोधतु त्मना ।

सीव्यत्वर्षः सूच्याच्छिद्यमानया ददातु वीरं शतदायमुक्थ्यम् ॥१॥

यास्तै राके सुमतयः सुपेशसो याभिर्ददासि दाशुषे वसूनि ।

ताभिर्नो अद्य सुमना उपागहि सहस्रापोषं सुभगे रराणा ॥२॥

(५१) एकपञ्चाशं सूक्तम्

(१-२) द्व्यचस्यास्य सूक्तस्याथर्वा ऋषिः । देवपत्न्यो देवताः ।

(१) प्रथमर्च आर्षी जगती (२) द्वितीयायाश्च चतुष्पदा पङ्क्तिश्छन्दसी
देवानां पत्नीरुशतीरवन्तु नः प्रावन्तु नस्तुजये वाजसातये ।
याः पार्थिवासो या अपामपि वृते ता नो देवीः सुहवाः शर्म यच्छन्तु ॥१॥

उत ग्रा व्यन्तु देवपत्नीरिन्द्राण्यशुग्राय्यश्विनी राट् ।
आ रोदसी वरुणानी शृणोतु व्यन्तु देवीर्य ऋतुर्जनीनाम् ॥२॥

(५२) द्विपञ्चाशं सूक्तम्

(१-६) नवर्चस्यास्य सूक्तस्याङ्गिरा ऋषिः । इन्द्रो देवता । (१-२, ५, ८-६)

प्रथमाद्वितीयापञ्चम्यष्टमीनवमीनामृचामनुष्टुप् (३, ७) तृतीयासप्तम्योस्त्रिष्टुप्

(४) चतुर्थ्या जगती (६) षष्ठ्याश्च भुरिक्विष्टुप् छन्दांसि

यथा वृक्षमशनिर्विश्वाहा हन्त्यप्रति ।
एवाहमद्य कितवान्क्षैर्बध्यासमप्रति ॥१॥

तुराणामतुराणां विशामवर्जुषीणाम् ।
समैतु विश्वतो भगौ अन्तर्हस्तं कृतं मम ॥२॥

ईडे अग्निं स्वावसुं नमोभिरिह प्रसक्तो वि चयत्कृतं नः ।
रथैरिव प्र भरे वाजयद्भिः प्रदक्षिणं मरुतां स्तोममृध्याम् ॥३॥

वयं जयेम त्वया युजा वृतमस्माकमंशमुदवा भरैभरे ।
अस्मभ्यमिन्द्र वरीयः सुगं कृधि प्र शत्रूणां मघवन्वृष्या रुज ॥४॥

अजैषं त्वा संलिखितमजैषमुत संरुधम् ।
अविं वृको यथा मथदेवा मथ्नामि ते कृतम् ॥५॥

उत प्रहामतिदीवा जयति कृतमिव श्वघ्नी वि चिनोति काले ।
यो देवकामो न धनं रुणद्धि समित्तं रायः सृजति स्वधाभिः ॥६॥

गोभिष्टरेमामतिं दुरेवां यवेन वा क्षुधं पुरुहूत विश्वे ।
वयं राजसु प्रथमा धनान्यरिष्टासो वृजनीभिर्जयेम ॥७॥

कृतं मे दक्षिणे हस्तं जयो मे सुव्य आहितः ।
गोजिद्धूयासमश्चजिद्धनंजयो हिरण्यजित् ॥८॥

अक्षाः फलवतीं द्युवं दत्त गां क्षीरिणीमिव ।
सं मा कृतस्य धारया धनुः स्राव्णैव नह्यत ॥९॥

(५३) त्रिपञ्चाशं सूक्तम्

(१) एकर्चस्यास्य सूक्तस्याङ्गिरा ऋषिः । इन्द्राबृहस्पती देवते । त्रिष्टुप् छन्दः
बृहस्पतिर्नः परिं पातु पश्चादुतोत्तरस्मादधरादघायोः ।
इन्द्रः पुरस्तादुत मध्यतो नः सखा सखिभ्यो वरीयः कृणोतु ॥१॥

(५४) चतुष्पञ्चाशं सूक्तम्

(१-२) द्व्यृचस्यास्य सूक्तस्याथर्वा ऋषिः । सांमनस्यमश्विनौ च देवताः ।
(१) प्रथमर्चः ककुम्मत्यनुष्टुप् (२) द्वितीयायाश्च जगती छन्दसी
संज्ञानं नः स्वेभिः संज्ञानमरणेभिः ।
संज्ञानमश्विना युवमिहास्मासु नि यच्छतम् ॥१॥

सं जानामहै मनसा सं चिकित्वा मा युष्महि मनसा दैव्येन ।
मा घोषा उत्स्थुर्बहुले विनिर्हते मेषुः पप्रदिन्द्रस्याहन्यागते ॥२॥

(५५) पञ्चपञ्चाशं सूक्तम्

(१-७) सप्तर्चस्यास्य सूक्तस्य ब्रह्मा ऋषिः । आयुः, बृहस्पत्यश्विनो वा देवताः ।
(१-२) प्रथमाद्वितीययोर्ऋचोस्त्रिष्टुप् (३) तृतीयाया भुरिक्त्रिष्टुप्
(४) चतुर्थ्या उष्णिग्गर्भार्षी पङ्क्तिः (५-७) पञ्चम्यादितृचस्य चानुष्टुप् छन्दांसि
अमुत्रभूयादधि यद्यमस्य बृहस्पतेरभिर्शस्तेरमुञ्चः ।
प्रत्यौहतामश्विना मृत्युमस्मद्देवानामग्ने भिषजा शचीभिः ॥१॥

सं क्रामतं मा जहीतं शरीरं प्राणापानौ ते सयुजाविह स्ताम् ।
शतं जीव शरदो वर्धमानोऽग्निष्टै गोपा अग्निपा वसिष्ठः ॥२॥

आयुर्यत्ते अतिहितं पराचैरपानः प्राणः पुनरा ताविताम् ।
अग्निष्टदाहानिर्ऋतेरुपस्थान्तदात्मनि पुनरा वैशयामि ते ॥३॥

मेमं प्राणो हासीन्मो अपानोऽवहाय परा गात् ।
सप्तर्षिभ्य एनं परि ददामि ते एनं स्वस्ति जरसै वहन्तु ॥४॥

प्र विषतं प्राणापानावनुद्वाहाविव वृजम् ।
अयं जरिम्नाः शैवधिररिष्ट इह वर्धताम् ॥५॥

आ ते प्राणं सुवामसि परा यद्धमं सुवामि ते ।
आयुर्नो विश्वतो दधद्यमग्निर्वरेणयः ॥६॥

उद्वयं तमसस्पृरि रोहन्तो नाकमुत्तमम् ।
देवं देवत्रा सूर्यमगन्म ज्योतिरुत्तमम् ॥७॥

(५६) षट्पञ्चाशं सूक्तम्

(१) एकर्चस्यास्य सूक्तस्य ब्रह्मा ऋषिः । ऋक्सामनी देवते । अनुष्टुप् छन्दः
ऋचं सामं यजामहे याभ्यां कर्माणि कुर्वते ।
एते सदसि राजतो यज्ञं देवेषु यच्छतः ॥१॥

(५७) सप्तपञ्चाशं सूक्तम्

(१-२) द्वयचस्यास्य सूक्तस्य भृगुर्ऋषिः । इन्द्रो देवता । (१) प्रथमर्चोऽनुष्टुप्
(२) द्वितीयायाश्च विराट्परोष्णिक छन्दसी
ऋचं सामं यदप्राक्षं हविरोजो यजुर्बलम् ।
एष मा तस्मान्मा हिंसीद्वेदः पृष्टः शचीपते ॥१॥

ये ते पन्थानोऽव दिवो येभिर्विश्वमैरयः ।

तेभिः सुम्रया धेहि नो वसो ॥२॥

(५८) अष्टपञ्चाशं सूक्तम्

(१-८) अष्टर्चस्यास्य सूक्तस्याथर्वा ऋषिः । (१, ३-८) प्रथमर्चः पादत्रयस्य तृतीयादिषणाञ्च मन्त्रोक्ता वृश्चिकादयो ब्रह्मणस्पतिर्वा (१, २) प्रथमायास्तुरीयपादस्य द्वितीयायाश्च वनस्पतिर्देवता । (१-३, ५-८) प्रथमादितृचस्य पञ्चम्यादिचतसृणाञ्चानुष्टुप् (४) चतुर्थ्याश्च विराट् प्रस्तारपङ्क्तिश्छन्दसी तिरश्चिराजेरसितात्पृदाकोः परि संभृतम् । तत्कङ्कपर्वणो विषमियं वीरुदनीनशत् ॥१॥

इयं वीरुन्मधुजाता मधुश्चुन्मधुला मधूः ।
सा विहुतस्य भेषज्यथौ मशकजम्भनी ॥२॥

यतौ दृष्टं यतौ धीतं ततस्ते निर्हयामसि ।
अर्भस्य तृप्रदंशिनौ मशकस्यासं विषम् ॥३॥

अयं यो वक्रो विपरुर्व्यङ्गो मुखानि वक्रा वृजिना कृणोषि ।
तानि त्वं ब्रह्मणस्पते इषीकामिव सं नमः ॥४॥

अरसस्य शर्कोटस्य नीचीनस्योपसर्पतः ।
विषं ह्यस्यादिष्यथो एनमजीजभम् ॥५॥

न तै ब्राह्मोर्बलमस्ति न शीर्षे नोत मध्यतः ।
अथ किं पापयाऽमुया पुच्छे बिभर्ष्यर्भकम् ॥६॥

अदन्ति त्वा पिपीलिका वि वृश्चन्ति मयूर्यः ।
सर्वे भल ब्रवाथ शाकोटमसं विषम् ॥७॥

य उभाभ्यां प्रहरसि पुच्छेन चास्येन च ।
आस्येऽ न तै विषं किमु ते पुच्छधावसत् ॥८॥

(५६) एकोनषष्टितमं सूक्तम्

(१-२) द्व्यृचस्यास्य सूक्तस्य वामदेव ऋषिः । सरस्वती देवता । जगती छन्दः
यदाशसा वदतो मे विचुक्षुभे यद्याचमानस्य चरतो जनाँ अनु ।
यदात्मनि तन्वो मे विरिष्टं सरस्वती तदा पृणद्धृतेन ॥१॥

सप्त क्षरन्ति सिशवे मरुत्वते पित्रे पुत्रासो अप्यवीवृतनृतानि ।
उभे इदस्योभे अस्य राजत उभे यतेते उभे अस्य पुष्यतः ॥२॥

(६०) षष्टितमं सूक्तम्

(१-२) द्व्यृचस्यास्य सूक्तस्य कौरुपथिर्ऋषिः । मन्त्रोक्ता देवता ।

(१) प्रथमर्चो जगती (२) द्वितीयायाश्च त्रिष्टुप् छन्दसी
इन्द्रावरुणा सुतपाविमं सुतं सोमं पिबतं मद्यं धृतव्रतौ ।
युवो रथौ अध्वरो देवर्वीतये प्रति स्वसरमुप यातु पीतये ॥१॥

इन्द्रावरुणा मधुमत्तमस्य वृष्णाः सोमस्य वृषणा वृषेथाम् ।
इदं वामन्धः परिषिक्तमासद्यास्मिन्बर्हिषि मादयेथाम् ॥२॥

(६१) एकषष्टितमं सूक्तम्

(१) एकर्चस्यास्य सूक्तस्य बादरायणिर्ऋषिः । अरिनाशनं देवता । अनुष्टुप् छन्दः
यो नः शपादशपतः शपतो यश्च नः शपात् ।
वृक्ष इव विद्युता हत आ मूलादनु शुष्यतु ॥१॥

(६२) द्विषष्टितमं सूक्तम्

(१-७) सप्तर्चस्यास्य सूक्तस्य ब्रह्मा ऋषिः । रम्यगृहा वास्तोष्पतिश्च देवताः ।

(१) प्रथमर्चः परानुष्टुप् (२-७) द्वितीयादिषण्णानुष्टुप् छन्दसी
ऊर्जं बिभ्रद्भसुवर्निः सुमेधा अघोरिण चक्षुषा मित्रियेण ।
गृहानैर्मि सुमना वन्दमानो रमध्वं मा बिभीत मत् ॥१॥

इमे गृहा मयोभुव ऊर्जस्वन्तः पर्यस्वन्तः ।
पूर्णा वामेन तिष्ठन्तस्ते नौ जानन्त्वायतः ॥२॥

येषाम॒ध्येति॑ प्र॒वस॒न्येषु॑ सौम॒नसो॒ ब॒हुः ।
गृ॒हानु॑प॒ ह्वयाम॑हे ते नो॒ जान॑न्त्वा॒यतः ॥३॥

उप॑हृ॒ता भूर्दि॒धनाः॑ सखा॒यः स्वा॒दुसं॑मुदः ।
अ॒क्षु॒ध्या अ॒तृ॒ष्या स्त॒ गृ॒हा मा॒स्मद्वि॑भीतन ॥४॥

उप॑हृ॒ता इ॒ह गाव् उप॑हृ॒ता अ॒जाव॑यः ।
अथो॒ अन्न॑स्य की॒लाल॑ उप॑हृतो गृ॒हेषु॑ नः ॥५॥

सू॒नृता॑वन्तः सु॒भगा॑ इरा॒वन्तो॑ ह॒सामु॑दाः ।
अ॒तृ॒ष्या अ॒क्षु॒ध्या स्त॒ गृ॒हा मा॒स्मद्वि॑भीतन ॥६॥

इ॒हैव॑ स्त॒ मानु॑ गा॒त् विश्वा॑ रू॒पाणि॑ पुष्यत ।
ऐ॒ष्यामि॑ भ॒द्रेणा॑ स॒ह भू॒यांसो॑ भव॒ता मया॑ ॥७॥

(६३) त्रिषष्टितमं सूक्तम्

(१-२) द्व्यृचस्यास्य सूक्तस्याथर्वा ऋषिः । अग्निर्देवता । अनुष्टुप् छन्दः
यद॑ग्ने तप॑सा तप॑ उप॒त॒प्याम॑हे तपः ।
प्रि॒याः श्रु॑तस्य॒ भूया॑स्मायुष्मन्तः सु॒मे॒धसः॑ ॥१॥

अग्ने॑ तप॑स्तप्यामह॒ उप॑ तप्यामहे तपः ।
श्रु॒तानि॑ श्रृ॒णव॑न्तो व॒यमा॑युष्मन्तः सु॒मे॒धसः॑ ॥२॥

(६४) चतुषष्टितमं सूक्तम्

(१) एकर्चस्यास्य सूक्तस्य कश्यपो मरीचिर्ऋषिः । अग्निर्देवता । जगती छन्दः
अ॒यम॑ग्निः स॒त्पति॑र्वृ॒द्धवृ॑ष्णो र॒थीव॑ प॒त्तीन॑जयत्पुरो॒हितः॑ ।
नाभा॑ पृथि॒व्यां नि॒हितो॑ दवि॒द्युत॑दध॒स्पदं॑ कृ॒णुतां॑ ये पृ॒त॒न्यवः॑ ॥१॥

(६५) पञ्चषष्टितमं सूक्तम्

(१) एकर्चस्यास्य सूक्तस्य कश्यपो मरीचिर्ऋषिः । जातवेदा देवता । जगती छन्दः

पृ॒त॒ना॒जि॒तं स॒ह॒मा॒न॒म॒ग्नि॒मु॒क्थ्यै॒र्ह॒वा॒म॒हे प॒र॒मा॒त्स॒ध॒स्थात् ।
स नः॑ प॒र्ष॒दति॑ दु॒र्गा॒णि॒ विश्वा॑ क्षा॒म॒द्दे॒वोऽति॑ दु॒रि॒ता॒न्य॒ग्निः ॥१॥

(६६) षट्षष्टितमं सूक्तम्

(१-२) द्व्यृचस्यास्य सूक्तस्य यम ऋषिः । मन्त्रोक्ता निर्ऋतिर्वा देवता । (१)
प्रथमर्चो भुरिगनुष्टुप् (२) द्वितीयायाश्च न्यङ्कुसारिणी बृहती छन्दसी
इदं यत्कृष्णः श॒कु॒नि॒र॒भि॒नि॒ष्प॒त॒न्न॒पी॒प॒तत् ।
आ॒पो॒ मा॒ तस्मा॒त्सर्व॑स्माद्दु॒रि॒ता॒त्पा॒न्त्वं॒हंसः॑ ॥१॥

इदं यत्कृष्णः श॒कु॒नि॒र॒वा॒मृ॒क्ष॒न्नि॒र्ऋ॒ति॒ ते॒ मुखे॑न ।
अ॒ग्नि॒र्मा॒ तस्मा॒दे॒न॒सो॒ गा॒र्ह॒प॒त्यः॒ प्र मु॑ञ्चतु ॥२॥

(६७) सप्तषष्टितमं सूक्तम्

(१-३) तृचस्यास्य सूक्तस्य शुक्र ऋषिः । अपामार्गवीरुदेवता । अनुष्टुप् छन्दः
प्र॒ती॒ची॒न॒फ॒लो॒ हि॒ त्वम॑पा॒मार्ग॑ रु॒रोहि॑थ ।
स॒र्वा॒न्म॒च्छ॒प॒थाँ॑ अ॒धि॒ व॒री॒यो॒ यव॑या इतः ॥१॥

यद्दु॑ष्कृतं यच्छ॒मलं॑ यद्वा॒ चे॒रि॒म॒ पा॒प॒या ।
त्वया॑ तद्वि॒श्वतो॑मु॒खा॒पा॒मा॒र्गा॒पि॑ मृ॒ज्म॒हे ॥२॥

श्या॑वद॒ता कु॒न्खि॒ना ब्र॒ण॒डे॒न् यत्स॒हा॒सि॒म ।
अ॒पा॒मा॒र्ग॒ त्वया॑ व॒यं स॒र्वं॑ तद॒पि॑ मृ॒ज्म॒हे ॥३॥

(६८) अष्टषष्टितमं सूक्तम्

(१) एकर्चस्यास्य सूक्तस्य ब्रह्मा ऋषिः । ब्राह्मणो देवता । त्रिष्टुप् छन्दः
यद्य॑न्तरि॒द्धे॒ यदि॑ वा॒त् आ॒स॒ यदि॑ वृ॒क्षेषु॑ यदि॒ वो॒ल॒पेषु॑ ।
यद॑श्र॒वन्प॒शव॑ उ॒द्य॒मानं॑ तद्ब्राह्म॒णं पु॒नर॑स्मानु॒पैतु॑ ॥१॥

(६९) एकोनसप्ततितमं सूक्तम्

(१) एकर्चस्यास्य सूक्तस्य ब्रह्मा ऋषिः । आत्मा देवता । पुरःपरोष्णिग्बृहती छन्दः

पुनर्मैत्विन्द्रियं पुनरात्मा द्रविणं ब्राह्मणं च ।
पुनरग्रयो धिष्या यथास्थाम कल्पयन्तामिहैव ॥१॥

(७०) सप्ततितमं सूक्तम्

(१-२) द्व्यृचस्यास्य सूक्तस्य शन्तातिर्ऋषिः । सरस्वती देवता । (१)

प्रथमर्चोऽनुष्टुप् (२) द्वितीयायाश्च त्रिष्टुप् छन्दसी

सरस्वति वृतेषु ते दिव्येषु देवि धामसु ।
जुषस्व हव्यमाहुतं प्रजां देवि सरस्व नः ॥१॥

इदं ते हव्यं घृतवत्सरस्वतीदं पितृणां हविरास्यंश्च यत् ।
इमानि त उदिता शन्तमानि तेभिर्व्यं मधुमन्तः स्याम ॥२॥

(७१) एकसप्ततितमं सूक्तम्

(१) एकर्चस्यास्य सूक्तस्य शन्तातिर्ऋषिः । सरस्वती देवता । गायत्री छन्दः

शिवा नः शन्तमा भव सुमृडीका सरस्वति ।
मा ते युयोम संदृशः ॥१॥

(७२) द्विसप्ततितमं सूक्तम्

(१) एकर्चस्यास्य सूक्तस्य शन्तातिर्ऋषिः । सुखं देवता । पथ्यापङ्क्तिश्छन्दः

शं नो वातौ वातु शं नस्तपतु सूर्यः ।
अहानि शं भवन्तु नः शं रात्री प्रति धीयतां शमुषा नो व्युच्छतु ॥१॥

(७३) त्रिसप्ततितमं सूक्तम्

(१-५) पञ्चर्चस्यास्य सूक्तस्याथर्वा ऋषिः । मन्त्रोक्ताः श्येनो वा देवता ।

(१) प्रथमर्चस्त्रिष्टुप् (२) द्वितीयाया अतिजगतीगर्भा जगती

(३) तृतीयायाः पुरःककुम्मत्यनुष्टुप् (४-५) चतुर्थीपञ्चम्योश्चानुष्टुप् छन्दांसि
यत्किं चासौ मनसा यच्च वाचा यज्ञैर्जुहोति हविषा यजुषा ।
तन्मृत्युना निर्ऋतिः संविदाना पुरा सत्यादाहुतिं हन्त्वस्य ॥१॥

यातुधाना निर्ऋतिरादु रक्षस्ते अस्य घ्नन्त्वन्तेन सत्यम् ।
इन्द्रैषिता देवा आज्यमस्य मथन्तु मा तत्सं पादि यदसौ जुहोति ॥२॥

अजिराधिराजौ श्येनौ संपातिनाविव ।
आज्यं पृतन्यतो हंतां यो नः कश्चाभ्यघायति ॥३॥

अपाञ्चौ त उभौ ब्राहू अपि नह्याम्यास्यम् ।
अग्नेर्देवस्य मन्युना तेन तेऽवधिषं हविः ॥४॥

अपि नह्यामि ते ब्राहू अपि नह्याम्यास्यम् ।
अग्नेर्घोरस्य मन्युना तेनऽवधिषं हविः ॥५॥

(७४) चतुःसप्ततितमं सूक्तम्

(१) एकर्चस्यास्य सूक्तस्याथर्वा ऋषिः । अग्निर्देवता । अनुष्टुप् छन्दः
परि त्वाग्ने पुरं वयं विप्रं सहस्य धीमहि ।
धृषद्वर्णं दिवेदिवे हन्तारं भङ्गुरावतः ॥१॥

(७५) पञ्चसप्ततितमं सूक्तम्

(१-२) द्वयचस्यास्य सूक्तस्याथर्वा ऋषिः । इन्द्रो देवता ।
(१) प्रथमर्चोऽनुष्टुप् (२) द्वितीयायाश्च त्रिष्टुप् छन्दसी
उत्तिष्ठताव पश्यतेन्द्रस्य भागमृत्वियम् ।
यदि श्रातं जुहोतं न यद्यश्रातं ममत्तन ॥१॥

श्रातं हविरो ष्विन्द्र प्र याहि जगाम सूरौ अध्वनो वि मध्यम् ।
परि त्वासते निधिभिः सखायः कुलपा न ब्राजपतिं चरन्तम् ॥२॥

(७६) षट्सप्ततितमं सूक्तम्

(१) एकर्चस्यास्य सूक्तस्याथर्वा ऋषिः । इन्द्रो देवता । त्रिष्टुप् छन्दः ॥
श्रातं मन्य ऊर्धनि श्रातमग्नौ सुशृतं मन्ये तदृतं नवीयः ।
माध्यन्दिनस्य सर्वनस्य दध्नः पिबैन्द्र वज्रिन्पुरुकृजुषाणः ॥१॥

(७७) सप्तसप्ततितमं सूक्तम्

(१-११) एकादशर्चस्यास्य सूक्तस्याथर्वा ऋषिः । घर्मोऽश्विनौ, प्रत्यृचं मन्त्रोक्ता वा

देवताः । (१, ४, ६) प्रथमाचतुर्थीषष्ठीनामृचां जगती (२) द्वितीयायाः पथ्याबृहती
(३, ५, ७-११) तृतीयापञ्चम्योः सप्तम्यादिपञ्चानाञ्च त्रिष्टुप् छन्दांसि
समिद्धो अग्निर्वृषणा रथी दिवस्तप्तो घर्मो दुह्यते वामिषे मधु ।
वयं हि वां पुरुदमांसो अश्विना हवामहे सधमादेषु कारवः ॥१॥

समिद्धो अग्निरश्विना तप्तो वां घर्म आ गतम् ।
दुह्यन्ते नूनं वृषणेह धेनवो दस्त्रा मदन्ति वेधसः ॥२॥

स्वाहाकृतः शुचिर्देवेषु यज्ञो यो अश्विनोश्चमसो देवपानः ।
तमु विश्वे अमृतांसो जुषाणा गन्धर्वस्य प्रत्यास्त्रा रिहन्ति ॥३॥

यदुस्त्रियास्वाहुतं घृतं पयोऽयं स वामश्विना भाग आ गतम् ।
माध्वी धर्तारा विदथस्य सत्पती तप्तं घर्म पिबतं रोचने दिवः ॥४॥

तप्तो वां घर्मो नक्षतु स्वहोता प्र वामध्वर्युश्चरतु पर्यस्वान् ।
मधोर्दुग्धस्याश्विना तनाया वीतं पातं पर्यस उस्त्रियायाः ॥५॥

उपं द्रव पर्यसा गोधुगोषमा घर्मे सिञ्च पर्य उस्त्रियायाः ।
वि नाकमख्यत्सविता वरैरयोऽनुप्रयाणमुषसो वि रजति ॥६॥

उपं ह्वये सुदुघां धेनुमेतां सुहस्तौ गोधुगुत दौहदेनाम् ।
श्रेष्ठं स्रवं सविता साविषन्नोऽभीद्धो घर्मस्तदु षु प्र वौचत् ॥७॥

हिङ्करवती वसुपत्नी वसूनां वत्समिच्छन्ती मनसा न्यागन् ।
दुहामश्विभ्यां पर्यो अघ्नयेयं सा वर्धतां महते सौभगाय ॥८॥

जुष्टो दमूना अतिथिर्दुरोण इमं नो यज्ञमुप याहि विद्वान् ।
विश्वा अग्ने अभियुजो विहत्य शत्रूयतामा भरा भोजनानि ॥९॥

अग्ने शर्ध महते सौभगाय तव द्युमान्युत्तमानि सन्तु ।

सं जा॒स्पत्यं सु॒यम॒मा कृ॑णुष्व शत्रू॒यता॒म॒भि ति॑ष्ठा महांसि ॥१०॥

सू॒यव॒साद्भ॒गव॒ती हि भू॒या अ॒र्धा व॒यं भ॒गव॒न्तः स्या॒म ।
अ॒द्धि तृ॒णम॒घ्नये॒ विश्व॑दानि॒ पिब॑ शुद्ध॒मुद॒कमा॒चर॑न्ती ॥११॥

(७८) अष्टसप्ततितमं सूक्तम्

(१-४) चतुर्ऋचस्यास्य सूक्तस्याथर्वाङ्गिरा ऋषिः । मन्त्रोक्ता जातवेदा वा देवता ।
अनुष्टुप् छन्दः

अ॒प॒चि॒तां लो॒हि॒नीनां॑ कृ॒ष्णा मा॒तेति॑ शुश्रु॒म ।
मु॒नेर्दे॒वस्य॑ मू॒लैः सर्वा॑ वि॒ध्यामि॒ ता अ॒हम् ॥१॥

वि॒ध्या॒म्यासां॑ प्रथ॒मां वि॒ध्या॒म्युत म॑ध्य॒माम् ।
इ॒दं ज॑घ॒न्या॒मासा॒मा च्छि॑न॒द्यि स्तु॒का॒मिव ॥२॥

त्वा॒ष्ट्रेणा॑हं व॒चसा॒ वि तं॑ ई॒र्ष्या॒ममी॒मद॑म् ।
अ॒थो यो म॒न्युष्टे॑ प॒ते तमु॑ ते श॒मया॑मसि ॥३॥

वृ॒तेन॒ त्वं व॑र॒तप॑ते॒ सम॑क्तो वि॒श्वाहा॑ सु॒मना॑ दी॒दिही॑ह ।
तं त्वा॑ व॒यं जा॑तवे॒दुः समि॑द्धं प्र॒जाव॑न्त॒ उप॑ स॒देम॒ सर्वे ॥४॥

(७९) एकोनाशीतितमं सूक्तम्

(१-२) द्व्यृचस्यास्य सूक्तस्योपरिबभ्रव ऋषिः । अघ्नया देवता ।

(१) प्रथमर्चस्त्रिष्टुप् (२) द्वितीयायाश्च त्र्यवसाना भुरिक्पथ्यापङ्क्तिश्छन्दसी
प्र॒जाव॑तीः सू॒यव॑से रु॒शन्तीः॑ शु॒द्धा अ॒पः सु॑प्रपा॒णे पि॑बन्तीः ।
मा व॑ स्तेन ई॒शत॒ माघ॑शंसुः परि॑ वो रु॒द्रस्य॑ हे॒तिर्वृ॑णक्तु ॥१॥

प॒द॒ज्ञा स्थ॒ रम॑तयुः संहि॒ता वि॒श्वना॑म्नीः ।
उप॑ मा दे॒वीर्दे॒वेभि॑रेत ।
इ॒मं गो॒ष्ठमि॒दं स॒दो घृ॒तेना॒स्मान्त्समु॑क्षत ॥२॥

(८०) अशीतितमं सूक्तम्

(१-४) चतुर्ऋचस्यास्य सूक्तस्याथर्वा ऋषिः । अपचिद्वैषज्यं देवता । (१) प्रथमर्चो
विराडनुष्टुप् (२) द्वितीयायाः परोष्णिक (३-४) तृतीयाचतुर्थ्योश्चानुष्टुप् छन्दांसि
आ सुस्रसः सुस्रसो असतीभ्यो असतराः ।
सेहौरसतरा लवृणाद्विक्लैदीयसीः ॥१॥

या ग्रैव्या अपचितोऽथो या उपपद्यः ।
विजाम्नि या अपचितः स्वयंस्रसः ॥२॥

यः कीकसाः प्रशृणाति तलीद्यमवतिष्ठति ।
निर्हास्तं सर्वं जायान्यं यः कश्च ककुदि श्रितः ॥३॥

पृक्षी जायान्यः पतति स आ विशति पूरुषम् ।
तदक्षितस्य भेषजमुभयोः सुक्षितस्य च ॥४॥

(८१) एकाशीतितमं सूक्तम्

(१-२) द्व्यृचस्यास्य सूक्तस्याथर्वा ऋषिः । जायान्य इन्द्रश्च देवते ।
(१) प्रथमर्चो भुरिगनुष्टुप् (२) द्वितीयायाश्च त्रिष्टुप् छन्दसी
विद्य वै तै जायान्य जानं यतौ जायान्य जायसे ।
कथं ह तत्र त्वं हनो यस्य कृणमो हविर्गृहे ॥१॥

धृषत्पिब कलशे सोममिन्द्र वृत्रहा शूर समरे वसूनाम् ।
माध्यन्दिने सर्वान् आ वृषस्व रयिष्ठानो रयिमस्मासु धेहि ॥२॥

(८२) द्व्यशीतितमं सूक्तम्

(१-३) तृचस्यास्य सूक्तस्याङ्गिरा ऋषिः । मरुतो देवताः ।
(१) प्रथमर्चस्त्रिपदा गायत्री (२) द्वितीयायास्त्रिष्टुप् (३) तृतीयायाश्च जगती छन्दांसि
सांतपना इदं हविर्मरुतस्तञ्जुष्टन ।
अस्माकोती रिशादसह ॥१॥

यो नो मर्तो मरुतो दुर्हणायुस्तिरश्चित्तानि वसवो जिघांसति ।
द्रुहः पाशान्प्रति मुञ्चतां स तपिष्ठेन तपसा हन्तना तम् ॥२॥

संवत्सरीणां मरुतः स्वर्का उरुक्षयाः सगणा मानुषासः ।
ते अस्मत्पाशान्प्र मुञ्चन्त्वेनसः सांतपना मत्सरा मादयिष्णवः ॥३॥

(८३) त्र्यशीतितमं सूक्तम्

(१-२) द्व्यृचस्यास्य सूक्तस्याथर्वा ऋषिः । अग्निर्देवता ।

(१) प्रथमर्चः परोष्णिक (२) द्वितीयायाश्च त्रिष्टुप् छन्दसी

वि तै मुञ्चामि रशनां वि योक्त्रं वि नियोजनम् ।

इहैव त्वमजस्र एध्यमे ॥१॥

अस्मै क्षत्राणि धारयन्तमग्ने युनज्मि त्वा ब्रह्मणा दैव्येन ।
दीदिह्यश्मभ्यं द्रविशेह भद्रं प्रेमं वौचो हविर्दा देवतासु ॥२॥

(८४) चतुरशीतितमं सूक्तम्

(१-४) चतुर्ऋचस्यास्य सूक्तस्याथर्वा ऋषिः । अमावास्या देवता ।

(१) प्रथमर्चो जगती (२-४) द्वितीयादितृचस्य च त्रिष्टुप् छन्दसी

यत्ते देवा अकृणवन्भागुधेयममावास्ये संवसन्तो महित्वा ।

तेनां नो यज्ञं पिपृहि विश्ववारे रयिं नो धेहि सुभगे सुवीरम् ॥१॥

अहमेवास्म्यमावास्याः मामा वसन्ति सुकृतो मयीमे ।

मयि देवा उभयै साद्याश्चेन्द्रज्येष्ठाः समगच्छन्त सर्वे ॥२॥

आगन्नात्री संगमनी वसूनामूर्जं पुष्टं वस्वावेशयन्ती ।

अमावास्या चै हविषा विधेमोर्जं दुहाना परसा न आगन् ॥३॥

अमावास्ये न त्वदेतान्यन्यो विश्वा रूपाणि परिभूर्जजान ।

यत्कामास्ते जुहुमस्तन्नो अस्तु वयं स्याम पतयो रयीणाम् ॥४॥

(८५) पञ्चाशीतितमं सूक्तम्

(१-४) चतुर्ऋचस्यास्य सूक्तस्याथर्वा ऋषिः ।

(१-२, ४) प्रथमाद्वितीयाचतुर्थीनामृचां पौर्णमासी (३) तृतीयायाश्च प्रजापतिर्देवते ।

(१, ३-४) प्रथमातृतीयाचतुर्थीनां त्रिष्टुप् (२) द्वितीयायाश्चानुष्टुप् छन्दसी
पूर्णा पश्चादुत पूर्णा पुरस्तादुन्मध्यतः पौर्णमासी जिगाय ।
तस्यां देवैः संवसन्तो महित्वा नाकस्य पृष्ठे समिषा मदेम ॥१॥

वृषभं वाजिनं वयं पौर्णमासं यजामहे ।
स नो ददात्वक्षितां रयिमनुपदस्वतीम् ॥२॥

प्रजापते न त्वदेतान्यन्यो विश्वा रूपाणि परिभूर्जजान ।
यत्कामास्ते जुहुमस्तन्नो अस्तु वयं स्याम पतयो रयीणाम् ॥३॥

पौर्णमासी प्रथमा यज्ञियासीदह्नां रात्रीणामतिश्वरेषु ।
ये त्वां यज्ञैर्यज्ञिये अर्धयन्त्यमी ते नाके सुकृतः प्रविष्टाः ॥४॥

(८६) षडशीतितमं सूक्तम्

(१-६) षडृचस्यास्य सूक्तस्याथर्वा ऋषिः । सावित्री सूर्यश्चन्द्रमाश्च देवताः ।

(१-२, ६) प्रथमाद्वितीयाषष्ठीनामृचां त्रिष्टुप् (३) तृतीयाया अनुष्टुप्

(४) चतुर्थ्या आस्तारपङ्क्तिः (५) पञ्चम्याश्च सम्राडास्तारपङ्क्तिश्छन्दांसि

पूर्वापरं चरतो माययैतौ शिशु क्रीडन्तौ परि यातोऽर्णवम् ।
विश्वान्यो भुवना विचष्ट ऋतूरन्यो विदधजायसे नवः ॥१॥

नवौनवो भवसि जायमानोऽह्नां केतुरुषसामेष्यग्रम् ।
भागं देवेभ्यो वि दधास्यायन् चन्द्रमस्तिरसे दीर्घमायुः ॥२॥

सोमस्यांशो युधां पतेऽनूनो नाम् वा असि ।
अनूनं दर्श मा कृधि प्रजया च धनेन च ॥३॥

दर्शोऽसि दर्शतोऽसि समग्रोऽसि समन्तः ।

समग्रः समन्तो भूयासं गोभिरश्वैः प्रजयां पशुभिर्गृहैर्धनेन ॥४॥

योऽस्मान्द्वेष्टि यं वयं द्विष्मस्तस्य त्वं प्राणेनाप्यायस्व ।
आ वयं प्याशिषीमहि गोभिरश्वैः प्रजयां पशुभिर्गृहैर्धनेन ॥५॥

यं देवा अंशुमाप्याययन्ति यमक्षितमक्षिता भक्षयन्ति ।
तेनास्मानिन्द्रो वरुणो बृहस्पतिराप्याययन्तु भुवनस्य गोपाः ॥६॥

(८७) सप्ताशीतितमं सूक्तम्

(१-६) षड्चस्यास्य सूक्तस्य शौनक ऋषिः । अग्निर्देवता ।

(१, ४-६) प्रथमर्चश्चतुर्थ्यादितृचस्य च त्रिष्टुप् (२) द्वितीयायाः ककुम्मती बृहती

(३) तृतीयायाश्च जगती छन्दांसि

अभ्यर्चित सुष्टुतिं गव्यमाजिमस्मासु भद्रा द्रविणानि धत्त ।
इमं यज्ञं नयत देवता नो घृतस्य धारा मधुमत्पवन्ताम् ॥१॥

मय्यग्ने अग्निं गृह्णामि सह क्षत्रेण वर्चसा बलेन ।
मयि प्रजां मय्यायुर्दधामि स्वाहा मय्यग्निम् ॥२॥

इहैवाग्ने अधि धारया रुयिं मा त्वा नि क्रन्पूर्वचित्ता निकारिणः ।
क्षत्रेणाग्ने सुयममस्तु तुभ्यमुपसृत्ता वर्धतां ते अनिष्टृतः ॥३॥

अन्वग्निरुषसामग्रमख्यदन्वहानि प्रथमो जातवेदाः ।
अनु सूर्य उषसो अनु रश्मीननु द्यावापृथिवी आ विवेश ॥४॥

प्रत्यग्निरुषसामग्रमख्यत्पत्यहानि प्रथमो जातवेदाः ।
प्रति सूर्यस्य पुरुधा च रश्मीन्प्रति द्यावापृथिवी आ ततान ॥५॥

घृतं ते अग्ने दिव्ये सुधस्थै घृतेन त्वां मनुरद्या समिन्धे ।
घृतं ते देवीर्नमयश् आ वहन्तु घृतं तुभ्यं दुहतां गावो अग्ने ॥६॥

(८८) अष्टाशीतितमं सूक्तम्

(१-४) चतुर्ऋचस्यास्य सूक्तस्य शुनःशेष ऋषिः । वरुणो देवता ।

(१) प्रथमर्चोऽनुष्टुप् (२) द्वितीयायाः पथ्यापङ्क्तिः (३) तृतीयायास्त्रिष्टुप्

(४) चतुर्थ्याश्च बृहतीगर्भा त्रिष्टुप् छन्दांसि

अप्सु तै राजन्वरुण गृहो हिरण्ययो मिथः ।

ततो धृतव्रतो राजा सर्वा धामानि मुञ्चतु ॥१॥

दाम्नोदाम्नो राजन्नितो वरुण मुञ्च नः ।

यदापो अघ्नया इति वरुणेति यदूचिम ततो वरुण मुञ्च नः ॥२॥

उदुत्तमं वरुण पाशमस्मदवाधुमं वि मध्यमं श्रथाय ।

अधा वयमादित्य ब्रूते तवानागसो अदितये स्याम ॥३॥

प्रास्मत्पाशान्वरुण मुञ्च सर्वान्य उत्तमा अघ्नमा वारुणा ये ।

दुष्वप्रचं दुरितं नि ष्वास्मदथ गच्छेम सुकृतस्य लोकम् ॥४॥

(८९) एकोननवतितमं सूक्तम्

(१-३) तृचस्यास्य सूक्तस्य भृगुर्ऋषिः । (१) प्रथमर्चोऽग्निः

(२-३) द्वितीयातृतीययोश्चेन्द्रो देवते । (१) प्रथमाया जगती

(२-३) द्वितीयातृतीययोश्च त्रिष्टुप् छन्दसी

अनाधृष्यो जातवेदा अमर्त्यो विराडग्रे क्षत्रभृद्दीदिहीह ।

विश्वा अर्मावाः प्रमुञ्चन्मानुषीभिः शिवाभिरद्य परि पाहि नो गर्यम् ॥१॥

इन्द्रं क्षत्रमभि वाममोजोऽजायथा वृषभ चर्षणीनाम् ।

अपानुदो जनममित्रायन्तं मुरुं देवेभ्यो अकृणोरु लोकम् ॥२॥

मृगो न भीमः कुचरो गिरिष्ठाः परावत आ जगम्यात्परस्याः ।

सृकं संशायं पविमिन्द्र त्रिगमं वि शत्रून्ताहि वि मृधो नुदस्व ॥३॥

(६०) नवतितमं सूक्तम्

(१) एकर्चस्यास्य सूक्तस्याथर्वा ऋषिः । ताक्षर्यो देवता । त्रिष्टुप् छन्दः
त्यमू षु वाजिनं देवजूतं सहोवानं तरुतारं रथानाम् ।
अरिष्टनेमिं पृतनाजिमाशुं स्वस्तये ताक्षर्यमिहा हुवेम ॥१॥

(६१) एकनवतितमं सूक्तम्

(१) एकर्चस्यास्य सूक्तस्याथर्वा ऋषिः । इन्द्रो देवता । त्रिष्टुप् छन्दः
त्रातारमिन्द्रमवितारमिन्द्रं हवैहवे सुहवं शूरमिन्द्रम् ।
हुवे नु शक्रं पुरुहूतमिन्द्रं स्वस्ति न इन्द्रो मघवान्कृणोतु ॥१॥

(६२) द्विनवतितमं सूक्तम्

(१) एकर्चस्यास्य सूक्तस्याथर्वा ऋषिः । रुद्रो देवता । जगती छन्दः
यो अग्रौ रुद्रो यो अप्सवशुन्तर्य ओषधीर्वीरुध आविवेश ।
य इमाविश्वा भुवनानि चाक्लृपे तस्मै रुद्राय नमो अस्त्वग्रये ॥१॥

(६३) त्रिनवतितमं सूक्तम्

(१) एकर्चस्यास्य सूक्तस्य गरुत्मानृषिः । तक्षको देवता । त्र्यवसाना बृहती छन्दः
अपेह्यरिंस्यरिर्वा असि ।
विषे विषमपृक्था विषमिद्धा अपृक्थाः ।
अहिमेवाभ्यपैहि तं जहि ॥१॥

(६४) चतुर्नवतितमं सूक्तम्

(१-४) चतुर्नवतितमं सूक्तस्य सिन्धुद्वीप ऋषिः । अग्निर्देवता । (१, ३-४)
प्रथमातृतीयाचतुर्थीनामृचामनुष्टुप् (२) द्वितीयायाश्च त्रिपदा निचृत्परोष्णिक् छन्दसी
अपो दिव्या अचायिषुं रसेन समपृद्धमहि ।
पर्यस्वानग्र आगमं तं मा सं सृज वर्यसा ॥१॥

सं माग्ने वर्यसा सृज सं प्रजया समायुषा ।
विद्युर्मे अस्य देवा इन्द्रो विद्यात्सह ऋषिभिः ॥२॥

इदमापः प्र वहतावृद्यं च मलं च यत् ।
यच्चाभिदुद्रोहानृतं यच्च शेपे अभीरुणम् ॥३॥

एधौऽस्येधिषीय समिदसि समैधिषीय ।
तेजौऽसि तेजो मयि धेहि ॥४॥

(६५) पञ्चनवतितमं सूक्तम्

(१-३) तृचस्यास्य सूक्तस्याङ्गिरा ऋषिः । मन्त्रोक्ता देवताः ।

(१) प्रथमर्चो गायत्री (२) द्वितीयाया विराट् पुरस्ताद्ब्रह्मती

(३) तृतीयायाश्च त्र्यवसाना षट्पदा भुरिग्जगती छन्दांसि

अपि वृश्च पुराणवद्व्रतैरिव गुष्पितम् ।
ओजो दासस्य दम्भय ॥१॥

वयं तदस्य संभृतं वस्विन्द्रैण वि भजामहे ।
म्लापयामि भ्रजः शिभ्रं वरुणस्य व्रतेन ते ॥२॥

यथा शेपो अपायतै स्त्रीषु चासदनावयाः ।
अवस्थस्य क्न्दीवतः शाङ्कुरस्य नितोदिनः ।
यदाततमव तत्तनु यदुत्तं नि तत्तनु ॥३॥

(६६) षण्णवतितमं सूक्तम्

(१) एकर्चस्यास्य सूक्तस्याथर्वा ऋषिः । चन्द्रमा देवता । त्रिष्टुप् छन्दः

इन्द्रः सुत्रामा स्ववाँ अवौभिः सुमृडीको भवतु विश्ववेदाः ।

बाधतां द्वेषो अभयं नः कृणोतु सुवीर्यस्य पतयः स्याम ॥१॥

(६७) सप्तनवतितमं सूक्तम्

(१) एकर्चस्यास्य सूक्तस्याथर्वा ऋषिः । चन्द्रमा देवता । त्रिष्टुप् छन्दः

स सुत्रामा स्ववाँ इन्द्रो अस्मदाराच्चिद्वेषः सनुतर्युयोतु ।

तस्य वयं सुमतौ यज्ञियस्यापि भद्रे सौमनसे स्याम ॥१॥

(६८) अष्टनवतितमं सूक्तम्

(१) एकर्चस्यास्य सूक्तस्य भृग्वङ्गिरा ऋषिः । इन्द्रो देवता । गायत्री छन्दः ॥
इन्द्रेण मन्थुना वयमभि ष्याम पृतन्यतः ।
घन्तो वृत्राय प्रति ॥१॥

(६९) नवनवतितमं सूक्तम्

(१) एकर्चस्यास्य सूक्तस्याथर्वा ऋषिः । सोमो देवता । अनुष्टुप् छन्दः
ध्रुवं ध्रुवेण हविषाव सोमं नयामसि ।
यथा न इन्द्रः केवलीर्विशः समनसस्करत् ॥१॥

(१००) शततमं सूक्तम्

(१-३) तृचस्यास्य सूक्तस्य कपिञ्जल ऋषिः । गृध्रौ देवते । (१) प्रथमर्चोऽनुष्टुप्
(२-३) द्वितीयातृतीययोश्च भुरिगनुष्टुप् छन्दसी
उदस्य श्यावौ विथुरौ गृध्रौ घामिव पेततुः ।
उच्छोचनप्रशोचनवस्योच्छोचनौ हृदः ॥१॥

अहमेनावुदतिष्ठिपं गावौ श्रान्तसदाविव ।
कुर्कुराविव कूर्जन्तावुदवन्तौ वृकाविव ॥२॥

आतोदिनौ नितोदिनावथौ संतोदिनावुत ।
अपि नह्याम्यस्य मेढं य इतः स्त्री पुमोज्झभारं ॥३॥

(१०१) एकोत्तरशततमं सूक्तम्

(१) एकर्चस्यास्य सूक्तस्य कपिञ्जल ऋषिः । वयो देवता । अनुष्टुप् छन्दः
असदन्गावः सदनेऽपप्तद्वसतिं वर्यः ।
आस्थाने पर्वता अस्थुः स्थाग्निं वृक्कावतिष्ठिपम् ॥१॥

(१०२) द्व्युत्तरशततमं सूक्तम्

(१-८) अष्टर्चस्यास्य सूक्तस्याथर्वा ऋषिः । इन्द्राग्नी देवते ।
(१-४) प्रथमादिचतसृणामृचां त्रिष्टुप् (५) पञ्चम्यास्त्रिपदार्ची भुरिग्गायत्री
(६) षष्ठ्यास्त्रिपदा प्राजापत्या बृहती (७) सप्तम्यास्त्रिपदा साम्नी भुरिग्जगती

(८) अष्टम्याश्चोपरिष्ठाद्बृहती छन्दांसि
यद्द्य त्वा प्रयति यज्ञे अस्मिन्होतश्चिकित्वन्नवृणीमहीह ।
ध्रुवमयो ध्रुवमुता शविष्ठ प्रविद्वान्यज्ञमुप याहि सोमम् ॥१॥

समिन्द्र नो मनसा नेषु गोभिः सं सूरिभिर्हरिवृन्त्सं स्वस्त्या ।
सं ब्रह्मणा देवहितं यदस्ति सं देवानां सुमतौ यज्ञियानाम् ॥२॥

यानावह उशतो देव देवास्तान्प्रेरयु स्वे अग्ने सधस्थे ।
जज्ञिवांसः पपिवांसो मधून्यस्मै धत्त वसवो वसूनि ॥३॥

सुगा वौ देवाः सदाना अकर्म य आजग्म सर्वने मा जुषाणाः ।
वहमाना भरमाणाः स्वा वसूनि वसुं घूर्म दिवमा रोहतानु ॥४॥

यज्ञं यज्ञं गच्छ यज्ञपतिं गच्छ ।
स्वां योनिं गच्छ स्वाहा ॥५॥

एष ते यज्ञो यज्ञपते सहसूक्तवाकः ।
सुवीर्यः स्वाहा ॥६॥

वषड्धुतेभ्यो वषडहतेभ्यः ।
देवां गातुविदो गातुं वित्त्वा गातुमित ॥७॥

मनसस्पत इमं नो दिवि देवेषु यज्ञम् ।
स्वाहा दिवि स्वाहा पृथिव्यां स्वाहान्तरिक्षे स्वाहा वाते धां स्वाहा ॥८॥

(१०३) त्र्युत्तरशततमं सूक्तम्

(१) एकर्चस्यास्य सूक्तस्याथर्वा ऋषिः । मन्त्रोक्ता देवताः । विरादित्रष्टुप् छन्दः
सं बृहिरुक्तं हविषा घृतेन समिन्द्रैण वसुना सं मरुद्भिः ।
सं देवैर्विश्वदेवेभिरुक्तमिन्द्रं गच्छतु हविः स्वाहा ॥१॥

(१०४) चतुरश्रशततमं सूक्तम्

(१) एकर्चस्यास्य सूक्तस्याथर्वा ऋषिः । मन्त्रोक्ता देवता । भुरिक्त्रिष्टुप् छन्दः
परि स्तृणीहि परि धेहि वेदिं मा जामिं मौषीरमुया शयानाम् ।
होतृषदं हरितं हिरण्यं निष्का एते यजमानस्य लोके ॥१॥

(१०५) पञ्चोत्तरशततमं सूक्तम्

(१) एकर्चस्यास्य सूक्तस्य यम ऋषिः । दुःस्वप्रनाशनं देवता । अनुष्टुप् छन्दः
पर्यावर्ते दुष्वप्रयात्पापात्स्वप्रयादभूत्याः ।
ब्रह्माहमन्तरं कृण्वे परा स्वप्रमुखाः शुचः ॥१॥

(१०६) षडुत्तरशततमं सूक्तम्

(१) एकर्चस्यास्य सूक्तस्य यम ऋषिः । दुःस्वप्रनाशनं देवता । अनुष्टुप् छन्दः
यत्स्वप्ने अन्नमश्नामि न प्रातरधिगम्यते ।
सर्वं तदस्तु मे शिवं नहि तदृष्यते दिवा ॥१॥

(१०७) सप्तोत्तरशततमं सूक्तम्

(१) एकर्चस्यास्य सूक्तस्य प्रजापतिर्ऋषिः । मन्त्रोक्ता देवताः ।
विराट् पुरस्ताद्बृहती छन्दः
नमस्कृत्य द्यावापृथिवीभ्यामन्तरिक्षाय मृत्यवे ।
मेक्षाम्यूर्ध्वस्तिष्ठन्मा मां हिंसिषुरीश्वराः ॥१॥

(१०८) अष्टोत्तरशततमं सूक्तम्

(१) एकर्चस्यास्य सूक्तस्य प्रजापतिर्ऋषिः । ब्रह्मात्मा देवता । त्रिष्टुप् छन्दः
को अस्या नो द्रुहोऽवृध्वत्या उन्नैष्यति क्षत्रियो वस्य इच्छन् ।
को यज्ञकामः क उ पूर्तिकामः को देवेषु वनुते दीर्घमार्युः ॥१॥

(१०९) नवोत्तरशततमं सूक्तम्

(१) एकर्चस्यास्य सूक्तस्य प्रजापतिर्ऋषिः । ब्रह्मात्मा देवता । त्रिष्टुप् छन्दः
कः पृश्निं धेनुं वरुणेन दत्तामथर्वने सुदुघां नित्यवत्साम् ।
बृहस्पतिना सख्यं जुषाणो यथावशं तन्वः कल्पयाति ॥१॥

(११०) दशोत्तरशततमं सूक्तम्

(१) एकर्चस्यास्य सूक्तस्याथर्वा ऋषिः । मन्त्रोक्ता देवता । अनुष्टुप् छन्दः
अप्रक्रामन्पौरुषेयाद्दृणानो दैव्यं वचः ।
प्रणीतीर्भ्यावर्तस्व विश्वेभिः सखिभिः सह ॥१॥

(१११) एकादशोत्तरशततमं सूक्तम्

(१) एकर्चस्यास्य सूक्तस्याथर्वा ऋषिः । पूर्वार्धस्य मन्त्रोक्ता जातवेदा वा उत्तरार्धस्य
च वरुणो देवते । बृहतीगर्भा त्रिष्टुप् छन्दः
यदस्मृति चक्रुम किं चिदग्र उपारिम चरणे जातवेदः ।
ततः पाहि त्वं नः प्रचेतः शुभे सखिभ्यो अमृतत्वमस्तु नः ॥१॥

(११२) द्वादशोत्तरशततमं सूक्तम्

(१) एकर्चस्यास्य सूक्तस्य भृगुर्ऋषिः । सूर्य आपो वा देवताः । अनुष्टुप् छन्दः
अर्व दिवस्तारयन्ति सप्त सूर्यस्य रश्मयः ।
आपः समुद्रिया धारास्तास्ते शल्यमसिस्रसन् ॥१॥

(११३) त्रयोदशोत्तरशततमं सूक्तम्

(१-२) द्वयृचस्यास्य सूक्तस्य भृगुर्ऋषिः । अग्निर्देवता ।
(१) प्रथमर्चो बृहतीगर्भा त्रिष्टुप् (२) द्वितीयायाश्च त्रिष्टुप् छन्दसी
यो नस्तायद्विप्सति यो न आविः स्वो विद्वानरणो वा नो अग्ने ।
प्रतीच्येत्वरणी दत्वती तान्मैषामग्ने वास्तु भूमो अपत्यम् ॥१॥

यो नः सुप्ताञ्जाग्रतो वाभिदासात्तिष्ठतो वा चरतो जातवेदः ।
वैश्वानरेण सयुजा सजोषास्तान्प्रतीचो निर्दह जातवेदः ॥२॥

(११४) चतुर्दशोत्तरशततमं सूक्तम्

(१-७) सप्तर्चस्यास्य सूक्तस्य बादरायणिर्ऋषिः । अग्निर्मन्त्रोक्ता वा देवताः ।
(१) प्रथमर्चो विराट् पुरस्ताद्बृहती (२-३, ५-६) द्वितीयातृतीयापञ्चमीषष्टीनां त्रिष्टुप्
(४, ७) चतुर्थीसप्तम्योश्चानुष्टुप् छन्दांसि
इदमुग्राय बभ्रवे नमो यो अक्षेषु तनूवशी ।
घृतेन कलिं शिक्तामि स नो मृडातीदृशै ॥१॥

घृतमप्सराभ्यो वह त्वमग्ने पांसूनक्षेभ्यः सिकता अपञ्च ।
यथाभागं हव्यदाति जुषाणा मदन्ति देवा उभयानि हव्या ॥२॥

अप्सरसः सधुमादं मदन्ति हविर्धानमन्तरा सूर्यं च ।
ता मे हस्तौ सं सृजन्तु घृतेन सपत्नं मे कितवं रन्धयन्तु ॥३॥

आदिनवं प्रतिदीव्ये घृतेनास्माँ अभि क्षर ।
वृक्षमिवाशन्या जहि यो अस्मान्प्रतिदीव्यति ॥४॥

यो नो द्युवे धनमिदं चकार यो अक्षाणां ग्लहनं शेषणं च ।
स नो देवो हविरिदं जुषाणो गन्धर्वेभिः सधुमादं मदेम ॥५॥

संवसव इति वो नामधेयमुग्रं पश्या राष्ट्रभृतो ह्यक्ष्णाः ।
तेभ्यो व इन्द्रवो हविषा विधेम वयं स्याम पतयो रयीणाम् ॥६॥

देवान्यन्नाथितो हुवे ब्रह्मचर्यं यदूषिम ।
अक्षान्यद्भ्रूनालभे ते नो मृडन्त्वीदृशै ॥७॥

(११५) पञ्चदशोत्तरशततमं सूक्तम्

(१-३) तृचस्यास्य सूक्तस्य भृगुर्ऋषिः । इन्द्राग्नी देवते । (१) प्रथमर्चो गायत्री

(२) द्वितीयायास्त्रिष्टुप् (३) तृतीयायाश्चानुष्टुप् छन्दांसि

अग्र इन्द्रश्च दाशुषे हतो वृत्रारयप्रति ।

उभा हि वृत्रहन्तमा ॥१॥

याभ्यामजयन्त्स्वश्रुग्र एव यावात्स्थतुर्भुवनानि विश्वा ।
प्रचर्षणीवृषणा वज्रबाहू अग्निमिन्द्रं वृत्रहणा हुवेऽहम् ॥२॥

उप त्वा देवो अग्रमीच्चमसेन बृहस्पतिः ।

इन्द्रं गीर्भिर्न आ विश यजमानाय सुन्वते ॥३॥

(११६) षोडशोत्तरशततमं सूक्तम्

(१) एकर्चस्यास्य सूक्तस्य ब्रह्मा ऋषिः । वृषभो देवता । पराबृहती त्रिष्टुप् छन्दः
इन्द्रस्य कुक्षिरसि सोमधानं आत्मा देवानामुत मानुषाणाम् ।
इह प्रजा जनय यास्त आसु या अन्यत्रेह तास्तै रमन्ताम् ॥१॥

(११७) सप्तदशोत्तरशततमं सूक्तम्

(१-२) द्वयृचस्यास्य सूक्तस्य वरुण ऋषिः । आपो देवताः ।
(१) प्रथमर्चो भुरिगनुष्टुप् (२) द्वितीयायाश्चानुष्टुप् छन्दसी
शुम्भनी द्यावापृथिवी अन्तिसुप्ते महिर्व्रते ।
आपः सप्त सुस्रुवुर्देवीस्ता नो मुञ्चन्त्वंहसः ॥१॥

मुञ्चन्तु मा शपथ्याद्दथो वरुणयादुत ।
अथो यमस्य पड्वीशाद्विश्वस्माद्देवकिल्बिषात् ॥२॥

(११८) अष्टादशोत्तरशततमं सूक्तम्

(१-२) द्वयृचस्यास्य सूक्तस्य भार्गव ऋषिः । तृष्टिका देवता । (१) प्रथमर्चो
विराडनुष्टुप् (२) द्वितीयायाश्च शङ्कुमती चतुष्पदा भुरिगुष्णिक छन्दसी
तृष्टिके तृष्टवन्दन उदमूं छिन्धि तृष्टिके ।
यथा कृतद्विष्टासोऽमुष्मै शेप्यावते ॥१॥

तृष्टासि तृष्टिका विषा विषातक्यसि ।
परिवृक्ता यथासस्यृषभस्य वशेव ॥२॥

(११९) एकोनविंशत्युत्तरशततमं सूक्तम्

(१-२) द्वयृचस्यास्य सूक्तस्य भार्गव ऋषिः । अग्नीषोमौ देवते । अनुष्टुप् छन्दः
आ ते ददे वक्षणाभ्य आ तेऽहं हृदयाद्दे ।
आ ते मुखस्य सङ्काशात्सर्वं ते वर्च आ ददे ॥१॥

प्रेतो यन्तु व्याध्यः प्रानुध्याः प्रो अशस्तयः ।
अग्नी रक्षस्विनीर्हन्तु सोमो हन्तु दुरस्यतीः ॥२॥

(१२०) विंशत्युत्तरशततमं सूक्तम्

(१-४) चतुर्ऋचस्यास्य सूक्तस्याथर्वाङ्गिरा ऋषिः । सविता जातवेदाश्च देवते ।

(१, ४) प्रथमाचतुर्थ्योर्ऋचोरनुष्टुप् (२-३) द्वितीयातृतीययोश्च त्रिष्टुप् छन्दसी
प्र पतेतः पापि लक्ष्मि नश्येतः प्रामुतः पत ।
अयस्मयैनाङ्केन द्विषते त्वा संजामसि ॥१॥

या मां लक्ष्मीः पतयालूरजुष्टाभिचस्कन्द वन्दनेव वृक्षम् ।

अन्यत्रास्मत्सवितस्तामितो धा हिरण्यहस्तो वसु नो रराणः ॥२॥

एकशतं लक्ष्म्योऽरे मर्त्यस्य साकं तन्वाऽनुषोऽधि जाताः ।

तासां पापिष्टा निरितः प्र हिरण्यमः शिवा अस्मभ्यं जातवेदो नियच्छ ॥३॥

एता एना व्याकरं खिले गा विष्टिता इव ।

रमन्तां पुण्यां लक्ष्मीर्याः पापीस्ता अनीनशम् ॥४॥

(१२१) एकविंशत्युत्तरशततमं सूक्तम्

(१-२) द्व्यृचस्यास्य सूक्तस्याथर्वाङ्गिरा ऋषिः । चन्द्रमा देवता ।

(१) प्रथमर्चः परोष्णिक (२) द्वितीयायाश्चैकावसाना द्विपदार्यनुष्टुप् छन्दसी
नमो रुराय च्यवनाय नोदनाय धृष्णवे ।
नमः शीताय पूर्वकामकृत्वने ॥१॥

यो अन्येद्युरुभयद्युरभ्येतीमं मण्डूकमभ्ये त्ववृतः ॥२॥

(१२२) द्वाविंशत्युत्तरशततमं सूक्तम्

(१) एकर्चस्यास्य सूक्तस्याथर्वाङ्गिरा ऋषिः । इन्द्रो देवता । पथ्याबृहती छन्दः

आ मन्द्रैरिन्द्र हरिभिर्याहि मयूररोमभिः ।

मा त्वा के चिद्वि यमन्विं न पाशिनोऽति धन्वेव तां ईहि ॥१॥

(१२३) त्रयोविंशत्युत्तरशततमं सूक्तम्

(१) एकर्चस्यास्य सूक्तस्याथर्वाङ्गिरा ऋषिः । मन्त्रोक्ता चन्द्रमा वा देवता ।

त्रिष्टुप् छन्दः

म॒र्मा॒णि॒ ते॒ व॒र्म॒णा॒ छा॒द॒या॒मि॒ सो॒म॒स्त्वा॒ रा॒जा॒मृ॒ते॒ना॒नु॒ व॒स्ता॒म् ।
उ॒रो॒र्व॒री॒यो॒ व॒रु॒ण॒स्ते॒ कृ॒णो॒तु॒ ज॒य॒न्तं॒ त्वा॒नु॒ दे॒वा॒ म॒द॒न्तु ॥१॥
इति सप्तमं काण्डम्

अष्टमं कारण्डम्

(१) प्रथमं सूक्तम्

(१-२१) एकविंशत्यृचस्यास्य सूक्तस्य ब्रह्मा ऋषिः । आयुर्देवता । (१) प्रथमर्चः
 पुरोबृहती त्रिष्टुप् (२-३, १७-२१) द्वितीयातृतीययोः सप्तदश्यादिपञ्चानाञ्चानुष्टुप्
 (४, ६, १५-१६) चतुर्थीनवमीपञ्चदशीषोडशीनां प्रस्तारपङ्क्तिः
 (५-६, १०-११) पञ्चमीषष्ठीदशम्येकादशीनां त्रिष्टुप्
 (७) सप्तम्यास्त्रिपदा विराड्गायत्री (८) अष्टम्या विराट्पथ्याबृहती
 (१२) द्वादश्यारुच्यवसाना पञ्चपदा जगती (१३) त्रयोदश्यास्त्रिपदा भुरिग्महाबृहती
 (१४) चतुर्दश्याश्चैकावसाना द्विपदा साम्नी भुरिग्बृहती छन्दांसि
 अन्तकाय मृत्यवे नमः प्राणा अपाना इह तै रमन्ताम् ।
 इहायमस्तु पुरुषः सहासुना सूर्यस्य भागे अमृतस्य लोके ॥१॥

उदै॒नं॑ भ॒गौ अ॒ग्रभी॑दुदै॒नं॑ सोमो अंशु॒मान् ।
 उदै॒नं॑ म॒रुतौ॑ दे॒वा उदि॑न्द्रा॒ग्नी स्व॒स्तये॑ ॥२॥

इह॑ तेऽसु॒रिह॑ प्रा॒ण इहायु॑रिह॑ ते॒ मनः॑ ।
 उत्त्वा॑ नि॒र्ऋत्याः॑ पाशै॒भ्यो दै॒व्या वा॒चा भ॑रामसि ॥३॥

उत्क्रा॑मातः पुरुष॑ माव॑ पत्था मृत्योः पड्बी॑षमवमुञ्च॑मानः ।
 मा च्छि॑त्था अ॒स्माल्लो॒काद्ग्रेः॑ सूर्यस्य॑ संदृ॒शः ॥४॥

तुभ्यं॑ वातः पवतां॑ मातृ॒श्चिवा॑ तुभ्यं॑ वर्ष॒न्त्वमृ॒तान्या॑पः ।
 सूर्य॑स्ते त॒न्वेरे॑ शं तपाति॑ त्वां मृत्यु॒र्दय॑तां॒ मा प्र॑ मै॒ष्टाः ॥५॥

उ॒द्यानं॑ ते पुरुष॑ नाव॒यानं॑ जी॒वातुं॑ ते दक्ष॑तातिं कृणोमि ।
 आ हि॑ रोहे॒मम॒मृतं॑ सु॒खं रथ॑मथ॒ जिर्वि॑र्वि॒दथ॑मा व॒दासि॑ ॥६॥

मा ते॑ म॒न॒स्तत्र॑ गा॒न्मा ति॒रो भू॒न्मा जी॒वेभ्यः॑ प्र॒ म॒दो मा॒नु॒ गाः पि॒तृन् ।
 विश्वे॑ दे॒वा अ॒भि र॑क्षन्तु॒ त्वेह॑ ॥७॥

मा गु॒ताना॑मा दी॒धीथा॑ ये न॒र्यन्ति॑ प॒राव॑तम् ।

आ रौह तमसो ज्योतिरेह्या ते हस्तौ रभामहे ॥८॥

श्यामश्च त्वा मा श्बलश्च प्रेषितौ यमस्य यौ पथिरक्षी श्वानौ ।
अर्वाडेहि मा वि दीध्यो मात्रं तिष्ठः पराङ्गनाः ॥९॥

मैतं पन्थामनु गा भीम एष येन पूर्वं नेयथु तं ब्रवीमि ।
तम एतत्पुरुष मा प्र पन्था भयं परस्तादभयं ते अर्वाक् ॥१०॥

रक्षन्तु त्वाग्रयो ये अप्स्वश्रुन्ता रक्षतु त्वा मनुष्याश्च यमिन्धते ।
वैश्वानरो रक्षतु जातवेदा दिव्यस्त्वा मा प्र धाग्विद्युता सह ॥११॥

मा त्वा क्रव्यादभि मंस्तारात्संकसुकाच्चर
रक्षतु त्वा द्यौ रक्षतु पृथिवी सूर्यश्च त्वा रक्षतां चन्द्रमाश्च ।
अन्तरिक्षं रक्षतु देवहेत्याः ॥१२॥

बोधश्च त्वा प्रतिबोधश्च रक्षतामस्वप्नश्च त्वानवद्राणश्च रक्षताम् ।
गोपायंश्च त्वा जागृविश्च रक्षताम् ॥१३॥

ते त्वा रक्षन्तु ते त्वा गोपायन्तु तेभ्यो नमस्तेभ्यः स्वाहा ॥१४॥

जीवेभ्यस्त्वा समुदै वायुरिन्द्रो धाता दधातु सविता त्रायमाणः ।
मा त्वा प्राणो बलं हासीदसुं तेऽनु ह्वयामसि ॥१५॥

मा त्वा जुम्भः संहनुर्मा तमो विदन्मा जिह्वा बर्हिः प्रमयुः कथा स्याः ।
उत्वादित्या वसवो भरन्तूदिन्द्राग्नी स्वस्तये ॥१६॥

उत्त्वा द्यौरुत्पृथिव्युत्प्रजापतिरग्रभीत् ।
उत्त्वा मृत्योरोषधयः सोमराज्ञीरपीपरन् ॥१७॥

अयं देवा इहैवास्त्वयं मामुत्र गादितः ।

इमं सहस्रवीर्येण मृत्योरुत्पारयामसि ॥१८॥

उत्त्वा मृत्योरपीपरं सं धमन्तु वयोधसः ।
मा त्वा व्यस्तकेश्योरे मा त्वाघरुदौ रुदन् ॥१९॥

आहार्षमविदं त्वा पुनरागाः पुनर्णवः ।
सर्वाङ्ग सर्वं ते चक्षुः सर्वमार्युश्च तेऽविदम् ॥२०॥

व्यवात्ते ज्योतिरभूदप त्वत्तमौ अक्रमीत् ।
अप त्वन्मृत्युं निर्ऋतिमप यद्धमं नि दध्मसि ॥२१॥

(२) द्वितीयं सूक्तम्

(१-२८) अष्टाविंशत्यृचस्यास्य सूक्तस्य ब्रह्मा ऋषिः । आयुर्देवता ।

(१-२, ७) प्रथमाद्वितीययोर्ऋचोः सप्तम्याश्च भुरिक्त्रिष्टुप्

(३, २६) तृतीयाषड्विंशयोरास्तारपङ्क्तिः (४) चतुर्थ्याः प्रस्तारपङ्क्तिः

(५, १०, १६, १८, २०, २३-२५, २७) पञ्चमीदशमीषोडश्यष्टादशीविंशीनां
त्रयोविंश्यादितृचस्य सप्तविंश्याश्चानुष्टुप् (६, १५) षष्ठीपञ्चदशयोः पथ्यापङ्क्तिः

(८) अष्टम्याः पुरस्ताज्ज्योतिष्मती जगती

(९) नवम्याः पञ्चपदा जगती (११) एकादश्या विष्टारपङ्क्तिः

(१२, २२, २८) द्वादशीद्वाविंश्यष्टाविंशीनां पुरस्ताद्बृहती (१३) त्रयोदश्यास्त्रिष्टुप्

(१४) चतुर्दश्यास्त्रयवसाना षट्पदा जगती (१७) सप्तदश्यास्त्रिपदानुष्टुप्

(१९) एकोनविंश्या उपरिष्टाद्बृहती (२१) एकविंश्याश्च सतःपङ्क्तिश्छन्दांसि

आ रभस्वेमाममृतस्य श्नुष्टिमच्छिद्यमाना ज्वरदष्टिरस्तु ते ।

असुं त आयुः पुनरा भ्रामि रजस्तमो मोषं गा मा प्र मैष्टाः ॥१॥

जीवतां ज्योतिरभ्येह्यर्वाडा त्वा हरामि शतशारदाय ।

अवमुञ्चन्मृत्युपाशानशस्तिं द्राघीय आयुः प्रतरं तै दधामि ॥२॥

वातात्ते प्राणमविदं सूर्याच्चक्षुरहं तव ।

यत्ते मनस्त्वयि तद्धारयामि सं वित्स्वाङ्गैर्वद जिह्यालपन् ॥३॥

प्राणेन त्वा द्विपदां चतुष्पदामग्निमिव जातमभि सं धमामि ।
नमस्ते मृत्यो चक्षुषे नमः प्राणाय तेऽकरम् ॥४॥

अयं जीवतु मा मृतेमं समीरयामसि ।
कृणोम्यस्मै भेषजं मृत्यो मा पुरुषं वधीः ॥५॥

जीवलां नधारिषां जीवन्तीमोषधीमहम् ।
त्रायमाणां सहमानां सहस्वतीमिह हुवेऽस्मा अरिष्टतातये ॥६॥

अधि ब्रूहि मा रभथाः सृजेमं तवैव सन्त्सर्वहाया इहास्तु ।
भवाशर्वो मृडतं शर्म यच्छतमपसिध्यं दुरितं धत्तमायुः ॥७॥

अस्मै मृत्यो अधि ब्रूहीमं दयस्वोदितोऽयमेतु ।
अरिष्टः सर्वाङ्गः सुश्रुञ्जरसां शतहायन आत्मना भुजमश्नुताम् ॥८॥

देवानां हेतिः परि त्वा वृणक्तु पारयामि त्वा रजस उक्त्वा मृत्योरपीपरम् ।
आरादग्निं क्रव्यादं निरूहं जीवार्तवे ते परिधिं दधामि ॥९॥

यत्ते नियानं रजसं मृत्यो अनवधुष्यम् ।
पथ इमं तस्माद्रक्षन्तो ब्रह्मास्मै वर्म कृणमसि ॥१०॥

कृणोमि ते प्राणापानौ जरां मृत्युं दीर्घमायुः स्वस्ति ।
वैवस्वतेन प्रहितान्यमदूतांश्चरतोऽप सेधामि सर्वान् ॥११॥

आरादरातिं निर्ऋतिं परो ग्राहिं क्रव्यादः पिशाचान् ।
रक्षो यत्सर्वं दुर्भूतं तत्तम इवाप हन्मसि ॥१२॥

अग्नेष्टं प्राणमृतादायुष्मतो वन्वे जातवैदसः ।
यथा न रिष्यां अमृतः स्रूरसस्तत्ते कृणोमि तदु ते समृध्यताम् ॥१३॥

शिवे ते स्तां द्यावापृथिवी असंतापे अभिश्रियौ ।
 शं ते सूर्य आ तपतु शं वातौ वातु ते हृदे ।
 शिवा अभि क्षरन्तु त्वापो दिव्याः पर्यस्वतीः ॥१४॥

शिवास्तै सन्त्वोषधय उत्त्वाहार्षमधरस्या उत्तरां पृथिवीमभि ।
 तत्र त्वादित्यौ रक्षतां सूर्याचन्द्रमसावुभा ॥१५॥

यत्ते वासः परिधानं यां नीविं कृणुषे त्वम् ।
 शिवं ते तन्वेरे तत्कृणमः संस्पर्शेऽद्रूक्षमस्तु ते ॥१६॥

यत्क्षुरेण मर्चयता सुतेजसा वप्ता वपसि केशश्मश्रु ।
 शुभं मुखं मा न आयुः प्र मोषीः ॥१७॥

शिवौ ते स्तां ब्रीहियवावबलासार्वदोमधौ ।
 एतौ यद्धमं वि बाधेते एतौ मुञ्चतो अंहसः ॥१८॥

यदृश्नासि यत्पिबसि धान्यं कृष्याः पर्यः ।
 यदाद्यं यदनाद्यं सर्वं ते अन्नमविषं कृणोमि ॥१९॥

अहं च त्वा रात्रये चोभाभ्यां परि दद्यसि ।
 अरायैभ्यो जिघत्सुभ्य इमं मे परि रक्षत ॥२०॥

शतं तेऽयुतं हायनान्द्वे युगे त्रीणि चत्वारि कृणमः ।
 इन्द्राग्नी विश्वे देवास्तेऽनु मन्यन्तामहणीयमानाः ॥२१॥

शरदै त्वा हेमन्ताय वसन्ताय ग्रीष्माय परि दद्यसि ।
 वर्षाणि तुभ्यं स्योनानि येषु वर्धन्त ओषधीः ॥२२॥

मृत्युरीशे द्विपदां मृत्युरीशे चतुष्पदाम् ।
 तस्मात्त्वां मृत्योर्गोपितेरुद्धरामि स मा बिभेः ॥२३॥

सोऽरिष्टं न मरिष्यसि न मरिष्यसि मा बिभेः ।
न वै तत्रं म्रियन्ते नो यन्त्यधुमं तमः ॥२४॥

सर्वो वै तत्रं जीवति गौरश्वः पुरुषः पशुः ।
यत्रेदं ब्रह्म क्रियते परिधिर्जीवनाय कम् ॥२५॥

परि त्वा पातु समानेभ्योऽभिचारात्सबन्धुभ्यः ।
अमग्निर्भवामृतोऽतिजीवो मा ते हासिषुरसवः शरीरम् ॥२६॥

ये मृत्यव एकशतं या नाष्ट्रा अतितार्याः ।
मुञ्चन्तु तस्मात्त्वां देवा अग्नेर्वैश्वानरादधि ॥२७॥

अग्नेः शरीरमसि पारयिष्णु रक्षोहासि सपत्नहा ।
अथो अमीवचातनः पूतुद्रुर्नाम भेषजम् ॥२८॥

(३) तृतीयं सूक्तम्

(१-२६) षड्विंशत्यृचस्यास्य सूक्तस्य चातन ऋषिः । अग्निर्देवता ।

(१-६, ८-११, १३, १६, १८-२०, २४) प्रथमादिषडृचामष्टम्यादिचतसृणां
त्रयोदशीषोडशोरष्टादश्यादितृचस्य चतुर्विंश्याश्च त्रिष्टुप् (७, १२, १४-१५, १७, २१)

सप्तमीद्वादशीचतुर्दशीपञ्चदशीसप्तदशयेकविंशीनां भुरिक्विष्टुप्

(२२-२३) द्वाविंशीत्रयोविंशोरनुष्टुप् (२५) पञ्चविंश्याः पञ्चपदा बृहतीगर्भा जगती

(२६) षड्विंश्याश्च गायत्री छन्दांसि

रक्षोहणं वाजिनमा जिघर्मि मित्रं प्रथिष्टमुप यामि शर्म ।

शिशानो अग्निः क्रतुभिः समिद्धः स नो दिवा स रिषः पातु नक्तम् ॥१॥

अयोदंष्ट्रो अर्चिषा यातुधानानुप स्पृश जातवेदः समिद्धः ।

आ जिहया मूरदेवान्भस्व क्रव्यादो वृष्ट्वापि धत्स्वासन् ॥२॥

उभोभयाविनुप धेहि दंष्ट्रौ हिंस्रः शिशानोऽवरं परं च ।

उ॒तान्तरि॑न्ने परि॑ या॒ह्यग्ने॑ ज॒म्भैः सं धे॑ह्यभि या॒तु॒धाना॑न् ॥३॥

अग्ने॑ त्वचं॑ या॒तु॒धान॑स्य भिन्धि हिं॒स्त्राशनि॑र्हरसा हन्त्वेनम् ।
प्र प॒र्वाणि॑ जा॒तवे॑दः शृणीहि॑ क्र॒व्यात्क्र॑वि॒ष्णुर्वि चि॑नोत्वेनम् ॥४॥

यत्रे॑दानीं पश्य॑सि जा॒तवे॑द॒स्तिष्ठ॑न्तमग्र उ॒त वा॑ चरन्तम् ।
उ॒तान्तरि॑न्ने प॒तन्तं॑ या॒तु॒धानं॑ तमस्ता॑ वि॒ध्य श॒र्वा शि॑शानः ॥५॥

यज्ञै॑रिषूः सं॒नम॑मानो अग्ने॑ वा॒चा श॒ल्याँ अ॒शनि॑भिर्दि॒हानः॑ ।
ताभि॑र्वि॒ध्य हृ॑दये या॒तु॒धाना॑न्प्रती॒चो ब्रा॒ह्म॒न्प्रति॑ भङ्ग॒ध्येषाम्॑ ॥६॥

उ॒तार॑ब्धान्त्स॒पृनु॑हि जा॒तवे॑द उ॒तारै॑भा॒णाँ अ॒ष्टिभि॑र्या॒तु॒धाना॑न् ।
अग्ने॑ पूर्॒वो नि॑र्जहि शोशु॑चान आ॒मादः॑ द्वि॒ङ्कास्त॑र्मद॒न्त्वेनीः॑ ॥७॥

इह॑ प्र ब्रू॒हि य॒तमः॑ सो अग्ने॑ या॒तु॒धानो॑ य इ॒दं कृ॑णोति ।
तमा॑ र॒भस्व॑ स॒मिधा॑ यविष्ठ नृ॒चक्ष॑सश्चक्षु॑षे रन्ध॒यैनम्॑ ॥८॥

तीक्ष्णे॑नाग्ने॑ चक्षु॑षा रक्ष॑ य॒ज्ञं प्राञ्चं॑ वसु॒भ्यः प्र ग॑य प्रचेतः ।
हिं॒स्त्रं रक्षा॑स्य॒भि शोशु॑चानं॒ मा त्वा॑ दभ॒न्यातु॒धाना॑ नृचक्षः ॥९॥

नृचक्ष॑ा रक्षः॑ परि॑ पश्य वि॒क्षु तस्य॑ त्रीणि॒ प्रति॑ शृणी॒ह्यग्रा॑ ।
तस्या॑ग्ने॑ पृ॒ष्ठीर्हर॑सा शृणीहि॑ त्रेधा॒ मूलं॑ या॒तु॒धान॑स्य वृश्च ॥१०॥

त्रि॒र्यातु॑धानः॒ प्रसि॑तिं त ए॒त्वृतं॑ यो अग्ने॑ अनृ॒तेन॑ हन्ति ।
तम॒र्चिषा॑ स्फूर्ज॒यञ्जा॑तवे॒दः सम॒क्षमै॑नं गृण॒ते नि यु॑ङ्गधि ॥११॥

यद॑ग्ने अ॒द्य मि॑थुना शपा॒तो यद्वा॑चस्तृष्टं॒ जन॑यन्त रे॒भाः ।
म॒न्योर्म॑नसः श॒र्व्या॒इ जा॑र्यते॒ या तया॑ वि॒ध्य हृ॑दये या॒तु॒धाना॑न् ॥१२॥

परा॑ शृणीहि॒ तप॑सा या॒तु॒धाना॑न्परा॒ग्ने रक्षो॑ हर॒सा शृणी॑हि ।

परार्चिषा मूरदेवाञ्छृणीहि परासुतृपः शोशुचतः शृणीहि ॥१३॥

पराद्य देवा वृजिनं शृणन्तु प्रत्यगेनं शपथा यन्तु सृष्टाः ।
वाचास्तैनं शरव ऋच्छन्तु मर्मन्विश्वस्यैतु प्रसितिं यातुधानः ॥१४॥

यः पौरुषेयेण क्रविषा समङ्गे यो अश्वयेन पशुना यातुधानः ।
यो अन्नचाया भरति क्षीरमग्ने तेषां शीर्षाणि हरसापि वृश्च ॥१५॥

विषं गवां यातुधानां भरन्तामा वृश्चन्तामदितये दुरेवाः ।
परैणान्देवः सविता ददातु परा भागमोषधीनां जयन्ताम् ॥१६॥

संवत्सरीणां पर्य उस्त्रियायास्तस्य माशीद्यातुधानो नृचक्षः ।
पीयूषमग्ने यतमस्तिर्त्प्सात्तं प्रत्यञ्चमर्चिषा विध्य मर्मणि ॥१७॥

सनादग्ने मृणसि यातुधानान्न त्वा रक्षांसि पृतनासु जिग्युः ।
सहमूराननु दह क्रव्यादो मा ते हेत्या मुक्षत दैव्यायाः ॥१८॥

त्वं नो अग्ने अधरादुदक्तस्त्वं पश्चादुत रक्षा पुरस्तात् ।
प्रति त्ये ते अजरासुस्तपिष्ठा अघशंसं शोशुचितो दहन्तु ॥१९॥

पश्चात्पुरस्तादधरादुतोत्तरात्क्विः काव्येन परि पाह्यग्ने ।
सखा सखायमजरौ जरिम्णे अग्ने मर्ता अमर्त्यस्त्वं नः ॥२०॥

तदग्ने चक्षुः प्रति धेहि रेभे शफारुजो येन पश्यसि यातुधानान् ।
अथर्ववज्रचोर्तिषा दैव्येन सत्यं धूर्वन्तमचितं न्योषि ॥२१॥

परि त्वाग्ने पुरं वयं विप्रं सहस्य धीमहि ।
धृषद्वर्णं दिवेदिवे हन्तारं भङ्गुरावतः ॥२२॥

विषेण भङ्गुरावतः प्रति स्म रक्षसो जहि ।

अग्नें तिग्मेन शोचिषा तपुरग्राभिरर्चिभिः ॥ २३ ॥

वि ज्योतिषा बृहता भात्यग्निराविर्विश्वानि कृणुते महित्वा ।
प्रादेवीर्मायाः सहते दुरेवाः शिशीते शृङ्गे रक्षोभ्यो विनिद्वे ॥ २४ ॥

ये ते शृङ्गे अजरै जातवेदस्तिग्महेती ब्रह्मसंशिते ।
ताभ्यां दुर्हार्दमभिदासन्तं किमीदिनं प्रत्यञ्चमर्चिषा जातवेदो वि निद्वे ॥ २५ ॥

अग्नी रक्षांसि सेधति शुक्रशौचिरमर्त्यः ।
शुचिः पावक ईडयः ॥ २६ ॥

(४) चतुर्थं सूक्तम्

(१-२५) पञ्चविंशत्यृचस्यास्य सूक्तस्य चातन ऋषिः । मन्त्रोक्ता देवताः ।
(१-७, १५, १८, २१) प्रथमादिसप्तर्चा पञ्चदश्याष्टादशयेकविंशीनाञ्च जगती
(८-१४, १६-१७, १९, २२, २४) अष्टम्यादिसप्तानां
षोडशीसप्तदशयेकोनविंशीद्वाविंशीचतुर्विंशीनां त्रिष्टुप्
(२०, २३) विंशीत्रयोविंशोर्भुरिक्त्रिष्टुप् (२५) पञ्चविंश्याश्चानुष्टुप् छन्दांसि
इन्द्रासोमा तपतं रक्ष उब्जतं न्युर्षयतं वृषणा तमोवृधः ।
परा शृणीतमचितो न्युषतं हतं नुदेथां नि शिशीतमत्रिणः ॥ १ ॥

इन्द्रासोमा समघशंसमभ्यशुघं तपर्ययस्तु चरुरग्निमाँ इव ।
ब्रह्मद्विषे क्रव्यादे घोरचक्षसे द्वेषो धत्तमनवायं किमीदिने ॥ २ ॥

इन्द्रासोमा दुष्कृतो वृत्रे अन्तरनारम्भणे तमसि प्र विध्यतम् ।
यतो नैषां पुनरेकश्चनोदयत्तद्रामस्तु सहसे मन्युमच्छवः ॥ ३ ॥

इन्द्रासोमा वर्तयतं दिवो वृधं सं पृथिव्या अघशंसाय तर्हणम् ।
उत्तक्षतं स्वर्यशु पर्वतेभ्यो येन रक्षो वावृधानं निजूर्वथः ॥ ४ ॥

इन्द्रासोमा वर्तयतं दिवस्पर्यग्नितुषेभिर्युवमश्महन्मभिः ।
तपुर्वधेभिरजरैभिरत्रिणो नि पशानि विध्यतं यन्तु निस्वरम् ॥५॥

इन्द्रासोमा परि वां भूतु विश्वत इयं मतिः कद्याश्चैव वाजिना ।
यां वां होत्रां परिहिनोमि मेधयेमा ब्रह्माणि नृपती इव जिन्वतम् ॥६॥

प्रति स्मरेथां तुजयद्भिरेवैर्हतं द्रुहो रक्षसो भङ्गरावतः ।
इन्द्रासोमा दुष्कृते मा सुगं भूद्यो मा कदा चिदभिदासति द्रुहुः ॥७॥

यो मा पाकेन मनसा चरन्तमभिचष्टे अनृतेभिर्वचोभिः ।
आप इव काशिना संगृभीता असन्नस्त्वसतः इन्द्र वक्ता ॥८॥

ये पाकशंसं विहरन्त एवैर्ये वां भद्रं दूषयन्ति स्वधाभिः ।
अहये वा तान्प्रददातु सोम आ वा दधातु निर्ऋतेरुपस्थे ॥९॥

यो नो रसं दिप्सति पित्वो अग्ने अश्वानां गवां यस्तनूनाम् ।
रिपु स्तेन स्तैयकृद्भ्रमेतु नि ष हीयतां तन्वा३ तनां च ॥१०॥

परः सो अस्तु तन्वा३ तनां च तिस्रः पृथिवीरधो अस्तु विश्वाः ।
प्रति शुष्यतु यशो अस्य देवा यो मा दिवा दिप्सति यश्च नक्तम् ॥११॥

सुविज्ञानं चिकितुषे जनाय सञ्चासञ्च वचसी पस्पृधाते ।
तस्योर्यत्सत्यं यतरदृजीयस्तदित्सोमोऽवति हन्त्यसत् ॥१२॥

न वा उ सोमो वृजिनं हिनोति न क्षत्रियं मिथुया धारयन्तम् ।
हन्ति रक्षो हन्त्यासद्वदन्तमुभाविन्द्रस्य प्रसितौ शयाते ॥१३॥

यदि वाहमनृतदेवो अस्मि मोघं वा देवाँ अप्यूहे अग्ने ।
किमस्मभ्यं जातवेदो हृणीषे द्रोघवाचस्ते निर्ऋथं सचन्ताम् ॥१४॥

अद्या मु॒रीय॒ यदि॑ यातु॒धानो॑ अस्मि॒ यदि॑ वायु॒स्ततप॑ पुरु॒षस्य॑ ।
अधा॒ स वी॒रैर्द॑शभि॒र्वि यू॒या यो मा॒ मोघं॑ यातु॒धानेत्याह॑ ॥१५॥

यो माया॑तुं यातु॒धानेत्याह॑ यो वा॑ र॒क्षाः शिचि॑र॒स्मीत्याह॑ ।
इन्द्र॒स्तं ह॑न्तु॒ मह॒ता व॒धेन॑ वि॒श्वस्य॑ ज॒न्तोर्ध॒मस्प॑दीष्ट ॥१६॥

प्र या जिगा॑ति ख॒र्गले॑व॒ नक्त॑मप॒ द्रुहु॑स्त॒न्वशु॑ गूह॒माना॑ ।
व॒व्रम॑न॒न्तमव॑ सा प॑दीष्ट॒ ग्रावा॑णो घ्नन्तु॒ रक्ष॑स॒ उप॒ब्दैः ॥१७॥

वि तिष्ठ॑ध्वं मरु॒तो वि॒द्वीरे॑च्छत॒ गृभा॑यत॒ रक्ष॑सः॒ सं पि॑नष्टन ।
वयो॑ ये भू॒त्वा प॒तर्य॑न्ति॒ नक्त॑भि॒र्ये वा॒ रिपौ॑ दधि॒रे दे॒वे अ॒ध्वरे ॥१८॥

प्र वर्त॑य दि॒वोऽश्मा॑नमिन्द्र॒ सोम॑शितं मघव॒न्त्सं शि॑शाधि ।
प्रा॒क्तो अ॒पा॒क्तो अ॒धरा॑दु॒दक्तो॑रे॒ऽभि ज॑हि र॒क्षसः॑ पर्व॒तेन ॥१९॥

एत॒ उ॒ त्ये प॑तयन्ति॒ श्वया॑तव॒ इन्द्रं॑ दि॒प्सन्ति॑ दि॒प्सवो॑ऽदा॒भ्यम् ।
शि॒शीते॑ श॒क्रः पि॑शु॒नेभ्यो॑ व॒धं नूनं॑ सृ॒जद॑शनिं॒ यातु॑म॒द्भ्यः ॥२०॥

इन्द्रो॑ यातु॒नाम॑भवत्पराश॒रो ह॑वि॒र्मथी॑नाम॒भ्यारे॑विवा॒सताम् ।
अ॒भीदु॑ श॒क्रः प॑र॒शुर्यथा॑ वनं॒ पात्रै॑व भि॒न्दन्त्स॑त ए॒तु र॒क्षसः॑ ॥२१॥

उ॒लूक॑यातुं शुशु॒लूक॑यातुं ज॒हि श्व॑यातुमु॒त को॑कयातुम् ।
सु॒पर्ण॑यातुमु॒त गृध्र॑यातुं दृ॒षदै॑व॒ प्र मृ॑ण॒ रक्ष॑ इन्द्र ॥२२॥

मा नो॑ रक्षो॒ अ॒भि न॑ड्यातु॒माव॑दपौ॒च्छन्तु॑ मिथु॒ना ये कि॑मी॒दिनः॑ ।
पृथि॒वी नः॑ पार्थि॒वात्पा॑त्वंह॒सोऽन्तरि॑क्षं दि॒व्यात्पा॑त्व॒स्मान् ॥२३॥

इन्द्रं॑ ज॒हि पु॑मांसं॒ यातु॑धानमु॒त स्त्रियं॑ मा॒यया॑ शाश॒दानाम् ।
वि॒ग्रीवा॑सो मूर॒देवा॑ ऋदन्तु॒ मा ते दृ॑श॒न्त्सूर्य॑मु॒च्चर॑न्तम् ॥२४॥

प्रति चक्ष्व वि चक्ष्वेन्द्रश्च सोम जागृतम् ।
रक्षौभ्यो वधमस्यतमशनिं यातुमद्भ्यः ॥२५॥

(५) पञ्चमं सूक्तम्

(१-२२) द्वाविंशत्यृचस्यास्य सूक्तस्य शुक्र ऋषिः । कृत्यादूषणं मन्त्रोक्ता वा देवताः ।
(१, ६) प्रथमाषष्ट्योर्ऋचोरुपरिष्ठाद्ब्रह्मती (२) द्वितीयायास्त्रिपदा विराङ्गायत्री
(३) तृतीयायाश्चतुष्पदा भुरिग्जगती (४, १२-१३, १६-१८) चतुर्थीद्वादशीत्रयोदशीनां
षोडश्यादितृचस्य चानुष्टुप् (५) पञ्चम्या भुरिक्संस्तारपङ्क्तिः (७-८) सप्तम्यष्टम्योः
ककुम्मत्यनुष्टुप् (९) नवम्याश्चतुष्पदा पुरस्कृतिर्जगती (१०) दशम्यास्त्रिष्टुप्
(११) एकादश्याः पथ्यापङ्क्तिः (१४) चतुर्दश्यारूयवसाना षट्पदा जगती
(१५) पञ्चदश्याः पुरस्ताद्ब्रह्मती (१६) एकोनविंश्या जगतीगर्भा त्रिष्टुप्
(२०) विंश्या विराङ्गर्भास्तारपङ्क्तिः (२१) एकविंश्याः पराविराट्त्रिष्टुप्
(२२) द्वाविंश्याश्च त्र्यवसाना सप्तपदा विराङ्गर्भा भुरिक्शक्वरी छन्दांसि

अयं प्रतिसुरो मणिर्वीरो वीरायं बध्यते ।

वीर्यवान्त्सपत्नहा शूरवीरः परिपारणः सुमङ्गलः ॥१॥

अयं मणिः संपत्नहा सुवीरः सहस्वान्वाजी सहमान उग्रः ।

प्रत्यकृत्या दूषयन्नेति वीरः ॥२॥

अनेनेन्द्रो मणिना वृत्रमहन्ननेनासुरान्पराभावयन्मनीषी ।

अनेनाजयद्द्यावापृथिवी उभे इमे अनेनाजयत्प्रदिशश्चतस्रः ॥३॥

अयं स्राक्त्यो मणिः प्रतीवर्तः प्रतिसुरः ।

ओर्जस्वान्विमृधो वशी सो अस्मान्पातु सर्वतः ॥४॥

तदग्निराह तदु सोम आह बृहस्पतिः सविता तदिन्द्रः ।

ते मे देवाः पुरोहिताः प्रतीचीः कृत्याः प्रतिसुरैरजन्तु ॥५॥

अन्तर्दधे द्यावापृथिवी उताहरुत सूर्यम् ।

ते मे देवाः पुरोहिताः प्रतीचीः कृत्याः प्रतिसुरैरजन्तु ॥६॥

ये स्त्राक्त्यं मृणिं जना वर्माणि कृणवते ।
सूर्य इव दिवमारुह्य वि कृत्या बाधते वृशी ॥७॥

स्त्राक्त्येन मृणिन् ऋषिणेव मनीषिणा ।
अजैषं सर्वाः पृतना वि मृधो हन्मि रक्षसः ॥८॥

याः कृत्या आङ्गिरसीर्याः कृत्या आसुरीर्याः कृत्याः स्वयंकृता या उ
चान्येभिराभृताः ।
उभयीस्ताः परा यन्तु परावतो नवतिं नाव्याश्च अति ॥९॥

अस्मै मृणिं वर्म बध्नन्तु देवा इन्द्रो विष्णुः सविता रुद्रो अग्निः ।
प्रजापतिः परमेष्ठी विराड्वैश्वानर ऋषयश्च सर्वे ॥१०॥

उत्तमो अस्योषधीनामनुड्वाञ्जगतामिव व्याघ्रः श्वपदामिव ।
यमैच्छामाविदाम् तं प्रतिस्पाशनमन्तितम् ॥११॥

स इद्व्याघ्रो भवत्यथो सिंहो अथो वृषा ।
अथो सपत्नकर्शनो यो बिभर्तीमं मृणिम् ॥१२॥

नैनं घन्त्यप्सरसो न गन्धुर्वा न मर्त्याः ।
सर्वा दिशो वि राजति यो बिभर्तीमं मृणिम् ॥१३॥

कश्यपस्त्वामसृजत कश्यपस्त्वा समैरयत् ।
अबिभुस्त्वेन्द्रो मानुषे बिभ्रत्संश्रेषिणेऽजयत् ।
मृणिं सहस्रवीर्यं वर्म देवा अकृणवत ॥१४॥

यस्त्वा कृत्याभिर्यस्त्वा दीक्षाभिर्यज्ञैर्यस्त्वा जिघांसति ।
प्रत्यक्त्वमिन्द्र तं जहि वज्रेण शतपर्वणा ॥१५॥

अयमिद्वै प्रतीवर्त ओजस्वान्संजयो मृणिः ।

प्रजां धनं च रक्षतु परिपाणः सुमङ्गलः ॥१६॥

असपत्नं नो अधरादसपत्नं न उत्तरात् ।
इन्द्रासपत्नं नः पश्चाज्ज्योतिः शूर पुरस्कृधि ॥१७॥

वर्म मे द्यावापृथिवी वर्माहर्वर्म सूर्यः ।
वर्म म् इन्द्रश्चाग्निश्च वर्म धाता दधातु मे ॥१८॥

ऐन्द्राग्रं वर्म बहुलं यदुग्रं विश्वे देवा नातिविध्यन्ति सर्वे ।
तन्मै तन्वन्त्रायतां सर्वतो बृहदायुष्मां जरदष्टिर्यथासानि ॥१९॥

आ मारुक्षदेवमृणिर्मह्या अरिष्टतातये ।
इमं मेथिमभिसंविशध्वं तनूपानं त्रिवरूथमोजसे ॥२०॥

अस्मिन्निन्द्रो नि दधातु नृणामिमं देवासो अभिसंविशध्वम् ।
दीर्घायुत्वार्यं शतशारदायायुष्माञ्जरदष्टिर्यथासत् ॥२१॥

स्वस्तिदा विशां पतिर्वृत्रहा विमृधो वशी ।
इन्द्रो बध्नातु ते मृणिं जिगीवां अपराजितः सोमपा अभयंकरो वृषा ।
स त्वा रक्षतु सर्वतो दिवा नक्तं च विश्वतः ॥२२॥

(६) षष्ठं सूक्तम्

(१-२६) षड्विंशत्यृचस्यास्य सूक्तस्य मातृनामा ऋषिः । (१-१४, १६-२६)
प्रथमादिचतुर्दशर्चा षोडश्याद्येकादशानाञ्च मातृनामा मन्त्रोक्ता वा (१५) पञ्चदश्याश्च
ब्रह्मणस्पतिर्देवता । (१, ३-६, १३, १८-२६) प्रथमायास्तृतीयादिसप्तानां त्रयोदश्या
अष्टादश्यादिनवानाञ्चानुष्टुप् (२) द्वितीयायाः पुरस्ताद्ब्रह्मती (१०) दशम्यास्त्र्यवसाना
षट्पदा जगती (११-१२, १४, १६) एकादशीद्वादशीचतुर्दशीषोडशीनां पथ्यापङ्क्तिः

(१५) पञ्चदश्यास्त्र्यवसाना सप्तपदा शक्वरी

(१७) सप्तदश्याश्च त्र्यवसाना सप्तपदा जगती छन्दांसि

यौ ते मातोन्मार्ज जातायाः पतिवेदनौ ।
दुर्गामा तत्र मा गृधदलिंश उत वत्सपः ॥१॥

पुलालानुपुलालौ शकुं कोकं मलिम्लुचं पुलीजकम् ।
आश्रेषं वृत्रिवाससमृक्षग्रीवं प्रमीलिनम् ॥२॥

मा सं वृतो मोप सृप ऊरू माव सृपोऽन्तरा ।
कृणोम्यस्यै भेषजं ब्रजं दुर्णाम्चातनम् ॥३॥

दुर्णामा च सुनामा चोभा संवृतमिच्छतः ।
अरायानप हन्मः सुनामा स्त्रैणमिच्छताम् ॥४॥

यः कृष्णः केश्यसुर स्तम्बज उत तुरिडकः ।
अरायानस्या मुष्काभ्यां भंससोऽप हन्मसि ॥५॥

अनुजिघ्रं प्रमृशन्तं क्रव्यादमुत रैरिहम् ।
अरायांष्ट्वकिष्किणौ ब्रजः पिङ्गो अनीनशत् ॥६॥

यस्त्वा स्वप्ने निपद्यते भ्राता भूत्वा पितेव च ।
ब्रजस्तान्तसंहतामितः क्लीबरूपांस्तिरीटिनः ॥७॥

यस्त्वा स्वपन्तीं त्सरति यस्त्वा दिप्सति जाग्रतीम् ।
छायामिव प्र तान्तसूर्यः परिक्रामन्ननीनशत् ॥८॥

यः कृणोति मृतवत्सामवतो कामिमां स्त्रियम् ।
तमौषधे त्वं नाशयास्याः कमलमञ्जिवम् ॥९॥

ये शालाः परिनृत्यन्ति सायं गर्दभनादिनः ।
कुसूला ये च कुक्षिलाः ककुभाः करुमाः स्त्रिमाः ।
तानौषधे त्वं गुन्धेन विषूचीनान्वि नाशय ॥१०॥

ये कुकुन्धाः कुकिरभाः कृतीर्दूशानि बिभ्रति ।
क्लीबा इव प्रनृत्यन्तो वने ये कुर्वते घोषं तानितो नाशयामसि ॥११॥

ये सूर्यं न तितिक्षन्त आतपन्तममुं दिवः ।
अरायान्बस्तवासिनौ दुर्गन्धील्लोहितास्यान्मककान्नाशयामसि ॥१२॥

य आत्मानमतिमात्रमंसं आधाय बिभ्रति ।
स्त्रीणां श्रौणिप्रतोदिन इन्द्र रक्षांसि नाशय ॥१३॥

ये पूर्वे वध्वोऽं यन्ति हस्ते शृङ्गाणि बिभ्रतः ।
आपाकेस्थाः प्रहासिनं स्तम्बे ये कुर्वते ज्योतिस्तानितो नाशयामसि ॥१४॥

येषां पश्चात्प्रपदानि पुरः पाष्णीः पुरो मुखा ।
खलजाः शकधूमजा उरुगडा ये च मट्मटाः कुम्भमुष्का अयाशवः ।
तानस्या ब्रह्मणस्पते प्रतीबोधेन नाशय ॥१५॥

पर्यस्ताक्षा अप्रचङ्कशा अस्त्रैणाः संन्तु परडंगाः ।
अव भेषज पादय य इमां संविवृत्सत्यपतिः स्वपतिं स्त्रियम् ॥१६॥

उद्धर्षिणं मुनिकेशं जम्भयन्तं मरीमृशम् ।
उपेषन्तमुदुम्बलं तुण्डेलमुत शालुडम् ।
पदा प्र विध्य पाष्यां स्थालीं गौरिव स्पन्दना ॥१७॥

यस्ते गर्भं प्रतिमृशाज्जातं वा मारयाति ते ।
पिङ्गस्तमुग्रधन्वा कृणोतु हृदयाविधम् ॥१८॥

ये अमो जातान्मारयन्ति सूतिका अनुशेरते ।
स्त्रीभागान्पिङ्गो गन्धर्वान्वातो अभ्रमिवाजतु ॥१९॥

परिसृष्टं धरयतु यद्धितं माव पादि तत् ।
गर्भं त उग्रौ रक्षतां भेषजौ नीविभार्यौ ॥२०॥

पवीनसात्तङ्गल्वाऽच्छायकादुत नग्नकात् ।

प्रजायै पत्यै त्वा पिङ्गः परि पातु किमीदिनः ॥२१॥

द्व्या[स्याच्चतुरक्षात्पञ्चपदादनङ्गुरेः ।
वृन्तादिभि प्रसर्पतुः परि पाहि वरीवृतात् ॥२२॥

य आमं मांसमुदन्ति पौरुषेयं च ये क्रविः ।
गर्भान्वादन्ति केशवास्तानितो नाशयामसि ॥२३॥

ये सूर्यात्परिसर्पन्ति स्रुषेव श्वशुरादधि ।
ब्रजश्च तेषां पिङ्गश्च हृदयेऽधि नि विध्यताम् ॥२४॥

पिङ्ग रक्ष जायमानं मा पुमांसं स्त्रियं क्रन् ।
आण्डादो गर्भान्मा दभन्बाधस्वेतः किमीदिनः ॥२५॥

अप्रजास्त्वं मार्तवत्समाद्रोदमघमावयम् ।
वृक्षादिव स्रजं कृत्वाप्रिये प्रति मुञ्च तत् ॥२६॥

(७) सप्तमं सूक्तम्

(१-२८) अष्टाविंशत्यृचस्यास्य सूक्तस्याथर्वा ऋषिः । भेषजमायुश्च, ओषधयो वा देवताः । (१, ७-८, ११, १३, १५-२४, २७) प्रथमर्चः सप्तम्यष्टम्येकादशीत्रयोदशीनां पञ्चदश्यादिदशानां सप्तविंश्याश्चानुष्टुप् (२) द्वितीयाया उपरिष्टाद्भुरिग्वृहती (३) तृतीयायाः पुरउष्णिक् (४) चतुर्थ्याः पञ्चपदा परानुष्टुबतिजगती (५, १०, २५) पञ्चमीदशमीपञ्चविंशीनां पथ्यापङ्क्तिः (३) षष्ठ्या विराड्गर्भा भुरिक्पथ्यापङ्क्तिः (६) नवम्या द्विपदार्ची भुरिगनुष्टुप् (१२) द्वादश्याः पञ्चपदा विराडतिशक्वरी (१४) चतुर्दश्या उपरिष्टान्निचृद्बृहती (२६) षड्विंश्या निचृदनुष्टुप् (२८) अष्टाविंश्याश्च भुरिगनुष्टुप् छन्दांसि या बभ्रवो याश्च शुक्रा रोहिणीरुत पृश्नयः । असिक्नीः कृष्णा ओषधीः सर्वा अर्च्छावदामसि ॥१॥

त्रायन्तामिमं पुरुषं यद्दमाद्वेर्वितादधि ।
यासां द्यौष्पिता पृथिवी माता समुद्रो मूलं वीरुधां बभूव ॥२॥

आपो अग्रं दिव्या ओषधयः ।
तास्ते यद्धर्ममेनुस्यश्मङ्गादङ्गादनीनशन् ॥३॥

प्रस्तृणती स्तम्बिनीरेकशुङ्गाः प्रतन्वतीरोषधीरा वंदामि ।
अंशुमतीः कण्डिनीर्या विशाखा ह्यामि ते वीरुधौ वैश्वदेवीरुगाः
पुरुषजीवनीः ॥४॥

यद्वः सहः सहमाना वीर्यश्च यच्च वो बलम् ।
तेनेमस्माद्यद्धमात्पुरुषं मुञ्चतौषधीरथो कृणोमि भेषजम् ॥५॥

जीवलां नधारिषां जीवन्तीमोषधीमहम् ।
अरुन्धतीमुन्नयन्तीं पुष्पां मधुमतीमिह हुवेऽस्मा अरिष्टतातये ॥६॥

इहा यन्तु प्रचेतसो मेदिनीर्वचसो मम ।
यथेमं पारयामसि पुरुषं दुरितादधि ॥७॥

अग्नेर्घासो अपां गर्भो या रोहन्ति पुनर्णवाः ।
ध्रुवाः सहस्रनाम्नीर्भेषजीः सन्त्वाभृताः ॥८॥

अवकोल्बा उदकात्मान् ओषधयः ।
व्यूषन्तु दुरितं तीक्ष्णशृङ्गयः ॥९॥

उन्मुञ्चन्तीर्विवरुणा उग्रा या विषदूषणीः ।
अथो बलासनाशनीः कृत्यादूषणीश्च यास्ता इहा युन्त्वोषधीः ॥१०॥

अपक्रीताः सहीयसीर्वीरुधो या अभिष्टृताः ।
त्रायन्तामस्मिन्ग्रामे गामश्च पुरुषं पशुम् ॥११॥

मधुमन्मूलं मधुमदग्रमासां मधुमन्मध्यं वीरुधां बभूव ।
मधुमत्पर्णं मधुमत्पुष्पमासां मधोः संभक्ता अमृतस्य भुक्तो घृतमन्नं दुहतां

गोपुरोगवम् ॥१२॥

यावतीः किर्यतीश्चेमाः पृथिव्यामध्योषधीः ।
ता मां सहस्रपुण्यो मृत्योर्मुञ्चन्त्वंहसः ॥१३॥

वैयाघ्रो मृगिर्वीरुधां त्रायमाणोऽभिशास्तिपाः ।
अमीवाः सर्वा रक्षांस्यप हन्त्वधि दूरमुस्मत् ॥१४॥

सिंहस्यैव स्तनथोः सं विजन्तेऽग्रेरिव विजन्त आभृताभ्यः ।
गवां यक्ष्मः पुरुषाणां वीरुद्धिरतिनुत्तो नाव्या एतु स्रोत्याः ॥१५॥

मुमुक्षाना ओषधयोऽग्रेवैश्वानरादधि ।
भूमिं संतन्वतीरित यासां राजा वनस्पतिः ॥१६॥

या रोहन्त्याङ्गिरीसीः पर्वतेषु समेषु च ।
ता नः पर्यस्वतीः शिवा ओषधीः सन्तु शं हृदे ॥१७॥

याश्चाहं वेदं वीरुधो याश्च पश्यामि चक्षुषा ।
अज्ञाता जानीमश्च या यासु विद्य च संभृतम् ॥१८॥

सर्वाः समग्रा ओषधीर्बोधन्तु वचसो मम ।
यथेमं पारयामसि पुरुषं दुरितादधि ॥१९॥

अश्वत्थो दुर्भो वीरुधां सोमो राजामृतं हविः ।
व्रीहिर्यवश्च भेषजौ दिवस्पुत्रावर्मत्यौ ॥२०॥

उज्जिहीध्वे स्तनयत्यभिक्रन्दत्योषधीः ।
यदा वः पृश्निमातरः पुर्जन्यो रेतुसारवति ॥२१॥

तस्यामृतस्येमं बलं पुरुषं पययामसि ।

अथो कृणोमि भेषजं यथासच्छतहायनः ॥२२॥

वराहो वेद वीरुधं नकुलो वेद भेषजीम् ।
सर्पा गन्धर्वा या विदुस्ता अस्मा अर्वसे हुवे ॥२३॥

याः सुपर्णा आङ्गिरसीर्दिव्या या रघटौ विदुः ।
वयांसि हंसा या विदुर्याश्च सर्वे पत्रिणः ।
मृगा या विदुरोषधीस्ता अस्मा अर्वसे हुवे ॥२४॥

यावतीनामोषधीनां गावः प्राश्नन्त्यघ्नया यावतीनामजावयः ।
तावतीस्तुभ्यमोषधीः शर्म यच्छन्त्वाभृताः ॥२५॥

यावतीषु मनुष्या भेषजं भिषजौ विदुः ।
तावतीर्विश्वभेषजीरा भरामि त्वामभि ॥२६॥

पुष्पवतीः प्रसूमतीः फलिनीरफला उत ।
संमातर इव दुहामस्मा अरिष्टतातये ॥२७॥

उत्त्वाहार्षं पञ्चशलादथो दशशलादुत ।
अथो यमस्य पड्वीशाद्विश्वस्माद्देवकिल्बिषात् ॥२८॥

(८) अष्टमं सूक्तम्

(१-२४) चतुर्विंशत्युचस्यास्य सूक्तस्य भृगवङ्गिरा ऋषिः । इन्द्रो वनस्पतिर्वा देवता ।

(१, ५, १३-१८) प्रथमापञ्चम्योर्त्रयोदश्यादिषण्णानुष्टुप् (२, ८-१०, २३)
द्वितीयाया अष्टम्यादितृचस्य त्रयोविंश्याश्चोपरिष्ठाद्बृहती (३) तृतीयाया विराड्बृहती
(४) चतुर्थ्या बृहतीपुरस्तात्प्रस्तारपङ्क्तिः (६) षष्ठ्या आस्तारपङ्क्तिः (७) सप्तम्या
विपरीतपादलक्ष्मा चतुष्पदातिजगती (११) एकादश्याः पथ्याबृहती (१२) द्वादश्या
भुरिगनुष्टुप् (१६) एकोनविंश्या विराट् पुरस्ताद्बृहती (२०) विंश्या निचृत्पुरस्ताद्बृहती
(२१) एकविंश्यास्त्रिष्टुप् (२२) द्वाविंश्याश्चतुष्पदा शक्वरी (२४) चतुर्विंश्याश्च
त्रयवसाना त्रिष्टुबुष्णिग्गर्भा पराशक्वरी पञ्चपदा जगती छन्दांसि

इन्द्रो मन्थतु मन्थिता शक्रः शूरः पुरंदरः ।

यथा हनाम॑ सेना॑ अ॒मित्रा॑णां सहस्र॑शः ॥१॥

पू॒तिर॒ज्जुरु॑प॒ध्मानी॑ पू॒तिं सेना॑ कृ॒णोत्व॑मू॒म् ।
धू॒मम॒ग्निं प॑रा॒दृश्या॑ऽमि॒त्रा हृ॒त्स्वा द॑धतां भ॒यम् ॥२॥

अ॒मूर्न॑श्च॒त्थ निः शृ॑णीहि॒ खादा॑मूर्ख॒दिरा॑जिरम् ।
ता॒जद्भ॑ङ्गं इव भजन्तां॑ ह॒न्त्वेना॑न्व॒धको व॒धैः ॥३॥

प॒रुषान॑मूर्॒न्परु॑षा॒ह्वः कृ॑णोतु॒ हन्त्वेना॑न्व॒धको व॒धैः ।
क्षि॒प्रं श॒र इ॒व भज॑न्तां बृह॒ज्जाले॑न॒ संदि॑ताः ॥४॥

अ॒न्तरि॑न्नुं जाल॑मासी॒ज्जाल॑द॒राडा दि॑शो॒ महीः ।
तेना॑भि॒धाय॑ दस्यू॒नां श॒क्रः सेना॑मपावपत् ॥५॥

बृह॑द्धि॒ जालं॑ बृह॒तः श॒क्रस्य॑ वा॒जिनी॑वतः ।
तेन॑ श॒त्रून्भि॑ सर्वा॒न्नयु॑ञ्ज॒ यथा॑ न मु॒च्यति॑ क॒तमश्च॑नैषाम् ॥६॥

बृह॑त्ते॒ जालं॑ बृह॒त इन्द्र॑ शूर॒ सहस्रा॑र्घस्य॒ शत॑वीर्यस्य ।
तेन॑ श॒तं स॒हस्रं॑म॒युतं॑ न्य॒र्बुदं॑ ज॒घानं॑ श॒क्रो दस्यू॑नामभि॒धाय॑ सेन॒या ॥७॥

अ॒यं लो॒को जाल॑मासी॒च्छक्र॑स्य॒ मह॑तो॒ महान् ।
तेना॑ह॒मिन्द्र॑जालेना॒मूंस्त॑र्मसा॒भि द॑धामि॒ सर्वान् ॥८॥

से॒दिरु॒ग्रा व्यृ॑द्धि॒रार्ति॑श्चान॒पवा॑च॒ना ।
श्र॑म॒स्तन्द्नी॑श्च॒ मोह॑श्च॒ तैर॑मू॒नभि॑ द॒धामि॒ सर्वान् ॥९॥

मृ॒त्यवे॑ऽमू॒न्प्र य॑च्छामि॒ मृत्यु॑पा॒शैर॑मी॒ सिताः ।
मृ॒त्योर्ये॑ अ॒घृला॑ दू॒तास्ते॑भ्य॒ एना॑न्प्रति॒ नयामि॑ ब॒द्ध्वा ॥१०॥

न॒यता॑मू॒न्मृत्यु॑दू॒ता य॑मदू॒ता अ॒पौम्भ॑त ।

परःसहस्रा हन्यन्तां तृणेद्वेनान्मत्यं भवस्य ॥११॥

साध्या एकं जालदण्डमुद्यत्य यन्त्योजसा ।
रुद्रा एकं वसव् एकमादित्यैरेक उद्यतः ॥१२॥

विश्वे देवाः उपरिष्ठादुब्जन्तो यन्त्वोजसा ।
मध्येन घन्तो यन्तु सेनामङ्गिरसो महीम् ॥१३॥

वनस्पतीन्वानस्पत्यानोषधीरुत वीरुधः ।
द्विपाच्चतुष्पादिष्णामि यथा सेनाममूं हनन् ॥१४॥

गन्धर्वाप्सरसः सर्पान्देवान्पुण्यजनान्पितृन् ।
दृष्टानदृष्टानिष्णामि यथा सेनाममूं हनन् ॥१५॥

इम उप्ता मृत्युपाशा यानाक्रम्य न मुच्यसे ।
अमुष्यां हन्तु सेनाया इदं कूटं सहस्रशः ॥१६॥

घर्मः समिद्धो अग्निनायं होमः सहस्रहः ।
भवश्च पृश्निबाहुश्च शर्वं सेनाममूं हतम् ॥१७॥

मृत्योराषमा पद्यन्तां क्षुधं सेदिं वधं भयम् ।
इन्द्रश्चाक्षुजालाभ्यां शर्वं सेनाममूं हतम् ॥१८॥

पराजिताः प्र त्रसतामित्रा नुत्ता धावतु ब्रह्मणा ।
बृहस्पतिप्रनुत्तानां मामीषां मोचि कश्चन ॥१९॥

अव पद्यन्तामेषामायुधानि मा शकन्प्रतिधामिषुम् ।
अथैषां बहु बिभ्यतामिषवः घन्तु मर्मणि ॥२०॥

सं क्रौशतामेनान्द्यावापृथिवी समन्तरिक्षं सह देवताभिः ।

मा ज्ञातारं मा प्रतिष्ठां विदन्त मिथो विघ्नाना उप यन्तु मृत्युम् ॥२१॥

दिशश्चतस्रोऽश्वतर्यो देवर्थस्य पुरोदाशाः शफा अन्तरिक्षमुद्धिः ।
द्यावापृथिवी पक्ष्सी ऋतवोऽभीशवोऽन्तर्देशाः किंकरा वाक्परिरथ्यम्
॥२२॥

संवत्सरो रथः परिवत्सरो रथोपस्थो विराडीषाग्नी रथमुखम् ।
इन्द्रः सव्यष्ठाश्चन्द्रमाः सारथिः ॥२३॥

इतो जयेतो वि जय सं जय जय स्वाहा ।
इमे जयन्तु परामी जयन्तां स्वाहैभ्यो दुराहामीभ्यः ।
नीललोहितेनामूनभ्यवतनोमि ॥२४॥

(६) नवमं सूक्तम्

(१-२६) षड्विंशत्यृचस्यास्य सूक्तस्याथर्वा ऋषिः । कश्यपः सर्वर्षिच्छन्दांसि वा
देवताः । (१, ६-७, १०, १३, १५-२१, २४) प्रथमाषष्ठीसप्तमीदशमीत्रयोदशीनामृचां
पञ्चदश्यादिसप्तानाञ्चतुर्विंश्याश्च त्रिष्टुप् (२) द्वितीयायाः पङ्क्तिः (३) तृतीयाया
आस्तारपङ्क्तिः (४-५, २३, २५-२६) चतुर्थीपञ्चमीत्रयोविंशीपञ्चविंशीषड्विंशीनामनुष्टुप्
(८, ११-१२, २२) अष्टम्येकादशीद्वादशीद्वाविंशीनां जगती
(६) नवम्या भुरिक्त्रिष्टुप् (१४) चतुर्दश्याश्च चतुष्पदातिजगती छन्दांसि
कुतस्तौ जातौ कतमः सो अर्धः कस्माल्लोकात्कतमस्याः पृथिव्याः ।
वत्सो विराजः सलिलादुदैतां तौ त्वां पृच्छामि कतरेण दुग्धा ॥१॥

यो अक्रन्दयत्सलिलं महित्वा योनिं कृत्वा त्रिभुजं श्यानः ।
वत्सः कामदुघौ विराजः स गुहां चक्रे तन्वः पराचैः ॥२॥

यानि त्रीणि बृहन्ति येषां चतुर्थं वियुनक्ति वाचम् ।
ब्रह्मैर्नद्विद्यात्तपसा विपश्चिद्यस्मिन्नेकं युज्यते यस्मिन्नेकम् ॥३॥

बृहतः परि सामानि षष्ठात्पञ्चाधि निर्मिता ।

बृहद्बृहत्या निर्मितं कुतोऽधि बृहती मिता ॥४॥

बृहती परि मात्राया मातुर्मात्राधि निर्मिता ।
माया ह जज्ञे मायाया मायाया मातली परि ॥५॥

वैश्वानरस्य प्रतिमोपरि द्यौर्यावद्रोदसी विबबाधे अग्निः ।
ततः षष्ठादामुतौ यन्ति स्तोमा उदितो यन्त्यभि षष्ठमहः ॥६॥

षट्त्वा पृच्छाम ऋषयः कश्यपेमे त्वं हि युक्तं युयुक्षे योग्यं च ।
विराजमाहुर्ब्रह्मणः पितरं तां नो वि धैहि यतिधा सखिभ्यः ॥७॥

यां प्रच्युतामनु यज्ञाः प्रच्यवन्त उपतिष्ठन्त उपतिष्ठमानाम् ।
यस्या ब्रूते प्रसवे यक्षमेजति सा विराडृषयः परमे व्योमन् ॥८॥

अप्राणैति प्राणेन प्राणतीनां विराट् स्वराजमभ्येति पश्चात् ।
विश्वं मृशन्तीमभिरूपां विराजं पश्यन्ति त्वे न त्वे पश्यन्त्येनाम् ॥९॥

को विराजौ मिथुनत्वं प्र वैद क ऋतून्क उ कल्पमस्याः ।
क्रमान्को अस्याः कतिधा विदुग्धान्को अस्या धाम कतिधा व्युष्टीः ॥१०॥

इयमेव सा या प्रथमा व्यौच्छदास्वितरासु चरति प्रविष्टा ।
महान्तौ अस्यां महिमानौ अन्तर्वधूर्जिगाय नवगजनित्री ॥११॥

छन्दःपक्षे उषसा पेपिशाने समानं योनिमनु सं चरेमे ।
सूर्यपत्नी सं चरतः प्रजानती कैतुमती अजरे भूरिरतसा ॥१२॥

ऋतस्य पन्थामनु तिस्र आगुस्त्रयो घर्मा अनु रेत् आगुः ।
प्रजामेका जिन्वत्यूर्जमेका राष्ट्रमेका रक्षति देवयूनाम् ॥१३॥

अग्नीषोमावदधुर्या तुरीयासीद्यज्ञस्य पुक्षावृषयः कल्पयन्तः ।

गायत्रीं त्रिष्टुभं जगतीमनुष्टुभं बृहदकीं यजमानाय स्वराभरन्तीम् ॥१४॥

पञ्च व्युष्टीरनु पञ्च दोहा गां पञ्चनाम्नीमृतवोऽनु पञ्च ।
पञ्च दिशः पञ्चदशेन क्लृप्तास्ता एकमूर्ध्नीरभि लोकमेकम् ॥१५॥

षड्जाता भूता प्रथमजार्तस्य षट सामानि षडहं वहन्ति ।
षट्योगं सौरमनु सामसाम षडौहुर्घावापृथिवीः षडुर्वीः ॥१६॥

षडाहुः शीतान्बडु मास उष्णानृतुं नौ ब्रूत यतमोऽतिरिक्तः ।
सप्त सुपर्णाः कवयो नि षैदुः सप्त च्छन्दांस्यनु सप्त दीक्षाः ॥१७॥

सप्त होमाः समिधौ ह सप्त मधूनि सप्तर्तवौ ह सप्त ।
सप्ताज्यानि परि भूतमायन्ताः सप्तगृध्रा इति शुश्रुमा वयम् ॥१८॥

सप्त छन्दांसि चतुरुत्तरायन्यो अन्यस्मिन्नध्यापितानि ।
कथं स्तोमाः प्रति तिष्ठन्ति तेषु तानि स्तोमेषु कथमार्षितानि ॥१९॥

कथं गायत्री त्रिवृतं व्याप कथं त्रिष्टुप्पञ्चदशेन कल्पते ।
त्रयस्त्रिंशेन जगती कथमनुष्टुप्कथमेकविंशः ॥२०॥

अष्ट जाता भूता प्रथमजर्तस्याष्टेन्द्रत्विजो दैव्या ये ।
अष्टयोनिरदितिरष्टपुत्राष्टमीं रात्रिमभि हव्यमेति ॥२१॥

इत्थं श्रेयो मन्यमानेदमार्गं युष्मार्कं सुख्ये अहमस्मि शेवा ।
समानजन्मा क्रतुरस्ति वः शिवः स वः सर्वाः सं चरति प्रजानन् ॥२२॥

अष्टेन्द्रस्य षड्यमस्य ऋषीणां सप्त सप्तधा ।
अपो मनुष्यार्ज्ञोषधीस्ताँ उ पञ्चानु सेचिरे ॥२३॥

केवलीन्द्राय दुदुहे हि गृष्टिर्वशं पीयूषं प्रथमं दुहाना ।

अथातर्पयच्चतुरंश्चतुर्धा देवान्मनुष्याँः असुरानुत ऋषीन् ॥ २४ ॥

को नु गौः क एकऋषिः किमु धाम् का आशिषः ।
यत्नं पृथिव्यामैकवृदैकर्तुः कर्तमो नु सः ॥ २५ ॥

एको गौरैक एकऋषिरेकं धामैकधाशिषः ।
यत्नं पृथिव्यामैकवृदैकर्तुर्नाति रिच्यते ॥ २६ ॥

॥ विराड्वा इदम् (८।१०।१) इत्यारभ्य वस्योभूयाय (१६।६।४) इत्यन्तानां
पर्यायमन्त्राणामथर्वाचार्य ऋषिः

(१०) दशमं सूक्तम्

विराड्वा इदम् इत्यारभ्य विषमेवास्याप्रियम् इत्यन्तानां षट्पर्यायाणां विराड् देवता ।

(१) प्रथमः पर्यायः

(१-१३) त्रयोदशर्चस्यास्य पर्यायस्य (१) प्रथमर्चस्त्रिपदार्ची पङ्क्तिः (२, ४, ६, ८,
१०, १२) द्वितीयादिसमर्चा याजुषी जगती (३, ६) तृतीयानवम्योः साम्न्यनुष्टुप् (५)
पञ्चम्या आर्च्यनुष्टुप् (७, १३) सप्तमीत्रयोदशयोर्विराड्गायत्री (११) एकादश्याश्च साम्नी
बृहती छन्दांसि

विराड्वा इदमग्रं आसीत्तस्यां जातायाः सर्वमभिभेदियमेवेदं भविष्यतीति
॥ १ ॥

सोदक्रामत्सा गार्हपत्ये न्यक्रामत् ॥ २ ॥

गृहमेधी गृहपतिर्भवति य एवं वेद ॥ ३ ॥

सोदक्रामत्साहवनीये न्यक्रामत् ॥ ४ ॥

यन्त्यस्य देवा देवहूतिं प्रियो देवानां भवति य एवं वेद ॥ ५ ॥

सोदक्रामत्सा दक्षिणाग्नौ न्यक्रामत् ॥ ६ ॥

यज्ञर्तो दक्षिणीयो वासतेयो भवति य एवं वेद ॥७॥

सोदक्रामत्सा सभायां न्यक्रामत् ॥८॥

यन्त्यस्य सभां सभ्यो भवति य एवं वेद ॥९॥

सोदक्रामत्सा समितौ न्यक्रामत् ॥१०॥

यन्त्यस्य समितिं सामित्यो भवति य एवं वेद ॥११॥

सोदक्रामत्सामन्त्रेण न्यक्रामत् ॥१२॥

यन्त्यस्यामन्त्रणमामन्त्रणीयो भवति य एवं वेद ॥१३॥

(२) द्वितीयः पर्यायः

(१-१०) दशर्चस्यास्य पर्यायस्य (१) प्रथमर्चस्त्रिपदा साम्नचनुष्टुप् (२) द्वितीयाया उष्णिग्गर्भा चतुष्पदोपरिष्ठाद्विराड्बृहती (३) तृतीयाया एकपदा याजुषी गायत्री (४) चतुर्थ्या एकपदा साम्नी पङ्क्तिः (५) पञ्चम्या विराड्गायत्री (६) षष्ठ्या आर्च्यनुष्टुप् (७) सप्तम्याः साम्नी पङ्क्तिः (८) अष्टम्या आसुरी गायत्री (९) नवम्याः साम्नचनुष्टुप् (१०) दशम्याश्च साम्नी बृहती छन्दांसि

सोदक्रामत्सान्तरिक्षे चतुर्धा विक्रान्तातिष्ठत् ॥१॥

तां देवमनुष्याः अब्रुवन्नियमेव तद्वेदु यदुभय उपजीवैमेमामुप ह्वयामहा इति ॥२॥

तामुपाह्वयन्त ॥३॥

ऊर्ज एहि स्वधु एहि सूनृत एहीरावत्येहीति ॥४॥

तस्या इन्द्रो वत्स आसीद्गायत्र्यभिधान्यभ्रमूधः ॥५॥

बृहच्च रथन्तरं च द्वौ स्तनावास्तां यज्ञायज्ञियं च वामदेव्यं च द्वौ ॥६॥

ओषधीरेव रथन्तरेण देवा अदुहन्व्यचौ बृहत् ॥७॥

अपो वामदेव्येन यज्ञं यज्ञायज्ञियेन ॥८॥

ओषधीरेवास्यै रथन्तरं दुहे व्यचौ बृहत् ॥९॥

अपो वामदेव्यं यज्ञं यज्ञायज्ञियं य एवं वेद ॥१०॥

(३) तृतीयः पर्यायः

(१-८) अष्टर्चस्यास्य पर्यायस्य (१) प्रथमर्चश्चतुष्पदा विराडनुष्टुप् (२) द्वितीयाया
आर्ची त्रिष्टुप् (३, ५, ७) तृतीयापञ्चमीसप्तमीनां चतुष्पदा प्राजापत्या पङ्क्तिः
(४, ६, ८) चतुर्थीषष्ठ्यष्टमीनाञ्चार्ची बृहती छन्दांसि
सोदक्रामत्सा वनस्पतीनागच्छतां वनस्पतयोऽघ्नत् सा संवत्सरे समभवत्
॥१॥

तस्माद्वनस्पतीनां संवत्सरे वृक्णमपि रोहति वृश्चतेऽस्याप्रियो भ्रातृव्यो य एवं
वेद ॥२॥

सोदक्रामत्सा पितृनागच्छतां पितरौऽघ्नत् सा मासि समभवत् ॥३॥

तस्मात्पितृभ्यो मास्युपमास्यं ददति प्र पितृयाणं पन्थां जानाति य एवं वेद
॥४॥

सोदक्रामत्सा देवानागच्छतां देवा अघ्नत् सार्धमासे समभवत् ॥५॥

तस्माद्देवेभ्योऽर्धमासे वर्षट्कुर्वन्ति प्र देव्यानां पन्थां जानाति य एवं वेद
॥६॥

सोदक्रामत्सा मनुष्याऽनागच्छतां मनुष्याऽ अघ्नत् सा सृद्यः समभवत् ॥७॥

तस्मान्मनुष्येभ्य उभयद्युरप हन्त्युपास्य गृहे हरन्ति य एवं वेद ॥८॥

(४) चतुर्थः पर्यायः

(१-१६) षोडशर्चस्यास्य पर्यायस्य (१, ५) प्रथमापञ्चम्योर्त्रुचोश्चतुष्पदा साम्नी जगती
(२, ६, १०) द्वितीयाषष्ठीदशमीनां साम्नी बृहती (३, १४) तृतीयाचतुर्दशयोः
साम्नाद्युष्णिक (४, ८) चतुर्थ्यष्टम्योराच्यनुष्टुप् (७) सप्तम्या आसुरी गायत्री (९, १३)
नवमीत्रयोदशयोश्चतुष्पदोष्णिक (११) एकादश्याः प्राजापत्यानुष्टुप् (१२, १६)
द्वादशीषोडशयोरार्ची त्रिष्टुप् (१५) पञ्चदश्याश्च विराङ्गायत्री छन्दांसि
सोदक्रामत्सासुरानागच्छतामसुरा उपाह्वयन्त माय एहीति ॥१॥

तस्या विरोचनः प्राहादिर्वत्स आसीदयस्पात्रं पात्रम् ॥२॥

तां द्विमूर्धात्व्योऽधोक्तां मायामेवाधौक् ॥३॥

तां मायामसुरा उप जीवन्त्युपजीवनीयो भवति य एवं वेद ॥४॥

सोदक्रामत्सा पितृनागच्छतां पितर उपाह्वयन्त स्वध एहीति ॥५॥

तस्या यमो राजा वत्स आसीद्रजतपात्रं पात्रम् ॥६॥

तामन्तको मार्त्यवोऽधोक्तां स्वधामेवाधौक् ॥७॥

तां स्वधां पितर उप जीवन्त्युपजीवनीयो भवति य एवं वेद ॥८॥

सोदक्रामत्सा मनुष्याऽनागच्छतां मनुष्याऽ उपाह्वयन्तेरावत्येहीति ॥९॥

तस्या मनुर्वैवस्वतो वत्स आसीत्पृथिवी पात्रम् ॥१०॥

तां पृथी वैन्योऽधोक्तां कृषिं च सस्यं चाधौक् ॥११॥

ते कृषिं च सस्यं च मनुष्याः उप जीवन्ति कृष्टराधिरुपजीवनीयो भवति य एवं वेद ॥१२॥

सोदक्रामत्सा सप्तऋषीनागच्छतां सप्तऋषय उपाह्वयन्त ब्रह्मणवत्येहीति ॥१३॥

तस्याः सोमो राजा वत्स आसीच्छन्दः पात्रम् ॥१४॥

तां बृहस्पतिराङ्गिरसोऽधोक्तां ब्रह्म च तपश्चाधोक ॥१५॥

तद्ब्रह्म च तपश्च सप्तऋषय उप जीवन्ति ब्रह्मवर्चस्युपजीवनीयो भवति य एवं वेद ॥१६॥

(५) पञ्चमः पर्यायः

(१-१६) षोडशर्चास्यास्य पर्यायस्य (१, १३) प्रथमात्रयोदशयोर्त्रचोश्चतुष्पदा साम्नी जगती (२-३) द्वितीयातृतीययोः साम्नाचुष्णिक् (४, १६) चतुर्थीषोडशयोराच्यनुष्टुप् (५) पञ्चम्याश्चतुष्पदा प्राजापत्या जगती (६) षष्ठ्याः साम्नी त्रिष्टुप् (७, ११) सप्तम्येकादशयोर्विराङ्गायत्री (८) अष्टम्या आर्ची त्रिष्टुप् (९) नवम्याश्चतुष्पदोष्णिक् (१०, १४) दशमीचतुर्दशयोः साम्नी बृहती (१२) द्वादश्यास्त्रिपदा ब्राह्मी भुरिग्गायत्री (१५) पञ्चदश्याश्च साम्नाचनुष्टुप् छन्दांसि

सोदक्रामत्सा देवानागच्छतां देवा उपाह्वयन्तोर्ज एहीति ॥१॥

तस्या इन्द्रो वत्स आसीच्चमसः पात्रम् ॥२॥

तां देवः सविताधोक्तामूर्जामेवाधोक ॥३॥

तामूर्जा देवा उप जीवन्त्युपजीवनीयो भवति य एवं वेद ॥४॥

सोदक्रामत्सा गन्धर्वाप्सरस आगच्छतां गन्धर्वाप्सरस उपाह्वयन्त पुरयगन्ध एहीति ॥५॥

तस्याश्चित्ररथः सौर्यवर्चसो वृत्स आसीत्पुष्करपर्णं पात्रम् ॥६॥

तां वसुरुचिः सौर्यवर्चसोऽधोक्तां पुण्यमेव गन्धर्मधोक ॥७॥

तं पुण्यं गन्धं गन्धर्वाप्सरसु उप जीवन्ति पुण्यगन्धिरुपजीवनीयो भवति य एवं वेद ॥८॥

सोदक्रामत्सेतरजुनानागच्छतामितरजुना उपाह्वयन्ति तिरोधु एहीति ॥९॥

तस्याः कुबैरो वैश्रवणो वृत्स आसीदामपात्रं पात्रम् ॥१०॥

तां रजुतनाभिः कबेरकोऽधोक्तां तिरोधामेवाधोक ॥११॥

तां तिरोधामितरजुना उप जीवन्ति तिरो धत्ते सर्वं पाप्मानमुपजीवनीयो भवति य एवं वेद ॥१२॥

सोदक्रामत्सा सर्पानागच्छतां सर्पा उपाह्वयन्ति विषवत्येहीति ॥१३॥

तस्यास्तद्भको वैशालेयो वृत्स आसीदलाबुपात्रं पात्रम् ॥१४॥

तां धृतराष्ट्र ऐरावतोऽधोक्तां विषमेवाधोक ॥१५॥

तद्विषं सर्पा उप जीवन्त्युपजीवनीयो भवति य एवं वेद ॥१६॥

(६) षष्ठः पर्यायः

(१-४) चतुर्भुजस्यास्य पर्यायस्य (१) प्रथमर्चो विराङ्गायत्री (२) द्वितीयायाः साम्नी त्रिष्टुप् (३) तृतीयायाः प्राजापत्यानुष्टुप् (४) चतुर्थ्याश्चार्युष्णिक छन्दांसि ।

अनुक्तपादा द्विपदा एताः

तद्यस्मां एवं विदुषेऽलाबुनाभिषिञ्चेत्प्रत्याहंन्यात् ॥१॥

न च प्रत्याह्न्यान्मनसा त्वा प्रत्याह्न्मीति प्रत्याह्न्यात् ॥२॥

यत्प्रत्याहन्ति विषमेव तत्प्रत्याहन्ति ॥३॥

विषमेवास्याप्रियं भ्रातृव्यमनुविषिच्यते य एवं वेद ॥४॥
इत्यष्टमं कारडम्

अथ नवमं कारण्डम्

(१) प्रथमं सूक्तम्

(१-२४) चतुर्विंशत्यृचस्यास्य सूक्तस्याथर्वा ऋषिः । मध्वश्विनौ च देवताः ।
 (१, ४-५) प्रथमाचतुर्थीपञ्चमीनामृचां त्रिष्टुप् (२) द्वितीयायास्त्रिष्टुब्गर्भा पङ्क्तिः
 (३) तृतीयायाः परानुष्टुप्त्रिष्टुप् (३) षष्ठ्या अतिशाक्वरगर्भा यवमध्या महाबृहती
 (७) सप्तम्या अतिजागतगर्भा यवमध्या महाबृहती (८) अष्टम्या बृहतीगर्भा
 संस्तारपक्तिः (९) नवम्याः पराबृहती प्रस्तारपङ्क्तिः (१०) दशम्याः परोष्णिक्पङ्क्तिः
 (११-१३, १५-१६, १८-१९) एकादश्यादितृचस्य
 पञ्चदशीषोडश्यष्टादश्येकोनविंशीनाञ्चानुष्टुप् (१४) चतुर्दश्याः पुर उष्णिक्
 (१७) सप्तदश्या उपरिष्ठाद्विराड्बृहती (२०) विंश्या भुरिग्विष्टारपङ्क्तिः (२१)
 एकविंश्या एकावसाना द्विपदार्यनुष्टुप् (२२) द्वाविंश्यास्त्रिपदा ब्राह्मी पुर उष्णिक्
 (२३) त्रयोविंश्या द्विपदार्ची पङ्क्तिः (२४) चतुर्विंश्याश्च त्रयवसाना षट्पदाष्टिश्छन्दांसि
 दिवस्पृथिव्या अन्तरिक्षात्समुद्राद्ग्रेर्वातान्मधुकशा हि जुज्ञे ।
 तां चायित्वामृतं वसानां हृद्भिः प्रजाः प्रति नन्दन्ति सर्वाः ॥१॥

महत्पयो विश्वरूपमस्याः समुद्रस्य त्वोत रेत आहुः ।
 यत् ऐति मधुकशा रराणा तत्प्राणस्तदमृतं निविष्टम् ॥२॥

पश्यन्त्यस्याश्चरितं पृथिव्यां पृथङ्नरो बहुधा मीमांसमानाः ।
 अग्रेर्वातान्मधुकशा हि जुज्ञे मरुतामुग्रा नृप्तिः ॥३॥

मातादित्यानां दुहिता वसूनां प्राणः प्रजानाममृतस्य नाभिः ।
 हिरण्यवर्णा मधुकशा घृताची महान्भर्गश्चरति मर्त्येषु ॥४॥

मधोः कशामजनयन्त देवास्तस्या गर्भो अभवद्विश्वरूपः ।
 तं जातं तरुणं पिपति माता स जातो विश्वा भुवना वि चष्टे ॥५॥

कस्तं प्र वैदु क उ तं चिकेतु यो अस्या हृदः कलशः सोमधानो अक्षितः ।
 ब्रह्मा सुमेधाः सो अस्मिन्मदेत ॥६॥

स तौ प्र वैदु स उ तौ चिकेतु यावस्याः स्तनौ सहस्रधारावक्षितौ ।

ऊर्जं दुहाते अनपस्फुरन्तौ ॥७॥

हिङ्करिक्रती बृहती वयोधा उच्चैर्घोषाभ्येति या वृतम् ।
त्रीन्धर्मानुभि वावशाना मिमाति मायुं पर्यते पर्योभिः ॥८॥

यामापीनामुपसीदन्त्यापः शाक्वरा वृषभा ये स्वराजः ।
ते वर्षन्ति ते वर्षयन्ति तद्विदे काममूर्जमापः ॥९॥

स्तनयिबुस्ते वाक्प्रजापते वृषा शुष्मं क्षिपसि भूम्यामधि ।
अग्नेर्वातान्मधुकशा हि जज्ञे मरुतामुग्रा नसिः ॥१०॥

यथा सोमः प्रातःसवने अश्विनोर्भवति प्रियः ।
एवा मे अश्विना वर्च आत्मनि धियताम् ॥११॥

यथा सोमो द्वितीये सवन इन्द्राग्रचोर्भवति प्रियः ।
एवा मे इन्द्राग्नी वर्च आत्मनि धियताम् ॥१२॥

यथा सोमस्तृतीये सवन ऋभूणां भवति प्रियः ।
एवा मे ऋभवो वर्च आत्मनि धियताम् ॥१३॥

मधुं जनिषीय मधुं वंसिषीय ।
पर्यस्वानग्नु आर्गमं तं मा सं सृज वर्चसा ॥१४॥

सं माग्ने वर्चसा सृज सं प्रजया समायुषा ।
विद्युर्मे अस्य देवा इन्द्रो विद्यात्सह ऋषिभिः ॥१५॥

यथा मधुं मधुकृतः संभरन्ति मधावधि ।
एवा मे अश्विना वर्च आत्मनि धियताम् ॥१६॥

यथा मक्षा इदं मधुं न्यञ्जन्ति मधावधि ।

एवा मे अश्विना वर्चस्तेजो बलमोजश्च धियताम् ॥१७॥

यद्विरिषु पर्वतेषु गोष्वश्वेषु यन्मधु ।
सुरायां सिच्यमानायां यत्तत्र मधु तन्मयि ॥१८॥

अश्विना सार्वेण मा मधुनाङ्गं शुभस्पती ।
यथा वर्चस्वतीं वाचमावदानि जनां अनु ॥१९॥

स्तनयितुस्ते वाक्प्रजापते वृषा शुष्मं क्षिपसि भूम्यां दिवि ।
तां पशव उप जीवन्ति सर्वे तेनो सेषमूर्जं पिपति ॥२०॥

पृथिवी द्रगडोऽन्तरिक्षं गर्भो द्यौः कशा विद्युत्प्रकशो हिरण्ययो बिन्दुः
॥२१॥

यो वै कशायाः सप्त मधूनि वेदु मधुमान्भवति ।
ब्राह्मणश्च राजा च धेनुश्चानड्वांश्च व्रीहिश्च यवश्च मधु सप्तमम् ॥२२॥

मधुमान्भवति मधुमदस्याहार्यं भवति ।
मधुमतो लोकाञ्जयति य एवं वेद ॥२३॥

यद्वीधे स्तनयति प्रजापतिरेव तत्प्रजाभ्यः प्रादुर्भवति ।
तस्मात्प्राचीनोपवीतस्तिष्ठे प्रजापतेऽनु मा बुध्यस्वेति ।
अन्वेनं प्रजा अनु प्रजापतिर्बुध्यते य एवं वेद ॥२४॥

(२) द्वितीयं सूक्तम्

(१-२५) पञ्चविंशत्यृचस्यास्य सूक्तस्याथर्वा ऋषिः । कामो देवता ।

(१-४, ६, ९-१०, १६, २४-२५) प्रथमादिचतुर्भूचां

षष्ठीनवमीदशम्येकोनविंशीचतुर्विंशीपञ्चविंशीनाञ्च त्रिष्टुप्

(५) पञ्चम्या अतिजगती (७, १४-१५, १७-१८, २१-२२)

सप्तमीचतुर्दशीपञ्चदशीसप्तदश्यष्टादश्येकविंशीद्वाविंशीनां जगती

(८) अष्टम्यास्त्रिपदार्ची पङ्क्तिः (११, २०, २३) एकादशीविंशीत्रयोविंशीनां भुरिक्त्रिष्टुप्
(१२) द्वादश्या अनुष्टुप् (१३) त्रयोदश्या द्विपदार्यनुष्टुप्
(१६) षोडश्याश्च चतुष्पदा शक्वरीगर्भा पराजगती छन्दांसि
सपत्नहर्नमृषभं घृतेन कामं शिक्षामि हविषाज्येन ।
नीचैः सपत्नान्मम पादयु त्वमभिष्टुतो महता वीर्येण ॥१॥

यन्मे मनसो न प्रियं चक्षुषो यन्मे बभस्ति नाभिनन्दति ।
तदुष्वप्रयं प्रति मुञ्चामि सपत्ने कामं स्तुत्वोदहं भिदेयम् ॥२॥

दुष्वप्रयं काम दुरितं च कामाप्रजस्तामस्वगतामवर्तिम् ।
उग्र ईशानः प्रति मुञ्च तस्मिन्यो अस्मभ्यमंहूराणा चिकित्सात् ॥३॥

नुदस्व काम प्र शुदस्व कामावर्तिं यन्तु मम ये सपत्नाः ।
तेषां नुत्तानामधुमा तमांस्यग्ने वास्तूनि निर्दह त्वम् ॥४॥

सा तै काम दुहिता धेनुरुच्यते यामाहुर्वाचं कवयो विराजम् ।
तया सपत्नान्परि वृङ्गधि ये मम पर्येनान्प्राणः पशवो जीवनं वृणक्तु ॥५॥

कामस्येन्द्रस्य वरुणस्य राज्ञो विष्णोर्बलेन सवितुः सुवेन ।
अग्नेर्होत्रिण प्र शुदे सपत्नाञ्छम्बीव नार्वमुदकेषु धीरः ॥६॥

अर्ध्यक्षो वाजी मम काम उग्रः कृणोतु मह्यमसपत्नमेव ।
विश्वे देवा मम नाथं भवन्तु सर्वे देवा हवमा यन्तु म इमम् ॥७॥

इदमाज्यं घृतवज्रुषाणाः कामज्येष्ठा इह मादयध्वम् ।
कृणवन्तो मह्यमसपत्नमेव ॥८॥

इन्द्राग्नी काम सुरथं हि भूत्वा नीचैः सपत्नान्मम पादयाथः ।
तेषां पन्नानामधुमा तमांस्यग्ने वास्तून्यनुनिर्दह त्वम् ॥९॥

जृहि त्वं काम् मम् ये सपत्ना अन्धा तमांस्यव पादयैनान् ।
निरिन्द्रिया अरसाः संन्तु सर्वे मा ते जीविषुः कतमच्चनाहः ॥१०॥

अवधीत्कामो मम् ये सपत्ना उरुं लोकमकरन्मह्यमेधुतुम् ।
मह्यं नमन्तां प्रदिशश्चतस्त्रो मह्यं षडुर्वीर्घृतमा वहन्तु ॥११॥

तेऽधुराञ्चः प्र प्लवन्तां छिन्ना नौरिव् बन्धनात् ।
न सार्यकप्रणुत्तानां पुनरस्ति निवर्तनम् ॥१२॥

अग्निर्यव इन्द्रो यवः सोमो यवः ।
यवयावानो देवा यावयन्त्वेनम् ॥१३॥

असर्ववीरश्चरतु प्रणुत्तो द्वेष्यो मित्राणां परिवर्ग्यः स्वानाम् ।
उत पृथिव्यामव स्यन्ति विद्युत उग्रो वो देवः प्र मृणत्सपत्नान् ॥१४॥

च्युता चेयं बृहत्यच्युता च विद्युद्विभर्ति स्तनयिबूश्च सर्वान् ।
उद्यन्नादित्यो द्रविणेन तेजसा नीचैः सपत्नान्नुदतां मे सहस्वान् ॥१५॥

यत्ते काम् शर्म त्रिवरुथमुद्भु ब्रह्म वर्म विततमनतिव्याध्यं कृतम् ।
तेन सपत्नान्परि वृङ्गधि ये मम् पर्येनान्प्राणः पशावो जीवनं वृणक्तु ॥१६॥

येन देवा असुरान्प्राणदन्त येनेन्द्रो दस्यूनधुमं तमो निनाय ।
तेन त्वं काम् मम् ये सपत्नास्तान्स्माल्लोकात्प्र गुदस्व दूरम् ॥१७॥

यथा देवा असुरान्प्राणदन्त यथेन्द्रो दस्यूनधुमं तमो बबाधे ।
तथा त्वं काम् मम् ये सपत्नास्तान्स्माल्लोकात्प्र गुदस्व दूरम् ॥१८॥

कामो जज्ञे प्रथमो नैनं देवा आपुः पितरो न मर्त्याः ।
ततस्त्वमसि ज्यायान्विश्वहा महांस्तस्मै ते काम् नम् इत्कृनोमि ॥१९॥

यावती द्यावापृथिवी वरिष्णा यावदापः सिष्यदुर्यावदग्निः ।
ततस्त्वमसि ज्यायान्विश्वहा महांस्तस्मै ते काम नम इत्कृणोमि ॥ २० ॥

यावतीर्दिशः प्रदिशो विषूचीर्यावतीराशा अभिचक्षणा दिवः ।
ततस्त्वमसि ज्यायान्विश्वहा महांस्तस्मै ते काम नम इत्कृणोमि ॥ २१ ॥

यावतीर्भृङ्गा जत्वः कुरुरवो यावतीर्वघा वृक्षसुप्यो बभूवुः ।
ततस्त्वमसि ज्यायान्विश्वहा महांस्तस्मै ते काम नम इत्कृणोमि ॥ २२ ॥

ज्यायान्निमिषतोऽसि तिष्ठतो ज्यायान्त्समुद्रादसि काम मन्यो ।
ततस्त्वमसि ज्यायान्विश्वहा महांस्तस्मै ते काम नम इत्कृणोमि ॥ २३ ॥

न वै वार्तश्चन काममाप्नोति नाग्निः सूर्यो नोत चन्द्रमाः ।
ततस्त्वमसि ज्यायान्विश्वहा महांस्तस्मै ते काम नम इत्कृणोमि ॥ २४ ॥

यास्तै शिवास्तन्वः काम भद्रा याभिः सत्यं भवति यद्वृणुषे ।
ताभिष्टमस्माँ अभिसंविशस्वान्यत्र पापीरप वेश्या धियः ॥ २५ ॥

(३) तृतीयं सूक्तम्

(१-३१) एकत्रिंशत्चस्यास्य सूक्तस्य भृग्वङ्गिरा ऋषिः । शला देवता ।
(१-५, ८-१४, १६, १८-२०, २२-२४) प्रथमादिपञ्चानामृचामष्टम्यादिसप्तानां षोडश्या
अष्टदश्यादितृचस्य द्वाविंश्यादितृचस्य चानुष्टुप् (६) षष्ठ्या पथ्या पङ्क्तिः
(७) सप्तम्याः पुरउष्णिक् (१५) पञ्चदश्याः पञ्चपदातिशक्वरी (१७) सप्तदश्याः
प्रस्तारपङ्क्तिः (२१) एकविंश्या आस्तारपङ्क्तिः (२५, ३१) पञ्चविंश्या एकत्रिंशयोस्त्रिपदा
प्राजापत्या बृहती (२६) षट्त्रिंश्यास्त्रिपदा साम्नी त्रिष्टुप्
(२७, ३०) सप्तविंश्यात्रिंशयोश्च त्रिपदा प्रतिष्ठानां गायत्री छन्दांसि
उपमितां प्रतिमितामथौ परिमितामुत ।
शालाया विश्ववाराया नृद्धानि वि चृतामसि ॥ १ ॥

यत्तै नृद्धं विश्ववारे पाशौ ग्रन्थिश्च यः कृतः ।
बृहस्पतिरिवाहं बलं वाचा वि स्रंसयामि तत् ॥ २ ॥

आ ययाम् सं बबर्ह ग्रन्थींश्चकार ते दृढान् ।
परुषि विद्वां छस्तेवेन्द्रैण वि चृतामसि ॥३॥

वंशानां ते नहनानां प्राणाहस्य तृणस्य च ।
पक्षाणां विश्ववारे ते नृद्धानि वि चृतामसि ॥४॥

सुदंशानां पलदानां परिष्वज्जल्यस्य च ।
इदं मानस्य पत्र्या नृद्धानि वि चृतामसि ॥५॥

यानि तेऽन्तः शिख्या न्याबेधू रगया यु कम् ।
प्र ते तानि चृतामसि शिवा मानस्य पत्नी न उद्धिता तन्वे भव ॥६॥

हविर्धानमग्निशालं पत्नीनां सदनं सदः ।
सदो देवानामसि देवि शाले ॥७॥

अक्षुमोपशं विततं सहस्राक्षं विषूवति ।
अर्वनद्धमभिहितं ब्रह्मणा वि चृतामसि ॥८॥

यस्त्वा शाले प्रतिगृह्णाति येन चासि मिता त्वम् ।
उभौ मानस्य पत्नि तौ जीवतां जरदष्टी ॥९॥

अमुत्रैनुमा गच्छताद्दृढा नृद्धा परिष्कृता ।
यस्यास्ते विचृतामस्यङ्गमङ्गं परुषपरुः ॥१०॥

यस्त्वा शाले निमिमायं संजुभार वनस्पतीन् ।
प्रजायै चक्रे त्वा शाले परमेष्ठी प्रजापतिः ॥११॥

नमुस्तस्मै नमो दात्रे शालापतये च कृणमः ।
नमोऽग्रये प्रचरते पुरुषाय च ते नमः ॥१२॥

गोभ्यो अश्वेभ्यो नमो यच्छालायां विजायते ।
विजावति प्रजावति वि ते पाशांश्चतामसि ॥१३॥

अग्निमन्तश्छादयसि पुरुषान्पशुभिः सह ।
विजावति प्रजावति वि ते पाशांश्चतामसि ॥१४॥

अन्तरा द्यां च पृथिवीं च यद्व्यचस्तेन शालां प्रति गृह्णामि त इमाम् ।
यदन्तरिक्षं रजसो विमानं तत्कृण्वेऽहमुदरं शेवधिभ्यः ।
तेन शालां प्रति गृह्णामि तस्मै ॥१५॥

ऊर्जस्वती पर्यस्वती पृथिव्यां निर्मिता मिता ।
विश्वान्नं बिभ्रती शाले मा हिंसीः प्रतिगृह्णतः ॥१६॥

तृणैरावृता पलदान्वसाना रात्रीव शाला जगतो निवेशनी ।
मिता पृथिव्यां तिष्ठसि हृस्तिनीव पृथ्वी ॥१७॥

इटस्य ते वि चृताम्यपिनद्धमपोर्णुवन् ।
वरुणेन समुब्जितां मित्रः प्रातर्व्युब्जतु ॥१८॥

ब्रह्मणा शालां निर्मितां कविभिर्निर्मितां मिताम् ।
इन्द्राग्नी रक्षतां शालाममृतौ सौम्यं सदैः ॥१९॥

कुलायेऽधि कुलायं कोशे कोशः समुब्जितः ।
तत्र मर्तो वि जायते यस्माद्विश्वं प्रजायते ॥२०॥

या द्विपक्षा चतुष्पक्षा षट्पक्षा या निमीयते ।
अष्टापक्षां दशपक्षां शालां मानस्य पत्नीमग्निर्गर्भ इवा शये ॥२१॥

प्रतीचीं त्वा प्रतीचीनः शाले प्रैम्यहिंसतीम् ।
अग्निर्ह्युन्तरापश्चर्तस्य प्रथमा द्वाः ॥२२॥

इ॒मा आ॒पः प्र॒ भ॒राम्य॒य॒क्ष्मा य॒क्ष्म॒ना॒शनीः ।
गृ॒हानु॒पु प्र॒ सी॒दाम्य॒मृ॒तै॒न स॒हा॒ग्नि॒ना ॥ २३ ॥

मा नः॒ पा॒शं प्र॒ति मु॒चो गुरु॒र्भारो ल॒घु॒र्भव ।
वृ॒धूमि॒व त्वा शा॒ले यत्र॒कामं॑ भ॒राम॒सि ॥ २४ ॥

प्रा॒च्या दि॒शः शा॒लाया॒ नमो॑ महि॒म्ने स्वाहा॑ दे॒वेभ्यः॑ स्वा॒ह्येभ्यः॑ ॥ २५ ॥

दक्षि॑णाया दि॒शः शा॒लाया॒ नमो॑ महि॒म्ने स्वाहा॑ दे॒वेभ्यः॑ स्वा॒ह्येभ्यः॑ ॥ २६ ॥

प्रती॑च्या दि॒शः शा॒लाया॒ नमो॑ महि॒म्ने स्वाहा॑ दे॒वेभ्यः॑ स्वा॒ह्येभ्यः॑ ॥ २७ ॥

उदी॑च्या दि॒शः शा॒लाया॒ नमो॑ महि॒म्ने स्वाहा॑ दे॒वेभ्यः॑ स्वा॒ह्येभ्यः॑ ॥ २८ ॥

ध्रु॒वाया॑ दि॒शः शा॒लाया॒ नमो॑ महि॒म्ने स्वाहा॑ दे॒वेभ्यः॑ स्वा॒ह्येभ्यः॑ ॥ २९ ॥

ऊ॒र्ध्वाया॑ दि॒शः शा॒लाया॒ नमो॑ महि॒म्ने स्वाहा॑ दे॒वेभ्यः॑ स्वा॒ह्येभ्यः॑ ॥ ३० ॥

दि॒शोदि॑शः शा॒लाया॒ नमो॑ महि॒म्ने स्वाहा॑ दे॒वेभ्यः॑ स्वा॒ह्येभ्यः॑ ॥ ३१ ॥

(४) चतुर्थं सूक्तम्

(१-२४) चतुर्विंशत्युचस्यास्य सूक्तस्य ब्रह्मा ऋषिः । ऋषभो देवता ।

(१-५, ७, ९, २२) प्रथमादिपञ्चर्चा सप्तमीनवमीद्वाविंशीनाञ्च त्रिष्टुप्

(६, १०, २४) षष्ठीदशमीचतुर्विंशीनां जगती (८) अष्टम्या भुरिक्त्रिष्टुप्

(११-१७, १९-२०, २३) एकादश्यादिसप्तानामेकोनविंशीविंशीत्रयोविंशीनाञ्चानुष्टुप्

(१८) अष्टादश्या उपरिष्टाद्बृहती (२१) एकविंश्याश्चास्तारपङ्क्तिश्छन्दांसि

सा॒ह॒स्र॒स्त्वेष॑ ऋ॒षभः॑ प॒र्य॒स्वा॒न्वि॒श्वो रू॒पाणि॑ वृ॒क्षणा॑सु बिभ्र॑त् ।

भृ॒द्रं दा॒त्रे य॒र्ज॒मा॒नाय॑ शी॒क्ष॒न्बा॒र्ह॒स्प॒त्य उ॒स्त्रि॒य॒स्त॒न्तु॒मा॒तान् ॥ १ ॥

अ॒पां यो अ॒ग्रै प्र॒ति॒मा ब॒भूव॑ प्र॒भूः स॒र्वस्मै॑ पृथि॒वीव॑ दे॒वी ।

पिता वत्सानां पतिरघ्नयानां साहस्रे पोषे अपि नः कृणोतु ॥२॥

पुमानन्तर्वान्त्सथविरः पर्यस्वान्वसोः कबन्धमृषभो बिभर्ति ।
तमिन्द्राय पृथिभिर्देवयानैर्हुतमग्निर्वहतु जातवेदाः ॥३॥

पिता वत्सानां पतिरघ्नयानामथौ पिता महतां गर्गराणाम् ।
वत्सो जुरायु प्रतिधुक्पीयूष आमिक्षा घृतं तद्वस्य रेतः ॥४॥

देवानां भाग उपनाह एषोऽपां रस ओषधीनां घृतस्य ।
सोमस्य भक्षमवृणीत शक्रो बृहन्नद्रिरभवद्यच्छरीरम् ॥५॥

सोमेन पूर्णं कलशं बिभर्षि त्वष्टा रूपाणां जनिता पशूनाम् ।
शिवास्ते सन्तु प्रजन्व इह या इमा न्यस्मभ्यं स्वधिते यच्छ या अमूः
॥६॥

आज्यं बिभर्ति घृतमस्य रेतः साहस्रः पोषस्तमु यज्ञमाहुः ।
इन्द्रस्य रूपमृषभो वसानः सो अस्मान्देवाः शिव ऐतु दत्तः ॥७॥

इन्द्रस्यौजो वरुणस्य बाहू अश्विनोरसौ मरुतामियं ककुत् ।
बृहस्पतिं संभृतमेतमाहुर्ये धीरांसः कवयो ये मनीषिणः ॥८॥

दैवीर्विशः पर्यस्वाना तनोषि त्वामिन्द्रं त्वां सरस्वन्तमाहुः ।
सहस्रं स एकमुखा ददाति यो ब्राह्मण ऋषभमाजुहोति ॥९॥

बृहस्पतिः सविता ते वयो दधौ त्वष्टुर्वायोः पर्यात्मा तु आभृतः ।
अन्तरिक्षे मनसा त्वा जुहोमि बर्हिष्टे द्यावापृथिवी उभे स्ताम् ॥१०॥

य इन्द्र इव देवेषु गोष्वेति विवावदत् ।
तस्य ऋषभस्याङ्गानि ब्रह्मा सं स्तौतु भद्रया ॥११॥

पार्श्वे आस्तामनुमत्या भर्गस्यास्तामनूवृजौ ।
अष्टीवन्तावब्रवीन्मित्रो ममैतौ केवलाविति ॥१२॥

भुसदासीदादित्यानां श्रोणीं आस्तां बृहस्पतेः ।
पुच्छं वार्तस्य देवस्य तेन धूनोत्योषधीः ॥१३॥

गुदा आसन्त्सनीवाल्याः सूर्यायास्त्वचमब्रुवन् ।
उत्थातुरब्रुवन्पद ऋषभं यदकल्पयन् ॥१४॥

क्रोड आसीजामिशंसस्य सोमस्य कलशौ धृतः ।
देवाः संगत्य यत्सर्वं ऋषभं व्यकल्पयन् ॥१५॥

ते कुष्ठिकाः सुरमायै कूर्मेभ्यो अदधुः शफान् ।
ऊर्बध्यमस्य कीटेभ्यः श्वर्तेभ्यो अधारयन् ॥१६॥

शृङ्गाभ्यां रक्षं ऋषत्यवर्तिं हन्ति चक्षुषा ।
शृणोति भद्रं कर्णाभ्यां गवां यः पतिरघ्नयः ॥१७॥

शतयाजं स यजते नैनं दुन्वन्त्यग्रयः ।
जिन्वन्ति विश्वे तं देवा यो ब्राह्मणं ऋषभमाजुहोति ॥१८॥

ब्राह्मणेभ्यं ऋषभं दत्त्वा वरीयः कृणुते मनः ।
पुष्टिं सो अघ्नयानां स्वे गोष्ठेऽव पश्यते ॥१९॥

गावः सन्तु प्रजाः सन्त्वथौ अस्तु तनूबलम् ।
तत्सर्वमनु मन्यन्तां देवा ऋषभदायिनै ॥२०॥

अयं पिपां इन्द्र इद्रयिं दधातु चेतनीम् ।
अयं धेनुं सुदुग्धां नित्यवत्सां वशं दुहां विपश्चितं पुरो दिवः ॥२१॥

पि॒शङ्ग॑रूपो नभ॒सो व॑यो॒धा ऐ॒न्द्रः शु॒ष्मो वि॒श्वरू॑पो न॒ आ॒र्गन् ।
आ॒र्यु॒रस्म॒भ्यं द॑र्ध॒त्प्रजां च॑ रा॒यश्च॑ पोषै॒र॒भि नः॑ सचताम् ॥२२॥

उपे॒होप॑प॒र्चना॒स्मिन्गो॒ष्ठ उप॑ पृञ्च नः ।
उप॑ ऋष॒भस्य॒ यद्रेत॑ उपै॒न्द्र तव॑ वी॒र्य॑म् ॥२३॥

ए॒तं वो॒ युवा॑नं॒ प्रति॑ द॒ध्मो अ॒त्र तेन॑ क्रीड॒न्तीश्च॑रत॒ वशाँ॑ अ॒नु ।
मा नो॑ हा॒सिष्ट॑ ज॒नुषा॑ सु॒भागा॑ रा॒यश्च॑ पोषै॒र॒भि नः॑ सचध्वम् ॥२४॥

(५) पञ्चमं सूक्तम्

(१-३८) अष्टात्रिंशदृचस्यास्य सूक्तस्य भृगुर्ऋषिः । अजपञ्चौदनौ देवते ।
(१-२, ५-६, ११-१३, १५, १६, २६) प्रथमाद्वितीययोर्ऋचोः
पञ्चम्यादिपञ्चानामेकादश्यादितृचस्य पञ्चदश्येकोनविंशीषड्विंशीनाञ्च त्रिष्टुप्
(३) तृतीयायाश्चतुष्पदा पुरोतिशक्वरी जगती (४, १०) चतुर्थीदशम्योर्जगती
(१४, १७, २७-२९) चतुर्दशीसप्तदश्योः सप्तविंश्यादितृचस्य चानुष्टुप् (१६)
षोडश्यास्त्रिपदानुष्टुप् (१८, ३७) अष्टादशीसप्तत्रिंशयोस्त्रिपदा विराड्गायत्री
(२०-२२, २५) विंश्यादितृचस्य पञ्चविंश्याश्च पञ्चपदानुष्टुबुष्णिग्गर्भोपरिष्ठाद्द्वार्हता
भुरिक्त्रिष्टुप् (२३) त्रयोविंश्याः पुर उष्णिक् (२४) चतुर्विंश्याः
पञ्चपदानुष्टुबुष्णिग्गर्भोपरिष्ठाद्द्वार्हता विराड्जगती (३०) त्रिंश्याः ककुम्मत्यनुष्टुप् (३१)
एकत्रिंश्याः सप्तपदाष्टिः (३२-३५) द्वात्रिंश्यादिचतसृणां दशपदा प्रकृतिः (३६)
षट्त्रिंश्या दशपदाकृतिः (३८) अष्टात्रिंश्याश्चैकावसाना द्विपदा साम्नी त्रिष्टुप् छन्दांसि
आ न॒यै॒तमा॑ र॒भस्व॑ सु॒कृतां॑ लो॒कम॑पि॒ गच्छ॑तु प्र॒जान॑न् ।
ती॒र्त्वा तमा॑ंसि बहु॒धा म॒हान्त्य॑जो ना॒क्रमा॑ क्र॒मतां॑ तृ॒तीय॑म् ॥१॥

इन्द्रा॑य भा॒गं परि॑ त्वा नया॒म्यस्मि॒न्यज्ञे॑ यज॒मानाय॑ सू॒रिम् ।
ये नो॑ द्वि॒षन्त्य॑नु॒ तान्र॑भ॒स्वाना॑गसो॒ यज॑मानस्य वी॒राः ॥२॥

प्र॒ पदो॑ऽव॒ नेनि॑ग्धि॒ दुश्च॑रितं॒ यच्च॑चारं॒ शुद्धैः॑ श॒फैरा॑ क्र॒मतां॑ प्र॒जान॑न् ।
ती॒र्त्वा तमा॑ंसि बहु॒धा वि॒पश्य॑न्न॒जो ना॒क्रमा॑ क्र॒मतां॑ तृ॒तीय॑म् ॥३॥

अ॒नु॒च्छ॑च॒ श्या॒मेन॑ त्वच॒मेतां॑ वि॒शस्त॑र्यथाप॒र्वशु॑सिना॒ माभि॑ मं॒स्थाः ।

माभि द्रुहः परुशः कल्पयैनं तृतीये नाके अधि वि श्रयैनम् ॥४॥

ऋचा कुम्भीमध्यग्नौ श्रयाम्या सिञ्चोदकमव धेह्येनम् ।
पर्याधत्ताग्निना शमितारः शृतो गच्छतु सुकृतां यत्र लोकः ॥५॥

उत्क्रामातः परि चेदत्तस्तप्ताच्चरोरधि नाकं तृतीयम् ।
अग्नेरग्निरधि सं बभूविथ ज्योतिष्मन्तमभि लोकं जयैतम् ॥६॥

अजो अग्निरजमु ज्योतिराहुरजं जीवता ब्रह्मणे देयमाहुः ।
अजस्तमांस्यर्प हन्ति दूरमस्मिंल्लोके श्रद्धधानेन दत्तः ॥७॥

पञ्चौदनः पञ्चधा वि क्रमतामाक्रंस्यमानस्त्रीणि ज्योतींषि ।
ईजानानां सुकृतां प्रेहि मध्यं तृतीये नाके अधि वि श्रयस्व ॥८॥

अजा रोह सुकृतां यत्र लोकः शरभो न चत्तोऽति दुर्गाशयैषः ।
पञ्चौदनो ब्रह्मणै दीयमानः स दातारं तृप्त्या तर्पयाति ॥९॥

अजस्त्रिनाके त्रिदिवे त्रिपृष्ठे नाकस्य पृष्ठे ददिवांसं दधाति ।
पञ्चौदनो ब्रह्मणै दीयमानो विश्वरूपा धेनुः कामदुघास्येका ॥१०॥

एतद्धो ज्योतिः पितरस्तृतीयं पञ्चौदनं ब्रह्मणेऽजं ददाति ।
अजस्तमांस्यर्प हन्ति दूरमस्मिंल्लोके श्रद्धधानेन दत्तः ॥११॥

ईजानानां सुकृतां लोकमीप्सन्पञ्चौदनं ब्रह्मणेऽजं ददाति ।
स व्याप्तिमभि लोकं जयैतं शिवोऽस्मभ्यं प्रतिगृहीतो अस्तु ॥१२॥

अजो ह्यशुग्नेरजनिष्ट शोकाद्विप्रो विप्रस्य सहसो विपश्चित् ।
इष्टं पूर्तमभिपूर्तं वर्षटकृतं तद्देवा ऋतुशः कल्पयन्तु ॥१३॥

अमोतं वासौ दद्याद्विरण्यमपि दक्षिणाम् ।

तथा लोकान्त्समाप्नोति ये दिव्या ये च पार्थिवाः ॥१४॥

एतास्त्वाजोप यन्तु धाराः सोम्या देवीर्घृतपृष्ठा मधुश्चुतः ।
स्तभान्पृथिवीमुत द्यां नाकस्य पृष्ठेऽधि स्रमरश्मौ ॥१५॥

अजोऽस्यजं स्वर्गोऽसि त्वया लोकमङ्गिरसः प्राजानन् ।
तं लोकं पुण्यं प्र जैषम् ॥१६॥

येना सहस्रं वहसि येनाग्ने सर्ववेदसम् ।
तेनेमं यज्ञं नो वह स्वर्दिवेषु गन्तवे ॥१७॥

अजः पुक्वः स्वर्गे लोके दधाति पञ्चौदनो निऋतिं बाधमानः ।
तेन लोकान्त्सूर्यवतो जयेम ॥१८॥

यं ब्राह्मणे निदधे यं च विदु या विप्रुष ओदनानामजस्य ।
सर्वं तदग्ने सुकृतस्य लोके जानीतान्नः संगमने पथीनाम् ॥१९॥

अजो वा इदमग्ने व्यक्रमत तस्योर इयमभवद्दयौः पृष्ठम् ।
अन्तरिक्षं मध्यं दिशः पार्श्वे समुद्रौ कुक्षी ॥२०॥

सत्यं चूर्तं च चक्षुषी विश्वं सत्यं श्रद्धा प्राणो विराट् शिरः ।
एष वा अपरिमितो यज्ञो यदजः पञ्चौदनः ॥२१॥

अपरिमितमेव यज्ञमाप्नोत्यपरिमितं लोकमव रुन्धे ।
योऽजं पञ्चौदनं दक्षिणाज्योतिषं ददाति ॥२२॥

नास्यास्थीनि भिन्द्यान्न मज्जो निर्धयेत् ।
सर्वमेनं समादायेदमिदं प्र वैशयेत् ॥२३॥

इदमिदमेवास्य रूपं भवति तेनैतं सं गमयति ।

इषं मह ऊर्जमस्मै दुहे योऽजं पञ्चौदनं दक्षिणाज्योतिषं ददाति ॥ २४ ॥

पञ्च रुक्मा पञ्च नवानि वस्त्रा पञ्चास्मै धेनवः कामदुघा भवन्ति ।
योऽजं पञ्चौदनं दक्षिणाज्योतिषं ददाति ॥ २५ ॥

पञ्च रुक्मा ज्योतिरस्मै भवन्ति वर्म वासांसि तन्वे भवन्ति ।
स्वर्गं लोकमश्नुते योऽजं पञ्चौदनं दक्षिणाज्योतिषं ददाति ॥ २६ ॥

या पूर्वं पतिं वित्त्वाऽथान्यं विन्दतेऽपरम् ।
पञ्चौदनं च तावजं ददातो न वि यौषतः ॥ २७ ॥

समानलोको भवति पुनर्भुवापरः पतिः ।
योऽजं पञ्चौदनं दक्षिणाज्योतिषं ददाति ॥ २८ ॥

अनुपूर्ववत्सां धेनुमन्द्वाहमुपबर्हणम् ।
वासो हिरण्यं दत्त्वा ते यन्ति दिवमुत्तमाम् ॥ २९ ॥

आत्मानं पितरं पुत्रं पौत्रं पितामहम् ।
जायां जनित्रीं मातरं ये प्रियास्तानुप ह्वये ॥ ३० ॥

यो वै नैदाघं नामर्तुं वेद ।
एष वै नैदाघो नामर्तुर्यदजः पञ्चौदनः ।
निरेवाप्रियस्य भ्रातृव्यस्य श्रियं दहति भवत्यात्मना ।
योऽजं पञ्चौदनं दक्षिणाज्योतिषं ददाति ॥ ३१ ॥

यो वै कुर्वन्तं नामर्तुं वेद ।
कुर्वतीकुर्वतीमेवाप्रियस्य भ्रातृव्यस्य श्रियमा दत्ते ।
एष वै नैदाघो नामर्तुर्यदजः पञ्चौदनः ।
निरेवाप्रियस्य भ्रातृव्यस्य श्रियं दहति भवत्यात्मना ।
योऽजं पञ्चौदनं दक्षिणाज्योतिषं ददाति ॥ ३२ ॥

यो वै संयन्तं नामर्तुं वेद ।
संयतीसंयतीमेवाप्रियस्य भ्रातृव्यस्य श्रियमा दत्ते ।
एष वै नैदाघो नामर्तुर्यदजः पञ्चौदनः ।
निरेवाप्रियस्य भ्रातृव्यस्य श्रियं दहति भवत्यात्मना ।
योऽजं पञ्चौदनं दक्षिणाज्योतिषं ददाति ॥ ३३ ॥

यो वै पिन्वन्तं नामर्तुं वेद ।
पिन्वतीपिन्वतीमेवाप्रियस्य भ्रातृव्यस्य श्रियमा दत्ते ।
एष वै नैदाघो नामर्तुर्यदजः पञ्चौदनः ।
निरेवाप्रियस्य भ्रातृव्यस्य श्रियं दहति भवत्यात्मना ।
योऽजं पञ्चौदनं दक्षिणाज्योतिषं ददाति ॥ ३४ ॥

यो वा उद्यन्तं नामर्तुं वेद ।
उद्यतीमुद्यतीमेवाप्रियस्य भ्रातृव्यस्य श्रियमा दत्ते ।
एष वै नैदाघो नामर्तुर्यदजः पञ्चौदनः ।
निरेवाप्रियस्य भ्रातृव्यस्य श्रियं दहति भवत्यात्मना ।
योऽजं पञ्चौदनं दक्षिणाज्योतिषं ददाति ॥ ३५ ॥

यो वा अभिभुवं नामर्तुं वेद ।
अभिभवन्तीमभिभवन्तीमेवाप्रियस्य भ्रातृव्यस्य श्रियमा दत्ते ।
एष वै नैदाघो नामर्तुर्यदजः पञ्चौदनः ।
निरेवाप्रियस्य भ्रातृव्यस्य श्रियं दहति भवत्यात्मना ।
योऽजं पञ्चौदनं दक्षिणाज्योतिषं ददाति ॥ ३६ ॥

अजं च पचत पञ्च चौदनान् ।
सर्वा दिशः संमनसः सध्रीचीः सान्तर्देशाः प्रति गृह्णन्तु त एतम् ॥ ३७ ॥

तास्तै रक्षन्तु तव तुभ्यमेतं ताभ्य आज्यं हविरिदं जुहोमि ॥ ३८ ॥

(६) षष्ठं सूक्तम्

यो विद्यात् इत्यारभ्य ज्योतिष्मतो लोकान् इत्यन्तानां षट्पर्यायाणां ब्रह्म ऋषिः ।
अतिथिर्विद्या वा देवता ।

(१) प्रथमः पर्यायः

(१-१७) सप्तदशर्चस्यास्य पर्यायस्य (१) प्रथमर्चो नागी त्रिपदा गायत्री
(२) द्वितीयायास्त्रिपदार्षी गायत्री (३, ७) तृतीयासप्तम्योः साम्नी त्रिष्टुप् (४, ९)
चतुर्थीनवम्योराच्यनुष्टुप् (५) पञ्चम्या आसुरी गायत्री (६) षष्ठ्यास्त्रिपदा साम्नी जगती
(८) अष्टम्या याजुषी त्रिष्टुप् (१०) दशम्याः साम्नी भुरिग्बृहती (११, १४-१६)
एकादश्याश्चतुर्दश्यादितृचस्य च साम्न्यनुष्टुप् (१२) द्वादश्या विराङ्गायत्री (१३)
त्रयोदश्याः साम्नी निचृत्पङ्क्तिः (१७) सप्तदश्याश्च त्रिपदा विराड् भुरिग्गायत्री छन्दांसि
यो विद्याद्ब्रह्म प्रत्यक्षं परूषि यस्य संभारा ऋचो यस्यानूक्यम् ॥१॥

सामानि यस्य लोमानि यजुर्हृदयमुच्यते परिस्तरणमिद्धुविः ॥२॥

यद्वा अतिथिपतिरतिथीन्प्रतिपश्यति देवयजनं प्रेक्षते ॥३॥

यदभिवदति दीक्षामुपैति यदुदकं याचत्यपः प्रणयति ॥४॥

या एव यज्ञ आपः प्रणीयन्ते ता एव ताः ॥५॥

यत्तर्पणमाहरन्ति य एवाग्नीषोमीयः पशुर्बध्यते स एव सः ॥६॥

यदावसुथान्कल्पयन्ति सदोहविर्धानान्येव तत्कल्पयन्ति ॥७॥

यदुपस्तृणन्ति बहिरेव तत् ॥८॥

यदुपरिशयनमाहरन्ति स्वर्गमेव तेन लोकमव रुद्धे ॥९॥

यत्कशिपूपबर्हणमाहरन्ति परिधय एव ते ॥१०॥

यदाञ्जनाभ्यञ्जनमाहरन्त्याज्यमेव तत् ॥११॥

यत्पुरा परिवेषात्खादमाहरन्ति पुरोदाशावेव तौ ॥१२॥

यदशनकृतं ह्वयन्ति हविष्कृतमेव तद्ध्वयन्ति ॥१३॥

ये ब्रीहयो यवा निरुप्यन्तेशव एव ते ॥१४॥

यान्युलूखलमुसलानि गावाण एव ते ॥१५॥

शूर्पं पवित्रं तुषा ऋजीषाभिषवणीरापः ॥१६॥

स्रुग्दर्विर्नेक्षणमायवनं द्रोणकलशाः कुम्भ्यो वायव्यानि ।
पात्राणीयमेव कृष्णाजिनम् ॥१७॥

(२) द्वितीयः पर्यायः

(१-१३) त्रयोदशर्चस्यास्य पर्यायस्य (१) प्रथमर्चो विराट् पुरस्ताद्बृहती (२, १२)
द्वितीयाद्वादशयोः साम्नी त्रिष्टुप् (३) तृतीयाया आसुर्यनुष्टुप् (४) चतुर्थ्याः साम्नाच्युष्णिक्
(५) पञ्चम्याः साम्नी बृहती (६) षष्ठ्या आर्च्यनुष्टुप् (७) सप्तम्याः पञ्चपदा विराट्
पुरस्ताद्बृहती (८) अष्टम्या आसुरी गायत्री (९) नवम्याः साम्नाच्यनुष्टुप्
(१०) दशम्यास्त्रिपदार्ची त्रिष्टुप् (११) एकादश्या भुरिक्साम्नी बृहती
(१३) त्रयोदश्याश्च त्रिपदार्ची पङ्क्तिश्छन्दांसि

यजमानब्राह्मणं वा एतदतिथिपतिः कुरुते यदाहार्याणि ।
प्रेक्षत इदं भूयाश्च इदाश्मिति ॥१॥

यदाह भूय उद्धरेति प्राणमेव तेन वर्षीयांसं कुरुते ॥२॥

उप हरति हवीष्या सादयति ॥३॥

तेषामासन्नानामतिथिरात्मञ्जुहोति ॥४॥

सु॒चा ह॒स्तेन॑ प्रा॒णे यू॒पे सु॒क्कारेण॑ वषट्कारेण॑ ॥५॥

ए॒ते वै प्रि॒याश्चाप्रि॒याश्च॒र्त्विजः॑ स्व॒र्गं लो॒कं ग॑मयन्ति॒ यदति॑थयः ॥६॥

स य ए॒वं वि॒द्वान्न॑ द्विषन्न॑शनीयान्न॑ द्विषतोऽन्न॑मशनीयान्न॑ ।
मी॒मांसि॑तस्य॒ न मी॒मांस॑मानस्य ॥७॥

सर्वो॑ वा ए॒ष ज॒ग्धपा॑प्मा॒ यस्यान्न॑म॒श्नन्ति॑ ॥८॥

सर्वो॑ वा ए॒षोऽज॑ग्धपा॒प्मा यस्यान्न॑ नाश्नन्ति॑ ॥९॥

सर्व॑दा वा ए॒ष यु॒क्तग्रा॑वा॒र्द्रप॑वित्रो॒ वित॑ताध्व॒र् आ॑ह॒तय॑ज्ञक्र॒तुर्य उ॑प॒हरति॑
॥१०॥

प्रा॒जाप॑त्यो वा ए॒तस्य॑ य॒ज्ञो वि॑त॒तो य उ॑प॒हरति॑ ॥११॥

प्रा॒जाप॑ते॒र्वा ए॒ष वि॑क्र॒मान॑नु॒विक्र॑मते॒ य उ॑प॒हरति॑ ॥१२॥

योऽति॑थीनां॒ स आ॑ह॒वनी॑यो॒ यो वे॑श्म॒नि स गार्ह॑पत्यो॒ यस्मि॑न्प॒चन्ति॑ स
दक्षि॑णाग्निः ॥१३॥

(३) तृतीयः पर्यायः

(१-६) नवर्चस्यास्य पर्यायस्य (१-६, ६) प्रथमादिषडृचां नवम्याश्च त्रिपदा

पिपीलिकमध्या गायत्री (७) सप्तम्याः साम्नी बृहती

(८) अष्टम्याश्च पिपीलिकमध्योष्णिक छन्दांसि

इष्टं च॒ वा ए॒ष पूर्तं च॑ गृ॒हाणा॑म॒श्नाति॑ यः पूर्वोऽति॑थे॒र॒श्नाति॑ ॥१॥

पर्य॑श्च वा ए॒ष रसं च॑ गृ॒हाणा॑म॒श्नाति॑ यः पूर्वोऽति॑थे॒र॒श्नाति॑ ॥२॥

ऊ॒र्जा च॒ वा ए॒ष स्फ्रा॑तिं च॑ गृ॒हाणा॑म॒श्नाति॑ यः पूर्वोऽति॑थे॒र॒श्नाति॑ ॥३॥

प्रजां च वा एष पशूंश्च गृहाणामश्नाति यः पूर्वोऽतिथेरश्नाति ॥४॥

कीर्तिं च वा एष यशश्च गृहाणामश्नाति यः पूर्वोऽतिथेरश्नाति ॥५॥

श्रियं च वा एष संविदं च गृहाणामश्नाति यः पूर्वोऽतिथेरश्नाति ॥६॥

एष वा अतिथिर्यच्छ्रोत्रियस्तस्मात्पूर्वो नाश्नीयात् ॥७॥

अशितावृत्यतिथावश्नीयाद्यज्ञस्य सात्मत्वाय यज्ञस्याविच्छेदाय तद्वृतम् ॥८॥

एतद्वा उ स्वादीयो यदधिगुवं क्षीरं वा मांसं वा तदेव नाश्नीयात् ॥९॥

(४) चतुर्थः पर्यायः

(१-१०) दशर्चस्यास्य पर्यायस्य (१, ३, ५, ७) प्रथमातृतीयापञ्चमीसप्तमीनामृचां प्राजापत्यानुष्टुप् (२, ४, ६, ८) द्वितीयाचतुर्थीषष्ठ्यष्टमीनां त्रिपदा गायत्री (९) नवम्या भुरिगनुष्टुप् (१०) दशम्याश्च चतुष्पदा प्रस्तारपङ्क्तिश्छन्दांसि स य एवं विद्वान्क्षीरमुपसिच्योपहरति ॥१॥

यावदग्निष्टोमेनेष्ट्वा सुसमृद्धेनावरुद्धे तावदेनेनावरुद्धे ॥२॥

स य एवं विद्वान्त्सर्पिरुपसिच्योपहरति ॥३॥

यावदतिरात्रेणेष्ट्वा सुसमृद्धेनावरुद्धे तावदेनेनावरुद्धे ॥४॥

स य एवं विद्वान्मधूपसिच्योपहरति ॥५॥

यावत्सत्रसद्यैनेष्ट्वा सुसमृद्धेनावरुद्धे तावदेनेनावरुद्धे ॥६॥

स य एवं विद्वान्मांसमुपसिच्योपहरति ॥७॥

यावद्द्वादशाहेनेष्टा सुसंमृद्धेनावरुन्धे तावदेनेनावरुन्धे ॥८॥

स य एवं विद्वानुदकमुपसिच्योपहरति ॥९॥

प्रजानां प्रजननाय गच्छति प्रतिष्ठां प्रियः प्रजानां भवति य एवं
विद्वानुदकमुपसिच्योपहरति ॥१०॥

(५) पञ्चमः पर्यायः

(१-१०) दशर्चस्यास्य पर्यायस्य (१) प्रथमर्चः साम्नाद्युष्णिक (२) द्वितीयायाः पुर
उष्णिक (३, ५, ७, १०) तृतीयायाः पञ्चमीसप्तम्युत्तरार्धयोर्दशम्याश्च साम्नी भुरिग्बृहती
(४, ६, ९) चतुर्थीषष्ठीनवमीनां साम्नाद्यनुष्टुप् (५) पञ्चमीपूर्वार्धस्य त्रिपदा निचृद्विषमा
गायत्री (७) सप्तमीपूर्वार्धस्य त्रिपदा विराड्विषमा गायत्री
(८) अष्टम्याश्च त्रिपदा विराडनुष्टुप् छन्दांसि

तस्मा उषा हिङ्कृणोति सविता प्र स्तौति ॥१॥

बृहस्पतिरूर्जयोद्गायति त्वष्टा पुष्ट्या प्रति हरति विश्वे देवा निधनम् ॥२॥

निधनं भूत्याः प्रजायाः पशूनां भवति य एवं वेद ॥३॥

तस्मा उद्यन्त्सूर्यो हिङ्कृणोति संगवः प्र स्तौति ॥४॥

मध्यन्दिनु उद्गायत्यपराहः प्रति हरत्यस्तं यन्निधनम् ।
निधनं भूत्याः प्रजायाः पशूनां भवति य एवं वेद ॥५॥

तस्मा अग्ने भवन्हिङ्कृणोति स्तनयन् प्र स्तौति ॥६॥

विद्योर्तमानः प्रति हरति वर्षन्नुद्गायत्युद्गृह्णन्निधनम् ।
निधनं भूत्याः प्रजायाः पशूनां भवति य एवं वेद ॥७॥

अतिथीन्प्रति पश्यति हिङ्कृणोत्यभि वदति प्र स्तौत्युदकं याचत्युद्गायति
॥८॥

उप हरति प्रति हृत्युच्छिष्टं निधनम् ॥९॥

निधनं भूत्याः प्रजायाः पशूनां भवति य एवं वेद ॥१०॥

(६) षष्ठः पर्यायः

(१-१४) चतुर्दशर्चस्यास्य पर्यायस्य (१) प्रथमर्च आसुरी गायत्री (२) द्वितीयायाः
साम्न्यनुष्टुप् (३, ५) तृतीयापञ्चम्योस्त्रिपदार्ची पङ्क्तिः (४) चतुर्थ्या एकपदा प्राजापत्या
गायत्री (६-११) षष्ठ्यादिषण्णामार्ची बृहती (१२) द्वादश्या एकपदासुरी जगती
(१३) त्रयोदश्या याजुषी त्रिष्टुप् (१४) चतुर्दश्याश्चैकपदासुर्युष्णिक् छन्दांसि
यत्क्षत्तारं ह्वयत्या श्रावयत्येव तत् ॥१॥

यत्प्रतिशृणोति प्रत्याश्रावयत्येव तत् ॥२॥

यत्परिवेष्टारः पात्रहस्ताः पूर्वे चापरे च प्रपद्यन्ते चमसाध्वर्यव एव ते ॥३॥

तेषां न कश्चनाहोता ॥४॥

यद्वा अतिथिपतिरतिथीन्परिविष्य गृहानुपोदैत्यवभृथमेव तदुपावैति ॥५॥

यत्संभागयति दक्षिणाः सभागयति यदनुतिष्ठत उदवस्यत्येव तत् ॥६॥

स उपहूतः पृथिव्यां भक्षयत्युपहूतस्तस्मिन्यत्पृथिव्यां विश्वरूपम् ॥७॥

स उपहूतोऽन्तरिक्षे भक्षयत्युपहूतस्तस्मिन्यदन्तरिक्षे विश्वरूपम् ॥८॥

स उपहूतो दिवि भक्षयत्युपहूतस्तस्मिन्दिवि विश्वरूपम् ॥९॥

स उपहूतो देवेषु भक्षयत्युपहूतस्तस्मिन्यद्देवेषु विश्वरूपम् ॥१०॥

स उपहूतो लोकेषु भक्षयत्युपहूतस्तस्मिन्यल्लोकेषु विश्वरूपम् ॥११॥

स उपहूत उपहूतः ॥१२॥

आप्रोतीमं लोकमाप्रोत्यमुम् ॥१३॥

ज्योतिष्मतो लोकाञ्जयति य एवं वेद ॥१४॥

(७) सप्तमं सूक्तम्

एकः पर्यायः

(१-२६) षड्विंशत्यृचस्यास्य पर्यायस्य ब्रह्मा ऋषिः । गौर्देवता । (१) प्रथमर्च
आर्ची बृहती (२) द्वितीयाया आर्च्युष्णिक (३, ५) तृतीयापञ्चम्योराच्यनुष्टुप्
(४, १४-१६) चतुर्थ्याश्चतुर्दश्यादितृचस्य च साम्नी बृहती (६, ८) षष्ठ्यष्टम्योरासुरी
गायत्री (७) सप्तम्यास्त्रिपदा पिपीलिकमध्या निचृद्गायत्री (९, १३) नवमीत्रयोदशयोः
साम्नी गायत्री (१०) दशम्याः पुर उष्णिक (११-१२, १७, २५)
एकादशीद्वादशीसप्तदशीपञ्चविंशीनां साम्नाच्युष्णिक (१८, २२)
अष्टादशीद्वाविंशयोरेकपदासुरी जगती (१९) एकोनविंश्या एकपदासुरी पङ्क्तिः
(२०) विंश्या याजुषी जगती (२१) एकविंश्या आसुर्यनुष्टुप्
(२३) त्रयोविंश्या एकपदासुरी बृहती (२४) चतुर्विंश्याः साम्नी भुरिगबृहती
(२६) षड्विंश्याश्च साम्नी त्रिष्टुप् छन्दांसि । अनुक्तपादा द्विपदाः ॥
प्रजापतिश्च परमेष्ठी च शृङ्गे इन्द्रः शिरौ अग्निर्ललाटं यमः कृकाटम् ॥१॥

सोमो राजा मस्तिष्को द्यौरुत्तरहनुः पृथिव्यधरहनुः ॥२॥

विद्युज्जिह्वा मरुतो दन्ता रेवतीर्ग्रीवाः कृत्तिका स्कन्धा घर्मो वहः ॥३॥

विश्वं वायुः स्वर्गो लोकः कृष्णाद्रं विधरणी निवेष्यः ॥४॥

श्येनः क्रोडोऽन्तरिक्षं पाजस्यं बृहस्पतिः ककुद्बृहतीः कीकसाः ॥५॥

देवानां पत्नीः पृष्टय उप्सदः पर्शवः ॥६॥

मित्रश्च वरुणश्चांसौ त्वष्टा चार्यमा च दोषणी महादेवो ब्राह्म ॥७॥

इन्द्राणी भुसद्वायुः पुच्छं पर्वमानो बालाः ॥८॥

ब्रह्म च क्षत्रं च श्रोणी बलमूरु ॥९॥

धाता च सविता चाष्टीवन्तौ जङ्घा गन्धर्वा अप्सरसः कुष्ठिका अदितिः
शुफाः ॥१०॥

चेतो हृदयं यकृन्मेधा वृतं पुरीतत् ॥११॥

क्षुत्कुक्षिरिवा वनिष्ठुः पर्वताः प्लाशयः ॥१२॥

क्रोधो वृक्कौ मन्युराण्डौ प्रजा शेषः ॥१३॥

नदी सूत्री वर्षस्य पतय स्तना स्तनयित्बुरुधः ॥१४॥

विश्वव्यचाश्चर्मौषधयो लोमानि नक्षत्राणि रूपम् ॥१५॥

देवजना गुदा मनुष्याः अन्त्रायत्रा उदरम् ॥१६॥

रक्षांसि लोहितमितरजना ऊर्बध्यम् ॥१७॥

अभ्रं पीबो मज्जा निधनम् ॥१८॥

अग्निरासीन् उत्थितोऽश्विना ॥१९॥

इन्द्रः प्राङ्तिष्ठन्दक्षिणा तिष्ठन्त्यमः ॥२०॥

प्रत्यङ्तिष्ठन्धातोद्ङ्तिष्ठन्त्सविता ॥२१॥

तृणानि प्राप्तः सोमो राजा ॥२२॥

मित्र ईक्षमाण आवृत्त आनन्दः ॥२३॥

युज्यमानो वैश्वदेवो युक्तः प्रजापतिर्विमुक्तः सर्वम् ॥२४॥

एतद्वै विश्वरूपं सर्वरूपं गोरूपम् ॥२५॥

उपैनं विश्वरूपाः सर्वरूपाः पशवस्तिष्ठन्ति य एवं वेद ॥२६॥

(८) अष्टमं सूक्तम्

(१-२२) द्वाविंशत्यृचस्यास्य सूक्तस्य भृग्वङ्गिरा ऋषिः । सर्वशीर्षामयाद्यामयापाकरणं

देवता । (१-११, १३-१४, १६-२०) प्रथमाद्येकादशर्चा त्रयोदशीचतुर्दश्योः

षोडश्यादिपञ्चानाञ्चानुष्टुप् (१२) द्वादश्या अनुष्टुब्गर्भा ककुम्मती चतुष्पदोष्णिक्

(१५) पञ्चदश्या विराडनुष्टुप् (२१) एकविंश्या विराट्पथ्याबृहती

(२२) द्वाविंश्याश्च पथ्यापङ्क्तिश्छन्दांसि ॥

शीर्षक्तिं शीर्षामयं कर्णशूलं विलोहितम् ।

सर्वं शीर्षन्यं ते रोगं बृहिर्निर्मन्त्रयामहे ॥१॥

कर्णाभ्यां ते कङ्कषेभ्यः कर्णशूलं विसर्पकम् ।

सर्वं शीर्षन्यं ते रोगं बृहिर्निर्मन्त्रयामहे ॥२॥

यस्य हेतोः प्रच्यवते यक्ष्मः कर्णतो आस्यतः ।

सर्वं शीर्षन्यं ते रोगं बृहिर्निर्मन्त्रयामहे ॥३॥

यः कृणोति प्रमोतमन्धं कृणोति पूरुषम् ।

सर्वं शीर्षन्यं ते रोगं बृहिर्निर्मन्त्रयामहे ॥४॥

अङ्गभेदमङ्गज्वरं विश्वाङ्ग्यं विसल्पकम् ।
सर्वे शीर्षन्यं ते रोगं बृहिर्निर्मन्त्रयामहे ॥५॥

यस्य भीमः प्रतीकाश उद्वेपयति पूरुषम् ।
तुक्मानं विश्वशारदं बृहिर्निर्मन्त्रयामहे ॥६॥

य ऊरू अनुसर्पत्यथो एति गृवीनिके ।
यद्धमं ते अन्तरङ्गेभ्यो बृहिर्निर्मन्त्रयामहे ॥७॥

यदि कामादपकामाद्धृदयाज्जायते परि ।
हृदो बृलासुमङ्गेभ्यो बृहिर्निर्मन्त्रयामहे ॥८॥

हरिमाणं ते अङ्गेभ्योऽप्वामन्तरोदरात् ।
यद्धमोधामन्तरात्मनो बृहिर्निर्मन्त्रयामहे ॥९॥

आसो बृलासो भवतु मूत्रं भवत्वामयत् ।
यद्धमाणां सर्वेषां विषं निरवोचमहं त्वत् ॥१०॥

बृहिर्बिलं निर्द्रवतु काहाबाहं तवोदरात् ।
यद्धमाणां सर्वेषां विषं निरवोचमहं त्वत् ॥११॥

उदरात्ते क्लोमो नाभ्या हृदयादधि ।
यद्धमाणां सर्वेषां विषं निरवोचमहं त्वत् ॥१२॥

याः सीमानं विरुजन्ति मूर्धानं प्रत्यर्षनीः ।
अहिंसन्तीरनामया निर्द्रवन्तु बृहिर्बिलम् ॥१३॥

या हृदयमुपर्षन्त्यनुतन्वन्ति कीकसाः ।
अहिंसन्तीरनामया निर्द्रवन्तु बृहिर्बिलम् ॥१४॥

याः पार्श्वे उ॒प॒र्षन्त्यनु॒निक्षन्ति॑ पृ॒ष्ठीः ।
अहिंसन्तीरनाम॒या निर्द्रवन्तु॑ ब॒हिर्बिलम् ॥१५॥

यास्तिरश्चरु॒प॒र्षन्त्यर्ष॒णीर्वृक्षणा॑सु ते ।
अहिंसन्तीरनाम॒या निर्द्रवन्तु॑ ब॒हिर्बिलम् ॥१६॥

या गुदा॑ अनु॒स॒र्पन्त्यान्त्राणि॑ मो॒हयन्ति॑ च ।
अहिंसन्तीरनाम॒या निर्द्रवन्तु॑ ब॒हिर्बिलम् ॥१७॥

या म॒ज्जो निर्ध॑र्यन्ति॒ परू॑षि विरु॒जन्ति॑ च ।
अहिंसन्तीरनाम॒या निर्द्रवन्तु॑ ब॒हिर्बिलम् ॥१८॥

ये अ॒ङ्गानि॑ म॒दयन्ति॒ यद्मा॑सो रोप॒णास्तव॑ ।
यद्मा॑णां स॒र्वेषां॑ वि॒षं निर॑वोचम॒हं त्वत् ॥१९॥

वि॒सृ॒ल्पस्य॑ वि॒द्र॒धस्य॑ वातीका॒रस्य॑ वाल॒जेः ।
यद्मा॑णां स॒र्वेषां॑ वि॒षं निर॑वोचम॒हं त्वत् ॥२०॥

पादा॑भ्यां ते जानु॒भ्यां श्रोणि॑भ्यां परि॒ भंस॑सः ।
अनू॑कादर्ष॒णीरु॒ष्णिहा॑भ्यः शी॒ष्णो रोग॑मनीनशम् ॥२१॥

सं ते शी॒ष्णः क॒पाला॑नि॒ हृद॑यस्य च॒ यो वि॒धुः ।
उ॒द्यन्ना॑दित्य र॒श्मिभिः॑ शी॒ष्णो रोग॑मनीनशोऽङ्ग॒भेद॑मशीशमः ॥२२॥

(६) नवमं सूक्तम्

(१-२२) द्वाविंशत्यृचस्यास्य सूक्तस्य ब्रह्मा ऋषिः । वाम आदित्योऽध्यात्मञ्च देवताः

। (१-११, १३, १५, १७) प्रथमाद्येकादशर्चा त्रयोदशीपञ्चदशीसप्तदशीनाञ्च त्रिष्टुप्

(१२, १४, १६, १८) द्वादशीचतुर्दशीषोडश्यष्टादशीनाञ्च जगती छन्दसी

अस्य वामस्य पलितस्य होतुस्तस्य भ्राता मध्यमो अस्त्यश्वः ।

तृतीयो भ्राता घृतपृष्ठो अस्यात्रापश्यं विश्वपतिं सप्तपुत्रम् ॥१॥

सप्त युञ्जन्ति रथमेकचक्रमेको अश्वौ वहति सप्तनामा ।
त्रिनाभिं चक्रमजरमनुर्वं यत्रेमा विश्वा भुवनाधिं तस्थुः ॥२॥

इमं रथमधि ये सप्त तस्थुः सप्तचक्रं सप्त वहन्त्यश्वः ।
सप्त स्वसारो अभि सं नवन्त यत्र गवां निहिता सप्त नामा ॥३॥

को ददर्श प्रथमं जायमानमस्थन्वन्तं यदनस्था बिभर्ति ।
भूम्या असुरसृगात्मा क्व स्वित्को विद्वांसमुप गात्प्रष्टुमेतत् ॥४॥

इह ब्रवीतु य ईमुङ्ग वेदास्य वामस्य निहितं पदं वेः ।
शीर्ष्णः क्षीरं दुहते गावौ अस्य वृत्रिं वसाना उदकं पदाऽपुः ॥५॥

पाकः पृच्छामि मनसाऽविजानन्देवानामेना निहिता पदानि ।
वत्से बृष्कयेऽधि सप्त तन्तून्वि तत्रिरे कवय ओतवा उ ॥६॥

अचिकित्वांश्चिकितुषश्चिदत्र कवीन्पृच्छामि विद्वानो न विद्वान् ।
वि यस्तस्तम्भ षडिमा रजांस्यजस्य रूपे किमपि स्वदेकम् ॥७॥

माता पितरमृत आ बभाजऽधीत्यग्रे मनसा सं हि जग्मे ।
सा बीभत्सुर्गर्भरसा निविद्धा नमस्वन्त इदुपवाकर्मायुः ॥८॥

युक्ता मातासीद्धुरि दक्षिणाया अतिष्ठद्गर्भो वृजनीष्वन्तः ।
अमीमेद्वत्सो अनु गामपश्यद्विश्वरूप्यं त्रिषु योजनेषु ॥९॥

तिस्रो मातृस्त्रीन्पितृन्बिभ्रदेक ऊर्ध्वस्तस्थौ नेमव ग्लापयन्त ।
मन्त्रयन्ते दिवो अमुष्यं पृष्ठे विश्वविदो वाचमविश्वविनाम् ॥१०॥

पञ्चरि चक्रे परिवर्तमाने यस्मिन्नातस्थुर्भवनानि विश्वा ।
तस्य नाक्षस्तप्यते भूरिभारः सनादेव न च्छिद्यते सनाभिः ॥११॥

पञ्चपादं पितरं द्वादशाकृतिं दिव आहुः परे अर्धे पुरीषिणम् ।
अथेमे अन्य उपरे विचक्षणे सप्तचक्रे षडर आहुरर्पितम् ॥१२॥

द्वादशारं नहि तज्जरायु वर्वर्ति चक्रं परि घामृतस्य ।
आ पुत्रा अग्ने मिथुनासो अत्र सप्त शतानि विंशतिश्च तस्थुः ॥१३॥

सनैमि चक्रमजरं वि वावृत उत्तानायां दश युक्ता वहन्ति ।
सूर्यस्य चक्षु रजसैत्यावृतं यस्मिन्नातस्थुर्भुवनानि विश्वा ॥१४॥

स्त्रियः सुतीस्ताँ उ मे पुंसः आहुः पश्यदक्षरवान्न वि चैतदन्धः ।
कविर्यः पुत्रः स ईमा चिकेत यस्ता विजानात्स पितुष्पितासत् ॥१५॥

साकंजानां सप्तथमाहुरेकजं षडिद्यमा ऋषयो देवजा इति ।
तेषामिष्टानि विहितानि धामश स्थात्रे रैजन्ते विकृतानि रूपशः ॥१६॥

अवः परेण पर एनावरेण पदा वृत्सं बिभ्रती गौरुदस्थात् ।
सा कद्रीची कं स्वदधं परागात्क्व स्वित्सूते नहि यूथे अस्मिन् ॥१७॥

अवः परेण पितरं यो अस्य वेदावः परेण पर एनावरेण ।
कवीयमानः क इह प्र वौचद्देवं मनः कुतो अधि प्रजातम् ॥१८॥

ये अर्वाञ्चस्ताँ उ पराच आहुर्ये पराञ्चस्ताँ उ अर्वाच आहुः ।
इन्द्रश्च या चक्रथुः सोम तानि धुरा न युक्ता रजसो वहन्ति ॥१९॥

द्वा सुपर्णा सुयुजा सखाया समानं वृक्षं परि षस्वजाते ।
तयोरन्यः पिप्पलं स्वाद्वत्यनश्नन्नन्यो अभि चाकशीति ॥२०॥

यस्मिन्वृक्षे मध्वदः सुपर्णा निविशन्ते सुवते चाधि विश्वै ।
तस्य यदाहुः पिप्पलं स्वाद्वग्रे तन्नोन्नश्चः पितरं न वेद ॥२१॥

यत्रा सुपुर्णा अमृतस्य भक्षमनिमेषं विदथाभिस्वरन्ति ।
एना विश्वस्य भुवनस्य गोपाः स मा धीरः पाकमत्रा विवेश ॥२२॥

(१०) दशमं सूक्तम्

(१-२८) अष्टाविंशत्यृचस्यास्य सूक्तस्य ब्रह्मा ऋषिः । (१-२२, २४-२८)
प्रथमादिद्वाविंशत्यृचाञ्चतुर्विंश्यादिपञ्चानाञ्च गौर्विराडध्यात्मञ्च (२३) त्रयोविंश्याश्च
मित्रावरुणौ देवताः । (१, ७, १४, १७-१८) प्रथमासप्तमीचतुर्दशीसप्तदश्यष्टादशीनां
जगती (२, २६-२७) द्वितीयाषड्विंशीसप्तविंशीनां भुरिक्त्रिष्टुप्
(३-६, ८-१३, १५-१६, १६-२०, २२, २३, २५, २८)
तृतीयादिचतसृणामष्टम्यादिषण्णां

पञ्चदशीषोडश्येकोनविंशीविंशीद्वाविंशीत्रयोविंशीपञ्चविंश्याष्टाविंशीनाञ्च त्रिष्टुप्

(२१) एकविंश्याः पञ्चपदातिशक्वरी

(२४) चतुर्विंश्याश्च चतुष्पदा पुरस्कृतिभुरिगतिजगती छन्दांसि

यद्गायत्रे अधि गायत्रमाहितं त्रैष्टुभं वा त्रैष्टुभान्निरतक्षत ।

यद्वा जगज्जगत्याहितं पदं य इत्तद्विदुस्ते अमृतत्वमानशुः ॥१॥

गायत्रेण प्रति मिमीते अर्कमर्केण साम त्रैष्टुभेन वाकम् ।

वाकेन वाकं द्विपदा चतुष्पदाक्षरेण मिमते सप्त वाणीः ॥२॥

जगता सिन्धुं दिव्यस्वभायद्रथंतरे सूर्यं पर्यपश्यत् ।

गायत्रस्य समिधस्तिस्त्र आहुस्ततो म्हा प्र रिरिचे महित्वा ॥३॥

उप ह्वये सुदुघां धेनुमेतां सुहस्तो गोधुगुत दौहदेनाम् ।

श्रेष्ठं सव सविता साविषन्नोऽभीद्धो घर्मस्तदु षु प्र वौचत् ॥४॥

हिङ्गवती वसुपत्नी वसूनां वत्समिच्छन्ती मनसाभ्यागात् ।

दुहामश्विभ्यां पयो अघ्नयेयं सा वर्धतां महते सौभगाय ॥५॥

गौरमीमेदभि वत्सं मिषन्तं मूर्धानं हिङ्ङकृणोन्मातवा उ ।

सृक्वाणं घर्ममभि वावशाना मिमाति मायुं पर्यते पयोभिः ॥६॥

अयं स शिङ्गे येन गौरभिवृता मिमाति मायुं ध्वसनावधि श्रिता ।
सा चित्तिभिर्नि हि चकार मर्त्यान्विद्युद्धवन्ती प्रति वृत्रिमौहत ॥७॥

अनच्छये तुरगातु जीवमेजद्ध्रुवं मध्य आ पुस्त्यानाम् ।
जीवो मृतस्य चरति स्वधाभिरमर्त्यो मर्त्येना सयौनिः ॥८॥

विधुं दद्राणं संलिलस्य पृष्ठे युवानं सन्तं पलितो जंगार ।
देवस्य पश्य काव्यं महित्वाद्य ममार स ह्यः समान ॥९॥

य ई चकार न सो अस्य वेद य ई ददर्श हिरुगिन्नु तस्मात् ।
स मातुर्योना परिवीतो अन्तर्बहुप्रजा निर्ऋतिरा विवेश ॥१०॥

अपश्यं गोपामनिपद्यमानमा च परा च पृथिभिश्चरन्तम् ।
स सध्रीचीः स विषूचीर्वसान् आ वरीवर्ति भुवनेष्वन्तः ॥११॥

द्यौरनः पिता जनिता नाभिरत्र बन्धुर्नो माता पृथिवी महीयम् ।
उत्तानयोश्चम्वोऽर्योर्निरन्तरत्रा पिता दुहितुर्गर्भमाधात् ॥१२॥

पृच्छामि त्वा परमन्तं पृथिव्याः पृच्छामि वृष्णो अश्वस्य रेतः ।
पृच्छामि विश्वस्य भुवनस्य नाभिं पृच्छामि वाचः परमं व्योमि ॥१३॥

इयं वेदिः परो अन्तः पृथिव्या अयं सोमो वृष्णो अश्वस्य रेतः ।
अयं यज्ञो विश्वस्य भुवनस्य नाभिर्ब्रह्मायं वाचः परमं व्योमि ॥१४॥

न वि जानामि यदिवेदमस्मि निशयः संनद्धो मनसा चरामि ।
यदा मार्गन्प्रथमजा ऋतस्यादिद्वाचो अशुवे भागमस्याः ॥१५॥

अपाङ् प्राडैति स्वधया गृभीतोऽमर्त्यो मर्त्येना सयौनिः ।
ता शश्वन्ता विषूचीना वियन्ता न्यऽन्यं चिक्युर्न नि चिक्युरन्यम् ॥१६॥

सुप्तार्धगर्भा भुवनस्य रेतो विष्णोस्तिष्ठन्ति प्रदिशा विधर्मणि ।
ते धीतिभिर्मनसा ते विपश्चितः परिभुवः परि भवन्ति विश्वतः ॥ १७ ॥

ऋचो ऋक्षरै परमे व्योमिन्यस्मिन्देवा अधि विश्वे निषेदुः ।
यस्तन्न वेद किमृचा करिष्यति य इत्तद्विदुस्ते अमी समासते ॥ १८ ॥

ऋचः पदं मात्रया कल्पयन्तोऽर्धर्चेन चक्लृपुर्विश्वमेजत् ।
त्रिपाद्ब्रह्म पुरुरूपं वि तष्टे तेन जीवन्ति प्रदिशश्चतस्रः ॥ १९ ॥

सूयवसाद्भगवती हि भूया अधा वयं भगवन्तः स्याम ।
अद्धि तृणमघ्नये विश्वदानीं पिब शुद्धमुदकमाचरन्ती ॥ २० ॥

गौरिन्मिमाय सलिलानि तक्षत्येकपदी द्विपदी सा चतुष्पदी ।
अष्टापदी नवपदी बभूवुषी सहस्राक्षरा भुवनस्य पङ्क्तिस्तस्याः समुद्रा अधि
वि क्षरन्ति ॥ २१ ॥

कृष्णं नियानं हरयः सुपर्णा अपो वसाना दिवमुत्पतन्ति ।
तं आर्ववृत्रन्तसर्दनादृतस्यादिद्धृतेन पृथिवीं व्यूदुः ॥ २२ ॥

अपादैति प्रथुमा पद्धतीनां कस्तद्वा मित्रावरुणा चिकेत ।
गर्भो भारं भरत्या चिदस्या ऋतं पिपत्यनृतं नि पाति ॥ २३ ॥

विराड्वाग्विराट्पृथिवी विराडन्तरिक्षं विराट्प्रजापतिः ।
विरागमृत्युः साध्यानामधिराजो बभूव तस्य भूतं भव्यं वशे स मे भूतं भव्यं
वशे कृणोतु ॥ २४ ॥

शुक्रमयं धूममारादपश्यं विषूवता पुर एनावरेण ।
उक्षाणं पृश्निमपचन्त वीरास्तानि धर्माणि प्रथुमान्यासन् ॥ २५ ॥

त्रयः केशिनं ऋतुथा वि चक्षते संवत्सरे वपत् एक एषाम् ।

विश्वम॒न्यो अ॒भिच॑ष्टे श॒चीभि॒र्ध्वाजि॒रेक॑स्य ददृ॒शे न रू॒पम् ॥२६॥

च॒त्वारि॒ वाक्परि॑मिता प॒दानि॒ तानि॑ विदु॒र्ब्राह्म॑णा ये म॒नीषि॑णः ।
गुहा॒ त्रीणि॒ निहि॑ता ने॒ङ्गय॑न्ति तुरी॒यं वा॒चो म॑नु॒ष्या व॑दन्ति ॥२७॥

इन्द्रं॑ मि॒त्रं वरु॑णम॒ग्निमा॑हुरथो दि॒व्यः स सु॑पर्णो ग॒रुत्मान् ।
एकं॑ स॒द्विप्रा॑ बहु॒धा व॑दन्त्य॒ग्निं य॒मं मा॑तरि॒श्वान॑माहुः ॥२८॥
इति नवमं कारडम्

अथ दशमं काण्डम्

(१) प्रथमं सूक्तम्

(१-३२) द्वात्रिंशदृचस्यास्य सूक्तस्य प्रत्यङ्गिरस ऋषिः । कृत्यादूषणं देवता । (१)
प्रथमर्चो महाबृहती (२) द्वितीयाया विराङ्गायत्री (३-८, १०-११, १४, २१,
२५-२७, ३०-३१) तृतीयादिषण्णां दशम्येकादशीचतुर्दश्येकविंशीनां
पञ्चविंश्यादितृचस्य त्रिंश्येकत्रिंश्योश्चानुष्टुप् (६) नवम्याः पथ्यापङ्क्तिः (१२) द्वादश्याः
पङ्क्तिः (१३) त्रयोदश्या उरोबृहती (१५) पञ्चदश्याश्चतुष्पदा विराङ्जगती (१६, १८)
षोडश्याष्टादश्यास्त्रिष्टुप् (१७, २४) सप्तदशीचतुर्विंशयोः प्रस्तारपङ्क्तिः (१९)
एकोनविंश्याश्चतुष्पदा जगती (२०) विंश्या विराट् प्रस्तारपङ्क्तिः (२२) द्वाविंश्या
एकावसाना द्विपदार्युष्णिक (२३) त्रयोविंश्यास्त्रिपदा भुरिग्विषमा गायत्री
(२८) अष्टाविंश्यास्त्रिपदा गायत्री (२९) एकोनत्रिंश्या मध्येज्योतिष्मती जगती
(३२) द्वात्रिंश्याश्च द्व्यनुष्टुब्गर्भा पञ्चपदातिजगती छन्दांसि ॥
यां कल्पयन्ति वहतौ वधूमिव विश्वरूपां हस्तकृतां चिकित्सवः ।
सारादेत्वपं नुदाम एनाम् ॥१॥

शीर्षणवती नस्वती कर्णिनी कृत्याकृता संभृता विश्वरूपा ।
सारादेत्वपं नुदाम एनाम् ॥२॥

शूद्रकृता राजकृता स्त्रीकृता ब्रह्मभिः कृता ।
जाया पत्या नुत्तेर्व कर्तारं बन्ध्वृच्छतु ॥३॥

अनयाहमोषध्या सर्वाः कृत्या अदूषम् ।
यां क्षेत्रे चक्रुर्या गोषु यां वा ते पुरुषेषु ॥४॥

अघमस्त्वघकृते शपथः शपथीयते ।
प्रत्यक्प्रतिप्रहिणमो यथा कृत्याकृतं हनत् ॥५॥

प्रतीचीनं आङ्गिरसोऽध्यक्षो नः पुरोहितः ।
प्रतीचीः कृत्या आकृत्यामूकृत्याकृतौ जहि ॥६॥

यस्त्वोवाच परेहीति प्रतिकूलमुदाय्यम् ।

तं कृत्येऽभिनिवर्तस्व मास्मानिच्छो अनागसः ॥७॥

यस्ते परूषि संदुधौ रथस्येव भुर्धिया ।
तं गच्छ तत्र तेऽयन्मजातस्तेऽयं जनः ॥८॥

ये त्वा कृत्वालेभिरे विद्वला अभिचारिणः ।
शुभ्वीरेदं कृत्यादूषणं प्रतिवर्त्म पुनःसरं तेन त्वा स्नपयामसि ॥९॥

यद्दुर्भगां प्रस्रपितां मृतवत्सामुपेयिम ।
अपैतु सर्वं मत्पापं द्रविणं मोषं तिष्ठतु ॥१०॥

यत्ते पितृभ्यो ददतो यज्ञे वा नाम जगृहुः ।
संदेश्यारेत्सर्वस्मात्पापादिमा मुञ्चन्तु त्वौषधीः ॥११॥

देवैन्सात्पित्र्यान्नामग्राहात्संदेश्यादभिनिष्कृतात् ।
मुञ्चन्तु त्वा वीरुधौ वीर्येण ब्रह्मणा ऋग्भिः पर्यस ऋषीणाम् ॥१२॥

यथा वातश्चयावयति भूम्या रेणुमन्तरिक्षाञ्चाभ्रम् ।
एवा मत्सर्वं दुर्भूतं ब्रह्मनुत्तमपायति ॥१३॥

अपं क्राम नानदती विनद्धा गर्दभीव ।
कर्तृन्नक्षस्वेतो नुत्ता ब्रह्मणा वीर्यावता ॥१४॥

अयं पन्थाः कृत्येति त्वा नयामोऽभिप्रहितां प्रति त्वा प्र हिणमः ।
तेनाभि याहि भञ्जत्यनस्वतीव वाहिनी विश्वरूपा कुरुटिनी ॥१५॥

पराक्ते ज्योतिरपथं ते अर्वागन्यत्रास्मदयना कृणुष्व ।
परैणेहि नवतिं नाव्यारे अति दुर्गाः स्रोत्या मा क्षणिष्ठाः परैहि ॥१६॥

वात इव वृक्षान्नि मृणीहि पादय मा गामश्चं पुरुषमुच्छिष एषाम् ।

कर्तृन्निवृत्येतः कृत्येऽप्रजास्त्वायं बोधय ॥१७॥

यां तै बृर्हिषि यां श्मशाने क्षेत्रे कृत्यां वलुगं वा निचख्नुः ।
अग्नौ वा त्वा गार्हपत्येऽभिचेरुः पाकं सन्तं धीरतरा अनागसम् ॥१८॥

उपाहृतमनुबुद्धं निखातं वैरं त्सार्यन्वविदाम् कर्त्रम् ।
तदैतु यत् आभृतं तत्राश्च इव वि वर्ततां हन्तु कृत्याकृतः प्रजाम् ॥१९॥

स्वायसा असयः सन्ति नो गृहे विद्या तै कृत्ये यतिधा परूषि ।
उत्तिष्ठैव परैहीतोऽज्ञाते किमिहेच्छसि ॥२०॥

ग्रीवास्तै कृत्ये पादौ चापि कत्स्यामि निर्द्रव ।
इन्द्राग्नी अस्मात्रक्षतां यौ प्रजानां प्रजावती ॥२१॥

सोमो राजाधिपा मृडिता च भूतस्य नः पतयो मृडयन्तु ॥२२॥

भवाशर्वावस्यतां पापकृतै कृत्याकृतै ।
दुष्कृतै विद्युतं देवहेतिम् ॥२३॥

यद्येयथ द्विपदी चतुष्पदी कृत्याकृता संभृता विश्वरूपा ।
सेतोऽष्टापदी भूत्वा पुनः परैहि दुच्छुने ॥२४॥

अभ्युक्ताक्ता स्व्रं कृता सर्वं भरन्ती दुरितं परैहि ।
जानीहि कृत्ये कर्तारं दुहितेव पितरं स्वम् ॥२५॥

परैहि कृत्ये मा तिष्ठो विद्धस्यैव पदं नय ।
मृगः स मृगयुस्त्वं न त्वा निकर्तुमर्हति ॥२६॥

उत हन्ति पूर्वासिनं प्रत्यादायापरं इष्वा ।
उत पूर्वस्य निघ्नतो नि हन्त्यपरः प्रति ॥२७॥

एतद्धि शृणु मे वचोऽथैहि यत एयथ ।
यस्त्वा चुकार तं प्रति ॥२८॥

अनागोहत्या वै भीमा कृत्ये मा नो गामश्चं पुरुषं वधीः ।
यत्रयत्रासि निहिता तत्स्त्वोत्थापयामसि पर्णाल्लघीयसी भव ॥२९॥

यदि स्थ तमसावृता जालैनाभिहिता इव ।
सर्वाः संलुप्येतः कृत्याः पुनः कर्त्रे प्र हिमसि ॥३०॥

कृत्याकृतौ वलगिनोऽभिनिष्कारिणः प्रजाम् ।
मृणीहि कृत्ये मोच्छिषोऽमूकृत्याकृतौ जहि ॥३१॥

यथा सूर्यो मुच्यते तमसस्परि रात्रिं जहात्युषसश्च केतून् ।
एवाहं सर्वं दुर्भूतं कर्त्रे कृत्याकृतौ कृतं हस्तीव रजौ दुरितं जहामि ॥३२॥

(२) द्वितीयं सूक्तम्

(१-३३) त्रयस्त्रिंशदृचस्यास्य सूक्तस्य नारायण ऋषिः । पुरुषो ब्रह्मप्रकाशनञ्च
(३१-३२ साक्षात्परब्रह्मप्रकाशनं) देवते । (१-४, ७-८) प्रथमादिचतुर्त्रिंशत्
सप्तम्यष्टम्योश्च त्रिष्टुप् (५, ६-१०, १२-२७, २९-३३) पञ्चमीनवमीदशमीनां
द्वादश्यादिषोडशानामेकोनत्रिंश्यादिपञ्चानाञ्चानुष्टुप् (६, ११) षष्ठ्येकादशयोर्जगती

(२८) अष्टाविंश्याश्च भुरिग्बृहती छन्दांसि

केन पाष्णीं आभृते पूरुषस्य केन मांसं संभृतं केन गुल्फौ ।
केनाङ्गुलीः पेशनीः केन खानि केनौच्छलङ्घौ मध्यतः कः प्रतिष्ठाम् ॥१॥

कस्मान्नु गुल्फावधरावकृणवन्नष्टीवन्तावुत्तरौ पूरुषस्य ।
जङ्घे निर्ऋत्य न्यदधुः क्वस्विञ्जानुनोः संधी क उ तच्चिकेत ॥२॥

चतुष्टयं युजते संहितान्तं जानुभ्यामूर्ध्वं शिथिरं कर्बन्धम् ।
श्रोणी यदूरु क उ तर्जजान याभ्यां कुसिन्धं सुदृढं बभूव ॥३॥

कति देवाः कतमे त आसून्य उरौ ग्रीवाश्चिक्युः पुरुषस्य ।
कति स्तनौ व्युदधुः कः कफोदौ कति स्कन्धान्कति पृष्टीरचिन्वन् ॥४॥

को अस्य ब्राह्म समभरद्वीर्यां करवादिति ।
अंसौ को अस्य तद्देवः कुसिन्धे अध्या दधौ ॥५॥

कः सप्त खानि वि ततर्द शीर्षणि कर्णाविमौ नासिके चक्षणी मुखम् ।
येषां पुरुत्रा विजयस्य महनि चतुष्पादो द्विपदो यन्ति यामम् ॥६॥

हन्वोर्हि जिह्वामदधात्पुरुचीमधा महीमधि शिश्राय वाचम् ।
स आ वरीवर्ति भुवनेष्वन्तरपो वसानः क उ तच्चिकेत ॥७॥

मुस्तिष्कमस्य यतमो ललाटं ककारटिकां प्रथमो यः कपालम् ।
चित्वा चित्यं हन्वोः पूरुषस्य दिवं रुरोह कतमः स देवः ॥८॥

प्रियाप्रियाणि बहुला स्वप्नं संबाधतुन्द्यः ।
आनन्दानुगो नन्दांश्च कस्माद्ब्रहति पूरुषः ॥९॥

आर्तिरवर्तिर्निर्भृतिः कुतो नु पूरुषेऽमतिः ।
राद्धिः समृद्धिरवृद्धिर्मतिरुदितयः कुतः ॥१०॥

को अस्मिन्नापो व्युदधाद् विषूवृतः पूरुवृतः सिन्धुसृत्याय जाताः ।
तीव्रा अरुणा लोहिनीस्ताम्रधूम्रा ऊर्ध्वा अवाचीः पूरुषे तिरश्चीः ॥११॥

को अस्मिन्नूपमदधात्को महानं च नाम च ।
गातुं को अस्मिन्कः केतुं कश्चरित्राणि पूरुषे ॥१२॥

को अस्मिन्प्राणमवयत्को अपानं व्यानम् ।
समानमस्मिन्को देवोऽधि शिश्राय पूरुषे ॥१३॥

को अस्मिन्यज्ञमदधादेको देवोऽधि पुरुषे ।
को अस्मिन्त्सत्यं कोऽनृतं कुतो मृत्युः कुतोऽमृतम् ॥१४॥

को अस्मै वासः पर्यदधात्को अस्यायुरकल्पयत् ।
बलं को अस्मै प्रायच्छत्को अस्याकल्पयज्जवम् ॥१५॥

केनापो अन्वतनुत् केनाहरकरोद्गुचे ।
उषसं केनान्वैच्छ केन सायंभवं ददे ॥१६॥

को अस्मिन्नेतो न्यदधात्तनुरा तायतामिति ।
मेधां को अस्मिन्नध्यौहत्को बाणं को नृतो दधौ ॥१७॥

केनेमां भूमिमौर्णोत्केन पर्यभवद्विवम् ।
केनाभि महा पर्वतान्केन कर्माणि पुरुषः ॥१८॥

केन पर्जन्यमन्वेति केन सोमं विचक्षणम् ।
केन यज्ञं च श्रद्धां च केनास्मिन्निहितं मनः ॥१९॥

केन श्रोत्रियमाप्नोति केनेमं परमेष्ठिनम् ।
केनेममग्निं पूरुषः केन संवत्सरं ममे ॥२०॥

ब्रह्म श्रोत्रियमाप्नोति ब्रह्मेमं परमेष्ठिनम् ।
ब्रह्मेममग्निं पूरुषो ब्रह्म संवत्सरं ममे ॥२१॥

केन देवाँ अनु क्षियति केन दैवजनीर्विशः ।
केनेदमन्यन्नक्षत्रं केन सत्क्षत्रमुच्यते ॥२२॥

ब्रह्म देवाँ अनु क्षियति ब्रह्म दैवजनीर्विशः ।
ब्रह्मेदमन्यन्नक्षत्रं ब्रह्म सत्क्षत्रमुच्यते ॥२३॥

केनेयं भूमिर्विहिता केन द्यौरुत्तरा हिता ।
केनेदमूर्ध्वं तिर्यक्चान्तरिक्षं व्यचो हितम् ॥ २४ ॥

ब्रह्मणा भूमिर्विहिता ब्रह्म द्यौरुत्तरा हिता ।
ब्रह्मेदमूर्ध्वं तिर्यक्चान्तरिक्षं व्यचो हितम् ॥ २५ ॥

मूर्धानमस्य संसीव्यार्थवा हृदयं च यत् ।
मस्तिष्कादूर्ध्वः प्रैर्यत्पर्वमानोऽधि शीर्षतः ॥ २६ ॥

तद्वा अथर्वणुः शिरो देवकोशः समुब्जितः ।
तत्प्राणो अभि रक्षति शिरो अन्नमथो मनः ॥ २७ ॥

ऊर्ध्वो नु सृष्टास्तिर्यङ् नु सृष्टाः सर्वा दिशः पुरुष आ बभूवाँश्च ।
पुरं यो ब्रह्मणो वेद यस्याः पुरुष उच्यते ॥ २८ ॥

यो वै तां ब्रह्मणो वेदामृतेनावृतां पुरम् ।
तस्मै ब्रह्म च ब्राह्माश्च चक्षुः प्राणं प्रजां ददुः ॥ २९ ॥

न वै तं चक्षुर्जहाति न प्राणो जरसः पुरा ।
पुरं यो ब्रह्मणो वेद यस्याः पुरुष उच्यते ॥ ३० ॥

अष्टाचक्रा नवद्वारा देवानां पूरयोध्या ।
तस्यां हिरण्ययः कोशः स्वर्गो ज्योतिषावृतः ॥ ३१ ॥

तस्मिन्हिरण्यये कोशे त्र्यङ्गि त्रिप्रतिष्ठिते ।
तस्मिन्यद्यत्तमात्मन्वत्तद्वै ब्रह्मविदो विदुः ॥ ३२ ॥

प्रभ्राजमानां हरिणीं यशसा संपरीवृताम् ।
पुरं हिरण्ययीं ब्रह्मा विवेशापराजिताम् ॥ ३३ ॥

(३) तृतीयं सूक्तम्

(१-२५) पञ्चविंशत्यृचस्यास्य सूक्तस्याथर्वा ऋषिः । वरुणो वनस्पतिश्चन्द्रमा वा देवता
। (१, ४-५, ७, ९-१०, १२)

प्रथमाचतुर्थीपञ्चमीसप्तमीनवमीदशमीद्वादशीनामृचामनुष्टुप्

(२-३, ६) द्वितीयातृतीयाषष्ठीनां भुरिक्त्रिष्टुप् (८, १३-१४)

अष्टमीत्रयोदशीचतुर्दशीनां पथ्यापङ्क्तिः (११, १६) एकादशीषोडशयोर्भुरिगनुष्टुप्

(१५, १७-२५) पञ्चदश्याः सप्तदश्यादिनवानाञ्च षट्पदा जगती छन्दांसि

अयं मे वरुणो मृगिः संपन्नयणो वृषा ।

तेना रभस्व त्वं शत्रून्प्रमृणीहि दुरस्यतः ॥१॥

प्रैणाञ्छृणीहि प्रमृणा रभस्व मृगिस्तै अस्तु पुरएता पुरस्तात् ।

अवारयन्त वरुणेन देवा अभ्याचारमसुराणां श्वःश्वः ॥२॥

अयं मृगिर्वरुणो विश्वभेषजः सहस्राक्षो हरितो हिरण्ययः ।

स ते शत्रून्धरान्पादयाति पूर्वस्तान्दभुहि ये त्वा द्विषन्ति ॥३॥

अयं तै कृत्यां विततां पौरुषेयादयं भयात् ।

अयं त्वा सर्वस्मात्पापाद्वरुणो वारयिष्यते ॥४॥

वरुणो वारयाता अयं देवो वनस्पतिः ।

यद्धमो यो अस्मिन्नाविष्टस्तमु देवा अवीवरन् ॥५॥

स्वप्नं सुप्त्वा यदि पश्यासि पापं मृगः सृतिं यति धावादजुष्टाम् ।

परिक्त्वाच्छकुनैः पापवादादयं मृगिर्वरुणो वारयिष्यते ॥६॥

अरात्यास्त्वा निर्ऋत्या अभिचारादथो भयात् ।

मृत्योरोजीयसो वृधाद्वरुणो वारयिष्यते ॥७॥

यन्मे माता यन्मे पिता भ्रातरो यच्च मे स्वा यदेनश्चकृमा वयम् ।

ततो नो वारयिष्यतेऽयं देवो वनस्पतिः ॥८॥

वरुणेन प्रव्यथिता भ्रातृव्या मे सबन्धवः ।
असूर्त रजो अप्यगुस्ते यन्त्वधमं तमः ॥६॥

अरिष्टोऽहमरिष्टगुरायुष्मान्त्सर्वपूरुषः ।
तं मायं वरुणो मुणिः परि पातु दिशोदिशः ॥१०॥

अयं मे वरुण उरसि राजा देवो वनस्पतिः ।
स मे शत्रून्वि बाधतामिन्द्रो दस्यूनिवासुरान् ॥११॥

इमं बिभर्मि वरुणमायुष्माञ्छतशारदः ।
स मे राष्ट्रं च क्षत्रं च पशूनोजश्च मे दधत् ॥१२॥

यथा वातो वनस्पतीन्वृक्षान्भनक्त्योजसा ।
एवा सपत्नान्मे भङ्गधि पूर्वाञ्जातां उतापरान्वरुणस्त्वाभि रक्षतु ॥१३॥

यथा वार्तश्चाग्निश्च वृक्षान्प्सातो वनस्पतीन् ।
एवा सपत्नान्मे प्साहि पूर्वाञ्जातां उतापरान्वरुणस्त्वाभि रक्षतु ॥१४॥

यथा वार्तेन प्रक्षीणा वृक्षाः शेरे न्युर्पिताः ।
एवा सपत्नान्स्त्वं मम प्र क्षीणीहि न्युर्पय पूर्वाञ्जातां उतापरान्वरुणस्त्वाभि
रक्षतु ॥१५॥

तांस्त्वं प्र च्छिन्द्व वरुण पुरा दिष्टात्पुरायुषः ।
य एनं पशुषु दिप्सन्ति ये चास्य राष्ट्रदिप्सवः ॥१६॥

यथा सूर्यो अतिभाति यथास्मिन्तेज आहितम् ।
एवा मे वरुणो मुणिः कीर्तिं भूतिं नि यच्छतु
तेजसा मा समुक्षतु यशसा समनक्तु मा ॥१७॥

यथा यशश्चन्द्रमस्यादित्ये च नृचक्षसि ।
एवा मै वरुणो मृणिः कीर्तिं भूतिं नि यच्छतु
तेजसा मा समुक्षतु यशसा समनक्तु मा ॥१८॥

यथा यशः पृथिव्यां यथास्मिञ्जातवैदसि ।
एवा मै वरुणो मृणिः कीर्तिं भूतिं नि यच्छतु
तेजसा मा समुक्षतु यशसा समनक्तु मा ॥१९॥

यथा यशः कन्यायां यथास्मिन्त्संभृते रथे ।
एवा मै वरुणो मृणिः कीर्तिं भूतिं नि यच्छतु
तेजसा मा समुक्षतु यशसा समनक्तु मा ॥२०॥

यथा यशः सोमपीथे मधुपर्के यथा यशः ।
एवा मै वरुणो मृणिः कीर्तिं भूतिं नि यच्छतु
तेजसा मा समुक्षतु यशसा समनक्तु मा ॥२१॥

यथा यशोऽग्निहोत्रे वषट्कारे यथा यशः ।
एवा मै वरुणो मृणिः कीर्तिं भूतिं नि यच्छतु
तेजसा मा समुक्षतु यशसा समनक्तु मा ॥२२॥

यथा यशो यजमाने यथास्मिन्यज्ञ आहितम् ।
एवा मै वरुणो मृणिः कीर्तिं भूतिं नि यच्छतु
तेजसा मा समुक्षतु यशसा समनक्तु मा ॥२३॥

यथा यशः प्रजापतौ यथास्मिन्परमेष्ठिनि ।
एवा मै वरुणो मृणिः कीर्तिं भूतिं नि यच्छतु
तेजसा मा समुक्षतु यशसा समनक्तु मा ॥२४॥

यथा देवेष्वमृतं यथैषु सत्यमाहितम् ।
एवा मै वरुणो मृणिः कीर्तिं भूतिं नि यच्छतु

तेजसा मा समुन्नतु यशसा समनक्तु मा ॥२५॥

(४) चतुर्थं सूक्तम्

(१-२६) षड्विंशत्यृचस्यास्य सूक्तस्य गरुत्मानृषिः । तन्नको देवता । (१)
प्रथमर्चः पथ्यापङ्क्तिः (२) द्वितीयायास्त्रिपदा यवमध्या गायत्री (३-४)
तृतीयाचतुर्थ्योः पथ्याबृहती (५-७, ९-११, १३-१५, १७-२०, २२, २४-२५)
पञ्चम्यादितृचस्य नवम्यादितृचस्य त्रयोदश्यादितृचस्य सप्तदश्यादिचतसृणां
द्वाविंशीचतुर्विंशीपञ्चविंशीनाञ्चानुष्टुप् (८) अष्टम्या उष्णिग्गर्भा परात्रिष्टुप् (१२)
द्वादश्या भुरिग्गायत्री (१६) षोडश्यास्त्रिपदा प्रतिष्ठा गायत्री (२१) एकविंश्याः
ककुम्मत्यनुष्टुप् (२३) त्रयोविंश्यास्त्रिष्टुप् (२६) षड्विंश्याश्च त्र्यवसाना षट्पदा
बृहतीगर्भा ककुम्ती भुरिक्त्रिष्टुप् छन्दांसि
इन्द्रस्य प्रथमो रथो देवानामपरो रथो वरुणस्य तृतीय इत् ।
अहीनामपमा रथं स्थानुमारदथार्षत् ॥१॥

दुर्भः शोचिस्तरूणाकमश्वस्य वारः परुषस्य वारः ।
रथस्य बन्धुरम् ॥२॥

अव श्वेत पदा जहि पूर्वेण चापरेण च ।
उदप्लुतमिव दार्वहीनामरसं विषं वारुग्रम् ॥३॥

अरंघुषो निमज्योन्मज्य पुनरब्रवीत् ।
उदप्लुतमिव दार्वहीनामरसं विषं वारुग्रम् ॥४॥

पैद्वो हन्ति कसूर्णालं पैद्वः श्वित्रमुतासितम् ।
पैद्वो रथर्व्याः शिरः सं बिभेद पृदाक्वाः ॥५॥

पैद्व प्रेहि प्रथमोऽनु त्वा वयमेमसि ।
अहीन्व्यस्यतात्पथो येन स्मा वयमेमसि ॥६॥

इदं पैद्वो अजायतेदमस्य परायणम् ।
इमान्यर्वतः पदाहिघ्नयो वाजिनीवतः ॥७॥

संयतं न वि ष्वरद्वयात्तं न सं यमत् ।
अस्मिन्देत्रे द्वावही स्त्री च पुमांश्च तावुभावरसा ॥८॥

अरसास इहाहयो ये अन्ति ये च दूरके ।
घनेन हन्मि वृश्चिकमहिं दृणडेनार्गतम् ॥९॥

अघाश्वस्येदं भेषजमुभयोः स्वजस्य च ।
इन्द्रो मेऽहिमघायन्तमहिं पैद्वो अरन्धयत् ॥१०॥

पैद्वस्य मन्महे वयं स्थिरस्य स्थिरधाम्नः ।
इमे पश्चा पृदाकवः प्रदीध्यत आसते ॥११॥

नृष्टासवो नृष्टविषा हुता इन्द्रेण वज्रिणा ।
जघानेन्द्रो जघ्निमा वयम् ॥१२॥

हुतास्तिरश्चिराजयो निपिष्टासः पृदाकवः ।
दर्वि करिक्रतं श्वित्रं दुर्भेष्वसितं जहि ॥१३॥

कैरातिका कुमारिका सका खनति भेषजम् ।
हिरण्ययीभिरभ्रिभिर्गिरीणामुप सानुषु ॥१४॥

आयमगन्युवा भिषक्पृश्निहापराजितः ।
स वै स्वजस्य जम्भेन उभयोर्वृश्चिकस्य च ॥१५॥

इन्द्रो मेऽहिमरन्धयन्मित्रश्च वरुणश्च ।
वातापर्जन्योऽग्निभा ॥१६॥

इन्द्रो मेऽहिमरन्धयत्पृदाकुं च पृदाक्वम् ।
स्वजं तिरश्चिराजिं कसर्णीलं दशौनसिम् ॥१७॥

इन्द्रो जघान प्रथमं जनितांरमहे तव ।
तेषामु तृह्यमाणानां कः स्वित्तेषामसुद्रसः ॥१८॥

सं हि शीर्षाण्यग्रभं पौञ्जिष्ठ इव कर्वरम् ।
सिन्धोर्मध्यं परेत्य व्यनिजमहेर्विषम् ॥१९॥

अहीनां सर्वेषां विषं परां वहन्तु सिन्धवः ।
हृतास्तिरश्चिराजयो निषिष्टासुः पृदाकवः ॥२०॥

ओषधीनामहं वृण उर्वरीरिव साधुया ।
नयाम्यर्वतीरिवाहे निरैतु विषम् ॥२१॥

यद्गौ सूर्ये विषं पृथिव्यामोषधीषु यत् ।
कान्दाविषं कनककं निरैत्वैतु ते विषम् ॥२२॥

ये अग्निजा ओषधिजा अहीनां ये अप्सुजा विद्युत आबभूवुः ।
येषां जातानि बहुधा महान्ति तेभ्यः सर्पेभ्यो नमसा विधेम ॥२३॥

तौदी नामासि कन्या घृताची नाम वा असि ।
अधस्पदेन ते पदमा ददे विषदूषणम् ॥२४॥

अङ्गादङ्गात्प्र च्यावयु हृदयं परि वर्जय ।
अधा विषस्य यत्तेजोऽवाचीनं तदेतु ते ॥२५॥

आरे अभूद्विषमरौद्विषे विषमप्रागपि ।
अग्निर्विषमहेनिर्धात्सोमो निरणयीत् ।
दंष्टारमन्वगाद्विषमहिरमृत ॥२६॥

(५) पञ्चमं सूक्तम्

(१-५०) पञ्चाशदृचस्यास्य सूक्तस्य (१-२४) प्रथमादिचतुर्विंशत्यृचां सिन्धुद्वीप ऋषिः ।

आपञ्चन्द्रमा वा देवता । (१-५) प्रथमादिपञ्चानां पुरोऽभिकृतिः ककुम्मतीगर्भा पङ्क्तिः
 (६) षष्ठ्याश्चतुष्पदा जगतीगर्भा जगती (७-१०, १२-१३) सप्तम्यादिचतसृणां
 द्वादशीत्रयोदशयोश्च त्र्यवसाना पञ्चपदा विपरीतपादलक्ष्मा बृहती (११, १४)
 एकादशीचतुर्दशयोः पथ्यापङ्क्तिः (१५-१८, २१) पञ्चदश्यादिचतसृणामेकविंश्याश्च
 चतुरवसाना दशपदा त्रैष्टुभगर्भातिधृतिः (१९-२०) एकोनविंशीविंशयोश्चतुरवसाना
 दशपदा त्रैष्टुभगर्भा कृतिः (२२-२३) द्वाविंशीत्रयोविंशयोरनुष्टुप्
 (२४) चतुर्विंश्याश्च त्रिपदा विराड्गायत्री छन्दांसि ।

(२५-३५) पञ्चविंश्याद्येकादशर्चा कौशिक ऋषिः । विष्णुक्रमः
 प्रतिमन्त्रोक्ता वा देवताः । त्र्यवसाना षट्पदा यथाक्षरं शक्वर्यतिशक्वरी
 च छन्दसी ।

(३६) षट्त्रिंश्या ऋचः कौशिक ऋषिः । मृत्युर्देवता ।

पञ्चपदातिशाक्वरातिजागतगर्भाष्टिशछन्दः ।

(३७-४१) सप्तत्रिंश्यादिपञ्चर्चा ब्रह्मा ऋषिः । मन्तोक्ता देवताः ।

(३७) सप्तत्रिंश्या विराट् पुरस्ताद्बृहती (३८) अष्टात्रिंश्याः पुर उष्णिक्

(३९, ४१) एकोनचत्वारिंश्येकचत्वारिंश्योरार्षी गायत्री (४०)

चत्वारिंश्याश्च विराड्विषमा गायत्री छन्दांसि ।

(४२-५०) द्विचत्वारिंश्यादिनवर्चा विहव्य ऋषिः । प्रजापतिर्देवता ।

(४२-४३, ४५-४६) द्विचत्वारिंशीत्रिचत्वारिंशयोः

पञ्चचत्वारिंश्यादिपञ्चानाञ्चानुष्टुप् (४४) चतुश्चत्वारिंश्यास्त्रिपदा

गायत्रीगर्भानुष्टुप् (५०) पञ्चाश्याश्च त्रिष्टुप् छन्दांसि ॥

इन्द्रस्यौज् स्थेन्द्रस्य सह स्थेन्द्रस्य बलं स्थेन्द्रस्य वीर्यं स्थेन्द्रस्य नृणां स्थ
 ।

जिष्णावे योगाय ब्रह्मयोगैर्वो युनज्मि ॥१॥

इन्द्रस्यौज् स्थेन्द्रस्य सह स्थेन्द्रस्य बलं स्थेन्द्रस्य वीर्यं स्थेन्द्रस्य नृणां स्थ
 ।

जिष्णावे योगाय क्षत्रयोगैर्वो युनज्मि ॥२॥

इन्द्रस्यौज् स्थेन्द्रस्य सह स्थेन्द्रस्य बलं स्थेन्द्रस्य वीर्यं स्थेन्द्रस्य नृणां स्थ
 ।

जिष्णावे योगायेन्द्रयोगैर्वो युनज्मि ॥३॥

इन्द्रस्यौज॒ स्थेन्द्रस्य॒ सह॒ स्थेन्द्रस्य॒ बलं॒ स्थेन्द्रस्य॒ वीर्यं॑ स्थेन्द्रस्य॒ नृणां॒ स्थं
।
जिष्णावे॒ योगाय॒ सोमयोगैर्वो॑ युनज्मि ॥४॥

इन्द्रस्यौज॒ स्थेन्द्रस्य॒ सह॒ स्थेन्द्रस्य॒ बलं॒ स्थेन्द्रस्य॒ वीर्यं॑ स्थेन्द्रस्य॒ नृणां॒ स्थं
।
जिष्णावे॒ योगायाप्सुयोगैर्वो॑ युनज्मि ॥५॥

इन्द्रस्यौज॒ स्थेन्द्रस्य॒ सह॒ स्थेन्द्रस्य॒ बलं॒ स्थेन्द्रस्य॒ वीर्यं॑ स्थेन्द्रस्य॒ नृणां॒ स्थं
।
जिष्णावे॒ योगाय॒ विश्वानि॒ मा भूतान्युप॑ तिष्ठन्तु युक्ता मं आप स्थ ॥६॥

अग्नेर्भाग॑ स्थं । अपां शुक्रमापो देवीर्वर्चो अस्मासु धत्त ।
प्रजापतेर्वो॑ धाम्नास्मै लोकार्यं सादये ॥७॥

इन्द्रस्य॑ भाग॒ स्थं । अपां शुक्रमापो देवीर्वर्चो अस्मासु धत्त ।
प्रजापतेर्वो॑ धाम्नास्मै लोकार्यं सादये ॥८॥

सोमस्य॑ भाग॒ स्थं । अपां शुक्रमापो देवीर्वर्चो अस्मासु धत्त ।
प्रजापतेर्वो॑ धाम्नास्मै लोकार्यं सादये ॥९॥

वरुणस्य॑ भाग॒ स्थं । अपां शुक्रमापो देवीर्वर्चो अस्मासु धत्त ।
प्रजापतेर्वो॑ धाम्नास्मै लोकार्यं सादये ॥१०॥

मित्रावरुणयोर्भाग॑ स्थं । अपां शुक्रमापो देवीर्वर्चो अस्मासु धत्त ।
प्रजापतेर्वो॑ धाम्नास्मै लोकार्यं सादये ॥११॥

यमस्य॑ भाग॒ स्थं । अपां शुक्रमापो देवीर्वर्चो अस्मासु धत्त ।
प्रजापतेर्वो॑ धाम्नास्मै लोकार्यं सादये ॥१२॥

पितृणां भाग स्थ । अपां शुक्रमापो देवीर्वर्चो अस्मासु धत्त ।
प्रजापतेर्वो धाम्नास्मै लोकार्य सादये ॥१३॥

देवस्य सवितुर्भाग स्थ । अपां शुक्रमापो देवीर्वर्चो अस्मासु धत्त ।
प्रजापतेर्वो धाम्नास्मै लोकार्य सादये ॥१४॥

यो व आपोऽपां भागोऽप्स्वऽन्तर्यजुष्यो देवयजनः ।
इदं तमति सृजामि तं माभ्यवनिद्धि ।
तेन तमभ्यतिसृजामो योऽस्मान्द्वेष्टि यं वयं द्विष्मः ।
तं वधेयं तं स्तृषीयानेन ब्रह्मणानेन कर्मणानया मेन्या ॥१५॥

यो व आपोऽपामूर्मिरप्स्वऽन्तर्यजुष्यो देवयजनः ।
इदं तमति सृजामि तं माभ्यवनिद्धि ।
तेन तमभ्यतिसृजामो योऽस्मान्द्वेष्टि यं वयं द्विष्मः ।
तं वधेयं तं स्तृषीयानेन ब्रह्मणानेन कर्मणानया मेन्या ॥१६॥

यो व आपोऽपां वत्सोऽप्स्वऽन्तर्यजुष्यो देवयजनः ।
इदं तमति सृजामि तं माभ्यवनिद्धि ।
तेन तमभ्यतिसृजामो योऽस्मान्द्वेष्टि यं वयं द्विष्मः ।
तं वधेयं तं स्तृषीयानेन ब्रह्मणानेन कर्मणानया मेन्या ॥१७॥

यो व आपोऽपां वृषभोऽप्स्वऽन्तर्यजुष्यो देवयजनः ।
इदं तमति सृजामि तं माभ्यवनिद्धि ।
तेन तमभ्यतिसृजामो योऽस्मान्द्वेष्टि यं वयं द्विष्मः ।
तं वधेयं तं स्तृषीयानेन ब्रह्मणानेन कर्मणानया मेन्या ॥१८॥

यो व आपोऽपां हिरण्यगर्भोऽप्स्वऽन्तर्यजुष्यो देवयजनः ।
इदं तमति सृजामि तं माभ्यवनिद्धि ।
तेन तमभ्यतिसृजामो योऽस्मान्द्वेष्टि यं वयं द्विष्मः ।
तं वधेयं तं स्तृषीयानेन ब्रह्मणानेन कर्मणानया मेन्या ॥१९॥

यो व आपोऽपामश्मा पृश्निर्दिव्योऽप्स्वऽन्तर्यजुष्यो देवयजनः ।
इदं तमति सृजामि तं माभ्यवनिद्धि ।
तेन तमभ्यतिसृजामो योऽस्मान्द्वेष्टि यं वयं द्विष्मः ।
तं वधेयं तं स्तृषीयानेन ब्रह्मणानेन कर्मणानया मेन्या ॥२०॥

यो व आपोऽपामग्रयोप्स्वऽन्तर्यजुष्यो देवयजनः ।
इदं तमति सृजामि तं माभ्यवनिद्धि ।
तैस्तमभ्यतिसृजामो योऽस्मान्द्वेष्टि यं वयं द्विष्मः ।
तं वधेयं तं स्तृषीयानेन ब्रह्मणानेन कर्मणानया मेन्या ॥२१॥

यदवाचीनं त्रैहायणादनृतं किं चौदिम ।
आपो मा तस्मात्सर्वस्माद्दुरितात्पान्त्वंहंसः ॥२२॥

समुद्रं वः प्र हिणोमि स्वां योनिमपीतन ।
अरिष्टाः सर्वहायसो मा च नः किं चनाममत् ॥२३॥

अरिप्रा आपो अप रिप्रमस्मत् ।
प्रास्मदेनौ दुरितं सुप्रतीकाः प्र दुष्वप्रयं प्र मलं वहन्तु ॥२४॥

विष्णोः क्रमोऽसि सपत्नहा पृथिवीसंशितोऽग्नितेजाः ।
पृथिवीमनु वि क्रमेऽहं पृथिव्यास्तं निर्भजामो योऽस्मान्द्वेष्टि यं वयं द्विष्मः
।
स मा जीवीत्तं प्राणो जहातु ॥२५॥

विष्णोः क्रमोऽसि सपत्नहान्तरिक्षसंशितो वायुतेजाः ।
अन्तरिक्षमनु वि क्रमेऽहमन्तरिक्षात्तं निर्भजामो योऽस्मान्द्वेष्टि यं वयं द्विष्मः
।
स मा जीवीत्तं प्राणो जहातु ॥२६॥

विष्णोः क्रमोऽसि सपत्नहा द्यौसंशितः सूर्यतेजाः ।

दिव॒मनु॒ वि क्र॑मेऽहं दि॒वस्तं॑ निर्भ॒जामो॑ यो॒ऽऽस्मान्द्वेष्टि॑ यं व॒यं द्वि॒ष्मः ।
स मा जी॒वीत्तं प्रा॒णो ज॑हातु ॥२७॥

विष्णोः॑ क्र॒मोऽसि॑ सप॒त्नहा॑ दि॒क्सं॑शितो॒ मन॑स्तेजाः ।
दिशो॒नु वि क्र॑मेऽहं दि॒ग्भ्यस्तं॑ निर्भ॒जामो॑ यो॒ऽऽस्मान्द्वेष्टि॑ यं व॒यं द्वि॒ष्मः ।
स मा जी॒वीत्तं प्रा॒णो ज॑हातु ॥२८॥

विष्णोः॑ क्र॒मोऽसि॑ सप॒त्नहा॑शासंशितो॒ वात॑तेजाः ।
आशा॒ अनु॒ वि क्र॑मेऽहमाशा॒भ्यस्तं॑ निर्भ॒जामो॑ यो॒ऽऽस्मान्द्वेष्टि॑ यं व॒यं द्वि॒ष्मः ।
।
स मा जी॒वीत्तं प्रा॒णो ज॑हातु ॥२९॥

विष्णोः॑ क्र॒मोऽसि॑ सप॒त्नहा॑ ऋ॒क्सं॑शितः॒ साम॑तेजाः ।
ऋचो॒ऽनु वि क्र॑मेऽहमृ॒ग्भ्यस्तं॑ निर्भ॒जामो॑ यो॒ऽऽस्मान्द्वेष्टि॑ यं व॒यं द्वि॒ष्मः ।
स मा जी॒वीत्तं प्रा॒णो ज॑हातु ॥३०॥

विष्णोः॑ क्र॒मोऽसि॑ सप॒त्नहा॑ य॒ज्ञसं॑शितो॒ ब्रह्म॑तेजाः ।
य॒ज्ञम॒नु वि क्र॑मेऽहं य॒ज्ञात्तं॑ निर्भ॒जामो॑ यो॒ऽऽस्मान्द्वेष्टि॑ यं व॒यं द्वि॒ष्मः ।
स मा जी॒वीत्तं प्रा॒णो ज॑हातु ॥३१॥

विष्णोः॑ क्र॒मोऽसि॑ सप॒त्नहौ॑षधीसंशितः॒ सोम॑तेजाः ।
ओष॑धीर॒नु वि क्र॑मेऽहमोष॑धी॒भ्यस्तं॑ निर्भ॒जामो॑ यो॒ऽऽस्मान्द्वेष्टि॑ यं व॒यं द्वि॒ष्मः ।
।
स मा जी॒वीत्तं प्रा॒णो ज॑हातु ॥३२॥

विष्णोः॑ क्र॒मोऽसि॑ सप॒त्नहा॑प्सुसंशितो॒ वरु॑णतेजाः ।
अ॒पोऽनु॒ वि क्र॑मेऽहम॒द्भ्यस्तं॑ निर्भ॒जामो॑ यो॒ऽऽस्मान्द्वेष्टि॑ यं व॒यं द्वि॒ष्मः ।
स मा जी॒वीत्तं प्रा॒णो ज॑हातु ॥३३॥

विष्णोः॑ क्र॒मोऽसि॑ सप॒त्नहा॑ कृषि॒संशितो॑ऽन्नतेजाः ।

कृषिमनु वि क्रमेऽहं कृष्यास्तं निर्भजामो योऽस्मान्द्वेष्टि यं वयं द्विष्मः ।
स मा जीवीत्तं प्राणो जहातु ॥३४॥

विष्णोः क्रमोऽसि सपत्नहा प्राणसंशितः पुरुषतेजाः ।
प्राणमनु वि क्रमेऽहं प्राणात्तं निर्भजामो योऽस्मान्द्वेष्टि यं वयं द्विष्मः ।
स मा जीवीत्तं प्राणो जहातु ॥३५॥

जितमस्माकमुद्भिन्नमस्माकमभ्युष्टां विश्वाः पृतना अरातीः ।
इदमहमामुष्यायुणस्यामुष्याः पुत्रस्य वर्चस्तेजः प्राणमायुर्नि
वैष्टयामीदमैनमधराञ्च पादयामि ॥३६॥

सूर्यस्यावृतमन्वावर्ते दक्षिणामन्वावृतम् ।
सा मे द्रविणं यच्छतु सा मे ब्राह्मणवर्चसम् ॥३७॥

दिशो ज्योतिष्मतीरभ्यावर्ते ।
ता मे द्रविणं यच्छन्तु ता मे ब्राह्मणवर्चसम् ॥३८॥

सप्तऋषीन्भ्यावर्ते ।
ता मे द्रविणं यच्छन्तु ता मे ब्राह्मणवर्चसम् ॥३९॥

ब्रह्माभ्यावर्ते ।
तन्मे द्रविणं यच्छन्तु तन्मे ब्राह्मणवर्चसम् ॥४०॥

ब्राह्मणां अभ्यावर्ते ।
त मे द्रविणं यच्छन्तु त मे ब्राह्मणवर्चसम् ॥४१॥

यं वयं मृगयामहे तं वधे स्तृणवामहे ।
व्यात्तै परमेष्ठिनो ब्रह्मणापीपदाम् तम् ॥४२॥

वैश्वानरस्य दंष्ट्राभ्यां हेतिस्तं समधादुभि ।

इयं तं प्सात्वाहृतिः समिद्वेवी सहीयसी ॥४३॥

राज्ञो वरुणस्य बन्धोऽसि ।
सोऽमुमांमुष्यायणमुष्याः पुत्रमन्नं प्राणे बंधान ॥४४॥

यत्ते अन्नं भुवस्पत आक्षियति पृथिवीमनु ।
तस्य नस्त्वं भुवस्पते संप्रयच्छ प्रजापते ॥४५॥

आपो दिव्या अचायिषं रसेन समपृक्षमहि ।
पर्यस्वानम आगमं तं मा सं सृज वर्चसा ॥४६॥

सं माग्ने वर्चसा सृज सं प्रजया समायुषा ।
विद्युर्मे अस्य देवा इन्द्रो विद्यात्सह ऋषिभिः ॥४७॥

यदग्ने अद्य मिथुना शपातो यद्वाचस्तृष्टं जनयन्त रेभाः ।
मन्योर्मनसः शरव्याः जायते या तया विध्य हृदये यातुधानान् ॥४८॥

परा शृणीहि तपसा यातुधानान्पराग्ने रक्षो हरसा शृणीहि ।
परार्चिषा मूरदेवाञ्छृणीहि परासुतपः शोशुचतः शृणीहि ॥४९॥

आपामस्मै वज्रं प्र हरामि चतुर्भृष्टिं शीर्षभिद्याय विद्वान् ।
सो अस्याङ्गानि प्र शृणातु सर्वा तन्मे देवा अनु जानन्तु विश्वै ॥५०॥

(६) षष्ठं सूक्तम्

(१-३५) पञ्चत्रिंशदृचस्यास्य सूक्तस्य बृहस्पतिर्ऋषिः । (१-२, ४-३५)
प्रथमाद्वितीययोर्ऋचोश्चतुर्थ्यादिद्वात्रिंशतश्च फालमणिर्वनस्पतिर्वा (३) तृतीयायाश्च आपो
देवताः । (१, ४, २१) प्रथमाचतुर्थ्येकविंशीनां गायत्री (२-३, १८-१९, २२,
२८-३०, ३२-३४) द्वितीयातृतीयाष्टादश्येकोनविंशीद्वाविंशीनामष्टाविंश्यादितृचस्य
द्वात्रिंश्यादितृचस्य चानुष्टुप् (५) पञ्चम्याः षट्पदा जगती (६) षष्ठ्याः सप्तपदा विराट्
शक्वरी (७-९) सप्तम्यादितृचस्य त्र्यवसानाष्टपदाष्टिः (१०) दशम्यारुयवसाना
नवपदा धृतिः (११, २०, २३-२७) एकादशीविंशयोस्त्रयोविंश्यादिपञ्चानान्च पथ्यापङ्क्तिः

(१२-१७) द्वादश्यादितृचद्वयस्य त्र्यवसाना षट्पदा शक्वरी
(३१) एकत्रिंश्यास्त्र्यवसाना षट्पदा जगती
(३५) पञ्चत्रिंश्याश्च पञ्चपदा त्र्यनुष्टुब्गर्भा जगती छन्दांसि
अ॒रा॒ती॒यो॒भ्रा॒तृ॒व्यस्य दु॒र्हा॒दीं द्वि॒ष॒तः शि॒रः ।
अ॒पि वृ॒श्चा॒म्यो॒र्जसा ॥१॥

व॒र्म॒ मह्य॑म॒यं म॒णिः फा॒ला॒ज्जा॒तः क॑रिष्यति ।
पू॒र्णो म॒न्थे॒न॒ मा॒ग॑म॒द्र॒सै॒न स॒ह वर्च॑सा ॥२॥

यत्त्वा॑ शि॒क्वः प॒रा॒व॑धी॒त्त॒क्षा ह॑स्तै॒न॒ वा॒स्या ।
आ॒प॑स्त्वा॒ तस्मा॑ज्जी॒व॒लाः पु॒न॒न्तु शु॒च॒यः शु॒चि॑म् ॥३॥

हि॒र॑ण्यस्र॒ग॒यं म॒णिः श्र॒द्धां य॒ज्ञं म॒हो द॑धत् ।
गृ॒हे व॑सतु॒ नोऽति॑थिः ॥४॥

तस्मै॑ घृ॒तं सु॒रां म॒ध्व॒न्न॒म॒न्नं क्ष॑दामहे ।
स नः॑ पि॒ते॒र्व पु॒त्रे॒भ्यः श्रे॒यःश्रे॒यश्चि॒कित्स॑तु॒ भू॒यो॒भू॒यः श्वःश्वो॑ दे॒वे॒भ्यो॑ म॒णि॒रेत्य॑
॥५॥

यम॑ब॒ध्ना॒द्बृ॒ह॒स्पति॑र्म॒णिं फा॒लं घृ॒त॒श्चु॒त॒मु॒ग्रं ख॑दि॒र॒मो॒र्ज॒से ।
तम॒ग्निः प्र॑त्य॒मु॒ञ्च॒त॒ सो अ॑स्मै दु॒ह आ॒ज्यं भू॒यो॒भू॒यः श्वःश्व॑स्ते॒न॒ त्वं द्वि॑ष॒तो ज॑हि
॥६॥

यम॑ब॒ध्ना॒द्बृ॒ह॒स्पति॑र्म॒णिं फा॒लं घृ॒त॒श्चु॒त॒मु॒ग्रं ख॑दि॒र॒मो॒र्ज॒से ।
तमि॒न्द्रः प्र॑त्य॒मु॒ञ्च॒तौ॒र्ज॒से वी॒र्या॑य॒ कम् ।
सो अ॑स्मै॒ ब॒ल॒मि॒दु॒हे भू॒यो॒भू॒यः श्वःश्व॑स्ते॒न॒ त्वं द्वि॑ष॒तो ज॑हि ॥७॥

यम॑ब॒ध्ना॒द्बृ॒ह॒स्पति॑र्म॒णिं फा॒लं घृ॒त॒श्चु॒त॒मु॒ग्रं ख॑दि॒र॒मो॒र्ज॒से ।
तं सो॒मः प्र॑त्य॒मु॒ञ्च॒त॒ म॒हे श्रो॒त्राय॑ चक्ष॒से ।
सो अ॑स्मै॒ वर्च॑ इ॒दु॒हे भू॒यो॒भू॒यः श्वःश्व॑स्ते॒न॒ त्वं द्वि॑ष॒तो ज॑हि ॥८॥

यमबध्नाद्बृहस्पतिर्मणिं फालं घृतश्चुतमुग्रं खदिरमोजसे ।
तं सूर्यः प्रत्यमुञ्चत तेनेमा अजयदिशः ।
सो अस्मै भूतिमिदुहे भूयोभूयः श्वःश्वस्तेन त्वं द्विषतो जहि ॥६॥

यमबध्नाद्बृहस्पतिर्मणिं फालं घृतश्चुतमुग्रं खदिरमोजसे ।
तं बिभ्रच्चन्द्रमा मणिमसुराणां पुरोऽजयदानवानां हिरण्ययीः ।
सो अस्मै श्रियमिदुहे भूयोभूयः श्वःश्वस्तेन त्वं द्विषतो जहि ॥१०॥

यमबध्नाद्बृहस्पतिर्वाताय मणिमाशवे ।
सो अस्मै वाजिनं दुहे भूयोभूयः श्वःश्वस्तेन त्वं द्विषतो जहि ॥११॥

यमबध्नाद्बृहस्पतिर्वाताय मणिमाशवे ।
तेनेमां मणिनां कृषिमश्विनावभि रक्षतः ।
स भिषग्भ्यां महौ दुहे भूयोभूयः श्वःश्वस्तेन त्वं द्विषतो जहि ॥१२॥

यमबध्नाद्बृहस्पतिर्वाताय मणिमाशवे ।
तं बिभ्रत्सविता मणिं तेनेदमजयत्स्वः ।
सो अस्मै सूनृतां दुहे भूयोभूयः श्वःश्वस्तेन त्वं द्विषतो जहि ॥१३॥

यमबध्नाद्बृहस्पतिर्वाताय मणिमाशवे ।
तमापो बिभ्रतीर्मणिं सदा धावन्त्यक्षिताः ।
स आभ्योऽमृतमिदुहे भूयोभूयः श्वःश्वस्तेन त्वं द्विषतो जहि ॥१४॥

यमबध्नाद्बृहस्पतिर्वाताय मणिमाशवे ।
तं राजा वरुणो मणिं प्रत्यमुञ्चत शंभुवम् ।
सो अस्मै सत्यमिदुहे भूयोभूयः श्वःश्वस्तेन त्वं द्विषतो जहि ॥१५॥

यमबध्नाद्बृहस्पतिर्वाताय मणिमाशवे ।
तं देवा बिभ्रतो मणिं सर्वाल्लोकान्युधाजयन् ।
स एभ्यो जितिमिदुहे भूयोभूयः श्वःश्वस्तेन त्वं द्विषतो जहि ॥१६॥

यमबध्नाद्बृहस्पतिर्वाताय मृणिमाशवे ।
तमिमं देवतां मृणिं प्रत्यमुञ्चन्त शंभुवम् ।
स आभ्यो विश्वमिदुहे भूयोभूयः श्वःश्वस्तेन त्वं द्विषतो जहि ॥ १७ ॥

ऋतवस्तमबध्नतार्वास्तमबध्नत ।
संवत्सरस्तं बद्ध्वा सर्वं भूतं वि रक्षति ॥ १८ ॥

अन्तर्देशा अबध्नत प्रदिशस्तमबध्नत ।
प्रजापतिसृष्टो मृणिर्द्विषतो मेऽधराँ अकः ॥ १९ ॥

अथर्वाणो अबध्नताथर्वणा अबध्नत ।
तैर्मेदिनो अङ्गिरसो दस्यूनां बिभिदुः पुरस्तेन त्वं द्विषतो जहि ॥ २० ॥

तं धाता प्रत्यमुञ्चत स भूतं व्यकल्पयत् ।
तेन त्वं द्विषतो जहि ॥ २१ ॥

यमबध्नाद्बृहस्पतिर्देवेभ्यो असुरक्षितिम् ।
स मायं मृणिरागमद्रसैन सह वर्चसा ॥ २२ ॥

यमबध्नाद्बृहस्पतिर्देवेभ्यो असुरक्षितिम् ।
स मायं मृणिरागमत्सह गोभिरजाविभिरत्रेन प्रजया सह ॥ २३ ॥

यमबध्नाद्बृहस्पतिर्देवेभ्यो असुरक्षितिम् ।
स मायं मृणिरागमत्सह व्रीहियवाभ्यां महसा भूत्या सह ॥ २४ ॥

यमबध्नाद्बृहस्पतिर्देवेभ्यो असुरक्षितिम् ।
स मायं मृणिरागमन्मधोर्घृतस्य धारया कीलालेन मृणिः सह ॥ २५ ॥

यमबध्नाद्बृहस्पतिर्देवेभ्यो असुरक्षितिम् ।
स मायं मृणिरागमदूर्जया पर्यसा सह द्रविणेन श्रिया सह ॥ २६ ॥

यमब॑ध्नाद्बृ॒हस्पति॑र्दे॒वेभ्यो॑ असुर॑क्षितिम् ।
स मा॒यं म॒शिराग॑म॒त्तेजसा॑ त्विष्या॑ सह यश॑सा की॒र्त्या॑ सह ॥२७॥

यमब॑ध्नाद्बृ॒हस्पति॑र्दे॒वेभ्यो॑ असुर॑क्षितिम् ।
स मा॒यं म॒शिराग॑म॒त्सर्वा॑भिर्भू॒तिभिः॑ सह ॥२८॥

तमि॑मं दे॒वता॑ म॒शिं मह्यं॑ ददतु पु॒ष्टये॑ ।
अ॒भिभुं॑ क्ष॒त्रव॑र्धनं सप॒त्नद॑र्भनं म॒शिम॑ ॥२९॥

ब्रह्म॑णा तेज॑सा सह प्रति॑ मुञ्चामि मे शि॒वम् ।
अ॒स॒प॒त्नः स॑प॒त्नहा॑ स॒प॒त्नान्मेऽ॒धराँ॑ अ॒कः ॥३०॥

उत्त॑रं द्विष॒तो माम॒यं म॒शिः कृ॑णोतु दे॒वजाः॑ ।
यस्य॑ लो॒का इ॒मे त्र॒यः प॒यो दु॒ग्धमु॑पासते ।
स मा॒यमधि॑ रोहतु म॒शिः श्रै॒ष्ठ्याय॑ मूर्ध॒तः ॥३१॥

यं दे॒वाः पि॒तरौ॑ मनु॒ष्या॑ उप॒जीव॑न्ति सर्व॒दा ।
स मा॒यमधि॑ रोहतु म॒शिः श्रै॒ष्ठ्याय॑ मूर्ध॒तः ॥३२॥

यथा॑ बीज॑मु॒र्वरा॑यां कृ॒ष्टे फा॒लेन॑ रोहति ।
ए॒वा म॒रिचं॑ प्र॒जा प॒शवो॑ऽन्नमन्नं वि रो॑हतु ॥३३॥

यस्मै॑ त्वा यज्ञ॑वर्धन॒ मणौ॑ प्र॒त्यमु॑चं शि॒वम् ।
तं त्वं श॑तदक्षिण॒ मणे॑ श्रै॒ष्ठ्याय॑ जिन्वतात् ॥३४॥

ए॒तमि॒ध्मं स॒माहि॑तं जुषा॒णो अग्ने॑ प्रति॑ हर्यु॒ होमैः॑ ।
तस्मि॑न्विधेम सु॒मतिं॑ स्व॒स्ति प्र॒जां चक्षुः॑ प॒शून्समि॑द्धे जा॒तवै॑दसि॒ ब्रह्म॑णा
॥३५॥

सप्तमं सूक्तम्

(१-४४) चतुश्चत्वारिंशदृचस्यास्य सूक्तस्याथर्वा क्षुद्र ऋषिः । स्कम्भोऽध्यात्मञ्च देवते
। (१) प्रथमर्चो विराड्जगती (२, ८) द्वितीयाष्टम्योर्भुरिक्त्रिष्टुप् (७, १३)
सप्तमीत्रयोदशयोः परोष्णिक् (१०, १४, १६, १८-१९)
दशमीचतुर्दशीषोडश्यादशयेकोनविंशीनामुपरिष्ठाद्बृहती (११-१२, १५, २०, २२, ३६)
एकादशीद्वादशीपञ्चदशीविंशीद्वाविंशयेकोनचत्वारिंशीनामुपरिष्ठाज्ज्योतिर्जगती (१७)
सप्तदश्यास्त्रयवसाना षट्पदा जगती (२१) एकविंश्या बृहतीगर्भानुष्टुप् (२३-३०,
३७, ४०) त्रयोविंश्याद्यष्टानां सप्तत्रिंशीचत्वारिंशयोश्चानुष्टुप् (३१) एकत्रिंश्या
मध्येज्योतिर्जगती (३२, ३४, ३६) द्वात्रिंशीचतुस्त्रिंशीषट्त्रिंशीनामुपरिष्ठाद्विराड्बृहती
(३३) त्रयस्त्रिंश्याः पराविराडनुष्टुप् (३५) पञ्चत्रिंश्याश्चतुष्पदा जगती (३-६, ९, ३८,
४२-४३) तृतीयादिचतसृणां नवम्यष्टात्रिंशीद्विचत्वारिंशीत्रिचत्वारिंशीनां त्रिष्टुप् (४१)
एकचत्वारिंश्या आर्षी त्रिपदा गायत्री (४४) चतुश्चत्वारिंश्याश्चैकावसाना पञ्चपदा
निचृत्पदपङ्क्तिर्द्विपदार्यनुष्टुब्वा छन्दांसि ॥

कस्मिन्नङ्गे तपो अस्याधि तिष्ठति कस्मिन्नङ्गे ऋतमस्याध्याहितम् ।
क्व व्रतं क्व श्रद्धास्य तिष्ठति कस्मिन्नङ्गे सत्यमस्य प्रतिष्ठितम् ॥१॥

कस्मादङ्गादीप्यते अग्निरस्य कस्मादङ्गात्पवते मातरिश्वा ।
कस्मादङ्गाद्वि मिमीतेऽधि चन्द्रमा मह स्कम्भस्य मिमानो अङ्गम् ॥२॥

कस्मिन्नङ्गे तिष्ठति भूमिरस्य कस्मिन्नङ्गे तिष्ठत्यन्तरिक्षम् ।
कस्मिन्नङ्गे तिष्ठत्याहिता द्यौः कस्मिन्नङ्गे तिष्ठत्युत्तरं दिवः ॥३॥

क्वऽप्रेप्सन्दीप्यत ऊर्ध्वो अग्निः क्वऽप्रेप्सन्पवते मातरिश्वा ।
यत्र प्रेप्सन्तीरभियन्त्यावृतः स्कम्भं तं ब्रूहि कतमः स्वदेव सः ॥४॥

क्वाऽर्धमासाः क्व यन्ति मासाः संवत्सरेण सह संविदानाः ।
यत्र यन्त्युतवो यत्रार्तवाः स्कम्भं तं ब्रूहि कतमः स्वदेव सः ॥५॥

क्वऽप्रेप्सन्ती युवती विरूपे अहोरुत्रे द्रवतः संविदाने ।
यत्र प्रेप्सन्तीरभियन्त्यापः स्कम्भं तं ब्रूहि कतमः स्वदेव सः ॥६॥

यस्मिन्स्तब्ध्वा प्रजापतिर्लोकान्तसर्वीं अधारयत् ।
स्कम्भं तं ब्रूहि कतमः स्वदेव सः ॥७॥

यत्परममवमं यच्च मध्यमं प्रजापतिः ससृजे विश्वरूपम् ।
कियता स्कम्भः प्र विवेश तत्र यन्न प्राविशत्कियत्तद्वभूव ॥८॥

कियता स्कम्भः प्र विवेश भूतं कियद्द्रविष्यदन्वाशयेऽस्य ।
एकं यदङ्गमकृणोत्सहस्रधा कियता स्कम्भः प्र विवेश तत्र ॥९॥

यत्र लोकांश्च कोशांश्चापो ब्रह्म जनां विदुः ।
असञ्च यत्र सञ्चान्त स्कम्भं तं ब्रूहि कतमः स्वदेव सः ॥१०॥

यत्र तपः पराक्रम्य वृतं धारयत्युत्तरम् ।
ऋतं च यत्र श्रद्धा चापो ब्रह्म समाहिताः स्कम्भं तं ब्रूहि कतमः स्वदेव सः
॥११॥

यस्मिन्भूमिर्न्तरिक्षं द्यौर्यस्मिन्नध्याहिता ।
यत्राग्निश्चन्द्रमाः सूर्यो वातस्तिष्ठन्त्यार्पिताः स्कम्भं तं ब्रूहि कतमः स्वदेव
सः ॥१२॥

यस्य त्रयस्त्रिंशद्देवा अङ्गे सर्वे समाहिताः ।
स्कम्भं तं ब्रूहि कतमः स्वदेव सः ॥१३॥

यत्र ऋषयः प्रथमजा ऋचः साम् यजुर्मही ।
एकर्षिर्यस्मिन्नार्पितः स्कम्भं तं ब्रूहि कतमः स्वदेव सः ॥१४॥

यत्रामृतं च मृत्युश्च पुरुषेऽधि समाहिते ।
समुद्रो यस्य नाड्यशुः पुरुषेऽधि समाहिताः स्कम्भं तं ब्रूहि कतमः स्वदेव
सः ॥१५॥

यस्य चतस्रः प्रदिशो नाड्यशुस्तिष्ठन्ति प्रथमाः ।
यज्ञो यत्र पराक्रान्तः स्कम्भं तं ब्रूहि कतमः स्वदेव सः ॥१६॥

ये पुरुषे ब्रह्म विदुस्ते विदुः परमेष्ठिनम् ।
यो वेदं परमेष्ठिनं यश्च वेदं प्रजापतिम् ।
ज्येष्ठं ये ब्राह्मणं विदुस्ते स्कम्भमनुसंविदुः ॥१७॥

यस्य शिरो वैश्वानरश्चक्षुरङ्गिरसोऽभवन् ।
अङ्गानि यस्य यातवः स्कम्भं तं ब्रूहि कतमः स्वदेव सः ॥१८॥

यस्य ब्रह्म मुखमाहुर्जिह्वां मधुकशामुत ।
विराजमूधो यस्याहुः स्कम्भं तं ब्रूहि कतमः स्वदेव सः ॥१९॥

यस्मादृचो अपातन्नन्यजुर्यस्मादपाकषन् ।
सामानि यस्य लोमान्यथर्वाङ्गिरसो मुखं स्कम्भं तं ब्रूहि कतमः स्वदेव सः
॥२०॥

असच्चाखां प्रतिष्ठन्तीं परममिव जनां विदुः ।
उतो सन्मन्यन्तेऽवरे ये ते शाखामुपासते ॥२१॥

यत्रादित्याश्च रुद्राश्च वसवश्च समाहिताः ।
भूतं च यत्र भव्यं च सर्वे लोकाः प्रतिष्ठिताः स्कम्भं तं ब्रूहि कतमः स्वदेव सः
॥२२॥

यस्य त्रयस्त्रिंशद्देवा निधिं रक्षन्ति सर्वदा ।
निधिं तमद्य को वेदं यं देवा अभिरक्षथ ॥२३॥

यत्र देवा ब्रह्मविदो ब्रह्म ज्येष्ठमुपासते ।
यो वै तान्विद्यात्प्रत्यक्षं स ब्रह्मा वेदिता स्यात् ॥२४॥

बृहन्तो नाम ते देवा येऽसतः परि जज्ञिरे ।
एकं तदङ्गं स्कम्भस्यासदाहुः पुरो जनाः ॥२५॥

यत्र स्कम्भः प्रजनयन्पुराणं व्यवर्तयत् ।
एकं तदङ्गं स्कम्भस्य पुराणमनुसविदुः ॥२६॥

यस्य त्रयस्त्रिंशद्देवा अङ्गे गात्रा विभेजिरे ।
तान्वै त्रयस्त्रिंशद्देवानेके ब्रह्मविदो विदुः ॥२७॥

हिरण्यगर्भं परममनत्युद्यं जना विदुः ।
स्कम्भस्तदग्रे प्रासिञ्चिद्विरण्यं लोके अन्तरा ॥२८॥

स्कम्भे लोकाः स्कम्भे तपः स्कम्भेऽध्यृतमाहितम् ।
स्कम्भं त्वा वेद प्रत्यक्षमिन्द्रे सर्वं समाहितम् ॥२९॥

इन्द्रे लोका इन्द्रे तप इन्द्रेऽध्यृतमाहितम् ।
इन्द्रं त्वा वेद प्रत्यक्षं स्कम्भे सर्वं प्रतिष्ठितम् ॥३०॥

नाम् नाम्ना जोहवीति पुरा सूर्यात्पुरोषसः ।
यदजः प्रथमं संबभूव स ह तत्स्वराज्यमियाय यस्मान्नान्यत्परमस्ति भूतम्
॥३१॥

यस्य भूमिः प्रमान्तरिक्षमुतोदरम् ।
दिवं यश्चक्रे मूर्धानं तस्मै ज्येष्ठाय ब्रह्मणे नमः ॥३२॥

यस्य सूर्यश्चक्षुश्चन्द्रमाश्च पुनर्णवः ।
अग्निं यश्चक्र आस्यंश्च तस्मै ज्येष्ठाय ब्रह्मणे नमः ॥३३॥

यस्य वातः प्राणापानौ चक्षुरङ्गिरसोऽभवन् ।
दिशो यश्चक्रे प्रज्ञानीस्तस्मै ज्येष्ठाय ब्रह्मणे नमः ॥३४॥

स्कम्भो दाधार द्यावापृथिवी उभे इमे स्कम्भो दाधारोर्वशुन्तरिक्षम् ।
स्कम्भो दाधार प्रदिशः षडुर्वीः स्कम्भ इदं विश्वं भुवनमा विवेश ॥३५॥

यः श्रमात्तपसो जातो लोकान्त्सर्वान्त्समानुशे ।
सोमं यश्चक्रे केवलं तस्मै ज्येष्ठाय ब्रह्मणे नमः ॥३६॥

कथं वातो नेलयति कथं न रमते मनः ।
किमापः सत्यं प्रेप्सन्तीर्नेलयन्ति कदा चन ॥३७॥

महद्यज्ञं भुवनस्य मध्ये तपसि क्रान्तं सलिलस्य पृष्ठे ।
तस्मिञ्छ्रयन्ते य उ के च देवा वृक्षस्य स्कन्धः परित इव शाखाः ॥३८॥

यस्मै हस्ताभ्यां पादाभ्यां वाचा श्रोत्रेण चक्षुषा ।
यस्मै देवाः सदा बलिं प्रयच्छन्ति विमितेऽमितं स्कम्भं तं ब्रूहि कतमः
स्विदेव सः ॥३९॥

अप तस्य हृतं तमो व्यावृत्तः स पाप्मना ।
सर्वाणि तस्मिञ्ज्योतीषि यानि त्रीणि प्रजापतौ ॥४०॥

यो वैतुसं हिरण्ययुं तिष्ठन्तं सलिले वेद ।
स वै गुह्यः प्रजापतिः ॥४१॥

तन्त्रमेकै युवती विरूपे अभ्याक्रामं वयतः षण्मयूखम् ।
प्रान्या तन्तूस्तिरतै धृत्ते अन्या नाप वृज्जाते न गमातो अन्तम् ॥४२॥

तयोरुहं परिनृत्यन्त्योरिव न वि जानामि यतरा परस्तात् ।
पुमानेन द्वयत्युद्गृणत्ति पुमानेन द्वि जभाराधि नाकै ॥४३॥

इमे मयूखा उप तस्तभुर्दिवं सामानि चक्रुस्तसराणि वातवे ॥४४॥

(८) अष्टमं सूक्तम्

(१-४४) चतुश्चत्वारिंशदृचस्यास्य सूक्तस्य कुत्स ऋषिः । अध्यात्मं देवता । (१)
 प्रथमर्च उपरिष्टाद्विराड्बृहती (२) द्वितीयाया बृहतीगर्भानुष्टुप् (३-४, ८-९, १३,
 १६-१८, २४, २८, ३५-३६, ४०, ४४) तृतीयाचतुर्थ्यष्टमीनवमीत्रयोदशीनां
 षोडश्यादितृचस्य चतुर्विंश्याष्टाविंशीपञ्चत्रिंशीषट्त्रिंशीचत्वारिंशीचतुश्चत्वारिंशीनाञ्च त्रिष्टुप्
 (५) पञ्चम्या भुरिगनुष्टुप् (६, १४, १९-२१, २३, २५, २९, ३१-३४, ३७-३८, ४१,
 ४३) षष्ठीचतुर्दशयोरेकोनविंश्यादितृचस्य
 त्रयोविंशीपञ्चविंश्येकोनत्रिंशीनामेकत्रिंश्यादिचतसृणां
 सप्तत्रिंश्याष्टात्रिंश्येकचत्वारिंशीत्रिचत्वारिंशीनाञ्चानुष्टुप् (७) सप्तम्याः पराबृहती त्रिष्टुप्
 (१०) दशम्या अनुष्टुब्गर्भा त्रिष्टुप् (११) एकादश्या जगती (१२) द्वादश्याः पुरोबृहती
 त्रिष्टुब्गर्भार्षी पङ्क्तिः (१५, २७) पञ्चदशीसप्तविंशयोर्भुरिगबृहती (२२) द्वाविंश्याः पुर
 उष्णिक् (२६) षड्विंश्या द्र्युष्णिग्गर्भानुष्टुप् (३०) त्रिंश्या भुरिक्त्रिष्टुप् (३६)
 एकोनचत्वारिंश्या बृहतीगर्भा त्रिष्टुप् (४२) द्विचत्वारिंश्याश्च विराड्गायत्री छन्दांसि
 यो भूतं च भव्यं च सर्वं यश्चाधितिष्ठति ।
 स्वर्त्यस्य च केवलं तस्मै ज्येष्ठाय ब्रह्मणे नमः ॥१॥

स्कम्भेनेमे विष्टभिते द्यौश्च भूमिश्च तिष्ठतः ।
 स्कम्भ इदं सर्वमात्मन्वद्यत्प्राणत्रिमिषच्च यत् ॥२॥

तिस्रो हं प्रजा अत्यायमायन्नचशून्या अर्कमभितौऽविशन्त ।
 बृहन्हं तस्थौ रजसो विमानो हरितो हरिणीरा विवेश ॥३॥

द्वादश प्रधयश्चक्रमेकं त्रीणि नभ्यानि क उ तच्चिकेत ।
 तत्राहंतास्त्रीणि शतानि शङ्कवः षष्टिश्च खीला अविचाचला ये ॥४॥

इदं सवितुर्वि जानीहि षड्यमा एक एकजः ।
 तस्मिन्हापित्वमिच्छन्ते य एषामेक एकजः ॥५॥

आविः सन्निहितं गुहा जरन्नाम महत्पदम् ।
 तत्रेदं सर्वमार्पितमेजत्प्राणत्प्रतिष्ठितम् ॥६॥

एकचक्रं वर्तत एकनेमि सहस्राक्षरं प्र पुरो नि पश्चा ।
अर्धेन विश्वं भुवनं जजान यदस्यार्धं क्वश्च तद्भूव ॥७॥

पञ्चवाही वहत्यग्रमेषां प्रष्टयो युक्ता अनुसंवहन्ति ।
अयातमस्य ददृशे न यातं परं नेदीयोऽवरं दवीयः ॥८॥

तिर्यग्बिलश्चमस ऊर्ध्वबुध्नस्तस्मिन्यशो निहितं विश्वरूपम् ।
तदासत ऋषयः सप्त साकं ये अस्य गोपा महतो बभूवुः ॥९॥

या पुरस्ताद्युज्यते या च पश्चाद्या विश्वतौ युज्यते या च सर्वतः ।
यया यज्ञः प्राङ्तायते तां त्वा पृच्छामि कतमा सा ऋचाम् ॥१०॥

यदेजति पतति यच्च तिष्ठति प्राणदप्राणन्निमिषच्च यद्भुवत् ।
तदाधार पृथिवीं विश्वरूपं तत्संभूय भवत्येकमेव ॥११॥

अनन्तं विततं पुरुत्रानन्तमन्तवद्वा समन्ते ।
ते नाकपालश्चरति विचिन्वन्विद्वान्भूतमुत भव्यमस्य ॥१२॥

प्रजापतिश्चरति गर्भे अन्तरदृश्यमानो बहुधा वि जायते ।
अर्धेन विश्वं भुवनं जजान यदस्यार्धं कतमः स केतुः ॥१३॥

ऊर्ध्वं भरन्तमुदकं कुम्भेनेवोदहार्यम् ।
पश्यन्ति सर्वे चक्षुषा न सर्वे मनसा विदुः ॥१४॥

दूरे पूर्णेन वसति दूर ऊनेन हीयते ।
महद्यक्षं भुवनस्य मध्ये तस्मै बलिं राष्ट्रभृतौ भरन्ति ॥१५॥

यतः सूर्यः उदेत्यस्तं यत्र च गच्छति ।
तदेव मन्येऽहं ज्येष्ठं तदु नात्यैति किं चन ॥१६॥

ये अर्वाङ्मध्यं उत वा पुराणं वेदं विद्वांसमभितो वदन्ति ।
आदित्यमेव ते परि वदन्ति सर्वे अग्निं द्वितीयं त्रिवृतं च हंसम् ॥१७॥

सहस्राह्वयं वियतावस्य पुक्षौ हरैर्हंसस्य पततः स्वर्गम् ।
स देवान्तसर्वानुरस्युपदद्यं संपश्यन्त्याति भुवनानि विश्वा ॥१८॥

सत्येनोर्ध्वस्तपति ब्रह्मणावाङ्गवि पश्यति ।
प्राणेन तिर्यङ् प्राणति यस्मिञ्ज्येष्ठमधि श्रितम् ॥१९॥

यो वै ते विद्यादरणी याभ्यां निर्मथ्यते वसु ।
स विद्वाञ्ज्येष्ठं मन्येत स विद्याद्ब्राह्मणं महत् ॥२०॥

अपादग्रे समभवत्सो अग्रे स्वशुराभरत् ।
चतुष्पाद्भूत्वा भोग्यः सर्वमादत्त भोजनम् ॥२१॥

भोग्यो भवदथो अन्नमदद्बुह ।
यो देवमुत्तरावन्तमुपासतै सनातनम् ॥२२॥

सनातनमेनमाहुरुताद्य स्यात्पुनर्णवः ।
अहोरात्रे प्र जायेते अन्यो अन्यस्य रूपयोः ॥२३॥

शतं सहस्रमयुतं न्यर्बुदमसंख्येयं स्वमस्मिन्निविष्टम् ।
तदस्य घन्त्यभिपश्यत एव तस्माद्देवो रोचत एष एतत् ॥२४॥

बालादेकमणीयस्कमुतैकं नेवं दृश्यते ।
ततः परिष्वजीयसी देवता सा मम प्रिया ॥२५॥

इयं कल्याणयशुजरा मर्त्यस्यामृता गृहे ।
यस्मै कृता शये स यश्चकार जजार सः ॥२६॥

त्वं स्त्री त्वं पुमानसि त्वं कुम॒र उ॒त वा कुम॒री॥
त्वं जी॒र्णो द॒रुडेन॑ वञ्चसि त्वं जा॒तो भ॑वसि वि॒श्वतो॑मुखः ॥ २७॥

उ॒तैषां पि॑तोत वा पु॒त्र ए॑षामु॒तैषां ज्ये॑ष्ठ उ॒त वा क॑निष्ठः ।
एको॑ ह दे॒वो म॑नसि॒ प्रवि॑ष्टः प्रथ॒मो जा॒तः स उ॒ गर्भे॑ अ॒न्तः ॥ २८॥

पू॒र्णात्पू॒र्णमु॑द॒चति पू॒र्णं पू॒र्णेन॑ सिच्यते ।
उ॒तो तद॑द्य वि॒द्याम् यत॑स्तत्परि॒षिच्य॑ते ॥ २९॥

ए॒षा स॒नन्ती॑ स॒नमे॒व जा॒तैषा॑ पु॒राणी॑ परि॒ सर्वं॑ बभूव ।
म॒ही दे॒व्यु॑षसौ वि॒भाती॑ सै॒कै॒नैके॑न मि॒षता॑ वि च॑ष्टे ॥ ३०॥

अ॒वि॒र्वै नाम॑ दे॒वत॑र्तेना॒स्ते परी॑वृता ।
तस्या॑ रू॒पेणे॑मे वृ॒क्षा हरि॑ता॒ हरि॑तस्त्रजः ॥ ३१॥

अ॒न्ति स॒न्तं न ज॑हात्यन्ति॒ सन्तं॑ न प॑श्यति ।
दे॒वस्य॑ प॒श्य का॒व्यं न म॑मार॒ न जी॑र्यति ॥ ३२॥

अ॒पूर्वे॑णै॒षिता॑ वाच॒स्ता व॑दन्ति यथाय॒थम् ।
वद॑न्ती॒र्यत्र॑ गच्छ॒न्ति तदा॑हु॒र्ब्राह्म॑णं म॒हत् ॥ ३३॥

यत्र॑ दे॒वाश्च॑ मनु॒ष्याश्च॑रा नाभा॒विव श्रि॑ताः ।
अ॒पां त्वा पु॑ष्पं पृ॒च्छामि॑ यत्र॒ तन्मा॒यया॑ हि॒तम् ॥ ३४॥

येभि॑र्वा॒त इ॒षितः॑ प्र॒वाति॑ ये द॒दन्ते॑ पञ्च दि॒शः स॒धीचीः॑ ।
य आ॑हु॒तिम॒त्यम॑न्यन्त दे॒वा अ॒पां ने॒तारः॑ क॒तमे॑ त आ॒सन् ॥ ३५॥

इ॒मामे॑षां पृथि॒वीं वस्त॑ ए॒कोऽन्तरि॑क्षं पर्ये॒को बभूव॑ ।
दि॒वमे॑षां दद॒ते यो वि॑ध॒र्ता वि॒श्वा आ॒शाः प्र॑ति॒ रक्ष॑न्त्ये॒कै ॥ ३६॥

यो विद्यात्सूत्रं विततं यस्मिन्नोताः प्रजा इमाः ।
सूत्रं सूत्रस्य यो विद्यात्स विद्याद्ब्राह्मणं महत् ॥३७॥

वेदाहं सूत्रं विततं यस्मिन्नोताः प्रजा इमाः ।
सूत्रं सूत्रस्याहं वेदाथो यद्ब्राह्मणं महद् ॥३८॥

यदन्तरा द्यावापृथिवी अग्निरैत्प्रदहन्विश्वदाव्युः ।
यत्रातिष्ठन्नेकपत्नीः परस्तात्व्वेवासीन्मातरिश्वा तदानीम् ॥३९॥

अप्स्वासीन्मातरिश्वा प्रविष्टः प्रविष्टा देवाः संलिलान्यासन्॥
बृहन्हं तस्थौ रजसो विमानः पर्वमानो हरित आ विवेश ॥४०॥

उत्तरेणैव गायत्रीमृतेऽधि वि चक्रमे ।
साम्ना ये सामं संविदुरजस्तद्दृशे क्व ॥४१॥

निवेशनः संगमनो वसूनां देव इव सविता सत्यधर्मा ।
इन्द्रो न तस्थौ समरे धर्मानाम् ॥४२॥

पुराडरीकं नवद्वारं त्रिभिर्गुणेभिरावृतम् ।
तस्मिन्यद्यत्तमात्मन्वत्तद्वै ब्रह्मविदो विदुः ॥४३॥

अकामो धीरो अमृतः स्वयंभू रसेन तृप्तो न कुतश्चनोनः ।
तमेव विद्वान् बिभाय मृत्योरात्मानं धीरमजरं युवानम् ॥४४॥

(६) नवमं सूक्तम्

- (१-२७) सप्तविंशत्यृचस्यास्य सूक्तस्याथर्वा ऋषिः । शतौदना देवता । (१)
प्रथमर्चस्त्रिष्टुप् (२-११, १३-२४) द्वितीयादिदशानां त्रयोदश्यादिद्वादशानाञ्चानुष्टुप्
(१२) द्वादश्याः पथ्यापङ्क्तिः (२५) पञ्चविंश्या द्व्युष्णिग्गर्भानुष्टुप्
(२६) षड्विंश्याः पञ्चपदा बृहत्यनुष्टुबुष्णिग्गर्भा जगती
(२७) सप्तविंश्याश्च पञ्चपदातिजागतानुष्टुब्गर्भा शक्वरी छन्दांसि

अ॒घाय॒तामपि॑ न॒ह्या॒ मुखानि॑ स॒पत्नेषु॑ वज्रम॒र्पयै॑तम् ।
इन्द्रेण॑ द॒त्ता प्र॑थ॒मा श॒तौद॑ना भ्रातृ॒व्यघ्नी॑ यज॒मानस्य॑ गा॒तुः ॥१॥

वेदि॑ष्टे च॒र्म भव॑तु ब॒र्हिर्लो॑मानि॒ यानि॑ ते ।
एषा॑ त्वा र॒शना॑ग्र॒भीद्वावा॑ त्वैषोऽधि॑ नृत्यतु ॥२॥

बाला॑स्ते प्रोक्ष॒णीः सन्तु॑ जि॒ह्वा सं मा॑र्षुघ्नये ।
शुद्धा॑ त्वं य॒ज्ञिया॑ भू॒त्वा दि॒वं प्रेहि॑ शतौदने ॥३॥

यः श॒तौद॑नां पच॑ति का॒मप्रे॑ण स क॒ल्पते॑ ।
प्री॒ता ह्यस्य॑र्त्वि॒जः सर्वे॑ यन्ति॒ यथा॑य॒थम् ॥४॥

स स्व॑र्गमा रौ॒हति॑ यत्रा॒दस्त्रि॑दिवं दि॒वः ।
अ॒पू॒पना॑भिं कृ॒त्वा यो ददा॑ति श॒तौद॑नाम् ॥५॥

स तां॑ल्लो॒कान्त॑समा॒प्नोति॑ ये दि॒व्या ये च॑ पार्थि॒वाः ।
हि॒र॒ण्यज्यो॑तिषं कृ॒त्वा यो ददा॑ति श॒तौद॑नाम् ॥६॥

ये ते॑ दे॒वि श॒मितारः॑ प॒क्तारो॑ ये च॒ ते जनाः॑ ।
ते त्वा॒ सर्वे॑ गो॒प्स्यन्ति॑ मै॒भ्यो भैषीः॑ शतौदने ॥७॥

वस॑वस्त्वा दक्षि॒णत॑ उ॒त्तरा॑न्म॒रुत॑स्त्वा ।
आ॒दि॒त्याः प॒श्चाद्गो॑प्स्यन्ति॒ साग्नि॑ष्टो॒ममति॑ द्रव ॥८॥

दे॒वाः पि॒तरौ॑ म॒नुष्या॑ गन्ध॒र्वाप्सर॑संश्च॒ ये ।
ते त्वा॒ सर्वे॑ गो॒प्स्यन्ति॑ सा॒तिरा॒त्रमति॑ द्रव ॥९॥

अ॒न्तरि॑क्षं दि॒वं भूमि॑मा॒दित्या॑न्म॒रुतो॑ दि॒शः ।
लो॒कान्त॑स॒ सर्वा॑ना॒प्नोति॑ यो ददा॑ति श॒तौद॑नाम् ॥१०॥

घृतं प्रोक्षन्ती सुभगा देवी देवान्गमिष्यति ।
पत्कारमघ्नये मा हिंसीदिवं प्रेहि शतौदने ॥११॥

ये देवा दिविषदो अन्तरिक्षसदश्च ये ये चेमे भूम्यामधि ।
तेभ्यस्त्वं धुक्त्व सर्वदा क्षीरं सर्पिरथो मधु ॥१२॥

यत्ते शिरो यत्ते मुखं यौ कर्णौ ये च ते हनू ।
आमिक्षां दुहतां दात्रे क्षीरं सर्पिरथो मधु ॥१३॥

यौ त ओष्ठौ ये नासिके ये शृङ्गे ये च तेऽक्षिणी ।
आमिक्षां दुहतां दात्रे क्षीरं सर्पिरथो मधु ॥१४॥

यत्ते क्लोमा यद्धृदयं पुरीतत्सहकरिठका ।
आमिक्षां दुहतां दात्रे क्षीरं सर्पिरथो मधु ॥१५॥

यत्ते यकृद्ये मतस्त्रे यदान्त्रम्याश्च ते गुदाः ।
आमिक्षां दुहतां दात्रे क्षीरं सर्पिरथो मधु ॥१६॥

यस्ते प्लाशिर्यो वनिष्ठुर्यो कुक्षी यच्च चर्म ते ।
आमिक्षां दुहतां दात्रे क्षीरं सर्पिरथो मधु ॥१७॥

यत्ते मज्जा यदस्थि यन्मांसं यच्च लोहितम् ।
आमिक्षां दुहतां दात्रे क्षीरं सर्पिरथो मधु ॥१८॥

यौ ते ब्राहू ये दोषणी यावंसौ या च ते ककुत् ।
आमिक्षां दुहतां दात्रे क्षीरं सर्पिरथो मधु ॥१९॥

यास्तै ग्रीवा ये स्कन्धा याः पृष्ठीर्याश्च पर्शवः ।
आमिक्षां दुहतां दात्रे क्षीरं सर्पिरथो मधु ॥२०॥

यौ तं ऊरू अष्टीवन्तौ ये श्रोणी या च ते भुसत् ।
आमिन्नां दुहतां दात्रे क्षीरं सर्पिरथो मधु ॥२१॥

यत्ते पुच्छं ये ते बाला यदूधो ये च ते स्तनाः ।
आमिन्नां दुहतां दात्रे क्षीरं सर्पिरथो मधु ॥२२॥

यास्ते जङ्घाः याः कुष्ठिका ऋच्छरा ये च ते श्फाः ।
आमिन्नां दुहतां दात्रे क्षीरं सर्पिरथो मधु ॥२३॥

यत्ते चर्म शतौदने यानि लोमान्यघ्नये ।
आमिन्नां दुहतां दात्रे क्षीरं सर्पिरथो मधु ॥२४॥

क्रोडौ तै स्तां पुरोदाशावाज्यैनाभिघारितौ ।
तौ पक्षौ देवि कृत्वा सा पत्कारं दिवं वह ॥२५॥

उलूखले मुसले यश्च चर्मणि यो वा शूर्पे तण्डलः कर्णः ।
यं वा वातौ मातरिश्वा पर्वमानो ममाथाग्निष्टद्धौता सुहुतं कृणोतु ॥२६॥

अपो देवीर्मधुमतीर्घृतश्चुतौ ब्रह्मणां हस्तैषु प्रपृथक्सादयामि ।
यत्काम इदमभिषिञ्चामि वोऽहं तन्मे सर्वं संपद्यतां वयं स्याम पतयो
रयीणाम् ॥२७॥

(१०) दशमं सूक्तम्

- (१-३४) चतुस्त्रिंशदृचस्यास्य सूक्तस्य कश्यप ऋषिः । वशा देवता ।
(१) प्रथमर्चः ककुम्मत्यनुष्टुप् (२-४, ७, ९, ११-२२, २५, २८, ३०, ३३-३४)
द्वितीयादितृचस्य सप्तमीनवम्योरेकादश्यादिद्वादशानां
पञ्चविंशष्टाविंशीत्रींशीत्रयस्त्रिंशीचतुस्त्रिंशीनाञ्चानुष्टुप् (५) पञ्चम्याः
पञ्चपदातिजागतानुष्टुब्गर्भा स्कन्धोग्रीवी बृहती (६, ८, १०) षष्ठ्यष्टमीदशमीनां
विराडनुष्टुप् (२३) त्रयोविंश्या बृहती (२४) चतुर्विंश्या उपरिष्टाद्बृहती (२६)
षड्विंश्या आस्तारपङ्क्तिः (२७) सप्तविंश्याः शङ्कुमत्यनुष्टुप्
(२८) एकोनत्रिंश्यास्त्रिपदा विराड्गायत्री (३१) एकत्रिंश्या उष्णिग्गर्भानुष्टुप्

(३२) द्वात्रिंश्याश्च विराट्पथ्याबृहती छन्दांसि ॥
नर्मस्ते जायमानायै जाताया उत ते नर्मः ।
बालेभ्यः श्फेभ्यो रूपायाघ्नये ते नर्मः ॥१॥

यो विद्यात्सप्त प्रवतः सप्त विद्यात्परावतः ।
शिरो यज्ञस्य यो विद्यात्स वशां प्रति गृह्णीयात् ॥२॥

वेदाहं सप्त प्रवतः सप्त वैद परावतः ।
शिरो यज्ञस्याहं वैद सोमं चास्यां विचक्षणम् ॥३॥

यया द्यौर्यया पृथिवी ययापो गुपिता इमाः ।
वशां सहस्रधारां ब्रह्मणाच्छावदामसि ॥४॥

शतं कंसाः शतं दोग्धारः शतं गोप्तारो अर्धि पृष्ठे अस्याः ।
ये देवास्तस्यां प्राणन्ति ते वशां विदुरेकधा ॥५॥

यज्ञपदीराक्षीरा स्वधाप्राणा महीलुका ।
वशा पर्जन्यपत्नी देवां अप्येति ब्रह्मणा ॥६॥

अनु त्वाग्निः प्राविशदनु सोमो वशे त्वा ।
ऊर्धस्ते भद्रे पर्जन्यो विद्युतस्ते स्तना वशे ॥७॥

अपस्त्वं धुक्षे प्रथमा उर्वरा अपरा वशे ।
तृतीयं राष्ट्रं धुक्षेऽन्नं क्षीरं वशे त्वम् ॥८॥

यदादित्यैर्हूयमानोपातिष्ठ ऋतवरि ।
इन्द्रः सहस्रं पात्रान्तसोमं त्वापाययद्वशे ॥९॥

यदनुचीन्द्रमैरात्वं ऋषभोऽहयत् ।
तस्मात्ते वृत्रहा पर्यः क्षीरं क्रुद्धोऽहरद्वशे ॥१०॥

यत्ते क्रुद्धो धनपतिरा क्षीरमहरद्वशे ।
इदं तदद्य नाकस्त्रिषु पात्रेषु रक्षति ॥११॥

त्रिषु पात्रेषु तं सोममा देव्यु हरद्वशा ।
अथर्वा यत्र दीक्षितो बर्हिष्यास्तं हिरण्ययै ॥१२॥

सं हि सोमेनागतं समु सर्वेण पद्वता ।
वशा समुद्रमध्यंष्टद्भ्रुवैः कलिभिः सह ॥१३॥

सं हि वातेनागतं समु सर्वैः पत्रिभिः ।
वशा समुद्रे प्रानृत्यदृचः सामानि बिभ्रती ॥१४॥

सं हि सूर्येणागतं समु सर्वेण चक्षुषा ।
वशा समुद्रमत्यख्यद्भ्रु ज्योतींषि बिभ्रती ॥१५॥

अभीवृता हिरण्येन यदतिष्ठ ऋतावरि ।
अश्वः समुद्रो भूत्वाध्यस्कन्दद्वशे त्वा ॥१६॥

तद्भ्रुः समगच्छन्त वशा देष्टयथो स्वधा ।
अथर्वा यत्र दीक्षितो बर्हिष्यास्तं हिरण्ययै ॥१७॥

वशा माता राजन्यस्य वशा माता स्वधे तव ।
वशार्या यज्ञ आयुधं ततश्चित्तमजायत ॥१८॥

ऊर्ध्वो बिन्दुरुदचरद्ब्रह्मणः ककुदादधि ।
ततस्त्वं जज्ञिषे वशे ततो होताजायत ॥१९॥

आस्रस्ते गाथा अभवन्नुष्णिहाभ्यो बलं वशे ।
पाजस्याजज्ञे यज्ञ स्तनेभ्यो रश्मयस्तव ॥२०॥

ईर्माभ्यामयनं जातं सक्थिभ्यां च वशे तव ।
आन्त्रेभ्यो जज्ञिरे अत्रा उदरादधि वीरुधः ॥२१॥

यदुदरं वरुणस्यानुप्राविशथा वशे ।
तर्तस्त्वा ब्रह्मोदहयत्स हि नेत्रमवेत्तव ॥२२॥

सर्वे गर्भादवेपन्त जायमानादसूस्वः ।
ससूव हि तामाहुर्वशेति ब्रह्मभिः क्लृप्तः स ह्यस्या बन्धुः ॥२३॥

युधु एकः सं सृजति यो अस्या एक इद्वशी ।
तरांसि यज्ञा अभवन्तरसां चक्षुरभवद्वशा ॥२४॥

वशा यज्ञं प्रत्यगृह्णाद्वशा सूर्यमधारयत् ।
वशायांमन्तरविशदोदनो ब्रह्मणा सह ॥२५॥

वशामेवामृतमाहुर्वशां मृत्युमुपासते ।
वशेदं सर्वमभवद्देवा मनुष्याश्च असुराः पितर ऋषयः ॥२६॥

य एवं विद्यात्स वशां प्रति गृह्णीयात् ।
तथा हि यज्ञः सर्वपाहुहे दात्रेऽनपस्फुरन् ॥२७॥

तिस्रो जिह्वा वरुणस्यान्तर्दीघत्यासनि ।
तासां या मध्ये राजति सा वशा दुष्प्रतिग्रहा ॥२८॥

चतुर्धा रेतो अभवद्वशायाः ।
आपस्तुरीयममृतं तुरीयं यज्ञस्तुरीयं पशवस्तुरीयम् ॥२९॥

वशा द्यौर्वशा पृथिवी वशा विष्णुः प्रजापतिः ।
वशायां दुग्धमपिबन्त्साध्या वसवश्च ये ॥३०॥

वृशायां दुग्धं पीत्वा साध्या वसवश्च ये ।
ते वै ब्रध्नस्य विष्टपि पयौ अस्य उपासते ॥३१॥

सोममेनामेके दुहे घृतमेक उपासते ।
य एवं विदुषे वृशां ददुस्ते गतास्त्रिदिवं दिवः ॥३२॥

ब्राह्मणेभ्यो वृशां दत्त्वा सर्वाल्लोकान्तसमश्नुते ।
ऋतं ह्यस्यामार्पितमपि ब्रह्माथो तपः ॥३३॥

वृशां देवा उप जीवन्ति वृशां मनुष्या उत ।
वृशेदं सर्वमभवद्यावत्सूर्यो विपश्यति ॥३४॥
इति दशमं काण्डम्

अथैकादशं कारण्डम्

(१) प्रथमं सूक्तम्

(१-३७) सप्तत्रिंशत्तृचस्यास्य सूक्तस्य ब्रह्मा ऋषिः । ब्रह्मौदनो देवता ।

(१) प्रथमर्चोनुष्टुब्गर्भा भुरिक्पङ्क्तिः (२, ५) द्वितीयापञ्चम्योर्बृहतीगर्भा विराट्त्रिष्टुप्

(३) तृतीयायाश्चतुष्पदा शाक्वरगर्भा जगती

(४, १५-१६, ३१) चतुर्थीपञ्चदशीषोडशेकत्रिंशीनां भुरिक्त्रिष्टुप्

(६) षष्ठ्या उष्णिक् (७, १२-१४, १६, २२-२३, २८, ३०, ३२-३४) सप्तम्या
द्वादश्यादितृचस्यैकोनविंशीद्वाविंशीत्रयोविंश्यष्टाविंशीत्रिंशीनां द्वात्रिंश्यादितृचस्य च
त्रिष्टुप् (८) अष्टम्या विराड्गायत्री (९) नवम्याः शाक्वरातिजागतगर्भा जगती (१०)

दशम्याः पुरोऽतिजगती विराड्जगती (११) एकादश्या जगती (१७, २१, २४-२६,

३७) सप्तदशेकविंश्योश्चतुर्विंश्यादितृचस्य सप्तत्रिंश्याश्च विराड्जगती (१८)

अष्टादश्या अतिजागतगर्भा परातिजागता विराड्जगती (२०) विंश्या अतिजागतगर्भा

परशाक्वरा चतुष्पदा भुरिजगती (२७) सप्तविंश्या अतिजागतगर्भा जगती

(२६) एकोनत्रिंश्या भुरिग्विराड्जगती (३५) पञ्चत्रिंश्याश्चतुष्पदा ककुम्मत्युष्णिक्

(३६) षट्त्रिंश्याश्च पुरोविराट्त्रिष्टुप् छन्दांसि

अग्ने जायस्वादितिर्नाथितेयं ब्रह्मौदनं पंचति पुत्रकामा ।

सप्तऋषयो भूतकृतस्ते त्वा मन्थन्तु प्रजया सहेह ॥१॥

कृणुत धूमं वृषणः सखायोऽद्रोघाविता वाचमच्छ ।

अयमग्निः पृतनाषाट् सुवीरो येन देवा असहन्त दस्यून् ॥२॥

अग्नेऽजनिष्ठा महते वीर्याय ब्रह्मौदनाय पक्तवे जातवेदः ।

सप्तऋषयो भूतकृतस्ते त्वाजीजनन्नस्यै रयिं सर्ववीरं नि यच्छ ॥३॥

समिद्धो अग्ने समिधा समिध्यस्व विद्वान्देवान्यज्ञियाँ एह वक्षः ।

तेभ्यो हविः श्रुपयं जातवेद उत्तमं नाकमधि रोहयेमम् ॥४॥

त्रेधा भागो निहितो यः पुरा वो देवानां पितृणां मर्त्यानाम् ।

अंशाञ्जानीध्वं वि भेजामि तान्वो यो देवानां स इमां पारयाति ॥५॥

अग्ने सहस्वानभिभूरभीदसि नीचो न्युब्ज द्विषतः सपतान् ।

इयं मात्रा मीयमाना मिता च सजातांस्ते बलिहतः कृणोतु ॥६॥

साकं सजातैः पर्यसा सहैध्यदुब्जैनां महते वीर्याय ।
ऊर्ध्वो नाकस्याधि रोह विष्टपं स्वर्गो लोक इति यं वदन्ति ॥७॥

इयं मही प्रति गृह्णातु चर्म पृथिवी देवी सुमनस्यमाना ।
अर्थ गच्छेम सुकृतस्य लोकम् ॥८॥

एतौ ग्रावाणौ सयुजा युङ्गधि चर्मणि निर्बिन्ध्यंशून्यजमानाय साधु ।
अवघ्नती नि जहि य इमां पृतन्यव ऊर्ध्वं प्रजामुद्भरन्त्युदूह ॥९॥

गृहाण ग्रावाणौ सकृतौ वीर हस्त आ ते देवा यज्ञिया यज्ञमगुः ।
त्रयो वरा यतमांस्त्वं वृणीषे तास्ते समृद्धीरिह राधयामि ॥१०॥

इयं ते धीतिरिदमु ते जनित्रं गृह्णातु त्वामदितिः शूरपुत्रा ।
परा पुनीहि य इमां पृतन्यवोऽस्यै रयिं सर्ववीरं नि यच्छ ॥११॥

उपश्वसे द्रुवयै सीदता यूयं वि विच्यध्वं यज्ञियासस्तुषैः ।
श्रिया समानानति सर्वान्त्स्यामाधस्पदं द्विषतस्पादयामि ॥१२॥

परेहि नारि पुनरेहिं क्षिप्रमपां त्वा गोष्ठोऽध्यरुद्भराय ।
तासां गृहीताद्यतमा यज्ञिया असन्विभाज्य धीरीतरा जहीतात् ॥१३॥

एमा अगुर्योषितुः शुम्भमाना उत्तिष्ठ नारि त्वसं रभस्व ।
सुपत्नी पत्या प्रजया प्रजावत्या त्वागन्यज्ञः प्रति कुम्भं गृभाय ॥१४॥

ऊर्जो भागो निहितो यः पुरा व ऋषिप्रशिष्टाप आ भरैताः ।
अयं यजो गातुविनाथवित्प्रजाविदुग्रः पशुविद्वीरविद्वौ अस्तु ॥१५॥

अग्रै चरुर्यज्ञियस्त्वाध्यरुद्भच्छुचिस्तपिष्ठस्तपसा तपैनम् ।

आ॒र्षेया॑ दै॒वा अ॒भिसं॑गत्य॒ भा॒गमि॑मं तपि॒ष्ठा ऋ॒तुभि॑स्तपन्तु ॥१६॥

शु॒द्धाः पू॒ता यो॒षितो॑ य॒ज्ञिया॑ इ॒मा आ॒पश्च॑रुमव॒ सर्प॑न्तु शु॒भ्राः ।
अ॒दुः प्र॒जां ब॒हुला॑न्प॒शून्नः॑ प॒क्तौ॒दन॑स्य॒ सु॒कृता॑मेतु लो॒कम् ॥१७॥

ब्र॒ह्मणा॑ शु॒द्धा उ॒त पू॒ता घृ॒तेन॑ सोम॒स्यांश॑र्व॒स्तग॑डुला य॒ज्ञिया॑ इ॒मे ।
अ॒पः प्र॒ वि॒शत् प्र॒ति गृ॒ह्णातु॑ व॒श्चरु॑रिमं प॒क्त्वा सु॒कृता॑मेत लो॒कम् ॥१८॥

उ॒रुः प्र॑थस्व म॒हता॑ म॒हिम्ना॑ स॒हस्र॑पृष्ठः सु॒कृत॑स्य लो॒के ।
पि॒ताम॒हाः पि॒तरः॑ प्र॒जोप॑जाहं प॒क्त्वा पञ्च॑दश॒स्ते अ॒स्मि ॥१९॥

स॒हस्र॑पृष्ठः श॒तधा॑रो अ॒क्षितो॑ ब्र॒ह्मौ॒दनो॑ दै॒व्या॒नः स्व॑र्गः ।
अ॒मू॒स्त आ॑ द॒धामि॑ प्र॒जया॑ रेष॒यैना॑न्बलि॒हारा॑य॒ मृ॒डता॑न्म॒ह्यमे॒व ॥२०॥

उ॒देहि॑ वेदिं प्र॒जया॑ व॒र्धयै॑नां नु॒दस्व॑ र॒क्षः प्र॒तरं॑ धै॒ह्येना॑म् ।
श्रि॒या स॑मा॒नान॑ति॒ सर्वान्त्स्या॑माध॒स्पदं॑ द्वि॒षत॑स्पा॒दयामि॑ ॥२१॥

अ॒भ्याव॑र्तस्व प॒शुभिः॑ स॒हैनां॑ प्र॒त्यङ्गै॑नां दे॒वता॑भिः स॒हैधि॑ ।
मा त्वा॒ प्राप॑च्छ॒पथो॑ माभि॒चारः॑ स्वे॒ क्षेत्रे॑ अ॒नमी॒वा वि॑ रा॒ज ॥२२॥

ऋ॒तेन॑ त॒ष्टा मन॑सा हि॒तैषा॑ ब्र॒ह्मौ॒दन॑स्य॒ विहि॑ता वेदि॒रग्रे॑ ।
अ॒ंस॒द्रीं शु॒द्धामु॑प॒ धेहि॑ ना॒रि तत्रौ॑दनं सा॒दय॑ दै॒वाना॑म् ॥२३॥

अ॒दि॒तेर्ह॑स्तां स्रुच॑मे॒तां द्वि॒तीयां॑ सप्त॒ऋष॑यो॒ भूत॑कृ॒तो या॑मकृ॒णवन् ।
सा गा॒त्राणि॑ वि॒दुष्यो॑दन॒स्य द॒र्वि॒र्वेद्या॑म॒ध्यैनं॑ चि॒नोतु॑ ॥२४॥

शृ॒तं त्वा॑ ह॒व्यमु॑प॒ सीद॑न्तु दै॒वा निःसृ॑प्या॒ग्नेः पु॑नरे॒नान्प्र॑ सी॒द ।
सो॒मेन॑ पू॒तो ज॒ठरै॑ सी॒द ब्र॒ह्मणा॑मा॒र्षेया॑स्ते॒ मा रि॑षन्प्रा॒शितारः॑ ॥२५॥

सोमं॑ राजन्त्सं॒ज्ञान॑मा॒ वपै॑भ्यः सु॒ब्रा॒ह्मणा॑ यत॒मे त्वो॑प॒सीदा॑न् ।

ऋषीनार्षेयांस्तपसोऽधि जातान्ब्रह्मोदने सुहवा जोहवीमि ॥ २६ ॥

शुद्धाः पूता योषितो यज्ञिया इमा ब्रह्मणां हस्तेषु प्रपृथक्सादयामि ।
यत्काम इदमभिषिञ्चामि वोऽहमिन्द्रो मरुत्वान्त्स ददादिदं मे ॥ २७ ॥

इदं मे ज्योतिरमृतं हिरण्यं पक्वं क्षेत्रात्कामदुघा म एषा ।
इदं धनं नि दधे ब्राह्मणेषु कृणवे पन्थां पितृषु यः स्वर्गः ॥ २८ ॥

अग्नौ तुषाना वप जातवेदसि पुरः कम्बूकाँ अप मृड्धि दूरम् ।
एतं शुश्रुम गृहराजस्य भागमथो विद्म निऋतेर्भागधेयम् ॥ २९ ॥

श्राम्यन्तुः पचतो विद्धि सुन्वतः पन्थां स्वर्गमधि रोहयैनम् ।
येन रोहात्परमापद्य यद्वयं उत्तमं नाकं परमं व्योमि ॥ ३० ॥

बभ्रेरध्वर्यो मुखमेतद्वि मृड्याज्याय लोकं कृणुहि प्रविद्वान् ।
घृतेन गात्रानु सर्वा वि मृड्धि कृणवे पन्थां पितृषु यः स्वर्गः ॥ ३१ ॥

बभ्रे रक्षः समदमा वपैभ्योऽब्राह्मणा यतमे त्वोपसीदान् ।
पुरीषिणः प्रथमानाः पुरस्तादार्षेयास्ते मा रिषन्प्राशितारः ॥ ३२ ॥

आर्षेयेषु नि दध ओदन त्वा नानार्षेयाणामप्यस्त्यत्र ।
अग्निर्मे गोप्ता मरुतश्च सर्वे विश्वे देवा अभि रक्षन्तु पक्वम् ॥ ३३ ॥

यज्ञं दुहानं सदमित्प्रपीनं पुमांसं धेनुं सदनं रयीणाम् ।
प्रजामृतत्वमुत दीर्घमायू रायश्च पोषैरुप त्वा सदेम ॥ ३४ ॥

वृषभोऽसि स्वर्गं ऋषीनार्षेयान्गच्छ ।
सुकृतां लोके सीद तत्र नौ संस्कृतम् ॥ ३५ ॥

समाचिनुष्वानुसंप्रयाह्यग्ने पथः कल्पय देवयानान् ।

एतैः सुकृतैरनु गच्छेम यज्ञं नाके तिष्ठन्तमधि सप्तर्शमौ ॥३६॥

येन देवा ज्योतिषा द्यामुदार्यन्ब्रह्मौदनं पक्त्वा सुकृतस्य लोकम् ।
तेन गेष्म सुकृतस्य लोकं स्वराः रोहन्तो ऋभि नाकेमुत्तमम् ॥३७॥

(२) द्वितीयं सूक्तम्

(१-३१) एकत्रिंशदृचस्यास्य सूक्तस्याथर्वा ऋषिः । मन्त्रोक्तरुद्रादयो देवताः । (१)
प्रथमर्चः परातिजागता विराड्जगती (२) द्वितीयाया अनुष्टुब्गर्भा पञ्चपदा विराड्जगती
(३) तृतीयायाश्चतुष्पदा स्वराडुष्णिक (४-५, ७, १३, १५-१६, २१)
चतुर्थीपञ्चमीसप्तमीत्रयोदशीपञ्चदशीषोडश्येकविंशीनामनुष्टुप् (६) षष्ठ्या आर्षी गायत्री
(८) अष्टम्या महाबृहती (९) नवम्या आर्षी त्रिष्टुप् (१०) दशम्याः पुरःकृतिस्त्रिपदा
विराट्त्रिष्टुप् (११) एकादश्याः पञ्चपदा विराड्जगतीगर्भा शक्वरी (१२) द्वादश्या
भुरिक्त्रिष्टुप् (१४, १७-१९, २३, २६-२७) चतुर्दश्याः सप्तदश्यादितृचस्य
त्रयोविंशीषड्विंशीसप्तविंशीनाञ्च विराड्गायत्री (२०) विंश्या भुरिग्गायत्री (२२)
द्वाविंश्यास्त्रिपदा विषमपादलक्ष्मा महाबृहती (२४, २६) चतुर्विंश्याकोनत्रिंशयोर्जगती
(२५) पञ्चविंश्याः पञ्चपदातिशक्वरी (२८) अष्टाविंश्यास्त्रिष्टुप् (३०) त्रिंश्याश्चतुष्प-
दोष्णिक (३१) एकत्रिंश्याश्च त्र्यवसाना षट्पदा विपरीतपादलक्ष्मा त्रिष्टुप् छन्दांसि
भवांशर्वो मृडतं माभि यातं भूर्तपती पशुपती नमो वाम् ।
प्रतिहितामार्यतां मा वि स्नाष्टं मा नो हिंसिष्टं द्विपदो मा चतुष्पदः ॥१॥

शुनै क्रोष्ट्रे मा शरीराणि कर्तमलिक्लवेभ्यो गृध्रैभ्यो ये च कृष्णा अविष्यवः
।

मक्षिकास्ते पशुपते वयांसि ते विघ्नसे मा विदन्त ॥२॥

क्रन्दाय ते प्राणाय याश्च ते भव रोषयः ।

नर्मस्ते रुद्र कृगमः सहस्राक्षायांमर्त्य ॥३॥

पुरस्तात्ते नर्मः कृगम उत्तरादधरादुत ।

अभीवर्गाद्विवस्पर्यन्तरिक्षाय ते नर्मः ॥४॥

मुखाय ते पशुपते यानि चक्षूषि ते भव ।
त्वचे रूपाय सुदृशै प्रतीचीनाय ते नमः ॥५॥

अङ्गैभ्यस्त उदराय जिह्वाया आस्याय ते ।
दृद्यो गन्धाय ते नमः ॥६॥

अस्त्रा नीलशिखण्डेन सहस्राक्षेण वाजिना ।
रुद्रेणार्धकघातिना तेन मा समरामहि ॥७॥

स नो भवः परि वृणक्तु विश्वतु आप इवाग्निः परि वृणक्तु नो भवः ।
मा नोऽभि मास्तु नमो अस्त्वस्मै ॥८॥

चतुर्नमो अष्टकृत्वो भवाय दश कृत्वः पशुपते नमस्ते ।
तवेमे पञ्च पशवो विभक्ता गावो अश्वाः पुरुषा अजावयः ॥९॥

तव चतस्रः प्रदिशस्तव द्यौस्तव पृथिवी तवेदमुग्रोर्वशुन्तरिक्षम् ।
तवेदं सर्वमात्मन्वद्यत्प्राणत्पृथिवीमनु ॥१०॥

उरुः कोशो वसुधानस्तवायं यस्मिन्निमा विश्वा भुवनान्यन्तः ।
स नो मृड पशुपते नमस्ते पुरः क्रोष्टारो अभिभाः श्वानः पुरो यन्त्वघुरुदो
विकेश्यः ॥११॥

धनुर्बिभर्षि हरितं हिरण्ययं सहस्रघ्नि शतवधं शिखण्डिन् ।
रुद्रस्येषुश्चरति देवहेतिस्तस्यै नमो यतमस्यां दिशीरुतः ॥१२॥

योऽभिधातो निलयते त्वां रुद्र निचिकीर्षति ।
पश्चादनुप्रयुङ्क्ते तं विद्धस्य पदनीरिव ॥१३॥

भवारुद्रौ सयुजा संविदानावुभावुग्रौ चरतो वीर्याय ।
तभ्यां नमो यतमस्यां दिशीरुतः ॥१४॥

नमस्तेऽस्त्वायते नमो अस्तु परायते ।
नमस्ते रुद्र तिष्ठतु आसीनायोत ते नमः ॥१५॥

नमः सायं नमः प्रातर्नमो रात्र्या नमो दिवा ।
भवार्यं च शर्वार्यं चोभाभ्यामकरं नमः ॥१६॥

सहस्राक्षमतिपुश्यं पुरस्ताद्बुद्रमस्यन्तं बहुधा विपश्चितम् ।
मोपराम जिह्वयेयमानम् ॥१७॥

श्यावाश्वं कृष्णमसितं मृणन्तं भीमं रथं केशिनः पादयन्तम् ।
पूर्वे प्रतीमो नमो अस्त्वस्मै ॥१८॥

मा नोऽभि स्रा मृत्यं देवहेति मा नः क्रुधः पशुपते नमस्ते ।
अन्यत्रास्मद्विव्यां शाखां वि धूनु ॥१९॥

मा नो हिंसीरधि नो ब्रूहि परि गो वृङ्गधि मा क्रुधः ।
मा त्वया समरामहि ॥२०॥

मा नो गोषु पुरुषेषु मा गृधो नो अजाविषु ।
अन्यत्रोग्र वि वर्तयु पियारूणां प्रजां जहि ॥२१॥

यस्य तव्मा कासिका हेतिरेकमश्वस्येव वृषणः क्रन्द एति ।
अभिपूर्वं निर्णयते नमो अस्त्वस्मै ॥२२॥

योऽन्तरिक्षे तिष्ठति विष्टभितोऽयज्वनः प्रमृणन्दैवपीयून् ।
तस्मै नमो दशभिः शक्वरीभिः ॥२३॥

तुभ्यमारुण्याः पशवो मृगा वनै हिता हंसाः सुपर्णाः शकुना वयांसि ।
तव यक्षं पशुपते अप्स्वश्वन्तस्तुभ्यं क्षरन्ति दिव्या आपो वृधे ॥२४॥

शिंशुमारा अजगराः पुरीकया जषा मत्स्या रजसा येभ्यो अस्यसि ।
न ते दूरं न परिष्ठास्ति ते भव सद्यः सर्वान्परि पश्यसि भूमिं
पूर्वस्माद्धंस्युत्तरस्मिन्समुद्रे ॥ २५ ॥

मा नो रुद्र त्वम्ना मा विसेणु मा नः सं स्त्रा दिव्येनाग्निना ।
अन्यत्रास्मद्विद्युतं पातयेताम् ॥ २६ ॥

भवो दिवो भव ईशे पृथिव्या भव आ पंप्र उर्वशुन्तरिक्षम् ।
तस्मै नमो यतमस्यां दिशीरुतः ॥ २७ ॥

भव राजन्यर्जमानाय मृड पशूनां हि पशुपतिर्बभूथ ।
यः श्रद्धाति सन्ति देवा इति चतुष्पदे द्विपदेऽस्य मृड ॥ २८ ॥

मा नो महान्तमुत मा नो अर्भकं मा नो वहन्तमुत मा नो वद्यतः ।
मा नो हिंसीः पितरं मातरं च स्वां तन्वां रुद्र मा रीरिसो नः ॥ २९ ॥

रुद्रस्यैलबकारेभ्योऽसंसूक्तगिलेभ्यः ।
इदं महास्यैभ्यः श्वभ्यो अकरं नमः ॥ ३० ॥

नमस्ते घोषिणीभ्यो नमस्ते केशिनीभ्यः ।
नमो नमस्कृताभ्यो नमः संभुञ्जतीभ्यः ।
नमस्ते देव सेनाभ्यः स्वस्ति नो अभयं च नः ॥ ३१ ॥

(३) तृतीयं सूक्तम्

(१) प्रथमः पर्यायः

(१-३१) एकत्रिंशद्वचस्यास्य पर्यायस्याथर्वा ऋषिः । बार्हस्पत्यौदनो देवता ।
(१, १४) प्रथमाचतुर्दशोर्चोरासुरी गायत्री (२) द्वितीयायास्त्रिपदा समविषमा
गायत्री (३, ६, १०) तृतीयाषष्ठीदशमीनामासुरी पङ्क्तिः (४, ८) चतुर्थ्यष्टम्योः
साम्नचनुष्टुप् (५, १३, १५, २५) पञ्चमीत्रयोदशीपञ्चदशीपञ्चविंशीनां साम्नचुष्णिक

(७, १६-२२) सप्तम्या एकोनविंश्यादिचतसृणाञ्च प्राजापत्यानुष्टुप् (६, १७-१८)
नवमीसप्तदश्यादशीनामासुर्यनुष्टुप् (११) एकादश्या भुरिगार्च्यनुष्टुप् (१२) द्वादश्या
याजुषी जगती (१६, २३) षोडशीत्रयोविंशयोरासुरी बृहती (२४) चतुर्विंश्यास्त्रिपदा
प्राजापत्या बृहती (२६) षड्विंश्या आर्च्युष्णिक् (२७) सप्तविंश्याः साम्नी गायत्री
(२८) अष्टाविंश्याः साम्नी बृहती (२९) एकोनत्रिंश्या भुरिक्साम्नी बृहती
(३०) त्रिंश्या याजुषी त्रिष्टुप् (३१) एकत्रिंश्याश्चाल्पशो याजुषी वा पङ्क्तिश्छन्दांसि
तस्यौदनस्य बृहस्पतिः शिरो ब्रह्म मुखम् ॥१॥

द्यावापृथिवी श्रोत्रे सूर्याचन्द्रमसावक्षिणी सप्तऋषयः प्राणापानाः ॥२॥

चक्षुर्मुसलं काम उलूखलम् ॥३॥

दितिः शूर्पमदितिः शूर्पग्राही वातोऽपाविनक् ॥४॥

अश्वाः कणा गावस्तगडला मशकास्तुषाः ॥५॥

कब्रु फलीकरणाः शरोऽभ्रम् ॥६॥

श्याममयोऽस्य मांसानि लोहितमस्य लोहितम् ॥७॥

त्रपु भस्म हरितं वर्णः पुष्करमस्य गन्धः ॥८॥

खलः पात्रं स्फ्यावंसावीषे अनूक्ये ॥९॥

आन्त्राणि जुत्रवो गुदा वत्राः ॥१०॥

इयमेव पृथिवी कुम्भी भवति राध्यमानस्यौदनस्य द्यौरपिधानम् ॥११॥

सीताः पर्शवः सिकता ऊर्बध्यम् ॥१२॥

ऋतं हस्तावनेजनं कुल्योपसेचनम् ॥१३॥

ऋचा कुम्भ्यधिहितार्त्विज्येन प्रेषिता ॥१४॥

ब्रह्मणा परिगृहीता साम्ना पर्यूढा ॥१५॥

बृहदायवनं रथन्तरं दर्विः ॥१६॥

ऋतवः पुक्तारं आर्तवाः समिन्धते ॥१७॥

चरुं पञ्चबिलमुखं घर्मोऽभीन्धे ॥१८॥

ओदनेन यज्ञवचः सर्वे लोकाः समाप्याः ॥१९॥

यस्मिन्त्समुद्रो द्यौर्भूमिस्त्रयोऽवरपुरं श्रिताः ॥२०॥

यस्य देवा अकल्पन्तोच्छिष्टे षडशीतयः ॥२१॥

तं त्वौदनस्य पृच्छामि यो अस्य महिमा महान् ॥२२॥

स य ओदनस्य महिमानं विद्यात् ॥२३॥

नाल्प इति ब्रूयान्नुपसेचन इति नेदं च किं चेति ॥२४॥

यार्वद्वाताभिमनस्येत् तन्नार्तिं वदेत् ॥२५॥

ब्रह्मवादिनो वदन्ति पराञ्चमोदनं प्राशीः प्रत्यञ्चाऽमिति ॥२६॥

त्वमौदनं प्राशीःस्त्वामौदनाः इति ॥२७॥

पराञ्च चैनं प्राशीः प्राणास्त्वा हास्यन्तीत्येनमाह ॥२८॥

प्रत्यञ्चं चैनं प्राशीरपानास्त्वा हास्यन्तीत्येनमाह ॥२९॥

नैवाहमौदनं न मामौदनः ॥३०॥

ओदन एवौदनं प्राशीत् ॥३१॥

(२) द्वितीयः पर्यायः

(१-१८) अष्टादशगणस्यास्य पर्यायस्य (१, ७, १०, १-१८) प्रथमसप्तमदशमगणानां प्रथमानामवसानर्चा प्रथमाद्यष्टादशानाञ्च सप्तमीना साम्नी त्रिष्टुप् (१, ४, ११, १-१८, २-३, १३-१७) प्रथमचतुर्थैकादशानां द्वितीयानां, प्रथमाद्यष्टादशानां तृतीयानां, द्वितीयतृतीययोस्त्रयोदशादिपञ्चानाञ्च पञ्चमीनामेकपदासुरी गायत्री, (१, १०, १२, १६) प्रथमदशमद्वादशषोडशानाञ्चतुर्थीनां दैवी जगती (२, १३) द्वितीयत्रयोदशयोश्चतुर्थ्योरासुरी बृहती (७, १३, १५, १, ४-१२, १८) सप्तमत्रयोदशपञ्चदशानां द्वितीयानां, प्रथमस्य चतुर्थादिनवानामष्टादशस्य च पञ्चमीनामेकपदासुर्यनुष्टुप् (१-१८) प्रथमाद्यष्टादशानां षष्ठीनां साम्नचनुष्टुप् (२-५, ८-९, ११-१८) द्वितीयादिचतुर्णामष्टमनवमयोरेकादशाद्यष्टानाञ्च प्रथमानामार्च्यनुष्टुप् (६) षष्ठस्य प्रथमायाः साम्नी पङ्क्तिः (२, ५, ९, १६, १७) द्वितीयपञ्चमनवमषोडशसप्तदशानां द्वितीयानामासुरी जगती (३, ६, १०, १२, १४) तृतीयषष्ठदशमद्वादशचतुर्दशानां द्वितीयानामासुरी पङ्क्तिः (३) तृतीयस्य चतुर्थ्या आसुरी त्रिष्टुप् (४, १५, १७) चतुर्थपञ्चदशसप्तदशानां चतुर्थीनां याजुषी गायत्री (५, ६, ९) पञ्चमषष्ठनवमानां चतुर्थीनां दैवी पङ्क्तिः (७-८) सप्तमाष्टमयोश्चतुर्थ्योः प्राजापत्या गायत्री (८) अष्टमस्य द्वितीयाया आसुर्युष्णिक् (११, १४, १८) एकादशचतुर्दशाष्टादशानां चतुर्थीनां दैवी त्रिष्टुप् (१८) अष्टादशस्य च द्वितीयाया एकपदा भुरिक् साम्नी बृहती छन्दांसि ॥

ततश्चैनमन्येन शीष्णां प्राशीर्येन चैतं पूर्वं ऋषयः प्राश्नन् ।

ज्येष्ठतस्तै प्रजा मरिष्यतीत्येनमाह ।

तं वा अहं नार्वाञ्चं न पराञ्चं न प्रत्यञ्चम् ।

बृहस्पतिना शीष्णां ।

तेनैतं प्राशिषुं तेनैतमजीगमम् ।

एष वा ओदनः सर्वाङ्गः सर्वपरुः सर्वतनूः ।

सर्वाङ्ग एव सर्वपरुः सर्वतनूः सं भवति य एवं वेद ॥१॥

ततश्चैनमन्याभ्यां श्रोत्राभ्यां प्राशीर्याभ्यां चैतं पूर्वं ऋषयः प्राश्नन् ।
बुधिरो भविष्यसीत्येनमाह ।
तं वा अहं नावाञ्चं न पराञ्चं न प्रत्यञ्चम् ।
द्यावापृथिवीभ्यां श्रोत्राभ्याम् ।
ताभ्यामेनं प्राशिषं ताभ्यामेनमजीगमम् ।
एष वा औदनः सर्वाङ्गः सर्वपरुः सर्वतनूः ।
सर्वाङ्ग एव सर्वपरुः सर्वतनूः सं भवति य एवं वेद ॥२॥

ततश्चैनमन्याभ्यामक्षीभ्यां प्राशीर्याभ्यां चैतं पूर्वं ऋषयः प्राश्नन् ।
अन्धो भविष्यसीत्येनमाह ।
तं वा अहं नावाञ्चं न पराञ्चं न प्रत्यञ्चम् ।
सूर्याचन्द्रमसाभ्यामक्षीभ्याम् ।
ताभ्यामेनं प्राशिषं ताभ्यामेनमजीगमम् ।
एष वा औदनः सर्वाङ्गः सर्वपरुः सर्वतनूः ।
सर्वाङ्ग एव सर्वपरुः सर्वतनूः सं भवति य एवं वेद ॥३॥

ततश्चैनमन्येन मुखेन प्राशीर्येन चैतं पूर्वं ऋषयः प्राश्नन् ।
मुखतस्तै प्रजा मरिष्यतीत्येनमाह ।
तं वा अहं नावाञ्चं न पराञ्चं न प्रत्यञ्चम् ।
ब्रह्मणा मुखेन ।
तेनैनं प्राशिषं तेनैनमजीगमम् ।
एष वा औदनः सर्वाङ्गः सर्वपरुः सर्वतनूः ।
सर्वाङ्ग एव सर्वपरुः सर्वतनूः सं भवति य एवं वेद ॥४॥

ततश्चैनमन्यया जिहया प्राशीर्यया चैतं पूर्वं ऋषयः प्राश्नन् ।
जिह्वा तै मरिष्यतीत्येनमाह ।
तं वा अहं नावाञ्चं न पराञ्चं न प्रत्यञ्चम् ।
अग्नेर्जिहया ।

तेनैनं प्राशिषं तेनैनमजीगमम् ।
 एष वा औदनः सर्वाङ्गः सर्वपरुः सर्वतनूः ।
 सर्वाङ्ग एव सर्वपरुः सर्वतनूः सं भवति य एवं वेद ॥५॥

ततश्चैनमन्यैर्दन्तैः प्राशीर्यैश्चैतं पूर्वं ऋषयः प्राशनन् ।
 दन्तास्ते शत्स्यन्तीत्येनमाह ।
 तं वा अहं नार्वाञ्चं न पराञ्चं न प्रत्यञ्चम् ।
 ऋतुभिर्दन्तैः ।
 तैरेनं प्राशिषं तैरेनमजीगमम् ।
 एष वा औदनः सर्वाङ्गः सर्वपरुः सर्वतनूः ।
 सर्वाङ्ग एव सर्वपरुः सर्वतनूः सं भवति य एवं वेद ॥६॥

ततश्चैनमन्यैः प्राणापानैः प्राशीर्यैश्चैतं पूर्वं ऋषयः प्राशनन् ।
 प्राणापानास्त्वा हास्यन्तीत्येनमाह ।
 तं वा अहं नार्वाञ्चं न पराञ्चं न प्रत्यञ्चम् ।
 सप्तर्षिभिः प्राणापानैः ।
 तैरेनं प्राशिषं तैरेनमजीगमम् ।
 एष वा औदनः सर्वाङ्गः सर्वपरुः सर्वतनूः ।
 सर्वाङ्ग एव सर्वपरुः सर्वतनूः सं भवति य एवं वेद ॥७॥

ततश्चैनमन्येन व्यचसा प्राशीर्येन चैतं पूर्वं ऋषयः प्राशनन् ।
 राजयद्मस्त्वा हनिष्यतीत्येनमाह ।
 तं वा अहं नार्वाञ्चं न पराञ्चं न प्रत्यञ्चम् ।
 अन्तरिक्षेण व्यचसा ।
 तैरेनं प्राशिषं तैरेनमजीगमम् ।
 एष वा औदनः सर्वाङ्गः सर्वपरुः सर्वतनूः ।
 सर्वाङ्ग एव सर्वपरुः सर्वतनूः सं भवति य एवं वेद ॥८॥

ततश्चैनमन्येन पृष्ठेन प्राशीर्येन चैतं पूर्वं ऋषयः प्राशनन् ।
 विद्युत्त्वा हनिष्यतीत्येनमाह ।

तं वा अ॒हं ना॒र्वाञ्चं॑ न॒ पराञ्चं॑ न॒ प्र॒त्यञ्च॑म् ।
 दि॒वा पृ॒ष्ठेन॑ ।
 तैरे॒नं प्रा॒शिषुं॑ तैरे॒नम॑जीगमम् ।
 ए॒ष वा औ॒दनः॑ सर्वाङ्गः॒ सर्व॑परुः॒ सर्व॑तनूः ।
 सर्वाङ्ग॑ ए॒व सर्व॑परुः॒ सर्व॑तनूः॒ सं भ॑वति॒ य ए॒वं वेद॑ ॥६॥

त॒तश्चै॒नम॒न्येनो॑र॒सा प्रा॒शीर्ये॑न॒ चै॒तं पूर्वं॑ ऋ॒षयः॑ प्रा॒श॒नन् ।
 कृ॒ष्या न॑ रा॒त्स्य॒सीत्ये॑नमाह ।
 तं वा अ॒हं ना॒र्वाञ्चं॑ न॒ पराञ्चं॑ न॒ प्र॒त्यञ्च॑म् ।
 पृ॒थिव्यो॑र॒सा ।
 तैरे॒नं प्रा॒शिषुं॑ तैरे॒नम॑जीगमम् ।
 ए॒ष वा औ॒दनः॑ सर्वाङ्गः॒ सर्व॑परुः॒ सर्व॑तनूः ।
 सर्वाङ्ग॑ ए॒व सर्व॑परुः॒ सर्व॑तनूः॒ सं भ॑वति॒ य ए॒वं वेद॑ ॥१०॥

त॒तश्चै॒नम॒न्येनो॑द॒रेण॑ प्रा॒शीर्ये॑न॒ चै॒तं पूर्वं॑ ऋ॒षयः॑ प्रा॒श॒नन् ।
 उ॒द॒र॒दा॒रस्त्वा॑ ह॒निष्य॒तीत्ये॑नमाह ।
 तं वा अ॒हं ना॒र्वाञ्चं॑ न॒ पराञ्चं॑ न॒ प्र॒त्यञ्च॑म् ।
 स॒त्येनो॑द॒रेण॑ ।
 तैरे॒नं प्रा॒शिषुं॑ तैरे॒नम॑जीगमम् ।
 ए॒ष वा औ॒दनः॑ सर्वाङ्गः॒ सर्व॑परुः॒ सर्व॑तनूः ।
 सर्वाङ्ग॑ ए॒व सर्व॑परुः॒ सर्व॑तनूः॒ सं भ॑वति॒ य ए॒वं वेद॑ ॥११॥

त॒तश्चै॒नम॒न्येन॑ व॒स्तिना॑ प्रा॒शीर्ये॑न॒ चै॒तं पूर्वं॑ ऋ॒षयः॑ प्रा॒श॒नन् ।
 अ॒प्सु म॑रिष्य॒सीत्ये॑नमाह ।
 तं वा अ॒हं ना॒र्वाञ्चं॑ न॒ पराञ्चं॑ न॒ प्र॒त्यञ्च॑म् ।
 स॒मु॒द्रेण॑ व॒स्तिना॑ ।
 तैरे॒नं प्रा॒शिषुं॑ तैरे॒नम॑जीगमम् ।
 ए॒ष वा औ॒दनः॑ सर्वाङ्गः॒ सर्व॑परुः॒ सर्व॑तनूः ।
 सर्वाङ्ग॑ ए॒व सर्व॑परुः॒ सर्व॑तनूः॒ सं भ॑वति॒ य ए॒वं वेद॑ ॥१२॥

त॒तश्चैन॑म॒न्याभ्या॑म॒रुभ्या॑ प्रा॒शीर्या॑भ्यां चै॒तं पूर्वं॑ ऋ॒षयः॑ प्रा॒श॒न॒न् ।
 ऊ॒रू तै॑ म॒रिष्य॑त॒ इत्यै॑नमाह ।
 तं वा अ॒हं ना॒र्वाञ्चं॑ न॒ परा॑ञ्चं न॒ प्र॒त्यञ्च॑म् ।
 मि॒त्रावरु॑णयो॒रूरु॑भ्याम् ।
 ताभ्या॑मे॒नं प्रा॑शि॒षं ता॑भ्या॒मे॒नम॑जीगमम् ।
 ए॒ष वा औ॑द॒नः सर्वा॑ङ्गः॒ सर्व॑प॒रुः सर्व॑त॒नूः ।
 सर्वा॑ङ्ग ए॒व सर्व॑प॒रुः सर्व॑त॒नूः सं भ॑व॒ति य ए॒वं वेद॑ ॥१३॥

त॒तश्चैन॑म॒न्याभ्या॑म॒ष्टीव॑द्भ्यां प्रा॒शीर्या॑भ्यां चै॒तं पूर्वं॑ ऋ॒षयः॑ प्रा॒श॒न॒न् ।
 स्ना॒मो भ॑विष्य॒सीत्यै॑नमाह ।
 तं वा अ॒हं ना॒र्वाञ्चं॑ न॒ परा॑ञ्चं न॒ प्र॒त्यञ्च॑म् ।
 त्व॒ष्टुर॑ष्टीव॒द्भ्याम् ।
 ताभ्या॑मे॒नं प्रा॑शि॒षं ता॑भ्या॒मे॒नम॑जीगमम् ।
 ए॒ष वा औ॑द॒नः सर्वा॑ङ्गः॒ सर्व॑प॒रुः सर्व॑त॒नूः ।
 सर्वा॑ङ्ग ए॒व सर्व॑प॒रुः सर्व॑त॒नूः सं भ॑व॒ति य ए॒वं वेद॑ ॥१४॥

त॒तश्चैन॑म॒न्याभ्या॑ पा॒दाभ्या॑ प्रा॒शीर्या॑भ्यां चै॒तं पूर्वं॑ ऋ॒षयः॑ प्रा॒श॒न॒न् ।
 ब॒हु॒चा॒री भ॑विष्य॒सीत्यै॑नमाह ।
 तं वा अ॒हं ना॒र्वाञ्चं॑ न॒ परा॑ञ्चं न॒ प्र॒त्यञ्च॑म् ।
 अ॒श्विनोः॑ पा॒दाभ्या॑म् ।
 ताभ्या॑मे॒नं प्रा॑शि॒षं ता॑भ्या॒मे॒नम॑जीगमम् ।
 ए॒ष वा औ॑द॒नः सर्वा॑ङ्गः॒ सर्व॑प॒रुः सर्व॑त॒नूः ।
 सर्वा॑ङ्ग ए॒व सर्व॑प॒रुः सर्व॑त॒नूः सं भ॑व॒ति य ए॒वं वेद॑ ॥१५॥

त॒तश्चैन॑म॒न्याभ्या॑ प्र॒पदा॑भ्यां प्रा॒शीर्या॑भ्यां चै॒तं पूर्वं॑ ऋ॒षयः॑ प्रा॒श॒न॒न् ।
 स॒र्प॒स्त्वा॑ ह॒निष्य॑तीत्यै॒नमाह॑ ।
 तं वा अ॒हं ना॒र्वाञ्चं॑ न॒ परा॑ञ्चं न॒ प्र॒त्यञ्च॑म् ।
 स॒वि॒तुः॑ प्र॒पदा॑भ्याम् ।
 ताभ्या॑मे॒नं प्रा॑शि॒षं ता॑भ्या॒मे॒नम॑जीगमम् ।
 ए॒ष वा औ॑द॒नः सर्वा॑ङ्गः॒ सर्व॑प॒रुः सर्व॑त॒नूः ।

सर्वाङ्ग एव सर्वपरुः सर्वतनूः सं भवति य एवं वेद ॥१६॥

ततश्चैनमन्याभ्यां हस्ताभ्यां प्राशीर्याभ्यां चैतं पूर्वं ऋषयः प्राश्नन् ।
ब्राह्मणं हनिष्यसीत्यैनमाह ।
तं वा अहं नावाञ्चं न पराञ्चं न प्रत्यञ्चम् ।
ऋतस्य हस्ताभ्याम् ।
ताभ्यामेनं प्राशिषं ताभ्यामेनमजीगमम् ।
एष वा औदनः सर्वाङ्गः सर्वपरुः सर्वतनूः ।
सर्वाङ्ग एव सर्वपरुः सर्वतनूः सं भवति य एवं वेद ॥१७॥

ततश्चैनमन्यया प्रतिष्ठया प्राशीर्यया चैतं पूर्वं ऋषयः प्राश्नन् ।
अप्रतिष्ठानोऽनायतनो मरिष्यसीत्यैनमाह ।
तं वा अहं नावाञ्चं न पराञ्चं न प्रत्यञ्चम् ।
सत्ये प्रतिष्ठाय ।
तथैनं प्राशिषं तथैनमजीगमम् ।
एष वा औदनः सर्वाङ्गः सर्वपरुः सर्वतनूः ।
सर्वाङ्ग एव सर्वपरुः सर्वतनूः सं भवति य एवं वेद ॥१८॥

(३) तृतीयः पर्यायः

(१-७) सप्तर्चस्यास्य पर्यायस्याथर्वा ऋषिः । मन्त्रोक्ता देवताः । (१) प्रथमर्च
आसुर्यनुष्टुप् (२) द्वितीयाया आर्च्युष्णिक (३) तृतीयायास्त्रिपदा भुरिक्साम्नी त्रिष्टुप्
(४) चतुर्थ्या आसुरी बृहती (५) पञ्चम्या द्विपदा भुरिक्साम्नी बृहती
(६) षष्ठ्याः साम्नुष्णिक (७) सप्तम्याश्च प्राजापत्या बृहती छन्दांसि
एतद्वै ब्रध्नस्य विष्टपं यदौदनः ॥१॥

ब्रध्नलोको भवति ब्रध्नस्य विष्टपि श्रयते य एवं वेद ॥२॥

एतस्माद्वा औदनात्रयस्त्रिंशतं लोकान्निर्मिमीत प्रजापतिः ॥३॥

तेषां प्रज्ञानाय यज्ञमसृजत ॥४॥

स य एवं विदुष उषष्टा भवति प्राणं रुणद्धि ॥५॥

न च प्राणं रुणद्धि सर्वज्यानिं जीयते ॥६॥

न च सर्वज्यानिं जीयते पुरेनं जरसः प्राणो जहाति ॥७॥

(४) चतुर्थं सूक्तम्

(१-२६) षड्विंशत्युचस्यास्य सूक्तस्य वैदर्भिर्भार्गव ऋषिः । प्राणो देवता ।

(१) प्रथमर्चः शङ्कुमत्यनुष्टुप् (२-७, ९-१३, १६-१९, २३-२५) द्वितीयादिषण्णां

नवम्यादिपञ्चानां षोडश्यादिचतसृणां त्रयोविंश्यादितृचस्य चानुष्टुप्

(८) अष्टम्याः पथ्यापङ्क्तिः (१४) चतुर्दश्या निचृदनुष्टुप् (१५) पञ्चदश्या भुरिगनुष्टुप्

(२०) विंश्या अनुष्टुब्गर्भा त्रिष्टुप् (२१) एकविंश्या मध्येज्योतिर्जगती

(२२) द्वाविंश्यास्त्रिष्टुप् (२६) षड्विंश्याश्च बृहतीगर्भानुष्टुप् छन्दांसि

प्राणाय नमो यस्य सर्वमिदं वशे ।

यो भूतः सर्वस्येश्वरो यस्मिन्सर्वं प्रतिष्ठितम् ॥१॥

नमस्ते प्राण क्रन्दाय नमस्ते स्तनयिब्रवे ।

नमस्ते प्राण विद्युते नमस्ते प्राण वर्षते ॥२॥

यत्प्राण स्तनयिब्रुनाभिक्रन्दत्योषधीः ।

प्र वीयन्ते गर्भान्दधतेऽथो ब्रह्मीर्वि जायन्ते ॥३॥

यत्प्राण ऋतावागतेऽभिक्रन्दत्योषधीः ।

सर्वं तदा प्र मौदते यत्किं च भूम्यामधि ॥४॥

यदा प्राणो अभ्यवर्षीद्वर्षेण पृथिवीं महीम् ।

पशवस्तत्र मौदन्ते महो वै नो भविष्यति ॥५॥

अभिवृष्टा ओषधयः प्राणेन समवादिरन् ।

आयुर्वै नः प्रातीतरः सर्वा नः सुरभीरकः ॥६॥

नमस्ते अस्त्वायुते नमो अस्तु परायुते ।
नमस्ते प्राण तिष्ठतु आसीनायोत ते नमः ॥७॥

नमस्ते प्राण प्राणते नमो अस्त्वपानुते ।
प्राचीनाय ते नमः प्रतीचीनाय ते नमः सर्वस्मै त इदं नमः ॥८॥

या तै प्राण प्रिया तनूर्यो तै प्राण प्रेर्यसी ।
अथो यद्भैषजं तव तस्य नो धेहि जीवसै ॥९॥

प्राणः प्रजा अनु वस्ते पिता पुत्रमिव प्रियम् ।
प्राणो ह सर्वस्येश्वरो यच्च प्राणति यच्च न ॥१०॥

प्राणो मृत्युः प्राणस्तक्मा प्राणं देवा उपासते ।
प्राणो ह सत्यवादिनमुत्तमे लोक आ दधत् ॥११॥

प्राणो विराट् प्राणो देष्ट्री प्राणं सर्व उपासते ।
प्राणो ह सूर्यश्चन्द्रमाः प्राणमाहुः प्रजापतिम् ॥१२॥

प्राणापानौ व्रीहियवावनड्वान्प्राण उच्यते ।
यवे ह प्राण आहितोऽपानो व्रीहिरुच्यते ॥१३॥

अपानति प्राणति पुरुषो गर्भे अन्तरा ।
यदा त्वं प्राण जिन्वस्यथ स जायते पुनः ॥१४॥

प्राणमाहुर्मातरिश्वानं वातो ह प्राण उच्यते ।
प्राणे ह भूतं भव्यं च प्राणे सर्वं प्रतिष्ठितम् ॥१५॥

आथर्वणीराङ्गिरसीदैवीर्मनुष्यजा उत ।
ओषधयः प्र जायन्ते यदा त्वं प्राण जिन्वसि ॥१६॥

यदा प्राणो अभ्यवर्षीद्वर्षेण पृथिवीं महीम् ।
ओषधयः प्र जायन्तेऽथो याः काश्च वीरुधः ॥१७॥

यस्ते प्राणेदं वेद यस्मिंश्चासि प्रतिष्ठितः ।
सर्वे तस्मै बलिं हरानमुष्मिल्लोक उत्तमे ॥१८॥

यथा प्राण बलिहतस्तुभ्यं सर्वाः प्रजा इमाः ।
एवा तस्मै बलिं हरान्यस्त्वा शृणवत्सुश्रवः ॥१९॥

अन्तर्गर्भश्चरति देवतास्वाभूतो भूतः स उ जायते पुनः ।
स भूतो भव्यं भविष्यत्पिता पुत्रं प्र विवेशा शचीभिः ॥२०॥

एकं पादं नोत्खिदति सलिलाद्भुंस उच्चरन् ।
यद्भुं स तमुत्खिदेन्नैवाद्य न श्वः स्यान्न रात्री नाहः स्यान्न व्युच्छेत्कदा चन
॥२१॥

अष्टाचक्रं वर्तत एकनेमि सहस्राक्षरं प्र पुरो नि पश्चा ।
अर्धेन विश्वं भुवनं जजान यदस्यार्धं कतमः स केतुः ॥२२॥

यो अस्य विश्वजन्मन् ईशे विश्वस्य चेष्टतः ।
अन्येषु क्षिप्रधन्वने तस्मै प्राण नमोऽस्तु ते ॥२३॥

यो अस्य सर्वजन्मन् ईशे सर्वस्य चेष्टतः ।
अतन्द्रो ब्रह्मणा धीरः प्राणो मानु तिष्ठातु ॥२४॥

ऊर्ध्वः सुप्तेषु जागार ननु तिर्यङ्नि पद्यते ।
न सुप्तस्य सुप्तेष्वनु शुश्राव कश्चन ॥२५॥

प्राण मा मत्पर्यावृतो न मदन्यो भविष्यसि ।
अपां गर्भमिव जीवसे प्राणं ब्रधामि त्वा मयि ॥२६॥

(५) पञ्चमं सूक्तम्

(१-२६) षड्विंशत्यृचस्यास्य सूक्तस्य ब्रह्मा ऋषिः । ब्रह्मचारी देवता । (१)
प्रथमर्चः पुरोतिजागतविराड्गर्भा त्रिष्टुप् (२) द्वितीयायाः पञ्चपदा बृहतीगर्भा विराट्
शक्वरी (३) तृतीयाया उरोबृहती (४-५, २४) चतुर्थीपञ्चम्योश्चतुर्विंश्याश्च त्रिष्टुप् (६)
षष्ठ्याः शाक्वरगर्भा चतुष्पदा जगती (७) सप्तम्या विराड्गर्भा त्रिष्टुप् (८) अष्टम्याः
पुरोतिजागता विराड्जगती (९) नवम्या बृहतीगर्भा त्रिष्टुप् (१०) दशम्या भुरिक्त्रिष्टुप्
(११, १३) एकादशीत्रयोदशयोर्जगती (१२) द्वादश्याः शाक्वरगर्भा चतुष्पदा
विराडतिजगती (१४, १६-२२) चतुर्दश्याः षोडश्यादिसप्तानाञ्चानुष्टुप्
(१५) पञ्चदश्याः पुरस्ताज्ज्योतिस्त्रिष्टुप् (२३) त्रयोविंश्याः
पुरोबार्हतातिजागतगर्भा त्रिष्टुप् (२५) पञ्चविंश्या एकावसानार्च्युष्णिक
(२६) षड्विंश्याश्च मध्येज्योतिरुष्णिग्गर्भा त्रिष्टुप् छन्दांसि
ब्रह्मचारीष्णंश्चरति रोदसी उभे तस्मिन्देवाः संमनसो भवन्ति ।
स दाधार पृथिवीं दिवं च स आचार्यं तर्पसा पिपर्ति ॥१॥

ब्रह्मचारिणं पितरो देवजनाः पृथग्देवा अनुसंयन्ति सर्वे ।
गन्धर्वा एनमन्वायन्त्रयस्त्रिंशत्त्रिंशताः षट्सहस्राः सर्वान्त्स देवांस्तर्पसा
पिपर्ति ॥२॥

आचार्यं उपनयमानो ब्रह्मचारिणं कृणुते गर्भमन्तः ।
तन्मन्त्रीस्तिस्त्र उदरे बिभर्ति तं जातं द्रष्टुमभिसंयन्ति देवाः ॥३॥

इयं समित्पृथिवी द्यौर्द्वितीयोतान्तरिक्षं समिधा पृणाति ।
ब्रह्मचारी समिधा मेखलया श्रमेण लोकांस्तर्पसा पिपर्ति ॥४॥

पूर्वो जातो ब्रह्मणो ब्रह्मचारी घर्म वसान्स्तर्पसोदतिष्ठत् ।
तस्माज्जातं ब्राह्मणं ब्रह्म ज्येष्ठं देवाश्च सर्वे अमृतेन साकम् ॥५॥

ब्रह्मचार्येति समिधा समिद्धः कार्ष्णं वसानो दीक्षितो दीर्घश्मश्रुः ।
स सद्य एति पूर्वस्मादुत्तरं समुद्रं लोकान्त्संगृभ्य मुहुराचरिक्त्रत् ॥६॥

ब्रह्मचारी जनयन्ब्रह्मापो लोकं प्रजापतिं परमेष्ठिनं विराजम् ।

गर्भो भूत्वामृतस्य योनाविन्द्रो ह भूत्वासुरांस्ततर्ह ॥७॥

आचार्यस्ततद् नभसी उभे इमे उर्वी गम्भीरे पृथिवीं दिवं च ।
ते रक्षति तपसा ब्रह्मचारी तस्मिन्देवाः संमनसो भवन्ति ॥८॥

इमां भूमिं पृथिवीं ब्रह्मचारी भिक्षामा जभार प्रथमो दिवं च ।
ते कृत्वा समिधावुपास्ते तयोरर्पिता भुवनानि विश्वा ॥९॥

अर्वाग्न्यः पुरो अन्यो दिवस्पृष्ठाद्गुहा निधी निहितौ ब्राह्मणस्य ।
तौ रक्षति तपसा ब्रह्मचारी तत्केवलं कृणुते ब्रह्म विद्वान् ॥१०॥

अर्वाग्न्य इतो अन्यः पृथिव्या अग्नी समेतो नभसी अन्तरेमे ।
तयोः श्रयन्ते रश्मयोऽधि दृढास्ताना तिष्ठति तपसा ब्रह्मचारी ॥११॥

अभिक्रन्दन्स्तनयन्नरुणः शितिङ्गो बृहच्छेपोऽनु भूमौ जभार ।
ब्रह्मचारी सिञ्चति सानौ रेतः पृथिव्यां तेन जीवन्ति प्रदिशश्चतस्रः ॥१२॥

अग्नौ सूर्ये चन्द्रमसि मातरिश्चन्ब्रह्मचार्येषु समिधमा दधाति ।
तासामर्चीषि पृथगभ्रे चरन्ति तासामाज्यं पुरुषो वर्षमापः ॥१३॥

आचार्यो मृत्युर्वरुणः सोम ओषधयः पर्यः ।
जीभूता आसन्त्सत्वानस्तैरिदं स्वशुराभृतम् ॥१४॥

अमा घृतं कृणुते केवलमाचार्यो भूत्वा वरुणो यद्यदौच्छत्प्रजापतौ ।
तद्ब्रह्मचारी प्रायच्छत्स्वान्मित्रो अध्यात्मनः ॥१५॥

आचार्यो ब्रह्मचारी ब्रह्मचारी प्रजापतिः ।
प्रजापतिर्वि रंजति विराडिन्द्रोऽभवद्दुशी ॥१६॥

ब्रह्मचर्येण तपसा राजा राष्ट्रं वि रक्षति ।

आचार्यो ब्रह्मचर्येण ब्रह्मचारिणमिच्छते ॥१७॥

ब्रह्मचर्येण कन्यां युवानं विन्दते पतिम् ।
अनड्वान्ब्रह्मचर्येणाश्वौ घासं जिगीषति ॥१८॥

ब्रह्मचर्येण तपसा देवा मृत्युमपाघ्नत ।
इन्द्रो ह ब्रह्मचर्येण देवेभ्यः स्वशुराभरत् ॥१९॥

ओषधयो भूतभव्यमहोरात्रे वनस्पतिः ।
संवत्सरः सहर्तुभिस्ते जाता ब्रह्मचारिणः ॥२०॥

पार्थिवा दिव्याः पशव आरुगया ग्राम्याश्च ये ।
अपक्षाः पक्षिणश्च ये ते जाता ब्रह्मचारिणः ॥२१॥

पृथक्सर्वे प्राजापत्याः प्राणानात्मसु बिभ्रति ।
तान्त्सर्वान्ब्रह्म रक्षति ब्रह्मचारिण्याभृतम् ॥२२॥

देवानामेतत्परिषूतमनभ्यारूढं चरति रोचमानम् ।
तस्माज्जातं ब्राह्मणं ब्रह्म ज्येष्ठं देवाश्च सर्वे अमृतेन साकम् ॥२३॥

ब्रह्मचारी ब्रह्म भ्राजद्विभर्ति तस्मिन्देवा अधि विश्वे समोताः ।
प्राणापानौ जनयन्नाद्वयानं वाचं मनो हृदयं ब्रह्म मेधाम् ॥२४॥

चक्षुः श्रोत्रं यशौ अस्मासु धेह्यन्नं रेतो लोहितमुदरम् ॥२५॥

तानि कल्पन्ब्रह्मचारी संलिलस्य पृष्ठे तपोऽतिष्ठत्प्यमानः समुद्रे ।
स स्नातो बभ्रुः पिङ्गलः पृथिव्यां बहु रौचते ॥२६॥

(६) षष्ठं सूक्तम्

(१-२३) त्रयोविंशत्यृचस्यास्य सूक्तस्य शन्तातिर्ऋषिः । चन्द्रमा मन्त्रोक्ता वा देवताः ।

(१-२२) प्रथमादिद्वाविंशत्युचामनुष्टुप् (२३) त्रयोविंश्याश्च बृहतीगर्भानुष्टुप् छन्दसी
अग्निं ब्रूमो वनस्पतीनोषधीरुत वीरुधः ।
इन्द्रं बृहस्पतिं सूर्यं ते नो मुञ्चन्त्वंहंसः ॥१॥

ब्रूमो राजानं वरुणं मित्रं विष्णुमथो भगम् ।
अंशं विवस्वन्तं ब्रूमस्ते नो मुञ्चन्त्वंहंसः ॥२॥

ब्रूमो देवं सवितारं धातारमुत पूषणम् ।
त्वष्टारमग्रियं ब्रूमस्ते नो मुञ्चन्त्वंहंसः ॥३॥

गन्धर्वाप्सरसो ब्रूमो अश्विना ब्रह्मणस्पतिम् ।
अर्यमा नाम यो देवस्ते नो मुञ्चन्त्वंहंसः ॥४॥

अहोरात्रे इदं ब्रूमः सूर्याचन्द्रमसावुभा ।
विश्वानादित्यान्ब्रूमस्ते नो मुञ्चन्त्वंहंसः ॥५॥

वातं ब्रूमः पर्जन्यमन्तरिक्षमथो दिशः ।
आशाश्च सर्वा ब्रूमस्ते नो मुञ्चन्त्वंहंसः ॥६॥

मुञ्चन्तु मा शपथ्यादहोरात्रे अथो उषाः ।
सोमो मा देवो मुञ्चतु यमाहुश्चन्द्रमा इति ॥७॥

पार्थिवा दिव्यः पशवं आरुश्या उत ये मृगाः ।
शकुन्तान्पक्षिणो ब्रूमस्ते नो मुञ्चन्त्वंहंसः ॥८॥

भवाश्वाविदं ब्रूमो रुद्रं पशुपतिश्च यः ।
इषूर्या एषां संविद्य ता नः सन्तु सदा शिवाः ॥९॥

दिवं ब्रूमो नक्षत्राणि भूमिं यक्षाणि पर्वतान् ।
समुद्रा नद्यो वेशन्तास्ते नो मुञ्चन्त्वंहंसः ॥१०॥

सप्त॒र्षीन्वा इ॒दं ब्रू॒मोऽपो दे॒वीः प्र॒जाप॑तिम् ।
पि॒तृ॒न्यम॑श्रेष्ठान्ब्रू॒मस्ते नो॑ मुञ्च॒न्त्वंह॑सः ॥११॥

ये दे॒वा दि॒विष॑दो अ॒न्तरि॑क्ष॒सद॑श्च ये ।
पृ॒थि॒व्यां श॒क्रा ये श्रि॒तास्ते नो॑ मुञ्च॒न्त्वंह॑सः ॥१२॥

आ॒दि॒त्या रु॒द्रा वस॑वो दि॒वि दे॒वा अ॒थर्वानः॑ ।
अ॒ङ्गि॑रसो म॒नीषि॑णस्ते नो॑ मुञ्च॒न्त्वंह॑सः ॥१३॥

य॒ज्ञं ब्रू॒मो यज॑मान॒मृचः॑ सा॒मानि॑ भेष॒जा ।
यजूं॑षि॒ होत्रा॑ ब्रू॒मस्ते नो॑ मुञ्च॒न्त्वंह॑सः ॥१४॥

पञ्च॑ रा॒ज्यानि॑ वी॒रुधां॑ सोम॑श्रेष्ठानि ब्रू॒मः ।
द॒र्भो भ॒ङ्गो यवः॑ सह॒स्ते नो॑ मुञ्च॒न्त्वंह॑सः ॥१५॥

अ॒राया॑न्ब्रू॒मो रक्षांसि॑ स॒र्पान्पु॑ण्यज॒नान्पि॒तृन् ।
मृ॒त्यूने॑कशतं ब्रू॒मस्ते नो॑ मुञ्च॒न्त्वंह॑सः ॥१६॥

ऋ॒तून्ब्रू॑म ऋ॒तु॒पती॑ना॒र्तवानु॑त हा॒य॒नान् ।
स॒माः संव॑त्स॒रा॒न्मासां॑स्ते नो॑ मुञ्च॒न्त्वंह॑सः ॥१७॥

ए॒तं दे॒वा दक्षि॑णतः प॒श्चात्प्राञ्च॑ उ॒देत॑ ।
पु॒स्तादु॑त्त॒राच्छ॒क्रा वि॒श्वे दे॒वाः स॒मेत्य॑ ते नो॑ मुञ्च॒न्त्वंह॑सः ॥१८॥

वि॒श्वान्दे॒वानि॒दं ब्रू॑मः स॒त्यसं॑धानृ॒तावृ॑धः ।
वि॒श्वान्भिः॑ प॒त्नीभिः॑ स॒ह ते नो॑ मुञ्च॒न्त्वंह॑सः ॥१९॥

स॒र्वान्दे॒वानि॒दं ब्रू॑मः स॒त्यसं॑धानृ॒तावृ॑धः ।
स॒र्वान्भिः॑ प॒त्नीभिः॑ स॒ह ते नो॑ मुञ्च॒न्त्वंह॑सः ॥२०॥

भू॒तं ब्रू॒मो भू॒त॒पतिं॑ भू॒ताना॑मु॒त यो व॒शी ।
भू॒तानि॑ सर्वा॒ संग॒त्य॒ ते नो॑ मुञ्च॒न्त्वंह॑सः ॥२१॥

या दे॒वीः प॒ञ्च प्र॒दिशो॑ ये दे॒वा द्वाद॑श॒र्तवः॑ ।
सं॒वत्स॒रस्य॑ ये दंष्ट्रा॒स्ते नः॑ सन्तु॒ सदा॑ शि॒वाः ॥२२॥

यन्मा॑र्त॒ली रथ॑क्री॒तम॒मृतं॑ वेद॑ भेष॒जम् ।
तदिन्द्रो॑ ऋ॒प्सु प्रा॒वेश॑य॒त्तदा॒पो दत्त॑ भेष॒जम् ॥२३॥

(७) सप्तमं सूक्तम्

(१-२७) सप्तविंशत्यृचस्यास्य सूक्तस्याथर्वा ऋषिः । उच्छिष्टोऽध्यात्मञ्च देवते ।
(१-५, ७-२०, २३-२७) प्रथमादिपञ्चर्चा सप्तम्यादिचतुर्दशानां
त्रयोविंश्यादिपञ्चानाञ्चानुष्टुप् (६) षष्ठ्या बार्हतपरा पुर उष्णिगनुष्टुप्
(२१) एकविंश्याः स्वराडनुष्टुप् (२२) द्वाविंश्याश्च विराट्पथ्याबृहती छन्दांसि
उच्छिष्टे॑ नाम॒ रूपं॑ चोच्छिष्टे॑ लो॒क आ॑र्हितः ।
उच्छिष्टे॑ इन्द्र॑श्चाग्निश्च॒ विश्व॑म॒न्तः स॒मा॑र्हितम् ॥१॥

उच्छिष्टे॑ द्यावा॑पृथि॒वी विश्वं॑ भू॒तं स॒मा॑र्हितम् ।
आ॒र्पः समु॒द्र उच्छिष्टे॑ च॒न्द्रमा॑ वा॒त् आ॑र्हितः ॥२॥

सन्नुच्छिष्टे॑ असं॑श्रो॒भौ मृ॒त्युर्वा॑जः प्र॒जाप॑तिः ।
लौ॒क्या उच्छिष्टे॑ आ॒र्य॑त्ता॒ वश्च॑ द्रश्चापि॒ श्रीर्म॑र्यि ॥३॥

दृ॒ढो दृ॑हस्ति॒रो न्यो ब्र॑ह्म॒ विश्व॑सृ॒जो द॑र्श ।
नाभि॑मिव॒ सर्व॑तश्चक्रमुच्छिष्टे॑ दे॒वताः॑ श्रि॒ताः ॥४॥

ऋ॒क्साम॑ यजु॒रुच्छिष्टे॑ उ॒द्गीथः॑ प्र॒स्तुतं॑ स्तु॒तम् ।
हि॒ङ्गार॑ उच्छिष्टे॑ स्वरः॒ साम्नो॑ मे॒दिश्च॑ तन्म॒र्यि ॥५॥

ऐन्द्रा॑ग्रं पा॒वमा॑नं म॒हाना॑ग्नीर्महाव्र॒तम् ।

उच्छिष्टे यज्ञस्याङ्गान्यन्तर्गर्भं इव मातरि ॥६॥

राजसूयं वाजपेयमग्निष्टोमस्तदध्वरः ।
अर्काश्वमेधावुच्छिष्टे जीवबर्हिर्मदिन्तमः ॥७॥

अग्रयाधेयमथौ दीक्षा कामप्रश्छन्दसा सह ।
उत्सन्ना यज्ञाः सत्रायुच्छिष्टेऽधि समाहिताः ॥८॥

अग्निहोत्रं च श्रद्धा च वषट्कारो वृतं तपः ।
दक्षिणेषु पूर्तं चोच्छिष्टेऽधि समाहिताः ॥९॥

एकरात्रो द्विरात्रः सद्यःक्रीः प्रक्रीरुक्थ्युः ।
ओतं निहितमुच्छिष्टे यज्ञस्याणूनि विद्यया ॥१०॥

चतुरात्रः पञ्चरात्रः षड्रात्रश्चोभयः सह ।
षोडशी सप्तरात्रश्चोच्छिष्टाज्जिरे सर्वे ये यज्ञा अमृतै हिताः ॥११॥

प्रतीहारो निधनं विश्वजिञ्चाभिजिञ्च यः ।
साहातिरात्रावुच्छिष्टे द्वादशाहोऽपि तन्मयि ॥१२॥

सूनृता संनतिः क्षेमः स्वधोर्जामृतं सहः ।
उच्छिष्टे सर्वे प्रत्यञ्चः कामाः कामैः ततृपुः ॥१३॥

नव भूमीः समुद्रा उच्छिष्टेधि श्रिता दिवः ।
आ सूर्यो भ्रात्युच्छिष्टेऽहोरात्रे अपि तन्मयि ॥१४॥

उपहव्यं विषूवन्तं ये च यज्ञा गुहा हिताः ।
बिभर्ति भर्ता विश्वस्योच्छिष्टो जनितुः पिता ॥१५॥

पिता जनितुरुच्छिष्टोऽसोः पौत्रः पितामहः ।

स क्षियति विश्वस्येशानो वृषा भूम्यामतिघ्नयः ॥ १६ ॥

ऋतं सत्यं तपो राष्ट्रं श्रमो धर्मश्च कर्म च ।
भूतं भविष्यदुच्छिष्टे वीर्यं लक्ष्मीर्बलं बलै ॥ १७ ॥

समृद्धिरोज आकूतिः क्षत्रं राष्ट्रं षडर्व्यः ।
संवत्सरोऽध्यच्छिष्ट इडा प्रैषा ग्रहो हविः ॥ १८ ॥

चतुर्होतार आप्रियश्चातुर्मास्यानि नीविदः ।
उच्छिष्टे यज्ञाः होत्राः पशुबन्धास्तदिष्टयः ॥ १९ ॥

अर्धमासाश्च मासाश्चार्तवा ऋतुभिः सह ।
उच्छिष्टे घोषिणीरारपः स्तनयित्तुः श्रुतिर्मही ॥ २० ॥

शर्कराः सिकता अश्मान् ओषधयो वीरुधस्तृणा ।
अभ्राणि विद्युतो वर्षमुच्छिष्टे संश्रिता श्रिता ॥ २१ ॥

राद्धिः प्राप्तिः समाप्तिर्व्याप्तिर्मह एधतुः ।
अत्याप्तिरुच्छिष्टे भूतिश्चाहिता निहिता हिता ॥ २२ ॥

यच्च प्राणति प्राणेन यच्च पश्यति चक्षुषा ।
उच्छिष्टाज्जिरे सर्वे दिवि देवा दिविश्रितः ॥ २३ ॥

ऋचुः सामानि च्छन्दांसि पुराणं यजुषा सह ।
उच्छिष्टाज्जिरे सर्वे दिवि देवा दिविश्रितः ॥ २४ ॥

प्राणापानौ चक्षुः श्रोत्रमक्षितिश्च क्षितिश्च या ।
उच्छिष्टाज्जिरे सर्वे दिवि देवा दिविश्रितः ॥ २५ ॥

आनन्दा मोदाः प्रमुदोऽभिमोदमुदश्च ये ।

उच्छिष्टाञ्जिरे सर्वे दिवि देवा दिविश्रितः ॥२६॥

देवाः पितरौ मनुष्याः गन्धर्वाप्सरसश्च ये ।
उच्छिष्टाञ्जिरे सर्वे दिवि देवा दिविश्रितः ॥२७॥

(८) अष्टमं सूक्तम्

(१-३४) चतुस्त्रिंशदृचस्यास्य सूक्तस्य कौरुपथिर्ऋषिः । अध्यात्मं मन्युश्च देवते ।

(१-३२, ३४) प्रथमादिद्वात्रिंशदृचां चतुस्त्रिंशयाश्चानुष्टुप्

(३३) त्रयस्त्रिंशयाश्च पथ्यापङ्क्तिश्छन्दसी

यन्मन्युर्जायामावहत्संकल्पस्य गृहादधि ।
क आसं जन्याः के वराः क उ ज्येष्ठवरोऽभवत् ॥१॥

तर्पश्चैवास्तां कर्म चान्तर्महत्यर्णवे ।
त आसं जन्यास्ते वरा ब्रह्म ज्येष्ठवरोऽभवत् ॥२॥

दशं साकर्मजायन्त देवा देवेभ्यः पुरा ।
यो वै तान्विद्यात्प्रत्यक्षं स वा अद्य महद्देत् ॥३॥

प्राणापानौ चक्षुः श्रोत्रमक्षितिश्च क्षितिश्च या ।
व्यानोदानौ वाङ्मनस्ते वा आकूतिमार्वहन् ॥४॥

अजाता आसन्नृतवोऽथौ धाता बृहस्पतिः ।
इन्द्राग्नी अश्विना तर्हि कं ते ज्येष्ठमुपासत ॥५॥

तर्पश्चैवास्तां कर्म चान्तर्महत्यर्णवे ।
तपो ह जज्ञे कर्मणस्तत्ते ज्येष्ठमुपासत ॥६॥

येत आसीद्भूमिः पूर्वा यामद्भातय इद्भिदुः ।
यः वै तां विद्यान्नामथा स मन्येत पुराणवित् ॥७॥

कु॒त॒ इन्द्रः॑ कु॒तः॑ सोमः॑ कु॒तो॑ अ॒ग्नि॒रजा॑यत ।
कु॒त॒स्त्वष्ट॑र॒ सम॑भव॒त्कु॒तो॑ धा॒ताजा॑यत ॥८॥

इन्द्रा॑दिन्द्रः॑ सोमा॑त्सोमो॑ अ॒ग्ने॒रग्नि॑रजायत ।
त्वष्ट॑र॒ ह जज्ञे॑ त्वष्ट॑र्धा॒तुर्धा॒ताजा॑यत ॥९॥

ये त आ॑स॒न्दश॑ जा॒ता दे॒वा दे॒वेभ्यः॑ पु॒रा ।
पु॒त्रेभ्यो॑ लो॒कं द॒त्त्वा कस्मि॑न्स्ते लो॒क आ॑सते ॥१०॥

य॒दा के॑शा॒नस्थि॑ स्ना॒व मा॑सं म॒ज्जान॑माभरत् ।
शरी॑रं कृ॒त्वा पा॑द॒वत्कं॑ लो॒कम॑नु प्रावि॒शत् ॥११॥

कु॒तः के॑शा॒न्कु॒तः स्ना॒व कु॒तो॑ अ॒स्थी॒न्याभ॑रत् ।
अ॒ङ्गा प॑र्वा॒णि म॒ज्जानं॑ को मा॑सं कु॒त आ॑भरत् ॥१२॥

सं॒सिचो॑ नाम॒ ते दे॒वा ये सं॑भा॒रान्त्सम॑भरन् ।
सर्वं॑ सं॒सिच्य॑ म॒र्त्य दे॒वाः पु॑रु॒षमा॑वि॒शन् ॥१३॥

ऊ॒रू पा॑दा॒वष्ठी॑वन्तौ शि॒रो ह॑स्ता॒वथो॑ मुखंम् ।
पृ॒ष्ठीर्ब॑र्ज॒ह्ये पार्श्वे॑ कस्तत्सम॑दधा॒दृषिः॑ ॥१४॥

शि॒रो ह॑स्ता॒वथो॑ मुखं जि॒ह्वां ग्री॑वाश्च की॒कसाः॑ ।
त्व॒चा प्रा॑वृ॒त्य सर्वं॑ तत्सं॒धा सम॑दधान्म॒ही ॥१५॥

यत्तच्छरी॑रम॒शय॑त्सं॒धया॑ सं॒हितं॑ म॒हत् ।
येने॒दम॒द्य रोच॑ते को अ॒स्मिन्वर्ण॑माभरत् ॥१६॥

सर्वे॑ दे॒वा उपा॑शि॒क्षन्त॑द॒जाना॑द्बुधूः सु॒ती ।
ई॒शा व॑श॒स्य या जा॑या सा॒स्मिन्वर्ण॑माभरत् ॥१७॥

यदा त्वष्टा व्यतृणत्पिता त्वष्टुर्य उत्तरः ।
गृहं कृत्वा मर्त्यं देवाः पुरुषमाविशन् ॥१८॥

स्वप्नो वै तन्द्रीर्निर्ऋतिः पाप्मानो नाम देवताः ।
जरा खालत्यं पालित्यं शरीरमनु प्राविशन् ॥१९॥

स्तेयं दुष्कृतं वृजिनं सत्यं यज्ञो यशो बृहत् ।
बलं च क्षत्रमोर्जश्च शरीरमनु प्राविशन् ॥२०॥

भूतिश्च वा अभूतिश्च रातयोऽरातयश्च याः ।
क्षुधश्च सर्वास्तृष्णाश्च शरीरमनु प्राविशन् ॥२१॥

निन्दाश्च वा अनिन्दाश्च यच्च हन्तेति नेति च ।
शरीरं श्रद्धा दक्षिणाश्चद्धा चानु प्राविशन् ॥२२॥

विद्याश्च वा अविद्याश्च यच्चान्यदुपदेश्यम् ।
शरीरं ब्रह्म प्राविशदृचः सामाथो यजुः ॥२३॥

आनन्दा मोदाः प्रमुदोऽभिमोदमुदश्च ये ।
हसो नरिष्ठा नृत्तानि शरीरमनु प्राविशन् ॥२४॥

आलापाश्च प्रलापाश्चाभिलापलपश्च ये ।
शरीरं सर्वे प्राविशन्नायुजः प्रयुजो युजः ॥२५॥

प्राणापानौ चक्षुः श्रोत्रमक्षितिश्च क्षितिश्च या ।
व्यानोदानौ वाङ्मनः शरीरेण त ईयन्ते ॥२६॥

आशिषश्च प्रशिषश्च संशिषो विशिषश्च याः ।
चित्तानि सर्वे संकल्पाः शरीरमनु प्राविशन् ॥२७॥

आस्नेयीश्च वास्तेयीश्च त्वरणाः कृपणाश्च याः ।
गुह्याः शुक्रा स्थूला अपस्ता बीभत्सार्वसादयन् ॥ २८ ॥

अस्थिं कृत्वा समिधं तदृष्टापौ असादयन् ।
रेतः कृत्वाज्यं देवाः पुरुषमाविशन् ॥ २९ ॥

या आपो याश्च देवता या विराड् ब्रह्मणा सह ।
शरीरं ब्रह्म प्राविशच्छरीरेऽधि प्रजापतिः ॥ ३० ॥

सूर्यश्चक्षुर्वार्तः प्राणं पुरुषस्य वि भैजिरे ।
अथास्येतरमात्मानं देवाः प्रायच्छन्नग्रयै ॥ ३१ ॥

तस्माद्वै विद्वान्पुरुषमिदं ब्रह्मेति मन्यते ।
सर्वा ह्यस्मिन्देवता गावो गोष्ठ इवासते ॥ ३२ ॥

प्रथमेन प्रमारेण त्रेधा विष्वड् वि गच्छति ।
अद एकैन् गच्छत्यद एकैन् गच्छतीहैकैन् नि षैवते ॥ ३३ ॥

अप्सु स्तीमासु वृद्धासु शरीरमन्तरा हितम् ।
तस्मिञ्छवोर्ध्वन्तरा तस्माच्छवोर्ध्वुच्यते ॥ ३४ ॥

(६) नवमं सूक्तम्

(१-२६) षड्विंशत्यृचस्यास्य सूक्तस्य काङ्कायन ऋषिः । अर्बुदिर्देवता ।

(१) प्रथमर्चस्यवसाना सप्तपदा विराट् शक्वरी (२, ५-८, १०, १२-१३, १८-२१)

द्वितीयायाः पञ्चम्यादिचतसृणां दशमीद्वादशीत्रयोदशीनामष्टादश्यादिचतसृणाञ्चानुष्टुप्

(३) तृतीयायाः परोष्णिक्

(४) चतुर्थ्यास्यवसानोष्णिग्बृहतीगर्भा परात्रिष्टुप् षट्पदातिजगती

(६, ११, १४, २३, २६) नवम्येकादशीचतुर्दशीत्रयोविंशीषड्विंशीनां पथ्यापङ्क्तिः

(१५, २२, २४-२५) पञ्चदशीद्वाविंशीचतुर्विंशीपञ्चविंशीनां त्र्यवसाना सप्तपदा शक्वरी

(१६) षोडश्यास्यवसाना पञ्चपदा विराडुपरिष्टाञ्ज्योतिस्त्रिष्टुप्

(१७) सप्तदश्याश्च त्रिपदा गायत्री छन्दांसि

ये ब्राह्मवो या इषवो धन्वनां वीर्याणि च ।
असीन्परशूनायुधं चित्ताकृतं च यद्धृदि ।
सर्वं तदर्बुदे त्वमित्रैभ्यो दृशे कुरुदारांश्च प्र दर्शय ॥१॥

उत्तिष्ठतु सं नह्यध्वं मित्रा देवजना यूयम् ।
संदृष्टा गुप्ता वः सन्तु या नो मित्रारयेर्बुदे ॥२॥

उत्तिष्ठतुमा रभेतामादानसदानाभ्याम् ।
अमित्राणां सेना अभि धत्तमर्बुदे ॥३॥

अर्बुदिर्नाम यो देव ईशानश्च न्यर्बुदिः ।
याभ्यामन्तरिक्षमावृतमियं च पृथिवी मही ।
ताभ्यामिन्द्रमेदिभ्यामहं जितमन्वैमि सेनया ॥४॥

उत्तिष्ठ त्वं देवजनार्बुदे सेनया सह ।
भञ्जन्नमित्राणां सेना भोगेभिः परि वारय ॥५॥

सप्त जातान्न्यर्बुद उदाराणां समीक्षयन् ।
तेभिष्ट्वमाज्यै हुते सर्वैरुत्तिष्ठ सेनया ॥६॥

प्रतिघ्नानाश्रुमुखी कृधुकर्णी च क्रोशतु ।
विकेशी पुरुषे हुते रदिते अर्बुदे तव ॥७॥

संकर्षन्ती करूकरं मनसा पुत्रमिच्छन्ती ।
पतिं भ्रातरमात्स्वान्रदिते अर्बुदे तव ॥८॥

अलिक्लवा जाष्कमदा गृध्राः श्येनाः पत्रिणः ।
ध्वाङ्गाः शकुनयस्तृप्यन्त्वमित्रेषु समीक्षयन्नदिते अर्बुदे तव ॥९॥

अथो सर्वं श्वापदं मक्षिका तृप्यतु क्रिमिः ।

पौरुषेयेऽधि कुणपे रदिते अर्बुदे तव ॥१०॥

आ गृहीतं सं बृहत्तं प्राणापानान्नचर्बुदे ।
निवाशा घोषाः सं यन्त्वमित्रेषु समीक्षयन्नदिते अर्बुदे तव ॥११॥

उद्वैपय सं विजन्तां भियामित्रान्त्सं सृज ।
उरुग्राहैर्बाह्वङ्कैर्विध्यामित्रान्नचर्बुदे ॥१२॥

मुह्यन्त्वेषां बाहवश्चित्ताकृतं च यद्धृदि ।
मैषामुच्छेषि किं च न रदिते अर्बुदे तव ॥१३॥

प्रतिघ्नानाः सं धावन्तूरः पटौरावाघ्नानाः ।
अघारिणीर्विकेश्यो रुदत्यशुः पुरुषे हते रदिते अर्बुदे तव ॥१४॥

श्वन्वतीरप्सरसो रूपका उतार्बुदे ।
अन्तःपात्रे रेरिहतीं रिशां दुर्णिहितैषिणीम् ।
सर्वास्ता अर्बुदे त्वममित्रेभ्यो दृशे कुरुदारांश्च प्र दर्शय ॥१५॥

खदूरैऽधिचङ्कमां खर्विकां खर्ववासिनीम् ।
य उदारा अन्तर्हिता गन्धर्वाप्सरसश्च ये ।
सर्पा इतरजना रक्षांसि ॥१६॥

चतुर्दष्ट्राञ्छ्यावदतः कुम्भमुष्काँ असृङ्खान् ।
स्वभ्यसा ये चौह्यसाः ॥१७॥

उद्वैपय त्वमर्बुदेऽमित्राणाम्मूः सिचः ।
जयांश्च जिष्णुश्चामित्राँ जयतामिन्द्रमेदिनौ ॥१८॥

प्रब्लीनो मृदितः शयां हतोऽमित्रौ न्यर्बुदे ।
अग्निजिह्वा धूमशिखा जयन्तीर्यन्तु सेनया ॥१९॥

तया॑र्बुदे॒ प्रण॑त्तानामिन्द्रो॑ हन्तु वर॑वरम् ।
अ॒मि॒त्रा॒णां श॒ची॒पति॑र्मा॒मीषा॑ मोचि॒ कश्चि॑न ॥ २०॥

उ॒त्क॑सन्तु हृ॒दयान्य॑ध्वः प्रा॒ण उ॒दी॑षतु ।
शौ॒ष्का॒स्यम॑नु॒ वर्त॑ताम॒मि॒त्रान्मो॑त मि॒त्रि॒णः ॥ २१॥

ये च॒ धी॒रा॒ ये चा॑धी॒राः परा॑ञ्चो ब॒धिरा॑श्च॒ ये ।
त॒म॒सा॒ ये च॑ तू॒प॒रा अ॒थो ब॑स्ताभिवा॒सिनः॑ ।
स॒र्वा॒स्ताँ अ॑र्बुदे॒ त्वम॑मि॒त्रेभ्यो॑ दृ॒शे कुरु॑दा॒रांश्च॑ प्रदर्शय ॥ २२॥

अ॒र्बुदि॑श्च॒ त्रिष॑न्धिश्चा॒मि॒त्रान्नो॑ वि वि॒ध्यता॑म् ।
यथै॑षामिन्द्र वृ॒त्रह॑न्हना॒म श॒ची॒पते॑ऽमि॒त्रा॒णां सह॑स्त्र॒शः ॥ २३॥

व॒न॒स्पती॑न्वा॒नस्प॑त्या॒नोष॑धीरु॒त वी॒रुधः॑ ।
ग॒न्ध॒र्वाप्सर॑सः स॒र्पा॒न्दे॒वान्पु॑ण्यज॒नान्पि॒तृन् ।
स॒र्वा॒स्ताँ अ॑र्बुदे॒ त्वम॑मि॒त्रेभ्यो॑ दृ॒शे कुरु॑दा॒रांश्च॑ प्रदर्शय ॥ २४॥

ई॒शां वो॑ म॒रुतो॑ दे॒व आ॑दि॒त्यो ब्र॑ह्म॒णस्प॑तिः ।
ई॒शां व॒ इन्द्र॑श्चा॒ग्निश्च॑ धा॒ता मि॒त्रः प्र॑जाप॒तिः ।
ई॒शां व॒ ऋष॑यश्चक्रु॒रमि॒त्रेषु॑ स॒मीक्ष॑यन्नदि॒ते अ॑र्बुदे॒ तव॑ ॥ २५॥

तेषां॑ स॒र्वेषा॑मी॒शाना॑ उ॒त्तिष्ठ॑त॒ सं न॑ह्यध्वं मि॒त्रा दे॒व॑जना॒ यूय॑म् ।
इ॒मं सं॑ग्रा॒मं सं॑जित्य॒ यथा॑लो॒कं वि तिष्ठ॑ध्वम् ॥ २६॥

(१०) दशमं सूक्तम्

- (१-२७) सप्तविंशत्यृचस्यास्य सूक्तस्य भृग्वङ्गिरा ऋषिः । त्रिषन्धिर्देवता । (१)
प्रथमर्चो विराट्पथ्याबृहती (२) द्वितीयायास्त्रयवसाना षट्पदा त्रिष्टुब्गर्भातिजगती
(३) तृतीयाया विराडास्तारपङ्क्तिः (४) चतुर्थ्या विराडनुष्टुप्
(५-७, १०-११, १४-१५, १८-२०, २३-२४, २७) पञ्चम्यादितृचस्य
दशम्येकादशीचतुर्दशीपञ्चदशीनामष्टादश्यादितृचस्य

त्रयोविंशीचतुर्विंशीसप्तविंशीनाञ्चानुष्टुप् (८) अष्टम्या विराट्त्रिष्टुप् (९) नवम्याः
पुरोविराट् पुरस्ताज्ज्योतिस्त्रिष्टुप् (१२) द्वादश्याः पञ्चपदा पथ्यापङ्क्तिः (१३) त्रयोदश्याः
षट्पदा जगती (१६) षोडश्यारूयवसाना षट्पदा ककुम्मत्यनुष्टुप्त्रिष्टुप्गर्भा शक्वरी
(१७) सप्तदश्याः पथ्यापङ्क्तिः (२१) एकविंश्यास्त्रिपदा गायत्री (२२) द्वाविंश्या
विराट् पुरस्ताद्बृहती (२५) पञ्चविंश्याः ककुप् (२६) षड्विंश्याश्च
प्रस्तारपङ्क्तिश्छन्दांसि

उत्तिष्ठत् सं नह्यध्वमुदाराः केतुभिः सह ।
सर्पा इतरजना रक्षांस्यमित्राननु धावत ॥१॥

ईशां वो वेद राज्यं त्रिषन्धे अरुणैः केतुभिः सह ।
ये अन्तरिक्षे ये दिवि पृथिव्यां ये च मानवाः ।
त्रिषन्धेस्ते चेतसि दुर्गामानु उपासताम् ॥२॥

अयोमुखाः सूचीमुखा अथो विकङ्कतीमुखाः ।
क्रव्यादो वातरंहसु आ सजन्त्वमित्रान्वज्रेण त्रिषन्धिना ॥३॥

अन्तर्धेहि जातवेद आदित्य कुणपं बृह ।
त्रिषन्धेरियं सेना सुहितास्तु मे वशै ॥४॥

उत्तिष्ठ त्वं दैवजनाबुदे सेनया सह ।
अयं बलिर्व आहुतस्त्रिषन्धेराहुतिः प्रिया ॥५॥

शितिपदी सं द्यतु शरव्येयं चतुष्पदी ।
कृत्येऽमित्रैभ्यो भव त्रिषन्धेः सह सेनया ॥६॥

धूमाक्षी सं पततु कृधुकर्नी च क्रोशतु ।
त्रिषन्धेः सेनया जिते अरुणाः सन्तु केतवः ॥७॥

अवायन्तां पक्षिणो ये वयांस्यन्तरिक्षे दिवि ये चरन्ति ।
श्वापदो मक्षिकाः सं रभन्तामामादो गृध्राः कुणपे रदन्ताम् ॥८॥

यामिन्द्रेण संधां समर्धत्था ब्रह्मणा च बृहस्पते ।
तयाहमिन्द्रसंधया सर्वान्देवानिह हुव इतो जयत मामुतः ॥६॥

बृहस्पतिराङ्गिरस ऋषयो ब्रह्मसंशिताः ।
असुरक्षयणं वधं त्रिषंधिं दिव्याश्रयन् ॥१०॥

येनासौ गुप्त आदित्य उभाविन्द्रश्च तिष्ठतः ।
त्रिषन्धिं देवा अभजन्तौजसे च बलाय च ॥११॥

सर्वाल्लोकान्त्समजयन्देवा आहुत्यानया ।
बृहस्पतिराङ्गिरसो वज्रं यमसिञ्चतासुरक्षयणं वधम् ॥१२॥

बृहस्पतिराङ्गिरसो वज्रं यमसिञ्चतासुरक्षयणं वधम् ।
तेनाहममूं सेनां नि लिम्पामि बृहस्पतेऽमित्रान्हन्म्योजसा ॥१३॥

सर्वे देवा अत्यायन्ति ये अश्नन्ति वर्षट्कृतम् ।
इमां जुषध्वमाहुतिमितो जयत मामुतः ॥१४॥

सर्वे देवा अत्यायन्तु त्रिषन्धेराहुतिः प्रिया ।
संधां महतीं रक्षत ययाग्रे असुरा जिताः ॥१५॥

वायुरमित्राणामिष्वग्रागयाञ्चतु ।
इन्द्र एषां बाहून्प्रति भनक्तु मा शकन्प्रतिधामिषुम् ।
आदित्य एषामस्त्रं वि नाशयतु चन्द्रमा युतामर्गतस्य पन्थाम् ॥१६॥

यदि प्रेयुर्देवपुरा ब्रह्म वर्माणि चक्रिरे ।
तनूपानं परिपाणं कृण्वाना यदुपोचिरे सर्वं तदरसं कृधि ॥१७॥

क्रव्यादानुवर्तयन्मृत्युनां च पुरोहितम् ।
त्रिषन्धे प्रेहि सेनया जयामित्रान्प्र पद्यस्व ॥१८॥

त्रिषन्धे तमसा त्वमित्रान्परि वारय ।
पृषदाज्यप्रणुत्तानां मामीषां मोचि कश्चन ॥ १६ ॥

शितिपदी सं पतत्वमित्राणाम्मूः शिचः ।
मुह्यन्त्वद्यामूः सेनां अमित्राणां न्यर्बुदे ॥ २० ॥

मूढा अमित्रां न्यर्बुदे जह्ये षां वरंवरम् ।
अनयां जहि सेनया ॥ २१ ॥

यश्च कवची यश्चाकवचोऽमित्रो यश्चाज्मनि ।
ज्यापाशैः कवचपाशैरज्मनाभिहतः शयाम् ॥ २२ ॥

ये वर्मिणो येऽवर्माणौ अमित्रा ये च वर्मिणः ।
सर्वास्तां अर्बुदे हुताञ्छ्वानोऽदन्तु भूम्याम् ॥ २३ ॥

ये रथिनो ये अरथा असादा ये च सादिनः ।
सर्वानदन्तु तान्हतान्गृध्राः श्येनाः पत्रिणः ॥ २४ ॥

सहस्रकुणपा शेतामामित्री सेनां समरे वधानाम् ।
विविद्धा ककजाकृता ॥ २५ ॥

मर्माविधं रोरुवतं सुपर्णैरदन्तु दुश्चितं मृदितं शयानम् ।
य इमां प्रतीचीमाहुतिमित्रो नो युयुत्सति ॥ २६ ॥

यां देवा अनुतिष्ठन्ति यस्या नास्ति विराधनम् ।
तयेन्द्रो हन्तु वृत्रहा वज्रैश्च त्रिषधिना ॥ २७ ॥

इत्येकादशं कारण्डम्

अथ द्वादशं कारडम्

(१) प्रथमं सूक्तम्

(१-६३) त्रिषष्ट्युचस्यास्य सूक्तस्याथर्वा ऋषिः । भूमिर्देवता । (१, ३, १७, २६, ३१, ५५, ६०) प्रथमातृतीयासप्तदशेकोनत्रिंशयेकत्रिंशीपञ्चपञ्चाशीषष्टीनामृचां त्रिष्टुप्
(२) द्वितीयाया भुरिक्त्रिष्टुप् (४-६, १०, ३८) चतुर्थ्यादितृचस्य दशम्यष्टात्रिंशयोश्च
त्र्यवसाना षट्पदा जगती (७) समम्याः प्रस्तारपङ्क्तिः (८, ११)
अष्टम्येकादश्यास्यवसाना षट्पदा विराडष्टिः (९) नवम्याः परानुष्टुप्त्रिष्टुप्
(१२-१३, ३७) द्वादशीत्रयोदशीसप्तत्रिंशीनां त्र्यवसाना पञ्चपदा शक्वरी
(१४) चतुर्दश्या महाबृहती (१५) पञ्चदश्याः पञ्चपदा शक्वरी (१६, २१)
षोडशयेकविंशयोरेकावसाना साम्नी त्रिष्टुप् (१८) अष्टादश्यास्यवसाना षट्पदा
त्रिष्टुबनुष्टुब्गर्भातिशक्वरी (१९) एकोनविंश्या उरोबृहती (२०) विंश्या विराडुरोबृहती
(२२) द्वाविंश्यास्यवसाना षट्पदा विराडतिजगती (२३) त्रयोविंश्याः पञ्चपदा
विराडतिजगती (२४) चतुर्विंश्याः पञ्चपदानुष्टुब्गर्भा जगती
(२५) पञ्चविंश्यास्यवसाना सप्तपदोष्णिगनुष्टुब्गर्भा शक्वरी
(२६-२८, ३३, ३५, ३६-४०, ५०, ५४, ५६, ५९, ६३) षड्विंश्यादितृचस्य
त्रयस्त्रिंशीपञ्चत्रिंशयेकोनचत्वारिंशीचत्वारिंशीपञ्चाशीचतुष्पञ्चाशीषट्पञ्चाशयेकोनषष्टीत्रिषष्टी
नाञ्चानुष्टुप् (३०) त्रिंश्या विराड्गायत्री (३२) द्वात्रिंश्याः पुरस्ताज्ज्योतिस्त्रिष्टुप्
(३४) चतुस्त्रिंश्यास्यवसाना षट्पदा त्रिष्टुब्बृहतीगर्भातिजगती (३६) षट्त्रिंश्या
विपरीतपादलक्ष्मा पङ्क्तिः (४१) एकचत्वारिंश्यास्यवसाना षट्पदा ककुम्मती शक्वरी
(४२) द्विचत्वारिंश्याः स्वराडनुष्टुप् (४३) त्रिचत्वारिंश्या विराडास्तारपङ्क्तिः
(४४-४५, ४९) चतुश्चत्वारिंशीपञ्चचत्वारिंशयेकोनपञ्चाशीनां जगती
(४६) षट्चत्वारिंश्याः षट्पदानुष्टुब्गर्भा पराशक्वरी (४७) सप्तचत्वारिंश्याः
षट्पदोष्णिगनुष्टुब्गर्भा परातिशक्वरी (४८) अष्टचत्वारिंश्याः पुरोऽनुष्टुप्त्रिष्टुप्
(५१) एकपञ्चाश्यास्यवसाना षट्पदानुष्टुब्गर्भा ककुम्मती शक्वरी (५२) द्विपञ्चाश्याः
पञ्चपदानुष्टुब्गर्भा परातिजगती (५३) त्रिपञ्चाश्याः पुरोबार्हतानुष्टुप् (५७) सप्तपञ्चाश्याः
पुरोऽतिजागता जगती (५८) अष्टपञ्चाश्याः पुरस्ताद्बृहती
(६१) एकषष्ट्याः पुरोबार्हता त्रिष्टुप् (६२) द्विषष्ट्याश्च पराविराट्त्रिष्टुप् छन्दांसि
स॒त्यं बृ॒हदृ॒तमु॒ग्रं दी॒क्षा तपो॒ ब्रह्म॑ य॒ज्ञः पृ॒थि॒वीं धा॑रयन्ति ।
सा नो॑ भू॒तस्य॑ भव्य॑स्य॒ पत्न्यु॑रुं लो॒कं पृ॒थि॒वी नः॑ कृणोतु ॥१॥

असं॒बाधं म॑ध्यतो मान॒वानां॑ यस्या उ॒द्धतः॑ प्र॒वतः॑ समं ब॒हु ।

नाना॑वीर्या॒ ओष॑धीर्या॒ बिभ॑र्ति पृथि॒वी नः॑ प्रथतां॒ राध्य॑तां नः ॥२॥

यस्यां समुद्र उत सिन्धुरापो यस्यामन्नं कृष्टयः संबभूवुः ।
यस्यामिदं जिन्वति प्राणदेजत्सा नो भूमिः पूर्वपेये दधातु ॥३॥

यस्याश्चतस्रः प्रदिशः पृथिव्या यस्यामन्नं कृष्टयः संबभूवुः ।
या बिभर्ति बहुधा प्राणदेजत्सा नो भूमिर्गोष्वप्यन्नै दधातु ॥४॥

यस्यां पूर्वे पूर्वजना विचक्रिरे यस्यां देवा असुरानभ्यवर्तयन् ।
गवामश्वानां वयसश्च विष्टा भगं वर्चः पृथिवी नो दधातु ॥५॥

विश्वंभरा वसुधानी प्रतिष्ठा हिरण्यवक्षा जगतो निवेशनी ।
वैश्वानरं बिभ्रती भूमिरग्निमिन्द्रं ऋषभा द्रविणे नो दधातु ॥६॥

यां रक्षन्त्यस्वप्रा विश्वदानीं देवा भूमिं पृथिवीमप्रमादम् ।
सा नो मधु प्रियं दुहामथौ उक्षतु वर्चसा ॥७॥

यार्णवेऽधि सलिलमग्न आसीद्यां मायाभिरन्वचरन्मनीषिणः ।
यस्या हृदयं परमे व्योमिन्सत्येनावृतममृतं पृथिव्याः ।
सा नो भूमिस्त्वषिं बलं राष्ट्रे दधातूत्तमे ॥८॥

यस्यामापः परिचराः समानीरहोरात्रे अप्रमादं क्षरन्ति ।
सा नो भूमिर्भूरिधारा पयो दुहामथौ उक्षतु वर्चसा ॥९॥

यामश्विनावमिमातां विष्णुर्यस्यां विचक्रमे ।
इन्द्रो यां चक्र आत्मनैऽनमित्रां शचीपतिः ।
सा नो भूमिर्वि सृजतां माता पुत्राय मे पयः ॥१०॥

गिरयस्ते पर्वता हिमवन्तोऽरण्यं ते पृथिवि स्योनमस्तु ।
बभ्रुं कृष्णां रोहिणीं विश्वरूपां ध्रुवां भूमिं पृथिवीमिन्द्रगुप्ताम् ।

अजीतोऽहतो अन्नतोऽध्यष्टां पृथिवीमहम् ॥११॥

यत्ते मध्यं पृथिवि यच्च नभ्यं यास्त ऊर्जस्तन्वः संबभूवुः ।
तासु नो धेह्यभि नः पवस्व माता भूमिः पुत्रो अहं पृथिव्याः ।
पर्जन्यः पिता स उ नः पिपर्तु ॥१२॥

यस्यां वेदिं परिगृह्णन्ति भूम्यां यस्यां यज्ञं तन्वते विश्वकर्माणः ।
यस्यां मीयन्ते स्वरवः पृथिव्यामूर्ध्वाः शुक्रा आहुत्याः पुरस्तात् ।
सा नो भूमिर्वर्धयद्वर्धमाना ॥१३॥

यो नो द्वेषत्पृथिवि यः पृतन्याद्योऽभिदासान्मनसा यो वधेन ।
तं नो भूमे रन्धय पूर्वकृत्वरि ॥१४॥

त्वज्जातास्त्वयि चरन्ति मर्त्यास्त्वं बिभर्षि द्विपदस्त्वं चतुष्पदः ।
तवेमे पृथिवि पञ्च मानवा येभ्यो ज्योतिरमृतं मर्त्येभ्य उद्यन्तसूर्यो
रश्मिभिरातनोति ॥१५॥

ता नः प्रजाः सं दुहतां समग्रा वाचो मधु पृथिवि धेहि मह्यम् ॥१६॥

विश्वस्वः मातरमोषधीनां ध्रुवां भूमिं पृथिवीं धर्मणा धृताम् ।
शिवां स्योनामनु चरेम विश्वहा ॥१७॥

महत्सधस्थं महती बभूविथ महान्वेगं एजथुर्वेपथुष्टे ।
महांस्त्वेन्द्रो रक्षत्यप्रमादम् ।
सा नो भूमे प्र रौचय हिरण्यस्येव सदृशि मा नो द्विजत कश्चन ॥१८॥

अग्निभूम्यामोषधीष्वग्निमापो बिभ्रत्यग्निरश्मसु ।
अग्निरन्तः पुरुषेषु गोष्वश्वेष्वग्रयः ॥१९॥

अग्निर्दिव आ तपत्यग्नेर्देवस्योर्वशुन्तरिक्षम् ।
अग्निं मर्तास इन्धते हव्यवाहं घृतप्रियम् ॥२०॥

अग्निवासाः पृथिव्यसितजूस्त्वषीमन्तं संशितं मा कृणोतु ॥२१॥

भूम्यां देवेभ्यो ददति यज्ञं हव्यमरंकृतम् ।
भूम्यां मनुष्या जीवन्ति स्वधयान्नेन मर्त्याः ।
सा नो भूमिः प्राणमार्युर्दधातु जरदष्टिं मा पृथिवी कृणोतु ॥२२॥

यस्तै गन्धः पृथिवि संबभूव यं बिभ्रत्योषधयो यमापः ।
यं गन्धर्वा अप्सरसश्च भेजिरे तेन मा सुरभिं कृणु मा नो द्विदत्त कश्चन
॥२३॥

यस्तै गन्धः पुष्करमाविवेश यं संजभ्रुः सूर्याया विवाहे ।
अमर्त्याः पृथिवि गन्धमग्रे तेन मा सुरभिं कृणु मा नो द्विदत्त कश्चन
॥२४॥

यस्तै गन्धः पुरुषेषु स्त्रीषु पुंसु भगो रुचिः ।
यो अश्वेषु वीरेषु यो मृगेषु त हस्तिषु ।
कन्यायां वर्चो यद्भूमे तेनास्माँ अपि सं सृज मा नो द्विदत्त कश्चन
॥२५॥

शिला भूमिरश्मा पांसुः सा भूमिः संधृता धृता ।
तस्यै हिरण्यवक्षसे पृथिव्या अकरं नमः ॥२६॥

यस्यां वृक्षा वानस्पत्या ध्रुवास्तिष्ठन्ति विश्वहा ।
पृथिवी विश्वधायसं धृतामच्छावदामसि ॥२७॥

उदीराणा उतासीनास्तिष्ठन्तः प्रक्रामन्तः ।
पद्भ्यां दक्षिणसव्याभ्यां मा व्यथिष्महि भूम्याम् ॥२८॥

विमृग्वरीं पृथिवीमा वदामि क्षमां भूमिं ब्रह्मणा वावृधानाम् ।
ऊर्जं पुष्टं बिभ्रतीमन्नभागं घृतं त्वाभि नि षीदेम भूमे ॥२९॥

शुद्धा न आपस्तन्वे चरन्तु यो नः सेदुरप्रिये तं नि दध्मः ।
पवित्रेण पृथिवि मोत्पुनामि ॥३०॥

यास्ते प्राचीः प्रदिशो या उदीचीर्यास्तै भूमे अधराद्याश्च पश्चात् ।
स्योनास्ता मह्यं चरते भवन्तु मा नि पप्तं भुवने शिश्रियाणः ॥३१॥

मा नः पश्चान्मा पुरस्तान्नुदिष्टा मोत्तरादधरादुत ।
स्वस्ति भूमे नो भव मा विदन्परिपन्थिनो वरीयो यावया वधम् ॥३२॥

यावत्तेऽभि विपश्यामि भूमे सूर्येण मेदिना ।
तावन्मे चक्षुर्मा मेष्टोत्तरामुत्तरां समाम् ॥३३॥

यच्छयानः पर्यावर्ते दक्षिणं सव्यमभि भूमे पार्श्वम्
उत्तानास्त्वा प्रतीचीं यत्पृष्ठीभिरधिशेमहे ।
मा हिंसीस्तत्र नो भूमे सर्वस्य प्रतिशीवरि ॥३४॥

यत्ते भूमे विखनामि क्षिप्रं तदपि रोहतु ।
मा ते मर्म विमृग्वरि मा ते हृदयमर्पिपम् ॥३५॥

ग्रीष्मस्तै भूमे वर्षाणि शरद्धैमन्तः शिशिरो वसन्तः ।
ऋतवस्ते विहिता हायनीरहोरात्रे पृथिवि नो दुहाताम् ॥३६॥

यापं सर्पं विजमाना विमृग्वरी यस्यामासन्नग्रयो ये अप्स्वशुन्तः ।
परा दस्युन्ददती देवपीयूनिन्द्रं वृणाना पृथिवी न वृत्रम् ।
शक्राय दधे वृषभाय वृष्णे ॥३७॥

यस्यां सदोहविधनि यूपो यस्यां निमीयते ।
ब्रह्माणो यस्यामर्चन्त्यृग्भिः साम्ना यजुर्विदः ।
युज्यन्ते यस्यामृत्विजः सोममिन्द्राय पातवे ॥३८॥

यस्यां पूर्वे भूतकृत ऋषयो गा उदानृचुः ।
सप्त सत्रेण वेधसो यज्ञेन तपसा सह ॥३९॥

सा नो भूभिरा दिशतु यद्धनं कामयामहे ।
भगो अनुप्रयुङ्गामिन्द्र एतु पुरोगवः ॥४०॥

यस्यां गायन्ति नृत्यन्ति भूम्यां मर्त्या व्यैलबाः ।
युध्यन्ते यस्यामाक्रन्दो यस्यां वदति दुन्दुभिः ।
सा नो भूमिः प्र गुदतां सपत्नानसपत्नं मा पृथिवी कृणोतु ॥४१॥

यस्यामन्नं व्रीहियवौ यस्या इमाः पञ्च कृष्टयः ।
भूम्यै पर्जन्यपत्न्यै नमोऽस्तु वर्षमैदसे ॥४२॥

यस्याः पुरो देवकृताः क्षेत्रे यस्या विकुर्वते ।
प्रजापतिः पृथिवीं विश्वर्गर्भामाशां रग्यां नः कृणोतु ॥४३॥

निधिं बिभ्रती बहुधा गुहा वसुं मणिं हिरण्यं पृथिवी ददातु मे ।
वसूनि नो वसुदा रासमाना देवी दधातु सुमनस्यमाना ॥४४॥

जनं बिभ्रती बहुधा विवाचसं नानाधर्माणं पृथिवी यथौकसम् ।

स॒हस्रं॑ धारा॒ द्रवि॑णस्य मे दुहां ध्रुवे॑व॒ धे॒नुरन॑पस्फुरन्ती ॥४५॥

यस्तै॑ स॒र्पो वृश्चि॑कस्तृष्टदंश॒मा हे॒मन्त॑जब्धो भृ॒म॒लो गु॒हा शयै॑ ।
क्रि॒मि॒र्जि॒न्वत्पृ॑थिवि॒ यद्य॑दे॒जति॑ प्रा॒वृषि॑ तन्नः सर्प॒न्मोप॑ सृ॒पद्य॑च्छि॒वं तेन॑ नो
मृड ॥४६॥

ये ते॒ पन्था॑नो ब॒हवो॑ ज॒नार्य॑ना रथ॒स्य व॒र्त्मान॑सश्च या॒तवे॑ ।
यैः स॒ंचर॑न्त्यु॒भयै॑ भद्र॒पापा॑स्तं पन्था॑नं जये॒मानमि॒त्रम॑तस्करं यच्छि॒वं तेन॑
नो मृड ॥४७॥

म॒ल्वं बिभ्र॑ती गुरु॒भृद्द्र॑पापस्य॒ नि॒धनं॑ तिति॒क्षुः ।
व॒राहे॑ण॒ पृथि॒वी संवि॑दाना सू॒कराय॑ वि जिही॒ते मृ॒गाय ॥४८॥

ये त आ॒र॒ग्याः प॒शवो॑ मृ॒गा वने॑ हि॒ताः सि॒ंहा व्या॑घ्राः पु॒रुषा॑दश्चरन्ति ।
उ॒लं वृ॑कं पृथि॒वि दु॒च्छुना॑मित ऋ॒क्षीकां॑ रक्षो अप॒ बाध॑या॒स्मत् ॥४९॥

ये ग॒न्ध॒र्वा अ॒प्सर॑सो ये चा॒रायाः॑ कि॒मी॒दिनः॑ ।
पि॒शा॒चान्त्स॒र्वा रक्षांसि॑ तान॒स्मद्भू॑मे यावय ॥५०॥

यां द्वि॒पादः॑ प॒क्षिणः॑ संप॒तन्ति॑ हंसाः सु॒पर्णाः॑ श॒कुना॑ वयांसि ।
यस्यां॑ वा॒तो मा॒तरि॑श्वेयते रजांसि कृ॒रवं॑श्चा॒वयं॑श्च वृ॒क्षान् ।
वा॒तस्य॑ प्र॒वामु॑प॒वामनु॑ वा॒त्यर्चिः॑ ॥५१॥

यस्यां॑ कृ॒ष्णम॑रु॒णं च॒ संहि॑ते अ॒होरा॒त्रे वि॑हिते भूम्या॒मधि॑ ।
व॒र्षेण॑ भूमिः पृथि॒वी वृ॒तावृ॒ता सा नो॑ दधातु भ॒द्रया॑ प्रि॒ये धाम॑निधामनि
॥५२॥

द्यौश्च॑ म इ॒दं पृथि॒वी चान्तरि॑क्षं च मे व्य॒चः ।

अग्निः सूर्य आपो मेधां विश्वे देवाश्च सं ददुः ॥५३॥

अहमस्मि सहमान उत्तरो नाम भूम्याम् ।
अभीषाडस्म विश्वाषाडाशामाशां विषासहिः ॥५४॥

अदो यद्वैवि प्रथमाना पुरस्ताद्वैरुक्ता व्यसर्पो महित्वम् ।
आ त्वा सुभूतमविशत्तदानीमकल्पयथाः प्रदिशश्चतस्रः ॥५५॥

ये ग्रामा यदरण्यं याः सभा अधि भूम्याम् ।
ये संग्रामाः समितयस्तेषु चारु वदेम ते ॥५६॥

अश्व इव रजौ दुधुवे वि ताञ्जनान्य आक्षियन्पृथिवीं यादजायत ।
मन्द्राग्रेत्वरी भुवनस्य गोपा वनस्पतीनां गृभिरोषधीनाम् ॥५७॥

यद्वदामि मधुमत्तद्वदामि यदीक्षे तद्वनन्ति मा ।
त्विषीमानस्मि जूतिमानवान्यान्हन्मि दोधतः ॥५८॥

शन्तिवा सुरभिः स्योना कीलालोधी पयस्वती ।
भूमिरधि ब्रवीतु मे पृथिवी पयसा सह ॥५९॥

यामन्वैच्छद्भुविषा विश्वकर्मान्तरणवे रजसि प्रविष्टाम् ।
भुजिष्यंशु पात्रं निहितं गुहा यदाविर्भोगै अभवन्मातृमद्भः ॥६०॥

त्वमस्यावपनी जनानामदितिः कामदुघा पप्रथाना ।
यत्त ऊनं तत्त आ पूरयाति प्रजापतिः प्रथमजा ऋतस्य ॥६१॥

उपस्थास्तै अनमीवा अयक्ष्मा अस्मभ्यं सन्तु पृथिवि प्रसूताः ।
दीर्घं न आयुः प्रतिबुध्यमाना वयं तुभ्यं बलिहतः स्याम ॥६२॥

भूमै मातृर्नि धैहि मा भद्रया सुप्रतिष्ठितम् ।
संविदाना दिवा कवे श्रियां मां धेहि भूत्याम् ॥६३॥

(२) द्वितीयं सूक्तम्

(१-५५) पञ्चपञ्चाशदृचस्यास्य सूक्तस्य भृगुर्ऋषिः । (१-२०, ३४-५५)
प्रथमादिविंशत्यृचां चतुस्त्रिंश्यादिद्वाविंशतेश्चाग्निर्मन्त्रोक्ता वा (२१-३३)
एकविंश्यादित्रयोदशानाञ्च मृत्युर्देवता । (१, ४, १०-११, २१-३३, ५३)
प्रथमाचतुर्थीदशम्येकादशीनामेकविंश्यादित्रयोदशानां त्रिपञ्चाश्याश्च त्रिष्टुप्
(२, ५, १२-१५, १७, १९-२०, ३४-३६, ३८-३९, ४१, ४३, ५१, ५४)
द्वितीयापञ्चम्योर्द्वादश्यादिचतसृणां सप्तदश्येकोनविंशीविंशीनां
चतुस्त्रिंश्यादितृचस्याष्टात्रिंश्येकोनचत्वारिंश्येकचत्वारिंशीनां
त्रिचत्वारिंश्येकपञ्चाशीचतुष्पञ्चाशीनाञ्चानुष्टुप् (३) तृतीयाया आस्तरपङ्क्तिः
(६) षष्ठ्या भुरिगार्ची पङ्क्तिः (७, ४५) सप्तमीपञ्चचत्वारिंश्योर्जगती (८, ४८-४९)
अष्टम्यष्टचत्वारिंश्येकोनपञ्चाशीनां भुरिक्रिष्टुप् (९) नवम्या अनुष्टुब्गर्भा
विपरीतपादलक्ष्मा पङ्क्तिः (१६) षोडश्याःककुम्भती पराबृहत्यनुष्टुप् (१८) अष्टादश्या
निचृदनुष्टुप् (३७) सप्तत्रिंश्याः पुरस्ताद्बृहती (४०) चत्वारिंश्याः
पुरस्तात्ककुम्भत्यनुष्टुप् (४२) द्विचत्वारिंश्यास्त्रिपदैकावसाना भुरिगार्ची गायत्री
(४४) चतुश्चत्वारिंश्या एकावसाना द्विपदार्ची बृहती (४६) षट्चत्वारिंश्या
एकावसाना द्विपदा साम्नी त्रिष्टुप् (४७) सप्तचत्वारिंश्या पञ्चपदा बार्हतवैराजगर्भा
जगती (५०) पञ्चाश्या उपरिष्टाद्विराड्बृहती (५२) द्विपञ्चाश्याः पुरस्ताद्विराड्बृहती
(५५) पञ्चपञ्चाश्याश्च बृहतीगर्भा त्रिष्टुप् छन्दांसि
नृडमा रौह न ते अत्र लोक इदं सीसं भागधेयं त एहि ।
यो गोषु यद्मः पुरुषेषु यद्मस्तेन त्वं साकर्मधराड्परैहि ॥१॥

अघशंसदुःशंसाभ्यां करेणानुकरेण च ।
यद्मं च सर्वं तेनेतो मृत्युं च निरजामसि ॥२॥

निरितो मृत्युं निर्ऋतिं निररातिमजामसि ।
यो नो द्वेष्टि तमद्ध्यमे अक्रव्याद्यमु द्विष्मस्तमु ते प्र सुवामसि ॥३॥

यद्यग्निः क्रव्याद्यदि वा व्याघ्र इमं गोष्ठं प्रविवेशान्योकाः ।

तं माषाज्यं कृत्वा प्र हिणोमि दूरं स गच्छत्वप्सुषदोऽप्यग्नीन् ॥४॥

यत्त्वा क्रुद्धाः प्रचक्रुर्मन्युना पुरुषे मृते ।
सुकल्पमग्ने तत्त्वया पुनस्त्वोदीपयामसि ॥५॥

पुनस्त्वादित्या रुद्रा वसवः पुनर्ब्रह्मा वसुनीतिरग्ने ।
पुनस्त्वा ब्रह्मणस्पतिराधादीर्घायुत्वाय शतशारदाय ॥६॥

यो अग्निः क्रव्यात्प्रविवेश नो गृहमिमं पश्यन्नितरं जातवैदसम् ।
तं हरामि पितृयज्ञाय दूरं स घर्ममिन्धां परमे सधस्थे ॥७॥

क्रव्यादमग्निं प्र हिणोमि दूरं यमराज्ञो गच्छतु रिप्रवाहः ।
इहायमितरो जातवैदा देवो देवेभ्यो हव्यं वहतु प्रजानन् ॥८॥

क्रव्यादमग्निमिषितो हरामि जनान्दंहन्तं वज्रैण मृत्युम् ।
नि तं शास्मि गार्हपत्येन विद्वान्पितृणां लोकेऽर्पि भागो अस्तु ॥९॥

क्रव्यादमग्निं शशमानमुक्थ्यंश् प्र हिणोमि पृथिभिः पितृयारैः ।
मा देवयानैः पुनरा गा अत्रैवैधि पितृषु जागृहि त्वम् ॥१०॥

समिन्धते संकसुकं स्वस्तये शुद्धा भवन्तः शुचयः पावकाः ।
जहाति रिप्रमत्येन एति समिद्धो अग्निः सुपुना पुनाति ॥११॥

देवो अग्निः संकसुको दिवस्पृष्ठान्यारुहत् ।
मुच्यमानो निरेणसोऽमौगस्मा अशस्त्याः ॥१२॥

अस्मिन्वयं संकसुके अग्नौ रिप्राणि मृज्महे ।
अभूम यज्ञियाः शुद्धाः प्र ण आयूषि तारिषत् ॥१३॥

संकसुको विकसुको निर्ऋथो यश्च निस्वरः ।
ते ते यद्मं सर्वैदसो दूराहूरमनीनशन् ॥१४॥

यो नो अश्वेषु वीरेषु यो नो गोष्वजाविषु ।
क्रव्यादं निर्णुदामसि यो अग्निर्जनयोपनः ॥१५॥

अन्येभ्यस्त्वा पुरुषेभ्यो गोभ्यो अश्वेभ्यस्त्वा ।
निः क्रव्यादं नुदामसि यो अग्निर्जीवितयोपनः ॥१६॥

यस्मिन्देवा अमृजत यस्मिन्मनुष्या उत ।
तस्मिन्वृत्स्तावौ मृष्ट्वा त्वमग्ने दिवं रुह ॥१७॥

समिद्धो अग्न आहुत स नो माभ्यपक्रमीः ।
अत्रैव दीदिहि द्यवि ज्योक्च सूर्यं दृशे ॥१८॥

सीसै मृड्वं नुदे मृड्वमग्रौ संकसुके च यत् ।
अथो अव्यां रामायां शीर्षक्तिमुपबर्हणे ॥१९॥

सीसे मलं सादयित्वा शीर्षक्तिमुपबर्हणे ।
अव्यामसिकन्यां मृष्ट्वा शुद्धा भवत यज्ञियाः ॥२०॥

परं मृत्यो अनु परैहि पन्थां यस्त एष इतरो देवयानात् ।
चक्षुष्मते शृण्वते तै ब्रवीमीहेमे वीरा बहवो भवन्तु ॥२१॥

इमे जीवा वि मृतैराववृत्रन्नभूद्द्रा देवहूतिर्नो अद्य ।
प्राञ्चौ अगाम नृतये हसाय सुवीरासो विदथमा वदेम ॥२२॥

इमं जीवेभ्यः परिधिं दधामि मैषां नु गादपरो अर्थमेतम् ।

श॒तं जी॒वन्तः श॒रदः पु॒रूची॒स्तिरो मृ॒त्युं द॒धतां प॒र्वतेन ॥ २३ ॥

आ रौ॒हता॒युर्ज॒रसं वृ॒णाना अ॒नुपूर्व॑ य॒तमाना॑ य॒ति स्थ ।
तान्॒वस्त्व॒ष्टा सु॒जनि॑मा स॒जोषाः॑ स॒र्वमा॒युर्न॒यतु जी॒वनाय ॥ २४ ॥

यथाहा॑न्यनुपूर्व॑ भव॑न्ति यथ॑र्तव॑ ऋ॒तुभि॒र्यन्ति॑ सा॒कम् ।
यथा॑ न पूर्॒वम॑परो॒ जहा॑त्ये॒वा धा॑त॒रायू॑षि क॒ल्पयै॑षाम् ॥ २५ ॥

अश्म॑न्वती री॒यते सं र॑भ॒ध्वं वी॒रय॑ध्वं प्र॒ तर॑ता सखा॒यः ।
अत्रा॑ जही॒त ये अस॑न्दु॒रेवा॑ अन॒मीवा॒नुत्तरे॑मा॒भि वाजा॑न् ॥ २६ ॥

उत्ति॑ष्ठ॒ता प्र॒ तर॑ता सखा॒योऽश्म॑न्वती न॒दी स्य॑न्दत इ॒यम् ।
अत्रा॑ जही॒त ये अस॑न्नशि॒वाः शि॒वान्त्स्यो॒नानु॑त्तरे॒माभि॑ वाजा॑न् ॥ २७ ॥

वैश्व॑दे॒वीं वर्च॑सा आ र॑भ॒ध्वं शु॒द्धा भव॑न्तः शु॒चयः॑ पा॒वकाः॑ ।
अ॒ति॒क्राम॑न्तो दुरि॒ता प॒दानि॑ श॒तं हि॒माः स॒र्ववी॒रा म॑देम ॥ २८ ॥

उ॒दी॒चीनैः॑ प॒थिभि॑र्वा॒युम॒द्भिर॑ति॒क्राम॑न्तोऽव॒रान्प॑रै॒भिः ।
त्रिः स॒प्त कृ॒त्व ऋ॒षयः॑ प॒रैता॑ मृ॒त्युं प्र॒त्यौह॑न्प॒दयो॑प॒नेन ॥ २९ ॥

मृ॒त्योः प॒दं यो॑प॒र्यन्त॑ ए॒त द्रा॒घीय॑ आ॒युः प्र॒तरं॑ द॒धानाः॑ ।
आसी॑ना मृ॒त्युं नु॑दता स॒धस्थे॑ऽथ जी॒वासौ वि॒दथ॑मा व॒देम ॥ ३० ॥

इ॒मा ना॒रीर॑वि॒धवाः॑ सु॒पत्नी॑रा॒ज्जने॑न स॒र्पिषा॑ सं स्पृ॒शन्ता॑म् ।
अ॒न॒श्रवो॑ अन॒मीवाः॑ सु॒रत्वा॑ आ रौ॒हन्तु॑ ज॒नयो॑ योनि॒मग्रे॑ ॥ ३१ ॥

व्या॒करो॑मि ह॒विषा॑हमे॒तौ तौ ब्र॒ह्मणा॑ व्य॒शुहं॑ क॒ल्पया॑मि ।
स्व॒धां पि॒तृभ्यो॑ अ॒जरां॑ कृ॒णोमि॑ दी॒र्घेणा॑यु॒षा स॒मिमा॑न्त्सृ॒जामि ॥ ३२ ॥

यो नो अग्निः पितरो हृत्स्वशुन्तराविवेशामृतो मर्त्येषु ।
मय्यहं तं परि गृह्णामि देवं मा सो अस्मान्द्विज्ञत् मा वयं तम् ॥३३॥

अपावृत्य गार्हपत्यात्क्रव्यादा प्रेतं दक्षिणा ।
प्रियं पितृभ्य आत्मनै ब्रह्मभ्यः कृणुता प्रियम् ॥३४॥

द्विभागधनमादाय प्र क्षिणात्यवर्त्या ।
अग्निः पुत्रस्य ज्येष्ठस्य यः क्रव्यादनिराहितह ॥३५॥

यत्कृषते यद्वनुते यच्च वस्त्रेन विन्दते ।
सर्वं मर्त्यस्य तन्नास्ति क्रव्याद्वेदनिराहितः ॥३६॥

अयज्ञियो हतवर्चा भवति नैनै हविरत्तवे ।
छिनत्ति कृष्या गोर्धनाद्यं क्रव्यादनुवर्तते ॥३७॥

मुहुर्गृध्यैः प्र वदत्यार्तिं मर्त्यो नीत्य ।
क्रव्याद्यानग्निरन्तिकादनुविद्वान्वितावति ॥३८॥

ग्राह्या गृहाः सं सृज्यन्ते स्त्रिया यन्म्रियते पतिः ।
ब्रह्मैव विद्वानेष्योरे यः क्रव्यादं निरादधत् ॥३९॥

यद्रिप्रं शर्मलं चकृम यच्च दुष्कृतम् ।
आपो मा तस्माच्छुम्भन्त्वग्नेः संकसुकाच्च यत् ॥४०॥

ता अधुरादुदीचीराववृत्रन्प्रजानतीः पृथिभिर्देवयानैः ।
पर्वतस्य वृषभस्याधि पृष्ठे नवाश्चरन्ति सरितः पुराणीः ॥४१॥

अग्ने अक्रव्यान्निः क्रव्यादं नुदा देवयजनं वह ॥४२॥

इमं क्रव्यादा विवेशायं क्रव्यादमन्वगात् ।
व्याग्री कृत्वा नानानं तं हरामि शिवापरम् ॥४३॥

अन्तर्धिर्देवानां परिधिर्मनुष्याणामग्निर्गार्हपत्य उभयानन्तरा श्रितः
॥४४॥

जीवानामायुः प्र तिर त्वमग्ने पितृणां लोकमपि गच्छन्तु ये मृताः ।
सुगार्हपत्यो वितपन्नरातिमुषामुषां श्रेयसीं धेह्यस्मै ॥४५॥

सर्वानग्ने सहमानः सपत्नानैषामूर्जं रयिमस्मासु धेहि ॥४६॥

इममिन्द्रं वह्निं पप्रिमन्वारभध्वं स वो निर्वक्षदुरिताद्वद्यात् ।
तेनाप हत शरुमापतन्तं तेन रुद्रस्य परि पातास्ताम् ॥४७॥

अनुड्वाहं प्लवमन्वारभध्वं स वो निर्वक्षदुरिताद्वद्यात् ।
आ रोहत सवितुर्नावमेतां षड्भरुर्वीभिरमतिं तरेम ॥४८॥

अहोरात्रे अन्वेषि बिभ्रत्क्षेम्यस्तिष्ठन्प्रतरणः सुवीरः ।
अनातुरान्तसुमनसस्तल्प बिभ्रज्जयोगेव नः पुरुषगन्धिरेधि ॥४९॥

ते देवेभ्य आ वृश्चन्ते पापं जीवन्ति सर्वदा ।
क्रव्याद्यानग्निरन्तिकादश्च इवानुवपते नडम् ॥५०॥

येऽश्रद्धा धनकाम्या क्रव्यादा समासते ।
ते वा अन्येषां कुर्भीं पर्यादधति सर्वदा ॥५१॥

प्रेवं पिपतिषति मनसा मुहुरा वर्तते पुनः ।
क्रव्याद्यानग्निरन्तिकादनुविद्वान्वितावति ॥५२॥

अविः कृष्णा भागुधेयं पशूनां सीसं क्रव्यादपि चन्द्रं तं आहुः ।
माषाः पिष्टा भागुधेयं ते हव्यमरगयान्या गह्वरं सचस्व ॥५३॥

इषीकां जरतीमिष्टा तिल्पिञ्जं दण्डनं नडम् ।
तमिन्द्रं इध्मं कृत्वा यमस्याग्निं निरादधौ ॥५४॥

प्रत्यञ्चमर्कं प्रत्यर्पयित्वा प्रविद्वान्पन्थां वि ह्या विवेश ।
परामीषामसून्दिदेश दीर्घेणायुषा समिमान्तसृजामि ॥५५॥

(३) तृतीयं सूक्तम्

(१-६०) षष्ट्युचस्यास्य सूक्तस्य यम ऋषिः । स्वर्गौदनाग्रयो देवताः ।

(१, ४२-४३, ४७) प्रथमर्चो द्विचत्वारिंशीत्रिचत्वारिंशीसप्तचत्वारिंशीनाञ्च भुरिक्त्रिष्टुप्
(२-७, ९-११, १४-१६, १८-२०, २३, २५-३३, ३५-३८, ४०-४१, ४५-४६, ४८-
५८) द्वितीयादितृचद्वयस्य नवम्यादितृचस्य चतुर्दश्यादितृचस्याष्टादश्यादितृचस्य

त्रयोविंश्याः पञ्चविंश्यादिनवानां पञ्चत्रिंश्यादिचतसृणां

चत्वारिंशेकचत्वारिंशीपञ्चचत्वारिंशीषट्चत्वारिंशीनामष्टचत्वारिंश्यादिसप्तानाञ्च त्रिष्टुप्
(८, १२, २१-२२, २४) अष्टमीद्वादशेकविंशीद्वाविंशीचतुर्विंशीनां त्रिष्टुप्

(३६) एकोनचत्वारिंश्या अनुष्टुब्गर्भा त्रिष्टुप् (४४) चतुश्चत्वारिंश्याः पराबृहती त्रिष्टुप्

(५५-६०) पञ्चपञ्चाश्यादिषण्णाञ्च त्र्यवसाना सप्तपदा

शङ्कुमत्यतिजागतशाक्वरातिशाक्वरधार्त्यगर्भातिधृतिश्छन्दांसि

((५६) षट्पञ्चाश्या विराट् कृतिः अवशिष्टानाञ्च कृतिः)

पुमान्युंसोऽधि तिष्ठ चर्मैहि तत्र ह्यस्व यतमा प्रिया तै ।
यावन्तावग्रे प्रथमं समेयथुस्तद्वां वयो यमराज्यै समानम् ॥१॥

तावद्वां चक्षुस्तति वीर्याग्नि तावत्तेजस्ततिधा वाजिनानि ।
अग्निः शरीरं सचते यदैधोऽधा पक्वान्मिथुना सं भवाथः ॥२॥

समस्मिल्लोके समु देवयाने सं स्मा समेतं यमराज्येषु ।
पूतौ पवित्रैरुप तद्धवयेथां यद्यद्रेतो अर्धि वां संबभूव ॥३॥

आपस्पुत्रासो अभि सं विशध्वमिमं जीवं जीवधन्याः सुमेत्यं ।
तासां भजध्वममृतं यमाहुर्यमौदनं पचति वां जनित्री ॥४॥

यं वां पिता पचति यं च माता रिप्रान्निर्मुक्त्यै शर्मलाच्च वाचः ।
स औदनः शतधारः स्वर्ग उभे व्यापु नभसी महित्वा ॥५॥

उभे नभसी उभयांश्च लोकान्ये यज्वनामभिर्जिताः स्वर्गाः ।
तेषां ज्योतिष्मान्मधुमान्यो अग्रे तस्मिन्पुत्रैर्जरसि सं श्रयेथाम् ॥६॥

प्राचींप्राचीं प्रदिशमा रभेथामेतं लोकं श्रद्धांनाः सचन्ते ।
यद्वां पक्वं परिविष्टमग्नौ तस्य गुप्तये दम्पती सं श्रयेथाम् ॥७॥

दक्षिणां दिशमभि नक्षमाणौ पर्यावर्तेथामभि पात्रमेतत् ।
तस्मिन्वां यमः पितृभिः संविदानः पक्वायु शर्म बहुलं नि यच्छात् ॥८॥

प्रतीचीं दिशामियमिद्वरं यस्यां सोमो अधिपा मृडिता च ।
तस्यां श्रयेथां सुकृतः सचेथामधा पक्वान्मिथुना सं भवाथः ॥९॥

उत्तरं राष्ट्रं प्रजयोत्तरावद्विशामुदीची कृणवन्नो अग्रम् ।
पाङ्कं छन्दः पुरुषो बभूव विश्वैर्विश्वाङ्गैः सह सं भवेम ॥१०॥

ध्रुवेयं विराणनमौ अस्त्वस्यै शिवा पुत्रेभ्य उत मह्यमस्तु ।
सा नो देव्यदिते विश्ववार इर्य इव गोपा अभि रक्ष पक्वम् ॥११॥

पितेवं पुत्रानभि सं स्वजस्व नः शिवा नो वाता इह वान्तु भूमौ ।
यमौदनं पचतो देवतै इह तन्नस्तप उत सत्यं च वेत्तु ॥१२॥

यद्यत्कृष्णः शकुन एह गत्वा त्सरन्विषक्तं बिलं आससाद ।

यद्वा दास्यार्द्रहस्ता समङ्ग उलूखलं मुसलं शुम्भतापः ॥१३॥

अयं ग्रावा पृथुबुधो वयोधाः पूतः पवित्रैरप हन्तु रक्षः ।
आ रोह चर्म महि शर्म यच्छ मा दंपती पौत्रमघं नि गाताम् ॥१४॥

वनस्पतिः सह देवैर्न आगन्नक्षः पिशाचाँ अपबाधमानः ।
स उच्छ्रयातै प्र वदाति वाचं तेन लोकाँ अभि सर्वाञ्जयेम ॥१५॥

सप्त मेधान्यशवः पर्यगृह्णन् एषां ज्योतिष्माँ उत यश्चकर्श ।
त्रयस्त्रिंशद्देवतास्तान्त्सचन्ते स नः स्वर्गमभि नैष लोकम् ॥१६॥

स्वर्गं लोकमभि नो नयासि सं जायया सह पुत्रैः स्याम ।
गृह्णामि हस्तमनु मैत्वत्र मा नस्तारीन्निर्ऋतिर्मो अरातिः ॥१७॥

ग्राहिं पाप्मानमति ताँ अयाम् तमो व्यस्य प्र वदासि वल्गु ।
वानस्पत्य उद्यतो मा जिहिंसीर्मा तण्डुलं वि शरीर्देवयन्तम् ॥१८॥

विश्वव्यचा घृतपृष्ठो भविष्यन्त्सयौनिर्लोकमुप याह्येतम् ।
वर्षवृद्धमुप यच्छ शूर्पं तुषं पलावानप तद्विनक्तु ॥१९॥

त्रयो लोकाः संमिता ब्राह्मणेन द्यौरेवासौ पृथिव्यश्नतरिक्षम् ।
अंशून्गृभीत्वान्वारभेथामा प्यायन्तां पुनरा यन्तु शूर्पम् ॥२०॥

पृथगूपाणि बहुधा पशूनामेकरूपो भवसि सं समृद्ध्या ।
एतां त्वचं लोहिनीं तां नुदस्व ग्रावा शुम्भाति मलग इव वस्त्रा ॥२१॥

पृथिवीं त्वा पृथिव्यामा वैशयामि तनूः समानी विकृता त एषा ।
यद्यद्द्युत्तं लिखितमर्पणेन तेन मा सुस्त्रोर्ब्रह्मणापि तद्वपामि ॥२२॥

जनित्रीवृ प्रति हर्यासि सूनुं सं त्वां दधामि पृथिवीं पृथिव्या ।
उखा कुम्भी वेद्यां मा व्यथिष्ठा यज्ञायुधैराज्येनातिषक्ता ॥२३॥

अग्निः पचन्नक्षतु त्वा पुरस्तादिन्द्रो रक्षतु दक्षिणतो मरुत्वान् ।
वरुणस्त्वा दृहाद्धरुणो प्रतीच्या उत्तरात्त्वा सोमः सं ददातै ॥२४॥

पूताः पवित्रैः पवन्ते अभ्रादिवं च यन्ति पृथिवीं च लोकान् ।
ता जीवला जीवधन्याः प्रतिष्ठाः पात्र आसिक्ताः पर्यग्निरिन्धाम् ॥२५॥

आ यन्ति दिवः पृथिवीं सचन्ते भूम्याः सचन्ते अध्यन्तरिक्षम् ।
शुद्धाः सतीस्ता उ शुम्भन्त एव ता नः स्वर्गमभि लोकं नयन्तु ॥२६॥

उतेव प्रभ्वीरुत संमितास उत शुक्राः शुचयश्चामृतासः ।
ता औदनं दंपतिभ्यां प्रशिष्ठा आपः शिक्वन्तीः पचता सुनाथाः ॥२७॥

संख्याता स्तोकाः पृथिवीं सचन्ते प्राणापानैः संमिता ओषधीभिः ।
असंख्याता ओप्यमानाः सुवर्णाः सर्वं व्यापुः शुचयः शुचित्वम् ॥२८॥

उद्योधन्त्यभि वल्गन्ति तप्ताः फेनमस्यन्ति बहुलांश्च बिन्दून् ।
योषैव दृष्ट्वा पतिमृत्वियायैतैस्तरडुलैर्भवता समापः ॥२९॥

उत्थापय सीदतो बुध्न एनानुद्धिरात्मानमभि सं स्पृशन्ताम् ।
अमासि पात्रैरुदकं यदेतन्मितास्तरडुलाः प्रदिशो यदीमाः ॥३०॥

प्र यच्छु पशुं त्वरया हरौसमहिंसन्त ओषधीर्दान्तु पर्वन् ।
यासां सोमः परि राज्यं बभूवामन्युता नो वीरुधो भवन्तु ॥३१॥

नवं बर्हिरोदनाय स्तृणीत प्रियं हृदश्चक्षुषो वल्वस्तु ।

तस्मिन्देवाः सह दैवीर्विशन्त्विमं प्राशनन्त्वृतुभिर्निषद्य ॥३२॥

वनस्पते स्तीर्णमा सीद बर्हिरग्निष्टोभैः संमितो देवताभिः ।
त्वष्ट्रेव रूपं सुकृतं स्वधित्यैना एहाः परि पात्रे ददृश्राम् ॥३३॥

षष्ट्यां शरत्सु निधिपा अभीच्छात्स्वः पक्वेनाभ्यश्नवातै ।
उपैनं जीवान्पितरश्च पुत्रा एतं स्वर्गं गमयान्तमग्नेः ॥३४॥

धृता ध्रियस्व धरुणै पृथिव्या अच्युतं त्वा देवताश्चयावयन्तु ।
तं त्वा दंपती जीवन्तौ जीवपुत्रावुद्वासयातः पर्यग्निधानात् ॥३५॥

सर्वान्समागा अभिजित्य लोकान्यावन्तः कामाः समतीतृपस्तान् ।
वि गाहेथामायवनं च दविरिकस्मिन्पात्रे अध्युद्धरैनम् ॥३६॥

उप स्तृणीहि प्रथय पुरस्ताद्धृतेन पात्रमभि घारयैतत् ।
वाश्रेवोस्त्रा तरुणं स्तनस्युमिमं देवासो अभिहिङ्करोत ॥३७॥

उपास्तरिरकरो लोकमेतमुरुः प्रथतामसमः स्वर्गः ।
तस्मिञ्छ्रयातै महिषः सुपर्णो देवा एनं देवताभ्यः प्र यच्छान् ॥३८॥

यद्यज्ञाया पचति त्वत्परःपरः पतिर्वा जाये त्वत्तिरः ।
सं तत्सृजेथां सह वां तदस्तु संपादयन्तौ सह लोकमेकम् ॥३९॥

यावन्तो अस्याः पृथिवीं सचन्ते अस्मत्पुत्राः परि ये संबभूवुः ।
सर्वास्तां उप पात्रे ह्वयेथां नाभिं जानानाः शिशवः समार्यान् ॥४०॥

वसोर्या धारा मधुना प्रपीना घृतेन मिश्रा अमृतस्य नाभयः ।
सर्वास्ता अव रुन्धे स्वर्गः षष्ट्यां शरत्सु निधिपा अभीच्छात् ॥४१॥

निधिं निधिपा अभ्ये नमिच्छादनीश्वरा अभितः सन्तु येऽन्ये ।
अस्माभिर्दत्तो निहितः स्वर्गस्त्रिभिः कारुडैस्त्रीन्त्स्वर्गानरुद्धत् ॥४२॥

अग्नी रक्षस्तपतु यद्विदेवं क्रव्यात्पिशाच इह मा प्र पास्त ।
नुदाम एनमप रुध्मो अस्मदादित्या एनमङ्गिरसः सचन्ताम् ॥४३॥

आदित्येभ्यो अङ्गिरोभ्यो मध्वदं घृतेन मिश्रं प्रति वेदयामि ।
शुद्धहस्तौ ब्राह्मणस्यानिहत्यैतं स्वर्गं सुकृतावपीतम् ॥४४॥

इदं प्रापमुत्तमं कारुडमस्य यस्माल्लोकात्परमेष्ठी समाप ।
आ सिञ्च सर्पिर्घृतवत्समङ्ग्येष भागो अङ्गिरसो नो अत्र ॥४५॥

सत्याय च तपसे देवताभ्यो निधिं शैवधिं परि दद्य एतम् ।
मा नो द्यूतेऽव गान्मा समित्यां मा स्मान्यस्मा उत्सृजता पुरा मत् ॥४६॥

अहं पंचाम्यहं ददामि ममेदु कर्मन्करुणेऽधि जाया ।
कौमारो लोको अजनिष्ट पुत्रोऽन्वारभेथां वय उत्तरावत् ॥४७॥

न किल्बिषमत्र नाधारो अस्ति न यन्मित्रैः समममान एति ।
अनूनं पात्रं निहितं न एतत्पत्कारं पक्वः पुनरा विशाति ॥४८॥

प्रियं प्रियाणां कृण्वाम तमस्ते यन्तु यतमे द्विषन्ति ।
धेनुरनड्वान्वयौवय आयदेव पौरुषेयमप मृत्युं नुदन्तु ॥४९॥

समग्र्यौ विदुरन्यो अन्यं य ओषधीः सचते यश्च सिन्धून् ।
यावन्तो देवा दिव्याऽतपन्ति हिरण्यं ज्योतिः पचतो बभूव ॥५०॥

एषा त्वचां पुरुषे सं बभूवानग्राः सर्वे पशवो ये अन्ये ।

क्षत्रेणात्मानं परि धापयाथोऽमोतं वासो मुखमोदनस्य ॥५१॥

यदक्षेषु वदा यत्समित्यां यद्वा वदा अनृतं वित्तकाम्या ।
समानं तन्तुमभि संवसानौ तस्मिन्सर्वं शर्मलं सादयाथः ॥५२॥

वर्षं वनुष्वापि गच्छ देवांस्त्वचो धूमं पर्युत्पातयासि ।
विश्वव्यचा घृतपृष्ठो भविष्यन्त्सयौनिर्लोकमुप याह्येतम् ॥५३॥

तन्वं स्वर्गो बहुधा वि चक्रे यथा विद आत्मन्नन्यवर्णाम् ।
अपाजैत्कृष्णां रुशतीं पुनानो या लोहिनी तां तै अग्नौ जुहोमि ॥५४॥

प्राच्यै त्वा दिशेऽग्रयेऽधिपतयेऽसिताय रक्षित्र आदित्यायेषुमते ।
एतं परि दद्यस्तं नौ गोपायतास्माकमैतौः ।
दिष्टं नो अत्र जरसे नि नैषजरा मृत्यवे परि णो ददात्वथ पक्वेन सह सं
भवेम ॥५५॥

दक्षिणायै त्वा दिश इन्द्रायाधिपतये तिरश्चिराजये रक्षित्रे यमायेषुमते ।
एतं परि दद्यस्तं नौ गोपायतास्माकमैतौः ।
दिष्टं नो अत्र जरसे नि नैषजरा मृत्यवे परि णो ददात्वथ पक्वेन सह सं
भवेम ॥५६॥

प्रतीच्यै त्वा दिशे वरुणायाधिपतये पृदाकवे रक्षित्रेऽन्नायेषुमते ।
एतं परि दद्यस्तं नौ गोपायतास्माकमैतौः ।
दिष्टं नो अत्र जरसे नि नैषजरा मृत्यवे परि णो ददात्वथ पक्वेन सह सं
भवेम ॥५७॥

उदीच्यै त्वा दिशे सोमायाधिपतये स्वजाय रक्षित्रेऽशन्या इषुमत्यै ।
एतं परि दद्यस्तं नौ गोपायतास्माकमैतौः ।

दिष्टं नो अत्र जुरसे नि नैषज्जरा मृत्यवे परि णो ददात्वथ पक्वेन सह सं
भवेम ॥५८॥

ध्रुवायै त्वा दिशे विष्णवेऽधिपतये कल्माषग्रीवाय रक्षित्र ओषधीभ्यु
इषुमतीभ्यः ।

एतं परि दद्यस्तं नो गोपायतास्माकमैतौः ।

दिष्टं नो अत्र जुरसे नि नैषज्जरा मृत्यवे परि णो ददात्वथ पक्वेन सह सं
भवेम ॥५९॥

ऊर्ध्वायै त्वा दिशे बृहस्पतयेऽधिपतये श्वित्राय रक्षित्रे वर्षायेषुमते ।

एतं परि दद्यस्तं नो गोपायतास्माकमैतौः ।

दिष्टं नो अत्र जुरसे नि नैषज्जरा मृत्यवे परि णो ददात्वथ पक्वेन सह सं
भवेम

(४) चतुर्थं सूक्तम्

(१-५३) त्रिपञ्चाशदृचस्यास्य सूक्तस्य कश्यप ऋषिः । वशा देवता ।

(१-६, ८-१६, २१-३१, ३३-४१, ४३-५३)

प्रथमादिषट्चामष्टम्यादिद्वादशानामेकविंश्याद्येकादशानां त्रयस्त्रिंश्यादिनवानां

त्रिचत्वारिंश्याद्येकादशानाञ्चानुष्टुप् (७) सप्तम्या भुरिगनुष्टुप्

(२०) विंश्या विराडनुष्टुप् (३२) द्वात्रिंश्या उष्णिग्बृहतीगर्भानुष्टुप्

(४२) द्विचत्वारिंश्याश्च बृहतीगर्भानुष्टुप् छन्दांसि

ददामीत्येव ब्रूयादनु चैनामभुत्सत ।

वशां ब्रह्मभ्यो याचद्भ्यस्तत्प्रजावदपत्यवत् ॥१॥

प्रजया स वि क्रीणीते पशुभिश्चोप दस्यति ।

य आर्षेयेभ्यो याचद्भ्यो देवानां गां न दित्सति ॥२॥

कूटयास्य सं शीर्यन्ते श्लोण्या कातमर्दति ।

ब्रण्डया दह्यन्ते गृहाः काण्या दीयते स्वम् ॥३॥

विलोहितो अधिष्ठानाच्छुक्नो विन्दति गोपतिम् ।
तथा वशायाः संविद्यं दुरदभ्ना ह्युच्यसे ॥४॥

पदोरस्या अधिष्ठानाद्विक्लिन्दुर्नाम विन्दति ।
अनामनात्सं शीर्यन्ते या मुखेनोपजिघ्रति ॥५॥

यो अस्याः कर्णावास्कनोत्या स देवेषु वृश्चते ।
लक्ष्मं कुर्व इति मन्यते कनीयः कृणुते स्वम् ॥६॥

यदस्याः कस्मै चिद्भोगाय बालान्कश्चित्प्रकृन्तति ।
ततः किशोरा म्रियन्ते वृत्सांश्च घातुको वृकः ॥७॥

यदस्या गोपतौ सत्या लोम ध्वाङ्गो अजीहिडत् ।
ततः कुमार म्रियन्ते यदमो विन्दत्यनामनात् ॥८॥

यदस्याः पल्पूलनं शकृद्दासी समस्यति ।
ततोऽपरूपं जायते तस्मादव्यैष्यदेनसः ॥९॥

जायमानाभि जायते देवान्त्सब्राह्मणान्वशा ।
तस्माद्ब्रह्मभ्यो देयैषा तदाहुः स्वस्य गोपनम् ॥१०॥

य एनां वनिमायन्ति तेषां देवकृता वशा ।
ब्रह्मज्येयं तदब्रुवन् एनां निप्रियायते ॥११॥

य आर्षेयेभ्यो याचञ्चो देवानां गां न दित्सति ।
आ स देवेषु वृश्चते ब्राह्मणानां च मन्यवे ॥१२॥

यो अस्य स्याद्दशाभोगो अन्यामिच्छेत् तर्हि सः ।

हिंस्ते अर्दत्ता पुरुषं याचितां च न दित्सति ॥१३॥

यथा शेवधिर्निहितो ब्राह्मणानां तथा वृशा ।
तामेतदच्छायन्ति यस्मिन्कस्मिंश्च जायते ॥१४॥

स्वमेतदच्छायन्ति यद्वशां ब्राह्मणा अभि ।
यथैनानन्यस्मिञ्जिनीयादेवास्या निरोधनम् ॥१५॥

चरेदेवा त्रैहायणादविज्ञातगदा सृती ।
वृशां च विद्यान्नारद ब्राह्मणास्तर्ह्येष्याः ॥१६॥

य एनामवशामाह देवानां निहितं निधिम् ।
उभौ तस्मै भवाश्रवौ परिक्रम्येषुमस्यतह ॥१७॥

यो अस्य ऊधो न वेदार्थो अस्य स्तनानुत ।
उभयेनैवास्यै दुहे दातुं चेदशकद्वशाम् ॥१८॥

दुरदभैनमा शये याचितां च न दित्सति ।
नास्मै कामाः समृध्यन्ते यामदत्त्वा चिकीर्षति ॥१९॥

देवा वृशामयाचन्मुखं कृत्वा ब्राह्मणम् ।
तेषां सर्वेषामददद्धेडं न्येति मानुषः ॥२०॥

हेडं पशूनां न्येति ब्राह्मणेभ्योऽददद्वशाम् ।
देवानां निहितं भागं मर्त्यश्चेन्निप्रियायते ॥२१॥

यदन्ये शतं याचैयुर्ब्राह्मणा गोपतिं वृशाम् ।
अथैनां देवा अब्रुवन्नेवं हं विदुषो वृशा ॥२२॥

य एवं विदुषेऽदत्त्वाथान्येभ्यो ददद्दुशाम् ।
दुर्गा तस्मा अधिष्ठाने पृथिवी सहदेवता ॥ २३ ॥

देवा वशामयाचन्यस्मिन्नग्रे अजायत ।
तामेतां विद्यान्नारदः सह देवैरुदाजत ॥ २४ ॥

अनपत्यमल्पपशुं वशा कृणोति पूरुषम् ।
ब्राह्मणैश्च याचितामथैनां निप्रियायते ॥ २५ ॥

अग्नीषोमाभ्यां कामाय मित्राय वरुणाय च ।
तेभ्यो याचन्ति ब्राह्मणास्तेष्व्वा वृश्चतेऽददत् ॥ २६ ॥

यावदस्या गोपतिर्नोपशृणुयादृचः स्वयम् ।
चरेदस्य तावद्गोषु नास्य श्रुत्वा गृहे वसेत् ॥ २७ ॥

यो अस्य ऋच उपश्रुत्याथ गोष्वर्चीचरत् ।
आयुश्च तस्य भूतिं च देवा वृश्चन्ति हीडिताः ॥ २८ ॥

वशा चरन्ती बहुधा देवानां निहितो निधिः ।
आविष्कृणुष्व रूपाणि यदा स्थाम् जिघांसति ॥ २९ ॥

आविरात्मानं कृणुते यदा स्थाम् जिघांसति ।
अथो ह ब्रह्मभ्यो वशा याच्य्याय कृणुते मनः ॥ ३० ॥

मनसा सं कल्पयति तद्देवां अपि गच्छति ।
ततो ह ब्रह्माणो वशामुपप्रयन्ति याचितुम् ॥ ३१ ॥

स्वधाकारेण पितृभ्यो यज्ञेन देवताभ्यः ।

दानेन राज॒न्यो॑ व॒शाया॑ मा॒तुर्हेडं॑ न गच्छति ॥३२॥

व॒शा मा॒ता रा॑ज॒न्य॒स्य॒ तथा॒ संभू॑तमग्र॒शः ।
तस्या॑ आ॒हुर॑न॒र्पणं॑ यद्ब्र॒ह्म॒भ्यः॑ प्रदी॒यते॑ ॥३३॥

यथा॒ज्यं प्र॑गृही॒तमा॒लुम्पे॒त्सु॒चो अ॒ग्रये॑ ।
ए॒वा ह॑ ब्र॒ह्म॒भ्यो॑ व॒शाम॒ग्रय॑ आ वृ॒श्चते॑ऽद॒दत् ॥३४॥

पु॒रोडा॑श॒वत्सा॑ सु॒दुघा॑ लो॒केऽस्मा॑ उप॒ तिष्ठ॑ति ।
सा॒स्मै सर्वा॑न्का॒मान् व॒शा प्र॑द॒दुषे॑ दुहे ॥३५॥

सर्वा॑न्का॒मान्य॑म॒राज्ये॑ व॒शा प्र॑द॒दुषे॑ दुहे ।
अथा॑हु॒नारि॑कं लो॒कं निरु॑न्धा॒नस्य॑ याचि॒ताम् ॥३६॥

प्र॒वीय॑मा॒ना च॑रति क्रु॒द्धा गो॑प॒तये॑ व॒शा ।
वे॒हतं॑ मा॒ मन्य॑मानो मृ॒त्योः पा॑शेषु॒ बध्य॑ताम् ॥३७॥

यो वे॒हतं॑ मन्य॑मानोऽ॒मा च॑ प॒चते॑ व॒शाम् ।
अ॒प्यस्य॑ पु॒त्रान्पौ॒त्रांश्च॑ या॒चय॑ते बृ॒हस्प॑तिः ॥३८॥

म॒हद्रे॑षा॒व तप॑ति च॒रन्ती॑ गो॒षु गौर॑पि ।
अथो॑ ह॒ गोप॑तये व॒शाद॑दुषे॒ विषं॑ दुहे ॥३९॥

प्रि॒यं प॑शू॒नां भ॑वति॒ यद्ब्र॒ह्म॒भ्यः॑ प्रदी॒यते॑ ।
अथो॑ व॒शाया॒स्तप्रि॒यं यद्दे॒वत्रा॑ ह॒विः स्यात् ॥४०॥

या व॒शा उ॒दक॑ल्पय॒न्दे॒वा य॒ज्ञादु॑देत्य ।
तासां॑ विलि॒प्तचं॑ भी॒मामु॑दाकु॒रुत॑ ना॒दः ॥४१॥

तां देवा अमीमांसन्त वशेयाश्मवशेति ।
तामब्रवीन्नारद् एषा वशानां वशतमेति ॥४२॥

कति नु वशा नारद् यास्त्वं वेत्थ मनुष्यजाः ।
तास्त्वा पृच्छामि विद्वांसं कस्या नाशनीयादब्राह्मणः ॥४३॥

विलिप्त्या बृहस्पते या च सूतवशा वशा ।
तस्या नाशनीयादब्राह्मणो य आशंसैत भूत्याम् ॥४४॥

नमस्ते अस्तु नारदानुष्टु विदुषै वशा ।
कृतमासां भीमतामा यामदत्त्वा पराभवैत् ॥४५॥

विलिप्ती या बृहस्पतेऽथौ सूतवशा वशा ।
तस्या नाशनीयादब्राह्मणो य आशंसैत भूत्याम् ॥४६॥

त्रीणि वै वशाजातानि विलिप्ती सूतवशा वशा ।
ताः प्र यच्छेद्ब्रह्मभ्यः सोऽनावृस्कः प्रजापतौ ॥४७॥

एतद्वौ ब्राह्मणा हविरिति मन्वीत याचितः ।
वशां चेदेनं याचैयुर्या भीमाददुषो गृहे ॥४८॥

देवा वशां पर्यवदन्न नोऽदादिति हीडिताः ।
एताभिर्ऋग्भिर्भेदं तस्माद्वै स पराभवत् ॥४९॥

उतैनां भेदो नाददाद्दशामिन्द्रैण याचितः ।
तस्मात्तं देवा आगसोऽवृश्चन्नहमुत्तरे ॥५०॥

ये वशाया अदानाय वदन्ति परिरुपिणः ।

इन्द्रस्य मन्यवे जाल्मा आ वृश्चन्ते अचिन्त्या ॥५१॥

ये गोपतिं पराणीयाथाहुर्मा ददा इति ।
रुद्रस्यास्तां ते हेतीं परि यन्त्यचिन्त्या ॥५२॥

यदि हुतं यद्यहताममा च पचते वशाम् ।
देवान्त्सब्राह्मणानृत्वा जिह्वो लोकान्निर्गच्छति ॥५३॥

(५) पञ्चमं सूक्तम्

श्रमेण तपसा इत्यारभ्य सूर्य एनम् इत्यन्तानां सप्तपर्यायाणामथर्वाचार्य ऋषिः ।
ब्रह्मगवी देवता ॥

(१) प्रथमः पर्यायः

(१-६) षट्चस्यास्य पर्यायस्य (१) प्रथमर्चः प्राजापत्यानुष्टुप् (२) द्वितीयाया
भुरिक्साम्न्यनुष्टुप् (३) तृतीयायाश्चतुष्पदा स्वराडुष्णिक (४) चतुर्थ्या आसुर्यनुष्टुप्
(५) पञ्चम्याः साम्नी पङ्क्तिः (६) षष्ठ्याश्च साम्न्युष्णिक छन्दांसि
श्रमेण तपसा सृष्टा ब्रह्मणा वितर्ते श्रिता ॥१॥

सत्येनावृता श्रिया प्रावृता यशसा परीवृता ॥२॥

स्वधया परिहिता श्रद्धया पर्यूढा दीक्षया गुप्ता यज्ञे प्रतिष्ठिता लोको
निधनम् ॥३॥

ब्रह्म पदवायं ब्राह्मणोऽधिपतिः ॥४॥

तामाददानस्य ब्रह्मगवीं जिनतो ब्राह्मणं क्षत्रियस्य ॥५॥

अप क्रामति सूनृता वीर्यं पुण्या लक्ष्मीः ॥६॥

(२) द्वितीयः पर्यायः

(१-५) पञ्चर्चस्यास्य पर्यायस्य (१) प्रथमर्चः साम्नी त्रिष्टुप्
(२) द्वितीयाया भुरिगार्च्यनुष्टुप् (३) तृतीयाया आर्च्यनुष्टुप्
(४) चतुर्थ्या उष्णिक (एताश्चतस्र एकपदाः) (५) पञ्चम्याश्चार्ची निचृत्पङ्क्तिश्छन्दांसि
ओर्जश्च तेर्जश्च सहश्च बलं च वाक्चैन्द्रियं च श्रीश्च धर्मश्च ॥१॥

ब्रह्मं च क्षत्रं च राष्ट्रं च विशश्च त्विषिश्च यशश्च वर्चश्च द्रविणं च ॥२॥

आयुश्च रूपं च नामं च कीर्तिश्च प्राणश्चापानश्च चक्षुश्च श्रोत्रं च ॥३॥

पर्यश्च रसश्चान्नं चान्नाद्यं चर्तं च सत्यं चेष्टं च पूर्तं च प्रजा च पशवश्च
॥४॥

तानि सर्वाण्यपे क्रामन्ति ब्रह्मग्वीमाददानस्य जिनतो ब्राह्मणं क्षत्रियस्य
॥५॥

(३) तृतीयः पर्यायः

(१-१६) षोडशर्चस्यास्य पर्यायस्य (१) प्रथमर्चो विराड्विषमा गायत्री
(२) द्वितीयाया आसुर्यनुष्टुप् (३, १५) तृतीयापञ्चदशयोः साम्नाचुष्णिक
(४) चतुर्थ्या गायत्री (५-६, ८-९) पञ्चमीषष्ट्यष्टमीनवमीनां प्राजापत्यानुष्टुप्
(७) सप्तम्या याजुषी जगती (१०, १४) दशमीचतुर्दशयोः साम्नाचनुष्टुप्
(११) एकादश्याः साम्नी बृहती (१२) द्वादश्या याजुषी त्रिष्टुप्
(१३) त्रयोदश्या आसुरी गायत्री (१६) षोडश्याश्चार्च्युष्णिक छन्दांसि
सैषा भीमा ब्रह्मग्व्यष्टविषा साक्षात्कृत्या कूल्बज्जमावृता ॥१॥

सर्वाण्यस्यां घोराणि सर्वे च मृत्यवः ॥२॥

सर्वाण्यस्यां क्रूराणि सर्वे पुरुषवधाः ॥३॥

सा ब्रह्मज्यं देवपीयुं ब्रह्मग्व्यादिदीयमाना मृत्योः पद्वीष आ द्यति ॥४॥

मे॒निः श॒तव॑धा॒ हि सा ब्र॑ह्म॒ज्यस्य॒ क्षि॒तिर्हि॒ सा ॥५॥

तस्मा॒द्वै ब्रा॑ह्म॒णानां॑ गौ॒र्दुरा॒धर्षा॑ वि॒जान॒ता ॥६॥

वज्रो॒ धाव॑न्ती वैश्वान॒र उ॒द्धी॒ता ॥७॥

हे॒तिः श॒फानु॑त्स्वि॒दन्ती॑ महा॒दे॒वो॒ऽपेक्ष॑माणा ॥८॥

क्षुर॑प॒वि॒रीक्ष॑माणा॒ वाश॑य॒माना॒भि स्फूर्ज॑ति ॥९॥

मृ॒त्युर्हि॑ङ्कर॒व॒त्यु॒ग्रो दे॒वः पु॒च्छं प॒र्यस्य॑न्ती ॥१०॥

स॒र्व॒ज्या॒निः क॒र्णौ व॑रीव॒र्जय॑न्ती राज॒य॒दमो॑ मे॒ह॑न्ती ॥११॥

मे॒निर्दु॒ह्यमा॑ना शी॒र्ष॒क्तिर्दु॒ग्धा ॥१२॥

से॒दि॒रु॒प॒तिष्ठ॑न्ती मिथो॒यो॒धः प॑रा॒मृ॒ष्टा ॥१३॥

श॒र॒व्या॒ऽमु॒खे॑ऽपि॒न॒ह्यमा॑न् ऋ॒ति॒र्ह॒न्यमा॑ना ॥१४॥

अ॒घ॒वि॑षा नि॒प॒त॑न्ती॒ तमो॑ नि॒प॒ति॒ता ॥१५॥

अ॒नु॒गच्छ॑न्ती प्रा॒णानु॑प॒ दा॒स॒यति॑ ब्रह्म॒ग॒वी ब्र॑ह्म॒ज्यस्य॑ ॥१६॥

(४) चतुर्थः पर्यायः

- (१-११) एकादशर्चस्यास्य पर्यायस्य (१) प्रथमर्च आसुरी गायत्री
(२, १०) द्वितीयादशम्योरासुर्यनुष्टुप् (३) तृतीयायाः साम्न्यनुष्टुप्
(४) चतुर्थ्या याजुषी त्रिष्टुप् (५) पञ्चम्याः साम्नी गायत्री
(६-७) षष्ठीसप्तम्योः साम्नी बृहती (८) अष्टम्या भुरिक्साम्न्यनुष्टुप्

(६) नवम्याः साम्नुष्णिक (११) एकादश्याश्च प्रतिष्ठा गायत्री छन्दांसि
वैरं विकृत्यमाना पौत्राद्यं विभाज्यमाना ॥१॥

देवहेतिर्हियमाणा व्युद्धिर्हता ॥२॥

पाप्माधिधीयमाना पारुष्यमवधीयमाना ॥३॥

विषं प्रयस्यन्ती तुक्मा प्रयस्ता ॥४॥

अघं पच्यमाना दुष्वप्रचं पक्वा ॥५॥

मूलबर्हणी पर्याक्रियमाणा क्षितिः पर्याकृता ॥६॥

असंज्ञा गन्धेन शुगुद्धियमाणाशीविष उद्धृता ॥७॥

अभूतिरुपहियमाणा पराभूतिरुपहता ॥८॥

शर्वः क्रुद्धः पिश्यमाना शिमिदा पिशिता ॥९॥

अवर्तिरश्यमाना निर्ऋतिरशिता ॥१०॥

अशिता लोकाच्छिनत्ति ब्रह्मगुवी ब्रह्मज्यमस्माच्चामुष्माच्च ॥११॥

(५) पञ्चमः पर्यायः

(१-८) अष्टर्चस्यास्य पर्यायस्य (१) प्रथमर्चः साम्नी पङ्क्तिः (२) द्वितीयाया
याजुष्यनुष्टुप् (३, ८) तृतीयाष्टम्योर्भुरिक्साम्नुष्णिक

(४) चतुर्थ्या आसुरी बृहती (५) पञ्चम्याः साम्नी बृहती

(६) षष्ठ्याः पिपीलिकमध्यानुष्टुप् (७) सप्तम्याश्चार्ची बृहती छन्दांसि

तस्या आहननं कृत्या मेनिराशसनं वलग ऊर्बध्यम् ॥१॥

अस्वगता परिहृता ॥२॥

अग्निः क्रव्याद्भूत्वा ब्रह्मगवी ब्रह्मज्यं प्रविश्यात्ति ॥३॥

सर्वास्याङ्गा पर्वा मूलानि वृश्चति ॥४॥

छिनत्त्यस्य पितृबन्धु परा भावयति मातृबन्धु ॥५॥

विवाहां ज्ञातीन्सर्वानपि क्षापयति ब्रह्मगवी ब्रह्मज्यस्य
क्षत्रियेणापुनर्दीयमाना ॥६॥

अवास्तुमेनमस्वगमप्रजसं करोत्यपरापरुणो भवति क्षीयते ॥७॥

य एवं विदुषो ब्राह्मणस्य क्षत्रियो गामादत्ते ॥८॥

(६) षष्ठः पर्यायः

(१-१५) पञ्चदशर्चस्यास्य पर्यायस्य (१, ३, ५-७, ११-१३, १५)
प्रथमातृतीययोर्ऋचोः पञ्चम्यादितृचस्यैकादश्यादितृचस्य पञ्चदश्याश्च प्राजापत्यानुष्टुप् (२)
द्वितीयाया आर्ष्यनुष्टुप् (४) चतुर्थ्याः साम्नी बृहती (८-९) अष्टमीनवम्योः
प्राजापत्योष्णिक (१०) दशम्या आसुरी गायत्री (१४) चतुर्दश्याश्च गायत्री छन्दांसि
क्षिप्रं वै तस्याहर्नने गृध्राः कुर्वत ऐलुबम् ॥१॥

क्षिप्रं वै तस्यादहर्नं परि नृत्यन्ति केशिनीराघ्नानाः पाणिनोरसि कुर्वाणाः
पापमैलुबम् ॥२॥

क्षिप्रं वै तस्य वास्तुषु वृकाः कुर्वत ऐलुबम् ॥३॥

क्षिप्रं वै तस्य पृच्छन्ति यत्तदासीददं नु तादिति ॥४॥

छिन्ध्या छिन्धि प्र छिन्ध्यपि क्षापय क्षापय ॥५॥

आददानमाङ्गिरसि ब्रह्मज्यमुप दासय ॥६॥

वैश्वदेवी ह्युच्यसे कृत्या कूल्बज्मावृता ॥७॥

ओषन्ती समोषन्ती ब्रह्मणो वज्रः ॥८॥

क्षुरपविर्मृत्युर्भूत्वा वि धाव त्वम् ॥९॥

आ दत्से जिन्तां वर्च इष्टं पूर्त चाशिषः ॥१०॥

आदाय जीतं जीताय लोकेऽमुष्मिन्प्र यच्छसि ॥११॥

अघ्नये पदवीर्भव ब्राह्मणस्याभिर्शस्त्या ॥१२॥

मेनिः शर्व्या भवाघादघविषा भव ॥१३॥

अघ्नये प्र शिरौ जहि ब्रह्मज्यस्य कृतागंसो देवपीयोर्राधसः ॥१४॥

त्वया प्रमूर्णं मृदितमग्निर्दहतु दुश्चितम् ॥१५॥

(७) सप्तमः पर्यायः

(१-१२) द्वादशर्चस्यास्य पर्यायस्य (१-३, ५, ७-९) प्रथमादितृचस्य पञ्चम्या ऋचः

सप्तम्यादितृचस्य च प्राजापत्यानुष्टुप् (४) चतुर्थ्या गायत्री

(६) षष्ठ्याः प्राजापत्या गायत्री (१०) दशम्या आसुरी पङ्क्तिः

(११) एकादश्याः प्राजापत्या त्रिष्टुप् (१२) द्वादश्याश्चासुर्युष्णिक् छन्दांसि

वृश्च प्र वृश्च सं वृश्च दह प्र दह सं दह ॥१॥

ब्रह्मज्यं देव्यघ्न्य आ मूलादनुसंदह ॥२॥

यथायाद्यमसादनात्पापलोकान्परावतः ॥३॥

एवा त्वं देव्यघ्न्ये ब्रह्मज्यस्य कृतागंसो देवपीयोरराधसः ॥४॥

वज्रैण शतपर्वणा तीक्ष्णेन क्षुरभृष्टिना ॥५॥

प्र स्कन्धान्प्र शिरो जहि ॥६॥

लोमान्यस्य सं छिन्धि त्वचमस्य वि वैष्टय ॥७॥

मांसान्यस्य शातयस्त्रावान्यस्य सं वृह ॥८॥

अस्थीन्यस्य पीडय मज्जानमस्य निर्जहि ॥९॥

सर्वास्याङ्गा पर्वाणि वि श्रथय ॥१०॥

अग्निरेनं क्रव्यात्पृथिव्या नुदतामुदौषतु वायुरन्तरिक्षान्महतो वरिष्णः
॥११॥

सूर्य एनं दिवः प्र शुदतां न्योषतु ॥१२॥

इति द्वादशं काण्डम्

अथ त्रयोदशं काण्डम्

(१) प्रथमं सूक्तम्

(१-६०) षष्ट्युचस्यास्य सूक्तस्य ब्रह्मा ऋषिः । (१-२, ४-२७, ३२-६०)
प्रथमाद्वितीययोर्ऋचोश्चतुर्थ्यादिचतुर्विंशतेर्द्वात्रिंशत्याद्येकोनत्रिंशतश्चाध्यात्मरोहिदादित्याः

(३) तृतीयायाः मरुतः (२८-३०) अष्टाविंश्यादितृचस्याग्निः

(३१) एकत्रिंश्याश्चाग्निर्मन्त्रोक्ताश्च देवताः ।

(१-२, ६-७, १०-११, २०, २२-२५, २७, ३३-३४, ३८, ४१, ५६, ५८)

प्रथमाद्वितीयाषष्ठीसप्तमीदशम्येकादशीविंशीनां द्वाविंश्यादिचतसृणां

सप्तविंशीत्रयस्त्रिंशीचतुस्त्रिंश्यष्टात्रिंश्येकचत्वारिंशीषट्पञ्चाशष्टपञ्चाशीनाञ्च त्रिष्टुप्
(३-५, ६, १२) तृतीयादितृचस्य नवमीद्वादशयोश्च जगती (८) अष्टम्या भुरिक्त्रिष्टुप्
(१३) त्रयोदश्या अतिशाक्वरगर्भातिजगती (१४) चतुर्दश्यास्त्रिपदा पुरःपरशाक्वरा

विपरीतपादलक्ष्मा पङ्क्तिः (१५) पञ्चदश्या अतिजागतगर्भा जगती

(१६, २६-३०, ३२, ३६-४०, ४५-५१, ५३-५४)

षोडश्येकोनत्रिंशीत्रिंशीद्वात्रिंश्येकोनचत्वारिंशीचत्वारिंशीनां पञ्चचत्वारिंश्यादिसप्तानां
त्रिपञ्चाशीचतुष्पञ्चाशयोश्चानुष्टुप् (१७) सप्तदश्याः पञ्चपदा ककुम्मती जगती (१८)

अष्टादश्याः पञ्चपदा परशाक्वरा भुरिक्ककुम्मत्यतिजगती (१९) एकोनविंश्याः

पञ्चपदातिजागता ककुम्मत्यतिजगती (२१) एकविंश्या आर्षी निचृद्गायत्री (२६)

षड्विंश्या विराट्परोष्णिक (२८) अष्टाविंश्या भुरिगनुष्टुप् (३१) एकत्रिंश्याः पञ्चपदा

ककुम्मती शाक्वरगर्भा जगती (३५) पञ्चत्रिंश्या उपरिष्टाद्बृहती (३६) षट्त्रिंश्या

निचृन्महाबृहती (३७) सप्तत्रिंश्याः परशाक्वरा विराडतिजगती (४२) द्विचत्वारिंश्या

विराड्जगती (४३) त्रिचत्वारिंश्या विरागमहाबृहती (४४) चतुश्चत्वारिंश्याः

परोष्णिक (५२) द्विपञ्चाश्याः पथ्यापङ्क्तिः (५५) पञ्चपञ्चाश्याः ककुम्मती बृहतीगर्भा

पथ्यापङ्क्तिः (५७) सप्तपञ्चाश्याः ककुम्मत्यनुष्टुप्

(५९-६०) एकोनषष्ठीषष्ट्योश्च गायत्री छन्दांसि

उदेहि वाजिन्यो अप्स्वश्रुन्तरिदं राष्ट्रं प्र विश सूनृतावत् ।

यो रोहितो विश्वमिदं जजान स त्वा राष्ट्राय सुभृतं बिभर्तु ॥१॥

उद्वाज आ गुन्यो अप्स्वश्रुन्तर्विश आ रौह त्वद्यौनयो याः ।

सोमं दधानोऽप ओषधीर्गाश्चतुष्पदो द्विपद् आ वैशयेह ॥२॥

यूयमुग्रा मरुतः पृश्निमातर इन्द्रैण युजा प्र मृणीत शत्रून् ।

आ वो रोहितः शृणवत्सुदानवस्त्रिषप्तासौ मरुतः स्वादुसमुदः ॥३॥

रुहो रुरोह रोहित आ रुरोह गर्भो जनीनां जनुषामुपस्थम् ।
तभिः संरब्धमन्वविन्दन्षडुर्वीर्गातुं प्रपश्यन्निह राष्ट्रमाहाः ॥४॥

आ ते राष्ट्रमिह रोहितोऽहार्षीद्व्यास्थन्मृधो अभयं ते अभूत् ।
तस्मै ते द्यावापृथिवी रेवतीभिः कामं दुहातामिह शक्वरीभिः ॥५॥

रोहितो द्यावापृथिवी जजानु तत्र तन्तुं परमेष्ठी ततान ।
तत्र शिश्रियेऽज एकपादोऽदृहृदद्यावापृथिवी बलेन ॥६॥

रोहितो द्यावापृथिवी अदृहृत्तेन स्वस्तभितं तेन नाकः ।
तेनान्तरिक्षं विमिता रजांसि तेन देवा अमृतमन्वविन्दन् ॥७॥

वि रोहितो अमृशद्विश्वरूपं समाकुर्वाणः प्ररुहो रुहश्च ।
दिवं रूढ्वा महता महिम्ना सं ते राष्ट्रमनक्तु पर्यसा घृतेन ॥८॥

यास्ते रुहः प्ररुहो यास्त आरुहो याभिरापृणासि दिवमन्तरिक्षम् ।
तासां ब्रह्मणा पर्यसा ववृधानो विशि राष्ट्रे जागृहि रोहितस्य ॥९॥

यस्ते विशस्तपसः संबभूवुर्वत्सं गायत्रीमनु ता इहागुः ।
तास्त्वा विशन्तु मनसा शिवेन संमाता वत्सो अभ्येतु रोहितः ॥१०॥

ऊर्ध्वो रोहितो अधि नाके अस्थाद्विश्वा रूपाणि जनयन्नुवा क्विः ।
तिग्मेनाग्निज्योतिषा वि भाति तृतीयै चक्रे रजसि प्रियाणि ॥११॥

सहस्रशृङ्गो वृषभो जातवेदा घृताहुतः सोमपृष्ठः सुवीरः ।
मा मा हासीन्नाथितो नेत्वा जहानि गोपोषं च मे वीरपोषं च धेहि ॥१२॥

रोहितो यज्ञस्य जनिता मुखं च रोहिताय वाचा श्रोत्रेण मनसा जुहोमि ।

रोहितं देवा यन्ति सुमनस्यमानाः स मा रोहैः सामित्यै रोहयतु ॥१३॥

रोहितो यज्ञं व्यदधाद्विश्वकर्मणे तस्मात्तेजांस्युप मेमान्यागुः ।
वोचेयं ते नाभिं भुवनस्याधि मज्मनि ॥१४॥

आ त्वा रुरोह बृहत्यूरेत पङ्क्तिरा ककुब्बर्चसा जातवेदः ।
आ त्वा रुरोहोष्णिहाक्षुरो वषट्कार आ त्वा रुरोह रोहितो रेतसा सह
॥१५॥

अयं वस्ते गर्भं पृथिव्या दिवं वस्तेऽयमन्तरिक्षम् ।
अयं ब्रह्मस्य विष्टपि स्वर्लोकान्व्यानशे ॥१६॥

वाचस्पते पृथिवी नः स्योना स्योना योनिस्तल्पा नः सुशेवा ।
इहैव प्राणः सख्ये नौ अस्तु तं त्वा परमेष्ठिन्यर्यग्निरायुषा वर्चसा दधातु
॥१७॥

वाचस्पत ऋतवः पञ्च ये नौ वैश्वकर्मणाः परि ये संबभूवुः ।
इहैव प्राणः सख्ये नौ अस्तु तं त्वा परमेष्ठिन्यरि रोहित आयुषा वर्चसा
दधातु ॥१८॥

वाचस्पते सौमनसं मनश्च गोष्ठे नो गा जनय योनिषु प्रजाः ।
इहैव प्राणः सख्ये नौ अस्तु तं त्वा परमेष्ठिन्यर्यहमायुषा वर्चसा दधातु
॥१९॥

परि त्वा धात्सविता देवो अग्निर्वर्चसा मित्रावरुणावभि त्वा ।
सर्वा अरातीरवक्रामन्नेहीदं राष्ट्रमकरः सूनृतावत् ॥२०॥

यं त्वा पृषती रथे प्रष्टिर्वहति रोहित ।

शुभा यासि रिणन्नपः ॥ २१॥

अनुव्रता रोहिणी रोहितस्य सूरिः सुवर्णा बृहती सुवर्चाः ।
तया वाजान्विश्वरूपां जयेम तया विश्वाः पृतना अभि ष्याम ॥ २२॥

इदं सदो रोहिणी रोहितस्यासौ पन्थाः पृषती येन याति ।
तां गन्धर्वाः कश्यपा उन्नयन्ति तां रक्षन्ति क्वयोऽप्रमादम् ॥ २३॥

सूर्यस्याश्वा हरयः केतुमन्तः सदा वहन्त्यमृताः सुखं रथम् ।
घृतपावा रोहितो भ्राजमानो दिवं देवः पृषतीमा विवेश ॥ २४॥

यो रोहितो वृषभस्तिग्मशृङ्गः पर्यग्निं परि सूर्यं बभूव ।
यो विष्टुभ्नाति पृथिवीं दिवं च तस्माद्देवा अधि सृष्टीः सृजन्ते ॥ २५॥

रोहितो दिवमारुहन्महतः पर्यर्णवात् ।
सर्वा रुरोह रोहितो रुहः ॥ २६॥

वि मिमीष्व पर्यस्वतीं घृताचीं देवानां धेनुरनपस्पृगेषा ।
इन्द्रः सोमं पिबतु क्षेमो अस्त्वग्निः प्र स्तौतु वि मृधो नुदस्व ॥ २७॥

समिद्धो अग्निः समिधानो घृतवृद्धो घृताहुतः ।
अभीषाद्विश्वाषाडग्निः सपत्नान्हेन्तु ये मम ॥ २८॥

हन्वैनान्प्र देहत्वरियो नः पृतन्यति ।
क्रव्यादाग्निना वयं सपत्नान्प्र देहामसि ॥ २९॥

अवाचीनानव जहीन्द्र वज्रैण बाहुमान् ।
अधा सपत्नान्माम्कान्ग्रेस्तेजोभिरादिषि ॥ ३०॥

अग्नें स॒पत्नान॑ध॒रान्याद॒या॒स्मद्व्य॒थया॑ स॒जा॒तमु॒त्पिपा॑नं बृहस्पते ।
इन्द्रा॑ग्नी मि॒त्रा॒वरु॑णा॒वध॑रे प॒द्यन्ता॒मप्र॑तिम॒न्यूय॑मानाः ॥३१॥

उ॒द्यंस्त्वं दै॒व सूर्य॑ स॒पत्नान॑व मे जहि ।
अ॒वै॒ना॒नश्म॑ना जहि ते य॒न्त्वध॑मं तमः ॥३२॥

व॒त्सो वि॒राजौ॑ वृष॒भो म॑ती॒नामा॑ रु॒रोह॑ शु॒क्रपृ॑ष्ठोऽन्तरि॑क्षम् ।
घृ॒तेना॒र्कम॒भ्यर्च॑न्ति व॒त्सं ब्र॒ह्म स॒न्तं ब्र॒ह्मणा॑ वर्धयन्ति ॥३३॥

दि॒वं च॒ रोहं॑ पृथि॒वीं च॑ रोह॒ राष्ट्रं॑ च॒ रोह॒ द्रवि॑णं च रोह ।
प्र॒जां च॒ रोहा॑मृतं च रोह॒ रोहि॑तेन त॒न्वंशु॑ सं स्पृष॒स्व ॥३४॥

ये दे॒वा रा॑ष्ट्रभृ॒तोऽभितो॑ यन्ति सूर्यम् ।
तैष्टे॑ रोहितः संवि॒दानो॑ रा॒ष्ट्रं द॑धातु सुम॒न॒स्यमा॑नः ॥३५॥

उ॒त्वा य॒ज्ञा ब्र॑ह्म॒पूता॑ वहन्त्यध्व॒गतो॑ हर॒यस्त्वा॑ वहन्ति ।
ति॒रः सं॒मुद्र॑मति रोचसेऽर्ण॒वम् ॥३६॥

रोहि॑ते द्यावा॑पृथि॒वी अ॒धि श्रि॑ते वसु॒जिति॑ गो॒जिति॑ संघ॒नाजि॑ति ।
स॒हस्रं॑ यस्य॒ जनि॑मानि स॒प्त च॑ वो॒चेयं॑ ते नाभिं॒ भुव॑न॒स्याधि॑ म॒ज्मनि॑
॥३७॥

य॒शा या॑सि प्र॒दिशो॑ दि॒शश्च॑ य॒शाः प॑शूना॒मुत॑ च॒र्षणी॑नाम् ।
य॒शाः पृ॑थि॒व्या अ॒दित्या॑ उ॒पस्थे॑ऽहं भू॒यासं॑ स॒विते॑व॒ चारुः॑ ॥३८॥

अ॒मुत्र॑ स॒न्निह॑ वै॒त्थेतः॑ संस्तानि पश्यसि ।
इ॒तः प॑श्यन्ति रोच॒नं दि॒वि सूर्यं॑ वि॒पश्चित॑म् ॥३९॥

देवो देवान्मर्चयस्यन्तश्चरस्यर्णवे ।
समानमग्निमिन्धते तं विदुः कवयः परे ॥४०॥

अवः परेण पुर एनावरेण पदा वत्सं बिभ्रती गौरुदस्थात् ।
सा कद्रीची कं स्विदर्थं परागात्ववृत्स्वित्सूते नहि यूथे अस्मिन् ॥४१॥

एकपदी द्विपदी सा चतुष्पद्यष्टापदी नवपदी बभूवुषी ।
सहस्राक्षरा भुवनस्य पङ्क्तिस्तस्याः समुद्रा अधि वि क्षरन्ति ॥४२॥

आरोहन्ध्यामृतः प्राव मे वचः ।
उत्वा यज्ञा ब्रह्मपूता वहन्त्यध्वगतो हरयस्त्वा वहन्ति ॥४३॥

वेद तत्तै अमर्त्य यत्त आक्रमणं दिवि ।
यत्तै सधस्थं परमे व्योमन् ॥४४॥

सूर्यो द्यां सूर्यः पृथिवीं सूर्य आपोऽति पश्यति ।
सूर्यो भूतस्यैकं चक्षुरा रुरोह दिवं महीम् ॥४५॥

उर्वीरासन्परिधयो वेदिभूमिरकल्पत ।
तत्रैतावग्नी आर्धत्त हिमं घ्नसं च रोहितः ॥४६॥

हिमं घ्नसं चाधाय यूपान्कृत्वा पर्वतान् ।
वर्षाज्यावग्नी ईजाते रोहितस्य स्वर्विदः ॥४७॥

स्वर्विदो रोहितस्य ब्रह्मणाग्निः समिध्यते ।
तस्माद्धंसस्तस्माद्धिमस्तस्माद्यज्ञोऽजायत ॥४८॥

ब्रह्मणाग्नी वावृधानौ ब्रह्मवृद्धौ ब्रह्माहुतौ ।

ब्रह्मैद्धावृग्नी ईजाते रोहितस्य स्वर्विदः ॥४६॥

सत्ये अन्यः समाहितोऽप्स्वशून्यः समिध्यते ।
ब्रह्मैद्धावृग्नी ईजाते रोहितस्य स्वर्विदः ॥५०॥

यं वातः परिशुम्भति यं वेन्द्रो ब्रह्मणस्पतिः ।
ब्रह्मैद्धावृग्नी ईजाते रोहितस्य स्वर्विदः ॥५१॥

वेदिं भूमिं कल्पयित्वा दिवं कृत्वा दक्षिणाम् ।
घंसं तदग्निं कृत्वा चकार विश्वमात्मन्वद्वर्षेणाज्येन रोहितः ॥५२॥

वर्षमाज्यं घंसो अग्निर्वेदिभूमिरकल्पत ।
तत्रैतान्पर्वतान्निग्नीर्भिरूध्वा अकल्पयत् ॥५३॥

गीर्भिरूध्वांकल्पयित्वा रोहितो भूमिमब्रवीत् ।
त्वयीदं सर्वं जायतां यद्भूतं यच्च भाव्यम् ॥५४॥

स यज्ञः प्रथमो भूतो भव्यो अजायत ।
तस्माद्ध जज्ञ इदं सर्वं यत्किं चेदं विरोचते रोहितेन ऋषिणाभृतम् ॥५५॥

यश्च गां पदा स्फुरति प्रत्यङ् सूर्यं च मेहति ।
तस्य वृश्चामि ते मूलं न छायां कर्वोऽपरम् ॥५६॥

यो माभिच्छायमत्येषि मां चाग्निं चान्तरा ।
तस्य वृश्चामि ते मूलं न छायां कर्वोऽपरम् ॥५७॥

यो अद्य देव सूर्य त्वां च मां चान्तरायति ।
दुष्वप्रयं तस्मिञ्छर्मलं दुरितानि च मृज्महे ॥५८॥

मा प्र गा॑म प॒थो व॒यं मा य॒ज्ञादिन्द्र॑ सो॒मिनः॑ ।
मान्त॑ स्थु॒र्नो अ॒रा॒तयः॑ ॥५६॥

यो य॒ज्ञस्य॑ प्र॒साध॑न॒स्तन्तु॑र्दे॒वेष्व॑ततः ।
तमा॑ह॒तम॑शीमहि ॥६०॥

(२) द्वितीयं सूक्तम्

(१-४६) षट्चत्वारिंशदृचस्यास्य सूक्तस्य ब्रह्मा ऋषिः । अध्यात्मरोहितादित्या देवताः

। (१, १२-१५, ३६-४१) प्रथमर्चो द्वादश्यादिचतसृणामेकोनचत्वारिंश्यादितृचस्य

चानुष्टुप् (२-३, ८, ४३) द्वितीयातृतीयाष्टमीत्रिचत्वारिंशीनां जगती

(४-७, ९, २८, ३१-३३, ३५-३६, ३८, ४२, ४६)

चतुर्थ्यादिचतसृणां नवम्यष्टाविंशयोरेकत्रिंश्यादितृचस्य

पञ्चत्रिंशीषट्त्रिंश्याष्टात्रिंशीद्विचत्वारिंशीषट्चत्वारिंशीनाञ्च त्रिष्टुप् (१०) दशम्या

आस्तारपङ्क्तिः (११) एकादश्या बृहतीगर्भा त्रिष्टुप् (१६-२४) षोडश्यादिनवानामार्षी

गायत्री (२५) पञ्चविंश्याः ककुम्मत्यास्तारपङ्क्तिः (२६) षड्विंश्याः पुरोद्वयतिजागता

भुरिजगती (२७) सप्तविंश्या विराड्जगती (२८) एकोनत्रिंश्या बार्हतगर्भानुष्टुप्

(३०) त्रिंश्याः पञ्चपदोष्णिग्बृहतीगर्भातिजगती (३४) चतुस्त्रिंश्या आर्षी पङ्क्तिः (३७)

सप्तत्रिंश्याः पञ्चपदा विराड्गर्भा जगती (४४) चतुश्चत्वारिंश्याश्चतुष्पदा पुरःशाक्वरा

भुरिजगती (४५) पञ्चचत्वारिंश्याश्चातिजागतगर्भा जगती छन्दांसि ॥

उद॑स्य के॒तवो॑ दि॒वि शु॒क्रा भ्रा॑र्जन्त ईरते ।

आ॒दि॒त्यस्य॑ नृ॒चक्ष॑सो म॒हि॒व्रत॑स्य मी॒ढुषः॑ ॥१॥

दि॒शां प्र॒ज्ञानां॑ स्व॒रय॑न्तम॒र्चिषा॑ सु॒पक्ष॑मा॒शुं प॒तय॑न्तम॒र्णवे॑ ।

स्तवा॑म॒ सूर्य॑ भुव॒नस्य॑ गो॒पां यो र॒श्मिभि॑र्दि॒श आ॒भाति॑ सर्वाः ॥२॥

यत्प्रा॑इ प्र॒त्यइ॑ स्व॒धया॑ यासि शी॒भं ना॑नारू॒पे अ॒ह॒नी क॑र्षि॒ मा॒यया॑ ।

तदा॑दि॒त्य म॒हि त॑त्ते म॒हि श्र॒वो य॑दे॒को वि॒श्वं परि॑ भू॒म् जा॒यसे॑ ॥३॥

वि॒पश्चितं॑ त॒रणिं॑ भ्रा॒जमा॑नं॒ वह॑न्ति॒ यं ह॒रितः॑ स॒प्त ब॒ह्वीः ।

सु॒ताद्य॑म॒त्रिर्दि॑व॒मुन्नि॑नाय॒ तं त्वा॑ पश्यन्ति॒ परि॑यान्त॒मा॒जिम् ॥४॥

मा त्वा दभन्परियान्तमाजिं स्वस्ति दुर्गां अति याहि शीर्भम् ।
दिवं च सूर्य पृथिवीं च देवीमहोरात्रे विमिमानो यदेषि ॥५॥

स्वस्ति ते सूर्य चरसे रथाय येनोभावन्तौ परियासि सद्यः ।
यं ते वहन्ति हरितो वहिष्ठाः शतमश्वा यदि वा सप्त ब्रह्मीः ॥६॥

सुखं सूर्य रथमंशुमन्तं स्योनं सुवह्निमधि तिष्ठ वाजिनम् ।
यं ते वहन्ति हरितो वहिष्ठाः शतमश्वा यदि वा सप्त ब्रह्मीः ॥७॥

सप्त सूर्यो हरितो यातवे रथे हिरण्यत्वचसो बृहतीर्युक्त ।
अमोचि शुक्रो रजसः पुरस्ताद्विधूय देवस्तमो दिवमारुहत् ॥८॥

उत्केतुना बृहता देव आगन्नपावृक्तमोऽभि ज्योतिरश्रैत् ।
दिव्यः सुपर्णः स वीरो व्यरुयददितेः पुत्रो भुवनानि विश्वा ॥९॥

उद्यन्नश्मीना तनुषे विश्वा रूपाणि पुष्यसि ।
उभा समुद्रौ क्रतुना वि भासि सर्वाल्लोकान्परिभूर्भ्राजमानः ॥१०॥

पूर्वापरं चरतो माययैतौ शिशू क्रीडन्तौ परि यातोऽर्णवम् ।
विश्वान्यो भुवना विचष्टे हैरण्यैरन्यं हरितो वहन्ति ॥११॥

दिवि त्वात्रिंधारयत्सूर्या मासाय कर्तवे ।
स एषि सुधृतस्तपन्विश्वा भूतावचाकशत् ॥१२॥

उभावन्तौ समर्षसि वत्सः संमातराविव ।
नन्वेतदितः पुरा ब्रह्म देवा अमी विदुः ॥१३॥

यत्समुद्रमनु श्रितं तत्सिषासति सूर्यः ।

अध्वा॒स्य॒ वित॑तो म॒हान्पूर्व॑श्चापरश्च॒ यः ॥१४॥

तं समा॑प्नोति जू॒तिभि॑स्ततो॒ नाप॑ चिकित्सति ।
तेना॒मृत॑स्य भ॒क्षं दे॒वानां॑ नाव॑ रुन्धते ॥१५॥

उदु॒ त्यं जा॒तवे॑दसं दे॒वं वह॑न्ति के॒तवः॑ ।
दृ॒शे विश्वा॑य॒ सूर्य॑म् ॥१६॥

अप॒ त्ये ता॒यवो॑ यथा॒ नक्ष॑त्रा यन्त्य॒क्तुभिः॑ ।
सूरा॑य वि॒श्वच॑क्षसे ॥१७॥

अदृ॑शन्नस्य के॒तवो॒ वि र॒श्मयो॒ जनाँ॑ अनु॒ ।
भ्राज॑न्तो अ॒ग्रयो॑ यथा ॥१८॥

तर॑णि॒र्विश्व॑दर्शतो॒ ज्योति॑ष्कृ॒दसि॑ सूर्य ।
विश्व॑मा भा॒सि रोच॑न ॥१९॥

प्र॒त्यङ् दे॒वानां॑ विशः॒ प्र॒त्यङ्ङु॒दैषि॑ मानु॒षीः ।
प्र॒त्यङ् विश्वं॑ स्व॒र्दृ॒शे ॥२०॥

येना॑ पाव॒क चक्ष॑सा भुर॒ण्यन्तं॑ जनाँ॑ अनु॒ ।
त्वं वरु॑ण॒ पश्य॑सि ॥२१॥

वि द्या॑मे॒षि रज॑स्पृ॒थ्वह॒र्मिमा॑नो अ॒क्तुभिः॑ ।
पश्य॑ञ्जन्मानि सूर्य ॥२२॥

सप्त॑ त्वा ह॒रितो॒ रथे॑ वह॑न्ति देव सूर्य ।
शो॒चिष्कै॑शं विचक्ष॒णम् ॥२३॥

अयुक्त सप्त शुन्ध्युवः सूरौ रथस्य नप्त्यः ।
ताभिर्याति स्वयुक्तिभिः ॥ २४ ॥

रोहितो दिवमारुहत्तपसा तपस्वी ।
स योनिमैति स उ जायते पुनः स देवानामधिपतिर्बभूव ॥ २५ ॥

यो विश्वचर्षणिरुत विश्वतोमुखो यो विश्वतस्पाणिरुत विश्वतस्पृथः ।
सं बाहुभ्यां भरति सं पतत्रैर्घावापृथिवी जनयन्देव एकः ॥ २६ ॥

एकपादिद्वपदो भूयो वि चक्रमे द्विपात्रिपादमध्येति पश्चात् ।
द्विपाद्द्विषट्पदो भूयो वि चक्रमे त एकपदस्तन्वंशु समासते ॥ २७ ॥

अतन्द्रो यास्यन्हरितो यदास्थाद्द्वे रूपे कृणुते रोचमानः ।
केतुमानुद्यन्त्सहमानो रजांसि विश्वा आदित्य प्रवतो वि भांसि ॥ २८ ॥

बरमहाँ असि सूर्य बडादित्य महाँ असि ।
महाँस्तै महतो महिमा त्वमादित्य महाँ असि ॥ २९ ॥

रोचसे दिवि रोचसे अन्तरिक्षे पतङ्ग पृथिव्यां रोचसे रोचसे अप्सवशुन्तः ।
उभा समुद्रौ रुच्या व्यापिथ देवो देवासि महिषः स्वर्जित् ॥ ३० ॥

अर्वाङ् पुरस्तात्प्रयतो व्यध्व आशुर्विपश्चित्पतयन्पतङ्गः ।
विष्णुर्विचित्तः शर्वसाधितिष्ठन्प्र केतुना सहते विश्वमेजत् ॥ ३१ ॥

चित्राश्चिकित्वान्महिषः सुपर्ण आरोचयन्नोदसी अन्तरिक्षम् ।
अहोरात्रे परि सूर्य वसाने प्रास्य विश्वा तिरतो वीर्याणि ॥ ३२ ॥

तिग्मो विभ्राजन्तन्वंशु शिशानोऽरंगुमासः प्रवतो रराणः ।

ज्योतिष्मान्पक्षी महिषो वयोधा विश्वा आस्थात्प्रदिशः कल्पमानः ॥३३॥

चित्रं देवानां केतुरनीकं ज्योतिष्मान्प्रदिशः सूर्य उद्यन् ।
दिवाकरोऽति द्युमैस्तमांसि विश्वातारीदुरितानि शुक्रः ॥३४॥

चित्रं देवानामुदगादनीकं चक्षुर्मित्रस्य वरुणस्याग्नेः ।
आप्राद्दद्यावापृथिवी अन्तरिक्षं सूर्य आत्मा जगतस्तस्थुषश्च ॥३५॥

उच्चा पतन्तमरुणं सुपर्णं मध्ये दिवस्तरणिं भ्राजमानम् ।
पश्याम त्वा सवितारं यमाहुरजस्रं ज्योतिर्यदविन्ददत्रिः ॥३६॥

दिवस्पृष्टे धार्वमानं सुपर्णमदित्याः पुत्रं नाथकाम् उप यामि भीतः ।
स नः सूर्य प्र तिर दीर्घमायुर्मा रिषाम सुमतौ तै स्याम ॥३७॥

सहस्राह्वयं वियतावस्य पक्षौ हरैर्हंसस्य पततः स्वर्गम् ।
स देवान्त्सर्वानुरस्युपदद्यं संपश्यन्त्याति भुवनानि विश्वा ॥३८॥

रोहितः कालो अभवद्रोहितोऽग्ने प्रजापतिः ।
रोहितो यज्ञानां मुखं रोहितः स्वशुराभरत् ॥३९॥

रोहितो लोको अभवद्रोहितोऽत्यतपद्विर्वम् ।
रोहितो रश्मिभिर्भूमिं समुद्रमनु सं चरत् ॥४०॥

सर्वा दिशः समचरद्रोहितोऽधिपतिर्दिवः ।
दिवं समुद्रमाबूढमिं सर्वं भूतं वि रक्षति ॥४१॥

आरोहञ्छुक्रो बृहतीरतन्द्रो द्वे रूपे कृणुते रोचमानः ।
चित्रश्चिकित्वान्महिषो वार्तमाया यावतो लोकान्भि यद्विभाति ॥४२॥

अभ्युन्यदैति पर्युन्यदस्यतेऽहोरात्राभ्यां महिषः कल्पमानः ।
सूर्यं वयं रजसि क्षियन्तं गातुविदं हवामहे नाधमानाः ॥४३॥

पृथिवीप्रो महिषो नाधमानस्य गातुरदब्धचक्षुः परि विश्वं ब्रूव ।
विश्वं संपश्यन्त्सुविदत्रो यजत्र इदं शृणोतु यद्दहं ब्रवीमि ॥४४॥

पर्यस्य महिमा पृथिवीं समुद्रं ज्योतिषा विभ्राजन्परि द्यामन्तरिक्षम् ।
सर्वं संपश्यन्त्सुविदत्रो यजत्र इदं शृणोतु यद्दहं ब्रवीमि ॥४५॥

अबोध्याग्निः समिधा जनानां प्रति धेनुमिवायतीमुषसम् ।
यद्वा इव प्र वयामुज्जिहानाः प्र भानवः सिस्रते नाकमच्छ ॥४६॥

(३) तृतीयं सूक्तम्

(१-२६) षड्विंशत्यृचस्यास्य सूक्तस्य ब्रह्मा ऋषिः । अध्यात्मरोहितादित्या देवताः ।
(१, १६, १८, २१) प्रथमाषोडश्यष्टादश्येकविंशीनामृचां चतुरवसानाष्टपदाकृतिः (२)
द्वितीयायास्त्रयवसाना षट्पदा भुरिगष्टिः (३) तृतीयायास्त्रयवसाना षट्पदाष्टिः (४)
चतुर्थ्यास्त्रयवसाना षट्पदातिशाक्वरगर्भा धृतिः (५-६) पञ्चमीषष्टयोश्चतुरवसाना
सप्तपदा शाक्वरातिशाक्वरगर्भा प्रकृतिः (७) सप्तम्याश्चतुरवसाना
सप्तपदानुष्टुब्गर्भातिधृतिः (८, २०, २२) अष्टमीविंशीद्वाविंशीनां त्रयवसाना
षट्पदात्यष्टिः (९-१२) नवम्यादिचतसृणां चतुरवसाना सप्तपदा भुरिगतिधृतिः
(१३-१४) त्रयोदशीचतुर्दश्योश्चतुरवसानाष्टपदा कृतिः (१५) पञ्चदश्याश्चतुरवसाना
सप्तपदा निचृदतिधृतिः (१७, २४) सप्तदशीचतुर्विश्योश्चतुरवसाना सप्तपदा कृतिः
(१६) एकोनविंश्याश्चतुरवसानाष्टपदा भुरिगाकृतिः (२३, २५)
त्रयोविंशीपञ्चविंश्योश्चतुरवसानाष्टपदा विकृतिः ((२६) षड्विंश्याश्चानुष्टुप्) छन्दांसि
य इमे द्यावापृथिवी जजानु यो द्रापिं कृत्वा भुवनानि वस्तै ।
यस्मिन्क्षियन्ति प्रदिशः षडूर्वीर्याः पतङ्गो अनु विचाकशीति तस्य देवस्य
।

क्रुद्धस्यैतदागो य एवं विद्वांसं ब्राह्मणं जिनाति ।
उद्वैपय रोहित प्र क्षिणीहि ब्रह्मज्यस्य प्रति मुञ्च पाशान् ॥१॥

यस्माद्वाता ऋतुथा पवन्ते यस्मात्समुद्रा अधि विक्षरन्ति तस्य देवस्य ।
 क्रुद्धस्यैतदागो य एवं विद्वांसं ब्राह्मणं जिनाति ।
 उद्वैपय रोहित प्र क्षिणीहि ब्रह्मज्यस्य प्रति मुञ्च पाशान् ॥२॥

यो मारयति प्राणयति यस्मात्प्राणन्ति भुवनानि विश्वा तस्य देवस्य ।
 क्रुद्धस्यैतदागो य एवं विद्वांसं ब्राह्मणं जिनाति ।
 उद्वैपय रोहित प्र क्षिणीहि ब्रह्मज्यस्य प्रति मुञ्च पाशान् ॥३॥

यः प्राणेन द्यावापृथिवी तर्पयत्यपानेन समुद्रस्य जठरं यः पिपतिं तस्य
 देवस्य ।
 क्रुद्धस्यैतदागो य एवं विद्वांसं ब्राह्मणं जिनाति ।
 उद्वैपय रोहित प्र क्षिणीहि ब्रह्मज्यस्य प्रति मुञ्च पाशान् ॥४॥

यस्मिन्विराट्परमेष्ठी प्रजापतिरग्निर्वैश्वानरः सह पङ्क्या श्रितः ।
 यः परस्य प्राणं परमस्य तेज आददे तस्य देवस्य ।
 क्रुद्धस्यैतदागो य एवं विद्वांसं ब्राह्मणं जिनाति ।
 उद्वैपय रोहित प्र क्षिणीहि ब्रह्मज्यस्य प्रति मुञ्च पाशान् ॥५॥

यस्मिन्षडुर्वीः पञ्च दिशो अधिश्रिताश्चतस्र आपो यज्ञस्य त्रयोऽक्षराः ।
 यो अन्तरा रोदसी क्रुद्धश्चक्षुषैक्षत तस्य देवस्य ।
 क्रुद्धस्यैतदागो य एवं विद्वांसं ब्राह्मणं जिनाति ।
 उद्वैपय रोहित प्र क्षिणीहि ब्रह्मज्यस्य प्रति मुञ्च पाशान् ॥६॥

यो अन्नादो अन्नपतिर्बभूव ब्रह्मणस्पतिरुत यः ।
 भूतो भविष्यत्भुवनस्य यस्पतिस्तस्य देवस्य ।
 क्रुद्धस्यैतदागो य एवं विद्वांसं ब्राह्मणं जिनाति ।
 उद्वैपय रोहित प्र क्षिणीहि ब्रह्मज्यस्य प्रति मुञ्च पाशान् ॥७॥

अ॒हो॒रा॒त्रैर्वि॒मितं॑ त्रिंश॒दङ्गं॑ त्रयो॒दशं॑ मा॒सं यो नि॒र्मि॒मी॒ते तस्य॑ दे॒वस्य॑ ।
क्रु॒द्धस्यै॒तदा॒गो य ए॒वं वि॒द्वांसं॑ ब्रा॒ह्म॒णं जि॒नाति॑ ।
उ॒द्वैप॒य रोहि॒त प्र क्षि॑णी॒हि ब्र॒ह्म॒ज्यस्य॑ प्र॒ति मुञ्च॑ पाशा॒न् ॥८॥

कृ॒ष्णं नि॒यानं॑ ह॒रयः॑ सु॒पर्णा॑ अ॒पो व॒साना॑ दि॒वमु॒त्प॒तन्ति॑ ।
त आ॒र्व॒वृ॒त्रन्त्स॒र्दना॑दृ॒तस्य॑ तस्य॑ दे॒वस्य॑ ।
क्रु॒द्धस्यै॒तदा॒गो य ए॒वं वि॒द्वांसं॑ ब्रा॒ह्म॒णं जि॒नाति॑ ।
उ॒द्वैप॒य रोहि॒त प्र क्षि॑णी॒हि ब्र॒ह्म॒ज्यस्य॑ प्र॒ति मुञ्च॑ पाशा॒न् ॥९॥

यत्तै॑ च॒न्द्रं क॑श्यप रो॒चना॒व॒द्यत्सं॑हि॒तं पु॒ष्क॒लं चि॒त्रभा॑नु ।
यस्मि॒न्सूर्या॑ आ॒र्पिताः॑ स॒प्त सा॒कं तस्य॑ दे॒वस्य॑ ।
क्रु॒द्धस्यै॒तदा॒गो य ए॒वं वि॒द्वांसं॑ ब्रा॒ह्म॒णं जि॒नाति॑ ।
उ॒द्वैप॒य रोहि॒त प्र क्षि॑णी॒हि ब्र॒ह्म॒ज्यस्य॑ प्र॒ति मुञ्च॑ पाशा॒न् ॥१०॥

बृ॒हदै॒न॒मनु॑ व॒स्ते पु॒रस्ता॑द्रथं॒तरं॑ प्र॒ति गृ॒ह्णाति॑ प॒श्चात् ।
ज्यो॒तिर्व॒साने॑ स॒दम॑प्र॒मादं॑ तस्य॑ दे॒वस्य॑ ।
क्रु॒द्धस्यै॒तदा॒गो य ए॒वं वि॒द्वांसं॑ ब्रा॒ह्म॒णं जि॒नाति॑ ।
उ॒द्वैप॒य रोहि॒त प्र क्षि॑णी॒हि ब्र॒ह्म॒ज्यस्य॑ प्र॒ति मुञ्च॑ पाशा॒न् ॥११॥

बृ॒हद॒न्यतः॑ प॒क्ष आ॒सी॒द्रथं॑त॒रम॒न्यतः॑ स॒बले॑ स॒ध्रीची॑ ।
यद्रो॒हित॑म॒र्जन॑यन्त दे॒वास्तस्य॑ दे॒वस्य॑ ।
क्रु॒द्धस्यै॒तदा॒गो य ए॒वं वि॒द्वांसं॑ ब्रा॒ह्म॒णं जि॒नाति॑ ।
उ॒द्वैप॒य रोहि॒त प्र क्षि॑णी॒हि ब्र॒ह्म॒ज्यस्य॑ प्र॒ति मुञ्च॑ पाशा॒न् ॥१२॥

स व॒रु॑णः सा॒यम॒ग्नि॒र्भव॑ति स मि॒त्रो भ॑वति प्रा॒तरु॑द्यन् ।
स स॒वि॒ता भू॒त्वान्तरि॑क्षेण याति स इन्द्रो॑ भू॒त्वा त॑पति म॒ध्यतो॑ दि॒वं तस्य॑
दे॒वस्य॑ ।
क्रु॒द्धस्यै॒तदा॒गो य ए॒वं वि॒द्वांसं॑ ब्रा॒ह्म॒णं जि॒नाति॑ ।

उद्वैपय रोहित प्र क्षिणीहि ब्रह्मज्यस्य प्रति मुञ्च पाशान् ॥१३॥

सहस्राह्वयं वियतावस्य पक्षौ हरैर्हसस्य पततः स्वर्गम् ।
स देवान्त्सर्वानुरस्युपदद्यं संपश्यन्त्याति भुवनानि विश्वा तस्य देवस्य ।
क्रुद्धस्यैतदागो य एवं विद्वांसं ब्राह्मणं जिनाति ।
उद्वैपय रोहित प्र क्षिणीहि ब्रह्मज्यस्य प्रति मुञ्च पाशान् ॥१४॥

अयं स देवो अप्स्वश्रुन्तः सहस्रमूलः परुशाको अत्रिः ।
य इदं विश्वं भुवनं जजान तस्य देवस्य ।
क्रुद्धस्यैतदागो य एवं विद्वांसं ब्राह्मणं जिनाति ।
उद्वैपय रोहित प्र क्षिणीहि ब्रह्मज्यस्य प्रति मुञ्च पाशान् ॥१५॥

शुक्रं वहन्ति हरयो रघुष्यदौ देवं दिवि वर्चसा भ्राजमानम् ।
यस्योर्ध्वा दिवं तन्वश्रुस्तपन्त्यर्वाङ् सुवर्णैः पटुरैर्वि भाति तस्य देवस्य ।
क्रुद्धस्यैतदागो य एवं विद्वांसं ब्राह्मणं जिनाति ।
उद्वैपय रोहित प्र क्षिणीहि ब्रह्मज्यस्य प्रति मुञ्च पाशान् ॥१६॥

येनादित्यान्हरितः संवहन्ति येन यज्ञेन ब्रह्मो यन्ति प्रजानन्तः ।
यदेकं ज्योतिर्बहुधा विभाति तस्य देवस्य ।
क्रुद्धस्यैतदागो य एवं विद्वांसं ब्राह्मणं जिनाति ।
उद्वैपय रोहित प्र क्षिणीहि ब्रह्मज्यस्य प्रति मुञ्च पाशान् ॥१७॥

सप्त युञ्जन्ति रथमेकचक्रमेको अश्वो वहति सप्तनामा ।
त्रिनाभिं चक्रमजरमनुर्वं यत्रेमा विश्वा भुवनाधि तस्थुस्तस्य देवस्य ।
क्रुद्धस्यैतदागो य एवं विद्वांसं ब्राह्मणं जिनाति ।
उद्वैपय रोहित प्र क्षिणीहि ब्रह्मज्यस्य प्रति मुञ्च पाशान् ॥१८॥

अष्टधा युक्तो वहति वहिरुग्रः पिता देवानां जनिता मतीनाम् ।

ऋतस्य तन्तुं मनसा मिमानः सर्वा दिशः पवते मातरिश्वा तस्य देवस्य ।
क्रुद्धस्यैतदागो य एवं विद्वांसं ब्राह्मणं जिनाति ।
उद्वैपय रोहित प्र क्षिणीहि ब्रह्मज्यस्य प्रति मुञ्च पाशान् ॥१९॥

सम्यञ्च तन्तुं प्रदिशोऽनु सर्वा अन्तर्गायत्र्याममृतस्य गर्भे तस्य देवस्य ।
क्रुद्धस्यैतदागो य एवं विद्वांसं ब्राह्मणं जिनाति ।
उद्वैपय रोहित प्र क्षिणीहि ब्रह्मज्यस्य प्रति मुञ्च पाशान् ॥२०॥

निमुचस्तिस्त्रो व्युषो ह तिस्रस्त्रीणि रजांसि दिवो अङ्ग तिस्रः ।
विद्या तै अग्ने त्रेधा जनित्रं त्रेधा देवानां जनिमानि विद्य तस्य देवस्य ।
क्रुद्धस्यैतदागो य एवं विद्वांसं ब्राह्मणं जिनाति ।
उद्वैपय रोहित प्र क्षिणीहि ब्रह्मज्यस्य प्रति मुञ्च पाशान् ॥२१॥

वि य और्णोत्पृथिर्वीं जायमान आ समुद्रमदधादन्तरिक्षे तस्य देवस्य ।
क्रुद्धस्यैतदागो य एवं विद्वांसं ब्राह्मणं जिनाति ।
उद्वैपय रोहित प्र क्षिणीहि ब्रह्मज्यस्य प्रति मुञ्च पाशान् ॥२२॥

त्वमग्ने क्रतुभिः केतुभिर्हितोऽर्कः समिद्ध उदरोचथा दिवि ।
किमभ्या चिन्मरुतः पृश्निमातरो यद्रोहितमजनयन्त देवास्तस्य देवस्य ।
क्रुद्धस्यैतदागो य एवं विद्वांसं ब्राह्मणं जिनाति ।
उद्वैपय रोहित प्र क्षिणीहि ब्रह्मज्यस्य प्रति मुञ्च पाशान् ॥२३॥

य आत्मदा बलदा यस्य विश्व उपासते प्रशिषं यस्य देवाः ।
योऽस्येशे द्विपदो यश्चतुष्पदस्तस्य देवस्य ।
क्रुद्धस्यैतदागो य एवं विद्वांसं ब्राह्मणं जिनाति ।
उद्वैपय रोहित प्र क्षिणीहि ब्रह्मज्यस्य प्रति मुञ्च पाशान् ॥२४॥

एकपाद्द्विपदो भूयो वि चक्रमे द्विपात्त्रिपादमभ्येति पश्चात् ।

चतुष्पाच्चक्रे द्विपदामभिस्वरे संपश्यन्पङ्क्तिमुपतिष्ठमानस्तस्य देवस्य ।
क्रुद्धस्यैतदागो य एवं विद्वांसं ब्राह्मणं जिनाति ।
उद्वैपय रोहित प्र क्षिणीहि ब्रह्मज्यस्य प्रति मुञ्च पाशान् ॥२५॥

कृष्णायाः पुत्रो अर्जुनो रात्र्या वत्सोऽजायत ।
स ह द्यामधि रोहति रुहो रुरोह रोहितः ॥२६॥

(४) चतुर्थं सूक्तम्

स एति सविता इत्यारभ्य अन्नाद्येन इत्यन्तानां षट्पर्यायाणां ब्रह्मा ऋषिः ।
मन्त्रोक्ता देवताः ॥

(१) प्रथमः पर्यायः

(१-१३) त्रयोदशर्चस्यास्य पर्यायस्य (१-११) प्रथमाद्येकादशर्चा प्राजापत्यानुष्टुप्
(१२) द्वादश्या विराङ्गायत्री (१३) त्रयोदश्याश्चासुर्युष्णिक् छन्दांसि
स एति सविता स्वर्दिवस्पृष्टेऽवचाकशत् ॥१॥

रश्मिभिर्नभ आभृतं महेन्द्र एत्यावृतः ॥२॥

स धाता स विधर्ता स वायुर्नभ उच्छ्रितम् ।
रश्मिभिर्नभ आभृतं महेन्द्र एत्यावृतः ॥३॥

सोऽर्यमा स वरुणः स रुद्रः स महादेवः ।
रश्मिभिर्नभ आभृतं महेन्द्र एत्यावृतः ॥४॥

सो अग्निः स उ सूर्यः स उ एव महायमः ।
रश्मिभिर्नभ आभृतं महेन्द्र एत्यावृतः ॥५॥

तं वत्सा उप तिष्ठन्त्येकशीर्षाणो युता दश ।
रश्मिभिर्नभ आभृतं महेन्द्र एत्यावृतः ॥६॥

पश्चात्प्राञ्च आ तन्वन्ति यदुदेति वि भासति ।
रश्मिभिर्नभ आभृतं महेन्द्र एत्यावृतः ॥७॥

तस्यैष मारुतो गुणः स एति शिख्याकृतः ॥८॥

रश्मिभिर्नभ आभृतं महेन्द्र एत्यावृतः ॥९॥

तस्येमे नव कोशा विष्टम्भा नवधा हिताः ॥१०॥

स प्रजाभ्यो वि पश्यति यच्च प्राणति यच्च न ॥११॥

तमिदं निर्गतं सहः स एष एक एकवृदेक एव ॥१२॥

एते अस्मिन्देवा एकवृत्तौ भवन्ति ॥१३॥

(२) द्वितीयः पर्यायः

(१-८) अष्टर्चस्यास्य पर्यायस्य (१) प्रथमर्चो भुरिक्साम्नी त्रिष्टुप् (२) द्वितीयाया
आसुरी पङ्क्तिः (३, ६) तृतीयाषष्ठयोः प्राजापत्यानुष्टुप् (४-५) चतुर्थीपञ्चम्योरासुरी
गायत्री ((७) सप्तम्या द्विपदा विराड्गायत्री (८) अष्टम्याश्वासुर्यनुष्टुप्) छन्दांसि
कीर्तिश्च यशश्चाम्भश्च नभश्च ब्राह्मणवर्चसं चान्नं चान्नाद्यं च ॥१॥

य एतं देवमैकवृत्तं वेदं ॥२॥

न द्वितीयो न तृतीयश्चतुर्थो नाप्युच्यते ।
य एतं देवमैकवृत्तं वेदं ॥३॥

न पञ्चमो न षष्ठः सप्तमो नाप्युच्यते ।
य एतं देवमैकवृत्तं वेदं ॥४॥

नाष्टमो न नवमो दशमो नाप्युच्यते ।
य एतं देवमैकवृतं वेदं ॥५॥

स सर्वस्मै वि पश्यति यच्च प्राणति यच्च न ।
य एतं देवमैकवृतं वेदं ॥६॥

तमिदं निर्गतं सहः स एष एकं एकवृदेकं एव ।
य एतं देवमैकवृतं वेदं ॥७॥

सर्वे अस्मिन्देवा एकवृतौ भवन्ति ।
य एतं देवमैकवृतं वेदं ॥८॥

(३) तृतीयः पर्यायः

(१-७) सप्तर्चस्यास्य पर्यायस्य (१) प्रथमर्चो भुरिकप्राजापत्या त्रिष्टुप् (२) द्वितीयाया
आर्ची गायत्री (३) तृतीयायास्त्रिष्टुप् (४) चतुर्थ्या एकपदासुरी गायत्री
(५) पञ्चम्या आर्च्यनुष्टुप् (६-७) षष्ठीसप्तम्योश्च प्राजापत्यानुष्टुप् छन्दांसि
ब्रह्मं च तपश्च कीर्तिश्च यशश्चाभश्च नभश्च ब्राह्मणवर्चसं चान्नं चान्नाद्यं च
।

य एतं देवमैकवृतं वेदं ॥१॥

भूतं च भव्यं च श्रद्धा च रुचिश्च स्वर्गश्च स्वधा च ॥२॥

य एतं देवमैकवृतं वेदं ॥३॥

स एव मृत्युः सोऽमृतं सोऽभ्वंश्च स रक्षः ॥४॥

स रुद्रो वसुवनिर्वसुदेये नमोवाके वषट्कारोऽनु संहितः ॥५॥

तस्येमे सर्वे यातव उप प्रशिषमासते ॥६॥

तस्या॒मू॒ सर्वा॑ नक्ष॒त्रा॒ वशै॑ च॒न्द्रम॑सा स॒ह ॥७॥

(४) चतुर्थः पर्यायः

(१-१७) सप्तदशर्चस्यास्य पर्यायस्य (१, ५, ११-१२, १७)

प्रथमापञ्चम्येकादशीद्वादशीसप्तदशीनामृचामासुरी गायत्री (२, ४, ७-८, १४)

द्वितीयाचतुर्थीसप्तम्यष्टमीचतुर्दशीनां प्राजापत्यानुष्टुप् (३) तृतीयाया विराङ्गायत्री
(६, ९-१०) षष्ठीनवमीदशमीनां साम्न्युष्णिक् (१३) त्रयोदश्याः साम्नी बृहती (१५)

पञ्चदश्या आर्षी गायत्री (१६) षोडश्याश्च साम्न्यनुष्टुप् छन्दांसि

स वा अ॒ह्नो॑ऽजायत॒ तस्मा॑द॒हर॑जायत ॥१॥

स वै रा॒त्र्या॑ अजायत॒ तस्मा॑द्रा॒त्रिर॑जायत ॥२॥

स वा अ॒न्तरि॑क्षादजायत॒ तस्मा॑द॒न्तरि॑क्षमजायत ॥३॥

स वै वा॒योर॑जायत॒ तस्मा॑द्वा॒युर॑जायत ॥४॥

स वै दि॒वो॑ऽजायत॒ तस्मा॑द्द्व्यौ॒रर्ध्व॑जायत ॥५॥

स वै दि॒ग्भ्यो॑ऽजायत॒ तस्मा॑द्दि॒शो॑ऽजायन्त ॥६॥

स वै भू॒मेर॑जायत॒ तस्मा॑द्भूमि॒रजा॑यत ॥७॥

स वा अ॒ग्नेर॑जायत॒ तस्मा॑द॒ग्निर॑जायत ॥८॥

स वा अ॒द्भ्यो॑ऽजायत॒ तस्मा॑दापो॑ऽजायन्त ॥९॥

स वा ऋ॒ग्भ्यो॑ऽजायत॒ तस्मा॑दृ॒चो॑ऽजायन्त ॥१०॥

स वै य॒ज्ञाद॑जायत॒ तस्मा॑द्य॒ज्ञो॑ऽजायत ॥११॥

स य॒ज्ञस्तस्य॑ य॒ज्ञः स य॒ज्ञस्य॑ शिर॑स्कृतम् ॥१२॥

स स्त॑नयति॒ स वि द्यौ॑तते॒ स उ॒ अश्मान॑मस्यति ॥१३॥

पा॒पाय॑ वा भ॒द्राय॑ वा॒ पुरु॑षा॒यासुरा॑य वा ॥१४॥

यद्वा॑ कृ॒णोष्यो॑ष॒धीर्यद्वा॑ वर्ष॑सि भ॒द्रया॑ यद्वा॑ ज॒न्यमवी॑वृधः ॥१५॥

तावा॑स्ते मघवन्महि॒मोपौ॑ ते त॒न्वः श॑तम् ॥१६॥

उपौ॑ ते ब॒ध्वे ब॒द्धानि॑ यदि॒ वासि॑ न्य॒र्बुदम् ॥१७॥

(५) पञ्चमः पर्यायः

(१-६) षडृचस्यास्य पर्यायस्य (१) प्रथमर्च आसुरी गायत्री (२) द्वितीयाया यवमध्या गायत्री (३) तृतीयायाः साम्न्युष्णिक (४) चतुर्थ्या निचृत्साम्नी बृहती (५) पञ्चम्याः प्राजापत्यानुष्टुप् (६) षष्ठ्याश्च विराङ्गायत्री छन्दांसि भूयानिन्द्रौ नमुराद्भूयानिन्द्रासि मृत्युर्भ्यः ॥१॥

भूयान॑रा॒त्याः श॒च्याः पति॑स्त्वमिन्द्रासि वि॒भूः प्र॒भूरिति॑ त्वोपा॑स्महे व॒यम् ॥२॥

नम॑स्ते अस्तु पश्यत॒ पश्य॑ मा पश्यत ॥३॥

अ॒न्नाद्यै॑न॒ यश॑सा॒ तेज॑सा॒ ब्राह्म॑णव॒र्चसे॑न ॥४॥

अ॒म्भो अ॒मो महः॑ सह॒ इति॑ त्वोपा॑स्महे व॒यम् ।

नम॑स्ते अस्तु पश्यत॒ पश्य॑ मा पश्यत ।

अ॒न्नाद्यै॑न॒ यश॑सा॒ तेज॑सा॒ ब्राह्म॑णव॒र्चसे॑न ॥५॥

अम्भो अरुणं रजुतं रजुः सह इति त्वोपास्महे वयम् ।
नमस्ते अस्तु पश्यतु पश्य मा पश्यत ।
अन्नाद्येन यशसा तेजसा ब्राह्मणवर्चसेन ॥६॥

(६) षष्ठः पर्यायः

(१-५) पञ्चर्चस्यास्य पर्यायस्य (१-२) प्रथमाद्वितीययोर्ऋचोः प्राजापत्यानुष्टुप्

(३) तृतीयाया द्विपदार्षी गायत्री ((४) चतुर्थ्याः साम्नाद्युष्णिक्

(५) पञ्चम्याश्च निचृत्साम्नी बृहती) छन्दांसि

उरुः पृथुः सुभूर्भुव इति त्वोपास्महे वयम् ।
नमस्ते अस्तु पश्यतु पश्य मा पश्यत ।
अन्नाद्येन यशसा तेजसा ब्राह्मणवर्चसेन ॥१॥

प्रथो वरो व्यचो लोक इति त्वोपास्महे वयम् ।
नमस्ते अस्तु पश्यतु पश्य मा पश्यत ।
अन्नाद्येन यशसा तेजसा ब्राह्मणवर्चसेन ॥२॥

भर्वद्वसुरिदद्वसुः संयद्वसुरायद्वसुरिति त्वोपास्महे वयम् ॥३॥

नमस्ते अस्तु पश्यतु पश्य मा पश्यत ॥४॥

अन्नाद्येन यशसा तेजसा ब्राह्मणवर्चसेन ॥५॥

इति त्रयोदशं काण्डम्

अथ चतुर्दशं काण्डम्

(१) प्रथमं सूक्तम्

(१-६४) चतुःषष्ट्यृचस्यास्य सूक्तस्य सावित्री सूर्या ऋषिका । (१-५)
 प्रथमादिपञ्चर्चा सोमः (६) षष्ट्याः स्वविवाहः (७-२२, २६, २८-६४)
 सप्तम्यादिषोडशानां षड्विंश्या अष्टाविंश्यादिसप्तत्रिंशत्तश्चात्मा (२३) त्रयोविंश्याः
 सोमार्कौ (२४) चतुर्विंश्याश्चन्द्रमाः (२५) पञ्चविंश्या नृणां विवाहमन्त्राशिषो
 वधूवासःसंस्पर्शमोचनञ्च (२७) सप्तविंश्याश्च वधूवासःसंस्पर्शमोचनं देवताः ।
 (१-१३, १६-१८, २२, २५-२८, ३०, ३५-३६, ४१-४४, ५१-५२, ६२-६३)
 प्रथमादित्रयोदशानां षोडश्यादितृचस्य द्वाविंश्याः पञ्चविंश्यादिचतसृणां
 त्रिंशीपञ्चत्रिंशीषट्त्रिंशीनामेकचत्वारिंश्यादिचतसृणामेकपञ्चाशीद्विपञ्चा-
 शीद्विषष्टीत्रिषष्टीनाञ्चानुष्टुप् (१४) चतुर्दश्या विराट् प्रस्तारपङ्क्तिः (१५) पञ्चदश्या
 आस्तारपङ्क्तिः (१६-२०, २४, ३२-३३, ३७, ३९-४०, ४७, ४९-५०, ५३, ५६-५७)
 एकोनविंशीविंशीचतुर्विंशीद्वात्रिंशीत्रयस्त्रिंशीसप्तत्रिंशयेकोनचत्वारिंशीचत्वारिंशीसप्तचत्वा
 रिंशयेकोनपञ्चाशीपञ्चाशीत्रिपञ्चाशीषट्पञ्चाशीसप्तपञ्चा-शीनां ((५८-५९, ६१)
 अष्टपञ्चाशयेकोनषष्ट्येकषष्टीनाञ्च) त्रिष्टुप् (२१, ४६) एकविंशीषट्चत्वारिंशयोर्जगती
 (२३, ३१, ४५) त्रयोविंशयेकत्रिंशीपञ्चचत्वारिंशीनां बृहतीगर्भा त्रिष्टुप् (२६, ५५)
 एकोनत्रिंशीपञ्चपञ्चाशयोः पुरस्ताद्बृहती (३४) चतुस्त्रिंश्याः प्रस्तारपङ्क्तिः (३८)
 अष्टात्रिंश्याः पुरोबृहती त्रिपदा परोष्णिक् ((४८) अष्टचत्वारिंश्याः पथ्यापङ्क्तिः)
 (५४, ६४) चतुष्पञ्चाशीचतुःषष्ट्योर्भुरिक्त्रिष्टुप् (६०) षष्ट्याश्च परानुष्टुप्त्रिष्टुप् छन्दांसि
 सत्येनोत्तभिता भूमिः सूर्येणोत्तभिता द्यौः ।
 ऋतेनादित्यास्तिष्ठन्ति दिवि सोमो अर्धि श्रितः ॥१॥

सोमैनादित्या बलिनः सोमैन पृथिवी मही ।
 अथो नक्षत्राणामेषामुपस्थे सोम आर्हितः ॥२॥

सोमं मन्यते पपिवान्यत्संपिषन्त्योषधिम् ।
 सोमं यं ब्रह्माणो विदुर्न तस्याश्नाति पार्थिवः ॥३॥

यत्त्वा सोम प्रपिबन्ति तत् आ प्यायसे पुनः ।
 वायुः सोमस्य रक्षिता समानां मासु आकृतिः ॥४॥

आच्छद्विधानैर्गुपितो बाहृतैः सोम रक्षितः ।
ग्राव्णामिच्छुरवन्तिष्ठसि न ते अश्नाति पार्थिवः ॥५॥

चित्तिरा उपबर्हणं चक्षुरा अभ्यञ्जनम् ।
द्यौर्भूमिः कोश आसीद्यदयात्सूर्या पतिम् ॥६॥

रैभ्यासीदनुदेयी नाराशंसी न्योचनी ।
सूर्याया भद्रमिद्रासो गार्थयैति परिष्कृता ॥७॥

स्तोमा आसन्प्रतिधयः कुरीरं छन्द ओपशः ।
सूर्याया अश्विना वराग्निरासीत्पुरोगवः ॥८॥

सोमो वधूरुर्भवदश्विनास्तामुभा वरा ।
सूर्या यत्पत्ये शंसन्तीं मनसा सविताददात् ॥९॥

मनो अस्या अन आसीद्यौरासीदुत छुदिः ।
शुक्रावनड्वाहावास्तां यदयात्सूर्या पतिम् ॥१०॥

ऋक्सामाभ्यामभिहितौ गावौ ते सामनावैताम् ।
श्रोत्रे ते चक्रे आस्तां दिवि पन्थाश्चराचरः ॥११॥

शुचीं ते चक्रे यात्या व्यानो अन्न आहतः ।
अनो मनस्मयं सूर्यारौहत्प्रयती पतिम् ॥१२॥

सूर्याया वहतुः प्रागात्सविता यमवासृजत् ।
मघासु हन्यन्ते गावः फल्गुनीषु व्युह्यते ॥१३॥

यदश्विना पृच्छमानावयातं त्रिचक्रेण वहतुं सूर्यायाः ।

क्वैकं चक्रं वामासीत्क्व देष्ट्राय तस्थथुः ॥१४॥

यदयातं शुभस्पती वरेयं सूर्यामुप ।
विश्वे देवा अनु तद्वामजानन्पुत्रः पितरमवृणीत पूषा ॥१५॥

द्वे ते चक्रे सूर्ये ब्रह्माणं ऋतुथा विदुः ।
अथैकं चक्रं यद्गुहा तदद्भ्यातय इद्विदुः ॥१६॥

अर्यमणं यजामहे सुबन्धुं पतिवेदनम् ।
उर्वारुकमिव बन्धनात्प्रेतो मुञ्चामि नामुतः ॥१७॥

प्रेतो मुञ्चामि नामुतः सुबद्धाममुतस्करम् ।
यथेयमिन्द्र मीढ्वः सुपुत्रा सुभगासति ॥१८॥

प्र त्वा मुञ्चामि वरुणस्य पाशाद्येन त्वाबध्नात्सविता सुशेवाः ।
ऋतस्य योनौ सुकृतस्य लोके स्योनं ते अस्तु सहसंभलायै ॥१९॥

भर्गस्त्वेतो नयतु हस्तगृह्याश्विना त्वा प्र वहतां रथेन ।
गृहान्गच्छ गृहपत्नी यथासौ वशिनी त्वं विदथमा वदासि ॥२०॥

इह प्रियं प्रजायै ते समृध्यतामस्मिन्गृहे गार्हपत्याय जागृहि ।
एना पत्या तन्वशु सं स्पृशस्वाथ जिर्विर्विदथमा वदासि ॥२१॥

इहैव स्तं मा वि यौष्टं विश्वमायुर्व्यं शनुतम् ।
क्रीडन्तौ पुत्रैर्नप्तृभिर्मोदमानौ स्वस्तकौ ॥२२॥

पूर्वापरं चरतो माययैतौ शिशू क्रीडन्तौ परि यातोऽर्णवम् ।
विश्वान्यो भुवना विचष्ट ऋतूरन्यो विदधज्जायसे नवः ॥२३॥

नवोनवो भवसि जायमानोऽह्नां केतुरुषसामेष्यग्रम् ।
भागं देवेभ्यो वि दधास्यायन् चन्द्रमस्तिरसे दीर्घमायुः ॥ २४ ॥

परां देहि शामुल्यं ब्रह्मभ्यो वि भजा वसु ।
कृत्यैषा पद्वती भूत्वा जाया विशते पतिम् ॥ २५ ॥

नीललोहितं भवति कृत्यासक्तिर्व्यज्यते ।
एधन्ते अस्या ज्ञातयः पतिर्बन्धेषु बध्यते ॥ २६ ॥

अश्लीला तनूर्भवति रुशती पापयामुया ।
पतिर्यद्वध्वोरे वाससः स्वमङ्गमभ्युर्गते ॥ २७ ॥

आशसनं विशसनमथो अधिविकर्तनम् ।
सूर्यायाः पश्य रूपाणि तानि ब्रह्मोत शुम्भति ॥ २८ ॥

तृष्टमेतत्कटुकमपाष्ठवद्विषवन्नैतदत्तवे ।
सूर्या यो ब्रह्मा वेद स इद्वाधूयमर्हति ॥ २९ ॥

स इत्तत्स्योनं हरति ब्रह्मा वासः सुमङ्गलम् ।
प्रायश्चित्तिं यो अध्येति येन जाया न रिष्यति ॥ ३० ॥

युवं भगं सं भरतं समृद्धमृतं वदन्तावृतोद्येषु ।
ब्रह्मणस्पते पतिमस्यै रोचय चारुं संभलो वदतु वाचमेताम् ॥ ३१ ॥

इहेदसाथ न पुरो गमाथेमं गावः प्रजया वर्धयाथ ।
शुभं यतीरुस्त्रियाः सोमवर्चसो विश्वै देवाः क्रन्निह वो मनांसि ॥ ३२ ॥

इमं गावः प्रजया सं विशाथायं देवानां न मिनाति भागम् ।

अ॒स्मै वः पू॒षा म॒रुत॑श्च॒ सर्वे॑ अ॒स्मै वो॑ धा॒ता स॒विता॑ सु॒वाति ॥३३॥

अ॒नृ॒क्षरा॑ ऋ॒जवः॑ सन्तु॒ पन्थानो॑ येभिः॒ सखा॑यो॒ यन्ति॑ नो व॒रेयम् ।
सं भ॒गेन॑ स॒मर्य॑म्णा सं धा॒ता सृ॑जतु॒ वर्च॑सा ॥३४॥

यच्च॒ वर्चो॑ अ॒क्षेषु॑ सु॒रायां च॒ यदा॑हितम् ।
यद्गो॑ष्व॒श्विना॒ वर्च॑स्तेने॒मां वर्च॑सावतम् ॥३५॥

येन॑ म॒हान॒घ्न्या ज॒घन॑म॒श्विना॒ येन॑ वा॒ सुरा॑ ।
येना॒क्षा अ॒भ्यर्षि॑च्यन्त॒ तेने॒मां वर्च॑सावतम् ॥३६॥

यो अ॒नि॒ध्मो दी॒दय॑द॒प्स्वशु॑न्तर्यं॒ विप्रा॑सु॒ ईड॑ते अ॒ध्वरेषु॑ ।
अपां॑ न॒पान्म॑धु॒मती॑र॒पो दा॒ याभि॑रिन्द्रो॒ वावृ॑धे वी॒र्या॑वान् ॥३७॥

इ॒दम॒हं रु॑शन्तं ग्रा॒भं त॑नू॒दूषि॑मपो॒हामि॑ ।
यो भ॒द्रो रौ॑च॒नस्त॑मु॒दचामि॑ ॥३८॥

आ॒स्यै ब्रा॑ह्म॒णाः स्र॑प॒नीर्हर॑न्त्ववी॒रघ्नी॑रु॒दज॑न्त्वापः ।
अ॒र्य॑म्णो अ॒ग्निं प॑र्येतु॒ पूष॑न्प्रती॒क्षन्ते॑ श्वशु॒रो दे॒वर॑श्च ॥३९॥

शं ते॒ हिर॑ण्यं॒ शमु॑ स॒न्त्वापः॑ शं मे॒थिर्भव॑तु॒ शं यु॑गस्य॒ तर्ध॑ ।
शं त॒ आपः॑ श॒तप॑वित्रा॒ भवन्तु॑ श॒मु प॑त्या॒ तन्व॑शु॒ सं स्पृ॑शस्व ॥४०॥

खे रथ॑स्य॒ खेऽन॑सुः॒ खे यु॑गस्य॒ शत॑क्रतो ।
अ॒पा॒ला॒मिन्द्र॑ त्रिष्पू॒त्वाकृ॑णोः॒ सूर्य॑त्वचम् ॥४१॥

आ॒शासा॑ना सौम॒नसं॑ प्र॒जां सौ॑भा॒ग्यं र॒यिम् ।
प॒त्युरनु॑व्रता॒ भूत्वा॑ सं न॒ह्यस्वा॑मृता॒य क॑म् ॥४२॥

यथा सिन्धुर्नदीनां साम्राज्यं सुषुवे वृषा ।
एवा त्वं सम्राज्ञयैधि पत्युरस्तं परेत्य ॥४३॥

सम्राज्ञयैधि श्वशुरिषु सम्राज्ञयुत देवृषु ।
ननान्दुः सम्राज्ञयैधि सम्राज्ञयुत श्वशवाः ॥४४॥

या अकृन्तन्नवयुन्याश्च तत्रिरे या देवीरन्ताँ अभितोऽददन्त ।
तास्त्वा जुरसे सं व्ययन्त्वायुष्मतीदं परि धत्स्व वासः ॥४५॥

जीवं रुदन्ति वि नयन्त्यध्वरं दीर्घामनु प्रसितिं दीध्युर्नरः ।
वामं पितृभ्यो य इदं समीरिरे मयः पतिभ्यो जनये परिष्वजे ॥४६॥

स्योनं ध्रुवं प्रजायै धारयामि तेऽश्मानं देव्याः पृथिव्या उपस्थे ।
तमा तिष्ठानुमाद्या सुवर्चा दीर्घं त आरुः सविता कृणोतु ॥४७॥

येनाग्निरस्या भूम्या हस्तं जग्राह दक्षिणम् ।
तेन गृह्णामि ते हस्तं मा व्यथिष्ठा मया सह प्रजया च धनेन च ॥४८॥

देवस्तै सविता हस्तं गृह्णातु सोमो राजा सुप्रजसं कृणोतु ।
अग्निः सुभगां जातवैदाः पत्ये पत्नीं जरदष्टिं कृणोतु ॥४९॥

गृह्णामि ते सौभगत्वाय हस्तं मया पत्या जरदष्टिर्यथासः ।
भगो अर्यमा सविता पुरंधिर्मह्यं त्वादुर्गार्हपत्याय देवाः ॥५०॥

भगस्ते हस्तमग्रहीत्सविता हस्तमग्रहीत् ।
पत्नी त्वर्मसि धर्मणाहं गृहपतिस्तव ॥५१॥

ममेयमस्तु पोष्या मह्यं त्वादाद्बृहस्पतिः ।

मया पत्यां प्रजावति सं जीव शरदः शतम् ॥५२॥

त्वष्टा वासो व्युदधाच्छुभे कं बृहस्पतैः प्रशिषां कवीनाम् ।
तेनेमां नारीं सविता भर्गश्च सूर्यामिव परि धत्तां प्रजया ॥५३॥

इन्द्राग्नी द्यावापृथिवी मातरिश्वा मित्रावरुणा भगो अश्विनोभा ।
बृहस्पतिर्मरुतो ब्रह्म सोम इमां नारिं प्रजया वर्धयन्तु ॥५४॥

बृहस्पतिः प्रथमः सूर्यायाः शीर्षे केशाँ अकल्पयत् ।
तेनेमामश्विना नारीं पत्ये सं शौभयामसि ॥५५॥

इदं तद्रूपं यदवस्तु योषां जायां जिज्ञासे मनसा चरन्तीम् ।
तामन्वर्तिष्ये सखिभिर्नवगवैः क इमान्विद्वान्वि चर्तु पाशान् ॥५६॥

अहं वि ष्यामि मयि रूपमस्या वेददित्पश्यन्मनसः कुलायम् ।
न स्तेयमधि मनसोदमुच्ये स्वयं श्रथ्नानो वरुणस्य पाशान् ॥५७॥

प्र त्वा मुञ्चामि वरुणस्य पाशाद्येन त्वाबध्नात्सविता सुशेवाः ।
उरुं लोकं सुगमत्र पन्थां कृणोमि तुभ्यं सहपत्न्यै वधु ॥५८॥

उद्यच्छध्वमप रक्षौ हनाथेमं नारीं सुकृते दधात ।
धाता विपश्चित्पतिमस्यै विवेद भगो राजा पुर एतु प्रजानन् ॥५९॥

भर्गस्ततश्च चतुरः पादान्भर्गस्ततश्च चत्वार्युष्पलानि ।
त्वष्टा पिपेश मध्यतोऽनु वर्ध्नान्त्सा नो अस्तु सुमङ्गली ॥६०॥

सुकिंशुकं वहतुं विश्वरूपं हिरण्यवर्णं सुवृतं सुचक्रम् ।
आ रोह सूर्ये अमृतस्य लोकं स्योनं पतिभ्यो वहतुं कृणु त्वम् ॥६१॥

अभ्रातृघ्नीं वरुणापशुघ्नीं बृहस्पते ।
इन्द्रापतिघ्नीं पुत्रिणीमास्मभ्यं सवितर्वह ॥६२॥

मा हिंसिष्टं कुमार्यं स्थूणै देवकृते पृथि ।
शालाया देव्या द्वारं स्योनं कृणमो वधूपथम् ॥६३॥

ब्रह्मापरं युज्यतां ब्रह्म पूर्वं ब्रह्मान्ततो मध्यतो ब्रह्म सर्वतः ।
अनाव्याधां देवपुरां प्रपद्य शिवा स्योना पतिलोके वि राज ॥६४॥

(२) द्वितीयं सूक्तम्

(१-७५) पञ्चसप्तत्यृचस्यास्य सूक्तस्य सावित्री सूर्या ऋषिका ।

(१-६, १२-३५, ३७-७५) प्रथमादिनवर्चा द्वादश्यादिचतुर्विंशतेः

सप्तत्रिंश्याद्येकोनचत्वारिंशतश्चात्मा (१०) दशम्या यक्ष्मनाशनम् (११) एकादश्या
दम्पत्योः परिपन्थिनाशनम् (३६) षट्त्रिंश्याश्च देवा देवताः । (१-४, ७-८, १०-११,
१६, २१-२३, २७-३०, ४५-४६, ५३-५८, ६३-६७, ७२-७३) प्रथमादिचतसृणां
सप्तम्यष्टमीदशम्येकादशीषोडशीनामेकविंश्यादितृचस्य सप्तविंश्यादिचतसृणां
पञ्चचत्वारिंशीषट्चत्वारिंशयोस्त्रिपञ्चाश्यादितृचद्वयस्य त्रिषष्ट्यादिपञ्चानां
द्विसप्ततितमात्रिसप्ततितमयोश्चानुष्टुप्

(५-६, १२, ३१, ४०) पञ्चमीषष्टीद्वादश्येकत्रिंशीचत्वारिंशीनां जगती

(६) नवम्यारूयवसाना षट्पदा विराडत्यष्टिः

(१३-१४, १७-१६, ४१-४२, ४६, ६१, ७०, ७४-७५) त्रयोदशीचतुर्दशयोः

सप्तदश्यादितृचस्यैकचत्वारिंशीद्विचत्वारिंशयेकोनपञ्चाश्येकषष्टीसप्तति-

तमाचतुःसप्ततितमापञ्चसप्ततितमानां ((२४-२५, ३२, ३४, ३६, ३८)

चतुर्विंशीपञ्चविंशीद्वात्रिंशीचतुस्त्रिंशीषट्त्रिंश्याष्टात्रिंशीनाञ्च) त्रिष्टुप् (१५, ५१)

पञ्चदश्येकपञ्चाशयोर्भुरिगनुष्टुप् (२०) विंश्याः पुरस्ताद्बृहती ((२६) षड्विंश्या

विराडनुष्टुप्) (३३) त्रयस्त्रिंश्या विराडास्तारपङ्क्तिः (३५) पञ्चत्रिंश्याः पुरोबृहती त्रिष्टुप्

(३७, ३६) सप्तत्रिंश्येकोनचत्वारिंशयोर्भुरिक्त्रिष्टुप् (४३) त्रिचत्वारिंश्यास्त्रिष्टुब्गर्भा पङ्क्तिः

(४४) चतुश्चत्वारिंश्याः प्रस्तारपङ्क्तिः ((४७) सप्तचत्वारिंश्याः पथ्याबृहती) (४८)

अष्टचत्वारिंश्याः सतःपङ्क्तिः ((५०) पञ्चाश्या उपरिष्टाद्बृहती) (५२) द्विपञ्चाश्या

विराट्परोष्णिक (५६-६०, ६२) एकोनषष्टीषष्टीद्विषष्टीनां पथ्यापङ्क्तिः

((६८) अष्टषष्ट्याः विराट् पुर उष्णिक) (६६) एकोनसप्ततितमायारूयवसाना

षट्पदातिशक्वरी (७१) एकसप्ततितमायाश्च बृहती छन्दांसि ॥

तुभ्यमग्रे पर्यवहन्त्सूर्या वहतुना सह ।
स नः पतिभ्यो जायां दा अग्रे प्रजया सह ॥१॥

पुनः पत्नीमग्निरदादायुषा सह वर्चसा ।
दीर्घायुरस्या यः पतिर्जीवाति शरदः शतम् ॥२॥

सोमस्य जाया प्रथमं गन्धर्वस्तेऽपरः पतिः ।
तृतीयो अग्निष्टे पतिस्तुरीयस्ते मनुष्यजाः ॥३॥

सोमो ददद्गन्धर्वाय गन्धर्वो ददद्ग्नये ।
रयिं च पुत्रांश्चादादग्निर्मह्यमथौ इमाम् ॥४॥

आ वामगन्त्सुमतिर्वाजिनीवसू न्यश्चिना हृत्सु कामा अरंसत ।
अभूतं गोपा मिथुना शुभस्पती प्रिया अर्यम्णो दुर्यां अशीमहि ॥५॥

सा मन्दसाना मनसा शिवेन रयिं धेहि सर्ववीरं वचस्यम् ।
सुगं तीर्थं सुप्रपाणं शुभस्पती स्थाणुं पथिष्ठामपं दुर्मतिं हतम् ॥६॥

या ओषधयो या नद्योरे यानि क्षेत्राणि या वना ।
तास्त्वा वधु प्रजावतीं पत्ये रक्षन्तु रक्षसः ॥७॥

एमं पन्थामरुक्षाम सुगं स्वस्तिवाहनम् ।
यस्मिन्वीरो न रिष्यत्यन्येषां विन्दते वसु ॥८॥

इदं सु मे नरः शृणुत ययाशिषा दंपती वाममश्नुतः ।
ये गन्धर्वा अप्सरसश्च देवीरेषु वानस्पत्येषु येऽधि तस्थुः ।
स्योनास्ते अस्यै वध्वै भवन्तु मा हिंसिषुर्वहतुमुह्यमानम् ॥९॥

ये वृध्वश्चन्द्रं वहतुं यक्ष्मा यन्ति जनाँ अनु ।
पुनस्तान्यज्ञिया देवा नयन्तु यत् आगताः ॥१०॥

मा विदन्परिपन्थिनो य आसीदन्ति दंपती ।
सुगेन दुर्गमतीतामपे द्रान्त्वरतयः ॥११॥

सं काशयामि वहतुं ब्रह्मणा गृहैरघोरैण चक्षुषा मित्रियैण ।
पर्याणद्धं विश्वरूपं यदस्ति स्योनं पतिभ्यः सविता तत्कृणोतु ॥१२॥

शिवा नारीयमस्तमार्गन्निमं धाता लोकमस्यै दिदेश ।
तामर्यमा भगौ अश्विनोभा प्रजापतिः प्रजया वर्धयन्तु ॥१३॥

आत्मन्वत्युर्वरा नारीयमागन्तस्यां नरो वपत् बीजमस्याम् ।
सा वः प्रजां जनयद्ब्रह्मणाभ्यो बिभ्रती दुग्धमृषभस्य रेतः ॥१४॥

प्रति तिष्ठ विराडसि विष्णुरिवेह सरस्वति ।
सिनीवाल्लि प्र जायतां भगस्य सुमतावसत् ॥१५॥

उद्व ऊर्मिः शम्या हन्त्वापो योक्त्राणि मुञ्चत ।
मादुष्कृतौ व्येनसावघ्नयावशुनमारताम् ॥१६॥

अघोरचक्षुरपतिघ्नी स्योना शग्मा सुशेवा सुयमा गृहेभ्यः ।
वीरसूर्देवृकामा सं त्वयैधिषीमहि सुमनस्यमाना ॥१७॥

अदेवृघ्न्यपतिघ्नीहैधिं शिवा पशुभ्यः सुयमा सुवर्चाः ।
प्रजावती वीरसूर्देवृकामा स्योनेममग्निं गार्हपत्यं सपर्य ॥१८॥

उत्तिष्ठेतः किमिच्छन्तीदमागा अहं त्वैडे अभिभूः स्वाद्गृहात् ।

शून्यैषी निऋति याजगन्थोत्तिष्ठाराते प्र पंत मेह रंस्थाः ॥१६॥

यदा गार्हपत्यमसंपर्यैत्पूर्वमग्निं वधूरियम् ।
अधा सरस्वत्यै नारि पितृभ्यश्च नमस्कुरु ॥२०॥

शर्म वमैतदा हंरास्यै नार्या उपस्तिरै ।
सिनीवालि प्र जायतां भगस्य सुमतावसत् ॥२१॥

यं बल्बजं न्यस्यथ चर्म चोपस्तृणीथनं ।
तदा रोहतु सुप्रजा या कन्या विन्दते पतिम् ॥२२॥

उप स्तृणीहि बल्बजमधि चर्मणि रोहिते ।
तत्रौपविश्य सुप्रजा इममग्निं संपर्यतु ॥२३॥

आ रोह चर्मोप सीदाग्निमेष देवो हन्ति रक्षांसि सर्वा ।
इह प्रजां जनय पत्यै अस्मै सुज्यैष्ठ्यो भवत्पुत्रस्त एषः ॥२४॥

वि तिष्ठन्तां मातुरस्या उपस्थान्नानारूपाः पशवो जायमानाः ।
सुमङ्गल्युप सीदेममग्निं संपत्नी प्रति भूषेह देवान् ॥२५॥

सुमङ्गली प्रतरणी गृहाणां सुशेवा पत्ये श्वशुराय शंभूः ।
स्योना श्वश्रुवै प्र गृहान्विशेमान् ॥२६॥

स्योना भव श्वशुरिभ्यः स्योना पत्यै गृहेभ्यः ।
स्योनास्यै सर्वस्यै विशे स्योना पुष्टायैषां भव ॥२७॥

सुमङ्गलीरियं वधूरिमां समेत पश्यत ।
सौभाग्यमस्यै दत्त्वा दौर्भाग्यैर्विपरैतन ॥२८॥

या दुर्हार्दो युवतयो याश्चेह जरतीरपि ।
वर्चो न्वशुस्यै सं दत्ताथास्तं विपरैतन ॥ २६ ॥

रुक्मप्रस्तरणं वृह्यं विश्वा रूपाणि बिभ्रतम् ।
आरौहत्सूर्या सावित्री बृहते सौभगाय कम् ॥ ३० ॥

आ रौह तल्पं सुमनस्यमानेह प्रजां जनयु पत्ये अस्मै ।
इन्द्राणीव सुबुधा बुध्यमाना ज्योतिरग्रा उषसः प्रति जागरासि ॥ ३१ ॥

देवा अग्रे न्यपद्यन्त पत्नीः समस्पृशन्त तन्वस्तनूभिः ।
सूर्येव नारि विश्वरूपा महित्वा प्रजावती पत्या सं भवेह ॥ ३२ ॥

उत्तिष्ठेतो विश्वावसो नमसेडामहे त्वा ।
जामिमिच्छ पितृषदं न्यक्तां स तै भागो जनुषा तस्य विद्धि ॥ ३३ ॥

अप्सरसः सध्रमादं मदन्ति हविर्धानमन्तरा सूर्यं च ।
तास्तै जनित्रमभि ताः परैहि नमस्ते गन्धर्वतुना कृणोमि ॥ ३४ ॥

नमो गन्धर्वस्य नमसे नमो भामाय चक्षुषे च कृणमः ।
विश्वावसो ब्रह्मणा ते नमोऽभि जाया अप्सरसः परैहि ॥ ३५ ॥

राया वयं सुमनसः स्यामोदितो गन्धर्वमावीवृताम ।
अगन्त्स देवः परमं सधस्थमगन्म यत्र प्रतिरन्त आयुः ॥ ३६ ॥

सं पितरावृत्विष्ये सृजेथां माता पिता च रेतसो भवाथः ।
मर्य इव योषामधिरोहयैनां प्रजां कृणवाथामिह पुष्यतं रयिम् ॥ ३७ ॥

तां पूर्ष छिवतमामेरयस्व यस्यां बीजं मनुष्याः वपन्ति ।

या न ऊरू उशती विश्रयाति यस्यामुशन्तः प्रहरैम शेषः ॥३८॥

आ रोहोरुमुप धत्स्व हस्तं परि ष्वजस्व जायां सुमनस्यमानः ।
प्रजां कृणवाथामिह मोदमानौ दीर्घ वामायुः सविता कृणोतु ॥३९॥

आ वां प्रजां जनयतु प्रजापतिरहोरात्राभ्यां समनक्त्वयमा ।
अदुर्मङ्गली पतिलोकमा विशेषं शं नो भव द्विपदे शं चतुष्पदे ॥४०॥

देवैर्दत्तं मनुना साकमेतद्वाधूयं वासो वध्वश्च वस्त्रम् ।
यो ब्रह्मणो चिकितुषे ददाति स इद्रक्षांसि तल्पानि हन्ति ॥४१॥

यं मे दत्तो ब्रह्मभागं वधूयोर्वाधूयं वासो वध्वश्च वस्त्रम् ।
युवं ब्रह्मणोऽनुमन्यमानौ बृहस्पते साकमिन्द्रश्च दत्तम् ॥४२॥

स्योनाद्योनेरधि बध्यमानौ हसामुदौ महसा मोदमानौ ।
सुगू सुपुत्रौ सुगृहौ तराथो जीवावुषसो विभातीः ॥४३॥

नवं वसानः सुरभिः सुवासा उदागां जीव उषसो विभातीः ।
आण्डात्पतत्रीवामुक्षि विश्वस्मादेनसुस्परि ॥४४॥

शुर्भनी द्यावापृथिवी अन्तिसुम्ने महिव्रते ।
आपः सप्त सुस्रुवुर्देवीस्ता नो मुञ्चन्त्वंहसः ॥४५॥

सूर्यायै देवेभ्यो मित्राय वरुणाय च ।
ये भूतस्य प्रचेतसस्तेभ्य इदमकरं नमः ॥४६॥

य ऋते चिदभिश्चिषः पुरा जत्रुभ्य आतृदः ।
संधाता संधिं मघवा पुरुवसुर्निष्कर्ता विहुतं पुनः ॥४७॥

अपा॒स्मत्तमं॑ उ॒च्छतु॑ नी॒लं पि॒शङ्ग॑मु॒त लोहि॑तं॒ यत् ।
नि॒र्दह॑नी॒ या पृ॑षा॒तक्व्य॑स्मिन्तां॒ स्था॒णाव॑ध्या॒ संजामि॑ ॥४८॥

याव॑तीः कृ॒त्या उ॑प॒वास॑ने॒ याव॑न्तो॒ राज्ञो॑ वरु॒णस्य॑ पाशाः ।
व्यू॑द्धयो॒ या अस॑मृद्धयो॒ या अ॒स्मिन्ता॑ स्था॒णाव॑धिं सादयामि ॥४९॥

या मे॑ प्रि॒यत॑मा॒ तनूः॑ सा॒ मे॑ बि॒भाय॑ वास॑सः ।
तस्या॑ग्रे॒ त्वं व॑नस्पते॒ नीविं॑ कृ॒णुष्व॒ मा व॒यं रि॑षाम ॥५०॥

ये अ॒न्ता याव॑तीः॒ सिचो॑ य॒ ओत॑वो॒ ये च॒ तन्त॑वः ।
वासो॑ यत्प॒त्नीभि॑रु॒तं तन्नः॑ स्यो॒नमु॑प॒ स्पृशा॑त् ॥५१॥

उ॒शतीः॑ क॒न्यला॑ इ॒माः पि॑तृ॒लोका॑त्पतिं॒ यतीः॑ ।
अ॒व दी॒क्षाम॑सृ॒क्षत॒ स्वाहा॑ ॥५२॥

बृ॒हस्प॑ति॒नाव॑सृष्टां॒ विश्वे॑ दे॒वा अ॑धारयन् ।
व॒र्चो॑ गो॒षु प्र॑विष्टं॒ यत्ते॑ने॒मां सं सृ॑जामसि ॥५३॥

बृ॒हस्प॑ति॒नाव॑सृष्टां॒ विश्वे॑ दे॒वा अ॑धारयन् ।
ते॒जो॑ गो॒षु प्र॑विष्टं॒ यत्ते॑ने॒मां सं सृ॑जामसि ॥५४॥

बृ॒हस्प॑ति॒नाव॑सृष्टां॒ विश्वे॑ दे॒वा अ॑धारयन् ।
भ॒गो॑ गो॒षु प्र॑विष्टो॒ यस्ते॑ने॒मां सं सृ॑जामसि ॥५५॥

बृ॒हस्प॑ति॒नाव॑सृष्टां॒ विश्वे॑ दे॒वा अ॑धारयन् ।
य॒शो॑ गो॒षु प्र॑विष्टं॒ यत्ते॑ने॒मां सं सृ॑जामसि ॥५६॥

बृ॒हस्प॑ति॒नाव॑सृष्टां॒ विश्वे॑ दे॒वा अ॑धारयन् ।

पयो गोषु प्रविष्टुं यत्तेनेमां सं सृजामसि ॥५७॥

बृहस्पतिनावसृष्टां विश्वै देवा अंधारयन् ।
रसो गोषु प्रविष्टो यस्तेनेमां सं सृजामसि ॥५८॥

यदीमे केशिनो जना गृहे ते समनर्तिषू रोदेन कृण्वन्तोऽघम् ।
अग्निष्ठा तस्मादेनसः सविता च प्र मुञ्चताम् ॥५९॥

यदीयं दुहिता तव विकेश्यरुदद्गृहे रोदेन कृण्वत्युघम् ।
अग्निष्ठा तस्मादेनसः सविता च प्र मुञ्चताम् ॥६०॥

यजामयो यद्युवतयो गृहे ते समनर्तिषू रोदेन कृण्वतीरुघम् ।
अग्निष्ठा तस्मादेनसः सविता च प्र मुञ्चताम् ॥६१॥

यत्ते प्रजायां पशुषु यद्वा गृहेषु निष्ठितमघकृद्भिर्घं कृतम् ।
अग्निष्ठा तस्मादेनसः सविता च प्र मुञ्चताम् ॥६२॥

इयं नार्युप ब्रूते पूल्यान्यावपन्तिका ।
दीर्घार्युरस्तु मे पतिर्जीवाति शरदः शतम् ॥६३॥

इहेमाविन्द्र सं नुद चक्रवाकेव दंपती ।
प्रजयैनौ स्वस्तकौ विश्वमायुर्व्यंशुताम् ॥६४॥

यदासुन्द्यामुपधाने यद्वोपवासने कृतम् ।
विवाहे कृत्यां यां चक्रुरास्त्राने तां नि दध्मसि ॥६५॥

यदुष्कृतं यच्छमलं विवाहे वहतौ च यत् ।
तत्संभलस्य कम्बले मृज्महे दुरितं वयम् ॥६६॥

संभूले मलं सादयित्वा कम्बले दुरितं वयम् ।
अभूम यज्ञियाः शुद्धाः प्र ण आयूषि तारिषत् ॥६७॥

कृत्रिमः कङ्कतः शतदन्य एषः ।
अपास्याः केश्यं मलमप शीर्षण्यं लिखात् ॥६८॥

अङ्गादङ्गाद्वयमस्या अप यक्ष्मं नि दध्मसि ।
तन्मा प्रापत्पृथिवीं मोत देवान्दिवं मा प्रापदुर्वशुन्तरिक्षम् ।
अपो मा प्रापन्मलमेतदग्ने यमं मा प्रापत्पितृंश्च सर्वान् ॥६९॥

सं त्वा नह्यामि पयसा पृथिव्याः सं त्वा नह्यामि पयसौषधीनाम् ।
सं त्वा नह्यामि प्रजया धनेन सा संनद्धा सनुहि वाज्रमेमम् ॥७०॥

अमोऽहमस्मि सा त्वं सामाहमस्म्यृक्त्वं द्यौरहं पृथिवी त्वम् ।
ताविह सं भवाव प्रजामा जनयावहै ॥७१॥

जुनियन्ति नावग्रवः पुत्रियन्ति सुदानवः ।
अरिष्टासू सचेवहि बृहते वाजसातये ॥७२॥

ये पितरौ वधूदशा इमं वहतुमागमन् ।
ते अस्यै वध्वै संपत्तयै प्रजावच्छर्म यच्छन्तु ॥७३॥

येदं पूर्वागन्नशनायमाना प्रजामस्यै द्रविणं चेह दत्त्वा ।
तां वहन्त्वगतस्यानु पन्थां विराडियं सुप्रजा अत्यजैषीत् ॥७४॥

प्र बुध्यस्व सुबुधा बुध्यमाना दीर्घायुत्वाय शतशारदाय ।
गृहानाच्छ गृहपत्नी यथासौ दीर्घं त आयुः सविता कृणोतु ॥७५॥
इति चतुर्दशं काण्डम्

अथ पञ्चदशं कारण्डम्

व्रात्य आसीत् इत्यारभ्य अहा प्रत्यङ् इत्यन्तानामष्टादशपर्यायाणामथर्वा ऋषिः ।
(१-४, ६-१८) प्रथमादिचतुर्णां षष्ठादित्रयोदशानाञ्च पर्यायाणामध्यात्मं व्रात्यो वा
(५) पञ्चमस्य च रुद्रो देवता ॥

(१) प्रथमः पर्यायः

(१-८) अष्टर्चस्यास्य पर्यायस्य (१) प्रथमर्चः साम्नी पङ्क्तिः (२) द्वितीयाया द्विपदा
साम्नी बृहती (३) तृतीयाया एकपदा यजुर्ब्राह्मचनुष्टुप् (४) चतुर्थ्या एकपदा
विराङ्गायत्री (५) पञ्चम्याः साम्नचनुष्टुप् (६) षष्ठ्यास्त्रिपदा प्राजापत्या बृहती
(७) सप्तम्या आसुरी पङ्क्तिः (८) अष्टम्याश्च त्रिपदानुष्टुप् छन्दांसि
व्रात्य आसीदीयमान एव स प्रजापतिं समैरयत् ॥१॥

स प्रजापतिः सुवर्णमात्मन्नपश्यत्तत्प्रार्जनयत् ॥२॥

तदेकमभवत्तल्ललाममभवत्तन्महदभवत्तज्जयेष्ठमभवत्तद्ब्रह्माभवत्तत्तपोऽभ
वत्तत्सत्यमभवत्तेन प्राजायत ॥३॥

सोऽवर्धत् स महानभवत्स महादेवोऽभवत् ॥४॥

स देवानामीशां पर्यैत्स ईशानोऽभवत् ॥५॥

स एकव्रात्यो भवत्स धनुरादत्त तदेवेन्द्रधनुः ॥६॥

नीलमस्योदरं लोहितं पृष्ठम् ॥७॥

नीलेनैवाप्रियं भ्रातृव्यं प्रोर्णोति लोहितेन द्विषन्तं विध्यतीति ब्रह्मवादिनो
वदन्ति ॥८॥

(२) द्वितीयः पर्यायः

(१-२८) अष्टाविंशत्युचस्यास्य पर्यायस्य (१, ६, ९, १५, २१, २६)
प्रथमाषष्ठीनवमीपञ्चदश्येकविंशीषड्विंशीनामृचां साम्नचनुष्टुप् (२, १६, २२)

द्वितीयाषोडशीद्वाविंशीनां साम्नी त्रिष्टुप् (३) तृतीयाया द्विपदार्षी पङ्क्तिः (४, १८, २४)
चतुर्थ्यष्टादशीचतुर्विंशीनां द्विपदा ब्राह्मी गायत्री (५, १३, २५)
पञ्चमीत्रयोदशीपञ्चविंशीनां द्विपदार्ची जगती (७, १४(२), २०(२), २७)
सप्तम्याश्चतुर्दशीविंशोर्द्वितीयावसानर्चोः सप्तविंश्याश्च पदपङ्क्तिः (८, १४(३), २०(३),
२८) अष्टम्याश्चतुर्दशीविंशोस्तृतीयावसानर्चोरष्टाविंश्याश्च त्रिपदा प्राजापत्या त्रिष्टुप्
(१०) दशम्या एकपदोष्णिक (११) एकादश्या द्विपदार्षी भुरिक्विष्टुप् (१२) द्वादश्या
आर्षी परानुष्टुप् (१४(१)) चतुर्दश्याः प्रथमावसानर्चः साम्नी पङ्क्तिः (१७) सप्तदश्या
द्विपदा विराडार्षी पङ्क्तिः (१६) एकोनविंश्या द्विपदा विराडार्ची जगती (२०) विंश्या
आसुरी गायत्री (२३) त्रयोविंश्याश्च निचृदार्षी पङ्क्तिश्छन्दांसि
स उदतिष्ठत्स प्राचीं दिशमनु व्युचलत् ॥१॥

तं बृहच्च रथन्तरं चादित्याश्च विश्वे च देवा अनुव्युचलन् ॥२॥

बृहते च वै स रथन्तरायं चादित्येभ्यश्च विश्वेभ्यश्च देवेभ्य आ वृश्चते य
एवं विद्वांसं ब्राह्मणमुपवदति ॥३॥

बृहतश्च वै स रथन्तरस्यं चादित्यानां च विश्वेषां च देवानां प्रियं धाम
भवति तस्य प्राच्यां दिशि ॥४॥

श्रद्धा पुंश्चली मित्रो माग्धो विज्ञानं वसोऽहंरुष्णीषं रात्री केशा हरितौ
प्रवर्तौ कल्मलिर्मणिः ॥५॥

भूतं च भविष्यच्च परिष्कन्दौ मनो विपथम् ॥६॥

मातरिश्वां च पर्वमानश्च विपथवाहौ वातः सारथी रेष्मा प्रतोदः ॥७॥

कीर्तिश्च यशश्च पुरःसुरादैर्न कीर्तिर्गच्छत्या यशो गच्छति य एवं वेद
॥८॥

स उदतिष्ठत्स दक्षिणां दिशमनु व्युचलत् ॥९॥

तं यज्ञायज्ञियं च वामदेव्यं च यज्ञश्च यजमानश्च पशवश्चानुव्यचलन्
॥१०॥

यज्ञायज्ञियाय च वै स वामदेव्याय च यज्ञाय च यजमानाय च
पशुभ्यश्चा वृश्चते य एवं विद्वांसं ब्राह्म्यमुपवदति ॥११॥

यज्ञायज्ञियस्य च वै स वामदेव्यस्य च यज्ञस्य च यजमानस्य च पशूनां
च प्रियं धाम भवति तस्य दक्षिणायां दिशि ॥१२॥

उषाः पुंश्चली मन्त्रौ माग्धो विज्ञानं वासोऽहरुष्णीषं रात्री केशा हरितौ
प्रवृत्तौ कल्मलिर्मणिः ॥१३॥

अमावास्या च पौर्णमासी च परिष्कन्दौ मनौ विपथम् ।
मातरिश्वा च पर्वमानश्च विपथवाहौ वातः सारथी रेष्मा प्रतोदः ।
कीर्तिश्च यशश्च पुरःसुरावैनं कीर्तिर्गच्छत्या यशौ गच्छति य एवं वेद
॥१४॥

स उदतिष्ठत्स प्रतीचीं दिशमनु व्यचलत् ॥१५॥

तं वैरूपं च वैराजं चापश्च वरुणश्च राजानुव्यचलन् ॥१६॥

वैरूपाय च वै स वैराजाय चाद्भ्यश्च वरुणाय च राज्ञ आ वृश्चते य एवं
विद्वांसं ब्राह्म्यमुपवदति ॥१७॥

वैरूपस्य च वै स वैराजस्य चापां च वरुणस्य च राज्ञः प्रियं धाम भवति
तस्य प्रतीच्यां दिशि ॥१८॥

इरा पुंश्चली हसो माग्धो विज्ञानं वासोऽहरुष्णीषं रात्री केशा हरितौ

प्रवृत्तौ कल्मलिर्मणिः ॥१६॥

अहश्च रात्री च परिष्कन्दौ मनो विपथम् ।
मातरिश्वा च पवमानश्च विपथवाहौ वातः सारथी रेष्मा प्रतोदः ।
कीर्तिश्च यशश्च पुरःसुरावैनं कीर्तिर्गच्छत्या यशो गच्छति य एवं वेद
॥२०॥

स उदतिष्ठत्स उदीचीं दिशमनु व्यचलत् ॥२१॥

तं श्यैतं च नौधसं च सप्तर्षयश्च सोमश्च राजानुव्यचलन् ॥२२॥

श्यैताय च वै स नौधसाय च सप्तर्षिभ्यश्च सोमाय च राज्ञ आ वृश्चते य
एवं विद्वांसं ब्राह्मणमुपवदति ॥२३॥

श्यैताय च वै स नौधसाय च सप्तर्षीणां च सोमस्य च राज्ञः प्रियं धाम
भवति तस्योदीच्यां दिशि ॥२४॥

विद्युत्पुंश्रुली स्तनयिर्बुर्मागधो विज्ञानं वासोऽहरुष्णीषं रात्री केशा हरितौ
प्रवृत्तौ कल्मलिर्मणिः ॥२५॥

श्रुतं च विश्रुतं च परिष्कन्दौ मनो विपथम् ॥२६॥

मातरिश्वा च पवमानश्च विपथवाहौ वातः सारथी रेष्मा प्रतोदः ॥२७॥

कीर्तिश्च यशश्च पुरःसुरावैनं कीर्तिर्गच्छत्या यशो गच्छति य एवं वेद
॥२८॥

(३) तृतीयः पर्यायः

(१-११) एकादशर्चस्यास्य पर्यायस्य (१) प्रथमर्चः पिपीलिकमध्या गायत्री (२) द्वितीयायाः साम्नाचुष्णिक (३) तृतीयाया याजुषी जगती (४) चतुर्थ्या द्विपदार्युष्णिक (५) पञ्चम्या आर्ची बृहती (६) षष्ठ्या आसुर्यनुष्टुप् (७) सप्तम्याः साम्नी गायत्री (८) अष्टम्या आसुरी पङ्क्तिः (९) नवम्या आसुरी जगती (१०) दशम्याः प्राजापत्या त्रिष्टुप् (११) एकादश्याश्च विराङ्गायत्री छन्दांसि
स संवत्सरमूर्ध्वोऽतिष्ठत्तं देवा अब्रुवन्त्रात्य किं नु तिष्ठसीति ॥१॥

सोऽब्रवीदासन्दीं मे सं भरन्त्विति ॥२॥

तस्मै वात्यायासन्दीं समभरन् ॥३॥

तस्यां ग्रीष्मश्च वसन्तश्च द्वौ पादावास्तां शरच्च वर्षाश्च द्वौ ॥४॥

बृहच्च रथंतरं चानूच्येऽ आस्तां यज्ञायज्ञियं च वामदेव्यं च तिरश्चये
॥५॥

ऋचः प्राञ्चस्तन्तवो यजूषि तिर्यञ्चः ॥६॥

वेदं आस्तरणं ब्रह्मोपबर्हणम् ॥७॥

सामासाद उद्गीथोऽपश्रयः ॥८॥

तामासन्दीं वात्य आरोहत् ॥९॥

तस्य देवजनाः परिष्कन्दा आसन्त्संकल्पाः प्रहाय्याः विश्वानि
भूतान्युपसदः ॥१०॥

विश्वान्येवास्य भूतान्युपसदो भवन्ति य एवं वेद ॥११॥

(४) चतुर्थः पर्यायः

(१-१८) अष्टादशर्चस्यास्य पर्यायस्य (१, १३, १६) प्रथमात्रयोदशीषोडशीनामृचां
 दैवी जगती (२, ८) द्वितीयाष्टम्योरार्च्यनुष्टुप् (३, १२) तृतीयाद्वादशयोर्द्विपदा
 प्राजापत्या जगती (४, ७, १०) चतुर्थीसप्तमीदशमीनां प्राजापत्या गायत्री
 (५) पञ्चम्याः प्राजापत्या पङ्क्तिः (६) षष्ठ्या आर्ची जगती (६) नवम्या आर्ची त्रिष्टुप्
 (भौमा) (११) एकादश्याः साम्नी त्रिष्टुप् (१४) चतुर्दश्याः प्राजापत्या बृहती
 (१५, १८) पञ्चदश्याष्टादशयोर्द्विपदार्ची पङ्क्तिः (१७) सप्तदश्याश्चार्च्युष्णिक् छन्दांसि
 तस्मै प्राच्या दिशः ॥१॥

वासन्तौ मासौ गोप्पारावकुर्वन्बृहच्च रथंतरं चानुष्टातारौ ॥२॥

वासन्तावेनं मासौ प्राच्या दिशो गौपायतो बृहच्च रथंतरं चानु तिष्ठतो य
 एवं वेद ॥३॥

तस्मै दक्षिणाया दिशः ॥४॥

ग्रेष्मौ मासौ गोप्पारावकुर्वन्यज्ञायज्ञियं च वामदेव्यं चानुष्टातारौ ॥५॥

ग्रेष्मावेनं मासौ दक्षिणाया दिशो गौपायतो यज्ञायज्ञियं च वामदेव्यं
 चानु तिष्ठतो य एवं वेद ॥६॥

तस्मै प्रतीच्या दिशः ॥७॥

वार्षिकौ मासौ गोप्पारावकुर्वन्वैरूपं च वैराजं चानुष्टातारौ ॥८॥

वार्षिकावेनं मासौ प्रतीच्या दिशो गौपायतो वैरूपं च वैराजं चानु
 तिष्ठतो य एवं वेद ॥९॥

तस्मा उदीच्या दिशः ॥१०॥

शा॒र॒दौ मा॒सौ गो॒प्ता॒वकु॑र्व॒ञ्छ॒यैतं च॑ नौ॒ध॒सं चा॑नु॒ष्टा॒तारौ ॥११॥

शा॒र॒दा॒वे॒नं मा॒सा॒वु॒दी॒च्या दि॒शो गो॑पा॒यतः॑ श॒यैतं च॑ नौ॒ध॒सं चा॑नु॒ तिष्ठ॑तो
य ए॒वं वे॒द ॥१२॥

तस्मै॑ ध्रु॒वाया॑ दि॒शः ॥१३॥

है॒म॒नौ मा॒सौ गो॒प्ता॒वकु॑र्व॒न्भूमिं॑ चा॒ग्निं चा॑नु॒ष्टा॒तारौ ॥१४॥

है॒म॒ना॒वे॒नं मा॒सौ ध्रु॒वाया॑ दि॒शो गो॑पा॒यतो॑ भूमिंश्चा॒ग्निश्चानु॑ तिष्ठ॑तो य ए॒वं
वे॒द ॥१५॥

तस्मा॑ ऊ॒र्ध्वाया॑ दि॒शः ॥१६॥

शै॒शि॒रौ मा॒सौ गो॒प्ता॒वकु॑र्व॒न्भूमिं॑ चा॒दित्यं॑ चा॑नु॒ष्टा॒तारौ ॥१७॥

शै॒शि॒रा॒वे॒नं मा॒सा॒वू॒र्ध्वाया॑ दि॒शो गो॑पा॒यतो॑ द्यौश्चा॒दित्यश्चानु॑ तिष्ठ॑तो य ए॒वं
वे॒द ॥१८॥

(५) पञ्चमः पर्यायः

(१-१६) षोडशर्चस्यास्य पर्यायस्य (१) प्रथमर्चस्त्रिपदा समविषमा गायत्री (२)
द्वितीयायास्त्रिपदा भुरिगार्ची त्रिष्टुप् (३, ५(२), ७(२), ९(२), ११(२), १३(२), १६)
तृतीयायाः पञ्चमीसप्तमीनवम्येकादशीत्रयोदशीनां द्वितीयावसानर्चा षोडश्याश्च द्विपदा
प्राजापत्यानुष्टुप् (४) चतुर्थ्यास्त्रिपदा स्वराट् प्राजापत्या पङ्क्तिः
(५(१), ७(१), ९(१), १३(१)) पञ्चमीसप्तमीनवमीत्रयोदशीनां प्रथमावसानर्चा त्रिपदा
ब्राह्मी गायत्री (६, ८, १२) षष्ठ्यष्टमीद्वादशीनां त्रिपदा ककुप् (१०, १४)
दशमीचतुर्दशयोर्भुरिग्विषमा गायत्री (११(१)) एकादश्याः प्रथमावसानर्चो निचृद्ब्राह्मी
गायत्री (१५) पञ्चदश्याश्च विराट् छन्दांसि
तस्मै॑ प्रा॒च्या दि॒शो अ॒न्तर्दे॑शा॒द्भुव॑मि॒ष्व्वा॒सम॑नु॒ष्टा॒तार॑मकुर्वन् ॥१॥

भुव॑ ए॒नमिष्व्वा॒सः प्रा॒च्या दि॒शो अ॒न्तर्दे॒शाद॑नु॒ष्टा॒तानुं॑ तिष्ठति॒ नैनं॑ श॒र्वो न
भुवो॑ नेशानः ॥२॥

नास्य॑ प॒शून्न॑ सं॒माना॑न्हि॒नस्ति॒ य ए॒वं वेद॑ ॥३॥

तस्मै॑ दक्षि॒णाया॑ दि॒शो अ॒न्तर्दे॒शाच्छ॒र्वमिष्व्वा॒सम॑नु॒ष्टा॒तार॑मकुर्वन् ॥४॥

श॒र्व ए॒नमिष्व्वा॒सो दक्षि॑णाया दि॒शो अ॒न्तर्दे॒शाद॑नु॒ष्टा॒तानुं॑ तिष्ठति॒ नैनं॑ श॒र्वो
न भुवो॑ नेशानः ।

नास्य॑ प॒शून्न॑ सं॒माना॑न्हि॒नस्ति॒ य ए॒वं वेद॑ ॥५॥

तस्मै॑ प्र॒तीच्या॑ दि॒शो अ॒न्तर्दे॒शात्प॑शुपतिमिष्व्वा॒सम॑नु॒ष्टा॒तार॑मकुर्वन् ॥६॥

प॒शुप॑तिरे॒नमिष्व्वा॒सः प्र॒तीच्या॑ दि॒शो अ॒न्तर्दे॒शाद॑नु॒ष्टा॒तानुं॑ तिष्ठति॒ नैनं॑ श॒र्वो
न भुवो॑ नेशानः ।

नास्य॑ प॒शून्न॑ सं॒माना॑न्हि॒नस्ति॒ य ए॒वं वेद॑ ॥७॥

तस्मा॑ उदी॒च्या दि॒शो अ॒न्तर्दे॒शादु॑ग्रं दे॒वमिष्व्वा॒सम॑नु॒ष्टा॒तार॑मकुर्वन् ॥८॥

उ॒ग्र ए॒नं दे॒व इष्व्वा॒स उदी॑च्या दि॒शो अ॒न्तर्दे॒शाद॑नु॒ष्टा॒तानुं॑ तिष्ठति॒ नैनं॑
श॒र्वो न भुवो॑ नेशानः ।

नास्य॑ प॒शून्न॑ सं॒माना॑न्हि॒नस्ति॒ य ए॒वं वेद॑ ॥९॥

तस्मै॑ ध्रु॒वाया॑ दि॒शो अ॒न्तर्दे॒शाद्द्रु॒मिष्व्वा॒सम॑नु॒ष्टा॒तार॑मकुर्वन् ॥१०॥

रु॒द्र ए॒नमिष्व्वा॒सो ध्रु॒वाया॑ दि॒शो अ॒न्तर्दे॒शाद॑नु॒ष्टा॒तानुं॑ तिष्ठति॒ नैनं॑ श॒र्वो न

भुवो नेशानः ।

नास्यं पशून्न समानान्हिनस्ति य एवं वेद ॥११॥

तस्मा ऊर्ध्वायां दिशो अन्तर्देशान्महादेवमिष्वासमनुष्ठातारमकुर्वन्
॥१२॥

महादेव एनमिष्वास ऊर्ध्वायां दिशो अन्तर्देशानुष्ठातानु तिष्ठति नैनं
शूर्वो न भुवो नेशानः ।

नास्यं पशून्न समानान्हिनस्ति य एवं वेद ॥१३॥

तस्मै सर्वेभ्यो अन्तर्देशेभ्य ईशानमिष्वासमनुष्ठातारमकुर्वन् ॥१४॥

ईशान एनमिष्वासः सर्वेभ्यो अन्तर्देशेभ्योऽनुष्ठातानु तिष्ठति नैनं शूर्वो न
भुवो नेशानः ॥१५॥

नास्यं पशून्न समानान्हिनस्ति य एवं वेद ॥१६॥

(६) षष्ठः पर्यायः

- (१-२६) षड्विंशत्यृचस्यास्य पर्यायस्य (१, ४) प्रथमाचतुर्थ्योर्त्रचोरासुरी पङ्क्तिः
(२, १७) द्वितीयासप्तदशयोराची पङ्क्तिः (३) तृतीयाया आर्षी पङ्क्तिः (५, ११)
पञ्चम्येकादशयोः साम्नी त्रिष्टुप् (६, १२) षष्ठीद्वादशयोर्निचृद्बृहती
(७, १०, १३, १६, २४) सप्तमीदशमीत्रयोदशीषोडशीचतुर्विंशीनामासुरी बृहती (८)
अष्टम्याः साम्नी पङ्क्तिः (९) नवम्याः प्राजापत्या त्रिष्टुप् (१४, २३)
चतुर्दशीत्रयोविंशयोराची त्रिष्टुप् (१५, १८) पञ्चदशयष्टादशयोर्विराड्जगती (१६)
एकोनविंश्या आर्च्युष्णिक् (२०) विंश्याः साम्न्यनुष्टुप् (२१) एकविंश्या आर्ची बृहती
(२२) द्वाविंश्याः परोष्णिक् (२५) पञ्चविंश्या आर्च्यनुष्टुप्
(२६) षड्विंश्याश्च विराड्बृहती छन्दांसि

स ध्रुवां दिशमनु व्यचलत् ॥१॥

तं भूमिश्चाग्निश्चौषधयश्च वनस्पतयश्च वानस्पत्याश्च वीरुधश्चानुव्यचलन्
॥२॥

भूमेश्च वै सोऽग्नेश्चौषधीनां च वनस्पतीनां च वानस्पत्यानां च वीरुधां च
प्रियं धाम भवति य एवं वेद ॥३॥

स ऊर्ध्वा दिशमनु व्यचलत् ॥४॥

तमृतं च सत्यं च सूर्यश्च चन्द्रश्च नक्षत्राणि चानुव्यचलन् ॥५॥

ऋतस्य च वै स सत्यस्य च सूर्यस्य च चन्द्रस्य च नक्षत्राणां च प्रियं
धाम भवति य एवं वेद ॥६॥

स उत्तमां दिशमनु व्यचलत् ॥७॥

तमृचश्च सामानि च यजूषि च ब्रह्म चानुव्यचलन् ॥८॥

ऋचां च वै स साम्नां च यजुषां च ब्रह्मणश्च प्रियं धाम भवति य एवं वेद
॥९॥

स बृहतीं दिशमनु व्यचलत् ॥१०॥

तमितिहासश्च पुराणं च गाथाश्च नाराशंसीश्चानुव्यचलन् ॥११॥

इतिहासस्य च वै स पुराणस्य च गाथानां च नाराशंसीनां च प्रियं धाम
भवति य एवं वेद ॥१२॥

स परमां दिशमनु व्यचलत् ॥१३॥

तमाहवनीयश्च गार्हपत्यश्च दक्षिणाग्निश्च यज्ञश्च यजमानश्च
पशवश्चानुव्यचलन् ॥१४॥

आहवनीयस्य च वै स गार्हपत्यस्य च दक्षिणाग्नेश्च यज्ञस्य च यजमानस्य
च पशूनां च प्रियं धाम भवति य एवं वेद ॥१५॥

सोऽनादिष्टां दिशमनु व्यचलत् ॥१६॥

तमृतवश्चार्तवाश्च लोकाश्च लौक्याश्च मासाश्चार्धमासाश्चाहोरात्रे
चानुव्यचलन् ॥१७॥

ऋतूनां च वै स आर्तवानां च लोकानां च लौक्यानां च मासानां
चार्धमासानां चाहोरात्रयोश्च प्रियं धाम भवति य एवं वेद ॥१८॥

सोऽनावृत्तां दिशमनु व्यचलत्ततो नावृत्स्यन्नमन्यत ॥१९॥

तं दितिश्चादितिश्चेडा चेन्द्राणी चानुव्यचलन् ॥२०॥

दितैश्च वै सोऽदितेश्चेडायाश्चेन्द्रारयाश्च प्रियं धाम भवति य एवं वेद
॥२१॥

स दिशोऽनु व्यचलत्तं विराडनु व्यचलत्सर्वे च देवाः सर्वाश्च देवताः
॥२२॥

विराजश्च वै स सर्वेषां च देवानां सर्वासां च देवतानां प्रियं धाम भवति
य एवं वेद ॥२३॥

स सर्वानन्तर्देशाननु व्यचलत् ॥२४॥

तं प्रजापतिश्च परमेष्ठी च पिता च पितामहश्चानुव्यचलन् ॥२५॥

प्रजापतेश्च वै परमेष्ठिनश्च पितुश्च पितामहस्य च प्रियं धाम भवति य एवं वेद ॥२६॥

(७) सप्तमः पर्यायः

- (१-५) पञ्चमस्यास्य पर्यायस्य (१) प्रथमर्चस्त्रिपदा निचृद्गायत्री
(२) द्वितीयाया एकपदा विराड्बृहती (३) तृतीयाया विराडुष्णिक
(४) चतुर्थ्या एकपदा गायत्री (५) पञ्चम्याश्च पङ्क्तिश्छन्दांसि

स महिमा सद्भूत्वान्तं पृथिव्या अगच्छत्स समुद्रोऽभवत् ॥१॥

तं प्रजापतिश्च परमेष्ठी च पिता च पितामहश्चापश्च श्रद्धा च वर्षं
भूत्वानुव्यवर्तयन्त ॥२॥

ऐनमापो गच्छत्यैनं श्रद्धा गच्छत्यैनं वर्षं गच्छति य एवं वेद ॥३॥

तं श्रद्धा च यज्ञश्च लोकश्चान्नं चान्नाद्यं च भूत्वाभिपर्यावर्तन्त ॥४॥

ऐनं श्रद्धा गच्छत्यैनं यज्ञो गच्छत्यैनं लोको गच्छत्यैनमन्नं गच्छत्यैनमन्नाद्यं
गच्छति य एवं वेद ॥५॥

(८) अष्टमः पर्यायः

- (१-३) तृचस्यास्य पर्यायस्य प्रथमर्चः साम्नुष्णिक (२) द्वितीयायाः प्राजापत्यानुष्टुप्
(३) तृतीयायाश्चार्ची पङ्क्तिश्छन्दांसि

सोऽरज्यत् ततो राजन्योऽजायत ॥१॥

स विशः सबन्धूनन्नमन्नाद्यमभ्युदतिष्ठत् ॥२॥

विशां च वै स सबन्धूनां चान्नस्य चान्नाद्यस्य च प्रियं धाम भवति य एवं वेद ॥३॥

(९) नवमः पर्यायः

(१-३) तृचस्यास्य पर्यायस्य (१) प्रथमर्च आसुरी जगती
(२) द्वितीयाया आर्ची गायत्री (३) तृतीयायाश्चार्ची पङ्क्तिश्छन्दांसि
स विशोऽनु व्युचलत् ॥१॥

तं स॒भा च॒ समि॑तिश्च॒ सेना॑ च॒ शु॒रा॑ चानुव्युचलन् ॥२॥

स॒भायाश्च॒ वै स॒ समि॑तेश्च॒ सेना॑याश्च॒ सुरा॑याश्च॒ प्रि॒यं धाम॑ भवति॒ य ए॒वं
वेद॑ ॥३॥

(१०) दशमः पर्यायः

(१-११) एकादशर्चस्यास्य पर्यायस्य (१) प्रथमर्चो द्विपदा साम्नी बृहती
(२) द्वितीयायास्त्रिपदार्ची पङ्क्तिः (३) तृतीयाया द्विपदा प्राजापत्या पङ्क्तिः
(४) चतुर्थ्यास्त्रिपदा वर्धमाना गायत्री (५) पञ्चम्यास्त्रिपदा साम्नी बृहती
(६, ८, १०) षष्ठ्यष्टमीदशमीनां द्विपदासुरी गायत्री
(७, ९) सप्तमीनवम्योः साम्नाचुष्णिक (११) एकादश्याश्चासुरी बृहती छन्दांसि
तद्यस्यैवं विद्वान्ब्राह्म्यो राज्ञोऽतिथिर्गृहानागच्छेत् ॥१॥

श्रेयांसमे॒नमा॒त्मनो॑ मानये॒त्तथा॑ च॒त्राय॑ ना वृश्चते॒ तथा॑ रा॒ष्ट्राय॑ ना वृश्चते
॥२॥

अतो॒ वै ब्र॒ह्म च॒ च॒त्रं चोद॑तिष्ठतां॒ ते अ॒ब्रूतां॑ कं प्र वि॒शावे॑ति ॥३॥

अतो॒ वै बृ॒हस्पति॑मे॒व ब्र॒ह्म प्र वि॑श॒त्विन्द्रं॑ च॒त्रं तथा॑ वा इति ॥४॥

अतो॒ वै बृ॒हस्पति॑मे॒व ब्र॒ह्म प्रावि॑श॒दिन्द्रं॑ च॒त्रम् ॥५॥

इ॒यं वा उ॑ पृथि॒वी बृ॒हस्पति॑द्यौरि॒वेन्द्रः॑ ॥६॥

अयं वा उं अग्निर्ब्रह्मासावादित्यः क्षत्रम् ॥७॥

ऐनं ब्रह्म गच्छति ब्रह्मवर्चसी भवति ॥८॥

यः पृथिवीं बृहस्पतिमग्निं ब्रह्म वेदं ॥९॥

ऐनमिन्द्रियं गच्छतीन्द्रियवान्भवति ॥१०॥

य आदित्यं क्षत्रं दिवमिन्द्रं वेदं ॥११॥

(११) एकादशः पर्यायः

(१-११) एकादशर्चस्यास्य पर्यायस्य (१) प्रथमर्चो दैवी पङ्क्तिः (२) द्वितीयाया द्विपदा पूर्वात्रिष्टुबतिशक्वरी (३-६, ८) तृतीयादिचतसृणामष्टम्याश्च निचृदार्ची बृहती (७, ९) सप्तमीनवम्योर्द्विपदा प्राजापत्या बृहती (१०) दशम्या भुरिगार्ची बृहती

(११) एकादश्याश्च द्विपदार्यनुष्टुप् छन्दांसि

तद्यस्यैवं विद्वान्ब्रात्योऽतिथिर्गृहानागच्छेत् ॥१॥

स्वयमेनमभ्युदेत्य ब्रूयाद्ब्रात्य क्वावात्सीर्वात्योदकं ब्रात्य तर्पयन्तु ब्रात्य यथा ते प्रियं तथास्तु ब्रात्य यथा ते वशस्तथास्तु ब्रात्य यथा ते निकामस्तथास्त्विति ॥२॥

यदेनमाह ब्रात्य क्वावात्सीरिति पथ एव तेन देवयानानव रुन्धे ॥३॥

यदेनमाह ब्रात्योदकमित्यप एव तेनाव रुन्धे ॥४॥

यदेनमाह ब्रात्य तर्पयन्त्विति प्राणमेव तेन वर्षीयांसं कुरुते ॥५॥

यदेनमाह ब्रात्य यथा ते प्रियं तथास्त्विति प्रियमेव तेनाव रुन्धे ॥६॥

ऐ॒नं प्रि॒यं ग॑च्छति प्रि॒यः प्रि॒यस्य॑ भवति॒ य ए॒वं वेद॑ ॥७॥

यदे॒न॒माह॑ ब्रा॒त्य यथा॑ ते व॒श॒स्तथा॑स्त्विति॒ व॒श॒मे॒व ते॒ना॒व॑ रु॒न्धे ॥८॥

ऐ॒नं व॒शौ ग॑च्छति व॒शी व॒शिनां॑ भवति॒ य ए॒वं वेद॑ ॥९॥

यदे॒न॒माह॑ ब्रा॒त्य यथा॑ ते नि॒क॒ाम॒स्तथा॑स्त्विति॒ नि॒क॒ाम॒मे॒व ते॒ना॒व॑ रु॒न्धे
॥१०॥

ऐ॒नं नि॒क॒ामो॑ ग॑च्छति नि॒क॒ामे॑ नि॒क॒ामस्य॑ भवति॒ य ए॒वं वेद॑ ॥११॥

(१२) द्वादशः पर्यायः

(१-११) एकादशर्चस्यास्य पर्यायस्य (१) प्रथमर्चस्त्रिपदा गायत्री (२) द्वितीयायाः प्राजापत्या बृहती (३) तृतीयाया भुरिक्प्राजापत्यानुष्टुप् (४) चतुर्थ्या भुरिक्साम्नचनुष्टुप् (५-६, ९-१०) पञ्चमीषष्ठीनवमीदशमीनामासुरी गायत्री (७, ११) सप्तम्येकादशयोस्त्रिपदा प्राजापत्या त्रिष्टुप् (८) अष्टम्याश्च विराङ्गायत्री छन्दांसि तद्यस्यैवं विद्वान्ब्रात्य उद्धृतेष्वग्निष्वधिश्चितेऽग्निहोत्रेऽतिथिर्गृहानागच्छैत् ॥१॥

स्व॒यमे॑नमभ्युदेत्य॑ ब्रूयाद्ब्रा॒त्याति॑ सृ॒ज हो॒ष्यामी॑ति ॥२॥

स चा॑ति॒सृ॒जे॒जु॒हु॒यान्न॑ चा॑ति॒सृ॒जे॒न्न जु॑हुयात् ॥३॥

स य ए॒वं वि॒दुषा॑ ब्रा॒त्ये॒नाति॑सृष्टो जु॒होति॑ ॥४॥

प्र पि॒तृ॒याणं॑ पन्थां॑ जानाति॒ प्र दे॑व॒यान॑म् ॥५॥

न दे॒वेष्वा॑ वृश्चते॒ हु॒तम॑स्य भवति ॥६॥

पर्यस्यास्मिँल्लोक आयतनं शिष्यते य एवं विदुषा ब्रात्येनानतिसृष्टो
जुहोति ॥७॥

अथ य एवं विदुषा ब्रात्येनानतिसृष्टो जुहोति ॥८॥

न पितृयाणं पन्थां जानाति न देवयानम् ॥९॥

आ देवेषु वृश्चते अहुतमस्य भवति ॥१०॥

नास्यास्मिँल्लोक आयतनं शिष्यते य एवं विदुषा ब्रात्येनानतिसृष्टो
जुहोति ॥११॥

(१३) त्रयोदशः पर्यायः

(१-१४) चतुर्दशर्चस्यास्य पर्यायस्य (१) प्रथमर्चः साम्प्रचुष्णिक (२, ६)
द्वितीयाषष्ठयोः प्राजापत्यानुष्टुप् (३, ५, ७) तृतीयापञ्जमीसप्तमीनामासुरी गायत्री
(४, ८) चतुर्थ्यष्टम्योः साम्नी बृहती (९) नवम्या द्विपदा निचृद्गायत्री (१०) दशम्या
द्विपदा विराङ्गायत्री (११) एकादश्याः प्राजापत्या पङ्क्तिः (१२) द्वादश्या आसुरी
जगती (१३) त्रयोदश्याः सतःपङ्क्तिः (१४) चतुर्दश्याश्चाक्षरपङ्क्तिश्छन्दांसि
तद्यस्यैवं विद्वान्ब्रात्य एकां रात्रिमतिथिर्गृहे वसति ॥१॥

ये पृथिव्यां पुण्यां लोकास्तानेव तेनाव रुन्धे ॥२॥

तद्यस्यैवं विद्वान्ब्रात्यो द्वितीयां रात्रिमतिथिर्गृहे वसति ॥३॥

येऽन्तरिक्षे पुण्यां लोकास्तानेव तेनाव रुन्धे ॥४॥

तद्यस्यैवं विद्वान्ब्रात्यस्तृतीयां रात्रिमतिथिर्गृहे वसति ॥५॥

ये दिवि पुण्यां लोकास्तानेव तेनाव रुन्धे ॥६॥

तद्यस्यैवं विद्वान्ब्रात्यश्चतुर्थी रात्रिमतिथिर्गृहे वसति ॥७॥

ये पुर्यानां पुर्या लोकास्तानेव तेनाव रुन्धे ॥८॥

तद्यस्यैवं विद्वान्ब्रात्योऽपरिमिता रात्रिमतिथिर्गृहे वसति ॥९॥

य एवापरिमिताः पुर्या लोकास्तानेव तेनाव रुन्धे ॥१०॥

अथ यस्याब्रात्यो ब्रात्यब्रुवो नामबिभ्रत्यतिथिर्गृहानागच्छैत् ॥११॥

कर्षेदेनं न चैनं कर्षेत् ॥१२॥

अस्यै देवताया उदकं याचामीमां देवतां वासय इमामिमां देवतां परि
वेवेष्मीत्येनं परि वेविष्यात् ॥१३॥

तस्यामेवास्य तद्देवतायां हुतं भवति य एवं वेद ॥१४॥

(१४) चतुर्दशः पर्यायः

(१-२४) चतुर्विंशत्युचस्यास्य पर्यायस्य (१) प्रथमर्चस्त्रिपदानुष्टुप्

(२, ४, ६, ८, १०, २०, २२, २४)

द्वितीयाचतुर्थीषष्ठ्यष्टमीदशमीविंशीद्वाविंशीचतुर्विंशीनां द्विपदासुरी गायत्री (३, ६)

तृतीयानवम्योः पुर उष्णक् (५) पञ्चम्या अनुष्टुप् (७) सप्तम्याः प्रस्तारपङ्क्तिः (११)

एकादश्याः स्वराङ्गायत्री (१२, १४, १६, १८) द्वादशीचतुर्दशीषोडश्याष्टादशीनां
भुरिक्प्राजापत्यानुष्टुप् (१३, १५) त्रयोदशीपञ्चदश्याः ((१७) सप्तदश्याश्च) आर्ची पङ्क्तिः

(१६) एकोनविंश्या भुरिङ्नागी गायत्री (२१) एकविंश्याः प्राजापत्या त्रिष्टुप्

((२३) त्रयोविंश्याश्च निचृदार्ची पङ्क्तिः) छन्दांसि

स यत्प्राचीं दिशमनु व्यचलन्मारुतं शर्धो भूत्वानुव्यचलन्मनोऽन्नादं
कृत्वा ॥१॥

मनसान्नादेनान्नमत्ति य एवं वेद ॥२॥

स यद्दक्षिणां दिशमनु व्यचलदिन्द्रो भूत्वानुव्यचलद्वलमन्नादं कृत्वा
॥३॥

बलैनान्नादेनान्नमत्ति य एवं वेद ॥४॥

स यत्प्रतीचीं दिशमनु व्यचलद्वरुणो राजा भूत्वानुव्यचलदपोऽन्नादीः
कृत्वा ॥५॥

अद्भिरन्नादीभिरन्नमत्ति य एवं वेद ॥६॥

स यदुदीचीं दिशमनु व्यचलत्सोमो राजा भूत्वानुव्यचलत् सप्तर्षिभिर्हुत
आहुतिमन्नादीं कृत्वा ॥७॥

आहुत्यान्नाद्यान्नमत्ति य एवं वेद ॥८॥

स यद्भुवां दिशमनु व्यचलद्विष्णुर्भूत्वानुव्यचलद्विराजमन्नादीं कृत्वा
॥९॥

विराजान्नाद्यान्नमत्ति य एवं वेद ॥१०॥

स यत्पशूननु व्यचलद्द्रुद्रो भूत्वानुव्यचलदोषधीरन्नादीः कृत्वा ॥११॥

ओषधीभिरन्नादीभिरन्नमत्ति य एवं वेद ॥१२॥

स यत्पितृननु व्यचलद्यमो राजा भूत्वानुव्यचलत्स्वधाकारमन्नादं कृत्वा
॥१३॥

स्वधाकारेणान्नादेनान्नमत्ति य एवं वेद ॥१४॥

स यन्मनुष्या३ननु व्यचलद्भिर्भूत्वानुव्यचलत्स्वाहाकारमन्नादं कृत्वा
॥१५॥

स्वाहाकारेणान्नादेनान्नमत्ति य एवं वेद ॥१६॥

स यदूर्ध्वा दिशमनु व्यचलद्बृहस्पतिर्भूत्वानुव्यचलद्वषट्कारमन्नादं
कृत्वा ॥१७॥

वषट्कारेणान्नादेनान्नमत्ति य एवं वेद ॥१८॥

स यद्देवाननु व्यचलदीशानो भूत्वानुव्यचलन्मन्युमन्नादं कृत्वा ॥१९॥

मन्युनान्नादेनान्नमत्ति य एवं वेद ॥२०॥

स यत्प्रजा अनु व्यचलत्प्रजापतिर्भूत्वानुव्यचलत्प्राणमन्नादं कृत्वा
॥२१॥

प्राणेनान्नादेनान्नमत्ति य एवं वेद ॥२२॥

स यत्सर्वान्तर्देशाननु व्यचलत्परमेष्ठी भूत्वानुव्यचलद्ब्रह्मान्नादं कृत्वा
॥२३॥

ब्रह्मणान्नादेनान्नमत्ति य एवं वेद ॥२४॥

(१५) पञ्चदशः पर्यायः

(१-६) नवर्चस्यास्य पर्यायस्य (१) प्रथमर्चः (तृतीयादिषु तस्य ब्रात्यस्य इत्यस्य च)

दैवी पङ्क्तिः (२) द्वितीयाया आसुरी बृहती (३) तृतीयायाः प्राजापत्यानुष्टुप्

(४, ७, ८) चतुर्थीसप्तम्यष्टमीनां भुरिक्प्राजापत्यानुष्टुप्

(५-६) पञ्चमीषष्ठयोर्द्विपदा साम्नी बृहती (६) नवम्याश्च विराङ्गायत्री छन्दांसि

तस्य व्रात्यस्य ॥१॥

सप्त प्राणाः सप्तापानाः सप्त व्यानाः ॥२॥

तस्य व्रात्यस्य ।

योऽस्य प्रथमः प्राण ऊर्ध्वो नामायं सो अग्निः ॥३॥

तस्य व्रात्यस्य ।

योऽस्य द्वितीयः प्राणः प्रौढो नामासौ स आदित्यः ॥४॥

तस्य व्रात्यस्य ।

योऽस्य तृतीयः प्राणोऽभ्यूढो नामासौ स चन्द्रमाः ॥५॥

तस्य व्रात्यस्य ।

योऽस्य चतुर्थः प्राणो विभूर्नामायं स पर्वमानः ॥६॥

तस्य व्रात्यस्य ।

योऽस्य पञ्चमः प्राणो योनिर्नाम ता इमा आपः ॥७॥

तस्य व्रात्यस्य ।

योऽस्य षष्ठः प्राणः प्रियो नाम त इमे पशवः ॥८॥

तस्य व्रात्यस्य ।

योऽस्य सप्तमः प्राणोऽपरिमितो नाम ता इमाः प्रजाः ॥९॥

(१६) षोडशः पर्यायः

(१-७) सप्तर्चस्यास्य पर्यायस्य (१, ३) प्रथमातृतीययोर्ऋचोः साम्नाच्युष्णिक (सर्वासु तस्य व्रात्यस्य इत्यस्य दैवी पङ्क्तिः) (२, ४-५) द्वितीयाचतुर्थीपञ्चमीनां प्राजापत्योष्णिक (६) षष्ठ्या याजुषी त्रिष्टुप् (७) सप्तम्याश्वासुरी गायत्री छन्दांसि

तस्य॒ व्रात्य॑स्य ।
यो॒ऽस्य॑ प्रथ॒मो॒ऽपानः॑ सा पौर्ण॒मासी ॥१॥

तस्य॒ व्रात्य॑स्य ।
यो॒ऽस्य॑ द्वि॒तीयो॒ऽपानः॑ साष्ट॒का ।

तस्य॒ व्रात्य॑स्य ।
यो॒ऽस्य॑ तृ॒तीयो॒ऽपानः॑ सामा॒वास्या॑ ॥३॥

तस्य॒ व्रात्य॑स्य ।
यो॒ऽस्य॑ चतु॒र्थो॒ऽपानः॑ सा श्रद्धा ॥४॥

तस्य॒ व्रात्य॑स्य ।
यो॒ऽस्य॑ पञ्च॒मो॒ऽपानः॑ सा दी॒क्षा ॥५॥

तस्य॒ व्रात्य॑स्य ।
यो॒ऽस्य॑ ष॒ष्टो॒ऽपानः॑ स य॒ज्ञः ॥६॥

तस्य॒ व्रात्य॑स्य ।
यो॒ऽस्य॑ सप्त॒मो॒ऽपानस्ता॑ इ॒मा दक्षि॑णाः ॥७॥

(१७) सप्तदशः पर्यायः

(१-१०) दशर्चस्यास्य पर्यायस्य (१, ५) प्रथमापन्नम्योः प्राजापत्योष्णिक् (सर्वासु
तस्य व्रात्यस्य इत्यस्य दैवी पङ्क्तिः) (२, ७) द्वितीयासप्तम्योरासुर्यनुष्टुप् (३)
तृतीयाया याजुषी पङ्क्तिः (४) चतुर्थ्याः साम्नाचुष्णिक् (६) षष्ठ्या याजुषी त्रिष्टुप् (८)
अष्टम्यास्त्रिपदा प्रतिष्ठार्ची पङ्क्तिः (९) नवम्या द्विपदा साम्नी त्रिष्टुप्
(१०) दशम्याश्च साम्नाचनुष्टुप् छन्दांसि

तस्य॒ व्रात्य॑स्य ।
यो॒ऽस्य॑ प्रथ॒मो॒ व्यानः॑ सेयं भूमिः ॥१॥

तस्य॒ ब्रा॒त्यस्य॑ ।
योऽस्य॑ द्वि॒तीयो॑ व्य॒ानस्तद॑न्तरि॒क्षम् ॥२॥

तस्य॒ ब्रा॒त्यस्य॑ ।
योऽस्य॑ तृ॒तीयो॑ व्य॒ानः सा द्यौः ॥३॥

तस्य॒ ब्रा॒त्यस्य॑ ।
योऽस्य॑ चतु॒र्थो व्य॒ानस्तानि॑ नक्ष॒त्राणि ॥४॥

तस्य॒ ब्रा॒त्यस्य॑ ।
योऽस्य॑ पञ्च॒मो व्य॒ानस्त ऋ॒तवः॑ ॥५॥

तस्य॒ ब्रा॒त्यस्य॑ ।
योऽस्य॑ ष॒ष्ठो व्य॒ानस्त अ॒र्तवाः॑ ॥६॥

तस्य॒ ब्रा॒त्यस्य॑ ।
योऽस्य॑ सप्त॒मो व्य॒ानः स सं॑वत्स॒रः ॥७॥

तस्य॒ ब्रा॒त्यस्य॑ ।
स॒मान॑म॒र्थं परि॑ यन्ति दे॒वाः सं॑वत्स॒रं वा ए॒तदृ॒तवो॑ऽनु॒परि॑यन्ति ब्रा॒त्यं च
॥८॥

तस्य॒ ब्रा॒त्यस्य॑ ।
यदा॑दि॒त्यम॑भि॒संवि॒शन्त्य॑मावा॒स्यां चै॒व तत्पौ॑र्ण॒मासीं॑ च ॥९॥

तस्य॒ ब्रा॒त्यस्य॑ ।
एकं॑ तदेषाम॒मृ॒तत्व॑मित्याहु॒तिरे॒व ॥१०॥

(१८) अष्टादशः पर्यायः

(१-५) पञ्चर्चस्यास्य पर्यायस्य (१) प्रथमर्चो दैवी पङ्क्तिः

(२-३) द्वितीयातृतीययोरर्ची बृहती (४) चतुर्थ्या आर्च्यनुष्टुप्

(५) पञ्चम्याश्च साम्नाद्युष्णिक् छन्दांसि

तस्य व्रात्यस्य ॥१॥

यदस्य दक्षिणमक्षयसौ स आदित्यो यदस्य सव्यमक्षयसौ स चन्द्रमाः

॥२॥

योऽस्य दक्षिणः कर्णोऽयं सो अग्निर्योऽस्य सव्यः कर्णोऽयं स पर्वमानः

॥३॥

अहोरात्रे नासिके दितिश्चादितिश्च शीर्षकपाले संवत्सरः शिरः ॥४॥

अह्ना प्रत्यङ्ब्रात्यो रात्र्या प्राङ्मो ब्रात्याय ॥५॥

इति पञ्चदशं कारण्डम्

अथ षोडशं कारणम्

(१) प्रथमः पर्यायः

(१-१३) त्रयोदशर्चस्यास्य पर्यायस्याथर्वा ऋषिः । प्रजापतिर्देवता । (१, ३) प्रथमातृतीययोर्ऋचोर्द्विपदा साम्नी बृहती (२, १०) द्वितीयादशम्योर्याजुषी त्रिष्टुप् (४) चतुर्थ्या आसुरी गायत्री (५) पञ्चम्या द्विपदा साम्नी पङ्क्तिः (६) षष्ठ्याः साम्नचनुष्टुप् (७) सप्तम्या निचृद्विराङ्गायत्री (८) अष्टम्याः साम्नी पङ्क्तिः (९) नवम्या आसुरी पङ्क्तिः (११) एकादश्याः साम्नचुष्णिक (१२-१३) द्वादशीत्रयोदशयोश्चार्च्यनुष्टुप् छन्दांसि अतिसृष्टो अ॒पां वृष॒भोऽतिसृष्टा अ॒ग्रयो दि॒व्याः ॥१॥

रु॒जन्परि॒रु॒जन्मृ॒णन्प्र॒मृ॒णन् ॥२॥

म्रो॒को म॒नो॒हा ख॒नो नि॒र्दा॒ह आ॒त्म॒दूषि॒स्तनू॒दूषिः ॥३॥

इ॒दं तम॒ति॒ सृ॒जामि॒ तं मा॒भ्यव॑नि॒क्षि ॥४॥

ते॒न॒ तम॒भ्यति॑सृ॒जामो॒ यो॒ऽस्मान्द्वेष्टि॑ यं व॒यं द्वि॒ष्मः ॥५॥

अ॒पाम॑ग्र॒मसि॒ समु॒द्रं वो॒ऽभ्यव॑सृ॒जामि ॥६॥

यो॒ऽस्व॑श्चि॒रति॑ तं सृ॒जामि॒ म्रो॒कं ख॒निं त॑नू॒दूषि॑म् ॥७॥

यो व॑ आ॒पोऽग्नि॑रा॒विवेश॑ स ए॒ष यद्वौ॑ घो॒रं तदे॑तत् ॥८॥

इन्द्र॑स्य व इन्द्रि॒येणा॒भि षिञ्चे॑त् ॥९॥

अ॒रि॒प्रा आ॒पो अप॑ रि॒प्रम॑स्मत् ॥१०॥

प्रा॒स्मदे॑नो॒ वह॑न्तु प्र दु॒ष्वप्र॑चं वह॑न्तु ॥११॥

शिवेन मा चक्षुषा पश्यतापः शिवया तन्वोप स्पृशत त्वचं मे ॥१२॥

शिवानग्नीनप्सुषदो हवामहे मयि क्षत्रं वर्च आ धत्त देवीः ॥१३॥

(२) द्वितीयः पर्यायः

(१-६) षड्चस्यास्य पर्यायस्याथर्वा ऋषिः । वाग्देवता । (१) प्रथमर्च आसुर्यनुष्टुप्
(२) द्वितीयाया आसुर्युष्णिक (३) तृतीयायाः साम्नाच्युष्णिक (४) चतुर्थ्यास्त्रिपदा
साम्नी बृहती (५) पञ्चम्या आर्च्यनुष्टुप् (६) षष्ठ्याश्च निचृद्विराङ्गायत्री छन्दांसि
निर्दुर्मणय ऊर्जा मधुमती वाक् ॥१॥

मधुमती स्थ मधुमतीं वाचमुदेयम् ॥२॥

उपहृतो मे गोपाः उपहृतो गोपीथः ॥३॥

सुश्रुतौ कर्णौ भद्रश्रुतौ कर्णौ भद्रं श्लोकं श्रूयासम् ॥४॥

सुश्रुतिश्च मोपश्रुतिश्च मा हासिष्टां सौपर्णं चक्षुरजस्रं ज्योतिः ॥५॥

ऋषीणां प्रस्तरो ऽसि नमोऽस्तु दैवाय प्रस्तराय ॥६॥

(३) तृतीयः पर्यायः

(१-६) षड्चस्यास्य पर्यायस्य ब्रह्मा ऋषिः । आदित्यो देवता । (१) प्रथमर्च
आसुरी गायत्री (२-३) द्वितीयातृतीययोराच्यनुष्टुप् (४) चतुर्थ्याः प्राजापत्या त्रिष्टुप्
(५) पञ्चम्याः साम्नाच्युष्णिक (६) षष्ठ्याश्च द्विपदा साम्नी त्रिष्टुप् छन्दांसि
मूर्धाहं रयीणां मूर्धा समानानां भूयासम् ॥१॥

रुजश्च मा वेनश्च मा हासिष्टां मूर्धा च मा विधर्मा च मा हासिष्टाम् ॥२॥

उर्वश्च मा चमसश्च मा हासिष्टां धर्ता च मा धरुणश्च मा हासिष्टाम् ॥३॥

विमो॒कश्च॑ मा॒र्द्रप॑विश्च॒ मा हा॑सिष्टामा॒र्द्रदा॑नुश्च॒ मा मा॒त॒रिश्वा॑ च॒ मा
हा॑सिष्टाम् ॥४॥

बृह॒स्पति॑र्म आ॒त्मा नृ॒मणा॑ नाम॒ हृद्यः॑ ॥५॥

अ॒संता॒पं मे॒ हृद॑यमु॒र्वी ग॒व्यू॒तिः स॒मुद्रो॑ अ॒स्मि वि॒धर्म॑णा ॥६॥

(४) चतुर्थः पर्यायः

(१-७) सप्तर्चस्यास्य पर्यायस्य ब्रह्मा ऋषिः । आदित्यो देवता ।

(१, ३) प्रथमातृतीययोर्ऋचोः साम्नाचनुष्टुप् (२) द्वितीयायाः साम्नाचुष्णिक्

(४) चतुर्थ्यास्त्रिपदानुष्टुप् (५) पञ्चम्या आसुरी गायत्री (६) षष्ठ्या आर्च्युष्णिक्

(७) सप्तम्याश्च त्रिपदा विराड्गर्भानुष्टुप् छन्दांसि

नाभि॑र॒हं र॑यी॒णां नाभिः॑ स॒माना॑नां भूयासम् ॥१॥

स्वा॒सद॑सि सू॒षा अ॒मृतो॑ म॒र्त्येश्वा॑ ॥२॥

मा मां प्रा॒णो हा॑सी॒न्मो अ॒पानो॑ऽव॒हाय॑ परा॒ गात् ॥३॥

सूर्यो॑ मा॒ह्नः पा॒त्वग्निः॑ पृ॒थिव्या॑ वा॒युर॒न्तरि॑क्षाद्य॒मो म॑नु॒ष्येऽभ्यः॑ सर॑स्वती
पा॒थि॒वेभ्यः॑ ॥४॥

प्रा॒णाप॑नौ मा मां हा॑सिष्टं॒ मा ज॒ने प्र मे॑षि ॥५॥

स्व॒स्त्य॑श्छोषसो॒ दोष॑संश्च॒ सर्व॑ आपः॒ सर्व॑गणो अशीय ॥६॥

शक्व॑री स्थ प॒शवो॑ मोप॒ स्थेषु॑र्मि॒त्रावरु॑णौ मे प्रा॒णाप॑नाव॒ग्निर्मे॑ दक्षं॒ दधा॑तु
॥७॥

(५) पञ्चमः पर्यायः

(१-१०) दशर्चस्यास्य पर्यायस्य यम ऋषिः । दुःस्वप्ननाशनं देवता ।

(१, ४-६(१)) प्रथमर्चश्चतुर्थ्यादितृचस्य प्रथमावसानर्चाञ्च विराङ्गायत्री

(२, ४-७(२), ६) द्वितीयायाश्चतुर्थ्यादिचतुर्द्वितीयावसानर्चा नवम्याश्च प्राजापत्या
गायत्री (३, ४-७(३), १०) तृतीयायाश्चतुर्थ्यादिचतुस्तृतीयावसानर्चा दशम्याश्च द्विपदा
साम्नी बृहती (७(१)) सप्तम्याः प्रथमावसानर्चो भुरिग्विराङ्गायत्री

(८) अष्टम्याश्च स्वराङ्गिविराङ्गायत्री छन्दांसि

वि॒द्य तै॑ स्वप्न॒ ज॒नि॒त्रं॒ ग्राह्याः॑ पु॒त्रो॒ऽसि॑ य॒मस्य॒ कर॑णः ॥१॥

अ॒न्त॒को॒ऽसि॑ मृ॒त्युर॑सि ॥२॥

तं त्वा॑ स्वप्न॒ तथा॒ सं वि॒द्य स नः॑ स्वप्न॒ दु॒ष्वप्र॑चा॒त्पाहि॑ ॥३॥

वि॒द्य तै॑ स्वप्न॒ ज॒नि॒त्रं॒ निर्ऋ॑त्याः पु॒त्रो॒ऽसि॑ य॒मस्य॒ कर॑णः ।

अ॒न्त॒को॒ऽसि॑ मृ॒त्युर॑सि ।

तं त्वा॑ स्वप्न॒ तथा॒ सं वि॒द्य स नः॑ स्वप्न॒ दु॒ष्वप्र॑चा॒त्पाहि॑ ॥४॥

वि॒द्य तै॑ स्वप्न॒ ज॒नि॒त्रं॒ म॒भू॑त्याः पु॒त्रो॒ऽसि॑ य॒मस्य॒ कर॑णः ।

अ॒न्त॒को॒ऽसि॑ मृ॒त्युर॑सि ।

तं त्वा॑ स्वप्न॒ तथा॒ सं वि॒द्य स नः॑ स्वप्न॒ दु॒ष्वप्र॑चा॒त्पाहि॑ ॥५॥

वि॒द्य तै॑ स्वप्न॒ ज॒नि॒त्रं॒ निर्भू॑त्याः पु॒त्रो॒ऽसि॑ य॒मस्य॒ कर॑णः ।

अ॒न्त॒को॒ऽसि॑ मृ॒त्युर॑सि ।

तं त्वा॑ स्वप्न॒ तथा॒ सं वि॒द्य स नः॑ स्वप्न॒ दु॒ष्वप्र॑चा॒त्पाहि॑ ॥६॥

वि॒द्य तै॑ स्वप्न॒ ज॒नि॒त्रं॒ परा॑भूत्याः पु॒त्रो॒ऽसि॑ य॒मस्य॒ कर॑णः ।

अ॒न्त॒को॒ऽसि॑ मृ॒त्युर॑सि ।

तं त्वा॑ स्वप्न॒ तथा॒ सं वि॒द्य स नः॑ स्वप्न॒ दु॒ष्वप्र॑चा॒त्पाहि॑ ॥७॥

विद्य तै स्वप्न जनित्रं देवजामीनां पुत्रोऽसि यमस्य करणः ॥८॥
अन्तकोऽसि मृत्युरसि ॥९॥
तं त्वा स्वप्न तथा सं विद्य स नः स्वप्न दुष्वप्रचात्पाहि ॥१०॥

(६) षष्ठः पर्यायः

(१-११) एकादशर्चस्यास्य पर्यायस्य यम ऋषिः । उषा देवता । (१-४)
प्रथमादिचतसृणामृचां प्राजापत्यानुष्टुप् (५) पञ्चम्याः साम्नी पङ्क्तिः (६) षष्ठ्या
निचृदारची बृहती (७) सप्तम्या द्विपदा साम्नी बृहती (८) अष्टम्या आसुरी जगती
(९) नवम्या आसुरी बृहती (१०) दशम्या आर्च्युष्णिक
(११) एकादश्याश्च त्रिपदा यवमध्या गायत्री आर्च्यनुष्टुब्वा छन्दांसि
अजैष्माद्यासनामाद्यामूमानागसो वयम् ॥१॥

उषो यस्माद्दुष्वप्रचादभैष्माप तदुच्छतु ॥२॥

द्विषते तत्परा वह शपते तत्परा वह ॥३॥

यं द्विष्मो यश्च नो द्वेष्टि तस्मा एनद्रमयामः ॥४॥

उषा देवी वाचा संविदाना वाग्देव्युषसा संविदाना ॥५॥

उषस्पतिर्वाचस्पतिना संविदानो वाचस्पतिरुषस्पतिना संविदानः ॥६॥

तेऽमुष्मै परा वहन्त्वरायान्दुर्णाम्नः सदान्वाः ॥७॥

कुम्भीकाः दूषीकाः पीयकान् ॥८॥

जाग्रदुष्वप्रचं स्वप्नेदुष्वप्रचम् ॥९॥

अनागमिष्यतो वरानवित्तेः संकल्पानमुच्या द्रुहः पाशान् ॥१०॥

तदमुष्मा अग्ने देवाः परा वहन्तु वध्निर्यथासद्विथुरो न साधुः ॥११॥

(७) सप्तमः पर्यायः

(१-१३) त्रयोदशर्चस्यास्य पर्यायस्य यम ऋषिः । दुःस्वप्ननाशनं देवता ।
 (१) प्रथमर्चः पङ्क्तिः (२) द्वितीयायाः साम्नचनुष्टुप् (३) तृतीयाया आसुर्युष्णिक
 (४) चतुर्थ्याः प्राजापत्या गायत्री (५) पञ्चम्या आर्च्युष्णिक
 (६, ९, ११) षष्ठीनवम्येकादशीनां साम्नी बृहती (७) सप्तम्या याजुषी गायत्री
 (८) अष्टम्याः प्राजापत्या बृहती (१०) दशम्याः साम्नी गायत्री
 (१२) द्वादश्या भुरिक प्राजापत्यानुष्टुप् (१३) त्रयोदश्याश्वासुरी त्रिष्टुप् छन्दांसि
 तेनैनं विध्याम्यभूत्यैनं विध्यामि निर्भूत्यैनं विध्यामि पराभूत्यैनं विध्यामि
 ग्राह्यैनं विध्यामि तमसैनं विध्यामि ॥१॥

देवानामेनं घोरैः क्रूरैः प्रैषैरभिप्रेष्यामि ॥२॥

वैश्वानरस्यैनं दंष्ट्रयोरपि दधामि ॥३॥

एवानेवाव सा गरत् ॥४॥

योऽस्मान्द्वेष्टि तमात्मा द्वैष्टु यं वयं द्विष्मः स आत्मानं द्वेष्टु ॥५॥

निर्द्विषन्तं दिवो निः पृथिव्या निरन्तरिक्षाद्भजाम ॥६॥

सुर्यामंश्चाक्षुष ॥७॥

इदमहमांमुष्यायरोऽमुष्याः पुत्रे दुष्वप्रचं मृजे ॥८॥

यददोअदो अभ्यर्गच्छन्त्यदोषा यत्पूर्वा रात्रिम् ॥९॥

यज्जाग्रद्यत्सुप्तो यद्विवा यन्नक्तम् ॥१०॥

यदहरहरभिगच्छामि तस्मादिनुमव दये ॥११॥

तं जहि तेन मन्दस्व तस्य पृष्टीरपि शृणीहि ॥१२॥

स मा जीवीत्तं प्राणो जहातु ॥१३॥

(८) अष्टमः पर्यायः

(१-३३) त्रयस्त्रिंशद्वचस्यास्य पर्यायस्य यम ऋषिः । दुःस्वप्रनाशनं देवता ।
(१, ५-२६(१), ३०) प्रथमर्चः पञ्चम्यादिपञ्चविंशतेः प्रथमावसानर्चा त्रिंश्याश्चैकपदा
यजुर्ब्राह्मचनुष्टुप् (२, ५-२६(२), ३१) द्वितीयायाः
पञ्चम्यादिपञ्चविंशतेर्द्वितीयावसानर्चामेकत्रिंश्याश्च त्रिपदा निचृद्गायत्री (३) तृतीयायाः
प्राजापत्या गायत्री (४, ५-२६(४), ३३) चतुर्थ्याः पञ्चम्यादिपञ्चविंशतेश्चतुर्थावसानर्चा
त्रयस्त्रिंश्याश्च त्रिपदा प्राजापत्या त्रिष्टुप् (५-७(३), १२(३), २०(३), २२(३),
२७(३)) पञ्चम्यादितृचस्य द्वादशीविंशीद्वाविंशीसप्तविंशीनाञ्च तृतीयावसानर्चामासुरी
जगती (८(३), १०-११(३), १३-१४(३), १६(३), २१(३))
अष्टमीदशम्येकादशीत्रयोदशीचतुर्दशीषोडश्येकविंशीनां तृतीयावसानर्चामासुरी त्रिष्टुप्
(९(३), १५(३), १७-१९(३), २३-२६(३), ३२) नवमीपञ्चदशयोः सप्तदश्यादितृचस्य
त्रयोविंश्यादिचतसृणाञ्च तृतीयावसानर्चा द्वात्रिंश्याश्चासुरी पङ्क्तिः (२८-२९(३))
अष्टाविंशयेकोनत्रिंशयोश्च तृतीयावसानर्चोरासुरी बृहती छन्दांसि
जितमस्माकमुद्भिन्नमस्माकमृतमस्माकं तेजोसस्माकं ब्रह्मास्माकं
स्वर्स्माकं यज्ञोऽस्माकं पशवोऽस्माकं प्रजा अस्माकं वीरा अस्माकम्
॥१॥

तस्माद्दमुं निर्भजामोऽमुमामुष्यायणमुष्याः पुत्रमसौ यः ॥२॥

स ग्राह्याः पाशान्मा मौचि ॥३॥

तस्येदं वर्चस्तेजः प्राणमायुर्नि वैष्टयामीदमेनमधराञ्चं पादयामि ॥४॥

जितमस्माकमुद्भिन्नमस्माकमृतमस्माकं तेजोसस्माकं ब्रह्मास्माकं
स्वर्स्माकं यज्ञोऽस्माकं पशवोऽस्माकं प्रजा अस्माकं वीरा अस्माकम्
।

तस्माद्दमुं निर्भजामोऽमुमामुष्यायणमुष्याः पुत्रमसौ यः ।

स निर्भृत्याः पाशान्मा मौचि ।

तस्येदं वर्चस्तेजः प्राणमायुर्नि वैष्टयामीदमेनमधराञ्चं पादयामि ॥५॥

जितमस्माकमुद्भिन्नमस्माकमृतमस्माकं तेजोसस्माकं ब्रह्मास्माकं
स्वरस्माकं यज्ञोऽस्माकं पशवोऽस्माकं प्रजा अस्माकं वीरा अस्माकम्
।

तस्माद्दमुं निर्भजामोऽमुर्मा मुष्यायणमुष्याः पुत्रमसौ यः ।

सोऽभूत्याः पाशान्मा मौचि ।

तस्येदं वर्चस्तेजः प्राणमायुर्नि वैष्टयामीदमेनमधराञ्चं पादयामि ॥६॥

जितमस्माकमुद्भिन्नमस्माकमृतमस्माकं तेजोसस्माकं ब्रह्मास्माकं
स्वरस्माकं यज्ञोऽस्माकं पशवोऽस्माकं प्रजा अस्माकं वीरा अस्माकम्
।

तस्माद्दमुं निर्भजामोऽमुर्मा मुष्यायणमुष्याः पुत्रमसौ यः ।

स निर्भृत्याः पाशान्मा मौचि ।

तस्येदं वर्चस्तेजः प्राणमायुर्नि वैष्टयामीदमेनमधराञ्चं पादयामि ॥७॥

जितमस्माकमुद्भिन्नमस्माकमृतमस्माकं तेजोसस्माकं ब्रह्मास्माकं
स्वरस्माकं यज्ञोऽस्माकं पशवोऽस्माकं प्रजा अस्माकं वीरा अस्माकम्
।

तस्माद्दमुं निर्भजामोऽमुर्मा मुष्यायणमुष्याः पुत्रमसौ यः ।

स पराभूत्याः पाशान्मा मौचि ।

तस्येदं वर्चस्तेजः प्राणमायुर्नि वैष्टयामीदमेनमधराञ्चं पादयामि ॥८॥

जितमस्माकमुद्भिन्नमस्माकमृतमस्माकं तेजोसस्माकं ब्रह्मास्माकं
स्वरस्माकं यज्ञोऽस्माकं पशवोऽस्माकं प्रजा अस्माकं वीरा अस्माकम्
।

तस्माद्दमुं निर्भजामोऽमुर्मा मुष्यायणमुष्याः पुत्रमसौ यः ।

स देवजामीनां पाशान्मा मौचि ।

तस्येदं वर्चस्तेजः प्राणमायुर्नि वैष्टयामीदमेनमधराञ्चं पादयामि ॥६॥

जितमस्माकमुद्भिन्नमस्माकमृतमस्माकं तेजोसस्माकं ब्रह्मास्माकं
स्वरस्माकं यज्ञोऽस्माकं पशवोऽस्माकं प्रजा अस्माकं वीरा अस्माकम्
।

तस्माद्दमुं निर्भजामोऽमुमामुष्यायणमुष्याः पुत्रमसौ यः ।

स बृहस्पतेः पाशान्मा मौचि ।

तस्येदं वर्चस्तेजः प्राणमायुर्नि वैष्टयामीदमेनमधराञ्चं पादयामि ॥१०॥

जितमस्माकमुद्भिन्नमस्माकमृतमस्माकं तेजोसस्माकं ब्रह्मास्माकं
स्वरस्माकं यज्ञोऽस्माकं पशवोऽस्माकं प्रजा अस्माकं वीरा अस्माकम्
।

तस्माद्दमुं निर्भजामोऽमुमामुष्यायणमुष्याः पुत्रमसौ यः ।

स प्रजापतेः पाशान्मा मौचि ।

तस्येदं वर्चस्तेजः प्राणमायुर्नि वैष्टयामीदमेनमधराञ्चं पादयामि ॥११॥

जितमस्माकमुद्भिन्नमस्माकमृतमस्माकं तेजोसस्माकं ब्रह्मास्माकं
स्वरस्माकं यज्ञोऽस्माकं पशवोऽस्माकं प्रजा अस्माकं वीरा अस्माकम्
।

तस्माद्दमुं निर्भजामोऽमुमामुष्यायणमुष्याः पुत्रमसौ यः ।

स ऋषीणां पाशान्मा मौचि ।

तस्येदं वर्चस्तेजः प्राणमायुर्नि वैष्टयामीदमेनमधराञ्चं पादयामि ॥१२॥

जितमस्माकमुद्भिन्नमस्माकमृतमस्माकं तेजोसस्माकं ब्रह्मास्माकं
स्वरस्माकं यज्ञोऽस्माकं पशवोऽस्माकं प्रजा अस्माकं वीरा अस्माकम्
।

तस्माद्दमुं निर्भजामोऽमुमामुष्यायणमुष्याः पुत्रमसौ यः ।

स आर्षेयाणां पाशान्मा मौचि ।
तस्येदं वर्चस्तेजः प्राणमायुर्नि वैष्टयामीदमेनमधराञ्चं पादयामि ॥१३॥

जितमस्माकमुद्भिन्नमस्माकमृतमस्माकं तेजोसस्माकं ब्रह्मास्माकं
स्वरस्माकं यज्ञोऽस्माकं पशवोऽस्माकं प्रजा अस्माकं वीरा अस्माकम्
।

तस्माद्दमुं निर्भजामोऽमुर्मा मुष्यायणमुष्याः पुत्रमसौ यः ।
सोऽङ्गिरसां पाशान्मा मौचि ।
तस्येदं वर्चस्तेजः प्राणमायुर्नि वैष्टयामीदमेनमधराञ्चं पादयामि ॥१४॥

जितमस्माकमुद्भिन्नमस्माकमृतमस्माकं तेजोसस्माकं ब्रह्मास्माकं
स्वरस्माकं यज्ञोऽस्माकं पशवोऽस्माकं प्रजा अस्माकं वीरा अस्माकम्
।

तस्माद्दमुं निर्भजामोऽमुर्मा मुष्यायणमुष्याः पुत्रमसौ यः ।
स आङ्गिरसानां पाशान्मा मौचि ।
तस्येदं वर्चस्तेजः प्राणमायुर्नि वैष्टयामीदमेनमधराञ्चं पादयामि ॥१५॥

जितमस्माकमुद्भिन्नमस्माकमृतमस्माकं तेजोसस्माकं ब्रह्मास्माकं
स्वरस्माकं यज्ञोऽस्माकं पशवोऽस्माकं प्रजा अस्माकं वीरा अस्माकम्
।

तस्माद्दमुं निर्भजामोऽमुर्मा मुष्यायणमुष्याः पुत्रमसौ यः ।
सोऽथर्वणां पाशान्मा मौचि ।
तस्येदं वर्चस्तेजः प्राणमायुर्नि वैष्टयामीदमेनमधराञ्चं पादयामि ॥१६॥

जितमस्माकमुद्भिन्नमस्माकमृतमस्माकं तेजोसस्माकं ब्रह्मास्माकं
स्वरस्माकं यज्ञोऽस्माकं पशवोऽस्माकं प्रजा अस्माकं वीरा अस्माकम्
।

तस्माद्दमुं निर्भजामोऽमुर्मा मुष्यायणमुष्याः पुत्रमसौ यः ।

स आथर्वणानां पाशान्मा मौचि ।

तस्येदं वर्चस्तेजः प्राणमायुर्नि वैष्टयामीदमैनमधराञ्चं पादयामि ॥१७॥

जितमस्माकमुद्भिन्नमस्माकमृतमस्माकं तेजोसस्माकं ब्रह्मास्माकं
स्वरिस्माकं यज्ञोऽस्माकं पशवोऽस्माकं प्रजा अस्माकं वीरा अस्माकम्
।

तस्माद्दमुं निर्भजामोऽमुर्मा मुष्यायणमुष्याः पुत्रमसौ यः ।

स वनस्पतीनां पाशान्मा मौचि ।

तस्येदं वर्चस्तेजः प्राणमायुर्नि वैष्टयामीदमैनमधराञ्चं पादयामि ॥१८॥

जितमस्माकमुद्भिन्नमस्माकमृतमस्माकं तेजोसस्माकं ब्रह्मास्माकं
स्वरिस्माकं यज्ञोऽस्माकं पशवोऽस्माकं प्रजा अस्माकं वीरा अस्माकम्
।

तस्माद्दमुं निर्भजामोऽमुर्मा मुष्यायणमुष्याः पुत्रमसौ यः ।

स वानस्पत्यानां पाशान्मा मौचि ।

तस्येदं वर्चस्तेजः प्राणमायुर्नि वैष्टयामीदमैनमधराञ्चं पादयामि ॥१९॥

जितमस्माकमुद्भिन्नमस्माकमृतमस्माकं तेजोसस्माकं ब्रह्मास्माकं
स्वरिस्माकं यज्ञोऽस्माकं पशवोऽस्माकं प्रजा अस्माकं वीरा अस्माकम्
।

तस्माद्दमुं निर्भजामोऽमुर्मा मुष्यायणमुष्याः पुत्रमसौ यः ।

स ऋतूनां पाशान्मा मौचि ।

तस्येदं वर्चस्तेजः प्राणमायुर्नि वैष्टयामीदमैनमधराञ्चं पादयामि ॥२०॥

जितमस्माकमुद्भिन्नमस्माकमृतमस्माकं तेजोसस्माकं ब्रह्मास्माकं
स्वरिस्माकं यज्ञोऽस्माकं पशवोऽस्माकं प्रजा अस्माकं वीरा अस्माकम्
।

तस्माद्दमुं निर्भजामोऽमुर्मा मुष्यायणमुष्याः पुत्रमसौ यः ।

स आर्तवानां पाशान्मा मौचि ।

तस्येदं वर्चस्तेजः प्राणमायुर्नि वैष्टयामीदमेनमधराञ्चं पादयामि ॥२१॥

जितमस्माकमुद्भिन्नमस्माकमृतमस्माकं तेजोसस्माकं ब्रह्मास्माकं
स्वरिस्माकं यज्ञोऽस्माकं पशवोऽस्माकं प्रजा अस्माकं वीरा अस्माकम्
।

तस्माद्दमुं निर्भजामोऽमुर्मा मुष्यायणमुष्याः पुत्रमसौ यः ।

स मासानां पाशान्मा मौचि ।

तस्येदं वर्चस्तेजः प्राणमायुर्नि वैष्टयामीदमेनमधराञ्चं पादयामि ॥२२॥

जितमस्माकमुद्भिन्नमस्माकमृतमस्माकं तेजोसस्माकं ब्रह्मास्माकं
स्वरिस्माकं यज्ञोऽस्माकं पशवोऽस्माकं प्रजा अस्माकं वीरा अस्माकम्
।

तस्माद्दमुं निर्भजामोऽमुर्मा मुष्यायणमुष्याः पुत्रमसौ यः ।

सोऽर्धमासानां पाशान्मा मौचि ।

तस्येदं वर्चस्तेजः प्राणमायुर्नि वैष्टयामीदमेनमधराञ्चं पादयामि ॥२३॥

जितमस्माकमुद्भिन्नमस्माकमृतमस्माकं तेजोसस्माकं ब्रह्मास्माकं
स्वरिस्माकं यज्ञोऽस्माकं पशवोऽस्माकं प्रजा अस्माकं वीरा अस्माकम्
।

तस्माद्दमुं निर्भजामोऽमुर्मा मुष्यायणमुष्याः पुत्रमसौ यः ।

सोऽहोरात्रयोः पाशान्मा मौचि ।

तस्येदं वर्चस्तेजः प्राणमायुर्नि वैष्टयामीदमेनमधराञ्चं पादयामि ॥२४॥

जितमस्माकमुद्भिन्नमस्माकमृतमस्माकं तेजोसस्माकं ब्रह्मास्माकं
स्वरिस्माकं यज्ञोऽस्माकं पशवोऽस्माकं प्रजा अस्माकं वीरा अस्माकम्
।

तस्माद्दमुं निर्भजामोऽमुर्मा मुष्यायणमुष्याः पुत्रमसौ यः ।

सोऽह्नोः संयतोः पाशान्मा मौचि ।

तस्येदं वर्चस्तेजः प्राणमायुर्नि वैष्टयामीदमैनमधराञ्चं पादयामि ॥ २५ ॥

जितमस्माकमुद्भिन्नमस्माकमृतमस्माकं तेजोसस्माकं ब्रह्मास्माकं
स्वर्स्माकं यज्ञोऽस्माकं पशवोऽस्माकं प्रजा अस्माकं वीरा अस्माकम्
।

तस्माद्दमुं निर्भजामोऽमुर्मा मुष्यायणमुष्याः पुत्रमसौ यः ।

स द्यावापृथिव्योः पाशान्मा मौचि ।

तस्येदं वर्चस्तेजः प्राणमायुर्नि वैष्टयामीदमैनमधराञ्चं पादयामि ॥ २६ ॥

जितमस्माकमुद्भिन्नमस्माकमृतमस्माकं तेजोसस्माकं ब्रह्मास्माकं
स्वर्स्माकं यज्ञोऽस्माकं पशवोऽस्माकं प्रजा अस्माकं वीरा अस्माकम्
।

तस्माद्दमुं निर्भजामोऽमुर्मा मुष्यायणमुष्याः पुत्रमसौ यः ।

स इन्द्राग्रयोः पाशान्मा मौचि ।

तस्येदं वर्चस्तेजः प्राणमायुर्नि वैष्टयामीदमैनमधराञ्चं पादयामि ॥ २७ ॥

जितमस्माकमुद्भिन्नमस्माकमृतमस्माकं तेजोसस्माकं ब्रह्मास्माकं
स्वर्स्माकं यज्ञोऽस्माकं पशवोऽस्माकं प्रजा अस्माकं वीरा अस्माकम्
।

तस्माद्दमुं निर्भजामोऽमुर्मा मुष्यायणमुष्याः पुत्रमसौ यः ।

स मित्रावरुणयोः पाशान्मा मौचि ।

तस्येदं वर्चस्तेजः प्राणमायुर्नि वैष्टयामीदमैनमधराञ्चं पादयामि ॥ २८ ॥

जितमस्माकमुद्भिन्नमस्माकमृतमस्माकं तेजोसस्माकं ब्रह्मास्माकं
स्वर्स्माकं यज्ञोऽस्माकं पशवोऽस्माकं प्रजा अस्माकं वीरा अस्माकम्
।

तस्माद्दमुं निर्भजामोऽमुर्मा मुष्यायणमुष्याः पुत्रमसौ यः ।

स राज्ञो वरुणस्य पाशान्मा मौचि ।
तस्येदं वर्चस्तेजः प्राणमायुर्नि वैष्टयामीदमेनमधराञ्चं पादयामि ॥ २६ ॥

जितमस्माकमुद्भिन्नमस्माकमृतमस्माकं तेजोसस्माकं ब्रह्मास्माकं
स्वरस्माकं यज्ञोऽस्माकं पशवोऽस्माकं प्रजा अस्माकं वीरा अस्माकम्
॥ ३० ॥

तस्माद्दुमुं निर्भजामोऽमुमामुष्यायणमुष्याः पुत्रमसौ यः ॥ ३१ ॥
स मृत्योः पड्ब्रीशात्पाशान्मा मौचि ॥ ३२ ॥
तस्येदं वर्चस्तेजः प्राणमायुर्नि वैष्टयामीदमेनमधराञ्चं पादयामि ॥ ३३ ॥

(६) नवमः पर्यायः

(१-४) चतुर्ऋचस्यास्य पर्यायस्य यम ऋषिः । (१) प्रथमर्चः
प्रजापतिः (२) द्वितीयाया मन्त्रोक्ताः (३-४) तृतीयाचतुर्थ्योश्च सूर्यो
देवताः । (१) प्रथमाया आर्च्यनुष्टुप् (२) द्वितीयाया आर्च्युष्णिक
(३) तृतीयायाः साम्नी पङ्क्तिः (४) चतुर्थ्याश्च परोष्णिक छन्दांसि ॥
जितमस्माकमुद्भिन्नमस्माकमभ्यष्टिं विश्वाः पृतना अरातीः ॥ १ ॥

तद्गिराह तदु सोमं आह पूषा मा धात्सुकृतस्य लोके ॥ २ ॥

अगन्म स्वशुः स्वरगन्म सं सूर्यस्य ज्योतिषागन्म ॥ ३ ॥

वस्योभूयाय वसुमान्यज्ञो वसु वंसिषीय वसुमान्भूयासं वसु मयि धेहि
॥ ४ ॥

इति षोडशं कारण्डम्

अथ सप्तदशं काण्डम्

(१) प्रथमं सूक्तम्

(१-३०) त्रिंशदृचस्यास्य सूक्तस्य ब्रह्मा ऋषिः । आदित्यो देवता । (१)
प्रथमर्चस्यवसाना षट्पदा जगती (२-५) द्वितीयादिचतसृणां त्र्यवसाना
षट्पदातिजगती (६-७) षष्ठीसप्तम्योरुच्यवसाना सप्तपदात्यष्टिः (८)
अष्टम्यारुच्यवसाना सप्तपदातिधृतिः (९, १४-१५) नवमीचतुर्दशीपञ्चदशीनां पञ्चपदा
शक्वरी (१०) दशम्यारुच्यवसानाष्टपदा धृतिः (११, १६)
एकादशीषोडश्योरुच्यवसाना सप्तपदातिधृतिः (१२) द्वादश्यारुच्यवसाना सप्तपदा कृतिः
(१३) त्रयोदश्यारुच्यवसाना सप्तपदा प्रकृतिः (१७) सप्तदश्याः पञ्चपदा
विराडतिशक्वरी (१८) अष्टादश्यारुच्यवसाना सप्तपदा भुरिगष्टिः (१९)
एकोनविंश्यारुच्यवसाना सप्तपदात्यष्टिः (२०) विंश्याः ककुप् (२१)
एकविंश्याश्चतुष्पदोपरिष्ठाद्ब्रह्मती (२२) द्वाविंश्या द्विपदानुष्टुप् (२३) त्रयोविंश्या
द्विपदा निचृद्ब्रह्मती (२४) चतुर्विंश्यारुच्यवसाना सप्तपदा विराडत्यष्टिः (२५-२६)
पञ्चविंशीषड्विंश्योरनुष्टुप् (२७, ३०) सप्तविंशीत्रिंश्योर्जगती (२८-२९)
अष्टाविंश्येकोनत्रिंश्योश्च त्रिष्टुप् छन्दांसि

विषासहिं सहमानं सासहानं सहीयांसम् ।
सहमानं सहोजितं स्वर्जितं गोजितं संधनाजितम् ।
ईड्यं नाम ह्व इन्द्रमायुष्मान्भूयासम् ॥१॥

विषासहिं सहमानं सासहानं सहीयांसम् ।
सहमानं सहोजितं स्वर्जितं गोजितं संधनाजितम् ।
ईड्यं नाम ह्व इन्द्रं प्रियो देवानां भूयासम् ॥२॥

विषासहिं सहमानं सासहानं सहीयांसम् ।
सहमानं सहोजितं स्वर्जितं गोजितं संधनाजितम् ।
ईड्यं नाम ह्व इन्द्रं प्रियः प्रजानां भूयासम् ॥३॥

विषासहिं सहमानं सासहानं सहीयांसम् ।
सहमानं सहोजितं स्वर्जितं गोजितं संधनाजितम् ।
ईड्यं नाम ह्व इन्द्रं प्रियः पशूनां भूयासम् ॥४॥

विषासृहिं सहमानं सासहानं सहीयांसम् ।
सहमानं सहोजितं स्वर्जितं गोजितं संधनाजितम् ।
ईडयं नाम ह्व इन्द्रं प्रियः समानानां भूयासम् ॥५॥

उदिह्युदिहि सूर्यं वर्चसा माभ्युदिहि ।
द्विषंश्च मह्यं रध्यतु मा चाहं द्विषते रंधं तवेद्विष्णो बहुधा वीर्याणि ।
त्वं नः पृणीहि पशुभिर्विश्वरूपैः सुधायां मा धेहि परमे व्योमन् ॥६॥

उदिह्युदिहि सूर्यं वर्चसा माभ्युदिहि ।
यांश्च पश्यामि यांश्च न तेषु मा सुमतिं कृधि तवेद्विष्णो बहुधा वीर्याणि ।
त्वं नः पृणीहि पशुभिर्विश्वरूपैः सुधायां मा धेहि परमे व्योमन् ॥७॥

मा त्वा दभन्त्सलिले अस्वश्रुन्तर्ये पाशिनं उपतिष्ठन्त्यत्र ।
हित्वाशस्तिं दिवमारुक्ष एतां स नो मृड सुमतौ तै स्याम तवेद्विष्णो
बहुधा वीर्याणि ।
त्वं नः पृणीहि पशुभिर्विश्वरूपैः सुधायां मा धेहि परमे व्योमन् ॥८॥

त्वं न इन्द्र महते सौभगायादब्धेभिः परि पाह्यक्तुभिस्तवेद्विष्णो बहुधा
वीर्याणि ।
त्वं नः पृणीहि पशुभिर्विश्वरूपैः सुधायां मा धेहि परमे व्योमन् ॥९॥

त्वं न इन्द्रोतिभिः शिवाभिः शंतमो भव ।
आरोहंस्त्रिदिवं दिवो गृणानः सोमपीतये प्रियधामा स्वस्तये तवेद्विष्णो
बहुधा वीर्याणि ।
त्वं नः पृणीहि पशुभिर्विश्वरूपैः सुधायां मा धेहि परमे व्योमन् ॥१०॥

त्वमिन्द्रासि विश्वजित्सर्ववित्पुरुहूतस्त्वमिन्द्र ।

त्वमिन्द्रेमं सुहवम् स्तोममेरयस्व स नो मृड सुमतौ ते स्याम तवेद्विष्णो
बहुधा वीर्याणि ।
त्वं नः पृणीहि पशुभिर्विश्वरूपैः सुधायां मा धेहि परमे व्योमन् ॥११॥

अदब्धो दिवि पृथिव्यामुतासि न त आपुर्महिमानमन्तरिक्षे ।
अदब्धेन ब्रह्मणा वावृधानः स त्वं न इन्द्र दिवि षंछर्म यच्छ तवेद्विष्णो
बहुधा वीर्याणि ।
त्वं नः पृणीहि पशुभिर्विश्वरूपैः सुधायां मा धेहि परमे व्योमन् ॥१२॥

या त इन्द्र तनूरप्सु या पृथिव्यां यान्तरग्रौ या त इन्द्र पर्वमाने स्वर्विदि ।
ययेन्द्र तन्वाइऽन्तरिक्षं व्यापिथ तया न इन्द्र तन्वाइः शर्म यच्छ तवेद्विष्णो
बहुधा वीर्याणि ।
त्वं नः पृणीहि पशुभिर्विश्वरूपैः सुधायां मा धेहि परमे व्योमन् ॥१३॥

त्वामिन्द्र ब्रह्मणा वर्धयन्तः सत्रं नि षेदुर्ऋषयो नाधमानास्तवेद्विष्णो
बहुधा वीर्याणि ।
त्वं नः पृणीहि पशुभिर्विश्वरूपैः सुधायां मा धेहि परमे व्योमन् ॥१४॥

त्वं तृतं त्वं पर्येष्युत्सं सहस्रधारं विदथं स्वर्विदं तवेद्विष्णो बहुधा
वीर्याणि ।
त्वं नः पृणीहि पशुभिर्विश्वरूपैः सुधायां मा धेहि परमे व्योमन् ॥१५॥

त्वं रक्षसे प्रदिशश्चतस्रस्त्वं शोचिषा नभसी वि भासि ।
त्वमिमा विश्वा भुवनानु तिष्ठस ऋतस्य पन्थामन्वेषि विद्वांस्तवेद्विष्णो
बहुधा वीर्याणि ।
त्वं नः पृणीहि पशुभिर्विश्वरूपैः सुधायां मा धेहि परमे व्योमन् ॥१६॥

पञ्चभिः पराङ्गतपस्येकयावाडशस्तिमेषि सुदिने बाधमानस्तवेद्विष्णो

बहुधा वीर्याणि ।

त्वं नः पृणीहि पशुभिर्विश्वरूपैः सुधायां मा धेहि परमे व्योमन् ॥१७॥

त्वमिन्द्रस्त्वं महेन्द्रस्त्वं लोकस्त्वं प्रजापतिः ।

तुभ्यं यज्ञो वि तांयते तुभ्यं जुहति जुहंतस्तवेद्विष्णो बहुधा वीर्याणि ।

त्वं नः पृणीहि पशुभिर्विश्वरूपैः सुधायां मा धेहि परमे व्योमन् ॥१८॥

असति सत्प्रतिष्ठितं सति भूतं प्रतिष्ठितम् ।

भूतं ह भव्य आहितं भव्यं भूते प्रतिष्ठितं तवेद्विष्णो बहुधा वीर्याणि ।

त्वं नः पृणीहि पशुभिर्विश्वरूपैः सुधायां मा धेहि परमे व्योमन् ॥१९॥

शुक्रोऽसि भ्राजोऽसि ।

स यथा त्वं भ्राजता भ्राजोऽस्येवाहं भ्राजता भ्राज्यासम् ॥२०॥

रुचिरसि रोचोऽसि ।

स यथा त्वं रुच्या रोचोऽस्येवाहं पशुभिश्च ब्राह्मणवर्चसेन च रुचिषीय

॥२१॥

उद्यते नम उदायते नम उदिताय नमः ।

विराजे नमः स्वराजे नमः सम्राजे नमः ॥२२॥

अस्तंयते नमोऽस्तमेष्यते नमोऽस्तमिताय नमः ।

विराजे नमः स्वराजे नमः सम्राजे नमः ॥२३॥

उदगाद्यमादित्यो विश्वेन तपसा सह ।

सपत्नान्मह्यं रन्धयन्मा चाहं द्विषते रंधं तवेद्विष्णो बहुधा वीर्याणि ।

त्वं नः पृणीहि पशुभिर्विश्वरूपैः सुधायां मा धेहि परमे व्योमन् ॥२४॥

आदित्यं नावमारुक्षः शतारित्रां स्वस्तये ।
अहर्मात्यपीपरो रात्रिं सत्राति पारय ॥ २५ ॥

सूर्यं नावमारुक्षः शतारित्रां स्वस्तये ।
रात्रिं मात्यपीपरोऽहः सत्राति पारय ॥ २६ ॥

प्रजापतेरावृतो ब्रह्मणा वर्मणाहं कश्यपस्य ज्योतिषा वर्चसा च ।
जुरदष्टिः कृतवीर्यो विहायाः सहस्रायुः सुकृतश्चरेयम् ॥ २७ ॥

परिवृतो ब्रह्मणा वर्मणाहं कश्यपस्य ज्योतिषा वर्चसा च ।
मा मा प्रापन्निषवो दैव्या या मा मानुषीरवसृष्टाः वधाय ॥ २८ ॥

ऋतेन गुप्त ऋतुभिश्च सर्वैर्भूतेन गुप्तो भव्येन चाहम् ।
मा मा प्रापत्याप्मा मोत मृत्युरन्तर्दधेऽहं सलिलेन वाचः ॥ २९ ॥

अग्निर्मा गोप्ता परि पातु विश्वतः उद्यन्त्सूर्यो नुदतां मृत्युपाशान् ।
व्युच्छन्तीरुषसः पर्वता ध्रुवाः सहस्रं प्राणा मय्या यतन्ताम् ॥ ३० ॥
इति सप्तदशं काण्डम्

अथाष्टादशं कारण्डम्

(१) प्रथमं सूक्तम्

(१-६१) एकषष्ट्यचस्यास्य सूक्तस्याथर्वा ऋषिः । (१-३६, ४७-५०, ५३-६१)
प्रथमाद्येकोनचत्वारिंशदृचां सप्तचत्वारिंश्यादिचतसृणां त्रिपञ्चाश्यादिनवानाञ्च यमो
मन्त्रोक्ताश्च (४०) चत्वारिंश्या रुद्रः (४१-४३) एकचत्वारिंश्यादितृचस्य सरस्वती
(४४-४६, ५१-५२) चतुश्चत्वारिंश्यादितृचस्यैकपञ्चाशीद्विपञ्चाशयोश्च पितरो देवताः ।
(१-७, ९-१३, १६-१७, २४-३६, ३९-४८, ५१-५५, ५८, ६०)

प्रथमादिसप्तानां नवम्यादिपञ्चानां

षोडशीसप्तदशयोश्चतुर्विंश्यादित्रयोदशानामेकोनचत्वारिंश्यादिदशानामेकपञ्चाश्यादिपञ्चाना
मष्टपञ्चाशीषष्ट्योश्च त्रिष्टुप् (८, १५) अष्टमीपञ्चदशयोराशी पङ्क्तिः (१४, ४९-५०)
चतुर्दशेकोनपञ्चाशीपञ्चाशीनां भुरिक्त्रिष्टुप् (१८-२३) अष्टादश्यादिषण्णां जगती
(३७-३८) सप्तत्रिंश्याष्टात्रिंशयोः परोष्णिक् (५६-५७, ६१)
षट्पञ्चाशीसप्तपञ्चाशयेकषष्टीनामनुष्टुप् (५९) एकोनषष्ट्याश्च पुरोबृहती छन्दांसि
ओ चित्सखायं सख्या ववृत्यां तिरः पुरू चिदर्शवं जगन्वान् ।
पितुर्नपात्मा दधीत वेधा अधि क्षमि प्रतरं दीध्यानः ॥१॥

न ते सखा सख्यं वष्टयेतत्सलक्ष्मा यद्विषुरूपा भवाति ।
महस्पुत्रासो असुरस्य वीरा दिवो धर्तारं उर्विया परि ख्यन् ॥२॥

उशन्ति घा ते अमृतास एतदेकस्य चित्त्यजसं मर्त्यस्य ।
नि ते मनो मनसि धाय्यस्मे जन्युः पतिस्तन्वशुमा विविश्याः ॥३॥

न यत्पुरा चकृमा कद्धं नूनमृतं वदन्तो अनृतं रपेम ।
गन्धर्वो अप्स्वप्या च योषा सा नौ नाभिः परमं जामि तन्नौ ॥४॥

गर्भे नु नौ जनिता दंपती कर्देवस्त्वष्टा सविता विश्वरूपः ।
नकिरस्य प्र मिनन्ति वृतानि वेदं नावस्य पृथिवी उत द्यौः ॥५॥

को अद्य युङ्क्ते धुरि गा ऋतस्य शिमीवतो भामिनौ दुर्हणायून् ।
आसन्निषून्हृत्स्वसौ मयोभून्य एषां भृत्यामृणधत्स जीवात् ॥६॥

को अस्य वेद प्रथमस्याहः क ई ददर्श क इह प्र वौचत् ।
बृहन्मित्रस्य वरुणस्य धाम कदु ब्रव आहनो वीच्या नृन् ॥७॥

यमस्य मा यम्यंशु काम आगन्त्समाने योनौ सहशेय्याय ।
जायेव पत्यै तन्वां रिरिच्यां वि चिद्बृहेव रथ्यैव चक्रा ॥८॥

न तिष्ठन्ति न नि मिषन्त्येते देवानां स्पर्श इह ये चरन्ति ।
अन्येन मदाहनो याहि तूयं तेन वि वृह रथ्यैव चक्रा ॥९॥

रात्रीभिरस्मा अहभिर्दशस्येत्सूर्यस्य चक्षुर्मुहुरुन्मिमीयात् ।
दिवा पृथिव्या मिथुना सबन्धू यमीर्यमस्य विवृहादजामि ॥१०॥

आ घा ता गच्छानुत्तरा युगानि यत्र जामयः कृणवन्नजामि ।
उप बर्बृहि वृषभार्य ब्राह्मन्यमिच्छस्व सुभगे पतिं मत् ॥११॥

किं भ्रातासद्यदनाथं भवति किमु स्वसा यन्निर्ऋतिर्निगच्छात् ।
काममूता बृहेतद्रपामि तन्वां मे तन्वंशु सं पिपृग्धि ॥१२॥

न तै नाथं यम्यत्राहमस्मि न तै तनूं तन्वांशु सं पपृच्याम् ।
अन्येन मत्प्रमुदः कल्पयस्व न ते भ्राता सुभगे वष्टयेतत् ॥१३॥

न वा उ ते तनूं तन्वांशु सं पिपृच्यां पापमाहुर्यः स्वसारं निगच्छात् ।
असंयदेतन्मनसो हृदो मे भ्राता स्वसुः शयने यच्छयीय ॥१४॥

ब्रतो ब्रतासि यम नैव ते मनो हृदयं चाविदामा ।
अन्या किल त्वां कन्द्येव युक्तं परि ष्वजातै लिबुजेव वृक्षम् ॥१५॥

अन्य ऊ षु यम्यन्य उ त्वां परि ष्वजातै लिबुजेव वृक्षम् ।

तस्य वा त्वं मन इच्छा स वा तवाधा कृणुष्व संविदं सुभद्राम् ॥१६॥

त्रीणि च्छन्दांसि कवयो वि यैतिरे पुरुरूपं दर्शतं विश्वचक्षणम् ।
आपो वाता ओषधयस्तान्येकस्मिन्भुवनं आर्पितानि ॥१७॥

वृषा वृष्णौ दुदुहे दोहसा दिवः पयांसि यहो अदितेरदाभ्यः ।
विश्वं स वेद वरुणो यथा धिया स यज्ञियो यजति यज्ञियाँ ऋतून् ॥१८॥

रपद्गन्धर्वीरप्यां च योषणा नदस्यं नदे परि पातु नो मनः ।
इष्टस्य मध्ये अदितिर्नि धातु नो भ्राता नो ज्येष्ठः प्रथमो वि वोचति
॥१९॥

सो चिन्नु भद्रा क्षुमती यशस्वत्युषा उवास मनवे स्वर्वती ।
यदीमुशन्तमुशतामनु क्रतुमग्निं होतारं विदथाय जीर्जनन् ॥२०॥

अध त्यं द्रप्सं विभ्वं विचक्षणं विराभरदिषिरः श्येनो अध्वरे ।
यदी विशौ वृणतै दस्ममार्या अग्निं होतारमधु धीरजायत ॥२१॥

सदांसि रगवो यवसेव पुष्यते होत्राभिरग्ने मनुषः स्वध्वरः ।
विप्रस्य वा यच्छशमान उक्थ्योऽ वाजं ससवाँ उपयासि भूरिभिः ॥२२॥

उदीरय पितरां जार आ भगमियन्नति हर्यतो हृत्त इष्यति ।
विवक्ति वह्निः स्वपस्यते मखस्तविष्यते असुरो वेपते मती ॥२३॥

यस्ते अग्ने सुमतिं मर्तो अख्यत्सहसः सूनो अति स प्र शृणवे ।
इषं दधानो वहमानो अश्वैरा स द्युमाँ अमवान्भूषति द्युन् ॥२४॥

श्रुधी नो अग्ने सदाने सधस्थै युद्ध्वा रथममृतस्य द्रवितुम् ।

आ नो वह रोदसी देवपुत्रे माकिर्देवानामपं भूरिह स्याः ॥ २५ ॥

यदग्र एषा समितिर्भवाति देवी देवेषु यजता यजत्र ।
रता च यद्विभजासि स्वधावो भागं नो अत्र वसुमन्तं वीतात् ॥ २६ ॥

अन्वग्निरुषसामग्रमख्यदन्वहानि प्रथमो जातवेदाः ।
अनु सूर्य उषसो अनु रश्मीननु द्यावापृथिवी आ विवेश ॥ २७ ॥

प्रत्यग्निरुषसामग्रमख्यत्प्रत्यहानि प्रथमो जातवेदाः ।
प्रति सूर्यस्य पुरुधा च रश्मीन्प्रति द्यावापृथिवी आ तंतान ॥ २८ ॥

द्यावा ह क्षामा प्रथमे ऋतेनाभिश्चावे भवतः सत्यवाचा ।
देवो यन्मर्तान्यजथाय कृणवन्त्सीदद्धोता प्रत्यङ् स्वमसुं यन् ॥ २९ ॥

देवो देवान्परिभूऋतेन वहा नो हव्यं प्रथमश्चिकित्वान् ।
धूमकेतुः समिधा भाऋजीको मन्द्रो होता नित्यो वाचा यजीयान् ॥ ३० ॥

अर्चामि वां वर्धायापो घृतसू द्यावाभूमी शृणुतं रोदसी मे ।
अहा यद्देवा असुनीतिमायन्मध्वा नो अत्र पितरा शिशीताम् ॥ ३१ ॥

स्वावृगदेवस्यामृतं यदी गोरतो जातासौ धारयन्त उर्वी ।
विश्वे देवा अनु तत्ते यजुर्गुर्दुहे यदेनी दिव्यं घृतं वाः ॥ ३२ ॥

किं स्वित्तो राजा जगृहे कदस्याति व्रतं चकृमा को वि वैद ।
मित्रश्चिद्धि ष्मा जुहुराणो देवाञ्छलोको न यातामपि वाजो अस्ति ॥ ३३ ॥

दुर्मन्त्वत्रामृतस्य नाम सलक्ष्मा यद्विषुरूपा भवाति ।
यमस्य यो मनवते सुमन्त्वग्ने तमृष्व पाह्यप्रयुच्छन् ॥ ३४ ॥

यस्मिन्देवा विदथै मादयन्ते विवस्वतः सदेने धारयन्ते ।
सूर्ये ज्योतिरदधुर्मास्यश्क्तून्परि द्योतनिं चरतो अर्जस्त्रा ॥३५॥

यस्मिन्देवा मन्मनि संचरन्त्यपीच्येरे न वयमस्य विद्य ।
मित्रो नो अत्रादितिरनागान्त्सविता देवो वरुणाय वोचत् ॥३६॥

सखाय आ शिषामहे ब्रह्मेन्द्राय वृजिणै ।
स्तुष ऊ षु नृत्तमाय धृष्णवै ॥३७॥

शर्वसा ह्यसि श्रुतो वृत्रहत्येन वृत्रहा ।
मधैर्मघोनो अति शूर दाशसि ॥३८॥

स्तेगो न क्सात्येषि पृथिवीं मही नो वाता इह वान्तु भूमौ ।
मित्रो नो अत्र वरुणो युजमानो अग्निर्वने न व्यसृष्ट शोर्कम् ॥३९॥

स्तुहि श्रुतं गर्तसदं जनानां राजानं भीममुपहतुमुग्रम् ।
मृडा जरित्रे रुद्र स्तवानो अन्यमस्मत्ते नि वपन्तु सेन्यम् ॥४०॥

सरस्वतीं देवयन्तौ हवन्ते सरस्वतीमध्वरे तायमाने ।
सरस्वतीं सुकृतौ हवन्ते सरस्वती दाशुषे वार्यं दात् ॥४१॥

सरस्वतीं पितरौ हवन्ते दक्षिणा यज्ञमभिनक्षमाणाः ।
आसद्यास्मिन्बर्हिषि मादयध्वमनमीवा इष आ धैह्यस्मे ॥४२॥

सरस्वति या सुरथं ययाथोक्थैः स्वधाभिर्देवि पितृभिर्मदन्ती ।
सहस्रार्धमिडो अत्र भागं रायस्पोषं यजमानाय धेहि ॥४३॥

उदीरथामवर उत्परास उन्मध्यमाः पितरः सोम्यासः ।

असुं य ईयुरवृका ऋतज्ञास्ते नोऽवन्तु पितरो हवेषु ॥४४॥

आहं पितृन्सुविदत्राँ अवित्सि नपातं च विक्रमणं च विष्णोः ।
बर्हिषदो ये स्वधया सुतस्य भर्जन्त पित्वस्त इहागमिष्ठाः ॥४५॥

इदं पितृभ्यो नमो अस्त्वद्य ये पूर्वासो ये अपरास ईयुः ।
ये पार्थिवे रजस्या निषत्ता ये वा नूनं सुवृजनासु दिक्षु ॥४६॥

मातली कव्यैर्यमो अङ्गिरोभिर्बृहस्पतिर्भृक्वभिर्वावृधानः ।
यांश्च देवा वावृधुर्ये च देवांस्ते नोऽवन्तु पितरो हवेषु ॥४७॥

स्वादुष्किलायं मधुमाँ उतायं तीव्रः किलायं रसवाँ उतायम् ।
उतो न्वशुस्य पपिवांसमिन्द्रं न कश्चन सहत आहवेषु ॥४८॥

परेयिवांसं प्रवतो महीरिति ब्रह्मभ्यः पन्थामनुपस्पशानम् ।
वैवस्वतं संगमनं जनानां यमं राजानं हविषा सपर्यत ॥४९॥

यमो नो गातुं प्रथमो विवेद नैषा गव्यूतिरपभर्तवा उँ ।
यत्रा नः पूर्वे पितरः परेता एना जज्ञानाः पथ्यारु अनु स्वाः ॥५०॥

बर्हिषदः पितर ऊत्यशुर्वागिमा वो हव्या चकृमा जुषध्वम् ।
त आ गतावसा शतमेनाधा नः शं योररपो दधात ॥५१॥

आच्या जानुं दक्षिणतो निषद्येदं नो हविरभि गृणन्तु विश्वे ।
मा हिंसिष्ट पितरः केन चिन्नो यद्वा आगः पुरुषता कराम ॥५२॥

त्वष्टा दुहित्रे वहतुं कृणोति तेनेदं विश्वं भुवनं समैति ।
यमस्य माता पर्युह्यमाना महो जाया विवस्वतो ननाश ॥५३॥

प्रेहि प्रेहि पृथिभिः पूर्याणैर्येनां ते पूर्वे पितरः परैताः ।
उभा राजानौ स्वधया मदन्तौ यमं पश्यासि वरुणं च देवम् ॥५४॥

अपैत वीति वि च सर्पतातोऽस्मा एतं पितरो लोकमक्रन् ।
अहोभिरद्भिरक्तुभिर्व्यक्तं यमो ददात्यवसानमस्मै ॥५५॥

उशन्तस्त्वेधीमह्युशन्तः समिधीमहि ।
उशन्नुशत आ वह पितृन्हविषे अत्तवे ॥५६॥

द्युमन्तस्त्वेधीमहि द्युमन्तः समिधीमहि ।
द्युमान्द्युमत आ वह पितृन्हविषे अत्तवे ॥५७॥

अङ्गिरसो नः पितरो नवग्वा अथर्वाणो भृगवः सोम्यासः ।
तेषां वयं सुमतौ यज्ञियानामपि भद्रे सौमनसे स्याम ॥५८॥

अङ्गिरोभिर्यज्ञियैरा गहीह यमं वैरूपैरिह मादयस्व ।
विवस्वन्तं हुवे यः पिता तेऽस्मिन्ब्रह्मिष्या निषद्य ॥५९॥

इमं यम प्रस्तरमा हि रोहाङ्गिरोभिः पितृभिः संविदानः ।
आ त्वा मन्त्राः कविशस्ता वहन्त्वेना राजन्हविषो मादयस्व ॥६०॥

इत एत उदारुहन्दिवस्पृष्ठान्वारुहन् ।
प्र भूर्जयो यथा पथा द्यामङ्गिरसो ययुः ॥६१॥

(२) द्वितीयं सूक्तम्

(१-६०) षष्ठ्युचस्यास्य सूक्तस्याथर्वा ऋषिः । (१-३, ६-२८, ३०-३३, ३५-६०)
प्रथमादितृचस्य षष्ठ्यादित्रयोविंशत्युचां त्रिंश्यादिचतसृणां पञ्चत्रिंश्यादिषड्विंशतेश्च यमो
मन्त्रोक्ताश्च (४, ३४) चतुर्थीचतुस्त्रिंश्योरग्निः (५) पञ्चम्या जातवेदाः (२६)
एकोनत्रिंश्याश्च पितरो देवताः ।

(१-३, ६, १४-१८, २०, २२-२३, २५, ३०, ३४, ३६, ४६, ४८, ५०-५२, ५६)
 प्रथमादितृचस्य षष्ठ्याश्चतुर्दश्यादिपञ्चानां
 विंशीद्वाविंशीत्रयोविंशीपञ्चविंशीत्रिंशीचतुस्त्रिंशीषट्त्रिंशीषट्चत्वारिंशष्टचत्वारिंशीनां
 पञ्चाश्यादितृचस्य षट्पञ्चाश्याश्चानुष्टुप् (४, ७, ९, १३) चतुर्थीसप्तमीनवमीत्रयोदशीनां
 जगती (५, २६, ४९, ५७) पञ्चमीषड्विंशयेकोनपञ्चाशीसप्तपञ्चाशीनां भुरिक्त्रिष्टुप्
 (८, १०-१२, २१, २७-२९, ३१-३३, ३५, ४७, ५३-५५, ५८-६०) अष्टम्या
 दशम्यादितृचस्यैकविंश्याः सप्तविंश्यादितृचस्यैकत्रिंश्यादितृचस्य
 पञ्चत्रिंशीसप्तचत्वारिंशयोस्त्रिपञ्चाश्यादितृचस्याष्टपञ्चाश्यादितृचस्य च त्रिष्टुप् (१९)
 एकोनविंश्यास्त्रिपदार्षी गायत्री (२४) चतुर्विंश्यास्त्रिपदा समविषमार्षी गायत्री (३७)
 सप्तत्रिंश्या विराड्जगती (३८-३९, ४१) अष्टात्रिंशयेकोनचत्वारिंशयेकचत्वारिंशीनामार्षी
 गायत्री (४०, ४२-४४) चत्वारिंश्या द्विचत्वारिंश्यादितृचस्य च भुरिगार्षी गायत्री
 (४५) पञ्चचत्वारिंश्याश्च ककुम्मत्यनुष्टुप् छन्दांसि

य॒माय॒ सोमः॑ पवते य॒माय॑ क्रियते ह॒विः ।
 य॒मं ह॑ य॒ज्ञो ग॑च्छत्य॒ग्निर्दू॑तो अरंकृतः ॥१॥

य॒माय॒ मधु॑मत्तमं जुहो॒ता प्र च॑ तिष्ठत ।
 इ॒दं न॑म॒ ऋषि॑भ्यः पूर्॒वजे॑भ्यः पूर्॒वेभ्यः॑ पथि॒कृद्भ्यः॑ ॥२॥

य॒माय॑ घृ॒तव॑त्पयो॒ राज्ञै॑ ह॒विर्जु॑होतन ।
 स नो॑ जी॒वेष्वा॒ यमे॒द्दीर्घ॑मायुः प्र जी॒वसे॑ ॥३॥

मै॒नम॑ग्ने वि द॒हो मा॑भि शू॒शुचो॑ मास्य॒ त्वचं॑ चि॒क्षिपो॑ मा शरी॒रम् ।
 श्रु॒तं य॒दा कर॑सि जा॒तवे॒दोऽथे॑मे॒नं प्र हि॑णु॒तात्पि॒तृरु॑प ॥४॥

य॒दा श्रु॑तं कृ॒णवो॑ जा॒तवे॒दोऽथे॑ममे॒नं परि॑ दत्तात्पि॒तृभ्यः॑ ।
 य॒दो ग॑च्छा॒त्यसु॑नीतिमे॒तामथ॑ दे॒वानां॑ व॒शनी॑र्भवाति ॥५॥

त्रि॒क॒द्रुके॑भिः पवते षड्वी॒रि॒क॒मिद्बृ॑हत् ।
 त्रि॒ष्टु॒र्गा॒यत्री॑ छन्दांसि॒ सर्वा॑ ता य॒म आ॑र्पिता ॥६॥

सूर्यं चक्षुषा गच्छ वातमात्मना दिवं च गच्छ पृथिवीं च धर्मभिः ।
अपो वा गच्छ यदि तत्र ते हितमोषधीषु प्रति तिष्ठा शरीरैः ॥७॥

अजो भागस्तपस्स्तं तपस्व तं तै शोचिस्तपतु तं तै अर्चिः ।
यास्तै शिवास्तन्वो जातवेदस्ताभिर्वहैनं सुकृतामु लोकम् ॥८॥

यास्तै शोचयो रंहयो जातवेदो याभिरापृणासि दिवमन्तरिक्षम् ।
अजं यन्तमनु ताः समृशवतामथेतराभिः शिवतमाभिः शृतं कृधि ॥९॥

अवं सृज पुनरग्रे पितृभ्यो यस्त आहुतश्चरति स्वधावान् ।
आयुर्वसान् उप यातु शेषः सं गच्छतां तन्वा सुवर्चाः ॥१०॥

अति द्रव श्वानौ सारमेयौ चतुरक्षौ शबलौ साधुना पथा ।
अधा पितृन्सुविदत्राँ अपीहि यमेन ये सधमादं मदन्ति ॥११॥

यौ ते श्वानौ यम रक्षितारौ चतुरक्षौ पथिषदी नृचक्षसा ।
ताभ्यां राजन्परि धेह्येनं स्वस्त्यस्मा अनमीवं च धेहि ॥१२॥

उरूणासावसुतृपावुदुम्बलौ यमस्य दूतौ चरतो जनाँ अनु ।
तावस्मभ्यं दृशये सूर्याय पुनर्दातामसुमद्येह भद्रम् ॥१३॥

सोम एकैभ्यः पवते घृतमेक उपासते ।
येभ्यो मधु प्रधावति तांश्चिदेवापि गच्छतात् ॥१४॥

ये चित्पूर्व ऋतसाता ऋतजाता ऋतावृधः ।
ऋषीन्तपस्वतो यम तपोजाँ अपि गच्छतात् ॥१५॥

तपसा ये अनाधृष्यास्तपसा ये स्वर्ियुः ।

तपो ये चक्रिरे महस्तांश्चिदेवापि गच्छतात् ॥१६॥

ये युध्यन्ते प्रधनेषु शूरासो ये तनूत्यजः ।
ये वा सहस्रदक्षिणास्तांश्चिदेवापि गच्छतात् ॥१७॥

सहस्रणीथाः कवयो ये गोपायन्ति सूर्यम् ।
ऋषीन्तपस्वतो यम तपोजाँ अपि गच्छतात् ॥१८॥

स्योनास्मै भव पृथिव्यनृक्षरा निवेशनी ।
यच्छास्मै शर्म सप्रथाः ॥१९॥

असंबाधे पृथिव्या उरौ लोके नि धीयस्व ।
स्वधा याश्चकृषे जीवन्तास्ते सन्तु मधुश्चुतः ॥२०॥

ह्वयामि ते मनसा मन इहेमान्गृहाँ उप जुजुषाण एहि ।
सं गच्छस्व पितृभिः सं यमेन स्योनास्त्वा वाता उप वान्तु शग्माः
॥२१॥

उत्त्वा वहन्तु मरुत उदवाहा उदप्रुतः ।
अजेन कृणवन्तः शीतं वर्षेणौक्षन्तु बालिति ॥२२॥

उदह्वमायुरायुषे क्रत्वे दक्षाय जीवसे ।
स्वान्गच्छतु ते मनो अर्धा पितरूपं द्रव ॥२३॥

मा ते मनो मासोर्माङ्गानां मा रसस्य ते ।
मा तै हास्त तन्वशुः किं चनेह ॥२४॥

मा त्वा वृक्षः सं बाधिष्ट मा देवी पृथिवी मही ।

लोकं पितृषु वित्वैधस्व यमराजसु ॥२५॥

यत्ते अङ्गमतिहितं पराचैरपानः प्राणो य उ वा ते परैतः ।
तत्ते संगत्य पितरः सनीडा घासाद्वासं पुनरा वैशयन्तु ॥२६॥

अपेमं जीवा अरुधन्गृहेभ्यस्तं निर्वहत परि ग्रामादितः ।
मृत्युर्यमस्यासीद्भूतः प्रचैता असून्पितृभ्यो गम्यां चकार ॥२७॥

ये दस्यवः पितृषु प्रविष्टा ज्ञातिमुखा अहुतादश्चरन्ति ।
परापुरौ निपुरो ये भरन्त्यग्निष्ठानस्मात्प्र धमाति यज्ञात् ॥२८॥

सं विशन्तिवह पितरः स्वा नः स्योनं कृणवन्तः प्रतिरन्त आयुः ।
तेभ्यः शकेम हविषा नक्षमाणा ज्योग्जीवन्तः शरदः पुरूचीः ॥२९॥

यां तै धेनुं निपृणामि यमु क्षीर औदनम् ।
तेना जनस्यासौ भर्ता योऽत्रासुदजीवनः ॥३०॥

अश्वावतीं प्र तर या सुशेवात्तार्कं वा प्रतरं नवीयः ।
यस्त्वा जघान वध्यः सो अस्तु मा सो अन्यद्विदत भागुधेयम् ॥३१॥

यमः परोऽवरो विवस्वान्ततः परं नाति पश्यामि किं चन ।
यमे अध्वरो अधि मे निविष्टो भुवो विवस्वानन्वार्ततान ॥३२॥

अपागूहन्नमृतां मर्त्येभ्यः कृत्वा सर्वर्णामदधुर्विवस्वते ।
उताश्विनावभरद्यत्तदासीदजहादु द्वा मिथुना सरण्यूः ॥३३॥

ये निखाता ये परोप्ता ये दग्धा ये चोद्धिताः ।
सर्वास्तानग्ना आ वह पितृन्हविषे अत्तवे ॥३४॥

ये अग्निदग्धा ये अनग्निदग्धा मध्ये दिवः स्वधया मादयन्ते ।
त्वं तान्वैत्थ यदि ते जातवेदः स्वधया यज्ञं स्वधितिं जुषन्ताम् ॥ ३५ ॥

शं तप माति तपो अग्ने मा तन्वंशु तपः ।
वनेषु शुष्मो अस्तु ते पृथिव्यामस्तु यद्धरः ॥ ३६ ॥

ददाम्यस्मा अवसानमेतद्य एष आगन्मम चेदभूदिह ।
यमश्चिकित्वान्प्रत्येतदाह ममैष राय उप तिष्ठतामिह ॥ ३७ ॥

इमां मात्रां मिमीमहे यथापरं न मासातै ।
शते शरत्सु नो पुरा ॥ ३८ ॥

प्रेमां मात्रां मिमीमहे यथापरं न मासातै ।
शते शरत्सु नो पुरा ॥ ३९ ॥

अप्रेमां मात्रां मिमीमहे यथापरं न मासातै ।
शते शरत्सु नो पुरा ॥ ४० ॥

वीइमां मात्रां मिमीमहे यथापरं न मासातै ।
शते शरत्सु नो पुरा ॥ ४१ ॥

निरिमां मात्रां मिमीमहे यथापरं न मासातै ।
शते शरत्सु नो पुरा ॥ ४२ ॥

उदिमां मात्रां मिमीमहे यथापरं न मासातै ।
शते शरत्सु नो पुरा ॥ ४३ ॥

समिमां मात्रां मिमीमहे यथापरं न मासातै ।

श॒ते श॒रत्सु॒ नो पु॒रा ॥४४॥

अ॒मा॒सि॒ मा॒त्रां॑ स्व॒रि॒गा॒मा॒यु॒ष्मा॒भू॒या॒सम् ।
य॒था॒प॒रं॑ न मा॒स॒तै॒ श॒ते श॒रत्सु॒ नो पु॒रा ॥४५॥

प्रा॒णो अ॒पानो॑ व्य॒ान आ॒युश्च॑क्षु॒र्दृ॒शये॑ सू॒र्याय॑ ।
अ॒प॒रि॒प॒रेण॑ प॒था य॒मरा॑ज्ञः पि॒तृ॒र्ना॑च्छ ॥४६॥

ये अ॒ग्र॒वः श॒श॒मा॒नाः प॑र॒यु॒र्हि॒त्वा द्वे॒षां॑स्य॒न॒प॒त्य॒व॒न्तः ।
ते द्या॒मु॒दि॒त्या॒वि॒द॒न्त लो॒कं ना॒क॒स्य॑ पृ॒ष्ठे अ॒धि दी॒ध्या॑नाः ॥४७॥

उ॒द॒न्व॒ती द्यौर॑व॒मा पी॒लु॒म॒ती॒ति म॒ध्य॒मा ।
तृ॒तीया॑ ह प्र॒द्यौरि॑ति॒ यस्यां॑ पि॒तर॑ आ॒स॒ते ॥४८॥

ये नः॑ पि॒तुः पि॒तरो॑ ये पि॒ताम॒हा य आ॑वि॒वि॒शु॒र्व॒शु॒न्त॒रि॒क्ष॒म् ।
य आ॑क्षि॒यन्ति॑ पृ॒थि॒वी॒मु॒त द्यां॑ ते॒भ्यः॑ पि॒तृ॒भ्यो॑ न॒म॒सा वि॒धेम ॥४९॥

इ॒द॒मि॒द्वा उ॒ ना॒प॒रं दि॒वि प॑श्य॒सि॒ सूर्य॑म् ।
मा॒ता पु॒त्रं यथा॑ सि॒चा॒भ्ये॒नं भूम॑ ऊ॒र्ण॒हि ॥५०॥

इ॒द॒मि॒द्वा उ॒ ना॒प॒रं ज॒र॒स्य॒न्य॒दि॒तोऽप॑रम् ।
जा॒या प॑ति॒मि॒व वा॒स॒सा॒भ्ये॒नं भूम॑ ऊ॒र्ण॒हि ॥५१॥

अ॒भि त्वौ॑र्णो॒मि पृ॒थि॒व्या मा॒तु॒र्व॒स्त्रेण॑ भ॒द्रया॑ ।
जी॒वेषु॑ भ॒द्रं त॒न्म॒रि॒ स्व॒धा पि॒तृषु॑ सा त्व॒रि॒ ॥५२॥

अ॒ग्नी॒षो॒मा प॑थि॒कृ॒ता स्यो॒नं दे॒वे॒भ्यो॑ रत्नं दध॒थु॒र्वि लो॒कम् ।
उ॒प॒ प्रे॒ष्य॒न्तं पू॒षणं॑ यो वहा॒त्य॒ञ्जो॒यानैः॑ प॒थि॒भि॒स्तत्र॑ गच्छ॒तम् ॥५३॥

पूषा त्वेतश्चयावयतु प्र विद्वाननष्टपशुर्भुवनस्य गोपाः ।
स त्वैतेभ्यः परि ददत्पितृभ्योऽग्निर्देवेभ्यः सुविदत्रियैभ्यः ॥५४॥

आयुर्विश्वायुः परि पातु त्वा पूषा त्वा पातु प्रपथे पुरस्तात् ।
यत्रासते सुकृतो यत्र त ईयुस्तत्र त्वा देवः सविता दधातु ॥५५॥

इमौ युनज्मि ते वह्नी असुनीताय वोढवे ।
ताभ्यां यमस्य सार्दनं समितीश्चाव गच्छतात् ॥५६॥

एतत्त्वा वासः प्रथमं न्वागन्नपैतदूह यदिहाबिभः पुरा ।
इष्टापूर्तमनुसंक्राम विद्वान्यत्र ते दत्तं बहुधा विबन्धुषु ॥५७॥

अग्नेर्वर्म परि गोभिर्व्ययस्व सं प्रोर्णुष्व मेदसा पीवसा च ।
नेत्वा धृष्णुर्हरसा जर्हषाणो दधृग्विधक्षन्परीङ्ख्यातै ॥५८॥

दुराडं हस्तादाददानो गतासोः सह श्रोत्रेण वर्चसा बलेन ।
अत्रैव त्वमिह वयं सुवीरा विश्वा मृधो अभिमातीर्जयेम ॥५९॥

धनुर्हस्तादाददानो मृतस्य सह क्षत्रेण वर्चसा बलेन ।
समागृभाय वसु भूरि पुष्टमर्वाङ् त्वमेह्युप जीवलोकम् ॥६०॥

(३) तृतीयं सूक्तम्

(१-७३) त्रिसप्तत्यृचस्यास्य सूक्तस्याथर्वा ऋषिः ।

(१-४, ७-४३, ४५, ४७-४९, ५१-५३, ५५, ५७-७३) प्रथमादिचतुर्भृचां
सप्तम्यादिसप्तत्रिंशतः पञ्चचत्वारिंश्याः सप्तचत्वारिंश्यादितृचस्यैकपञ्चाश्यादितृचस्य
पञ्चपञ्चाश्याः सप्तपञ्चाश्यादिसप्तदशानाञ्च यमो मन्त्रोक्ताश्च (५-६) पञ्चमीषष्ठयोरग्निः
(४४, ४६) चतुश्चत्वारिंशीषट्चत्वारिंशयोर्मन्त्रोक्ताः (५०) पञ्चाश्या भूमिः (५४)
चतुष्पञ्चाश्या इन्दुः (५६) षट्पञ्चाश्याश्च आपो देवताः । (१-३, ७, ९-१०, १२-१७,
१९-२२, २४, ३८, ४०-४३, ४५, ४८, ५१, ५३, ५५, ५७, ५९, ६१-६३, ६५-६६,
७३) प्रथमादितृचस्य सप्तमीनवमीदशमीनां द्वादश्यादिषण्णामेकोनविंश्यादिचतसृणां

चतुर्विंशत्यष्टात्रिंशयोश्चत्वारिंश्यादिचतसृणां

पञ्चचत्वारिंश्यष्टचत्वारिंश्येकपञ्चाशीत्रिपञ्चाशीपञ्चपञ्चाशीसप्तपञ्चाशयेकोनषष्टीनामेक-
षष्ट्यादितृचस्य पञ्चषष्टीषट्षष्टीत्रिसप्ततितमानाञ्च त्रिष्टुप् (४, ८, ११, १३)
चतुर्थ्यष्टम्येकादशीत्रयोविंशीनां सतःपङ्क्तिः (५) पञ्चम्यास्त्रिपदा निचृद्गायत्री (६, ५६,
६८, ७०, ७२) षष्टीषट्पञ्चाश्यष्टषष्टीसप्ततितमाद्वासप्ततितमानाञ्चानुष्टुप् (२५, २७,
४४, ४६) पञ्चविंशीसप्तविंशीचतुश्चत्वारिंशीषट्चत्वारिंशीनां जगती (२६, २८)
षड्विंशत्यष्टाविंशयोर्भुरिग्जगती (२९) एकोनत्रिंश्या विराड्जगती (३०) त्रिंश्याः
पञ्चपदातिजगती (३१) एकत्रिंश्या विराट् शक्वरी (३२-३५, ४७, ४९, ५२)
द्वात्रिंश्यादिचतसृणां सप्तचत्वारिंश्येकोनपञ्चाशीद्विपञ्चाशीनां ((१८) अष्टादश्याश्च)
भुरिक्त्रिष्टुप् (३६) षट्त्रिंश्या एकावसानासुर्यनुष्टुप् (३७) सप्तत्रिंश्या
एकावसानासुरी गायत्री (३९) एकोनचत्वारिंश्याः परात्रिष्टुप् पङ्क्तिः
(५०) पञ्चाश्याः प्रस्तारपङ्क्तिः (५४) चतुष्पञ्चाश्याः पुरोऽनुष्टुप्त्रिष्टुप्
(५८) अष्टपञ्चाश्या विराट्त्रिष्टुप् (६०) षष्ट्यास्त्रयवसाना षट्पदा जगती
(६४) चतुःषष्ट्या भुरिक्पथ्यापङ्क्तिर्भुरिगार्षी पङ्क्तिर्वा (६७) सप्तषष्ट्याः पथ्याबृहती
(६९, ७१) एकोनसप्ततितमैकसप्ततितमयोश्चोपरिष्टाद्बृहती छन्दांसि
इयं नारी पतिलोकं वृणाना नि पद्यत् उप त्वा मर्त्यं प्रेतम् ।
धर्मं पुराणमनुपालयन्ती तस्यै प्रजां द्रविणं चेह धैहि ॥१॥

उदीर्ष्व नार्यभि जीवलोकं गतासुमेतमुप शेष एहि ।
हस्तग्राभस्य दधिषोस्तवेदं पत्युर्जनित्वमभि सं बभूथ ॥२॥

अपश्यं युवतिं नीयमानां जीवां मृतेभ्यः परिणीयमानाम् ।
अन्धेन यत्तमसा प्रावृतासीत्प्राक्तो अपाचीमनयं तदेनाम् ॥३॥

प्रजानत्यग्निचे जीवलोकं देवानां पन्थामनुसंचरन्ती ।
अयं ते गोपतिस्तं जुषस्व स्वर्गं लोकमधि रोहयैनम् ॥४॥

उप द्यामुप वेतसमवत्तरो नदीनाम् ।
अग्ने पित्तमपामसि ॥५॥

यं त्वमग्ने समदहस्तमु निर्वापया पुनः ।

क्याम्बूरत्रं रोहतु शाण्डदूर्वा व्यल्कशा ॥६॥

इदं त एकं पर ऊं त एकं तृतीयैनु ज्योतिषा सं विशस्व ।
संवेशने तन्वाइ चारुरेधि प्रियो देवानां परमे सुधस्थे ॥७॥

उत्तिष्ठ प्रेहि प्र द्रवौकः कृणुष्व सलिले सुधस्थे ।
तत्र त्वं पितृभिः संविदानः सं सोमैनु मदस्व सं स्वधाभिः ॥८॥

प्र च्यवस्व तन्वंशु सं भरस्व मा ते गात्रा वि हायि मो शरीरम् ।
मनो निविष्टमनुसंविशस्व यत्र भूमैर्जुषसे तत्र गच्छ ॥९॥

वर्चसा मां पितरः सोम्यासो अर्जन्तु देवा मधुना घृतेन ।
चक्षुषे मा प्रतरं तारयन्तो जरसै मा जरदष्टिं वर्धन्तु ॥१०॥

वर्चसा मां समनक्त्वग्निर्मेधां मे विष्णुर्न्यनक्त्वासन् ।
रयिं मे विश्वे नि रच्छन्तु देवाः स्योना मापुः पवनैः पुनन्तु ॥११॥

मित्रावरुणा परि मामधातामादित्या मा स्वरवो वर्धयन्तु ।
वर्चो म इन्द्रो न्यनक्तु हस्तयोर्जरदष्टिं मा सविता कृणोतु ॥१२॥

यो ममारं प्रथमो मर्त्यानां यः प्रेयार्यं प्रथमो लोकमेतम् ।
वैवस्वतं संगमनं जनानां यमं राजानं हविषा सपर्यत ॥१३॥

परा यात पितर आ च यातायं वो यज्ञो मधुना समक्तः ।
दत्तो अस्मभ्यं द्रविणोह भद्रं रयिं च नः सर्ववीरं दधात ॥१४॥

करवः कक्षीवान्पुरुमीढो अगस्त्यः श्यावाश्वः सोभर्यर्चनानाः ।
विश्वामित्रोऽयं जुमदग्निरत्रिर्वन्तु नः कश्यपो वामदैवः ॥१५॥

विश्वामित्र जमदग्ने वसिष्ठ भरद्वाज् गोतम वामदेव ।
शर्दिर्नो अत्रिरग्रभीन्नमौभिः सुसंशासः पितरो मृडता नः ॥१६॥

कस्ये मृजाना अति यन्ति रिप्रमायुर्दधानाः प्रतरं नवीयः ।
आप्यार्यमानाः प्रजया धनेनाध स्याम सुरभयो गृहेषु ॥१७॥

अञ्जते व्यञ्जते समञ्जते क्रतुं रिहन्ति मधुनाभ्यञ्जते ।
सिन्धोरुच्छ्वासे पतरन्तमुक्षणं हिरण्यपावाः पशुमासु गृह्णते ॥१८॥

यद्वौ मुद्रं पितरः सोम्यं च तेनो सचध्वं स्वयंशसो हि भूत ।
ते अर्वाणः कवय आ शृणोत सुविदत्रा विदथे ह्यमानाः ॥१९॥

ये अत्रयो अङ्गिरसो नवंग्वा इष्टावन्तो रातिषाचो दधानाः ।
दक्षिणावन्तः सुकृतो य उ स्थासद्यास्मिन्बर्हिषि मादयध्वम् ॥२०॥

अधा यथा नः पितरः परासः प्रतासो अग्र ऋतमाशशानाः ।
शुचीदयन्दीर्घ्यत उक्थशसः क्षामा भिन्दन्तो अरुणीरपे वन् ॥२१॥

सुकर्माणः सुरुचो देवयन्तो अयो न देवा जनिमा धमन्तः ।
शुचन्तो अग्निं वावृधन्त इन्द्रमुर्वी गव्यां परिषदं नो अक्रन् ॥२२॥

आ यूथेव क्षुमति पश्वो अरुयद्देवानां जनिमान्त्युग्रः ।
मर्तासश्चिदुर्वशीरकृप्रन्वृधे चिदर्य उपरस्यायोः ॥२३॥

अकर्म ते स्वपसो अभूम ऋतमवस्रन्नुषसौ विभातीः ।
विश्वं तद्भद्रं यदवन्ति देवा बृहद्वदेम विदथे सुवीराः ॥२४॥

इन्द्रो मा मरुत्वान्प्राच्या दिशः पातु बाहुच्युता पृथिवी द्यामिवोपरि ।

लोककृतः पथिकृतो यजामहे ये देवानां हुतभागा इह स्थ ॥ २५ ॥

धाता मा निर्ऋत्या दक्षिणाया दिशः पातु बाहुच्युता पृथिवी द्यामिवोपरि ।

लोककृतः पथिकृतो यजामहे ये देवानां हुतभागा इह स्थ ॥ २६ ॥

अदितिर्मादित्यैः प्रतीच्या दिशः पातु बाहुच्युता पृथिवी द्यामिवोपरि ।
लोककृतः पथिकृतो यजामहे ये देवानां हुतभागा इह स्थ ॥ २७ ॥

सोमो मा विश्वैर्देवैरुदीच्या दिशः पातु बाहुच्युता पृथिवी द्यामिवोपरि ।
लोककृतः पथिकृतो यजामहे ये देवानां हुतभागा इह स्थ ॥ २८ ॥

धर्ता हं त्वा धरुणो धारयाता ऊर्ध्वं भानुं सविता द्यामिवोपरि ।
लोककृतः पथिकृतो यजामहे ये देवानां हुतभागा इह स्थ ॥ २९ ॥

प्राच्यां त्वा दिशि पुरा संवृतः स्वधायामा दधामि बाहुच्युता पृथिवी
द्यामिवोपरि ।
लोककृतः पथिकृतो यजामहे ये देवानां हुतभागा इह स्थ ॥ ३० ॥

दक्षिणायां त्वा दिशि पुरा संवृतः स्वधायामा दधामि बाहुच्युता पृथिवी
द्यामिवोपरि ।
लोककृतः पथिकृतो यजामहे ये देवानां हुतभागा इह स्थ ॥ ३१ ॥

प्रतीच्यां त्वा दिशि पुरा संवृतः स्वधायामा दधामि बाहुच्युता पृथिवी
द्यामिवोपरि ।
लोककृतः पथिकृतो यजामहे ये देवानां हुतभागा इह स्थ ॥ ३२ ॥

उदीच्यां त्वा दिशि पुरा संवृतः स्वधायामा दधामि बाहुच्युता पृथिवी

द्यामि॒वोपरि॑ ।

लो॒क॒कृ॒तः प॒थि॒कृ॒तो य॒जाम॒हे ये दे॒वानां॑ हु॒तभा॑गा इ॒ह स्थ ॥३३॥

ध्रु॒वायां॑ त्वा दि॒शि पु॒रा सं॒वृतः॑ स्व॒धायामा॑ द॒धामि॑ बा॒हुच्यु॑ता पृथि॒वी
द्यामि॒वोपरि॑ ।

लो॒क॒कृ॒तः प॒थि॒कृ॒तो य॒जाम॒हे ये दे॒वानां॑ हु॒तभा॑गा इ॒ह स्थ ॥३४॥

ऊ॒र्ध्वायां॑ त्वा दि॒शि पु॒रा सं॒वृतः॑ स्व॒धायामा॑ द॒धामि॑ बा॒हुच्यु॑ता पृथि॒वी
द्यामि॒वोपरि॑ ।

लो॒क॒कृ॒तः प॒थि॒कृ॒तो य॒जाम॒हे ये दे॒वानां॑ हु॒तभा॑गा इ॒ह स्थ ॥३५॥

ध॒र्तासि॑ ध॒रुणो॑ऽसि वं॒सगो॑ऽसि ॥३६॥

उ॒द॒पूर॑सि म॒धुपूर॑सि वा॒त॒पूर॑सि ॥३७॥

इ॒तश्च॑ मा॒मुत॑श्चाव॒तां य॒मे इ॒व य॑त॒माने॒ यद्वै॑तम् ।

प्र वां॑ भ॒र॒न्मानु॑षा दे॒व॒यन्तो॑ आ सी॒दतां॑ स्व॒मु॒ लोकं॑ वि॒दाने ॥३८॥

स्वा॒स॒स्थे भ॑व॒त॒मि॒न्द॒वे नो॑ यु॒जे वां॑ ब्र॒ह्मं पू॒र्व्यं न॑मो॒भिः ।

वि॒ श॒लोकं॑ ए॒ति प॒थ्ये॒व सू॑रिः शृ॒णव॑न्तु॒ विश्वे॑ अ॒मृता॑स ए॒तत् ॥३९॥

त्री॒णि प॒दानि॑ रू॒पो अ॒न्व॒रोह॑च्च॒तुष्प॑दीम॒न्वैत॑द्व॒तेन॑ ।

अ॒क्षरै॑ण॒ प्रति॑ मि॒मीते॑ अ॒र्क॒मृ॒तस्य॑ नाभा॒व॒भि सं पु॑नाति ॥४०॥

दे॒वेभ्यः॑ क॒म॒वृ॒णीत॑ मृ॒त्युं प्र॒जायै॑ कि॒म॒मृ॒तं ना॑वृ॒णीत॑ ।

बृ॒ह॒स्प॒तिर्य॑ज्ञ॒म॒तनु॑त् ऋ॒षिः प्रि॒यां य॑म॒स्त॒न्व॒शु॒मा रि॑रिच ॥४१॥

त्व॒म॒ग्र ई॒डि॒तो जा॑त॒वे॒दोऽवा॑ङ्ग॒व्यानि॑ सु॒र॒भी॒णि कृ॒त्वा ।

प्रादाः पितृभ्यः स्वधया ते अन्नन्नद्धि त्वं देव प्रयता हवींषि ॥४२॥

आसीनासो अरुणीनामुपस्थै रयिं धत्त दाशुषे मर्त्याय ।
पुत्रेभ्यः पितरस्तस्य वस्वः प्र यच्छत त इहोर्जं दधात ॥४३॥

अग्निष्वात्ताः पितर एह गच्छत सदःसदः सदत सुप्रणीतयः ।
अतो हवींषि प्रयतानि बर्हिषि रयिं च नः सर्ववीरं दधात ॥४४॥

उपहूता नः पितरः सोम्यासौ बर्हिष्येषु निधिषु प्रियेषु ।
त आ गमन्तु त इह श्रुवन्त्वधि ब्रुवन्तु तेऽवन्त्वस्मान् ॥४५॥

ये नः पितुः पितरो ये पितामहा अनूजहिरे सौमपीथं वसिष्ठाः ।
तेभिर्यमः संरराणो हवींष्युशन्नशब्दिः प्रतिकाममत्तु ॥४६॥

ये तातृषुर्देवत्रा जेहमाना होत्राविदुः स्तोमतष्टासो अकैः ।
आग्रै याहि सहस्रं देववन्दैः सत्यैः कविभिर्ऋषिभिर्घर्मसब्दिः ॥४७॥

ये सत्यासौ हविरदौ हविष्पा इन्द्रैण देवैः सरथं तुरेण ।
आग्रै याहि सुविदत्रैर्भिरवाङ्परैः पूर्वैर्ऋषिभिर्घर्मसब्दिः ॥४८॥

उप सर्प मातरं भूमिमेतामुरुव्यचसं पृथिवीं सुशेवाम् ।
ऊर्णम्रदाः पृथिवी दक्षिणावत एषा त्वा पातु प्रपथे पुरस्तात् ॥४९॥

उच्छ्वन्नस्व पृथिवि मा नि बांधथाः सूपायनास्मै भव सूपसर्पणा ।
माता पुत्रं यथा सिचाभ्येऽनं भूम ऊर्णहि ॥५०॥

उच्छ्वन्नमाना पृथिवी सु तिष्ठतु सहस्रं मित उप हि श्रयन्ताम् ।
ते गृहासौ घृतश्चुतः स्योना विश्वाहास्मै शरणाः सन्त्वत्र ॥५१॥

उत्ते स्तभ्नामि पृथि॒वीं त्वत्परी॒मं लो॒गं नि॒दध॒न्मो अ॒हं रि॒षम् ।
ए॒तां स्थू॒णां पि॒तरो॑ धारयन्ति ते तत्र॑ य॒मः सा॒द॒ना ते कृ॒णोतु ॥५२॥

इ॒मम॑ग्रे च॒म॒सं मा वि जि॒ह्वरः प्रि॒यो दे॒वाना॑मु॒त सो॒म्याना॑म् ।
अ॒यं यश्च॑म॒सो दे॒व॒पा॒न॒स्तस्मि॑न्दे॒वा अ॒मृता॑ मा॒दय॑न्ताम् ॥५३॥

अ॒थ॒र्वा पू॒र्णं च॒म॒सं यमि॑न्द्रा॒याबि॑भ॒र्वाजि॒नीव॑ते ।
तस्मि॑न्कृ॒णोति सु॒कृ॒तस्य॑ भ॒क्षं तस्मि॑न्दि॒तुः प॒वते वि॒श्वदा॑नीम् ॥५४॥

यत्ते॑ कृ॒ष्णः श॑कु॒न आ॒तुतो॑द॒ पिपी॒लः सर्प॑ उ॒त वा॒ श्वाप॑दः ।
अ॒ग्नि॑ष्टद्वि॒श्वद॑ग॒दं कृ॒णोतु॑ सोम॑श्च॒ यो ब्रा॑ह्म॒णाँ आ॒वि॒वेश॑ ॥५५॥

प॒य॒स्वती॑रोष॒धयः॑ प॒य॒स्वन्मा॑म॒कं प॒यः ।
अ॒पां प॒य॒सो य॑त्प॒य॒स्तेन॑ मा स॒ह शु॑म्भतु ॥५६॥

इ॒मा ना॑री॒रवि॑ध॒वाः सु॒प॒तीरा॑ञ्ज॒नेन॑ सर्पि॒षा सं स्पृ॑शन्ताम् ।
अ॒न॒श्रवो॑ अ॒नमी॑वाः सु॒रत्वा॑ आ रौ॒हन्तु॑ ज॒नयो॑ यो॒निम॑ग्रे ॥५७॥

सं ग॑च्छ॒स्व पि॒तृभिः॑ सं य॒मेने॑ष्टा॒पूर्ते॑न॒ पर॑मे व्यो॒मिन् ।
हि॒त्वाव॑द्यं पु॒नर॑स्त॒मेहि॑ सं ग॑च्छतां त॒न्वा॒सुव॑र्चाः ॥५८॥

ये नः॑ पि॒तुः पि॒तरो॑ ये पि॒ताम॑हा य आ॒वि॒विशु॑र्व॒शुन्त॑रि॒क्षम् ।
तेभ्यः॑ स्व॒राद॑सु॒नीति॑र्नो अ॒द्य य॑थाव॒शं त॒न्वा॒ः क॒ल्प॑याति ॥५९॥

शं ते॑ नी॒हारो॑ भ॒वतु॑ शं ते॑ पु॒ष्वाव॑ शी॒यता॑म् ।
शी॒ति॒के शी॑ति॒काव॑ति॒ ह्लादि॑के॒ ह्लादि॑कावति ।
म॒ण्डूक्य॑शु॒प्सु शं भु॑व इ॒मं स्व॑शु॒ग्निं श॑मय ॥६०॥

विवस्वान्नो अभयं कृणोतु यः सुत्रामा जीरदानुः सुदानुः ।
इहेमे वीरा ब्रह्मवो भवन्तु गोमदश्ववन्मय्यस्तु पुष्टम् ॥६१॥

विवस्वान्नो अमृतत्वे दधातु परैतु मृत्युरमृतं न ऐतु ।
इमात्रक्षतु पुरुषाना जरिम्णो मो ष्वेषामसवो यमं गुः ॥६२॥

यो दध्ने अन्तरिक्षे न मृहा पितृणां कृविः प्रमतिर्मतीनाम् ।
तमर्चत विश्वमित्रा हविर्भिः स नो यमः प्रतरं जीवसै धात् ॥६३॥

आ रौहत दिवमुत्तमामृषयो मा बिभीतन ।
सोमपाः सोमपायिन इदं वः क्रियते हविरगन्म ज्वोतिरुत्तमम् ॥६४॥

प्र केतुना बृहता भात्यग्निरा रोदसी वृषभो रौरवीति ।
दिवश्चिदन्तादुपमामुदानडपामुपस्थे महिषो ववर्ध ॥६५॥

नाकै सुपर्णमुप यत्पतन्तं हृदा वेनन्तो अभ्यर्चन्त त्वा ।
हिरण्यपद्मं वरुणस्य दूतं यमस्य योनौ शकुनं भुरगयुम् ॥६६॥

इन्द्र क्रतुं न आ भर पिता पुत्रेभ्यो यथा ।
शिखा णो अस्मिन्पुरुहूत यामनि जीवा ज्योतिरशीमहि ॥६७॥

अपुपापिहितान्कुम्भान्यांस्तै देवा अधारयन् ।
ते तै सन्तु स्वधावन्तो मधुमन्तो घृतश्चुतः ॥६८॥

यास्तै धाना अनुकिरामि तिलमिश्राः स्वधावतीः ।
तास्तै सन्तु विन्वीः प्रन्वीस्तास्तै यमो राजानु मन्यताम् ॥६९॥

पुनर्देहि वनस्पते य एष निहितस्त्वयि ।

यथा यमस्य सादन् आसातौ विदथा वदन् ॥७०॥

आ रभस्व जातवेदस्तेजस्वद्धरो अस्तु ते ।
शरीरमस्य सं द्वाथैनं देहि सुकृतां लोके ॥७१॥

ये ते पूर्वे परागता अपरे पितरश्च ये ।
तेभ्यो घृतस्य कुल्यै तु शतधारा व्युन्दती ॥७२॥

एतदा रोह वयं उन्मृजानः स्वा इह बृहदु दीदयन्ते ।
अभि प्रेहि मध्यतो माप हास्थाः पितृणां लोकं प्रथमो यो अत्र ॥७३॥

(४) चतुर्थं सूक्तम्

(१-८६) एकोननवतृचस्यास्य सूक्तस्याथर्वा ऋषिः । (१-८०) प्रथमाद्यशीत्यृचां यमो मन्त्रोक्ताश्च (८१-८७) एकाशीतितमादिसप्तानां पितरः (८८) अष्टाशीतितमाया अग्निः (८९) एकोननवतितमायाश्च चन्द्रमा देवताः । (१, ४, ७, १४, ३६, ६०) प्रथमाचतुर्थीसप्तमीचतुर्दशीषट्त्रिंशीषष्टीनां भुरिक्त्रिष्टुप् (२, ५, ११, २६, ५०-५१, ५८) द्वितीयापञ्चम्येकादश्येकोनत्रिंशीपञ्चाश्येकपञ्चाश्यष्टपञ्चाशीनां जगती (३) तृतीयायाः पञ्चपदा भुरिगतिजगती (६) षष्ठ्याः पञ्चपदा शक्वरी (८) अष्टम्याः पञ्चपदातिशक्वरी (९) नवम्याः पञ्चपदा भुरिक्शक्वरी (१०, १५, २८, ३०, ३४-३५, ३७, ४०, ४४-४८, ५२, ५४, ६४-६५, ६६-७०)

दशमीपञ्चदश्याष्टाविंशीत्रिंशीचतुस्त्रिंशीपञ्चत्रिंशीसप्तत्रिंशीचत्वारिंशीनां
चतुश्चत्वारिंश्यादिपञ्चानां

द्विपञ्चाशीचतुष्पञ्चाशीचतुःषष्टीपञ्चषष्ट्येकोनसप्ततितमासप्ततितमानाञ्च त्रिष्टुप् (१२)
द्वादश्या महाबृहती (१३) त्रयोदश्यास्यवसाना पञ्चपदा शक्वरी (१६-२४)
षोडश्यादिनवानां त्रिपदा भुरिङ्गहाबृहती (२५, ३१-३२, ३८, ४१-४२, ५५, ५७, ५९, ६१)
पञ्चविंश्येकत्रिंशीद्वात्रिंश्याष्टात्रिंश्येकचत्वारिंशीद्विचत्वारिंशीपञ्चपञ्चाशीसप्तपञ्चाश्येकोनषष्ट्येकषष्टीनामनुष्टुप् (२६, ४३) षड्विंशीत्रिचत्वारिंशयोर्विराडुपरिष्ठाद्बृहती (२७)
सप्तविंश्या याजुषी गायत्री (३३) त्रयस्त्रिंश्या उपरिष्ठाद्बृहती (३६) एकोनचत्वारिंश्याः पुरोविराडास्तारपङ्क्तिः (४६) एकोनपञ्चाश्या अनुष्टुर्बर्गर्भा त्रिष्टुप् (५३) त्रिपञ्चाश्याः पुरोविराट् सतःपङ्क्तिः (५६) षट्पञ्चाश्याः ककुम्मत्यनुष्टुप् (६२) द्विषष्ट्या भुरिगास्तारपङ्क्तिः (६३) त्रिषष्ट्याः स्वराडास्तारपङ्क्तिः (६६) षट्षष्ट्यास्त्रिपदा

स्वराङ्गायत्री (६७) सप्तषष्ट्या द्विपदार्यनुष्टुप्
 (६८, ७१) अष्टषष्ट्येकसप्ततितमयोरासुर्यनुष्टुप् (७२-७४, ७६)
 द्विसप्ततितमादितृचस्यैकोनाशीतितमायाश्चासुरी पङ्क्तिः (७५) पञ्चसप्ततितमाया आसुरी
 गायत्री (७६) षट्सप्ततितमाया आसुर्युष्णिक (७७) सप्तसप्ततितमाया दैवी जगती
 (७८) अष्टसप्ततितमाया आसुरी त्रिष्टुप् (८०) अशीतितमाया आसुरी जगती (८१)
 एकाशीतितमायाः प्राजापत्यानुष्टुप् (८२) द्व्यशीतितमायाः साम्नी बृहती (८३-८४)
 त्र्यशीतितमाचतुरशीतितमयोः साम्नी त्रिष्टुप् (८५) पञ्चाशीतितमाया आसुरी बृहती
 (८६) षडशीतितमायाश्चतुष्पदा ककुम्मत्युष्णिक ((६७-६८, ७१-८६)
 सप्तषष्ट्यष्टषष्ट्यावेकसप्ततितमादिषोडश चैकावसानाः) (८७)
 सप्ताशीतितमायाश्चतुष्पदा शङ्कुमत्युष्णिक
 (८८) अष्टाशीतितमायास्यवसाना पथ्यापङ्क्तिः
 (८९) एकोनवतितमायाश्च पञ्चपदा पथ्यापङ्क्तिश्छन्दांसि
 आ रोहत् जनित्रीं जातवेदसः पितृयाणैः सं व आ रोहयामि ।
 अवाङ्मुव्येषितो हव्यवाह ईजानं युक्ताः सुकृतां धत्त लोके ॥१॥

देवा यज्ञमृतवः कल्पयन्ति हविः पुरोडाशं स्रुचो यज्ञायुधानि ।
 तेभिर्याहि पृथिभिर्देवयानैर्यैरीजानाः स्वर्गं यन्ति लोकम् ॥२॥

ऋतस्य पन्थामनु पश्य साध्वङ्गिरसः सुकृतो येन यन्ति ।
 तेभिर्याहि पृथिभिः स्वर्गं यत्रादित्या मधु भक्षयन्ति तृतीये नाके अधि वि
 श्रयस्व ॥३॥

त्रयः सुपर्णा उपरस्य मायू नाकस्य पृष्ठे अधि विष्टपि श्रिताः ।
 स्वर्गा लोका अमृतेन विष्टा इषमूर्जं यजमानाय दुहाम् ॥४॥

जुहूर्दाधार द्यामुपभृदन्तरिक्षं ध्रुवा दाधार पृथिवीं प्रतिष्ठाम् ।
 प्रतीमां लोका घृतपृष्ठाः स्वर्गाः कामकामं यजमानाय दुहाम् ॥५॥

ध्रुव आ रोह पृथिवीं विश्वभौजसमन्तरिक्षमुपभृदा क्रमस्व ।
 जुहु द्यां गच्छ यजमानेन साकं स्रुवेण वत्सेन दिशः प्रपीनाः सर्वा

धु॒क्त्वा॑र्हणी॒यमानः॑ ॥६॥

ती॒र्थैस्ते॑रन्ति॒ प्र॒वतौ॑ म॒हीरि॑ति॒ यज्ञ॑कृतः सु॒कृतो॑ येन॒ यन्ति॑ ।
अत्रा॑दधु॒र्यज॑मानाय लो॒कं दि॒शो भू॒तानि॑ यदकल्पयन्त ॥७॥

अ॒ङ्गिर॑सा॒मय॑नं॒ पूर्॒वो अ॒ग्नि॑रा॒दित्या॑ना॒मय॑नं॒ गा॒र्हप॑त्यो दक्षि॒णाना॑मय॑नं
दक्षि॒णाग्निः॑ ।
म॒हि॒मानं॑ म॒ग्नेर्वि॑हितस्य॒ ब्रह्म॑णा॒ सम॑ङ्गः॒ सर्व॑ उप॒ याहि॑ श॒ग्मः ॥८॥

पूर्॒वो अ॒ग्नि॑ष्ठा॒ तप॑तु॒ शं पु॒रस्ता॑च्छं प॒श्चात्त॑पतु॒ गा॒र्हप॑त्यः ।
दक्षि॒णाग्नि॑ष्ठै॒ तप॑तु॒ शर्म॑ व॒र्मोत्त॑रतो म॒ध्यतो॑ अ॒न्तरि॑क्षाद्दि॒शोदि॑शो अ॒ग्ने परि॑
पाहि॑ घो॒रात् ॥९॥

यू॒यम॑ग्ने॒ शन्त॑माभिस्त॒नूभि॑री॒जान॑म॒भि लो॒कं स्व॑र्गम् ।
अ॒श्वा भू॒त्वा पृ॑ष्टि॒वाहौ॑ वहाथ॒ यत्र॑ दे॒वैः सं॑ध॒मादं॑ म॒दन्ति ॥१०॥

श॒म॒ग्ने प॒श्चात्त॑प॒ शं पु॒रस्ता॑च्छमु॒त्तरा॑च्छम॒धरा॑त्त॒पै॒नम् ।
एक॑स्त्रे॒धा वि॑हितो जा॒तवे॑दः स॒म्यगै॑नं धेहि सु॒कृता॑मु॒ लो॒के ॥११॥

श॒म॒ग्र॒यः समि॑द्धा आ र॒भन्तां॑ प्राजाप॒त्यं मे॒ध्यं जा॒तवे॑दसः ।
शृ॒तं कृ॒णव॑न्त इ॒ह मा॒व चि॑क्षिपन् ॥१२॥

य॒ज्ञ ए॒ति वि॑त॒तः क॑ल्प॒मान ई॒जान॑म॒भि लो॒कं स्व॑र्गम् ।
त॒म॒ग्र॒यः सर्व॑हु॒तं जु॑षन्तां प्राजाप॒त्यं मे॒ध्यं जा॒तवे॑दसः ॥१३॥

ई॒जान॑श्चित॒मारु॑क्षद॒ग्निं ना॑कस्य पृ॒ष्ठादि॑व॒मुत्प॑तिष्यन् ।
तस्मै॑ प्र भा॒ति न॑भ॒सो ज्यो॑तिषी॒मान्स्व॑र्गः पन्थाः सु॒कृतै॑ दे॒व्या॑नः ॥१४॥

अग्निर्होताध्वर्युष्टे बृहस्पतिरिन्द्रो ब्रह्मा दक्षिणतस्तै अस्तु ।
हतोऽयं संस्थितो यज्ञ एति यत्र पूर्वमयनं हुतानाम् ॥१५॥

अपूपवान्क्षीरवांश्चरुरेह सीदतु ।
लोककृतः पथिकृतो यजामहे ये देवानां हुतभागा इह स्थ ॥१६॥

अपूपवान्दधिवांश्चरुरेह सीदतु ।
लोककृतः पथिकृतो यजामहे ये देवानां हुतभागा इह स्थ ॥१७॥

अपूपवान्द्रप्सवांश्चरुरेह सीदतु ।
लोककृतः पथिकृतो यजामहे ये देवानां हुतभागा इह स्थ ॥१८॥

अपूपवान्धृतवांश्चरुरेह सीदतु ।
लोककृतः पथिकृतो यजामहे ये देवानां हुतभागा इह स्थ ॥१९॥

अपूपवान्मांसवांश्चरुरेह सीदतु ।
लोककृतः पथिकृतो यजामहे ये देवानां हुतभागा इह स्थ ॥२०॥

अपूपवान्नवांश्चरुरेह सीदतु ।
लोककृतः पथिकृतो यजामहे ये देवानां हुतभागा इह स्थ ॥२१॥

अपूपवान्मधुमांश्चरुरेह सीदतु ।
लोककृतः पथिकृतो यजामहे ये देवानां हुतभागा इह स्थ ॥२२॥

अपूपवान्रसवांश्चरुरेह सीदतु ।
लोककृतः पथिकृतो यजामहे ये देवानां हुतभागा इह स्थ ॥२३॥

अपूपवानपवांश्चरुरेह सीदतु ।

लोककृतः पथिकृतो यजामहे ये देवानां हुतभागा इह स्थ ॥ २४ ॥

अपूपापिहितान्कुम्भान्यांस्तै देवा अधारयन् ।
ते तै सन्तु स्वधावन्तो मधुमन्तो घृतश्रुतः ॥ २५ ॥

यास्तै धाना अनुकिरामि तिलमिश्राः स्वधावतीः ।
तास्तै सन्तुद्भ्रवीः प्रभ्वीस्तास्तै यमो राजानु मन्यताम् ॥ २६ ॥

अक्षितिं भूयसीम् ॥ २७ ॥

द्रुप्सश्चस्कन्द पृथिवीमनु द्यामिमं च योनिमनु यश्च पूर्वः ।
समानं योनिमनु संचरन्तं द्रुप्सं जुहोम्यनु सप्त होत्राः ॥ २८ ॥

शतधारं वायुमर्कं स्वर्विदं नृचक्षसस्ते अभि चक्षते रयिम् ।
ये पूणन्ति प्र च यच्छन्ति सर्वदा ते दुहते दक्षिणां सप्तमातरम् ॥ २९ ॥

कोशं दुहन्ति कलशं चतुर्बिलमिडां धेनुं मधुमतीं स्वस्तये ।
ऊर्जं मदन्तीमदितिं जनेष्वग्ने मा हिंसीः परमे व्योमिन् ॥ ३० ॥

एतत्तै देवः सविता वासो ददाति भर्तवे ।
तत्त्वं यमस्य राज्ये वसानस्तार्प्यं चर ॥ ३१ ॥

धाना धेनुरभवद्वत्सो अस्यास्तिलोऽभवत् ।
तां वै यमस्य राज्ये अक्षितामुप जीवति ॥ ३२ ॥

एतास्तै असौ धेनवः कामदुधा भवन्तु ।
एनीः श्येनीः सरूपा विरूपास्तिलवत्सा उप तिष्ठन्तु त्वात्र ॥ ३३ ॥

एनीर्धाना हरिणीः श्येनीरस्य कृष्णा धाना रोहिणीर्धेनवस्ते ।
तिलवत्सा ऊर्जमस्मै दुहाना विश्वाहा सन्त्वनपस्फुरन्तीः ॥३४॥

वैश्वानरे हविरिदं जुहोमि साहस्रं शतधारमुत्सम् ।
स बिभर्ति पितरं पितामहान्प्रपितामहान्बिभर्ति पिन्वमानः ॥३५॥

सहस्रधारं शतधारमुत्समक्षितं व्यच्यमानं सलिलस्य पृष्ठे ।
ऊर्जं दुहानमनपस्फुरन्तमुपासते पितरः स्वधाभिः ॥३६॥

इदं कसाम्बु चयनेन चितं तत्सजाता अवं पश्यतेत ।
मर्त्योऽयममृतत्वमेति तस्मै गृहान्कृणुत यावत्सबन्धु ॥३७॥

इहैवैधि धनसनिरिहचित्त इहक्रतुः ।
इहैधि वीर्यवत्तरो वयोधा अपराहतः ॥३८॥

पुत्रं पौत्रमभितर्पयन्तीरापो मधुमतीरिमाः ।
स्वधां पितृभ्यो अमृतं दुहाना आपौ देवीरुभयांस्तर्पयन्तु ॥३९॥

आपौ अग्निं प्र हिणुत पितरूपेमं यज्ञं पितरौ मे जुषन्ताम् ।
आसीनामूर्जमुप ये सचन्ते ते नो रयिं सर्ववीरं नि यच्छान् ॥४०॥

समिन्धते अमर्त्यं हव्यवाहं घृतप्रियम् ।
स वेद निहिताग्निधीन्पितृन्परावतौ गतान् ॥४१॥

यं तै मन्थं यमौदनं यन्मांसं निपृणामि ते ।
ते तै सन्तु स्वधावन्तो मधुमन्तो घृतश्चुतः ॥४२॥

यास्तै धाना अनुकिरामि तिलमिश्राः स्वधावतीः ।

तास्तै सन्तूद्भवीः प्रभ्वीस्तास्तै यमो राजानुं मन्यताम् ॥४३॥

इदं पूर्वमपरं नियानुं येनां ते पूर्वे पितरः परैताः ।
पुरोगवा ये अभिसाचौ अस्य ते त्वां वहन्ति सुकृतांमु लोकम् ॥४४॥

सरस्वतीं देवयन्तौ हवन्ते सरस्वतीमध्वरे तायमाने ।
सरस्वतीं सुकृतौ हवन्ते सरस्वती दाशुषे वार्यं दात् ॥४५॥

सरस्वतीं पितरौ हवन्ते दक्षिणा यज्ञमभिनक्षमाणाः ।
आसद्यास्मिन्बर्हिषि मादयध्वमनमीवा इष आ धैह्यस्मे ॥४६॥

सरस्वति या सुरथं ययाथोक्त्यैः स्वधाभिर्देवि पितृभिर्मदन्ती ।
सहस्राघमिडो अत्र भागं रायस्पोषं यजमानाय धेहि ॥४७॥

पृथिवीं त्वां पृथिव्यामा वैशयामि देवो नो धाता प्र तिरात्यायुः ।
परैता वसुविद्वौ अस्त्वधा मृताः पितृषु सं भवन्तु ॥४८॥

आ प्र च्यवेथामप तन्मृजेथां यद्वामभिभा अत्रोचुः ।
अस्मादेतमघ्नयौ तद्वशीयो दातुः पितृष्विहभोजनौ मम ॥४९॥

एयमगन्दक्षिणा भद्रतो नो अनेन दत्ता सुदुर्घा वयोधाः ।
यौर्वने जीवानुपपृञ्चती जरा पितृभ्य उपसंपराणयादिमान् ॥५०॥

इदं पितृभ्यः प्र भ्रामि बर्हिर्जीवं देवेभ्य उत्तरं स्तृणामि ।
तदा रौह पुरुष मेध्यो भवन्प्रति त्वा जानन्तु पितरः परैतम् ॥५१॥

एदं बर्हिरसदो मेध्योऽभूः प्रति त्वा जानन्तु पितरः परैतम् ।
यथापुरु तन्वंशु सं भ्रस्व गात्राणि ते ब्रह्मणा कल्पयामि ॥५२॥

पू॒र्णो राजा॑पि॒धानं॑ च॒रू॒णामूर्जो॑ ब॒लं स॒ह ओजो॑ न॒ आ॒गन् ।
आ॒यु॒र्जी॒वेभ्यो॑ वि॒द॒ध॒द्दी॒र्घायु॑त्वाय॒ श॒तशार॑दाय ॥५३॥

ऊ॒र्जो भ्रा॒गो य इ॒मं ज॒जाना॑श्मान्ना॒नामाधि॑पत्यं ज॒गाम॑ ।
तम॑र्चत वि॒श्वमि॑त्रा ह॒विर्भिः॑ स नो॒ यमः॑ प्र॒तरं जी॒वसे॑ धात् ॥५४॥

यथा॑ यु॒माय॑ ह॒र्म्यम॑व॒प॒न्पञ्च॑ मान॒वाः ।
ए॒वा व॑पामि ह॒र्म्य यथा॑ मे भू॒रयोऽस॑त ॥५५॥

इ॒दं हि॑र॒ण्यं बि॒भृहि॑ यत्तै॑ पि॒ताबि॑भः पु॒रा ।
स्व॒र्गं य॒तः पि॒तुर्ह॑स्तं निर्मृ॒द्धि दक्षि॑णम् ॥५६॥

ये च॑ जी॒वा ये च॑ मृ॒ता ये जा॒ता ये च॑ यु॒ज्ञियाः॑ ।
तेभ्यो॑ घृ॒तस्य॑ कु॒ल्यै॑तु मधु॒धारा॑ व्यु॒न्दती॑ ॥५७॥

वृ॒षा म॒तीनां॑ प॒वते॑ वि॒चक्ष॑णः सू॒रो अ॒ह्नां प्र॒तरी॑तोषसां दि॒वः ।
प्रा॒णः सि॒न्धूनां॑ क॒लशाँ॑ अ॒चि॒क्रद्दि॒न्द्रस्य॑ हा॒र्दिमा॑वि॒शन्म॑नी॒षया॑ ॥५८॥

त्वे॒षस्तै॑ धूम॒ ऊ॒र्णोतु॑ दि॒वि षं॑च्छु॒क्र आ॑त॒तः ।
सू॒रो न हि॑ द्यु॒ता त्वं कृ॒पा पा॑व॒क॒ रोच॑से ॥५९॥

प्र वा ए॒तीन्दु॑रि॒न्द्रस्य॑ निष्कृ॒तिं सखा॑ स॒ख्युर्न प्र॑ मि॒नाति॑ सं॒गिरः॑ ।
म॒र्य इ॒व योषाः॑ स॒मर्ष॑से सोमः॒ क॒लशै॑ श॒तया॑मना प॒था ॥६०॥

अ॒क्ष॒न्नमी॑मद॒न्त ह्य॑व॒ प्रियाँ॑ अ॒धूष॑त ।
अ॒स्तोष॑त॒ स्वभा॑न॒वो वि॒प्रा य॑वि॒ष्ठा ई॑महे ॥६१॥

आ या॑त पि॒तरः॑ सो॒म्यासौ॑ ग॒म्भीरैः॑ प॒थिभिः॑ पि॒तृया॑णैः ।

आयुरस्मभ्यं दधतः प्रजां च रायश्च पोषैरभि नः सचध्वम् ॥६२॥

परा यात पितरः सोम्यासौ गम्भीरैः पृथिभिः पूर्याणैः ।
अधा मासि पुनरा यात नो गृहान्हविरत्तुं सुप्रजसः सुवीराः ॥६३॥

यद्वौ अग्निरजहादेकमङ्गं पितृलोकं गमयं जातवैदाः ।
तद्व एतत्पुनरा प्याययामि साङ्गाः स्वर्गे पितरौ मादयध्वम् ॥६४॥

अभूद्भूतः प्रहितो जातवैदाः सायं न्यहं उपवन्द्यो नृभिः ।
प्रादाः पितृभ्यः स्वधया ते अक्षन्नद्धि त्वं देव प्रयता हवींषि ॥६५॥

असौ हा इह ते मनः ककुत्सलमिव जामयः ।
अभ्येनं भूम ऊर्णुहि ॥६६॥

शुम्भन्तां लोकाः पितृषदनाः पितृषदने त्वा लोक आ सादयामि ॥६७॥

येऽ अस्माकं पितरस्तेषां बर्हिरसि ॥६८॥

उदुत्तमं वरुण पाशमस्मदवाधुमं वि मध्यमं श्रथाय ।
अधा व्यमादित्य ब्रूते तवानागसो अदितये स्याम ॥६९॥

प्रास्मत्पाशान्वरुण मुञ्च सर्वान्यैः समामे बध्यते चैव्यामे ।
अधा जीवेम शरदं शतानि त्वया राजन्गुपिता रक्षमाणाः ॥७०॥

अग्रये कव्यवाहनाय स्वधा नमः ॥७१॥

सोमाय पितृमते स्वधा नमः ॥७२॥

पितृभ्यः सोमवद्भ्यः स्वधा नमः ॥७३॥

यमाय पितृमते स्वधा नमः ॥७४॥

एतत्तै प्रततामह स्वधा ये च त्वामनु ॥७५॥

एतत्तै ततामह स्वधा ये च त्वामनु ॥७६॥

एतत्तै तत स्वधा ॥७७॥

स्वधा पितृभ्यः पृथिविषद्भ्यः ॥७८॥

स्वधा पितृभ्यो अन्तरिक्षसद्भ्यः ॥७९॥

स्वधा पितृभ्यो दिविषद्भ्यः ॥८०॥

नमो वः पितर ऊर्जे नमो वः पितरो रसाय ॥८१॥

नमो वः पितरो भामाय नमो वः पितरो मन्यवे ॥८२॥

नमो वः पितरो यद्भोरं तस्मै नमो वः पितरो यत्क्रूरं तस्मै ॥८३॥

नमो वः पितरो यच्छिवं तस्मै नमो वः पितरो यत्स्योनं तस्मै ॥८४॥

नमो वः पितरः स्वधा वः पितरः ॥८५॥

येऽत्र पितरः पितरो येऽत्र यूयं स्थ युष्माँस्तेऽनु यूयं तेषां श्रेष्ठा भूयास्थ
॥८६॥

य इह पितरौ जीवा इह वयं स्मः ।
अस्माँस्तेऽनु वयं तेषां श्रेष्ठा भूयास्म ॥८७॥

आ त्वाग्र इधीमहि द्युमन्तं देवाजरम् ।
यद्ध सा ते पनीयसी समिद्धीदयति द्यवि ।
इषं स्तोतृभ्य आ भर ॥८८॥

चन्द्रमा अप्स्वशुन्तरा सुपर्णो धावते दिवि ।
न वो हिरण्यनेमयः पदं विन्दन्ति विद्युतो वित्तं मे अस्य रोदसी ॥८९॥
इत्यष्टादशं कारण्डम्

अथैकोनविंशं काण्डम्

(१) प्रथमं सूक्तम्

(१-३) तृचस्यास्य सुक्तस्य ब्रह्मा ऋषिः । यज्ञश्चन्द्रमाश्च देवते ।

(१-२) प्रथमाद्वितीययोर्ऋचोः पथ्याबृहती (३) तृतीयायाश्च पङ्क्तिश्छन्दसी
संसं स्रवन्तु नद्यः सं वाताः सं पतत्रिणः ।
यज्ञमिमं वर्धयता गिरः संस्राव्येऽणि हविषा जुहोमि ॥१॥

इमं होमां यज्ञमवतेमं संस्रावणा उत ।

यज्ञमिमं वर्धयता गिरः संस्राव्येऽणि हविषा जुहोमि ॥२॥

रूपंरूपं वयौवयः सुरभ्यै नं परि ष्वजे ।

यज्ञमिमं चतस्रः प्रदिशौ वर्धयन्तु संस्राव्येऽणि हविषा जुहोमि ॥३॥

(२) द्वितीयं सूक्तम्

(१-५) पञ्चर्चस्यास्य सूक्तस्य सिन्धुद्वीप ऋषिः । आपो देवताः । अनुष्टुप् छन्दः ॥

शं त आपौ हैमवतीः शमु ते सन्तुत्स्याः ।

शं तै सनिष्यदा आपः शमु ते सन्तु वर्ष्याः ॥१॥

शं त आपौ धन्वन्याः शं तै सन्तु नूप्याः ।

शं तै खनित्रिमा आपः शं याः कुम्भेभिराभृताः ॥२॥

अनभ्रयः खनमाना विप्रा गम्भीरे अपसः ।

भिषग्भ्यो भिषक्तरा आपो अच्छा वदामसि ॥३॥

अपामहं दिव्यानामपां स्रौतस्यानाम् ।

अपामहं प्रणेजुनेऽश्वा भवथ वाजिनः ॥४॥

ता अपः शिवा अपोऽयत्तमं करणीरपः ।

यथैव तृप्यते मयस्तास्त आ दत्त भेषजीः ॥५॥

(३) तृतीयं सूक्तम्

(१-४) चतुर्ऋचस्यास्य सूक्तस्याथर्वाङ्गिरा ऋषिः । अग्निर्देवता ।

(१, ३-४) प्रथमातृतीयाचतुर्थीनामृचां त्रिष्टुप् (२) द्वितीयायाश्च भुरिक्त्रिष्टुप् छन्दसी
दिवस्पृथिव्याः पर्यन्तरिद्धाद्वनस्पतिभ्यो अर्धयोषधीभ्यः ।
यत्रयत्र विभृतो जातवेदास्ततस्तुतो जुषमाणो न एहि ॥१॥यस्तै अप्सु महिमा यो वनेषु य ओषधीषु पशुष्वप्स्वश्रुन्तः ।
अग्ने सर्वास्तन्वश्रुः सं रभस्व ताभिर्न एहि द्रविणोदा अजस्रः ॥२॥यस्तै देवेषु महिमा स्वर्गो या तै तनूः पितृष्वविवेश ।
पुष्टिर्या तै मनुष्येषु पप्रथेऽग्ने तया रयिमुस्मासु धेहि ॥३॥श्रुत्कर्णाय कवये वेद्याय वचोभिवर्कैरुप यामि रतिम् ।
यतौ भयमभयं तन्नो अस्त्वव देवानां यज हेडो अग्ने ॥४॥

(४) चतुर्थं सूक्तम्

(१-४) चतुर्ऋचस्यास्य सूक्तस्याथर्वाङ्गिरा ऋषिः ।

(१, ३-४) प्रथमातृतीयाचतुर्थीनामृचामग्निः (२) द्वितीयायाश्च मन्त्रोक्ता देवताः ।

(१) प्रथमर्चः पञ्चपदा विराडतिजगती (२) द्वितीयाया जगती

(३-४) तृतीयाचतुर्थ्योश्च त्रिष्टुप् छन्दांसि

यामाहुतिं प्रथमामथर्वा या जाता या हव्यमकृणोज्जातवेदाः ।
तां त एतां प्रथमो जोहवीमि ताभिष्टुप्सो वहतु हव्यमग्निर्गये स्वाहा ॥१॥आकूतिं देवीं सुभगां पुरो दधे चित्तस्य माता सुहवा नो अस्तु ।
यामाशामैमि केवली सा मै अस्तु विदेयमेनां मनसि प्रविष्टाम् ॥२॥आकूत्या नो बृहस्पत आकूत्या न उपा गहि ।
अथो भगस्य नो घेह्यथो नः सुहवो भव ॥३॥

बृहस्पतिर्मु आकूतिमाङ्गिरसः प्रति जानातु वाचमेताम् ।
यस्य देवा देवताः संबभूवुः स सुप्रणीताः कामो अन्वेत्वस्मान् ॥४॥

(५) पञ्चमं सूक्तम्

(१) एकर्चस्यास्य सूक्तस्याथर्वाङ्गिरा ऋषिः । इन्द्रो देवता । त्रिष्टुप् छन्दः
इन्द्रो राजा जगतश्चर्षणीनामधि क्षमि विषुरूपं यदस्ति ।
ततो ददाति दाशुषे वसूनि चोद्राध उपस्तुतश्चिदुर्वाक् ॥१॥

(६) षष्ठं सूक्तम्

(१-१६) षोडशर्चस्यास्य सूक्तस्य नारायण ऋषिः । पुरुषो देवता । अनुष्टुप् छन्दः
सहस्रबाहुः पुरुषः सहस्राक्षः सहस्रपात् ।
स भूमिं विश्वतो वृत्वात्यतिष्ठदशाङ्गुलम् ॥१॥

त्रिभिः पृद्धिर्घामरोहृत्पादस्येहाभवत्पुनः ।
तथा व्यक्रामद्विष्वडशनानशने अनु ॥२॥

तावन्तो अस्य महिमानस्ततो ज्यायांश्च पूरुषः ।
पादोऽस्य विश्वा भूतानि त्रिपादस्यामृतं दिवि ॥३॥

पुरुष एवेदं सर्वं यद्भूतं यच्च भाव्यम् ।
उतामृतत्वस्यैश्वरो यदन्येनाभवत्सह ॥४॥

यत्पुरुषं व्यदधुः कतिधा व्यकल्पयन् ।
मुखं किमस्य किं ब्राह्म किमूरु पादा उच्यते ॥५॥

ब्राह्मणोऽस्य मुखमासीद्ब्राह्म रजिन्योऽभवत् ।
मध्यं तदस्य यद्वैश्यः पृथ्वां शूद्रो अजायत ॥६॥

चन्द्रमा मनसो जातश्चक्षोः सूर्यो अजायत ।

मुखादिन्द्रश्चाग्निश्च प्राणाद्वायुरजायत ॥७॥

नाभ्यां आसीदन्तरिक्षं शीष्णो द्यौः समवर्तत ।
पद्भ्यां भूमिर्दिशः श्रोत्रात्तथा लोकाँ अकल्पयन् ॥८॥

विराडग्रे समभवद्विराजो अधि पूरुषः ।
स जातो अत्यरिच्यत पश्चाद्भूमिमथौ पुरः ॥९॥

यत्पुरुषेण हविषा देवा यज्ञमर्तन्वत ।
वसन्तो अस्यासीदाज्यं ग्रीष्म इध्मः शरद्ध्रुविः ॥१०॥

तं यज्ञं प्रावृषा प्रौक्षन्पुरुषं जातमग्रशः ।
तेन देवा अयजन्त साध्या वसवश्च ये ॥११॥

तस्मादक्षा अजायन्त ये च के चौभयादतः ।
गावो ह जज्ञिरे तस्मात्तस्माज्जाता अजावयः ॥१२॥

तस्माद्यज्ञात्सर्वहृत ऋचः सामानि जज्ञिरे ।
छन्दो ह जज्ञिरे तस्माद्यजुस्तस्मादजायत ॥१३॥

तस्माद्यज्ञात्सर्वहृतः संभृतं पृषदाज्यम् ।
पशूँस्तांश्चक्रे वायव्या नारण्या ग्राम्याश्च ये ॥१४॥

सप्तास्यासन्परिधयस्त्रिः सप्त समिधः कृताः ।
देवा यद्यज्ञं तन्वाना अबध्नन्पुरुषं पशुम् ॥१५॥

मूर्ध्नो देवस्य बृहतो अंशवः सप्त सप्ततीः ।
राज्ञः सोमस्याजायन्त जातस्य पुरुषादधि ॥१६॥

(७) सप्तमं सूक्तम्

(१-५) पञ्चर्चस्यास्य सूक्तस्य गार्ग्य ऋषिः । नक्षत्राणि देवताः । (१-३, ५)
प्रथमादितृचस्य पञ्चम्या ऋचश्च त्रिष्टुप् (४) चतुर्थ्याश्च भुरिक्रिष्टुप् छन्दसी
चित्राणि साकं दिवि रौचनानि सरीसृपाणि भुवने जवानि ।
तुर्मिशं सुमतिमिच्छमानो अहानि गीर्भिः सपर्यामि नाकम् ॥१॥

सुहवमग्ने कृत्तिका रोहिणी चास्तु भद्रं मृगशिरः शमार्द्रा ।
पुनर्वसू सूनृता चारु पुष्यौ भानुराश्लेषा अयनं मघा मे ॥२॥

पुरयं पूर्वा फल्गुन्यौ चात्र हस्तश्चित्रा शिवा स्वाति सुखो मे अस्तु ।
राधे विशाखे सुहवानुराधा ज्येष्ठा सुनक्षत्रमरिष्ट मूलम् ॥३॥

अन्नं पूर्वा रासतां मे अषाढा ऊर्जं देव्युत्तरा आ वहन्तु ।
अभिजिन्मै रासतां पुरयमेव श्रवणः श्रविष्ठाः कुर्वतां सुपुष्टिम् ॥४॥

आ मे महच्छतभिषुग्वरीय आ मे द्वाया प्रोष्ठपदा सुशर्म ।
आ रेवती चाश्वयुजौ भगं म आ मे रयिं भरण्य आ वहन्तु ॥५॥

(८) अष्टमं सूक्तम्

(१-७) सप्तर्चस्यास्य सूक्तस्य गार्ग्य ऋषिः । (१-५, ७) प्रथमादिपञ्चर्चा सप्तम्याश्च
नक्षत्राणि (६) षष्ठ्याश्च ब्रह्मणस्पतिर्देवताः । (१) प्रथमाया विराड्जगती
(२) द्वितीयाया महाबृहती त्रिष्टुप् (३) तृतीयाया विराट्स्थाना त्रिष्टुप् (४-६)
चतुर्थ्यादितृचस्यानुष्टुप् (७) सप्तम्याश्च द्विपदा निचृत्त्रिष्टुप्) छन्दांसि
यानि नक्षत्राणि दिव्यंश्चरिन्ते अप्सु भूमौ यानि नगेषु दिक्षु ।
प्रकल्पयंश्चन्द्रमा यान्येति सर्वाणि ममैतानि शिवानि सन्तु ॥१॥

अष्टाविंशानि शिवानि श्गमानि सह योगं भजन्तु मे ।
योगं प्र पद्ये क्षेमं च क्षेमं प्र पद्ये योगं च नमोऽहोरात्राभ्यामस्तु ॥२॥

स्वस्ति॑तं मे सु॒प्रा॒तः सु॒सा॒यं सु॒दि॒वं सु॒मृ॒गं सु॒श॒कु॒नं मे अ॒स्तु ।
सु॒ह॒र्व॒म॒ग्ने स्व॒स्त्य॑श्म॒र्त्यं ग॒त्वा पु॒न॒रा॒या॒भि॒न॒न्द॒न् ॥३॥

अ॒नु॒ह॒वं प॑रि॒ह॒वं प॑रि॒वा॒दं प॑रि॒क्ष॒वम् ।
स॒र्वै॒र्मे रि॒क्त॒कु॒म्भा॒न्प॒रा॒ ता॒न्त्स॑वि॒तः सु॒व ॥४॥

अ॒प॒पा॒पं प॑रि॒क्ष॒वं पु॒ण॒यं भ॒क्षी॒म॒हि क्ष॑र्व॒म् ।
शि॒वा तै पा॒प॒ ना॒सि॒कां पु॒ण॒य॒ग॒श्चा॒भि मै॑ह॒ताम् ॥५॥

इ॒मा या ब्र॑ह्म॒ण॒स्प॒ते वि॒षू॒ची॒र्वा॒त॒ ई॒र॒ते ।
स॒ध्री॒ची॒रि॒न्द्र॒ ताः कृ॒त्वा म॒ह्यं शि॒व॒त॒मा॒स्कृ॒धि ॥६॥

स्व॒स्ति नो॑ अ॒स्त्व॒भयं॑ नो अ॒स्तु न॒मोऽहो॒रा॒त्रा॒भ्या॒म॒स्तु ॥७॥

(६) नवमं सूक्तम्

(१-१४) चतुर्दशर्चस्यास्य सूक्तस्य ब्रह्मा ऋषिः । मन्त्रोक्ता देवताः । (१) प्रथमर्चो
विराडुरोबृहती (२-४, ६-८, १०-११, १३) द्वितीयादितृचस्य षष्ठ्यादितृचस्य
दशम्येकादशीत्रयोदशीनाञ्चानुष्टुप् (५) पञ्चम्याः पञ्चपदा पथ्यापङ्क्तिः
(६) नवम्या भुरिक्त्रिष्टुप् (१२) द्वादश्यारूयवसाना सप्तपदाष्टिः
(१४) चतुर्दश्याश्च चतुष्पदा सङ्कृतिश्छन्दांसि

शा॒न्ता द्यौः शा॒न्ता पृ॑थि॒वी शा॒न्तमि॒दमु॒र्व॑श्च॒न्तरि॑क्ष॒म् ।
शा॒न्ता उ॑द॒न्व॒ती॒रा॒पः शा॒न्ता नः॑ स॒न्त्वो॒ष॒धीः ॥१॥

शा॒न्तानि॑ पूर्वरू॒पाणि॑ शा॒न्तं नो॑ अ॒स्तु कृ॒ताकृ॒तम् ।
शा॒न्तं भू॒तं च॒ भव्यं॑ च॒ सर्व॑मे॒व श॒म॒स्तु नः॑ ॥२॥

इ॒यं या प॑रमे॒ष्ठि॒नी वा॒ग्दे॒वी ब्र॑ह्मसं॒शिता॑ ।
य॒यै॒व स॑सृ॒जे घो॒रं त॒यै॒व शा॒न्ति॑र॒स्तु नः॑ ॥३॥

इदं यत्परमेष्ठिनं मनो वां ब्रह्मसंशितम् ।
यनैव संसृजे घोरं तनैव शान्तिरस्तु नः ॥४॥

इमानि यानि पञ्चैन्द्रियाणि मनःषष्ठानि मे हृदि ब्रह्मणा संशितानि ।
यैरेव संसृजे घोरं तैरेव शान्तिरस्तु नः ॥५॥

शं नो मित्रः शं वरुणः शं विष्णुः शं प्रजापतिः ।
शं नु इन्द्रो बृहस्पतिः शं नो भवत्वर्थमा ॥६॥

शं नो मित्रः शं वरुणः शं विवस्वाञ्छमन्तकः ।
उत्पाताः पार्थिवान्तरिक्षाः शं नो दिविचरा ग्रहाः ॥७॥

शं नो भूमिर्वेप्यमाना शमुल्का निर्हतं च यत् ।
शं गावो लोहितक्षीराः शं भूमिरव तीर्यतीः ॥८॥

नक्षत्रमुल्काभिहतं शमस्तु नः शं नोऽभिचाराः शमु सन्तु कृत्याः ।
शं नो निखाता वल्गाः शमुल्का देशोपसर्गाः शमु नो भवन्तु ॥९॥

शं नो ग्रहाश्चान्द्रमसाः शमादित्यश्च राहुणा ।
शं नो मृत्युर्धूमकैतुः शं रुद्रास्तिग्मतैजसः ॥१०॥

शं रुद्राः शं वसवः शमादित्याः शमग्रयः ।
शं नो महर्षयो देवाः शं देवाः शं बृहस्पतिः ॥११॥

ब्रह्म प्रजापतिर्धाता लोका वेदाः सप्तऋषयोऽग्रयः ।
तैर्मे कृतं स्वस्त्ययनमिन्द्रो मे शर्म यच्छतु ब्रह्मा मे शर्म यच्छतु ।
विश्वे मे देवाः शर्म यच्छन्तु सर्वे मे देवाः शर्म यच्छन्तु ॥१२॥

यानि कानि चिच्छान्तानि लोके सप्तऋषयो विदुः ।
सर्वाणि शं भवन्तु मे शं मै अस्त्वभयं मे अस्तु ॥१३॥

पृथिवी शान्तिरन्तरिक्षं शान्तिर्द्यौः शान्तिरापः शान्तिरोषधयः
शान्तिर्वनस्पतयः शान्तिर्विश्वे मे देवाः शान्तिः सर्वे मे देवाः शान्तिः
शान्तिः शान्तिः शान्तिभिः ।
ताभिः शान्तिभिः सर्व शान्तिभिः शमयामोहं यदिह घोरं यदिह क्रूरं
यदिह पापं तच्छान्तं तच्छिवं सर्वमेव शमस्तु नः ॥१४॥

(१०) दशमं सूक्तम्

(१-१०) दशर्चस्यास्य सूक्तस्य ब्रह्मा ऋषिः । मन्त्रोक्ता देवताः । त्रिष्टुप् छन्दः
शं न इन्द्राग्नी भवतामवोभिः शं न इन्द्रावरुणा रातहव्या ।
शमिन्द्रासोमा सुविताय शं योः शं न इन्द्रापूषणा वाजसातौ ॥१॥

शं नो भगुः शमु नः शंसो अस्तु शं नः पुरंधिः शमु सन्तु रायः ।
शं नः सत्यस्य सुयमस्य शंसः शं नो अर्यमा पुरुजातो अस्तु ॥२॥

शं नो धाता शमु धर्ता नो अस्तु शं न उरूची भवतु स्वधाभिः ।
शं रोदसी बृहती शं नो अद्रिः शं नो देवानां सुहवानि सन्तु ॥३॥

शं नो अग्निर्ज्योतिरनीको अस्तु शं नो मित्रावरुणावश्विना शम् ।
शं नः सुकृतां सुकृतानि सन्तु शं न इषिरो अभि वातु वातः ॥४॥

शं नो द्यावापृथिवी पूर्वहूतौ शमन्तरिक्षं दृशयै नो अस्तु ।
शं न ओषधीर्वनिनो भवन्तु शं नो रजसस्पतिरस्तु जिष्णुः ॥५॥

शं न इन्द्रो वसुभिर्देवो अस्तु शमादित्येभिर्वरुणः सुशंसः ।
शं नो रुद्रो रुद्रेभिर्जलापः शं नस्त्वष्टा ग्राभिरिह शृणोतु ॥६॥

शं नः सोमो भवतु ब्रह्म शं नः शं नो ग्रावाणः शमु सन्तु यज्ञाः ।
शं नः स्वरूणां मितयो भवन्तु शं नः प्रस्वशुः शम्बस्तु वेदिः ॥७॥

शं नः सूर्य उरुचक्षा उदैतु शं नो भवन्तु प्रदिशश्चतस्रः ।
शं नः पर्वता ध्रुवयो भवन्तु शं नः सिन्धवः शमु सन्त्वापः ॥८॥

शं नो अदितिर्भवतु वृतेभिः शं नो भवन्तु मरुतः स्वर्काः ।
शं नो विष्णुः शमु पूषा नो अस्तु शं नो भवित्रं शम्बस्तु वायुः ॥९॥

शं नो देवः सविता त्रायमाणः शं नो भवन्तूषसो विभातीः ।
शं नः पर्जन्यो भवतु प्रजाभ्यः शं नः क्षेत्रस्य पतिरस्तु शंभुः ॥१०॥

(११) एकादशं सूक्तम्

(१-६) षडृचस्यास्य सूक्तस्य ब्रह्मा ऋषिः । मन्त्रोक्ता देवताः । त्रिष्टुप् छन्दः
शं नः सत्यस्य पतयो भवन्तु शं नो अर्वन्तः शमु सन्तु गावः ।
शं नः ऋभवं सुकृतः सुहस्ताः शं नो भवतु पितरो हवेषु ॥१॥

शं नो देवा विश्वदेवा भवन्तु शं सरस्वती सह धीभिरस्तु ।
शमभिषाचः शमु रातिषाचः शं नो दिव्याः पार्थिवाः शं नो अप्याः ॥२॥

शं नो अज एकपाद्देवो अस्तु शमहिर्बुध्यशुः शं समुद्रः ।
शं नो अपां नपात्पेरुरस्तु शं नः पृश्निर्भवतु देवगोपा ॥३॥

आदित्या रुद्रा वसवो जुषन्तामिदं ब्रह्म क्रियमाणं नवीयः ।
शृण्वन्तु नो दिव्याः पार्थिवासो गोजाता उत ये यज्ञियासः ॥४॥

ये देवानामृत्विजो यज्ञियासो मनोर्यजत्रा अमृता ऋतज्ञाः ।
ते नो रासन्तामुरुगायमद्य यूयं पात स्वस्तिभिः सदा नः ॥५॥

तदस्तु मित्रावरुणा तदग्ने शं योरस्मभ्यमिदमस्तु शस्तम् ।
अशीमहि गाधमुत प्रतिष्ठां नमो दिवे बृहते सार्दनाय ॥६॥

(१२) द्वादशं सूक्तम्

(१) एकर्चस्यास्य सूक्तस्य ब्रह्मा ऋषिः । मन्त्रोक्ता देवता । त्रिष्टुप् छन्दः
उषा अप स्वसुस्तमः सं वर्तयति वर्तनिं सुजातता ।
अया वाजं देवहितं सनेम मदेम शतहिमाः सुवीराः ॥१॥

(१३) त्रयोदशं सूक्तम्

(१-११) एकादशर्चस्यास्य सूक्तस्याप्रतिरथ ऋषिः । इन्द्रो देवता ।
(१-२, ७-१०) प्रथमाद्वितीययोर्ऋचोः सप्तम्यादिचतसृणाञ्च त्रिष्टुप्
(३-६, ११) तृतीयादिचतसृणामेकादश्याश्च भुरिक्त्रिष्टुप् छन्दसी
इन्द्रस्य ब्राहू स्थविरौ वृषाणौ चित्रा इमा वृषभौ पारयिष्णू ।
तौ यौद्धे प्रथमो योग आगते याभ्यां जितमसुराणां स्वशुर्यत् ॥१॥

आशुः शिशानो वृषभो न भीमो घनाघनः क्षोभणश्चर्षणीनाम् ।
संक्रन्दनोऽनिमिष एकवीरः शतं सेना अजयत्साकमिन्द्रः ॥२॥

संक्रन्दनेनानिमिषेण जिष्णुनायोध्येन दुश्चयवनेन धृष्णुना ।
तदिन्द्रेण जयत् तत्सहध्वं युधौ न इषुहस्तेन वृष्णा ॥३॥

स इषुहस्तैः स निषङ्गिभिर्वशी संस्त्रष्टा स युधु इन्द्रो गुणेन ।
संसृष्टजित्सोमपा बाहुशर्धुशुग्रधन्वा प्रतिहिताभिरस्ता ॥४॥

बलविज्ञायः स्थविरः प्रवीरः सहस्वान्वाजी सहमान उग्रः ।
अभिर्वीरो अभिषत्वा सहोजिजैत्रमिन्द्र रथमा तिष्ठ गोविदम् ॥५॥

इमं वीरमनु हर्षध्वमुग्रमिन्द्रं सखायो अनु सं रभध्वम् ।
ग्रामजितं गोजितं वज्रबाहुं जयन्तमज्म प्रमृणन्तमोजसा ॥६॥

अभि गोत्राणि सहसा गार्हमानोऽदाय उग्रः शतमन्युरिन्द्रः ।
दुश्चयवनः पृतनाषाडयोध्योऽस्माकं सेना अवतु प्र युत्सु ॥७॥

बृहस्पते परि दीया रथेन रक्षोहामित्राँ अपबाधमानः ।
प्रभञ्जञ्छत्रून्प्रमृणन्नमित्रानस्माकमेध्यविता तनूनाम् ॥८॥

इन्द्र एषां नेता बृहस्पतिर्दक्षिणा यज्ञः पुर एतु सोमः ।
देवसेनानामभिभञ्जतीनां जयन्तीनां मरुतौ यन्तु मध्ये ॥९॥

इन्द्रस्य वृष्णो वरुणस्य राज्ञ आदित्यानां मरुतां शर्ध उग्रम् ।
महामनसां भुवनच्यवानां घोषो देवानां जयतामुदस्थात् ॥१०॥

अस्माकमिन्द्रः समृतेषु ध्वजेष्वस्माकं या इषवस्ता जयन्तु ।
अस्माकं वीरा उत्तरे भवन्त्वस्मान्देवासोऽवता हवेषु ॥११॥

(१४) चतुर्दशं सूक्तम्

(१) एकर्चस्यास्य सूक्तस्याथर्वा ऋषिः । द्यावापृथिव्यौ देवते । त्रिष्टुप् छन्दः
इदमुच्छ्रेयोऽवसानमागां शिवे मे द्यावापृथिवी अभूताम् ।
असपत्नाः प्रदिशौ मे भवन्तु न वै त्वा द्विष्मो अभयं नो अस्तु ॥१॥

(१५) पञ्चदशं सूक्तम्

(१-६) षडृचस्यास्य सूक्तस्याथर्वा ऋषिः ।
(१-४) प्रथमादिचतसृणामृचामिन्द्रः (५-६) पञ्चमीषष्ठ्योश्च मन्त्रोक्ता देवताः ।
(१) प्रथमायाः पथ्याबृहती (२, ५) द्वितीयापञ्चम्योश्चतुष्पदा जगती
(३) तृतीयाया विराट्पथ्यापङ्क्तिः (४, ६) चतुर्थीषष्ठ्योश्च त्रिष्टुप् छन्दांसि
यत इन्द्र भयामहे ततो नो अभयं कृधि ।
मर्धवञ्छुग्धि तव त्वं न ऊतिभिर्वि द्विषो वि मृधौ जहि ॥१॥

इन्द्रं वयमनूराधं हवामहेऽनु राध्यास्म द्विपदा चतुष्पदा ।

मा नः सेना अररुषीरुपं गुर्विषूचिरिन्द्र द्रुहो वि नाशय ॥२॥

इन्द्रस्त्रातोत वृत्रहा परस्फानो वरैरयः ।
स रक्षिता चरमतः स मध्यतः स पश्चात्स पुरस्तान्नो अस्तु ॥३॥

उरुं नो लोकमनुं नेषि विद्वान्स्वश्रुयज्ञयोतिरभयं स्वस्ति ।
उग्रा त इन्द्र स्थविरस्य ब्राह्म उप क्षयेम शरणा बृहन्ता ॥४॥

अभयं नः करत्यन्तरिक्षमभयं द्यावापृथिवी उभे इमे ।
अभयं पश्चादभयं पुरस्तादुत्तरादधरादभयं नो अस्तु ॥५॥

अभयं मित्रादभयममित्रादभयं ज्ञातादभयं पुरो यः ।
अभयं नक्तमभयं दिवा नः सर्वा आशा मम मित्रं भवन्तु ॥६॥

(१६) षोडशं सूक्तम्

(१-२) द्वयचस्यास्य सूक्तस्याथर्वा ऋषिः । मन्त्रोक्ता देवताः । (१) प्रथमर्चोनुष्टुप्
(२) द्वितीयायाश्च त्र्यवसाना सप्तपदा बृहतीगर्भातिशक्वरी छन्दसी

असपत्रं पुरस्तात्पश्चान्नो अभयं कृतम् ।
सविता मा दक्षिणत उत्तरान्मा शचीपतिः ॥१॥

दिवो मादित्या रक्षन्तु भूम्या रक्षन्त्वग्रयः ।
इन्द्राग्नी रक्षतां मा पुरस्तादश्विनावभितः शर्म यच्छताम् ।
तिरश्चीनघ्न्या रक्षतु जातवेदा भूतकृतो मे सर्वतः सन्तु वर्म ॥२॥

(१७) सप्तदशं सूक्तम्

(१-१०) दशर्चस्यास्य सूक्तस्याथर्वा ऋषिः । मन्त्रोक्ता देवताः ।
((१) प्रथमर्च उपजगती) (२-४) द्वितीयादितृचस्य ((८) अष्टम्याश्च) जगती
((५) पञ्चम्याः स्वराड्जगती) (६) षष्ठ्या भुरिग्जगति (७) सप्तम्या अतिजगती
((८) नवम्याः पञ्चपदा विराडतिशक्वरी (१०) दशम्याश्च निचृदतिजगती) छन्दांसि

अग्निर्मा पातु वसुभिः पुरस्तात्तस्मिन्क्रमे तस्मिञ्छ्रये तां पुरं प्रैमि ।
स मा रक्षतु स मा गोपायतु तस्मा आत्मानं परि ददे स्वाहा ॥१॥

वायुर्मान्तरिक्षेणैतस्यां दिशः पातु तस्मिन्क्रमे तस्मिञ्छ्रये तां पुरं प्रैमि ।
स मा रक्षतु स मा गोपायतु तस्मा आत्मानं परि ददे स्वाहा ॥२॥

सोमो मा रुद्रैर्दक्षिणाया दिशः पातु तस्मिन्क्रमे तस्मिञ्छ्रये तां पुरं प्रैमि ।
स मा रक्षतु स मा गोपायतु तस्मा आत्मानं परि ददे स्वाहा ॥३॥

वरुणो मादित्यैरेतस्यां दिशः पातु तस्मिन्क्रमे तस्मिञ्छ्रये तां पुरं प्रैमि ।
स मा रक्षतु स मा गोपायतु तस्मा आत्मानं परि ददे स्वाहा ॥४॥

सूर्यो मा द्यावापृथिवीभ्यां प्रतीच्यां दिशः पातु तस्मिन्क्रमे तस्मिञ्छ्रये तां
पुरं प्रैमि ।
स मा रक्षतु स मा गोपायतु तस्मा आत्मानं परि ददे स्वाहा ॥५॥

आपो मौषधीमतीरेतस्यां दिशः पातु तस्मिन्क्रमे तस्मिञ्छ्रये तां पुरं प्रैमि
।
ता मा रक्षन्तु ता मा गोपायन्तु ताभ्यं आत्मानं परि ददे स्वाहा ॥६॥

विश्वकर्मा मा सप्तऋषिभिरुदीच्या दिशः पातु तस्मिन्क्रमे तस्मिञ्छ्रये तां
पुरं प्रैमि ।
स मा रक्षतु स मा गोपायतु तस्मा आत्मानं परि ददे स्वाहा ॥७॥

इन्द्रो मा मरुत्वानेतस्यां दिशः पातु तस्मिन्क्रमे तस्मिञ्छ्रये तां पुरं प्रैमि ।
स मा रक्षतु स मा गोपायतु तस्मा आत्मानं परि ददे स्वाहा ॥८॥

प्रजापतिर्मा प्रजननवान्त्सह प्रतिष्ठाया ध्रुवाया दिशः पातु तस्मिन्क्रमे

तस्मिञ्छ्रये तां पुरं प्रैमि ।

स मा रक्षतु स मा गोपायतु तस्मा आत्मानं परि ददे स्वाहा ॥६॥

बृहस्पतिर्मा विश्वैर्देवैरूध्वायां दिशः पातु तस्मिन्क्रमे तस्मिञ्छ्रये तां पुरं प्रैमि ।

स मा रक्षतु स मा गोपायतु तस्मा आत्मानं परि ददे स्वाहा ॥१०॥

(१८) अष्टादशं सूक्तम्

(१-१०) दशर्चस्यास्य सूक्तस्याथर्वा ऋषिः । मन्त्रोक्ता देवताः । (१, ८)

प्रथमाष्टम्योर्ऋचोः साम्नी त्रिष्टुप् (२-४, ६) द्वितीयादितृचस्य षष्ठ्याश्चार्यनुष्टुप्

(५) पञ्चम्याः (स्वराट्) आर्च्यनुष्टुप्

(७, ९, १०) सप्तमीनवमीदशमीनाञ्च प्राजापत्या त्रिष्टुप् छन्दांसि ॥ सर्वा द्विपदाः

अग्निं ते वसुवन्तमृच्छन्तु ।

ये माघायवः प्राच्यां दिशोऽभिदासात् ॥१॥

वायुं तेऽन्तरिक्षवन्तमृच्छन्तु ।

ये माघायव एतस्यां दिशोऽभिदासात् ॥२॥

सोमं ते रुद्रवन्तमृच्छन्तु ।

ये माऽघायवो दक्षिणाया दिशोऽभिदासात् ॥३॥

वरुणं त आदित्यवन्तमृच्छन्तु ।

ये माघायव एतस्यां दिशोऽभिदासात् ॥४॥

सूर्यं ते द्यावापृथिवीवन्तमृच्छन्तु ।

ये माघायवः प्रतीच्यां दिशोऽभिदासात् ॥५॥

अपस्त ओषधीमतीर्ऋच्छन्तु ।

ये माघायव एतस्यां दिशोऽभिदासात् ॥६॥

विश्वकर्माणं ते सप्तऋषिवन्तमृच्छन्तु ।
ये मांघ्रायव उदीच्या दिशोऽभिदासात् ॥७॥

इन्द्रं ते मरुत्वन्तमृच्छन्तु ।
ये मांघ्रायव एतस्यां दिशोऽभिदासात् ॥८॥

प्रजापतिं ते प्रजननवन्तमृच्छन्तु ।
ये मांघ्रायवो ध्रुवायां दिशोऽभिदासात् ॥९॥

बृहस्पतिं ते विश्वदैववन्तमृच्छन्तु ।
ये मांघ्रायव ऊर्ध्वायां दिशोऽभिदासात् ॥१०॥

(१६) एकोनविंशं सूक्तम्

- (१-११) एकादशर्चस्यास्य सूक्तस्याथर्वा ऋषिः । चन्द्रमा मन्त्रोक्ताश्च देवताः ।
(१, ३, ६) प्रथमातृतीयानवमीनामृचां भुरिग्बृहती
(२, ४-८, ११) द्वितीयायाश्चतुर्थ्यादिपञ्चानामेकादश्याचानुष्टुब्गर्भा पङ्क्तिः
(१०) दशम्याश्च स्वराट् पङ्क्तिश्छन्दांसि

मित्रः पृथिव्योदक्रामत्तां पुरं प्र शंयामि वः ।
तामा विशतु तां प्र विशतु सा वः शर्म च वर्म च यच्छतु ॥१॥

वायुरन्तरिक्षेणोदक्रामत्तां पुरं प्र शंयामि वः ।
तामा विशतु तां प्र विशतु सा वः शर्म च वर्म च यच्छतु ॥२॥

सूर्यो दिवोदक्रामत्तां पुरं प्र शंयामि वः ।
तामा विशतु तां प्र विशतु सा वः शर्म च वर्म च यच्छतु ॥३॥

चन्द्रमा नक्षत्रैरुदक्रामत्तां पुरं प्र शंयामि वः ।
तामा विशतु तां प्र विशतु सा वः शर्म च वर्म च यच्छतु ॥४॥

सोम॑ ओष॑धीभि॒रुद॑क्राम॒त्तां पुरं॑ प्र ण॒यामि॑ वः ।
तामा॑ वि॒शत॒ तां प्र॑ वि॒शत॒ सा वः॑ शर्म॑ च॒ वर्म॑ च॒ यच्छतु॑ ॥५॥

य॒ज्ञो दक्षि॑णाभि॒रुद॑क्राम॒त्तां पुरं॑ प्र ण॒यामि॑ वः ।
तामा॑ वि॒शत॒ तां प्र॑ वि॒शत॒ सा वः॑ शर्म॑ च॒ वर्म॑ च॒ यच्छतु॑ ॥६॥

स॒मु॒द्रो न॒दीभि॒रुद॑क्राम॒त्तां पुरं॑ प्र ण॒यामि॑ वः ।
तामा॑ वि॒शत॒ तां प्र॑ वि॒शत॒ सा वः॑ शर्म॑ च॒ वर्म॑ च॒ यच्छतु॑ ॥७॥

ब्र॒ह्म ब्र॒ह्मचा॑रिभि॒रुद॑क्राम॒त्तां पुरं॑ प्र ण॒यामि॑ वः ।
तामा॑ वि॒शत॒ तां प्र॑ वि॒शत॒ सा वः॑ शर्म॑ च॒ वर्म॑ च॒ यच्छतु॑ ॥८॥

इन्द्रो॑ वी॒र्ये॑ऽणोद॑क्राम॒त्तां पुरं॑ प्र ण॒यामि॑ वः ।
तामा॑ वि॒शत॒ तां प्र॑ वि॒शत॒ सा वः॑ शर्म॑ च॒ वर्म॑ च॒ यच्छतु॑ ॥९॥

दे॒वा अ॒मृते॑नोद॑क्राम॒स्तां पुरं॑ प्र ण॒यामि॑ वः ।
तामा॑ वि॒शत॒ तां प्र॑ वि॒शत॒ सा वः॑ शर्म॑ च॒ वर्म॑ च॒ यच्छतु॑ ॥१०॥

प्र॒जाप॑तिः प्र॒जाभि॒रुद॑क्राम॒त्तां पुरं॑ प्र ण॒यामि॑ वः ।
तामा॑ वि॒शत॒ तां प्र॑ वि॒शत॒ सा वः॑ शर्म॑ च॒ वर्म॑ च॒ यच्छतु॑ ॥११॥

(२०) विंशं सूक्तम्

(१-४) चतुर्ऋचस्यास्य सूक्तस्याथर्वा ऋषिः । मन्त्रोक्ता देवताः ।

(१) प्रथमर्चस्त्रिष्टुप् (२) द्वितीयाया जगती (३) तृतीयायाः पुरस्ताद्बृहती

(४) चतुर्थ्याश्चानुष्टुप् छन्दांसि

अ॒प॒ न्यधुः॑ पौरु॑षेयं व॒धं यमि॑न्द्रा॒ग्नी धा॒ता स॒वि॒ता बृ॒हस्प॑तिः ।
सोमो॑ राजा॒ वरु॑णो अ॒श्विना॑ य॒मः पू॒षास्मान्परि॑ पातु॒ मृत्योः॑ ॥१॥

यानि॑ च॒कार॒ भुव॑नस्य॒ यस्पतिः॑ प्र॒जाप॑तिर्मा॒तरि॑श्वा॒ प्रजा॑भ्यः ।

प्रदिशो यानि वसते दिशश्च तानि मे वर्माणि बहुलानि सन्तु ॥२॥

यत्ते तनूष्वनह्यन्त देवा द्युराजयो देहिनः ।
इन्द्रो यच्चक्रे वर्म तदस्मान्पातु विश्वतः ॥३॥

वर्म मे द्यावापृथिवी वर्माहर्वर्म सूर्यः ।
वर्म मे विश्वे देवाः क्रन्मा मा प्रापत्प्रतीचिका ॥४॥

(२१) एकविंशं सूक्तम्

(१) एकर्चस्यास्य सूक्तस्य ब्रह्मा ऋषिः । छन्दांसि देवताः ।

एकावसाना द्विपदा साम्नी बृहती छन्दः

गायत्र्युष्णिगनुष्टुब्बृहती पङ्क्तिस्त्रिष्टुब्जगत्यै ॥१॥

(२२) द्वाविंशं सूक्तम्

(१-२१) एकविंशत्यृचस्यास्य सूक्तस्याङ्गिरा ऋषिः । मन्त्रोक्ता देवताः । (१)
प्रथमर्चः साम्नुष्णिक (२, ६, १४-१६, २०) द्वितीयाषष्ट्योश्चतुर्दश्यादितृचस्य विंश्याश्च
दैवी पङ्क्तिः (३, १६) तृतीयैकोनविंशयोः प्राजापत्या गायत्री (४, ७, ११, १७)
चतुर्थीसप्तम्येकादशीसप्तदशीनां दैवी जगती (५, १२-१३) पञ्चमीद्वादशीत्रयोदशीनां
दैवी त्रिष्टुप् (८-१०) अष्टम्यादितृचस्यासुरी जगती (१८) अष्टादश्या आसुर्यनुष्टुप्
(एता एकावसानाः) (२१) एकविंश्याश्च चतुष्पदा त्रिष्टुप् छन्दांसि
आङ्गिरसानामाद्यैः पञ्चानुवाकैः स्वाहा ॥१॥

षष्ठाय स्वाहा ॥२॥

सप्तमाष्टमाभ्यां स्वाहा ॥३॥

नीलनखेभ्यः स्वाहा ॥४॥

हरितेभ्यः स्वाहा ॥५॥

क्षु॒द्रेभ्यः॑ स्वाहा॑ ॥६॥

पर्या॒यिकेभ्यः॑ स्वाहा॑ ॥७॥

प्रथ॒मेभ्यः॑ श॒ङ्खेभ्यः॑ स्वाहा॑ ॥८॥

द्वि॒तीयेभ्यः॑ श॒ङ्खेभ्यः॑ स्वाहा॑ ॥९॥

तृ॒तीयेभ्यः॑ श॒ङ्खेभ्यः॑ स्वाहा॑ ॥१०॥

उ॒पोत्त॑मेभ्यः॑ स्वाहा॑ ॥११॥

उ॒त्त॑मेभ्यः॑ स्वाहा॑ ॥१२॥

उ॒त्त॑रेभ्यः॑ स्वाहा॑ ॥१३॥

ऋ॒षिभ्यः॑ स्वाहा॑ ॥१४॥

शि॒खिभ्यः॑ स्वाहा॑ ॥१५॥

ग॒णेभ्यः॑ स्वाहा॑ ॥१६॥

म॒हाग॒णेभ्यः॑ स्वाहा॑ ॥१७॥

सर्वे॑भ्योऽङ्गि॑रोभ्यो विद॒ग॒णेभ्यः॑ स्वाहा॑ ॥१८॥

पृथ॒क्स॒हस्रा॑भ्यां स्वाहा॑ ॥१९॥

ब्रह्मणे स्वाहा ॥२०॥

ब्रह्मज्येष्ठा संभृता वीर्याग्निं ब्रह्माग्रे ज्येष्ठं दिवमा ततान ।
भूतानां ब्रह्मा प्रथमोत जज्ञे तेनार्हति ब्रह्मणा स्पर्धितुं कः ॥२१॥

(२३) त्रयोविंशं सूक्तम्

(१-३०) त्रिंशदृचस्यास्य सूक्तस्याथर्वा ऋषिः । मन्त्रोक्ताश्चन्द्रमा वा देवता ।

(१) प्रथमर्च आसुरी बृहती (२-७, २०, २३, २७) द्वितीयादितृचद्वयस्य
विंशीत्रयोविंशीसप्तविंशीनाञ्च दैवी त्रिष्टुप् (८, १०-१२, १४-१६) अष्टम्या
दशम्यादितृचस्य चतुर्दश्यादितृचस्य च प्राजापत्या गायत्री (१७, १९, २१, २४-२५,
२६) सप्तदश्येकोनविंश्येकविंशीचतुर्विंशीपञ्चविंश्येकोनत्रिंशीनां दैवी पङ्क्तिः (९, १३,
१८, २२, २६, २८) नवमीत्रयोदश्यादशीद्वाविंशीषड्विंश्याष्टाविंशीनां दैवी जगती
(एता एकावसानाः) (३०) त्रिंश्याश्च चतुष्पदा त्रिष्टुप् छन्दांसि

आथर्वणानां चतुर्ऋचेभ्यः स्वाहा ॥१॥

पञ्चर्चेभ्यः स्वाहा ॥२॥

षड्ऋचेभ्यः स्वाहा ॥३॥

सप्तर्चेभ्यः स्वाहा ॥४॥

अष्टर्चेभ्यः स्वाहा ॥५॥

नवर्चेभ्यः स्वाहा ॥६॥

दशर्चेभ्यः स्वाहा ॥७॥

एकादशर्चेभ्यः स्वाहा ॥८॥

द्वादश॑र्चेभ्यः स्वाहा ॥९॥

त्रयो॒दश॑र्चेभ्यः स्वाहा ॥१०॥

चतु॒र्दश॑र्चेभ्यः स्वाहा ॥११॥

पञ्च॒दश॑र्चेभ्यः स्वाहा ॥१२॥

षोड॒श॑र्चेभ्यः स्वाहा ॥१३॥

सप्त॒दश॑र्चेभ्यः स्वाहा ॥१४॥

अष्टा॒दश॑र्चेभ्यः स्वाहा ॥१५॥

एको॒न्विं॑शतिः स्वाहा ॥१६॥

विं॒शतिः॑ स्वाहा ॥१७॥

म॒ह॒त्का॒ण्डाय॑ स्वाहा ॥१८॥

तृ॒चेभ्यः॑ स्वाहा ॥१९॥

ए॒क॒र्चेभ्यः॑ स्वाहा ॥२०॥

क्षु॒द्रेभ्यः॑ स्वाहा ॥२१॥

ए॒कानृ॑चेभ्यः स्वाहा ॥२२॥

रोहितेभ्यः स्वाहा ॥२३॥

सूर्याभ्यां स्वाहा ॥२४॥

व्रात्याभ्यां स्वाहा ॥२५॥

प्राजापत्याभ्यां स्वाहा ॥२६॥

विषासुह्यै स्वाहा ॥२७॥

मङ्गलिकेभ्यः स्वाहा ॥२८॥

ब्रह्मणे स्वाहा ॥२९॥

ब्रह्मज्येष्ठा संभृता वीर्यांशि ब्रह्माग्रे ज्येष्ठं दिवमा ततान ।
भूतानां ब्रह्मा प्रथमोत जज्ञे तेनार्हति ब्रह्मणा स्पर्धितुं कः ॥३०॥

(२४) चतुर्विंशं सूक्तम्

(१-८) अष्टर्चस्यास्य सूक्तस्याथर्वा ऋषिः । मन्त्रोक्ता ब्रह्मणस्पतिर्वा देवता ।

(१-३) प्रथमादितृचस्यानुष्टुप् (४-६, ८) चतुर्थ्यादितृचस्याष्टम्या ऋचश्च त्रिष्टुप्

(७) सप्तम्याश्च त्रिपदार्षी गायत्री छन्दांसि

येन देवं सवितारं परि देवा अधारयन् ।

तेनेमं ब्रह्मणस्पते परि राष्ट्राय धत्तन ॥१॥

परीममिन्द्रमायुषे महे क्षत्राय धत्तन ।

यथैनं जरसे नयां ज्योक्क्षेत्रेऽधि जागरत् ॥२॥

परीमं सोममायुषे महे श्रोत्राय धत्तन ।

यथैनं जरसे नयां ज्योक्क्षेत्रेऽधि जागरत् ॥३॥

परि धत्त धत्त नो वर्चसेमं ज़रामृत्युं कृणुत दीर्घमायुः ।
बृहस्पतिः प्रायच्छद्वास एतत्सोमाय राज्ञे परिधातवा उँ ॥४॥

ज़रां सु गच्छ परि धत्स्व वासो भवा गृष्टीनामभिशस्तिपा उँ ।
शतं च जीव शरदः पुरुची रायश्च पोषमुपसंव्ययस्व ॥५॥

परीदं वासो अधिथाः स्वस्तयेऽभूर्वापीनामभिशस्तिपा उँ ।
शतं च जीव शरदः पुरुचीर्वसूनि चारुर्वि भजासि जीवन् ॥६॥

योगेयोगे त्वस्तरं वाजेवाजे हवामहे ।
सखाय इन्द्रमूतये ॥७॥

हिरण्यवर्णो अजरः सुवीरौ ज़रामृत्युः प्रजया सं विशस्व ।
तद्गिराह तदु सोम आह बृहस्पतिः सविता तदिन्द्रः ॥८॥

(२५) पञ्चविंशं सूक्तम्

(१) एकर्चस्यास्य सूक्तस्य गोपथ ऋषिः । वाजी देवता । अनुष्टुप् छन्दः
अश्रान्तस्य त्वा मनसा युनज्मि प्रथमस्य च ।
उत्कूलमुद्बुहो भवोदुह्य प्रति धावतात् ॥१॥

(२६) षड्विंशं सूक्तम्

(१-४) चतुर्ऋचस्यास्य सूक्तस्याथर्वा ऋषिः । अग्निहिरण्यञ्च देवते ।
(१-२) प्रथमाद्वितीययोर्ऋचोस्त्रिष्टुप्
(३) तृतीयाया अनुष्टुप् (४) चतुर्थ्याश्च पथ्यापङ्क्तिश्छन्दांसि
अग्नेः प्रजातं परि यद्विरण्यममृतं दध्रे अधि मर्त्येषु ।
य एनद्वेदु स इदेनमर्हति ज़रामृत्युर्भवति यो बिभर्ति ॥१॥

यद्विरण्यं सूर्येण सुवर्णं प्रजावन्तो मनवः पूर्वं ईषिरे ।
तत्त्वा चन्द्रं वर्चसा सं सृजत्यायुष्मान्भवति यो बिभर्ति ॥२॥

आयुषे त्वा वर्चसे त्वौजसे च बलाय च ।
यथा हिरण्यतेजसा विभासासि जनाँ अर्नु ॥३॥

यद्वेद राजा वरुणो वेद देवो बृहस्पतिः ।
इन्द्रो यद्वृत्रहा वेद तत्त आयुष्यं भुवत्तै वर्चस्यं भुवत् ॥४॥

(२७) सप्तविंशं सूक्तम्

- (१-१५) पञ्चदशर्चस्यास्य सूक्तस्य भृगवङ्गिरा ऋषिः । त्रिवृच्चन्द्रमा वा देवता ।
(१-२, ४-८, १४) प्रथमाद्वितीययोर्त्रचोश्चतुर्थ्यादिपञ्चानां चतुर्दश्याश्चानुष्टुप्
(३, ६) तृतीयानवम्योस्त्रिष्टुप् (१०) दशम्या विराट्स्थाना त्रिष्टुप्
(११) एकादश्या एकावसानार्च्युष्णिक (१२) द्वादश्या एकावसानार्च्यनुष्टुप्
(१३) त्रयोदश्या एकावसाना साम्नी त्रिष्टुप्
(१५) पञ्चदश्याश्च त्र्यवसाना सप्तपदा बृहतीगर्भातिशक्वरी छन्दांसि

गोभिष्ठा पात्वृषभो वृषा त्वा पातु वाजिभिः ।
वायुष्ट्वा ब्रह्मणा पात्विन्द्रस्त्वा पात्विन्द्रियैः ॥१॥

सोमस्त्वा पात्वोषधीभिर्नक्षत्रैः पातु सूर्यः ।
माद्भस्त्वा चन्द्रो वृत्रहा वार्तः प्राणेन रक्षतु ॥२॥

तिस्रो दिवस्तिस्त्रः पृथिवीस्त्रीण्यन्तरिक्षाणि चतुरः समुद्रान् ।
त्रिवृतं स्तोमं त्रिवृत आप आहुस्तास्त्वा रक्षन्तु त्रिवृता त्रिवृद्भिः ॥३॥

त्रीनाकांस्त्रीन्समुद्रांस्त्रीन्ब्रह्मांस्त्रीन्वैष्टपान् ।
त्रीन्मातरिश्चनस्त्रीन्तसूर्यान्गोमृन्कल्पयामि ते ॥४॥

घृतेन त्वा समुक्षाम्यग्ना आज्येन वर्धयन् ।
अग्नेश्चन्द्रस्य सूर्यस्य मा प्राणं मायिनो दधन् ॥५॥

मा वः प्राणं मा वौऽपानं मा हरौ मायिनो दधन् ।

भ्राजन्तो विश्ववैदसो देवा दैव्येन धावत ॥६॥

प्राणेनाग्निं सं सृजति वातः प्राणेन संहितः ।
प्राणेन विश्वतोमुखं सुर्यं देवा अजनयन् ॥७॥

आयुषायुष्कृतां जीवायुष्माञ्जीव मा मृथाः ।
प्राणेनात्मन्वतां जीव मा मृत्योरुदगा वशम् ॥८॥

देवानां निहितं निधिं यमिन्द्रोऽन्वविन्दत्यथिभिर्देवयानैः ।
आपो हिरण्यं जुगुप्सिर्वृद्धिस्तास्त्वा रक्षन्तु त्रिवृता त्रिवृद्धिः ॥९॥

त्रयस्त्रिंशद्देवतास्त्रीणि च वीर्याणि प्रियायमाणा जुगुप्सुस्वः ।
अस्मिंश्चन्द्रे अधि यद्धिरण्यं तेनायं कृणवद्वीर्याणि ॥१०॥

ये देवा दिव्येकादश स्थ ते देवासो हविरिदं जुषध्वम् ॥११॥

ये देवा अन्तरिक्ष एकादश स्थ ते देवासो हविरिदं जुषध्वम् ॥१२॥

ये देवाः पृथिव्यामेकादश स्थ ते देवासो हविरिदं जुषध्वम् ॥१३॥

असपत्नं पुरस्तात्पश्चान्नो अभयं कृतम् ।
सविता मा दक्षिणत उत्तरान्मा शचीपतिः ॥१४॥

दिवो मादित्या रक्षन्तु भूम्या रक्षन्त्वग्रयः ।
इन्द्राग्नी रक्षतां मा पुरस्तादश्विनावभितः शर्म यच्छताम् ।
तिरश्चीनघ्न्या रक्षतु जातवेदा भूतकृतो मे सर्वतः सन्तु वर्म ॥१५॥

(२८) अष्टाविंशं सूक्तम्

(१-१०) दशर्चस्यास्य सूक्तस्य ब्रह्मा ऋषिः । दर्भमणिर्देवता । अनुष्टुप् छन्दः
इ॒मं ब॑ध्नामि ते म॒णिं दी॑र्घायु॒त्वाय॒ तेज॑से ।
दर्भ॑ स॒पत्न॑द॒म्भनं॑ द्वि॒ष॒तस्त॑प॒नं हृ॒दः ॥१॥

द्वि॒ष॒तस्ता॑प॒यन्हृ॒दः श॒त्रूणां॑ ता॒पय॑न्मनः ।
दु॒र्हा॒र्दः सर्वा॑स्त्वं दर्भ॑ घ॒र्म इ॒वा॒भी॒न्त्संता॑प॒यन् ॥२॥

घ॒र्म इ॒वा॒भित॑प॒न्दर्भ॑ द्वि॒ष॒तो नि॒तप॑न्मणे ।
हृ॒दः स॒पत्ना॑नां भि॒न्द्ही॒न्द्र इ॒व वि॒रु॒जं ब॒लम् ॥३॥

भि॒न्धि दर्भ॑ स॒पत्ना॑नां हृ॒दयं॑ द्वि॒ष॒तां म॑णे ।
उ॒द्यन्त्व॑र्चमि॒व भू॒म्याः शि॒र ए॒षां वि॑ पा॒तय ॥४॥

भि॒न्धि दर्भ॑ स॒पत्ना॑न्मे भि॒न्धि मे॑ पृ॒तना॑य॒तः ।
भि॒न्धि मे॑ सर्वा॑न्दु॒र्हा॒र्दो भि॒न्धि मे॑ द्वि॒ष॒तो म॑णे ॥५॥

छि॒न्धि दर्भ॑ स॒पत्ना॑न्मे छि॒न्धि मे॑ पृ॒तना॑य॒तः ।
छि॒न्धि मे॑ सर्वा॑न्दु॒र्हा॒र्दान् छि॒न्धि मे॑ द्वि॒ष॒तो म॑णे ॥६॥

वृ॒श्च दर्भ॑ स॒पत्ना॑न्मे वृ॒श्च मे॑ पृ॒तना॑य॒तः ।
वृ॒श्च मे॑ सर्वा॑न्दु॒र्हा॒र्दो वृ॒श्च मे॑ द्वि॒ष॒तो म॑णे ॥७॥

कृ॒न्त दर्भ॑ स॒पत्ना॑न्मे कृ॒न्त मे॑ पृ॒तना॑य॒तः ।
कृ॒न्त मे॑ सर्वा॑न्दु॒र्हा॒र्दान्कृ॒न्त मे॑ द्वि॒ष॒तो म॑णे ॥८॥

पिं॒श दर्भ॑ स॒पत्ना॑न्मे पिं॒श मे॑ पृ॒तना॑य॒तः ।
पिं॒श मे॑ सर्वा॑न्दु॒र्हा॒र्दः पिं॒श मे॑ द्वि॒ष॒तो म॑णे ॥९॥

विध्यं दर्भं स॒पत्नान्मे॒ विध्यं मे॒ पृतनाय॒तः ।
विध्यं मे॒ सर्वान्दुर्हा॒र्दो॒ विध्यं मे॒ द्विष॒तो म॑णे ॥१०॥

(२६) एकोनत्रिंशं सूक्तम्

(१-६) नवर्चस्यास्य सूक्तस्य ब्रह्मा ऋषिः । दर्भमणिर्देवता । अनुष्टुप् छन्दः
निक्षं दर्भं स॒पत्नान्मे॒ निक्षं मे॒ पृतनाय॒तः ।
निक्षं मे॒ सर्वान्दुर्हा॒र्दो॒ निक्षं मे॒ द्विष॒तो म॑णे ॥१॥

तृन्धि दर्भं स॒पत्नान्मे॒ तृन्धि मे॒ पृतनाय॒तः ।
तृन्धि मे॒ सर्वान्दुर्हा॒र्दस्तृन्धि मे॒ द्विष॒तो म॑णे ॥२॥

रुन्धि दर्भं स॒पत्नान्मे॒ रुन्धि मे॒ पृतनाय॒तः ।
रुन्धि मे॒ सर्वान्दुर्हा॒र्दो॒ रुन्धि मे॒ द्विष॒तो म॑णे ॥३॥

मृणं दर्भं स॒पत्नान्मे॒ मृणं मे॒ पृतनाय॒तः ।
मृणं मे॒ सर्वान्दुर्हा॒र्दो॒ मृणं मे॒ द्विष॒तो म॑णे ॥४॥

मन्थं दर्भं स॒पत्नान्मे॒ मन्थं मे॒ पृतनाय॒तः ।
मन्थं मे॒ सर्वान्दुर्हा॒र्दो॒ मन्थं मे॒ द्विष॒तो म॑णे ॥५॥

पिण्डि दर्भं स॒पत्नान्मे॒ पिण्डि मे॒ पृतनाय॒तः ।
पिण्डि मे॒ सर्वान्दुर्हा॒र्दो॒ पिण्डि मे॒ द्विष॒तो म॑णे ॥६॥

ओषं दर्भं स॒पत्नान्मे॒ ओषं मे॒ पृतनाय॒तः ।
ओषं मे॒ सर्वान्दुर्हा॒र्दो॒ ओषं मे॒ द्विष॒तो म॑णे ॥७॥

दहं दर्भं स॒पत्नान्मे॒ दहं मे॒ पृतनाय॒तः ।
दहं मे॒ सर्वान्दुर्हा॒र्दो॒ दहं मे॒ द्विष॒तो म॑णे ॥८॥

ज॒हि द॑र्भ स॒पत्ना॑न्मे ज॒हि मे॑ पृ॒तना॑य॒तः ।
ज॒हि मे॑ सर्वा॑न्दु॒र्हादो॑ ज॒हि मे॑ द्विष॒तो म॑णे ॥६॥

(३०) त्रिंशं सूक्तम्

(१-५) पञ्चर्चस्यास्य सूक्तस्य ब्रह्मा ऋषिः । दर्भमणिर्देवता । अनुष्टुप् छन्दः
यत्ते॑ दर्भ ज॒रामृ॑त्यु श॒तं वर्म॑सु॒ वर्म॑ ते ।
तेने॒मं व॑र्मि॒णं कृ॒त्वा स॒पत्नां॑ ज॒हि वी॒र्यैः॑ ॥१॥

श॒तं ते॑ दर्भ॒ वर्मा॑णि स॒हस्रं॑ वी॒र्या॑णि ते ।
तम॒स्मै विश्वे॑ त्वां दे॒वा ज॒रसे॑ भ॒र्त॒वा अ॑दुः ॥२॥

त्वामा॑हु॒र्देव॑व॒र्म त्वां द॑र्भ ब्रह्म॑ण॒स्पति॑म् ।
त्वामि॑न्द्र॒स्याहु॑र्व॒र्म त्वं रा॒ष्ट्राणि॑ रक्ष॒सि ॥३॥

स॒पत्न॑क्षय॒णं द॑र्भ द्विष॒तस्त॑प॒नं हृ॒दः ।
म॒णिं क्ष॑त्रस्य॒ वर्ध॑नं त॒नूपानं॑ कृ॒णोमि॑ ते ॥४॥

यत्स॑मु॒द्रो अ॒भ्यक्र॑न्दत्प॒र्जन्यो॑ वि॒द्युता॑ स॒ह ।
ततो॑ हि॒र॒न्ययो॑ बि॒न्दुस्त॑तो॒ दर्भो॑ अ॒जाय॑त ॥५॥

(३१) एकत्रिंशं सूक्तम्

(१-१४) चतुर्दशर्चस्यास्य सूक्तस्य सविता ऋषिः । औदुम्बरमणिर्देवता ।
(१-४, ७-१०) प्रथमादिचतसृणामृचां सप्तम्यादिचतसृणाञ्चानुष्टुप् (५, १२)
पञ्चमीद्वादशयोस्त्रिष्टुप् (६) षष्ठ्या विराट् प्रस्तारपङ्क्तिः (११, १३) एकादशीत्रयोदशयोः
पञ्चपदा शक्वरी (१४) चतुर्दश्याश्च विराडास्तारपङ्क्तिश्छन्दांसि
औदु॑म्बरेण म॒णिना॑ पु॒ष्टिका॑माय वे॒धसा॑ ।
प॒शूनां॑ सर्वे॑षां स्फा॒तिं गो॒ष्ठे मे॑ स॒विता॑ क॒रत् ॥१॥

यो नो॑ अ॒ग्निर्गा॑र्हप॒त्यः प॒शूना॑र्म॒धिपा॑ अस॒त् ।

अ॒दु॒म्बरो॑ वृ॒षा म॒णिः सं मा॑ सृ॒जतु पु॒ष्ट्या ॥२॥

क॒री॒षिणीं॑ फ॒ल॒वतीं॑ स्व॒धामि॑रां च नो गृ॒हे ।
अ॒दु॒म्बर॑स्य ते॒जसा॑ धा॒ता पु॒ष्टिं द॑धातु मे ॥३॥

यदि॑द्व॒पाञ्च॒ चतु॑ष्पाञ्च॒ यान्य॑न्नानि॒ ये रसाः॑ ।
गृ॒हेऽहं॑ त्वेषां॑ भू॒मानं॑ बिभ्र॒दौदु॑म्बरं म॒णिम् ॥४॥

पु॒ष्टिं प॑शूनां परि॑ जग्र॒भाहं॑ चतु॑ष्पदां द्वि॒पदां॑ यच्च॒ धान्य॑म् ।
प॒र्यः प॑शूनां रस॒मोष॑धीनां बृह॒स्पतिः॑ सवि॒ता मे॒ नि य॑च्छात् ॥५॥

अ॒हं प॑शूनाम॒धिपा॑ अ॒सानि॑ मयि॒ पुष्टं॑ पु॒ष्टप॑तिर्दधातु ।
म॒ह्यमौ॑दु॒म्बरो॑ म॒णिर्द्र॑वि॒णानि॑ नि य॑च्छतु ॥६॥

उ॒प॒ मौ॑दु॒म्बरो॑ म॒णिः प्र॒जया॑ च॒ धने॑न च ।
इ॒न्द्रेण॑ जिन्वि॒तो म॒णिरा॑ मा॒गन्त्स॒ह वर्च॑सा ॥७॥

दे॒वो म॒णिः स॑प॒त्नहा॑ ध॒नसा॑ ध॒नसा॑तये ।
प॒शोर॑न्नस्य भू॒मानं॑ ग॒वां स्फा॑तिं नि य॑च्छतु ॥८॥

यथा॑ग्रे त्वं व॒नस्प॑ते पु॒ष्ट्या स॒ह ज॑ज्ञिषे ।
ए॒वा ध॑नस्य मे स्फा॒तिमा॑ द॒धातु॑ सर॒स्वती ॥९॥

आ मे॑ ध॒नं सर॑स्वती प॒र्यस्फा॑तिं च ध॒ान्य॑म् ।
सि॒नीवा॒ल्युपा॑ वहा॒दयं॑ चो॒दु॒म्बरो॑ म॒णिः ॥१०॥

त्वं म॑णीनाम॒धिपा॑ वृ॒षासि॑ त्वयि॒ पुष्टं॑ पु॒ष्टप॑तिर्ज॒जान॑ ।
त्व॒यीमे॑ वाजा॒ द्रवि॑णानि॒ सर्वो॑दु॒म्बरः॑ स त्व॒म॒स्मत्स॑हस्व॒ाराद॑रा॒तिम॑तिं

क्षुधं च ॥११॥

ग्राम॒णीर॑सि ग्राम॒णीरु॒त्थाया॑भिषि॒क्तोऽभि मा॑ सिञ्च॒ वर्चसा॑ ।
तेजो॑ऽसि॒ तेजो॑ मयि॒ धार॒याधि॑ र॒यिर॑सि र॒यिं मे॑ धेहि ॥१२॥

पुष्टि॑र॒सि पु॒ष्ट्या मा॑ सम॒ङ्घि गृह॑मे॒धी गृह॑पतिं॒ मा कृणु॑ ।
औदु॑म्बरः स त्वम॒स्मासु॑ धेहि र॒यिं च॑ नः॒ सर्व॑वीरं॒ नि यच्छ॑ रा॒यस्पोषा॑य॒
प्रति॑ मुञ्चे अ॒हं त्वाम् ॥१३॥

अ॒यमौदु॑म्बरो म॒णिर्वी॑रो वी॒राय॑ बध्यते ।
स नः॑ स॒निं मधु॑मतीं कृणोतु र॒यिं च॑ नः॒ सर्व॑वीरं॒ नि यच्छा॑त् ॥१४॥

(३२) द्वात्रिंशं सूक्तम्

(१-१०) दशर्चस्यास्य सूक्तस्य भृगुर्ऋषिः । मन्त्रोक्ता देवता ।

(१-७) प्रथमादिसप्तर्चामनुष्टुप् (८) अष्टम्याः पुरस्ताद्ब्रह्मती

(९) नवम्यास्त्रिष्टुप् (१०) दशम्याश्च जगती छन्दांसि

श॒तका॑ण्डो दुश्च॒यव॑नः स॒हस्र॑पर्ण॒ उत्ति॑रः ।
द॒र्भो य उ॒ग्र ओष॑धि॒स्तं ते॑ ब॒ध्नाम्या॑युषे ॥१॥

नास्य॑ केशान्प्र॒ वप॑न्ति॒ नोर॑सि॒ ताड॑मा घ्नते ।
यस्मा॑ अ॒च्छिन्न॑पर्णेन॒ द॒र्भेण॑ शर्म॒ यच्छ॑ति ॥२॥

द्वि॒वि ते॒ तूल॑मोषधे पृथि॒व्याम॑सि॒ निष्ठि॑तः ।
त्वया॑ स॒हस्र॑काण्डेनायुः प्र॒ वर्ध॑यामहे ॥३॥

ति॒स्रो दि॒वो अत्य॑तृण॒त्तिस्त्र॑ इ॒माः पृथि॑वीरु॒त ।
त्वया॑हं दु॒र्हादीं॑ जि॒ह्वां नि॑ तृण॒घ्नि वचा॑ंसि ॥४॥

त्वम॑सि॒ सह॑मानोऽहम॑स्मि॒ सह॑स्वान् ।

उ॒भौ सह॑स्वन्तौ भू॒त्वा स॒पत्नान्स॑हिषीवहि ॥५॥

सह॑स्व नो अ॒भिमा॑तिं सह॑स्व पृ॒तना॑यतः ।
सह॑स्व सर्वा॒न्दुर्हा॑र्दः सु॒हा॒र्दो मे ब॒हू॒न्कृ॑धि ॥६॥

दु॒र्भे॑ण दे॒वजा॑तेन दि॒वि षृ॒म्भे॒न श॑श्वदित् ।
तेना॒हं श॑श्वतो॒ जना॑ँ अ॒स॒नं॑ स॒न॒वानि॑ च ॥७॥

प्रि॒यं मा॑ द॒र्भ कृ॑णु ब॒ह्मरा॑ज॒न्या॑भ्यां शू॒द्राय॑ चा॒र्याय॑ च ।
यस्मै॑ च का॒मया॑महे॒ सर्व॑स्मै च वि॒पश्य॑ते ॥८॥

यो जा॑यमानः पृ॒थि॒वीम॑दृ॒हद्यो॑ अ॒स्त॒भ्नाद॒न्तरि॑द्धं दि॒वं च ।
यं बि॒भ्र॑तं न॒नु पा॒प्मा वि॑वेद् स नोऽयं दु॒र्भो वरु॑णो दि॒वा कः ॥९॥

स॒प॒त्न॒हा श॑तका॒ण्डः सह॑स्वानोष॒धीनां॑ प्रथ॒मः सं ब॑भूव ।
स नोऽयं दु॒र्भः परि॑ पातु वि॒श्वत॑स्तेन सा॒क्षी॒य पृ॑त॒नाः पृ॑त॒न्यतः ॥१०॥

(३३) त्रयस्त्रिंशं सूक्तम्

(१-५) पञ्चर्चस्यास्य सूक्तस्य भृगुर्ऋषिः । मन्त्रोक्ता देवता ।

(१) प्रथमर्चो जगती (२, ५) द्वितीयापञ्चम्योस्त्रिष्टुप्

(३) तृतीयाया आर्षी पङ्क्तिः (४) चतुर्थ्याश्चास्तारपङ्क्तिश्छन्दांसि

स॒ह॒स्रा॒र्धः श॑तका॒ण्डः प॑र्य॒स्वान॒पाम॑ग्निर्वी॒रुधां॑ राज॒सूर्य॑म् ।
स नोऽयं दु॒र्भः परि॑ पातु वि॒श्वतो॑ दे॒वो म॒णिरा॑युषा॒ सं सृ॑जाति नः ॥१॥

घृ॒तादु॑ल्लु॒प्तो म॑धु॒मान्प॑र्य॒स्वान्भूमि॑दृ॒होऽच्यु॑तश्च॒याव॑यिष्णुः ।
नु॒दन्त्स॑प॒त्नान॑ध॒रांश्च॑ कृ॒णव॑न्दर्भा रौ॒ह मह॑तामिन्द्रि॒येण॑ ॥२॥

त्वं भूमि॑मत्ये॒ष्योर्ज॑सा त्वं वे॒द्यां सी॑दसि॒ चारु॑र॒ध्वरे॑ ।
त्वां प॒वित्र॑मृष॒योऽभ॑रन्त॒ त्वं पु॑नीहि॒ दुरि॑तान्य॒स्मत् ॥३॥

तीक्ष्णो राजा विषासही रक्षोहा विश्वचर्षणिः ।
ओजो देवानां बलमुग्रमेतत्तं तै बध्नामि जुरसे स्वस्तये ॥४॥

दुर्भेण त्वं कृणवद्वीर्याणि दुर्भं बिभ्रदात्मना मा व्यथिष्ठाः ।
अतिष्ठाया वर्चसाधान्यान्तसूर्य इवा भाहि प्रदिशश्चतस्रः ॥५॥

(३४) चतुस्त्रिंशं सूक्तम्

(१-१०) दशर्चस्यास्य सूक्तस्याङ्गिरा ऋषिः ।

मन्त्रोक्ता वनस्पतिर्देवता । अनुष्टुप् छन्दः

जङ्गिडो ऽसि जङ्गिडो रक्षितासि जङ्गिदः ।
द्विपाच्चतुष्पादस्माकं सर्वं रक्षतु जङ्गिदः ॥१॥

या गृत्स्यस्त्रिपञ्चाशीः शतं कृत्याकृतश्च ये ।
सर्वान्विनक्तु तेजसोऽरसां जङ्गिदस्करत् ॥२॥

अरसं कृत्रिमं नादमरसाः सप्त विस्त्रसः ।
अपेतो जङ्गिडामतिमिषुमस्तैव शातय ॥३॥

कृत्यादूर्षण एवायमथो अरातिदूर्षणः ।
अथो सहस्वां जङ्गिडः प्र ण आयुषि तारिषत् ॥४॥

स जङ्गिडस्य महिमा परि णः पातु विश्वतः ।
विष्कन्धं येन सासह संस्कन्धमोज् ओजसा ॥५॥

त्रिष्ठा देवा अजनयन्निष्ठितं भूम्यामधि ।
तमु त्वाङ्गिरा इति ब्राह्मणाः पूर्व्या विदुः ॥६॥

न त्वा पूर्वा ओर्षधयो न त्वा तरन्ति या नवाः ।
विबाध उग्रो जङ्गिडः परिपाणः सुमङ्गलः ॥७॥

अथोपदान भगवो जाङ्गिडामितवीर्य ।
पुरा त उग्रा ग्रसत उपेन्द्रौ वीर्यं ददौ ॥८॥

उग्र इत्ते वनस्पत इन्द्र ओज्मानमा दधौ ।
अमीवाः सर्वाश्चातयं जहि रक्षांस्योषधे ॥९॥

आशीरीकं विशरीकं बलासं पृष्ट्यामयम् ।
तक्मानं विश्वशारदमरसां जङ्गिडस्करत् ॥१०॥

(३५) पञ्चत्रिंशं सूक्तम्

(१-५) पञ्चर्चस्यास्य सूक्तस्याङ्गिरा ऋषिः । मन्त्रोक्ता वनस्पतिर्देवता ।

(१-२, ५) प्रथमाद्वितीयापञ्चमीनामृचामनुष्टुप्

(३) तृतीयायाः पथ्यापङ्क्तिः (४) चतुर्थ्याश्च निचृत्त्रिष्टुप् छन्दांसि

इन्द्रस्य नाम गृह्णन्त ऋषयो जङ्गिदं ददुः ।
देवा यं चक्रुर्भेषजमग्रै विष्कन्धदूषणम् ॥१॥

स नो रक्षतु जङ्गिडो धनपालो धनेव ।
देवा यं चक्रुर्ब्राह्मणाः परिपाणमरातिहम् ॥२॥

दुर्हार्दः संघौरं चक्षुः पापकृत्वानुमार्गमम् ।
तांस्त्वं सहस्रचक्षो प्रतीबोधेन नाशय परिपाणोऽसि जङ्गिडः ॥३॥

परि मा दिवः परि मा पृथिव्याः पर्यन्तरिक्षात्परि मा वीरुद्धः ।
परि मा भूतात्परि मोत भव्याद्दिशोदिशो जङ्गिडः पात्वस्मान् ॥४॥

य ऋष्णवो देवकृता य उतो ववृतेऽन्यः ।
सर्वा स्तान्विश्वभेषजोऽरसां जङ्गिडस्करत् ॥५॥

(३६) षट्त्रिंशं सूक्तम्

(१-६) षडृचस्यास्य सूक्तस्य ब्रह्मा ऋषिः । शतवारो देवता । अनुष्टुप् छन्दः
शतवारो अनीनशद्यद्वमान्रक्षांसि तेजसा ।
आरोहन्वर्चसा सह मणिर्दुर्गाम्चातनः ॥१॥

शृङ्गाभ्यां रक्षौ नुदते मूलैर्न यातुधान्यः ।
मध्येन यद्वमं बाधते नैनं पाप्माति तत्रति ॥२॥

ये यद्वमांसो अर्भका महान्तो ये च शब्दिनः ।
सर्वान्दुर्गामहा मणिः शतवारो अनीनशत् ॥३॥

शतं वीरानजनयच्छतं यद्वमानपावपत् ।
दुर्गाम्नः सर्वान्हत्वाव रक्षांसि धूनुते ॥४॥

हिरण्यशृङ्ग ऋषभः शातवारो अयं मणिः ।
दुर्गाम्नः सर्वास्तृड्वाव रक्षांस्यक्रमीत् ॥५॥

शतमहं दुर्गाम्नीनां गन्धर्वाप्सरसां शतम् ।
शतं शश्वन्वतीनां शतवारिण वारये ॥६॥

(३७) सप्तत्रिंशं सूक्तम्

(१-४) चतुर्ऋचस्यास्य सूक्तस्याथर्वा ऋषिः । अग्निर्देवता ।
(१) प्रथमर्चस्त्रिष्टुप् (२) द्वितीयाया आस्तारपङ्क्तिः
(३) तृतीयायास्त्रिपदा महाबृहती (४) चतुर्थ्याश्च पुर उष्णिक् छन्दांसि
इदं वर्चो अग्निना दत्तमागुम्भर्गो यशः सह ओजो वयो बलम् ।
त्रयस्त्रिंशद्दानि च वीर्याणि तान्यग्निः प्र ददातु मे ॥१॥

वर्च आ धेहि मे तन्वांश्च सह ओजो वयो बलम् ।
इन्द्रियाय त्वा कर्मणे वीर्याय प्रति गृह्णामि शतशारदाय ॥२॥

ऊर्जे त्वा बलाय त्वौजसे सहसे त्वा ।
अभिभूयाय त्वा राष्ट्रभृत्याय पर्यूहामि शतशारदाय ॥३॥

ऋतुभिष्ट्वार्तवैरायुषे वर्चसे त्वा ।
संवत्सरस्य तेजसा तेन संहनु कृणमसि ॥४॥

(३८) अष्टात्रिंशं सूक्तम्

(१-३) तृचस्यास्य सूक्तस्याथर्वा ऋषिः । गुग्गुलुर्देवता । (१) प्रथमर्चोऽनुष्टुप्
(२) द्वितीयायाश्चतुष्पदोष्णिक (३) तृतीयायाश्चैकावसाना प्राजापत्यानुष्टुप् छन्दांसि
न तं यद्दमा अरुन्धते नैनं शपथौ अश्नुते ।
यं भेषजस्य गुल्गुलोः सुरभिर्गन्धो अश्नुते ॥१॥

विष्वञ्चस्तस्माद्यद्दमा मृगा अश्वा इवेरते ।
यद्गुल्गुलु सैन्धवं यद्वाप्यसि समुद्रियम् ॥२॥

उभयौरग्रभं नामास्मा अरिष्टतातये ॥३॥

(३९) एकोनचत्वारिंशं सूक्तम्

(१-१०) दशर्चस्यास्य सूक्तस्य भृग्वङ्गिरा ऋषिः । कुष्ठो देवता । (१, ६-१०)
प्रथमानवमीदशमीनामृचामनुष्टुप् (२-३) द्वितीयातृतीययोरुच्यवसाना पथ्यापङ्क्तिः
(४) चतुर्थ्याः षट्पदा जगती (५) पञ्चम्याश्चतुरवसाना सप्तपदा शक्वरी
(६-८) षष्ठ्यादितृचस्य च चतुरवसानाष्टपदाष्टिश्छन्दांसि
ऐतु देवस्त्रायमाणः कुष्ठौ हिमवतस्परि ।
तक्मानं सर्वं नाशयु सर्वाश्च यातुधान्यः ॥१॥

त्रीणि ते कुष्ठ नामानि नद्यमारौ नद्यारिषः ।
नद्यायं पुरुसो रिषत् ।
यस्मै परिव्रवीमि त्वा सायंप्रातरथो दिवा ॥२॥

जीव॒ला नाम॑ ते मा॒ता जीव॑न्तो नाम॑ ते पि॒ता ।
न॒द्यायं॑ पुरु॒षो रिषत् ।
यस्मै॑ परि॒ब्रवी॑मि त्वा सा॒यंप्रा॑तर॒थो दिवा॑ ॥३॥

उ॒त्त॒मो अ॒स्योष॑धीनाम॒न॒ड्वान्ज॑गतामिव व्या॒घ्रः श्व॑प॒दामिव॑ ।
न॒द्यायं॑ पुरु॒षो रिषत् ।
यस्मै॑ परि॒ब्रवी॑मि त्वा सा॒यंप्रा॑तर॒थो दिवा॑ ॥४॥

त्रिः॑ शा॒म्बु॒भ्यो अ॒ङ्गिरे॑भ्यस्त्रि॒रा॒दित्ये॑भ्यस्परि॑ ।
त्रि॒र्जा॒तो वि॒श्वदे॑वेभ्यः ।
स कु॒ष्ठो वि॒श्वभै॑षजः सा॒कं सोमै॑न तिष्ठति ।
त॒क्मानं॑ सर्वं॑ नाशय॒ सर्वा॑श्च यातु॒धान्यः॑ ॥५॥

अ॒श्व॒त्थो दे॒व॒स॒दन॑स्तृती॒यस्या॑मि॒तो दि॒वि ।
तत्रा॑मृ॒तस्य॑ च॒क्षुं ततः॑ कु॒ष्ठो अ॑जायत ।
स कु॒ष्ठो वि॒श्वभै॑षजः सा॒कं सोमै॑न तिष्ठति ।
त॒क्मानं॑ सर्वं॑ नाशय॒ सर्वा॑श्च यातु॒धान्यः॑ ॥६॥

हि॒र॒ण्य॒यी नौ॑र॒चर॑द्धि॒र॒ण्यब॑न्धना दि॒वि ।
तत्रा॑मृ॒तस्य॑ च॒क्षुं ततः॑ कु॒ष्ठो अ॑जायत ।
स कु॒ष्ठो वि॒श्वभै॑षजः सा॒कं सोमै॑न तिष्ठति ।
त॒क्मानं॑ सर्वं॑ नाशय॒ सर्वा॑श्च यातु॒धान्यः॑ ॥७॥

यत्र॑ नाव॒प्रभ्रं॑शनं॒ यत्र॑ हि॒मव॑तुः शि॒रः ।
तत्रा॑मृ॒तस्य॑ च॒क्षुं ततः॑ कु॒ष्ठो अ॑जायत ।
स कु॒ष्ठो वि॒श्वभै॑षजः सा॒कं सोमै॑न तिष्ठति ।
त॒क्मानं॑ सर्वं॑ नाशय॒ सर्वा॑श्च यातु॒धान्यः॑ ॥८॥

यं त्वा वेद पूर्व इक्ष्वाको यं वा त्वा कुष्ठ काम्यः ।
यं वा वसो यमात्स्यस्तेनासि विश्वभेषजः ॥६॥

शीर्षलोकं तृतीयकं सदुन्दिर्यश्च हायनः ।
तुक्मानं विश्वधावीर्याधराञ्च परा सुव ॥१०॥

(४०) चत्वारिंशं सूक्तम्

(१-४) चतुर्ऋचस्यास्य सूक्तस्य ब्रह्मा ऋषिः । बृहस्पतिर्विश्वे देवा वा देवताः ।
(१) प्रथमर्चः परानुष्टुप्त्रिष्टुप् (२) द्वितीयायाः पुरःककुम्मत्युपरिष्ठाद्बृहती
(३) तृतीयाया बृहतीगर्भानुष्टुप् (४) चतुर्थ्याश्च त्रिपदार्षी गायत्री छन्दांसि
यन्मै छिद्रं मनसो यच्च वाचः सरस्वती मन्युमन्तं जगाम ।
विश्वैस्तद्देवैः सह संविदानः सं दधातु बृहस्पतिः ॥१॥

मा न आपौ मेधां मा ब्रह्म प्र मथिष्टन ।
शुष्यदा यूयं स्यन्दध्वमुपहूतोऽहं सुमेधा वर्चस्वी ॥२॥

मा नो मेधां मा नो दीक्षां मा नो हिंसिष्टं यत्तपः ।
शिवा नः शं सन्त्वार्युषे शिवा भवन्तु मातरः ॥३॥

मा नः पीपरदश्विना ज्योतिष्मती तमस्तिरः ।
तामस्मे रासतामिषम् ॥४॥

(४१) एकचत्वारिंशं सूक्तम्

(१) एकर्चस्यास्य सूक्तस्य ब्रह्मा ऋषिः । तपो देवता । त्रिष्टुप् छन्दः
भद्रमिच्छन्त ऋषयः स्वर्विदस्तपो दीक्षामुपनिषेदुरग्रे ।
ततो राष्ट्रं बलमोजश्च जातं तदस्मै देवा उपसंनमन्तु ॥१॥

(४२) द्विचत्वारिंशं सूक्तम्

(१-४) चतुर्ऋचस्यास्य सूक्तस्य ब्रह्मा ऋषिः । ब्रह्म देवता ।

(१) प्रथमर्चोऽनुष्टुप् (२) द्वितीयायास्त्रयवसाना ककुम्मती पथ्यापङ्क्तिः

(३) तृतीयायास्त्रिष्टुप् (४) चतुर्थ्याश्च जगती छन्दांसि

ब्रह्म होता ब्रह्म यज्ञा ब्रह्मणा स्वरवो मिताः ।
अध्वर्युर्ब्रह्मणो जातो ब्रह्मणोऽन्तर्हितं हविः ॥१॥

ब्रह्म स्रुचौ घृतवतीर्ब्रह्मणा वेदिरुद्धिता ।
ब्रह्म यज्ञस्य तत्त्वं च ऋत्विजो ये हविष्कृतः ।
शमिताय स्वाहा ॥२॥

अंहोमुचे प्र भरे मनीषामा सुत्राव्यौ सुमतिमावृणानः ।
इममिन्द्र प्रति हव्यं गृभाय सत्याः सन्तु यजमानस्य कामाः ॥३॥

अंहोमुचं वृषभं यज्ञियानां विराजन्तं प्रथममध्वराणाम् ।
अपां नपातमश्विना हुवे धियं इन्द्रियेण त इन्द्रियं दत्तमोजः ॥४॥

(४३) त्रिचत्वारिंशं सूक्तम्

(१-८) अष्टर्चस्यास्य सूक्तस्य ब्रह्मा ऋषिः । मन्त्रोक्ता ब्रह्मा वा देवता ।

त्रयवसाना शङ्कुमती पथ्यापङ्क्तिश्छन्दः

यत्र ब्रह्मविदो यान्ति दीक्षया तपसा सह ।
अग्निर्मा तत्र नयत्वग्निर्मेधा दधातु मे ।
अग्नये स्वाहा ॥१॥

यत्र ब्रह्मविदो यान्ति दीक्षया तपसा सह ।
वायुर्मा तत्र नयतु वायुः प्राणान्दधातु मे ।
वायवे स्वाहा ॥२॥

यत्र ब्रह्मविदो यान्ति दीक्षया तपसा सह ।
सूर्यो मा तत्र नयतु चक्षुः सूर्यो दधातु मे ।
सूर्याय स्वाहा ॥३॥

यत्र ब्रह्मविदो यान्ति दीक्षया तपसा सह ।
चन्द्रो मा तत्र नयतु मनश्चन्द्रो दधातु मे ।
चन्द्राय स्वाहा ॥४॥

यत्र ब्रह्मविदो यान्ति दीक्षया तपसा सह ।
सोमो मा तत्र नयतु पयः सोमो दधातु मे ।
सोमाय स्वाहा ॥५॥

यत्र ब्रह्मविदो यान्ति दीक्षया तपसा सह ।
इन्द्रो मा तत्र नयतु बलमिन्द्रो दधातु मे ।
इन्द्राय स्वाहा ॥६॥

यत्र ब्रह्मविदो यान्ति दीक्षया तपसा सह ।
आपो मा तत्र नयत्वमृतं मोषं तिष्ठतु ।
अद्भ्यः स्वाहा ॥७॥

यत्र ब्रह्मविदो यान्ति दीक्षया तपसा सह ।
ब्रह्मा मा तत्र नयतु ब्रह्मा ब्रह्म दधातु मे ।
ब्रह्मणे स्वाहा ॥८॥

(४४) चतुश्चत्वारिंशं सूक्तम्

(१-१०) दशर्चस्यास्य सूक्तस्य भृगुर्नृषिः । (१-७, १०) प्रथमादिसप्तर्चा
दशम्याश्चाञ्जनम् (८-९) अष्टमीनवम्योश्च वरुणो देवते । (१-३, ६-१०)
प्रथमादितृचस्य षष्ठ्यादिपञ्चानाञ्चानुष्टुप् (४) चतुर्थ्याश्चतुष्पदा शङ्कुमत्युष्णिक
(५) पञ्चम्याश्च त्रिपदा निचृद्विषमा गायत्री छन्दांसि

आयुषोऽसि प्रतरं विप्रं भेषजमुच्यसे ।
तदाञ्जनं त्वं शंताते शमापो अभयं कृतम् ॥१॥

यो हरिमा जायान्योऽङ्गभेदो विसर्पकः ।

सर्वं ते यद्ममङ्गेभ्यो ब्रहिर्निर्हन्त्वाञ्जनम् ॥२॥

आञ्जनं पृथिव्यां जातं भद्रं पुरुषजीवनम् ।
कृणोत्वप्रमायुकं रथजूतिमनागसम् ॥३॥

प्राणं प्राणं त्रायस्वासो असवे मृड ।
निर्ऋते निर्ऋत्या नः पाशैभ्यो मुञ्च ॥४॥

सिन्धोर्गर्भोऽसि विद्युतां पुष्पम् ।
वार्तः प्राणः सूर्यश्चक्षुर्दिवस्पयः ॥५॥

देवाञ्जन त्रैककुटं परि मा पाहि विश्वतः ।
न त्वा तरन्त्योषधयो ब्राह्म्याः पर्वतीया उत ॥६॥

वीरुदं मध्यमवासृपद्रक्षोहामीवचातनः ।
अमीवाः सर्वाश्चातर्यन्नाशयदभिभा इतः ॥७॥

ब्रह्मिरेदं राजन्वरुणानृतमाह पूरुषः ।
तस्मात्सहस्रवीर्यं मुञ्च नः पर्यहंसः ॥८॥

यदापो अघ्नया इति वरुणेति यदूचिम ।
तस्मात्सहस्रवीर्यं मुञ्च नः पर्यहंसः ॥९॥

मित्रश्च त्वा वरुणश्चानुप्रेयतुराञ्जन ।
तौ त्वानुगत्य दूरं भोगाय पुनरोहतुः ॥१०॥

(४५) पञ्चचत्वारिंशं सूक्तम्

(१-१०) दशर्चस्यास्य सूक्तस्य भृगुर्ऋषिः । (१-५) प्रथमादिपञ्चर्चामाञ्जनम्
(६-१०) षष्ठ्यादिपञ्चानाञ्च मन्त्रोक्ता देवताः । (१-२) प्रथमाद्वितीययोर्ऋचोरनुष्टुप्

(३-५) तृतीयादितृचस्य त्रिष्टुप् (६) षष्ठ्या एकावसाना विरागमहाबृहती
(७-१०) सप्तम्यादिचतसृणाञ्चैकावसाना निचृन्महाबृहती छन्दांसि
ऋणादृणमिव संनयन्कृत्यां कृत्याकृतौ गृहम् ।
चक्षुर्मन्त्रस्य दुर्हार्दः पृष्टीरपि शृणाञ्जन ॥१॥

यदस्मासु दुष्वप्रच्यं यद्गोषु यच्च नो गृहे ।
अनामगस्तच्च दुर्हार्दोप्रियः प्रति मुञ्चताम् ॥२॥

अपामूर्ज ओजसो वावृधानमग्नेर्जातमधि जातवैदसः ।
चतुर्वीरं पर्वतीयं यदाञ्जनं दिशः प्रदिशः करदिच्छिवास्ते ॥३॥

चतुर्वीरं बध्यत आञ्जनं ते सर्वा दिशो अभयास्ते भवन्तु ।
ध्रुवस्तिष्ठासि सवितेव चार्य इमा विशौ अभि हरन्तु ते बलिम् ॥४॥

आद्वैकं मृणिमेकं कृष्णुष्व स्राह्येकेना पिबैकमेषाम् ।
चतुर्वीरं नैऋतेभ्यश्चतुर्भ्यो ग्राह्या बन्धेभ्यः परि पात्वस्मान् ॥५॥

अग्निर्माग्निनावतु प्राणायानायायुषे वर्चस ओजसे तेजसे स्वस्तये
सुभूतये स्वाहा ॥६॥

इन्द्रो मेन्द्रियेणावतु प्राणायानायायुषे वर्चस ओजसे तेजसे स्वस्तये
सुभूतये स्वाहा ॥७॥

सोमो मा सौम्येनावतु प्राणायानायायुषे वर्चस ओजसे तेजसे स्वस्तये
सुभूतये स्वाहा ॥८॥

भगो मा भगेनावतु प्राणायानायायुषे वर्चस ओजसे तेजसे स्वस्तये
सुभूतये स्वाहा ॥९॥

म॒रुतो॑ मा ग॒णैर॑वन्तु प्रा॒णार्या॑पानायायुषे॒ वर्च॑स॒ ओज॑से तेज॑से स्व॒स्तये॑
सुभू॒तये॑ स्वाहा ॥१०॥

(४६) षट्चत्वारिंशं सूक्तम्

(१-७) सप्तर्चस्यास्य सूक्तस्य प्रजापतिर्ऋषिः । अस्तृतमणिर्देवता । (१) प्रथमर्चः
पञ्चपदा मध्येज्योतिष्मती त्रिष्टुप् (२) द्वितीयाया षट्पदा भुरिक् शक्वरी
(३, ७) तृतीयासप्तम्योः पञ्चपदा पथ्यापङ्क्तिः (४) चतुर्थ्याश्चतुष्पदा त्रिष्टुप्
(५) पञ्चम्याः पञ्चपदा शक्वरी (६) षष्ठ्याश्च पञ्चपदोष्णिग्गर्भा विराड्जगती छन्दांसि
प्रजापतिष्ठा बध्नात्प्रथममस्तृतं वीर्यायि कम् ।
तत्ते बध्नाम्यायुषे वर्चस॒ ओज॑से च॒ बला॑य॒ चास्तृत॑स्त्वा॒भि र॑क्षतु ॥१॥

ऊ॒र्ध्वस्तिष्ठ॑तु र॒क्षन्न॑प्रमादमस्तृ॒तेमं॑ मा त्वा॑ दभन्प॒णयो॑ यातु॒धानाः॑ ।
इन्द्र॑ इव॒ दस्यून॑व॒ धूनु॑ष्व॒ पृत॑न्यतः सर्वा॑च्छत्रून्वि ष॒हस्वास्तृत॑स्त्वा॒भि र॑क्षतु
॥२॥

श॒तं च॒ न प्र॒हर॑न्तो नि॒घ्नन्तो॑ न त॑स्तिरे ।
तस्मि॒न्निन्द्रः॑ पर्यदत्त॒ चक्षुः॑ प्रा॒णमथो॑ बल॒मस्तृत॑स्त्वा॒भि र॑क्षतु ॥३॥

इन्द्र॑स्य त्वा॒ वर्म॑णा॒ परि॑ धापयामो॒ यो दे॒वाना॑मधि॒राजो॑ ब्र॒भूव॑ ।
पुन॑स्त्वा दे॒वाः प्र॒णय॑न्तु॒ सर्वेऽस्तृत॑स्त्वा॒भि र॑क्षतु ॥४॥

अस्मि॒न्म॒णावेक॑शतं वी॒र्या॑णि स॒हस्रं॑ प्रा॒णा अस्मि॒न्नस्तृ॑ते ।
व्याघ्रः॑ शत्रू॒न्भि तिष्ठ॑ सर्वा॒न्यस्त्वा॑ पृत॒न्यादध॑रः सो अ॒स्त्वस्तृत॑स्त्वा॒भि र॑क्षतु ॥५॥

घृ॒तादु॒ल्लुप्तो॑ मधु॒मान्प॑यस्वान्तस॒हस्र॑प्राणः श॒तयो॑निर्व॒योधाः॑ ।
शं॒भूश्च॑ मयो॒भूश्चो॑र्ज॒स्वांश्च॑ पय॒स्वांश्चास्तृत॑स्त्वा॒भि र॑क्षतु ॥६॥

यथा॒ त्वमु॑त्तरोऽसौ अस॒पत्नः॑ स॒पत्न॑हा ।

सृजातानामसद्दृशी तथा त्वा सविता कर्दस्तृतस्त्वाभि रक्षतु ॥७॥

(४७) सप्तचत्वारिंशं सूक्तम्

(१-६) नवर्चस्यास्य सूक्तस्य गोपथ ऋषिः । रात्रिर्देवता ।

(१) प्रथमर्चः पथ्याबृहती (२) द्वितीयायाः पञ्चपदानुष्टुब्गर्भा परातिजगती
(३-५, ८-६) तृतीयादितृचस्याष्टमीनवम्योश्चानुष्टुप् (६) षष्ठ्याः पुरस्ताद्बृहती
(७) सप्तम्याश्च त्र्यवसाना षट्पदा जगती छन्दांसि

आ रात्रि पार्थिवं रजः पितुरप्रायि धामभिः ।

दिवः सदांसि बृहती वि तिष्ठसु आ त्वेषं वर्तते तमः ॥१॥

न यस्याः पारं ददृशे न योर्युवद्विष्वमस्यां नि विशते यदेजति ।

अरिष्टासस्त उर्वि तमस्वति रात्रि पारमशीमहि भद्रे पारमशीमहि ॥२॥

ये ते रात्रि नृचक्षसो द्रष्टारौ नवतीर्नव ।

अशीतिः सन्त्यष्टा उतो ते सप्त सप्ततिः ॥३॥

षष्टिश्च षट्च रेवति पञ्चाशत्पञ्च सुमयि ।

चत्वारश्चत्वारिंशच्च त्रयस्त्रिंशच्च वाजिनि ॥४॥

द्वौ च ते विंशतिश्च ते रात्र्येकादशावमाः ।

तेभिर्नो अद्य पायुभिर्नु पाहि दुहितर्दिवः ॥५॥

रक्षा मार्किर्नो अघशंस ईशत मा नो दुःशंस ईशत ।

मा नो अद्य गवां स्तेनो मार्वीनां वृक ईशत ॥६॥

माश्वानां भद्रे तस्करो मा नृणां यातुधान्यः ।

परमेभिः पथिभि स्तेनो धावतु तस्करः ।

परैण दत्वती रज्जुः परैणाघायुरेर्षतु ॥७॥

अ॒र्धं रा॒त्रि तृ॒ष्टधूम॑मशी॒र्षाणु॑महिं कृ॒णु ।
ह॒नू वृ॒कस्य॑ ज॒म्भया॑स्ते॒न तं द्रु॑पदे ज॒हि ॥८॥

त्वयि॑ रा॒त्रि व॒साम॑सि स्व॒पि॒ष्याम॑सि जा॒गृ॒हि ।
गो॒भ्यो नः॑ श॒र्म य॒च्छाश्चै॒भ्यः पु॒रु॒षेभ्यः॑ ॥९॥

(४८) अष्टचत्वारिंशं सूक्तम्

(१-६) षडृचस्यास्य सूक्तस्य गोपथ ऋषिः । रात्रिर्देवता । (१) प्रथमर्चस्त्रिपदार्षी
गायत्री (२) द्वितीयायास्त्रिपदा विराडनुष्टुप् (३) तृतीयाया बृहतीगर्भानुष्टुप्
(४, ६) चतुर्थीषष्ठ्योरनुष्टुप् (५) पञ्चम्याश्च पथ्यापङ्क्तिश्छन्दांसि
अथो॒ यानि॑ च॒ यस्मा॑ ह॒ यानि॑ चान्तः प॒री॒णहि॑ ।
तानि॑ ते॒ परि॑ दद्यसि ॥१॥

रा॒त्रि मा॒तरु॑षसै॒ नः परि॑ देहि ।
उ॒षो नो॒ अ॒ह्ने परि॑ ददा॒त्वह॑स्तु॒भ्यं वि॒भावरि॑ ॥२॥

यत्किं॑ चे॒दं प॒तय॑ति॒ यत्किं॑ चे॒दं सं॒री॒सृप॑म् ।
यत्किं॑ च॒ पर्व॑ताया॒सत्त्वं॑ तस्मा॒त्त्वं रा॑त्रि पाहि नः ॥३॥

सा प॒श्चात्पा॑हि सा पु॒रः सो॒त्तरा॑द॒धरा॑दु॒त ।
गो॒पाय॑ नो विभावरि॑ स्तो॒तार॑स्त इ॒ह स्म॑सि ॥४॥

ये रा॒त्रिम॑नु॒तिष्ठ॑न्ति॒ ये च॑ भू॒तेषु॑ जाग्रति ।
प॒शून्ये॑ सर्वा॒न्नक्ष॑न्ति॒ ते न॑ आ॒त्मसु॑ जाग्रति॒ ते नः॑ प॒शुषु॑ जाग्रति ॥५॥

वे॒दु वै रा॑त्रि ते॒ नाम॑ घृ॒ताची॑ नाम॒ वा अ॑सि ।
तां त्वां भ॒रद्वा॑जो वे॒दु सा नो॑ वि॒त्तेऽधि॑ जाग्रति ॥६॥

(४६) एकोनपञ्चाशं सूक्तम्

(१-१०) दशर्चस्यास्य सूक्तस्य गोपथो भरद्वाजश्च ऋषी । रात्रिर्देवता । (१-५, ८)
 प्रथमादिपञ्चार्चामष्टम्याश्च त्रिष्टुप् (६) षष्ठ्या आस्तारपङ्क्तिः (७) सप्तम्याः पथ्यापङ्क्तिः
 (८) नवम्या अनुष्टुप् (१०) दशम्याश्च त्र्यवसाना षट्पदा जगती छन्दांसि
 इषिरा योषा युवतिर्दमूना रात्री देवस्य सवितुर्भगस्य ।
 अश्वक्षभा सुहवा संभृतश्रीरा पप्रौ द्यावापृथिवी महित्वा ॥१॥

अति विश्वान्यरुहद्रम्भीरो वर्षिष्ठमरुहन्त श्रविष्ठाः ।
 उशती रात्र्यनु सा भद्राभि तिष्ठते मित्र इव स्वधाभिः ॥२॥

वर्ये वन्द्ये सुभगे सुजात आजगत्रात्रि सुमना इह स्याम् ।
 अस्मांस्त्रायस्व नर्याणि जाता अथो यानि गव्यानि पुष्ट्या ॥३॥

सिंहस्य रात्र्युशती पीषस्य व्याघ्रस्य द्वीपिनो वर्च आ ददे ।
 अश्वस्य ब्रध्नं पुरुषस्य मायुं पुरु रूपाणि कृणुषे विभाती ॥४॥

शिवां रात्रिमनुसूर्यं च हिमस्य माता सुहवा नो अस्तु ।
 अस्य स्तोमस्य सुभगे नि बौध येन त्वा वन्दे विश्वासु दिक्षु ॥५॥

स्तोमस्य नो विभावरि रात्रि राजैव जोषसे ।
 असाम् सर्ववीरा भवाम् सर्ववेदसो व्युच्छन्तीरनूषसः ॥६॥

शम्या ह नाम दधिषे मम दिप्सन्ति ये धना ।
 रात्रीहि तानसुतपा य स्तेनो न विद्यते यत्पुनर्न विद्यते ॥७॥

भद्रासि रात्रि चमसो न विष्टो विष्वं गोरूपं युवतिर्बिभर्षि ।
 चक्षुष्मती मे उशती वपूषि प्रति त्वं दिव्या न क्षाममुक्थाः ॥८॥

यो अद्य स्तेन आर्यत्यघायुर्मर्त्यो रिपुः ।

रात्री तस्य प्रतीत्य प्र ग्रीवाः प्र शिरौ हनत् ॥६॥

प्र पादौ न यथार्यति प्र हस्तौ न यथाशिषत् ।
यो मलिम्लुरुपायति स संपिष्टो अपायति ।
अपायति स्वपायति शुष्कै स्थाणावपायति ॥१०॥

(५०) पञ्चाशं सूक्तम्

(१-७) समर्चस्यास्य सूक्तस्य गोपथ ऋषिः । रात्रिर्देवता । अनुष्टुप् छन्दः
अर्ध रात्रि तृष्टधूममशीर्षाणमहिं कृणु ।
अक्षौ वृकस्य निर्जह्यास्तेन तं द्रुपदे जहि ॥१॥

ये ते रात्र्यनद्वाहस्तीक्ष्णाशृङ्गाः स्वाशर्वः ।
तेभिर्नो अद्य पारयाति दुर्गाणि विश्वहा ॥२॥

रात्रिरात्रिमरिष्यन्तस्तरैम तन्वा वयम् ।
गम्भीरमप्लावा इव न तरियुररातयः ॥३॥

यथा शाम्याकः प्रपतन्नपवान्नुविद्यते ।
एवा रात्रि प्र पातय यो अस्माँ अभ्यघायति ॥४॥

अप स्तेनं वासो गोअजमुत तस्करम् ।
अथो यो अर्वतः शिरौऽभिधाय निनीषति ॥५॥

यदद्य रात्रि सुभगे विभजन्त्यो वसु ।
यदेतदस्मान्भोजय यथेदन्यानुपायसि ॥६॥

उषसे नः परि देहि सर्वान्नात्र्यनागसः ।
उषा नो अहे आ भजादहस्तुभ्यं विभावरि ॥७॥

(५१) एकपञ्चाशं सूक्तम्

(१-२) द्व्यृचस्यास्य सूक्तस्य ब्रह्मा ऋषिः । (१) प्रथमर्च आत्मा

(२) द्वितीयायाश्च सविता देवते । (१) प्रथमाया एकावसाना ब्राह्मचनुष्टुप्

(२) द्वितीयायाश्चैकावसाना त्रिपदा यवमध्योष्णिक् छन्दसी

अयुतोऽहमयुतो म आत्मायुतं मे चक्षुरयुतं मे श्रोत्रमयुतो मे प्राणोऽयुतो
मेऽपानोऽयुतो मे व्यानोऽयुतोऽहं सर्वः ॥१॥

देवस्य त्वा सवितुः प्रसुवेऽश्विनौर्बाहुभ्यां पूष्णो हस्ताभ्यां प्रसूत आ रभे
॥२॥

(५२) द्विपञ्चाशं सूक्तम्

(१-५) पञ्चर्चस्यास्य सूक्तस्य ब्रह्मा ऋषिः । कामो देवता ।

(१-२, ४) प्रथमाद्वितीयाचतुर्थीनामृचां त्रिष्टुप्

(३) तृतीयायाश्चतुष्पदोष्णिक् (५) पञ्चम्याश्चोपरिष्टाद्बृहती छन्दांसि

कामस्तदग्रे समवर्तत मनसो रेतः प्रथमं यदासीत् ।

स काम् कामेन बृहता सयोनी रायस्पोषं यजमानाय धेहि ॥१॥

त्वं काम् सहसासि प्रतिष्ठितो विभुर्विभावा सख् आ संखीयते ।
त्वमुग्रः पृतनासु सासहिः सह ओजो यजमानाय धेहि ॥२॥

दूराच्चकमानाय प्रतिपाणायान्क्षये ।

आस्मा अशृण्वन्नाशाः कामेनाजनयन्त्स्वः ॥३॥

कामेन मा काम् आगन्द्दयाद्धृदयं परि ।

यदमीषाम्दो मनस्तदैतूप मामिह ॥४॥

यत्काम कामयमाना इदं कृणमसि ते हविः ।

तन्नः सर्वं समृध्यतामथैतस्यै हविषो वीहि स्वाहा ॥५॥

(५३) त्रिपञ्चाशं सूक्तम्

(१-१०) दशर्चस्यास्य सूक्तस्य भृगुर्ऋषिः । सर्वात्मकः कालो देवता ।

(१-४) प्रथमादिचतुर्ऋचां त्रिष्टुप् (५) पञ्चम्या निचृत्पुरस्ताद्बृहती

(६-१०) षष्ठ्यादिपञ्चानाञ्चानुष्टुप् छन्दांसि

कालो अश्वौ वहति सप्तरेश्मिः सहस्राक्षो अजरो भूरिरिताः ।

तमा रौहन्ति कवयो विपश्चितस्तस्य चक्रा भुवनानि विश्वा ॥१॥

सप्त चक्रान्वहति काल एष सप्तास्य नाभीरमृतं न्वक्षः ।

स इमा विश्वा भुवनान्यञ्जत्कालः स ईयते प्रथमो नु देवः ॥२॥

पूर्णः कुम्भोऽधि काल आहितस्तं वै पश्यामो बहुधा नु सन्तः ।

स इमा विश्वा भुवनानि प्रत्यङ्कालं तमाहुः परमे व्योमिन् ॥३॥

स एव सं भुवनान्याभरत्स एव सं भुवनानि पर्यैत् ।

पिता सन्नभवत्पुत्र एषां तस्माद्वै नान्यत्परमस्ति तेजः ॥४॥

कालोऽमूं दिवमजनयत्काल इमाः पृथिवीरुत ।

काले ह भूतं भव्यं चेष्टितं ह वि तिष्ठते ॥५॥

कालो भूतिमसृजत काले तपति सूर्यः ।

काले ह विश्वा भूतानि काले चक्षुर्वि पश्यति ॥६॥

काले मनः काले प्राणः काले नाम समाहितम् ।

कालेन सर्वा नन्दन्त्यागतेन प्रजा इमाः ॥७॥

काले तपः काले ज्येष्ठं काले ब्रह्म समाहितम् ।

कालो ह सर्वस्येश्वरो यः पितासीत्प्रजापतेः ॥८॥

तेनैष्टितं तेन जातं तदु तस्मिन्प्रतिष्ठितम् ।

कालो ह ब्रह्म भूत्वा बिभर्ति परमेष्ठिनम् ॥६॥

कालः प्रजा असृजत कालो अग्रै प्रजापतिम् ।
स्वयंभूः कश्यपः कालात्तपः कालादजायत ॥१०॥

(५४) चतुष्पञ्चाशं सूक्तम्

(१-५) पञ्चर्चस्यास्य सूक्तस्य भृगुर्ऋषिः । सर्वात्मकः कालो देवता ।

(१, ३-४) प्रथमातृतीयाचतुर्थीनामृचामनुष्टुप् (२) द्वितीयायास्त्रिपदार्षी गायत्री

(५) पञ्चम्याश्च त्र्यवसाना षट्पदा विराडष्टिश्छन्दांसि

कालादापुः समभवन्कालाद्ब्रह्म तपो दिशः ।
कालेनोदैति सूर्यः काले नि विशते पुनः ॥१॥

कालेन वातः पवते कालेन पृथिवी मही ।
द्यौर्मही काल आहिता ॥२॥

कालो ह भूतं भव्यं च पुत्रो अजनयत्पुरा ।
कालादृचः समभवन्यर्जुः कालादजायत ॥३॥

कालो यज्ञं समैरयद्देवेभ्यो भागमक्षितम् ।
काले गन्धर्वाप्सरसः काले लोकाः प्रतिष्ठिताः ॥४॥

कालेऽयमङ्गिरा देवोऽथर्वा चाधि तिष्ठतः ।
इमं च लोकं परमं च लोकं पुण्यांश्च लोकान्विधृतीश्च पुण्याः ।
सर्वाल्लोकानभिजित्य ब्रह्मणा कालः स ईयते परमो नु देवः ॥५॥

(५५) पञ्चपञ्चाशं सूक्तम्

(१-६) षड्चस्यास्य सूक्तस्य भृगुर्ऋषिः । अग्निर्देवता । (१, ३-४)

प्रथमातृतीयाचतुर्थीनामृचां त्रिष्टुप् (२) द्वितीयाया आस्तारपङ्क्तिः (५)

पचम्यारुयवसाना पञ्चपदा पुरस्ताज्ज्योतिष्मती त्रिष्टुप् (६) षष्ठ्याश्च निचृद्बृहती छन्दांसि

रात्रिरात्रिमप्रयातं भरन्तोऽश्वायेव तिष्ठते घासमस्मै ।
रायस्पोषैण समिषा मदन्तो मा तै अग्ने प्रतिवेशा रिषाम ॥१॥

या ते वसोर्वात इषुः सा ते एषा तया नो मृड ।
रायस्पोषैण समिषा मदन्तो मा तै अग्ने प्रतिवेशा रिषाम ॥२॥

सायंसायं गृहपतिर्नो अग्निः प्रातःप्रातः सौमनसस्य दाता ।
वसोर्वसोर्वसुदान एधि वयं त्वेन्धानास्तन्वं पुषेम ॥३॥

प्रातःप्रातर्गृहपतिर्नो अग्निः सायंसायं सौमनसस्य दाता ।
वसोर्वसोर्वसुदान एधीन्धानास्त्वा शतंहिमा ऋधेम ॥४॥

अपश्चा दुग्धानस्य भूयासम् ।
अन्नादायान्नपतये रुद्राय नमो अग्रयै ।
सभ्यः सभां मे पाहि ये च सभ्याः सभासदः ॥५॥

त्वामिन्द्रा पुरुहूत विश्वमायुर्व्यंश्नवन् ।
अहरहर्बलिमित्ते हरन्तोऽश्वायेव तिष्ठते घासमग्ने ॥६॥

(५६) षट्पञ्चाशं सूक्तम्

(१-६) षड्चस्यास्य सूक्तस्य यम ऋषिः । दुःस्वप्नो देवता । त्रिष्टुप् छन्दः
यमस्य लोकादध्या बभूविथ प्रमदा मर्त्यान्प्र युनद्धि धीरः ।
एकाकिना सुरथं यासि विद्वान्स्वप्नं मिमानो असुरस्य योनौ ॥१॥

बन्धस्त्वाग्रे विश्वचया अपश्यत्पुरा रात्र्या जनितोरेके अहि ।
ततः स्वप्नेदमध्या बभूविथ भिषग्भ्यो रूपमपगूहमानः ॥२॥

बृहद्गावासुरेभ्योऽधि देवानुपावर्तत महिमानमिच्छन् ।

तस्मै स्वप्राय दधुराधिपत्यं त्रयस्त्रिंशासुः स्व्रानशानाः ॥३॥

नैतां विदुः पितरो नोत देवा येषां जल्पिश्चरत्यन्तरेदम् ।
त्रिते स्वप्रमदधुरापत्ये नर आदित्यासो वरुणेनानुशिष्टाः ॥४॥

यस्य क्रूरमभजन्त दुष्कृतोऽस्वप्नेन सुकृतः पुरयमायुः ।
स्वर्मदसि परमेण बन्धुना तप्यमानस्य मनसोऽधि जज्ञिषे ॥५॥

विद्य ते सर्वाः परिजाः पुरस्ताद्विद्य स्वप्न यो अधिपा इहा ते ।
यशस्विनो नो यशसेह पाह्यारादिद्वेषेभिरप याहि दूरम् ॥६॥

(५७) सप्तपञ्चाशं सूक्तम्

(१-५) पञ्चर्चस्यास्य सूक्तस्य यम ऋषिः । दुःस्वप्नो देवता ।

(१) प्रथमर्चोऽनुष्टुप् (२) द्वितीयायास्त्रिपदा त्रिष्टुप् (३) तृतीयायास्त्र्यवसाना त्रिष्टुप्

(४) चतुर्थ्याः षट्पदोष्णिग्बृहतीगर्भा विराट् शक्वरी

(५) पञ्चम्याश्च त्र्यवसाना पञ्चपदा परशाक्वरातिजगती छन्दांसि

यथा कलां यथा शफं यथर्णं संनयन्ति ।

एवा दुष्वप्रचं सर्वमप्रिये सं नयामसि ॥१॥

सं राजानो अगुः समृणान्यगुः सं कुष्ठा अगुः सं कला अगुः ।
समस्मासु यदुष्वप्रचं निर्दिषते दुष्वप्रचं सुवाम ॥२॥

देवानां पत्नीनां गर्भं यमस्य कर् यो भद्रः स्वप्न ।

स मम यः पापस्तदिद्विषते प्र हिंसमः ।

मा तृष्टानामसि कृष्णशकुनेर्मुखम् ॥३॥

तं त्वा स्वप्न तथा सं विद्य स त्वं स्वप्राश्च इव कायमश्च इव नीनाहम् ।
अनास्माकं देवपीयुं पियारुं वप यदस्मासु दुष्वप्रचं यद्गोषु यच्च नो गृहे
॥४॥

अनास्माकस्तद्देवपीयुः पियारुर्निष्कमिव प्रति मुञ्चताम् ।
नवारत्नीनपमया अस्माकं ततः परि ।
दुष्वप्रयं सर्वं द्विषते निर्दयामसि ॥५॥

(५८) अष्टपञ्चाशं सूक्तम्

(१-६) षडृचस्यास्य सूक्तस्य ब्रह्मा ऋषिः । यज्ञो मन्त्रोक्ता वा देवताः ।
(१, ४) प्रथमाचतुर्थ्योर्ऋचोस्त्रिष्टुप् (२) द्वितीयायाः पुरोऽनुष्टुप्त्रिष्टुप् (३)
तृतीयायाश्चतुष्पदातिशक्वरी (५) पञ्चम्या भुरिक्त्रिष्टुप् (६) षष्ठ्याश्च जगती छन्दांसि
घृतस्य जूतिः समना सदेवा संवत्सरं हविषा वर्धयन्ती ।
श्रोत्रं चक्षुः प्राणोऽच्छिन्नो नो अस्त्वच्छिन्ना वयमायुषो वर्चसः ॥१॥

उपास्मान्प्राणो ह्वयतामुप प्राणं हवामहे ।
वर्चो जग्राह पृथिव्यन्तरिक्षं वर्चः सोमो बृहस्पतिर्विधत्ता ॥२॥

वर्चसो द्यावापृथिवी संग्रहणी बभूवथुर्वर्चो गृहीत्वा पृथिवीमनु सं चरेम
।
यशसा गावो गोपतिमुप तिष्ठन्त्यायतीर्यशो गृहीत्वा पृथिवीमनु सं चरेम
॥३॥

ब्रजं कृणुध्वं स हि वो नृपाणो वर्मा सीव्यध्वं बहुला पृथूनि ।
पुरः कृणुध्वमार्यसीरधृष्टा मा वः सुस्रोच्चमसो दंहता तम् ॥४॥

यज्ञस्य चक्षुः प्रभृतिमुखं च वाचा श्रोत्रेण मनसा जुहोमि ।
इमं यज्ञं विततं विश्वकर्मणा देवा यन्तु सुमनस्यमानाः ॥५॥

ये देवानामृत्विजो ये च यज्ञिया येभ्यो हव्यं क्रियते भागधेयम् ।
इमं यज्ञं सह पत्नीभिरेत्य यावन्तो देवास्तविषा मादयन्ताम् ॥६॥

(५६) एकोनषष्टितमं सूक्तम्

(१-३) तृचस्यास्य सूक्तस्य ब्रह्मा ऋषिः । अग्निर्देवता ।

(१) प्रथमर्चो गायत्री (२-३) द्वितीयातृतीययोश्च त्रिष्टुप् छन्दसी

त्वमग्ने व्रतपा असि देव आ मर्त्येष्वाम् ।

त्वं यज्ञेष्वीड्यः ॥१॥

यद्वौ वयं प्रमिनाम व्रतानि विदुषां देवा अविदुष्टरासः ।

अग्निष्टद्विश्वादा पृणातु विद्वान्तसोमस्य यो ब्राह्मणाँ आविवेश ॥२॥

आ देवानामपि पन्थामगन्म यच्छक्नवाम् तदनुप्रवौदुम् ।

अग्निर्विद्वान्तस यजात्स इद्धोता सोऽध्वरान्तस ऋतून्कल्पयाति ॥३॥

(६०) षष्टितमं सूक्तम्

(१-२) द्व्यचस्यास्य सूक्तस्य ब्रह्मा ऋषिः । मन्त्रोक्ता वागादयो देवताः ।

(१) प्रथमर्चः पथ्याबृहती (२) द्वितीयायाश्च ककुम्मती पुर उष्णिक् छन्दसी

वाङ्म आसन्नसोः प्राणश्चक्षुरक्षणेः श्रोत्रं कर्णयोः ।

अपलिताः केशा अशौणा दन्ता बहु बाहोर्बलम् ॥१॥

ऊर्वोरोजो जङ्घयोर्जवः पादयोः प्रतिष्ठा ।

अरिष्टानि मे सर्वात्मानिभृष्टः ॥२॥

(६१) एकषष्टितमं सूक्तम्

(१) एकर्चस्यास्य सूक्तस्य ब्रह्मा ऋषिः ।

ब्रह्मणस्पतिर्देवता । विराट्पथ्याबृहती छन्दः

तनूस्तन्वाः मे सहे दतः सर्वमायुरशीय ।

स्योनं मे सीद पुरुः पृणस्व पर्वमानः स्वर्गे ॥१॥

(६२) द्विषष्टितमं सूक्तम्

(१) एकर्चस्यास्य सूक्तस्य ब्रह्मा ऋषिः । ब्रह्मणस्पतिर्देवता । अनुष्टुप् छन्दः

प्रियं मां कृणु देवेषु प्रियं राजसु मा कृणु ।
प्रियं सर्वस्य पश्यत उत शूद्र उतार्ये ॥१॥

(६३) त्रिषष्टितमं सूक्तम्

(१) एकर्चस्यास्य सूक्तस्य ब्रह्मा ऋषिः ।

ब्रह्मणस्पतिर्देवता । विराडुपरिष्ठाद्बृहती छन्दः

उत्तिष्ठ ब्रह्मणस्पते देवान्यज्ञेन बोधय ।

आयुः प्राणं प्रजां पशूं कीर्तिं यजमानं च वर्धय ॥१॥

(६४) चतुःषष्टितमं सूक्तम्

(१-४) चतुर्ऋचस्यास्य सूक्तस्य ब्रह्मा ऋषिः । अग्निर्देवता । अनुष्टुप् छन्दः

अग्ने समिधुमाहर्षिं बृहते जातवेदसे ।

स मे श्रद्धां च मेधां च जातवेदाः प्र यच्छतु ॥१॥

इध्मेन त्वा जातवेदः समिधा वर्धयामसि ।

तथा त्वमस्मान्वर्धय प्रजया च धनेन च ॥२॥

यदग्ने यानि कानि चिदा ते दारूणि दध्मसि ।

सर्वं तदस्तु मे शिवं तज्जुषस्व यविष्ठय ॥३॥

एतास्तै अग्ने समिधुस्त्वमिद्धः समिद्धव ।

आयुरस्मासु धेह्यमृतत्वमाचार्याय ॥४॥

(६५) पञ्चषष्टितमं सूक्तम्

(१) एकर्चस्यास्य सूक्तस्य ब्रह्मा ऋषिः । जातवेदाः सूर्यो देवता । जगती छन्दः

हरिः सुपर्णो दिवमारुहोऽर्चिषा ये त्वा दिप्सन्ति दिवमुत्पतन्तम् ।

अव तां जहि हरसा जातवेदोऽबिभ्यदुग्रोऽर्चिषा दिवमा रोह सूर्य ॥१॥

(६६) षट्षष्टितमं सूक्तम्

(१) एकर्चस्यास्य सूक्तस्य ब्रह्मा ऋषिः ।

जातवेदाः सूर्यो वज्रश्च देवते । अतिजगती छन्दः

अयो॒जाला॒ असुरा॒ मा॒यिनो॑ऽय॒स्मयैः॒ पाशै॑र॒ङ्किनो॒ ये च॑रन्ति ।

तांस्तै रन्धयामि॒ हर॑सा जातवेदः स॒हस्र॑भृष्टिः स॒पत्नान्प्र॑मृ॒णन्पा॑हि वज्रः

॥१॥

(६७) सप्तषष्टितमं सूक्तम्

(१-८) अष्टर्चस्यास्य सूक्तस्य ब्रह्मा ऋषिः । सूर्यो देवता । प्राजापत्या गायत्री छन्दः
पश्यै॑म श॒रदः॑ श॒तम् ॥१॥

जीवै॑म श॒रदः॑ श॒तम् ॥२॥

बुध्यै॑म श॒रदः॑ श॒तम् ॥३॥

रोहै॑म श॒रदः॑ श॒तम् ॥४॥

पूषै॑म श॒रदः॑ श॒तम् ॥५॥

भवे॑म श॒रदः॑ श॒तम् ॥६॥

भूर्यै॑म श॒रदः॑ श॒तम् ॥७॥

भूर्य॑सीः श॒रदः॑ श॒तम् ॥८॥

(६८) अष्टषष्टितमं सूक्तम्

(१) एकर्चस्यास्य सूक्तस्य ब्रह्मा ऋषिः । कर्म देवता । अनुष्टुप् छन्दः

अव्य॑सश्च॒ व्यच॑सश्च॒ बिलं॑ वि ष्यामि॒ मा॒यया॑ ।

ताभ्या॑मु॒द्धृत्य॒ वेद॑मथ॒ कर्मा॑णि कृ॒णमहे॑ ॥१॥

(६६) एकोनसप्ततितमं सूक्तम्

(१-४) चतुर्ऋचस्यास्य सूक्तस्य ब्रह्मा ऋषिः । आपो देवताः ।

(१) प्रथमर्च आसुर्यनुष्टुप् (२) द्वितीयायाः साम्नचनुष्टुप्

(३) तृतीयाया आसुरी गायत्री (४) चतुर्थ्याश्च साम्नचुष्णिक् छन्दांसि

जीवा स्थ जीव्यासुं सर्वमार्युर्जीव्यासम् ॥१॥

उपजीवा स्थोप जीव्यासुं सर्वमार्युर्जीव्यासम् ॥२॥

संजीवा स्थ सं जीव्यासुं सर्वमार्युर्जीव्यासम् ॥३॥

जीवला स्थ जीव्यासुं सर्वमार्युर्जीव्यासम् ॥४॥

(७०) सप्ततितमं सूक्तम्

(१) एकर्चस्यास्य सूक्तस्य ब्रह्मा ऋषिः । सूर्यादयो देवताः । त्रिपदा गायत्री छन्दः

इन्द्र जीव सूर्य जीव देवा जीवा जीव्यासमहम् ।

सर्वमार्युर्जीव्यासम् ॥१॥

(७१) एकसप्ततितमं सूक्तम्

(१) एकर्चस्यास्य सूक्तस्य ब्रह्मा ऋषिः ।

गायत्री देवता । त्र्यवसाना पञ्चपदातिजगती छन्दः

स्तुता मया वरदा वेदमाता प्र चोदयन्तां पावमानी द्विजानाम् ।

आयुः प्राणं प्रजां पशुं कीर्तिं द्रविणं ब्रह्मवर्चसम् ।

मह्यं दत्त्वा व्रजत ब्रह्मलोकम् ॥१॥

(७२) द्विसप्ततितमं सूक्तम्

(१) एकर्चस्यास्य सूक्तस्य भृग्वङ्गिरा ब्रह्मा ऋषिः ।

परमात्मा सर्वे देवाश्च देवताः । त्रिष्टुप् छन्दः

यस्मात्कोशादुदभराम् वेदं तस्मिन्नन्तरं दध्म एनम् ।

कृतमिष्टं ब्रह्मणो वीर्येण तेन मा देवास्तपसावतेह ॥१॥

इत्येकोनविंशं काण्डम्

अथ विंशं काण्डम्

(१) प्रथमं सूक्तम्

(१-३) तृचस्यास्य सूक्तस्य क्रमेण विश्वामित्रो गोतमो विरूपश्च ऋषयः ।

इन्द्रो मरुतोऽग्निश्च क्रमेण देवताः । गायत्री छन्दः

इन्द्रं त्वा वृषभं वयं सुते सोमै हवामहे ।

स पाहि मध्वो अर्धसः ॥१॥

मरुतो यस्य हि क्षये पाथा दिवो विमहसः ।

स सुगोपातमो जनः ॥२॥

उक्षान्नाय वृशान्नाय सोमपृष्ठाय वेधसे ।

स्तोमैर्विधेमाग्रये ॥३॥

(२) द्वितीयं सूक्तम्

(१-४) चतुर्ऋचस्यास्य सूक्तस्य गृत्समदो मेधातिथिर्वा ऋषिः । मरुदादयो देवताः ।

(१-२) प्रथमाद्वितीययोर्ऋचोरेकावसाना विराङ्गायत्री (३) तृतीयाया

एकावसानार्च्युष्णिक (४) चतुर्थ्याश्चैकावसाना साम्नी त्रिष्टुप् छन्दांसि

मरुतः पोत्रात्सुष्टुभः स्वर्कादृतुना सोमं पिबन्तु ॥१॥

अग्निराग्नीध्रात्सुष्टुभः स्वर्कादृतुना सोमं पिबतु ॥२॥

इन्द्रो ब्रह्मा ब्राह्मणात्सुष्टुभः स्वर्कादृतुना सोमं पिबतु ॥३॥

देवो द्रविणोदाः पोत्रात्सुष्टुभः स्वर्कादृतुना सोमं पिबतु ॥४॥

(३) तृतीयं सूक्तम्

(१-३) तृचस्यास्य सूक्तस्येरिम्बिठिर्ऋषिः । इन्द्रो देवता । गायत्री छन्दः

आ याहि सुषुमा हि त इन्द्र सोमं पिबा इमम् ।

एदं बर्हिः सदो मम ॥१॥

आ त्वा ब्रह्मयुजा हरी वहतामिन्द्र केशिना ।
उप ब्रह्माणि नः शृणु ॥२॥

ब्रह्माणस्त्वा वयं युजा सोमपामिन्द्र सोमिनः ।
सुतावन्तो हवामहे ॥३॥

(४) चतुर्थं सूक्तम्

(१-३) तृचस्यास्य सूक्तस्य इरिम्बिठिर्ऋषिः । इन्द्रो देवता । गायत्री छन्दः
आ नो याहि सुतावतोऽस्माकं सुष्टुतीरुप ।
पिबा सु शिप्रिन्नन्धसः ॥१॥

आ ते सिञ्चामि कुक्षोरनु गात्रा वि धावतु ।
गृभाय जिह्वया मधु ॥२॥

स्वादुष्टे अस्तु संसुदे मधुमान्तन्वेरे तव ।
सोमः शर्मस्तु ते हृदे ॥३॥

(५) पञ्चमं सूक्तम्

(१-७) सप्तर्चस्यास्य सूक्तस्येरिम्बिठिर्ऋषिः । इन्द्रो देवता । गायत्री छन्दः
अयमु त्वा विचर्षणे जनीरिवाभि संवृतः ।
प्र सोम इन्द्र सर्पतु ॥१॥

तुविग्रीवो वपोदरः सुबाहरन्धसो सदे ।
इन्द्रो वृत्राणि जिघ्रते ॥२॥

इन्द्र प्रेहि पुरस्त्वं विश्वस्येशान् ओजसा ।
वृत्राणि वृत्रहं जहि ॥३॥

दीर्घस्तै अस्त्वङ्कुशो येना वसु प्रयच्छसि ।

यजमानाय सुन्वते ॥४॥

अयं त इन्द्र सोमो निपूतो अधि बर्हिषि ।
एहीमस्य द्रवा पिब ॥५॥

शाचिगो शाचिपूजनाय रणाय ते सुतः ।
आखण्डलु प्र ह्यसे ॥६॥

यस्ते शृङ्गवृषो नपात्प्रणपात्कुरडपाय्यः ।
न्यस्मिन्दध्र आ मनः ॥७॥

(६) षष्ठं सूक्तम्

(१-६) नवर्चस्यास्य सूक्तस्य विश्वामित्र ऋषिः । इन्द्रो देवता । गायत्री छन्दः
इन्द्र त्वा वृषभं वयं सुते सोमै हवामहे ।
स पाहि मध्वो अन्धसः ॥१॥

इन्द्र क्रतुविदं सुतं सोमं हर्य पुरुष्टुत ।
पिबा वृषस्व तातृपिम् ॥२॥

इन्द्र प्र णौ धितावानं यज्ञं विश्वेभिर्देवेभिः ।
तिर स्तवान विश्पते ॥३॥

इन्द्र सोमाः सुता इमे तव प्र यन्ति सत्पते ।
क्षयं चन्द्रासु इन्दवः ॥४॥

दधिष्वा जठरै सुतं सोममिन्द्र वरैणयम् ।
तव द्युक्षासु इन्दवः ॥५॥

गिर्वणः पाहि नः सुतं मधोर्धाराभिरज्यसे ।
इन्द्र त्वादातमिद्यशः ॥६॥

अभि द्युम्नानि वनिनु इन्द्रं सचन्ते अक्षिता ।
पीत्वी सोमस्य वावृधे ॥७॥

अर्वावतौ नु आ गहि परावतश्च वृत्रहन् ।
इमा जुषस्व नो गिरः ॥८॥

यदन्तरा परावतमर्वावतं च हूयसे ।
इन्द्रेह तत् आ गहि ॥९॥

(७) सप्तमं सूक्तम्

(१-४) चतुर्ऋचस्यास्य सूक्तस्य (१-३) प्रथमादितृचस्य सुकक्षः

(४) चतुर्थ्या ऋचश्च विश्वामित्र ऋषी । इन्द्रो देवता । गायत्री छन्दः

उद्धेद्भि श्रुतामघं वृषभं नर्यापसम् ।
अस्तारमेषि सूर्य ॥१॥

नव यो नवतिं पुरौ बिभेद ब्राह्मोजसा ।
अहिं च वृत्रहार्वधीत् ॥२॥

स नु इन्द्रः शिवः सखाश्वावृद्धोमद्यवमत् ।
उरुधरिव दोहते ॥३॥

इन्द्रं क्रतुविदं सुतं सोमं हर्य पुरुष्टुत ।
पिबा वृषस्व तातृपिम् ॥४॥

(८) अष्टमं सूक्तम्

(१-३) तृचस्यास्य सूक्तस्य प्रत्यृचं क्रमेण भरद्वाजकुत्सविश्वामित्रा ऋषयः ।

इन्द्रो देवता । त्रिष्टुप् छन्दः

ए॒वा पा॑हि प्र॒त्न॒था म॑न्द॒तु त्वा श्रु॑धि ब्र॒ह्म वा॑वृ॒धस्वो॑त गी॒र्भिः ।
आ॒विः सूर्यं॑ कृ॒णुहि॑ पी॒पि॒हीषो॑ ज॒हि शत्रूँ॑भि गा इन्द्र॒ तृन्धि ॥१॥

अ॒र्वाडे॑हि सोम॒कामं॑ त्वाहुर॒यं सु॑तस्तस्य॒ पिब्रा॑ मदा॒य ।
उ॒रु॒व्यचा॑ ज॒ठर॑ आ वृष॒स्व पि॒तेव॑ नः शृ॒णुहि॑ हू॒यमा॑नः ॥२॥

आ॒पूर्णा॑ अस्य क॒लशः॑ स्वाहा॒ सेक्ते॑व॒ कोशं॑ सिषि॒चे पिब॑ध्यै ।
स॒मु॒ प्रि॒या आ॑र्ववृ॒त्रन्म॑दा॒य प्र॑द॒क्षि॒णिद॑भि सोमा॒सु इन्द्र॑म् ॥३॥

(९) नवमं सूक्तम्

(१-४) चतुर्ऋचस्यास्य सूक्तस्य (१-२) प्रथमाद्वितीययोर्ऋचोर्नोधाः (३-४)
तृतीयाचतुर्थयोश्च मेध्यातिथिर्ऋषी । इन्द्रो देवता । (प्रगाथश्छन्दः)

तं वो॑ द॒स्ममृ॑तीष॒हं वसो॑र्म॒न्दान॒मन्ध॑सः ।
अ॒भि व॒त्सं न॒ स्वस॑रेषु धे॒नव॑ इन्द्रं॒ गी॒र्भिर्न॑वामहे ॥१॥

द्यु॒क्षं सु॑दानुं॒ तवि॑षीभि॒रावृ॑तं गि॒रिं न॒ पुरु॑भोज॒सम् ।
क्षु॒मन्तं॑ वाजं॒ श॒तिनं॑ स॒हस्त्रि॑णं॒ म॒क्षु गो॑र्मन्तमीमहे ॥२॥

तत्त्वा॑ यामि सु॒वीर्यं॑ तद्ब्र॒ह्म पूर्॑वचित्तये ।
येना॒ यति॑भ्यो भृ॒गवे॒ धने॑ हिते॒ येन॑ प्रस्कर॒णव॒मावि॑थ ॥३॥

येना॑ समु॒द्रम॑सृ॒जो म॒हीर॑पस्तदिन्द्र॒ वृष्णि॑ ते श॒वः ।
स॒द्यः सो॑ अस्य म॒हिमा॑ न सं॒नशे॑ यं क्षो॒णीर॑नुचक्र॒दे ॥४॥

(१०) दशमं सूक्तम्

(१-२) द्व्यृचस्यास्य सूक्तस्य मेध्यातिथिर्ऋषिः । इन्द्रो देवता । प्रगाथश्छन्दः

उदु॒ त्ये म॑धु॒मत्त॑मा गि॒र॒ स्तोमा॑स ईरते ।
स॒त्रा॒जितो॑ ध॒नसा॑ अ॒क्षितो॑तयो वाज॒यन्तो॑ रथा॒ इव ॥१॥

क॒रवा इ॒व भृ॒गवः॑ सू॒र्या इ॒व वि॒श्वमि॒द्धीत॑मानशुः ।
इन्द्रं॑ स्तोमै॑भिर्म॒हय॑न्त आ॒यवः॑ प्रि॒यमै॑धासो अ॒स्वरन् ॥२॥

(११) एकादशं सूक्तम्

(१-११) एकादशर्चस्यास्य सूक्तस्य विश्वामित्र ऋषिः । इन्द्रो देवता । त्रिष्टुप् छन्दः
इन्द्रः॑ पू॒र्भिदा॑तिर॒दास॑म॒कैर्वि॑दद्व॒सुर्दय॑मानो वि शत्रून् ।
ब्रह्म॑जूतस्तन्वा॒ वावृ॑धानो भूरि॑दात्र आ॒पृण॑द्रोद॒सी उ॒भे ॥१॥

म॒खस्य॑ ते तवि॒षस्य॑ प्र जू॒तिमि॑र्य॒र्मि वाच॑म॒मृता॑य॒ भूष॑न् ।
इन्द्रं॑ क्षि॒तीना॑म॒सि मानु॑षीणां वि॒शां दै॒वीना॑मु॒त पू॒र्वया॑वा ॥२॥

इन्द्रो॑ वृ॒त्रम॑वृ॒णोच्छ॑र्धनीतिः प्र मा॒यिना॑ममि॒नाद्व॑र्षणीतिः ।
अ॒ह॒न्व्यं॑ स॒मुश॑ध॒ग्वने॑ष्वावि॒र्धेना॑ अ॒कृ॒णोद्रा॑म्याणा॒म् ॥३॥

इन्द्रः॑ स्व॒र्षा ज॒नय॑न्न॒हानि॑ जि॒गायो॑शिग्भिः पृ॒तना॑ अ॒भिष्टिः॑ ।
प्रा॒रोच॑य॒न्मन॑वे के॒तुम॑ह्नामवि॒न्द॒ज्ज्योति॑र्बृ॒हते॑ रणा॒य ॥४॥

इन्द्र॑स्तु॒जो ब॒र्हणा॑ आ वि॒वेश नृ॑व॒द्धानो॑ नर्या॒ पुरू॑णि ।
अ॒चैत॑य॒द्धिय॑ इ॒मा ज॑रि॒त्रे प्रे॑मं व॒र्णम॑तिरच्छु॒क्रमा॑साम् ॥५॥

म॒हो म॒हानि॑ प॒नय॑न्त्य॒स्येन्द्र॑स्य॒ कर्म॑ सु॒कृता॑ पुरू॒णि ।
वृ॒जने॑न वृ॒जि॒नान्त॑सं पि॒पेष॑ मा॒याभि॑र्द॒स्यूर॑भि॒भूत्यो॑जाः ॥६॥

यु॒धेन्द्रो॑ म॒ह्ना वरि॑वश्चकार दे॒वेभ्यः॑ स॒त्पति॑श्च॒र्षणि॑प्राः ।
वि॒वस्व॑तः स॒दने॑ अस्य॒ तानि॑ वि॒प्रा उ॒क्थे॑भिः क॒वयो॑ गृ॒णन्ति ॥७॥

स॒त्रासा॑हं वरै॒रयं॑ स॒होदां॑ स॒सवा॑सं स्व॒रिप॑श्च दे॒वीः ।

स॒सानु॒ यः पृ॒थि॒वीं द्या॒मु॒ते॒मा॒मिन्द्रं॑ म॒द॒न्त्य॒नु॒ धी॒र॒णा॒सः ॥८॥

स॒साना॒त्याँ उ॒त सूर्यं॑ स॒सानेन्द्रः॑ स॒सान॒ पुरु॒भो॒र्ज॒सं गा॒म् ।
हि॒र॒ण्य॒य॒मु॒त भो॒गं स॒सान॒ ह॒त्वी द॒स्यु॒न्प्रा॒र्यं व॒र्ण॒मा॒वत् ॥९॥

इन्द्र॑ ओष॒धी॒र॒स॒नो॒द॒हा॒नि व॒न॒स्प॒ती॒रि॒स॒नो॒द॒न्त॒रि॒क्ष॒म् ।
बि॒भेदं॑ व॒लं नु॒नु॒दे वि॒वा॒चोऽथा॑भ॒वद्मि॒ताभि॒क्र॒तूना॒म् ॥१०॥

शु॒नं हु॒वे॒म म॒घ॒वा॒न॒मिन्द्र॑म॒स्मि॒न्भ॒रे नृ॒त॒मं वा॒ज॒सा॒तौ ।
शृ॒ण॒व॒न्त॒मु॒ग्र॒मू॒त॒यै स॒म॒त्सु॒ घ्न॒न्तं वृ॒त्रा॒णि सं॒जि॒तं ध॒ना॒ना॒म् ॥११॥

(१२) द्वादशं सूक्तम्

(१-७) सप्तर्चस्यास्य सूक्तस्य (१-६) प्रथमादिषडृचां वसिष्ठः

(७) सप्तम्याश्चात्रिर्ऋषी । इन्द्रो देवता । त्रिष्टुप् छन्दः

उ॒दु ब्र॒ह्मा॒ण्यै॒रत॑ श्र॒व॒स्येन्द्रं॑ स॒म॒र्ये म॑ह॒या व॒सि॒ष्ठ ।
आ॒ यो वि॒श्वानि॑ श॒वसा॑ त॒तानो॑प॒श्रो॒ता म॒ ई॒र्वतो॑ व॒चांसि॑ ॥१॥

अ॒या॒मि॒ घोष॑ इन्द्र॒ दे॒वजा॑मि॒रि॒ज्य॒न्त॒ यच्छु॑रु॒धो वि॒वा॒चि ।
न॒हि स्व॒मा॒र्युश्चि॒क्॒रिते॑ ज॒नेषु॑ तानी॒दंहा॑स्यति॒ प॒र्ष्य॒स्मान् ॥२॥

यु॒जे रथं॑ ग॒वेष॑णं॒ हरि॑भ्या॒मुप॑ ब्र॒ह्मा॒णि जु॒जुषा॑णम॒स्थुः ।
वि॒ बा॒धिष्ट॑ स्य रो॒दसी॑ म॒हित्वेन्द्रो॑ वृ॒त्रा॒ण्यप्र॑ती ज॒घ॒न्वान् ॥३॥

आ॒प॒श्चि॒त्पि॒प्यु॒ स्त॒र्यो॑ऽ॒ न गा॒वो न॑क्ष॒त्रं ज॑रि॒तार॑स्त इन्द्र ।
या॒हि वा॒युर्न॑ नि॒युतो॑ नो॒ अ॒च्छा॒ त्वं हि॑ धी॒भिर्द॑र्यसे॒ वि वा॒जा॒न् ॥४॥

ते त्वा॑ म॒दा इन्द्र॑ मा॒दय॑न्तु शु॒ष्मि॒णं तु॒विरा॑र्धसं॒ ज॒रि॒त्रे ।
ए॒को दे॒व॒त्रा द॑र्यसे॒ हि म॒र्तान॑स्मि॒न्धूर॑ स॒र्वने॑ मा॒दय॑स्व ॥५॥

एवेदिन्द्रं वृषणं वज्रबाहुं वसिष्ठासो अभ्यर्चन्त्यकैः ।
स न स्तुतो वीरवद्धातु गोमद्वयं पात स्वस्तिभिः सदा नः ॥६॥

ऋजीषी वृज्जी वृषभस्तुराषाट्छुष्मी राजा वृत्रहा सौमपावा ।
युक्त्वा हरिभ्यामुप यासदवाङ्माध्यंदिने सर्वने मत्सदिन्द्रः ॥७॥

(१३) त्रयोदशं सूक्तम्

(१-४) चतुर्ऋचस्यास्य सूक्तस्य प्रत्यृचं क्रमेण वामदेवगोतमकुत्सविश्वामित्रा ऋषयः ।

(१) प्रथमर्च इन्द्राबृहस्पती (२) द्वितीयाया मरुतः

(३-४) तृतीयाचतुर्थ्योश्चाग्निर्देवताः ।

(१-३) प्रथमादितृचस्य जगती (४) चतुर्थ्याश्च त्रिष्टुप् छन्दसी
इन्द्रश्च सोमं पिबतं बृहस्पतेऽस्मिन्यज्ञे मन्दसाना वृषणवसू ।
आ वां विशन्त्विन्दवः स्वाभुवोऽस्मे रयिं सर्ववीरं नि यच्छतम् ॥१॥

आ वो वहन्तु सप्तयो रघुष्यदौ रघुपत्वानुः प्र जिगात ब्राहुभिः ।
सीदता बहिरुरु वः सदस्कृतं मादयध्वं मरुतो मध्वो अर्धसः ॥२॥

इमं स्तोममर्हते जातवेदसे रथमिव सं महेमा मनीषया ।
भद्रा हि नः प्रमतिरस्य संसद्यग्नें सुख्ये मा रिषामा वयं तव ॥३॥

ऐभिरग्ने सरथं याह्यवाङ्नानारथं वा विभवो ह्यश्वाः ।
पत्नीवतस्त्रिंशत् त्रींश्च देवाननुष्वधमा वह मादयस्व ॥४॥

(१४) चतुर्दशं सूक्तम्

(१-४) चतुर्ऋचस्यास्य सूक्तस्य सौभरिर्ऋषिः । इन्द्रो देवता । प्रगाथश्छन्दः

वयमु त्वामपूर्व्य स्थूरं न कञ्चिद्भरन्तोऽवस्यवः ।
वार्जे चित्रं हवामहे ॥१॥

उप त्वा कर्मनूतये स नो युवोग्रश्चक्राम यो धृषत् ।

त्वामिद्धयवितारं ववृमहे सखाय इन्द्र सानुसिम् ॥२॥

यो न इदमिदं पुरा प्र वस्य आनिनायु तमु व स्तुषे ।
सखाय इन्द्रमृतये ॥३॥

हर्यश्वं सत्पतिं चर्षणीसहं स हि ष्मा यो अमन्दत ।
आ तु नः स वयति गव्यमश्वयं स्तोतृभ्यो मघवा शतम् ॥४॥

(१५) पञ्चदशं सूक्तम्

(१-६) षड्वचस्यास्य सूक्तस्य गोतम ऋषिः । इन्द्रो देवता । त्रिष्टुप् छन्दः
प्र मंहिष्ठाय बृहते बृहद्रये सत्यशुष्माय तवसे मतिं भरे ।
अपामिव प्रवणे यस्य दुर्धरं राधौ विश्वायु शर्वसे अपावृतम् ॥१॥

अर्धं ते विश्वमनु हासदिष्टयु आपौ निम्नेव सर्वना हविष्मतः ।
यत्पर्वते न समशीत हर्यत इन्द्रस्य वज्रः शनथिता हिरण्ययः ॥२॥

अस्मै भीमाय नमसा समध्वर उषो न शुभ्र आ भरा पनीयसे ।
यस्य धाम शर्वसे नामैन्द्रियं ज्योतिरकारि हरितो नायसे ॥३॥

इमे त इन्द्र ते वयं पुरुष्टुत ये त्वारभ्य चरामसि प्रभूवसो ।
नहि त्वदन्यो गर्वणो गिरः सधत्तोणीरिव प्रति नो हर्य तद्वचः ॥४॥

भूरि त इन्द्र वीर्यं तव स्मस्यस्य स्तोतुर्मघवन्काममा पृण ।
अनु ते द्यौर्बृहती वीर्यं मम इयं च ते पृथिवी नैम् ओजसे ॥५॥

त्वं तमिन्द्र पर्वतं महामुरुं वज्रेण वज्रिन्पर्वशश्वकर्तिथ ।
अवासृजो निर्वृताः सर्तवा अपः सत्रा विश्वं दधिषे केवलं सहः ॥६॥

(१६) षोडशं सूक्तम्

(१-१२) द्वादशर्चस्यास्य सूक्तस्यायास्य ऋषिः । बृहस्पतिर्देवता । त्रिष्टुप् छन्दः
उदप्रुतो न वयो रक्षमाणा वार्वदतो अश्रियस्येव घोषाः ।
गिरिभ्रजो नोर्मयो मदन्तो बृहस्पतिमभ्यशुर्का अनावन् ॥१॥

सं गोभिरङ्गिरसो नक्षमाणा भग इवेदर्यमणं निनाय ।
जनै मित्रो न दम्पती अनक्ति बृहस्पते वाजयाशूरिवाजौ ॥२॥

साध्वर्या अतिथिनीरिषिरा स्पार्हाः सुवर्णा अनवद्यरूपाः ।
बृहस्पतिः पर्वतेभ्यो वितूर्या निर्गा ऊपे यवमिव स्थिविभ्यः ॥३॥

आप्रुषायन्मधुना ऋतस्य योनिमवक्षिपन्नर्क उल्कामिव द्योः ।
बृहस्पतिरुद्धरन्नश्मनो गा भूम्या उदनेव वि त्वचं बिभेद ॥४॥

अप ज्योतिषा तमौ अन्तरिक्षदुद्नः शीपालमिव वार्त आजत् ।
बृहस्पतिरनुमृश्या वलस्याभ्रमिव वात् आ चक्र आ गाः ॥५॥

यदा वलस्य पीयतो जसुं भेद्बृहस्पतिरग्निपौभिरकैः ।
दद्भिर्न जिह्वा परिविष्टमाददाविर्निधीरकृणोदुस्त्रियाणाम् ॥६॥

बृहस्पतिरमत हि त्यदासां नाम स्वरिणां सदेने गुहा यत् ।
आण्डेव भित्वा शकुनस्य गर्भमुदुस्त्रियाः पर्वतस्य त्मनाजत् ॥७॥

अश्नापिनद्धं मधु पर्यपश्यन्मत्स्यं न दीन उदनि क्षियन्तम् ।
निष्टञ्जभार चमसं न वृक्षाद्बृहस्पतिर्विरवेणा विकृत्य ॥८॥

सोषामविन्दत्स स्वशुः सो अग्निं सो अर्केण वि बबाधे तमांसि ।
बृहस्पतिर्गोवपुषो वलस्य निर्मज्जानं न पर्वणो जभार ॥९॥

हिमेव पर्णा मुषिता वनानि बृहस्पतिनाकृपयद्वृलो गाः ।
अनानुकृत्यमपुनश्चकार यात्सूर्यामासा मिथ उच्चरातः ॥१०॥

अभि श्यावं न कृशनेभिरश्वं नक्षत्रेभिः पितरो घामपिंशन् ।
रात्र्यां तमो अदधुज्योतिरहन्बृहस्पतिर्भिनदद्रिं विदद्वाः ॥११॥

इदमकर्म नमो अभ्रियाय यः पूर्वीरन्वानोर्नवीति ।
बृहस्पतिः स हि गोभिः सो अश्वैः स वीरेभिः स नृभिर्नो वयो धात्
॥१२॥

(१७) सप्तदशं सूक्तम्

(१-१२) द्वादशर्चस्यास्य सूक्तस्य कृष्ण ऋषिः । इन्द्रो देवता ।

(१-१०) प्रथमादिदशर्चा जगती (११-१२) एकादशीद्वादशयोश्च त्रिष्टुप् छन्दसी
अच्छा म् इन्द्रं मृतयः स्वर्विदः सध्रीचीर्विश्वा उशतीरनूषत ।
परिष्वजन्ते जनयो यथा पतिं मर्यं न शुन्ध्युं मघवानमृतये ॥१॥

न घा त्वद्रिगप वेति मे मनस्त्वे इत्कामं पुरुहूत शिश्रय ।
राजैव दस्म नि षदोऽधि बर्हिष्यस्मिन्त्सु सोमैऽवपानमस्तु ते ॥२॥

विषूवृदिन्द्रो अमतेरुत क्षुधः स इद्रायो मघवा वस्व ईशते ।
तस्येदिमे प्रवणे सप्त सिन्धवो वयो वर्धन्ति वृषभस्य शुष्मिणः ॥३॥

वयो न वृक्षं सुपलाशमासदन्त्सोमासु इन्द्रं मन्दिनश्चमूषदः ।
प्रेषामनीकं शर्वसा दविद्युतद्विदत्स्वर्शर्मनवे ज्योतिरार्यम् ॥४॥

कृतं न श्वघ्नी वि चिनोति देवने संवर्गं यन्मघवा सूर्यं जयत् ।
न तत्तै अन्यो अनु वीर्यं शकन्न पुराणो मघवन्नोत नूतनः ॥५॥

विशंविशं मघवा पर्यशायत् जनानां धेना अवचाकशद्वृषा ।

यस्याहं शक्रः सर्वनेषु रणयति स तीव्रैः सोमैः सहते पृतन्यतः ॥६॥

आपो न सिन्धुमभि यत्समक्षरन्त्सोमासु इन्द्रं कुल्या इव हृदम् ।
वर्धन्ति विप्रा महौ अस्य सादने यवं न वृष्टिर्दिव्येन दानुना ॥७॥

वृषा न क्रुद्धः पतयद्रजःस्वा यो अर्यपत्नीरकृणोदिमा अपः ।
स सुन्वते मघवा जीरदानवेऽविन्दज्ज्योतिर्मनवे हविष्मते ॥८॥

उजायतां परशुज्योतिषा सह भूया ऋतस्य सुदुघा पुराणवत् ।
वि रौचतामरुषो भानुना शुचिः स्वर्णं शुक्रं शुशुचीत् सत्पतिः ॥९॥

गोभिष्टरेमामतिं दुरेवां यवेन क्षुधं पुरुहूत् विश्वाम् ।
वयं राजभिः प्रथमा धनान्यस्माकैन वृजनैना जयेम ॥१०॥

बृहस्पतिर्नः परि पातु पश्चादुतोत्तरस्मादधरादघायोः ।
इन्द्रः पुरस्तादुत मध्यतो नः सखा सखिभ्यो वरिवः कृणोतु ॥११॥

बृहस्पते युवमिन्द्रश्च वस्वो दिव्यस्यैशाथे उत पार्थिवस्य ।
धत्तं रयिं स्तुवते कीरयै चिद्युयं पात स्वस्तिभिः सदा नः ॥१२॥

(१८) अष्टादशं सूक्तम्

(१-६) षड्चस्यास्य सूक्तस्य (१-३) प्रथमादितृचस्य मेध्यातिथिप्रियमेधौ

(४-६) चतुर्थ्यादितृचस्य च वसिष्ठ ऋषयः । इन्द्रो देवता । गायत्री छन्दः

वयमु त्वा तदिदंर्था इन्द्र त्वायन्तः सखायः ।

कण्वा उक्थेभिर्जरन्ते ॥१॥

न घेमन्यदा पपन् वज्रिन्नपसो नविष्टौ ।

तवेदु स्तोमं चिकेत ॥२॥

इच्छन्ति देवाः सुन्वन्तं न स्वप्राय स्पृहयन्ति ।
यन्ति प्रमादमर्तन्द्राः ॥३॥

व्यमिन्द्र त्वायवोऽभि प्र शौनुमो वृषन् ।
विद्धि त्वशुस्य नौ वसो ॥४॥

मा नौ निदे च वक्तवेऽर्यो रन्धीरराव्णे ।
त्वे अपि क्रतुर्मम ॥५॥

त्वं वर्मासि सप्रथः पुरोयोधश्च वृत्रहन् ।
त्वया प्रति ब्रुवे युजा ॥६॥

(१६) एकोनविंशं सूक्तम्

(१-७) सप्तर्चस्यास्य सूक्तस्य विश्वामित्र ऋषिः । इन्द्रो देवता । गायत्री छन्दः
वार्रहत्याय शर्वसे पृतनाषाह्याय च ।
इन्द्र त्वा वर्तयामसि ॥१॥

अर्वाचीनं सु ते मन उत चक्षुः शतक्रतो ।
इन्द्र कृणवन्तु वाघतः ॥२॥

नामानि ते शतक्रतो विश्वाभिर्गीर्भिरीमहे ।
इन्द्राभिमातिषाह्ये ॥३॥

पुरुष्टुतस्य धामभिः श्रुतेन महयामसि ।
इन्द्रस्य चर्षणीधृतः ॥४॥

इन्द्रं वृत्राय हन्तवे पुरुहूतमुप ब्रुवे ।
भरैषु वाजसातये ॥५॥

वाजेषु सासृहिर्भव त्वामीमहे शतक्रतो ।
इन्द्र वृत्राय हन्तवे ॥६॥

द्युम्नेषु पृतनाज्यै पृतसुतूर्षु श्रवःसु च ।
इन्द्र साद्ववाभिमातिषु ॥७॥

(२०) विंशं सूक्तम्

(१-७) सप्तर्चस्यास्य सूक्तस्य (१-४) प्रथमादिचतुर्भृचां विश्वामित्रः

(५-७) पञ्चम्यादितृचस्य च गृत्समद ऋषी । (१-३, ५-७) प्रथमादितृचस्य
पञ्चम्यादितृचस्य च गायत्री ((४) चतुर्थ्याश्चानुष्टुप् छन्दसी)

शुष्मिन्तमं न ऊतयै द्युम्निं पाहि जागृविम् ।
इन्द्र सोमं शतक्रतो ॥१॥

इन्द्रियाणि शतक्रतो या ते जनैषु पञ्चसु ।
इन्द्र तानि त आ वृणे ॥२॥

अगन्निन्द्र श्रवौ बृहद्द्युम्नं दधिष्व दुष्टरम् ।
उत्ते शुष्मं तिरामसि ॥३॥

अर्वावतौ न आ गृह्यथो शक्र परावतः ।
उ लोको यस्तै अद्रिव इन्द्रेह तत् आ गहि ॥४॥

इन्द्रो अङ्गं महद्भयमभि षदप चुच्यवत् ।
स हि स्थिरो विचर्षणिः ॥५॥

इन्द्रश्च मृलयाति नो न नः पश्चाद्घं नशत् ।
भद्रं भवाति नः पुरः ॥६॥

इन्द्र आशाभ्यस्परि सर्वाभ्यो अभयं करत् ।

जेता शत्रून्विचर्षणिः ॥७॥

(२१) एकविंशं सूक्तम्

(१-११) एकादशर्चस्यास्य सूक्तस्य सव्य ऋषिः । इन्द्रो देवता ।

(१-६) प्रथमादिनवर्चा जगती (१०-११) दशम्येकादशयोश्च त्रिष्टुप् छन्दसी
न्यू॒ष्टुषु वाचं॑ प्र॒ म॒हे भ॒राम॒हे गि॒र॒ इन्द्रा॑य॒ स॒दने॑ वि॒वस्व॑तः ।
नू चि॒द्धि रत्नं॑ स॒स॒तामि॒वावि॑द॒न्न दु॑ष्टु॒तिर्द्र॑वि॒णो॒देषु॑ शस्यते ॥१॥

दुरो॑ अ॒श्वस्य॑ दुर॒ इन्द्र॑ गो॒रसि॑ दुरो॒ यव॑स्य॒ वसु॑न॒ इ॒नस्प॑तिः ।
शि॒क्षान॑रः प्र॒दिवो॑ अ॒काम॑क॒र्शनः॑ स॒खा स॒खिभ्य॑स्तमि॒दं गृ॑णीमसि ॥२॥

शची॑व॒ इन्द्र॑ पुरु॒कृद्द्यु॑मत्तम् तवे॒दिद॑म॒भित॑श्चे॒किते॑ वसु॑ ।
अ॒तः स॑गृ॒भ्याभि॑भू॒त् आ भ॑र॒ मा त्वा॑य॒तो ज॑रि॒तुः का॑र्म॒मून॑यीः ॥३॥

ए॒भिर्द्यु॑भिः सु॒मना॑ ए॒भिरि॑न्दु॒भिर्निरु॑न्धा॒नो अ॑म॒तिं गो॑भि॒रश्वि॑ना ।
इन्द्रै॑ण॒ दस्युं॑ द॒रय॑न्त॒ इन्दु॑भिर्यु॒तद्वैष॑सः स॒मिषा॑ र॒भेम॑हि ॥४॥

समि॑न्द्र॒ राया॑ स॒मिषा॑ र॒भेम॑हि सं वा॒जैभिः॑ पु॒रुश्च॑न्द्रै॒रभि॑द्यु॒भिः ।
सं दे॒व्या प्र॑म॒त्या वी॒रशु॑ष्म॒या गो॑त्र॒ग्रया॑श्चा॒वत्या॑ र॒भेम॑हि ॥५॥

ते त्वा॑ म॒दा अ॑म॒दन्तानि॑ वृ॒ष्ण्या॑ ते सो॒मासो॑ वृ॒त्रह॑त्यैषु स॒त्पते॑ ।
यत्का॑र॒वे द॑श॒ वृ॒त्राय॑प्र॒ति ब॑र्हिष्म॒ते नि॑ स॒हस्रा॑णि ब॒र्हयः॑ ॥६॥

यु॒धा यु॒धमु॑प॒ घेदै॑षि धृ॒ष्ण्या॑ पु॒रा पु॑रं स॒मिदं॑ हंस्यो॒र्जसा॑ ।
नम्या॑ यदि॒न्द्र स॑ख्या॒ परा॑व॒र्ति नि॑ब॒र्हयो॑ न॒मुचि॑ं ना॒म मा॑यि॒नम् ॥७॥

त्वं क॑र॒ञ्जमु॑त॒ पूर्ण॑यं व॒धीस्ते॑जि॒ष्ठया॑ति॒थि॒ग्वस्य॑ वर्त॒नी ।
त्वं श॑ता व॒ङ्गद॑स्याभि॒न॒त्पुरो॑ऽना॒नुदः॑ परि॒षूता॑ ऋ॒जिश्च॑ना ॥८॥

त्वमे॒तां ज॒न॒राज्ञो॑ द्वि॒र्दशा॑ब॒न्धुना॑ सु॒श्रव॑सोप॒जग्मु॑षः ।
ष॒ष्टिं स॒हस्रा॑ नव॒तिं नव॑ श्रु॒तो नि च॒क्रेण॑ रथ्या॑ दु॒ष्पदा॑वृ॒णक् ॥६॥

त्वमा॑विथ सु॒श्रव॑सं तवो॒तिभि॑स्तव॒ त्राम॑भिरिन्द्र॒ तूर्व॑याणम् ।
त्वम॑स्मै कु॒त्सम॑तिथि॒ग्वमा॑युं म॒हे राज्ञे॑ यू॒ने अ॒रन्ध॑नायः ॥१०॥

य उ॒दृची॑न्द्र दे॒वगो॑पाः सखा॑यस्ते शि॒वत॑मा॒ असाम॑ ।
त्वां स्तो॑षाम॒ त्वया॑ सु॒वीरा॑ द्रा॒र्घीय॑ आ॒युः प्र॒तरं॑ दधा॒नाः ॥११॥

(२२) द्वाविंशं सूक्तम्

(१-६) षडृचस्यास्य सूक्तस्य (१-३) प्रथमादितृचस्य त्रिशोकः

(४-६) चतुर्थ्यादितृचस्य च प्रियमेध ऋषी । इन्द्रो देवता । गायत्री छन्दः

अ॒भि त्वा॑ वृष॒भा सु॒ते सु॒तं सृ॑जामि पी॒तये॑ ।
तृ॒म्पा व्य॑श्नु॒ही म॒दम् ॥१॥

मा त्वा॑ मू॒रा अ॒विष्य॑वो॒ मोप॑हस्वान् आ द॑भन् ।
माकीं॑ ब्र॒ह्मद्वि॑षो॒ वनः ॥२॥

इ॒ह त्वा॑ गो॒प॒रीण॑सा म॒हे म॑न्दन्तु रा॒धसे॑ ।
स॒रो गौ॑रो यथा॑ पिब ॥३॥

अ॒भि प्र गो॑प॒तिं गि॒रेन्द्र॑म॒र्च यथा॑ वि॒दे ।
सू॒नुं स॒त्यस्य॑ स॒त्प॑तिम् ॥४॥

आ ह॑र॒यः स॒सृजि॑रेऽरु॒षीर॑धि ब॒र्हिषि॑ ।
यत्रा॑भि स॒नवा॑महे ॥५॥

इन्द्रा॑य॒ गाव॑ आ॒शिरं॑ दु॒दुहे॑ व॒ज्रिणे॑ म॒धु ।
यत्सी॑मुप॒ह्वरे॑ वि॒दत् ॥६॥

(२३) त्रयोविंशं सूक्तम्

(१-६) नवर्चस्यास्य सुक्तस्य विश्वामित्र ऋषिः । इन्द्रो देवता । गायत्री छन्दः
 आ तू न इन्द्र मद्रयग्धुवानः सोमपीतये ।
 हरिभ्यां याह्यद्रिवः ॥१॥

सुतो होता न ऋत्विर्यस्तिस्तरे बर्हिरानुषक् ।
 अयुञ्जन्प्रातरद्रयः ॥२॥

इमा ब्रह्म ब्रह्मवाहः क्रियन्त आ बर्हिः सीद ।
 वीहि शूर पुरोलाशम् ॥३॥

राग्न्धि सर्वनेषु ण एषु स्तोमेषु वृत्रहन् ।
 उक्थेष्विन्द्र गिर्वणः ॥४॥

मतर्यः सोमपामुरुं रिहन्ति शर्वसुस्पतिम् ।
 इन्द्रं वृत्सं न मातरः ॥५॥

स मन्दस्वा ह्यन्धसो राधसे तन्वाग् महे ।
 न स्तोतारं निदे करः ॥६॥

वयमिन्द्र त्वायवो हविष्मन्तो जरामहे ।
 उत त्वमस्मयुर्वसो ॥७॥

मारे अस्मद्वि मुमुचो हरिप्रियावाङ् याहि ।
 इन्द्र स्वधावो मत्स्वेह ॥८॥

अर्वाञ्च त्वा सुखे रथे वहतामिन्द्र केशिना ।
 घृतसू बर्हिरासदे ॥९॥

(२४) चतुर्विंशं सूक्तम्

(१-६) नवर्चस्यास्य सूक्तस्य विश्वामित्र ऋषिः । इन्द्रो देवता । गायत्री छन्दः
उप नः सुतमा गंहि सोममिन्द्र गवाशिरम् ।
हरिभ्यां यस्तै अस्मयुः ॥१॥

तमिन्द्र मद्मा गंहि बर्हिष्ठां ग्रावभिः सुतम् ।
कुविन्वस्य तृष्णवः ॥२॥

इन्द्रमित्था गिरो ममाच्छागुरिषिता इतः ।
आवृते सोमपीतये ॥३॥

इन्द्रं सोमस्य पीतये स्तोमैरिह हवामहे ।
उक्थेभिः कुविदागमत् ॥४॥

इन्द्र सोमाः सुता इमे तान्दधिष्व शतक्रतो ।
जुठरै वाजिनीवसो ॥५॥

विद्या हि त्वा धनंजयं वाजेषु दधृषं कवे ।
अधा ते सुम्रमीमहे ॥६॥

इममिन्द्र गवाशिरं यवाशिरं च नः पिब ।
आगत्या वर्षभिः सुतम् ॥७॥

तुभ्येदिन्द्र स्व ओक्थेऽ सोमं चोदामि पीतये ।
एष रारन्तु ते हृदि ॥८॥

त्वां सुतस्य पीतये प्रबमिन्द्र हवामहे ।
कुशिकासौ अवस्यवः ॥९॥

(२५) पञ्चविंशं सूक्तम्

(१-७) सप्तर्चस्यास्य सूक्तस्य (१-६) प्रथमादितृचद्वयस्य गोतमः

(७) सप्तम्या ऋचश्चाष्टक ऋषी । इन्द्रो देवता ।

(१-६) प्रथमादितृचद्वयस्य जगती (७) सप्तम्याश्च त्रिष्टुप् छन्दसी

अश्वावति प्रथमो गोषु गच्छति सुप्रावीरिन्द्र मर्त्यस्तवोतिभिः ।
तमित्पृणक्षि वसुना भवीयसा सिन्धुमापो यथाभितो विचैतसः ॥१॥

आपो न देवीरुपं यन्ति होत्रियमवः पश्यन्ति विततं यथा रजः ।
प्राचैर्देवासः प्र रणयन्ति देवयुं ब्रह्मप्रियं जोषयन्ते वरा इव ॥२॥

अधि द्वयोरदधा उक्थ्यं वचो यतस्त्रुचा मिथुना या संपर्यतः ।
असंयत्तो वृते तै च्चेति पुष्यति भद्रा शक्तिर्यजमानाय सुन्वते ॥३॥

आदङ्गिराः प्रथमं दधिरे वयं इद्धाग्रयः शम्या ये सुकृत्यया ।
सर्वं पणोः समविन्दन्त भोजनमश्वावन्तं गोमन्तमा पशुं नरः ॥४॥

यज्ञैरथर्वा प्रथमः पथस्तते ततः सूर्यो वृत्पा वेन आजनि ।
आ गा आजदुशना काव्यः सचा यमस्य जातमृतं यजामहे ॥५॥

बर्हिर्वा यत्स्वपत्याय वृज्यतेऽको वा श्लोकमाघोषते दिवि ।
ग्रावा यत्र वदति कारुरुक्थ्यंस्तस्येदिन्द्रो अभिपित्वेषु रणयति ॥६॥

प्रोग्रां पीति वृष्णा इयर्मि सत्यां प्रयै सुतस्य हर्यश्च तुभ्यम् ।
इन्द्र धेनाभिरिह मादयस्व धीभिर्विश्वोभिः शच्या गृणानः ॥७॥

(२६) षड्विंशं सूक्तम्

(१-६) षडृचस्यास्य सूक्तस्य (१-३) प्रथमादितृचस्य शूनःशेषः

(४-६) चतुर्थ्यादितृचस्य च मधुच्छन्दा ऋषी । इन्द्रो देवता । गायत्री छन्दः

योगेयोगे तवस्तरं वाजेवाजे हवामहे ।

सखाय॒ इन्द्र॑मू॒तये॑ ॥१॥

आ घा॑ गम॒द्यदि॑ श्रव॑त्सह॒स्त्रिणी॑भिरू॒तिभिः॑ ।
वाजे॑भिरु॒प नो॑ हव॒म् ॥२॥

अनु॑ प्र॒त्नस्यौ॑कसो हु॒वे तु॑विप्र॒तिं नर॑म् ।
यं ते॒ पूर्वं॑ पि॒ता हु॒वे ॥३॥

यु॒ञ्जन्ति॑ ब्र॒ध्मम॑रु॒षं चर॑न्तं परि॒ तस्थु॑षः ।
रोच॑न्ते रोच॒ना दि॒वि ॥४॥

यु॒ञ्जन्त्य॑स्य॒ काम्या॑ हरी॒ विप॑क्षसा॒ रथे॑ ।
शो॒णा धृ॑ष्णू॒ नृवा॑हसा ॥५॥

के॒तुं कृ॑णव॒न्नके॒तवे॒ पेशो॑ मर्या॒ अपे॒शासै॑ ।
समु॑षद्भि॒रजा॑यथाः ॥६॥

(२७) सप्तविंशं सूक्तम्

(१-६) षडृचस्यास्य सूक्तस्य गोषूक्त्यश्वसूक्तिनावृषी । इन्द्रो देवता । गायत्री छन्दः
यदिन्द्रा॒हं यथा॑ त्वमी॒शीय॑ वस्व॒ एक॑ इत् ।
स्तो॒ता मे॒ गोष॑खा स्यात् ॥१॥

शि॒क्षेय॑मस्मै॒ दित्सै॑यं॒ शची॑पते मनी॒षिणो॑ ।
यद॒हं गो॑प॒तिः स्या॑म् ॥२॥

धे॒नुष्ट॑ इन्द्र॒ सूनृ॑ता॒ यज॑मानाय सु॒न्वते॑ ।
गाम॑श्वं पि॒प्युषी॑ दुहे ॥३॥

न तै वृतास्ति राधसु इन्द्र देवो न मर्त्यः ।
यदित्ससि स्तुतो मघम् ॥४॥

यज्ञ इन्द्रमवर्धयद्यद्भूमिं व्यवर्तयत् ।
चक्राण औपशं दिवि ॥५॥

वावृधानस्य ते वयं विश्वा धनानि जिग्युषः ।
ऊतिमिन्द्रा वृणीमहे ॥६॥

(२८) अष्टाविंशं सूक्तम्

(१-४) चतुर्ऋचस्यास्य सूक्तस्य गोषूक्त्यश्वसूक्तिनावृषी । इन्द्रो देवता । गायत्री छन्दः
व्यष्टन्तरिक्षमतिरन्मदे सोमस्य रोचना ।
इन्द्रो यदभिनद्वलम् ॥१॥

उद्गा आजदङ्गिरोभ्य आविष्कुरवन्गुहा सतीः ।
अर्वाञ्च नुनुदे वलम् ॥२॥

इन्द्रेण रोचना दिवो दृळ्हानि दृंहितानि च ।
स्थिराणि न पराणुदै ॥३॥

अपामूर्मिर्मदन्निव स्तोम इन्द्राजिरायते ।
वि ते मदा अराजिषुः ॥४॥

(२९) एकोनत्रिंशं सूक्तम्

(१-५) पञ्चर्चस्यास्य सूक्तस्य गोषूक्त्यश्वसूक्तिनावृषी । इन्द्रो देवता । गायत्री छन्दः
त्वं हि स्तौमवर्धन इन्द्रास्युक्थवर्धनः ।
स्तोतृणामुत भद्रकृत् ॥१॥

इन्द्रमित्केशिना हरी सोमपेयाय वक्षतः ।

उप॑ य॒ज्ञं सु॒राध॑सम् ॥२॥

अ॒पां फे॒नै॒न॒ न॒मु॒चेः शि॒रं इ॒न्द्रो॒द॒व॒र्त॒यः ।
वि॒श्वा य॒द॒ज॒य॒ स्पृ॒धः ॥३॥

मा॒याभि॑रु॒त्सि॒सृ॒प्स॒त॒ इ॒न्द्र॒ द्या॒मा॒रु॒रु॒क्ष॒तः ।
अ॒व॒ द॒स्यूर॑धू॒नु॒थाः ॥४॥

अ॒सु॒न्वा॒मि॒न्द्र॒ सं॒स॒दं वि॒षू॒चीं व्य॑नाशयः ।
सो॒म॒पा उ॒त्त॒रो भ॑वन् ॥५॥

(३०) त्रिंशं सूक्तम्

(१-५) पञ्चर्चस्यास्य सूक्तस्य वरुः सर्वहरिर्वा ऋषिः । हरिर्देवता । जगती छन्दः
प्र ते॑ म॒हे वि॒दथे॑ शंसिषं ह॒री प्र ते॑ व॒न्वे व॒नुषो॑ हर्य॒तं म॒द॒म् ।
घृ॒तं न यो ह॑रि॒भिश्चा॒रु॒ से॒च॒त॒ आ त्वा॑ विशन्तु ह॒रि॒व॒र्ष॒सुं गि॒रः ॥१॥

ह॒रिं हि यो॒नि॒म॒भि॒ ये स॒म॒स्व॒र॒न्दि॒न्व॒न्तो॒ ह॒री दि॒व्यं यथा॑ स॒दः ।
आ यं पृ॒णन्ति॑ ह॒रि॒भिर्न॑ धे॒नव॑ इ॒न्द्राय॑ शूषं ह॒रि॒व॒न्त॒म॒र्च॒त ॥२॥

सो अ॒स्य॒ व॒ज्रो ह॑रि॒तो य आ॒य॒सो ह॑रि॒र्निका॑मो ह॒रि॒रा ग॒र्भ॒स्त्योः ।
द्यु॒म्नी सु॑शि॒प्रो ह॑रि॒म॒न्यु॒साय॑क॒ इ॒न्द्रे नि॒ रू॒पा ह॑रि॒ता मि॒मि॒क्षि॒रे ॥३॥

दि॒वि न के॒तु॒रधि॑ धायि ह॒र्य॒तो वि॒व्य॒च॒द्व॒ज्रो ह॑रि॒तो न रं॒ह्या ।
तु॒द॒द॒हिं ह॑रि॒शि॒प्रो य आ॒य॒सः स॒ह॒स्र॑शो॒का अ॒भव॑द्ध॒रि॒भ्रः ॥४॥

त्वं॒त्वं॒म॒ह॒र्य॒था उ॑प॒स्तु॒तः पूर्वे॑भि॒रि॒न्द्र॒ ह॒रि॒केश॑ य॒ज्व॒भिः ।
त्वं ह॑र्य॒सि॒ तव॑ वि॒श्व॑मु॒क्थ्य॑ऽम॒सामि॑ रा॒धो ह॑रि॒जात॑ ह॒र्य॒तम् ॥५॥

(३१) एकत्रिंशं सूक्तम्

(१-५) पञ्चर्चस्यास्य सूक्तस्य वरुः सर्वहरिर्वा ऋषिः । हरिर्देवता । जगती छन्दः
ता वृज्जिणं मन्दिनं स्तोम्यं मद इन्द्रं रथे वहतो हर्यता हरी ।
पुरूरयस्मै सर्वनानि हर्यत इन्द्राय सोमा हरयो दधन्विरे ॥१॥

अरं कामाय हरयो दधन्विरे स्थिराय हिन्वन्हरयो हरी तुरा ।
अर्वद्भिर्यो हरिभिर्जोषमीयते सो अस्य कामं हरिवन्तमानशे ॥२॥

हरिश्मशारुर्हरिकेश आयसस्त्रस्पेये यो हरिपा अवर्धत ।
अर्वद्भिर्यो हरिभिर्वाजिनीवसुरति विश्वा दुरिता पारिषुद्धरी ॥३॥

स्रुवेव यस्य हरिणी विपेततुः शिप्रे वाजाय हरिणी दर्विध्वतः ।
प्र यत्कृते चमसे मर्मजुद्धरी पीत्वा मदस्य हर्यतस्यान्धसः ॥४॥

उत स्म सद्य हर्यतस्य पस्त्योऽरत्यो न वाजं हरिर्वाँ अचिक्रदत् ।
मही चिद्धि धिषणाहर्यदोर्जसा बृहद्वयो दधिषे हर्यतश्चिदा ॥५॥

(३२) द्वात्रिंशं सूक्तम्

(१-३) तृचस्यास्य सूक्तस्य वरुः सर्वहरिर्वा ऋषिः । हरिर्देवता ।

(१) प्रथमर्चो जगती (२-३) द्वितीयातृतीययोश्च त्रिष्टुप्छन्दसी
आ रोदसी हर्यमाणो महित्वा नव्यं नव्यं हर्यसि मन्म नु प्रियम् ।
प्र पस्त्यमिसुर हर्यतं गौराविष्कृधि हरये सूर्याय ॥१॥

आ त्वा हर्यन्तं प्रयुजो जनानां रथे वहन्तु हरिशिप्रमिन्द्र ।
पिबा यथा प्रतिभृतस्य मध्वो हर्यन्यज्ञं सधमादे दशौणिम् ॥२॥

अपाः पूर्वेषां हरिवः सुतानामथो इदं सर्वं केवलं ते ।
ममद्भि सोमं मधुमन्तमिन्द्र सत्रा वृषं जठर आ वृषस्व ॥३॥

(३३) त्रयस्त्रिंशं सूक्तम्

(१-३) तृचस्यास्य सूक्तस्याष्टक ऋषिः । हरिर्देवता । त्रिष्टुप् छन्दः
अप्सु धूतस्य हरिवः पिबेह नृभिः सुतस्य जठरं पृणस्व ।
मिमिच्चुर्यमद्रय इन्द्र तुभ्यं तेभिर्वर्धस्व मदमुक्थवाहः ॥१॥

प्रोग्रां पीतिं वृष्णा इयर्मि सत्यां प्रयै सुतस्य हर्यश्च तुभ्यम् ।
इन्द्र धेनाभिरिह मादयस्व धीभिर्विश्वोभिः शच्यां गृणानः ॥२॥

ऊती शचीवस्तव वीर्येण वयो दधाना उशिजं ऋतज्ञाः ।
प्रजावदिन्द्र मनुषो दुरोणे तस्थुर्गृणन्तः सधुमाद्यासः ॥३॥

(३४) चतुस्त्रिंशं सूक्तम्

(१-१८) अष्टादशर्चस्यास्य सूक्तस्य गृत्समद ऋषिः । इन्द्रो देवता । त्रिष्टुप् छन्दः
यो जात एव प्रथमो मनस्वान्देवो देवान्क्रतुना पर्यभूषत् ।
यस्य शुष्माद्रोदसी अभ्यसेतां नृणस्य म्हा स जनासु इन्द्रः ॥१॥

यः पृथिवीं व्यथमानामदृंहद्यः पर्वतान्प्रकुपितां अरम्णात् ।
यो अन्तरिक्षं विममे वरीयो यो द्यामस्तभ्नात्स जनासु इन्द्रः ॥२॥

यो हत्वाहिमरिणात्सप्त सिन्धून्यो गा उदाजदपधा वलस्य ।
यो अशर्मनोरन्तरिं जजान संवृक्समत्सु स जनासु इन्द्रः ॥३॥

येनेमा विश्वा च्यवना कृतानि यो दासं वर्णमधरं गुहाकः ।
श्वघ्नीव यो जिगीवां लक्ष्माददर्यः पुष्टानि स जनासु इन्द्रः ॥४॥

यं स्मा पृच्छन्ति कुह सेति घोरमुतेमाहुर्नैषो अस्तीत्येनम् ।
सो अर्यः पुष्टीर्विज इवा मिनाति श्रदस्मै धत्त स जनासु इन्द्रः ॥५॥

यो रघस्य चोदिता यः कृशस्य यो ब्रह्मणो नाधमानस्य कीरेः ।

युक्तग्राव्यो योऽविता सुशिप्रः सुतसोमस्य स जनासु इन्द्रः ॥६॥

यस्याश्वासः प्रदिशि यस्य गावो यस्य ग्रामा यस्य विश्वे रथासः ।
यः सूर्यं य उषसं जजान यो अपां नेता स जनासु इन्द्रः ॥७॥

यं क्रन्दसी संयती विह्वयेते परेऽवरे उभया अमित्राः ।
समानं चिद्रथमातस्थिवासा नाना हवेते स जनासु इन्द्रः ॥८॥

यस्मान्न ऋते विजयन्ते जनासो यं युध्यमाना अवसे हवन्ते ।
यो विश्वस्य प्रतिमानं बभूव यो अच्युतच्युत्स जनासु इन्द्रः ॥९॥

यः शश्वतो मध्येनो दधानानमन्यमानाञ्छर्वा जघान ।
यः शर्धते नानुददाति श्रुध्यां यो दस्योर्हन्ता स जनासु इन्द्रः ॥१०॥

यः शम्बरं पर्वतेषु क्षियन्तं चत्वारिंश्यां शरद्वन्वविन्दत् ।
ओजायमानं यो अहिं जघान दानुं शयानं स जनासु इन्द्रः ॥११॥

यः शम्बरं पर्यतरत्कसीभिर्योऽचारुकास्त्रापिबत्सुतस्य ।
अन्तर्गिरौ यजमानं बहं जनं यस्मिन्नामूर्छत्स जनासु इन्द्रः ॥१२॥

यः सुप्ररश्मिवृषभस्तुविष्मान्वासृजत्सर्तवे सुप्त सिन्धून् ।
यो रौहिणमस्फुरद्वज्रबाहुर्घामारोहन्तं स जनासु इन्द्रः ॥१३॥

द्यावा चिदस्मै पृथिवी नमेते शुष्माच्चिदस्य पर्वता भयन्ते ।
यः सोमपा निचितो वज्रबाहुर्यो वज्रहस्तः स जनासु इन्द्रः ॥१४॥

यः सुन्वन्तमवति यः पचन्तं यः शंसन्तं यः शशमानमूती ।
यस्य ब्रह्म वर्धनं यस्य सोमो यस्येदं राधः स जनासु इन्द्रः ॥१५॥

जातो व्यख्यत्पित्रोरुपस्थे भुवो न वेद जनितुः परस्य ।
स्तविष्यमाणो नो यो अस्मद्ब्रता देवानां स जनासु इन्द्रः ॥१६॥

यः सोमकामो हर्यश्वः सूरिर्यस्माद्रेजन्ते भुवनानि विश्वा ।
यो जघान शम्बरं यश्च शुष्णं य एकवीरः स जनासु इन्द्रः ॥१७॥

यः सुन्वते पचते दुध आ चिद्वाजं दर्दषि स किलासि सत्यः ।
वयं त इन्द्र विश्वर्ह प्रियासः सुवीरासो विदथमा वदेम ॥१८॥

(३५) पञ्चत्रिंशं सूक्तम्

(१-१६) षोडशर्चस्यास्य सूक्तस्य नोधा ऋषिः । इन्द्रो देवता । त्रिष्टुप् छन्दः
अस्मा इदु प्र तवसे तुराय प्रयो न हर्मि स्तोमं माहिनाय ।
ऋचीषमायाधिगव ओहमिन्द्राय ब्रह्माणि राततमा ॥१॥

अस्मा इदु प्रय इव प्र यंसि भराभ्यान्गूषं बाधे सुवृक्ति ।
इन्द्राय हृदा मनसा मनीषा प्रताय पत्ये धियो मर्जयन्त ॥२॥

अस्मा इदु त्यमुपमं स्वर्षा भराभ्याङ्गूषमास्येन ।
महिष्ठमच्छौक्तिभिर्मतीनां सुवृक्तिभिः सूरिं वावृधध्वै ॥३॥

अस्मा इदु स्तोमं सं हिनोमि रथं न तष्टैव तत्सिनाय ।
गिरश्च गिर्वाहसे सुवृक्तीन्द्राय विश्वमिन्वं मेधिराय ॥४॥

अस्मा इदु सप्तमिव श्रवस्येन्द्रायार्क जुह्वाऽ समञ्जे ।
वीरं दानौकसं वन्दध्वै पुरां गूर्तश्रवसं दर्माणम् ॥५॥

अस्मा इदु त्वष्टा तद्द्वजं स्वपस्तमं स्वयंशु रणाय ।
वृत्रस्य चिद्विदद्येन मर्म तुजनीशानस्तुजता कियेधाः ॥६॥

अस्येदु मातुः सर्वनेषु सद्यो महः पितुं पपिवां चार्वन्ना ।
मुषायद्विष्णुः पचतं सहीयान्विध्यद्वराहं तिरो अद्रिमस्ता ॥७॥

अस्मा इदु ग्राश्चिद्देवपत्नीरिन्द्रायार्कमहिहत्य ऊवुः ।
परि द्यावापृथिवी जभ्र उर्वी नास्य ते महिमानं परि ष्टः ॥८॥

अस्येदेव प्र रिरिचे महित्वं दिवस्पृथिव्याः पर्यन्तरिक्षात् ।
स्वराळिन्द्रो दम आ विश्वर्गतः स्वरिमत्रो ववक्षे रणाय ॥९॥

अस्येदेव शर्वसा शुशन्तं वि वृश्चद्वज्रैण वृत्रमिन्द्रः ।
गा न ब्राणा अवनीरमुञ्चदभि श्रवौ दावने सचेताः ॥१०॥

अस्येदु त्वेषसा रन्त सिन्धवः परि यद्वज्रैण सीमयच्छत् ।
ईशानकृद्दाशुषे दशस्यन्तुर्वीतये गाधं तुर्वणिः कः ॥११॥

अस्मा इदु प्र भरा तूतुजानो वृत्राय वज्रमीशानः कियेधाः ।
गोर्न पर्व वि रदा तिरश्चेष्यन्नर्णास्यपां चरध्यै ॥१२॥

अस्येदु प्र ब्रूहि पूर्व्याणि तुरस्य कर्माणि नव्य उक्थैः ।
युधे यदिष्णान आयुधान्यृघायमाणो निरिणाति शत्रून् ॥१३॥

अस्येदु भिया गिरयश्च दृळ्हा द्यावा च भूमा जनुषस्तुजेते ।
उपौ वेनस्य जोगुवान ओणिं सद्यो भुवद्वीर्याय नोधाः ॥१४॥

अस्मा इदु त्यदनु दाय्येषामेको यद्वोने भूरीशानः ।
प्रैतशं सूर्ये पस्पृधानं सौवश्वये सुष्विमावदिन्द्रः ॥१५॥

एवा तै हारियोजना सुवृक्तीन्द्र ब्रह्माणि गोतमासो अक्रन् ।

ऐषु विश्वपेशसं धियं धाः प्रातर्मन्तू धियावसुर्जगम्यात् ॥१६॥

(३६) षट्त्रिंशं सूक्तम्

(१-११) एकादशर्चस्यास्य सूक्तस्य भरद्वाज ऋषिः । इन्द्रो देवता । त्रिष्टुप् छन्दः
य एक इद्धव्यश्चर्षणीनामिन्द्रं तं गीर्भिरभ्यर्च आभिः ।
यः पत्यते वृषभो वृषयावान्सत्यः सत्वां पुरुमायः सहस्वान् ॥१॥

तमु नः पूर्वे पितरो नवग्वाः सप्त विप्रांसो अभि वाजयन्तः ।
नक्षद्वाभं ततुरिं पर्वतेष्ठा मद्रौघवाचं मतिभिः शर्विष्ठम् ॥२॥

तमीमह इन्द्रमस्य रायः पुरुवीरस्य नृवतः पुरुक्षोः ।
यो अस्कृधोयुरजरः स्वर्वान्तमा भर हरिवो मादयध्वै ॥३॥

तन्नो वि वौचो यदि ते पुरा चिञ्जरितारं आनुशुः सुममिन्द्र ।
कस्तै भागः किं वयो दुध्र खिद्रुः पुरुहूत पुरुवसोऽसुरघ्नः ॥४॥

तं पृच्छन्ती वज्रहस्तं रथेष्ठा मिन्द्रं वेपी वक्वरी यस्य नू गीः ।
तुविग्राभं तुविकूर्मि रभोदां गातुमिषे नक्षते तुममच्छ ॥५॥

अया ह त्यं मायया वावृधानं मनोजुवां स्वतवः पर्वतेन ।
अच्युता चिद्वीळिता स्वौजो रूजो वि दृळ्हा धृषता विरप्शान् ॥६॥

तं वौ धिया नव्यस्या शर्विष्ठं प्रत्नं प्रत्नवत्परितंसयध्वै ।
स नो वक्षदनिमानः सुवहेन्द्रो विश्वान्यति दुर्गहाणि ॥७॥

आ जनाय द्रुहणे पार्थिवानि दिव्यानि दीपयोऽन्तरिक्षा ।
तपा वृषन्विश्वतः शोचिषा तान्ब्रह्मद्विषे शोचय क्षामपश्च ॥८॥

भुवो जनस्य दिव्यस्य राजा पार्थिवस्य जगतस्त्वेषसंदृक् ।
धिष्व वज्रं दक्षिण इन्द्र हस्ते विश्वा अजुर्य दयसे वि मायाः ॥६॥

आ संयतमिन्द्र णः स्वस्तिं शत्रुतूर्याय बृहतीममृधाम् ।
यया दासान्यार्याणि वृत्रा करो वज्रिन्सुतुका नाहृषाणि ॥१०॥

स नो नियुद्धिः पुरुहूत वेधो विश्ववाराभिरा गंहि प्रयज्यो ।
न या अदेवो वरते न देव आभिर्याहि तूयमा मद्र्यद्रिक् ॥११॥

(३७) सप्तत्रिंशं सूक्तम्

(१-११) एकादशर्चस्यास्य सूक्तस्य वसिष्ठ ऋषिः । इन्द्रो देवता । त्रिष्टुप् छन्दः
यस्तिग्मशृङ्गो वृषभो न भीमः एकः कृष्टीश्चयावयति प्र विश्वाः ।
यः शश्वतो अदाशुषो गयस्य प्रयन्तासि सुष्वितराय वेदः ॥१॥

त्वं ह त्यदिन्द्र कुत्समावः शुश्रूषमाणस्तन्वा समर्ये ।
दासं यच्छुष्णं कुर्यवं न्यस्मा अरन्धय आर्जुनेयाय शिक्तन् ॥२॥

त्वं धृष्णो धृषता वीतहव्यं प्रावो विश्वाभिरूतिभिः सुदासम् ।
प्र पौरुकुत्सिं त्रसदस्युमावः क्षेत्रसाता वृत्रहत्येषु पूरुम् ॥३॥

त्वं नृभिर्नृमणो देववीतौ भूरीणि वृत्रा हर्यश्च हंसि ।
त्वं नि दस्युं चुमुरिं धुनिं चास्वापयो दभीतये सुहन्तु ॥४॥

तव च्यौत्नानि वज्रहस्त तानि नव यत्पुरो नवतिं च सद्यः ।
निवेशने शततमाविवेषीरहं च वृत्रं नमुचिमुताहन् ॥५॥

सना ता त इन्द्र भोजनानि रातहव्याय दाशुषे सुदासे ।
वृष्णो ते हरी वृषणा युनज्म व्यन्तु ब्रह्माणि पुरुशाक् वाजम् ॥६॥

मा ते अस्यां सहसावन्परिष्ठावघाय भूम हरिवः परादौ ।
त्रायस्व नोऽवृकेभिर्वरूथैस्तव प्रियासः सूरिषु स्याम ॥७॥

प्रियास इत्तै मघवन्नभिष्टौ नरो मदेम शरणे सखायः ।
नि तुर्वशं नि याद्वं शिशीह्यतिथिग्वायु शंस्यं करिष्यन् ॥८॥

सद्यश्चिन्नु तै मघवन्नभिष्टौ नरः शंसन्त्युक्थशास उक्था ।
ये ते हवैभिर्वि पर्णीरंदाशन्नस्मान् वृणीष्व युज्याय तस्मै ॥९॥

एते स्तोमा नरां नृतम् तुभ्यमस्मद्रयञ्चो ददतो मघानि ।
तेषामिन्द्र वृत्रहत्यै शिवो भूः सर्वा च शूरोऽविता च नृणाम् ॥१०॥

नू इन्द्र शूर स्तवमान ऊती ब्रह्मजूतस्तन्वा वावृधस्व ।
उप नो वाजान्मिमीह्युप स्तीन्युयं पात स्वस्तिभिः सदा नः ॥११॥

(३८) अष्टात्रिंशं सूक्तम्

(१-६) षड्चस्यास्य सूक्तस्य (१-३) प्रथमादितृचस्य इरिम्बिठिः

(४-६) चतुर्थ्यादितृचस्य च मधुच्छन्दा ऋषी । इन्द्रो देवता । गायत्री छन्दः

आ याहि सुषुमा हि त इन्द्र सोमं पिबा इमम् ।
एदं बर्हिः सदो मम ॥१॥

आ त्वा ब्रह्मयुजा हरी वहतामिन्द्र केशिना ।
उप ब्रह्माणि नः शृणु ॥२॥

ब्रह्माणस्त्वा वयं युजा सोमपामिन्द्र सोमिनः ।
सुतार्वन्तो हवामहे ॥३॥

इन्द्रमिद्राथिनो बृहदिन्द्रमर्केभिरकिर्णः ।
इन्द्रं वाणीरनूषत ॥४॥

इन्द्र इद्धर्योः सचा संमिश्ल आ वचोयुजा ।
इन्द्रो वज्री हिरण्ययः ॥५॥

इन्द्रो दीर्घाय चक्षस आ सूर्य रोहयद्विवि ।
वि गोभिरद्रिमैरयत् ॥६॥

(३६) एकोनचत्वारिंशं सूक्तम्

(१-५) पञ्चर्चस्यास्य सूक्तस्य (१) प्रथमर्चो मधुच्छन्दाः

(२-५) द्वितीयादिचतसृणाञ्च गोषूक्त्यश्वसूक्तिनावृषयः । इन्द्रो देवता । गायत्री छन्दः
इन्द्रं वो विश्वतस्परि हवामहे जनैभ्यः ।
अस्माकमस्तु केवलः ॥१॥

व्यश्रन्तरिक्षमतिरन्मदे सोमस्य रोचना ।
इन्द्रो यदर्भिनद्वलम् ॥२॥

उद्गा आजदङ्गिरोभ्य आविष्कृणवन्गुहा सतीः ।
अर्वाञ्च नुनुदे वलम् ॥३॥

इन्द्रेण रोचना दिवो दृळ्हानि दृहितानि च ।
स्थिराणि न पराणुदै ॥४॥

अपामूर्मिर्मदन्निव स्तोम इन्द्राजिरायते ।
वि ते मदा अराजिषुः ॥५॥

(४०) चत्वारिंशं सूक्तम्

(१-३) तृचस्यास्य सूक्तस्य मधुच्छन्दा ऋषिः । (१-२) प्रथमाद्वितीययोर्ऋचोरिन्द्रः

(३) तृतीयायाश्च मरुतो देवताः । गायत्री छन्दः

इन्द्रेण सं हि दृक्षसे संजग्मानो अबिभ्युषा ।
मन्दू समानवर्चसा ॥१॥

अ॒न॒व॒घ्नै॒र॒भि॒द्यु॒भि॒र्मुखः॑ सह॑स्वद॒र्चति॑ ।
ग॒णै॒रिन्द्र॑स्य॒ काम्यैः॑ ॥२॥

आद॑हं स्व॒धाम॑नु पु॒नर्ग॑र्भ॒त्वमै॑रिरे ।
द॒धाना॑ नाम॒ य॒ज्ञिय॑म् ॥३॥

(४१) एकचत्वारिंशं सूक्तम्

(१-३) तृचस्यास्य सूक्तस्य गोतम ऋषिः । इन्द्रो देवता । गायत्री छन्दः
इन्द्रो॑ दधी॒चो अ॒स्थभि॑र्वृ॒त्राय॑प्रतिष्कृतः ।
ज॒घान॑ नव॒तीर्न॑व ॥१॥

इ॒च्छ॒नश्च॑स्य॒ यच्छि॑रः पर्व॑तेष्वप॒श्रित॑म् ।
तद्वि॑दच्छ॒र्यणा॑वति ॥२॥

अत्रा॑ह॒ गोर॑मन्व॒त॒ नाम॒ त्वष्ट॑रपी॒च्य॑म् ।
इ॒त्था च॒न्द्रम॑सो गृ॒हे ॥३॥

(४२) द्विचत्वारिंशं सूक्तम्

(१-३) तृचस्यास्य सूक्तस्य कुरुसुतिर्ऋषिः । इन्द्रो देवता । गायत्री छन्दः
वा॒र्च॒म॒ष्टा॒पदी॑म॒हं न॑व॒स्रक्ति॑मृ॒त॒स्पृश॑म् ।
इन्द्रा॑त्परि॒ त॒न्वा॑ ममे ॥१॥

अ॒नु॒ त्वा॒ रोद॑सी उ॒भे क्र॑क्ष॒माण॑मकृ॒पेता॑म् ।
इन्द्र॑ यद्द॑स्युहा॒र्भवः॑ ॥२॥

उ॒त्तिष्ठ॑न्नो॒र्जसा॑ स॒ह पी॒त्वी शि॒प्रे अ॒वेप॑यः ।
सोम॑मिन्द्र च॒मू सु॒तम् ॥३॥

(४३) त्रिचत्वारिंशं सूक्तम्

(१-३) तृचस्यास्य सूक्तस्य त्रिशोक ऋषिः । इन्द्रो देवता । गायत्री छन्दः
भिन्धि विश्वा अप द्विषः बाधौ जही मृधः ।
वसुं स्पार्हं तदा भर ॥१॥

यद्वीळाविन्द्र यत्स्थिरे यत्पशानि पराभृतम् ।
वसुं स्पार्हं तदा भर ॥२॥

यस्य ते विश्वमानुषो भूरैर्दत्तस्य वेदति ।
वसुं स्पार्हं तदा भर ॥३॥

(४४) चतुश्चत्वारिंशं सूक्तम्

(१-३) तृचस्यास्य सूक्तस्य इरिम्बिठिर्ऋषिः । इन्द्रो देवता । गायत्री छन्दः
प्र सम्राजं चर्षणीनामिन्द्रं स्तोता नव्यं गीर्भिः ।
नरं नृषाहं मंहिष्ठम् ॥१॥

यस्मिन्नुक्थानि रणयन्ति विश्वानि च श्रवस्या ।
अपामवो न समुद्रे ॥२॥

तं सुष्टुत्या विवासे ज्येष्ठराजं भरै कृतुम् ।
महो वाजिनं सनिभ्यः ॥३॥

(४५) पञ्चचत्वारिंशं सूक्तम्

(१-३) तृचस्यास्य सूक्तस्य शुनःशेषः (देवरातापरनामा) ऋषिः ।
इन्द्रो देवता । गायत्री छन्दः

अयमुं ते समतसि कपोत इव गर्भधिम् ।
वचस्तच्चिन्न ओहसे ॥१॥

स्तोत्रं राधानां पते गिर्वाहो वीर यस्य ते ।

विभूतिरस्तु सूनृता ॥२॥

ऊर्ध्वस्तिष्ठा न ऊतयेऽस्मिन्वाजै शतक्रतो ।
समन्येषु ब्रवावहै ॥३॥

(४६) षट्चत्वारिंशं सूक्तम्

(१-३) तृचस्यास्य सूक्तस्य इरिम्बिठिर्ऋषिः । इन्द्रो देवता । गायत्री छन्दः
प्रणेतारं वस्यो अच्छा कर्तारं ज्योतिः समत्सु ।
सासुह्रांसं युधामित्रान् ॥१॥

स नः पप्रिः पारयाति स्वस्ति नावा पुरुहूतः ।
इन्द्रो विश्वा अति द्विषः ॥२॥

स त्वं न इन्द्र वाजैभिर्दशस्या च गातुया च ।
अच्छा च नः सुम्रं नैषि ॥३॥

(४७) सप्तचत्वारिंशं सूक्तम्

(१-२१) एकविंशत्यृचस्यास्य सूक्तस्य (१-३) प्रथमादितृचस्य सुकन्नः (४-६,
१०-१२) चतुर्थ्यादितृचस्य दशम्यादितृचस्य च मधुच्छन्दाः (७-९) सप्तम्यादितृचस्य
इरिम्बिठिः (१३-२१) त्रयोदश्यादिनवानाञ्च प्रस्करव ऋषयः । (१-१२)
प्रथमादिद्वादशर्चामिन्द्रः (१३-२१) त्रयोदश्यादिनवानाञ्च सूर्यो देवते । गायत्री छन्दः
तमिन्द्रं वाजयामसि महे वृत्राय हन्तवे ।
स वृषा वृषभो भुवत् ॥१॥

इन्द्रः स दामने कृत ओजिष्ठः स मदै हितः ।
द्युम्नी श्लोकी स सोम्यः ॥२॥

गिरा वज्रो न संभृतः सबलो अनपच्युतः ।
वृक्ष ऋष्वो अस्तृतः ॥३॥

इन्द्रमिन्द्राथिनो बृहदिन्द्रमर्केभिर्किर्णः ।
इन्द्रं वाणीरनूषत ॥४॥

इन्द्र इद्धर्योः सचा संमिश्ल आ वचोयुजा ।
इन्द्रो वज्री हिरण्ययः ॥५॥

इन्द्रो दीर्घाय चक्षस आ सूर्य रोहयद्विवि ।
वि गोभिरद्रिमैरयत् ॥६॥

आ याहि सुषुमा हि त इन्द्र सोमं पिबा इमम् ।
एदं बर्हिः सदो मम ॥७॥

आ त्वा ब्रह्मयुजा हरी वहतामिन्द्र केशिना ।
उप ब्रह्माणि नः शृणु ॥८॥

ब्रह्माणस्त्वा वयं युजा सोमपामिन्द्र सोमिनः ।
सुतावन्तो हवामहे ॥९॥

युञ्जन्ति ब्रध्मरुषं चरन्तं परि तस्थुषः ।
रोचन्ते रोचना दिवि ॥१०॥

युञ्जन्त्यस्य काम्या हरी विपक्षसा रथे ।
शोणा धृष्णू नृवाहसा ॥११॥

केतुं कृणवन्नकेतवे पेशौ मर्या अपेशसै ।
समुषद्विरजायथाः ॥१२॥

उदु त्यं जातवेदसं देवं वहन्ति केतवः ।

दृ॒शे वि॒श्वाय॑ सू॒र्यम् ॥१३॥

अ॒प॒ त्ये ता॒यवो॑ यथा॒ नक्ष॑त्रा यन्त्य॒क्तुभिः॑ ।
सू॒राय॑ वि॒श्वच॑क्षसे ॥१४॥

अ॒दृ॒श्रन्न॑स्य के॒तवो॑ वि र॒श्मयो॑ जनाँ॒ अनु॑ ।
भा॒जन्तो॑ अ॒ग्रयो॑ यथा ॥१५॥

त॒रणि॑र्वि॒श्वदर्श॑तो ज्योति॒ष्कृद॑सि सू॒र्य ।
वि॒श्वमा॑ भा॒सि रो॑चन ॥१६॥

प्र॒त्यङ् दे॒वानां॑ वि॒शः प्र॒त्यङ्ङु॑दै॒षि मा॑नु॒षीः ।
प्र॒त्यङ्ङि॑व॒श्वं स्व॑र्दृ॒शे ॥१७॥

येना॑ पाव॒क॒ चक्ष॑सा भु॒रण॑यन्तं जनाँ॒ अनु॑ ।
त्वं व॑रु॒ण प॑श्यसि ॥१८॥

वि द्या॑मै॒षि रज॑स्पृ॒थ्वह॑र्मि॒मानो॑ अ॒क्तुभिः॑ ।
प॑श्यं॒ जन्मा॑नि सू॒र्य ॥१९॥

स॒प्त त्वा॑ ह॒रितो॑ रथे॒ वह॑न्ति दे॒व सू॒र्य ।
शो॒चिष्कै॑शं वि॒चक्ष॑णम् ॥२०॥

अ॒यु॒क्त स॒प्त शु॒न्ध्यु॒वः सू॒रो रथ॑स्य न॒प्तय॑ः ।
ताभि॑र्या॒ति स्व॑यु॒क्तिभिः॑ ॥२१॥

(४८) अष्टचत्वारिंशं खिलसूक्तम्

((१-६) षड्चस्यास्य खिलसूक्तस्य (४-६) चतुर्थ्यादितृचस्य सार्पराज्ञी ऋषिका ।
(४-६) चतुर्थ्यादितृचस्यात्मा सूर्यो वा देवता । (१-६) प्रथमादिषड्चां गायत्री छन्द)

अ॒भि त्वा॒ वर्च॑सा गि॒रः सिञ्च॑न्ती॒राच॑र॒णयु॑र्वः ।
अ॒भि व॒त्सं न धे॑नवः ॥१॥

ता अ॒र्षन्ति॑ शु॒भ्रियः॑ पृ॒ञ्चती॑र्व॒र्चसा॒ प्रियः॑ ।
जा॒तं जा॒त्रीर्य॑था हृ॒दा ॥२॥

वज्रा॑पव॒साध्यः॑ की॒र्तिर्भ्रि॑यमा॒णमा॑व॒हन् ।
मह्य॑मायु॒र्घृतं॑ पयः ॥३॥

आयं॑ गौः पृ॒श्नि॒रक्र॑मी॒दस॑दन्मा॒तरं॑ पु॒रः ।
पि॒तरं॑ च प्र॒यन्त्स्वः॑ ॥४॥

अ॒न्तश्च॑रति रो॒चना॑ अ॒स्य प्रा॑णाद॒पान॑तः ।
व्य॑र॒व्यन्म॑हिषः स्वः॑ ॥५॥

त्रिंश॑द्धामा॒ वि रा॑जति॒ वाक्प॑त॒ङ्गो अ॑शि॒श्रिय॑त् ।
प्रति॑ वस्तो॒रहृ॑द्यु॒भिः ॥६॥

(४६) एकोनपञ्चाशं खिलसूक्तम्

((१-७) सप्तर्चस्यास्य खिलसूक्तस्य (४-५) चतुर्थ्यादिद्वयचस्य नोधा (६-७)
षष्ठ्यादिद्वयचस्य च मेध्यातिथिर्गृषी । (४-७) चतुर्थ्यादिचतसृणामिन्द्रो देवता ।
(१-३) प्रथमादितृचस्य गायत्री (४-७) चतुर्थ्यादिचतसृणाञ्च प्रगाथश्छन्दसी)
यच्छ॒क्रा वा॑च॒मारु॑हन्नन्तरि॒क्षं सि॑षासथः ।
सं दे॒वा अ॑मद॒न्वृषा॑ ॥१॥

श॒क्रो वा॑च॒मधृ॑ष्ठायो॒रुवा॑चो अ॒धृष्ण॑हि ।
मं॒हिष्ठ॑ आ म॒द॒र्दिवि॑ ॥२॥

श॒क्रो वा॑च॒मधृ॑ष्णुहि धाम॑ध॒र्मुन्वि॑राजति ।

विमदन्बर्हिरासरन् ॥३॥

तं वो द्दस्ममृतीषहं वसोर्मन्दानमन्धसः ।
अभि वत्सं न स्वसरेषु धेनव इन्द्रं गीर्भिर्नवामहे ॥४॥

द्युद्धं सुदानुं तविषीभिरावृतं गिरिं न पुरुभोजसम् ।
क्षुमन्तं वाजं शतितं सहस्रिणं मद्भू गोमन्तमीमहे ॥५॥

तत्त्वां यामि सुवीर्यं तद्ब्रह्म पूर्वचित्तये ।
येना यतिभ्यो भृगवे धने हिते येन प्रस्करवमाविथ ॥६॥

येना समुद्रमसृजो महीरपस्तदिन्द्र वृष्णिं ते शर्वः ।
सद्यः सो अस्य महिमा न संनशे यं क्षोणीरनुचक्रदे ॥७॥

(५०) पञ्चाशं सूक्तम्

(१-२) द्व्यचस्यास्य सूक्तस्य मेध्यातिथिर्ऋषिः । इन्द्रो देवता । प्रगाथश्छन्दः
कन्नव्यो अतसीनां तुरो गृणीतु मर्त्यः ।
नही न्वस्य महिमानेमिन्द्रियं स्वर्गृणन्त आनुशुः ॥१॥

कदु स्तुवन्तं ऋतयन्त देवत ऋषिः को विप्र ओहते ।
कदा हवं मघवन्नन्द्र सुन्वतः कदु स्तुवत आ गमः ॥२॥

(५१) एकपञ्चाशं सूक्तम्

(१-४) चतुर्ऋचस्यास्य सूक्तस्य (१-२) प्रथमाद्वितीययोर्ऋचोः प्रस्करवः (३-४)
तृतीयाचतुर्थ्योश्च पुष्टिगुर्ऋषी । इन्द्रो देवता । प्रगाथश्छन्दः
अभि प्र वः सुरार्धसमिन्द्रमर्चं यथा विदे ।
यो जरितृभ्यो मघवा पुरुवसुः सहस्रैरेव शिञ्जति ॥१॥

शतानीकेव प्र जिगाति धृष्णुया हन्ति वृत्राणि दाशुषे ।

गिरेरिव प्र रसा अस्य पिन्विरे दत्राणि पुरुभोजसः ॥२॥

प्र सु श्रुतं सुरार्धसमर्चा शक्रमभिष्टये ।
यः सुन्वते स्तुवते काम्यं वसु सहस्रेणैव मंहते ॥३॥

शतानीका हेतयो अस्य दुष्टरा इन्द्रस्य समिषो महीः ।
गिरिर्न भुज्मा मघवत्सु पिन्वते यदीं सुता अमन्दिषुः ॥४॥

(५२) द्विपञ्चाशं सूक्तम्

(१-३) तृचस्यास्य सूक्तस्य मेध्यातिथिर्ऋषिः । इन्द्रो देवता । बृहती छन्दः
वयं घ त्वा सुतावन्त आपो न वृक्तबर्हिषः ।
पवित्रस्य प्रस्त्रवणेषु वृत्रहन्परि स्तोतार आसते ॥१॥

स्वरन्ति त्वा सुते नरो वसो निरेक उक्थिनः ।
कदा सुतं तृषाण ओक आ गम् इन्द्र स्वब्दीव वंसगः ॥२॥

करवैभिर्धृष्णावा धृषद्वाजं दर्षि सहस्त्रिणाम् ।
पिशङ्गरूपं मघवन्विचर्षणे मद्गू गोमन्तमीमहे ॥३॥

(५३) त्रिपञ्चाशं सूक्तम्

(१-३) तृचस्यास्य सूक्तस्य मेध्यातिथिर्ऋषिः । इन्द्रो देवता । बृहती छन्दः
क ई वेद सुते सचा पिबन्तं कद्वयो दधे ।
अयं यः पुरो विभिनत्योजसा मन्दानः शिप्रयन्धसः ॥१॥

दाना मृगो न वारणः पुरुत्रा चरथं दधे ।
नकिष्ट्वा नि यमदा सुते गमो महाँश्चरस्योजसा ॥२॥

य उग्रः सन्ननिष्टत स्थिरो रणाय संस्कृतः ।
यदि स्तोतुर्मघवा शृणवद्धवं नेन्द्रो योषत्या गमत् ॥३॥

(५४) चतुष्पञ्चाशं सूक्तम्

(१-३) तृचस्यास्य सूक्तस्य रेभ ऋषिः । इन्द्रो देवता ।

(१) प्रथमर्चोऽतिजगती (२-३) द्वितीयातृतीययोश्चोपरिष्ठाद्बृहती छन्दसी
विश्वाः पृतना अभिभूतरं नरं सजुस्ततद्भुरिन्द्रं जजनुश्च राजसे ।
क्रत्वा वरिष्ठं वरं आमुरिमुतोग्रमोजिष्ठं तवसं तरस्विनम् ॥१॥

समीं रेभासौ अस्वरन्निन्द्रं सोमस्य पीतये ।
स्वर्पतिं यदीं वृधे धृतव्रतो ह्योर्जसा समूतिभिः ॥२॥

नेमिं नमन्ति चक्षसा मेषं विप्रां अभिस्वरा ।
सुदीतयो वो अद्बुहोऽपि कर्णे तरस्विनः समृक्वभिः ॥३॥

(५५) पञ्चपञ्चाशं सूक्तम्

(१-३) तृचस्यास्य सूक्तस्य रेभ ऋषिः । इन्द्रो देवता ।

((१) प्रथमर्चोऽतिजगती (२-३) द्वितीयातृतीययोश्च बृहती छन्दसी)
तमिन्द्रं जोहवीमि मघवानमुग्रं सूत्रा दधानमप्रतिष्कुतं शवांसि ।
मंहिष्ठो गीर्भिरा च यज्ञियो ववर्तद्राये नो विश्वा सुपथा कृणोतु वज्री
॥१॥

या इन्द्र भुज आभरः स्वर्वा असुरेभ्यः ।
स्तोतारमिन्मघवन्नस्य वर्धय ये च त्वे वृक्तबर्हिषः ॥२॥

यमिन्द्र दधिषे त्वमश्वं गां भागमव्ययम् ।
यजमाने सुन्वति दक्षिणावति तस्मिन्तं धैहि मा पृणौ ॥३॥

(५६) षट्पञ्चाशं सूक्तम्

(१-६) षट्चस्यास्य सूक्तस्य गोतम ऋषिः । इन्द्रो देवता । (पङ्क्तिश्छन्दः)

इन्द्रो मदाय वावृधे शर्वसे वृत्रहा नृभिः ।
तमिन्महत्स्वाजिषूतेमर्भे हवामहे स वाजेषु प्र नोऽविषत् ॥१॥

असि॒ हि वी॒र॒ से॒न्योऽसि॒ भूरि॑ परा॒दिः ।
असि॑ द॒भ्रस्य॑ चि॒द्वृ॒धो यज॑मानाय शि॒क्षसि॑ सु॒न्वते॒ भूरि॑ ते॒ वसु॑ ॥२॥

यदु॒दीर॑त आ॒जयो॑ धृ॒ष्णवै॑ धी॒यते॒ धना॑ ।
यु॒क्त्वा म॑द॒च्युता॒ हरी॑ कं ह॒नः कं वसौ॑ दधोऽस्माँ इन्द्र॒ वसौ॑ दधः ॥३॥

मदे॑मदे॒ हि नो॑ द॒दिर्यु॑था गवा॒मृजु॑क्रतुः ।
सं गृ॑भाय पु॒रू श॒तोभ॑याह॒स्त्या वसु॑ शि॒शीहि॒ राय॒ आ भ॑र ॥४॥

मा॒दय॑स्व सु॒ते स॒चा श॑र्वसे शूर॒ राध॑से ।
वि॒द्या हि त्वा॑ पु॒रूवसु॑मु॒प॒ कामा॑न्त्ससृ॒ज्महे॑ऽथा॒ नोऽवि॒ता भ॑व ॥५॥

ए॒ते त इन्द्र॑ ज॒न्तवो॒ विश्वं॑ पु॒ष्यन्ति॒ वार्य॑म् ।
अ॒न्तर्हि॑ र॒व्यो ज॒नाना॑म॒र्यो वेदो॒ अदा॑शु॒षां तेषां॒ नो वेद॑ आ भ॑र ॥६॥

(५७) सप्तपञ्चाशं सूक्तम्

(१-१६) षोडशर्चस्यास्य सूक्तस्य (१-३) प्रथमादितृचस्य मधुच्छन्दाः

(४-७) चतुर्थ्यादिचतसृनामृचां विश्वामित्रः (८-१०) अष्टम्यादितृचस्य गृत्समदः

(११-१६) एकादश्यादिषण्णाञ्च मेध्यातिथिर्ऋषयः । इन्द्रो देवता ।

(१-६, ८-१०) प्रथमादितृचद्वयस्याष्टम्यादितृचस्य च गायत्री ((७) सप्तम्या अनुष्टुप्)

(११-१६) एकादश्यादिषण्णाञ्च बृहती छन्दांसि

सु॒रूप॑कृ॒त्बु॒तये॑ सु॒दु॒घामि॑व गो॒दुहे॑ ।
जु॒हूम॑सि॒ द्यवि॑द्यवि ॥१॥

उप॑ नः स॒व॒ना ग॑हि॒ सोम॑स्य सोमपाः पिब ।
गो॒दा इ॒द्रेव॑तो॒ मदः॑ ॥२॥

अथा॑ ते अ॒न्त॒मानां॑ वि॒द्याम॑ सु॒मती॑नाम् ।
मा नो॑ अ॒ति र॒व्य आ ग॑हि ॥३॥

शुष्मिन्तमं न ऊतयै द्युमिनं पाहि जागृविम् ।
इन्द्र सोमं शतक्रतो ॥४॥

इन्द्रियाणि शतक्रतो या ते जनैषु पञ्चसु ।
इन्द्र तानि त आ वृणे ॥५॥

अगन्निन्द्र श्रवौ बृहद्द्युमं दधिष्व दुष्टरम् ।
उत्ते शुष्मं तिरामसि ॥६॥

अर्वावतौ न आ गृह्यथौ शक्र परावतः ।
उ लोको यस्तै अद्रिव् इन्द्रेह तत् आ गृहि ॥७॥

इन्द्रो अङ्ग महद्भयमभी षदपं चुच्यवत् ।
स हि स्थिरो विचर्षनिः ॥८॥

इन्द्रश्च मृळ्याति नो न नः पश्चादघं नशत् ।
भद्रं भवाति नः पुरः ॥९॥

इन्द्र आशाभ्यस्परि सर्वाभ्यो अभयं करत् ।
जेता शत्रून्विचर्षणिः ॥१०॥

क ई वेद सुते सचा पिबन्तं कद्वयो दधे ।
अयं यः पुरो विभिनत्योजसा मन्दानः शिप्रचन्धसः ॥११॥

दाना मृगो न वारुणः पुरुत्रा चरथं दधे ।
नकिष्ट्वा नि यमदा सुते गमो महँश्चरस्योजसा ॥१२॥

य उग्रः सन्ननिष्टत स्थिरो रणाय संस्कृतः ।

यदि स्तोतुर्मघवां शृण्वद्धवं नेन्द्रो योषत्या गमत् ॥१३॥

वयं घ त्वा सुतार्वन्त आपो न वृक्तबर्हिषः ।
पवित्रस्य प्रस्रवणेषु वृत्रहन्परि स्तोतारं आसते ॥१४॥

स्वरन्ति त्वा सुते नरो वसो निरेक उक्थिनः ।
कदा सुतं तृषाण ओक् आ गम् इन्द्र स्वब्दीव वंसगः ॥१५॥

करवैभिर्धृष्णावा धृषद्वाजं दर्षि सहस्रिणाम् ।
पिशङ्गरूपं मघवन्विचर्षणे मद्गू गोमन्तमीमहे ॥१६॥

(५८) अष्टपञ्चाशं सूक्तम्

(१-४) चतुर्ऋचस्यास्य सूक्तस्य (१-२) प्रथमाद्वितीययोर्ऋचोर्नृमेधः

(३-४) तृतीयाचतुर्थ्योश्च भरद्वाज ऋषी । (१-२) प्रथमाद्वितीययोरिन्द्रः

(३-४) तृतीयाचतुर्थ्योश्च सूर्यो देवते । प्रगाथश्छन्दः

श्रायन्त इव सूर्यं विश्वेदिन्द्रस्य भक्षत ।
वसूनि जाते जनमान् ओजसा प्रति भागं न दीधिम ॥१॥

अनर्शरातिं वसुदामुपं स्तुहि भद्रा इन्द्रस्य रातयः ।
सो अस्य कामं विधत्तो न रोषति मनो दानाय चोदयन् ॥२॥

बरमहाँ असि सूर्यं बडादित्य महाँ असि ।
महस्तै सतो महिमा पनस्यतेऽद्धा देव महाँ असि ॥३॥

बत्सूर्यं श्रवसा महाँ असि सत्रा देव महाँ असि ।
महा देवानामसुर्यः पुरोहितो विभु ज्योतिरदाभ्यम् ॥४॥

(५९) एकोनषष्टितमं सूक्तम्

(१-४) चतुर्ऋचस्यास्य सूक्तस्य (१-२) प्रथमाद्वितीययोर्ऋचोर्मेध्यातिथिः

(३-४) तृतीयाचतुर्थ्योश्च वसिष्ठ ऋषी । इन्द्रो देवता । प्रगाथश्छन्दः
उदु त्ये मधुमत्तमा गिर स्तोमास ईरते ।
सत्राजितो धनसा अक्षितोतयो वाजयन्तो रथा इव ॥१॥

कणवा इव भृगवः सूर्या इव विश्वमिद्धीतमानशुः ।
इन्द्रं स्तोमैभिर्महयन्त आयवः प्रियमैधासो अस्वरन् ॥२॥

उदिन्वस्य रिच्यतेशो धनं न जिग्युषः ।
य इन्द्रो हरिवान्न दभन्ति तं रिपो दक्षं दधाति सोमिनि ॥३॥

मन्त्रमखर्वं सुधितं सुपेशसं दधात यज्ञियेष्वा ।
पूर्वीश्चन प्रसितयस्तरन्ति तं य इन्द्रे कर्मणा भुवत् ॥४॥

(६०) षष्टितमं सूक्तम्

(१-६) षड्चस्यास्य सूक्तस्य (१-३) प्रथमादितृचस्य सुतकक्षः सुकक्षो वा
(४-६) चतुर्थ्यादितृचस्य च मधुच्छन्दा ऋषी । इन्द्रो देवता । गायत्री छन्दः
एवा ह्यसि वीर्युरेवा शूर उत स्थिरः ।
एवा ते राध्यं मनः ॥१॥

एवा रातिस्तुवीमघु विश्वैभिर्धायि धातृभिः ।
अर्धा चिदिन्द्र मे सचा ॥२॥

मो षु ब्रह्मेवं तन्द्रयुर्भुवो वाजानां पते ।
मत्स्वा सुतस्य गोमतः ॥३॥

एवा ह्यस्य सूनृता विरप्शी गोमती मही ।
पक्वा शाखा न दाशुषै ॥४॥

एवा हि ते विभूतय ऊतय इन्द्र मार्वते ।

सृद्यश्चित्सन्ति दाशुषे ॥५॥

एवा ह्यस्य काम्या स्तोम उक्थं च शंस्या ।
इन्द्राय सोमपीतये ॥६॥

(६१) एकषष्टितमं सूक्तम्

(१-६) षडृचस्यास्य सूक्तस्य गोषूक्त्यश्वसूक्तिनावृषी । इन्द्रो देवता । उष्णिक छन्दः
तं ते मदं गृणीमसि वृषणं पृत्सु सासहिम् ।
उ लोककृत्तुमद्रिवो हरिश्रियम् ॥१॥

येन ज्योतीष्यायवे मनवे च विवेदिथ ।
मन्दानो अस्य बर्हिषो वि राजसि ॥२॥

तदद्या चित्त उक्थिनोऽनु ष्टुवन्ति पूर्वथा ।
वृषपत्नीरपो जया दिवेदिवे ॥३॥

तम्वभि प्र गायत पुरुहूतं पुरुष्टुतम् ।
इन्द्रं गीर्भिस्तविषमा विवासत ॥४॥

यस्य द्विबर्हसो बृहत्सहो दाधार रोदसी ।
गिरीरंज्रा अपः स्वर्वृषत्वना ॥५॥

स राजसि पुरुष्टुतं एको वृत्राणि जिघ्रसे ।
इन्द्र जैत्रा श्रवस्या च यन्तवे ॥६॥

(६२) द्विषष्टितमं सूक्तम्

(१-१०) दशर्चस्यास्य सूक्तस्य (१-४) प्रथमादिचतुर्भृचां सौभरिः
(५-७) पञ्चम्यादितृचस्य नृमेधः
(८-१०) अष्टम्यादितृचस्य च गोषूक्त्यश्वसूक्तिनावृषयः । इन्द्रो देवता ।

(१-४) कप्रथमादिचतसृणां प्रगाथः (५-१०) पञ्चम्यादिषण्णाञ्चोष्णिक छन्दसी
वृ॒यमु॒ त्वाम॑पूर्व्य॒ स्थू॒रं न कच्चि॒द्भर॑न्तोऽव॒स्यवः॑ ।
वा॒र्जे चि॒त्रं ह॑वामहे ॥१॥

उप॑ त्वा॒ कर्म॑नू॒तये॒ स नो॒ युवो॒ग्रश्च॑क्राम॒ यो धृ॒षत् ।
त्वामि॒द्धय॑वि॒तारं॑ ववृ॒महे॒ सखा॑य इन्द्र॒ सान॑सिम् ॥२॥

यो न॑ इ॒दमि॑दं पु॒रा प्र वस्य॑ आ॒निना॑य॒ तमु॑ व स्तुषे ।
सखा॑य॒ इन्द्र॑मू॒तये॑ ॥३॥

हर्य॑श्वं स॒त्पतिं॑ च॒र्षणी॑स॒हं स हि ष्मा॒ यो अ॒मन्द॑त ।
आ तु नः॑ स व॒यति॑ गव्य॒मश्व॑यं॒ स्तोतृ॑भ्यो॒ म॒घवा॑ श॒तम् ॥४॥

इन्द्रा॑य॒ सामं॑ गा॒यत॒ विप्रा॑य॒ बृह॑ते॒ बृह॑त् ।
ध॒र्म॒कृते॑ वि॒पश्चिते॑ प॒न॒स्यवे॑ ॥५॥

त्वमि॑न्द्रा॒भिभूर॑सि॒ त्वं सू॑र्य॒मरो॑चयः ।
वि॒श्वकर्मा॑ वि॒श्वदे॑वो॒ म॒हाँ अ॑सि ॥६॥

वि॒भ्राज॑ञ्ज॒चोति॑षा॒ स्वशृ॑रगच्छो॒ रोच॑नं॒ दि॒वः ।
दे॒वास्त॑ इन्द्र॒ स॒ख्याय॑ येमिरे ॥७॥

तम्ब॑भि प्र गा॒यत॒ पुरु॑हू॒तं पु॑रु॒ष्टुत॑म् ।
इन्द्रं॑ गी॒र्भिस्त॑वि॒षमा॑ वि॒वास॑त ॥८॥

यस्य॑ द्वि॒बर्ह॑सो॒ बृह॑त्स॒हो दा॑धार॒ रोद॑सी ।
गि॒रीर॑ञ्जाँ॒ अपः॑ स्व॒वृष॑त्व॒ना ॥९॥

स राजसि पुरुष्टुतं एको वृत्राणि जिघ्रसे ।
इन्द्र जैत्रा श्रवस्या च यन्तवे ॥१०॥

(६३) त्रिषष्टितमं सूक्तम्

(१-६) नवर्चस्यास्य सूक्तस्य (१-२, ३) प्रथमाद्वितीययोर्त्रयोस्तृतीयापूर्वार्धस्य च
भुवनः साधनो वा (३) तृतीयोत्तरार्धस्य भरद्वाजः (४-६) चतुर्थ्यादितृचस्य गोतमः
(७-९) सप्तम्यादितृचस्य च पर्वत ऋषयः । इन्द्रो देवता । (१-३) प्रथमादितृचस्य
त्रिष्टुप् (४-६) चतुर्थ्यादिषण्णाञ्चोष्णिक छन्दसी

इमा नु कं भुवना सीषधामेन्द्रश्च विश्वे च देवाः ।
यज्ञं च नस्तन्वं च प्रजां चादित्यैरिन्द्रः सह चीक्लृपाति ॥१॥

आदित्यैरिन्द्रः सगणो मरुद्भिरस्माकं भूत्वविता तनूनाम् ।
हत्वार्य देवा असुरान्यदार्यन्देवा देवत्वमभिरक्षमाणाः ॥२॥

प्रत्यञ्चमर्कमनयं छचीभिरादिस्वधामिषिरां पर्यपश्यन् ।
अया वाजं देवहितं सनेम मदैम शतहिमाः सुवीराः ॥३॥

य एक इद्विदर्यते वसु मर्ताय दाशुषै ।
ईशानो अप्रतिष्कुत इन्द्रो अङ्ग ॥४॥

कदा मर्तमराधसं पदा क्षुम्पमिव स्फुरत् ।
कदा नः शुश्रवद्भिर इन्द्रो अङ्ग ॥५॥

यश्चिद्धि त्वा बहुभ्य आ सुतावाँ आविवांसति ।
उग्रं तत्पत्यते शव इन्द्रो अङ्ग ॥६॥

य इन्द्र सोमपातमो मर्दः शविष्टु चेतति ।
येना हंसि न्युत्रिणं तमीमहे ॥७॥

येना दशग्वमधिगुं वेपयन्तं स्वर्णरम् ।
येना समुद्रमाविथा तमीमहे ॥८॥

येन सिन्धुं महीरपो रथाँ इव प्रचोदयः ।
पन्थामृतस्य यातवे तमीमहे ॥९॥

(६४) चतुःषष्टितमं सूक्तम्

(१-६) षडचस्यास्य सूक्तस्य (१-३) प्रथमादितृचस्य नृमेधः

(४-६) चतुर्थ्यादितृचस्य च विश्वमना ऋषी । इन्द्रो देवता । उष्णिक छन्दः

एन्द्रं नो गधि प्रियः सत्राजिदगौह्यः ।
गिरिर्न विश्वतस्पृथुः पतिर्दिवः ॥१॥

अभि हि संत्य सोमपा उभे ब्रभूथ रोदसी ।
इन्द्रासि सुन्वतो वृधः पतिर्दिवः ॥२॥

त्वं हि शश्वतीनामिन्द्रं दुर्ता पुरामसि ।
हन्ता दस्योर्मनोवृधः पतिर्दिवः ॥३॥

एदु मध्वो मदिन्तरं सिञ्च वाध्वर्यो अन्धसः ।
एवा हि वीर स्तवते सदावृधः ॥४॥

इन्द्रं स्थातर्हरीणां नकिष्टे पूर्व्यस्तुतिम् ।
उदानंशु शर्वसा न भन्दना ॥५॥

तं वो वाजानां पतिमहूमहि श्रवस्यवः ।
अप्रायुभिर्यज्ञेभिर्वावृधेन्यम् ॥६॥

(६५) पञ्चषष्टितमं सूक्तम्

(१-३) तृचस्यास्य सूक्तस्य विश्वमना ऋषिः । इन्द्रो देवता । उष्णिक छन्दः

एतो न्विन्द्रं स्तवाम् सखायु स्तोम्यं नरम् ।
कृष्टीर्यो विश्वा अभ्यस्त्येक इत् ॥१॥

अगौरुधाय गविषे द्युक्षाय दस्म्यं वचः ।
घृतात्स्वादीयो मधुनश्च वोचत ॥२॥

यस्यामितानि वीर्यांश्च न राधः पर्येतवे ।
ज्योतिर्न विश्वमभ्यस्ति दक्षिणा ॥३॥

(६६) षट्षष्टितमं सूक्तम्

(१-३) तृचस्यास्य सूक्तस्य विश्वमना ऋषिः । इन्द्रो देवता । उष्णिक छन्दः
स्तुहीन्द्रं व्यश्ववदनीर्मि वाजिनं यमम् ।
अर्यो गयं मंहमानं वि दाशुषे ॥१॥

एवा नूनमुपं स्तुहि वैर्यश्च दशमं नवम् ।
सुर्विद्वांसं चर्कृत्यं चरणीनाम् ॥२॥

वेत्था हि निर्ऋतीनां वज्रहस्त परिवृजम् ।
अहरहः शुन्ध्युः परिपदामिव ॥३॥

(६७) सप्तषष्टितमं सूक्तम्

(१-७) सप्तर्चस्यास्य सूक्तस्य (१-३) प्रथमादितृचस्य परुच्छेपः
(४-७) चतुर्थ्यादिचतसृणामृचाञ्च गृत्समद ऋषी । (१) प्रथमाया इन्द्रः
(२) द्वितीयाया मरुतः (३) तृतीयाया अग्निः ((४) चतुर्थ्या मरुतः
(५) पञ्चम्या अग्निः (६) षष्ठ्या इन्द्रः (७) सप्तम्याश्च द्रविणोदा) देवताः ।
(१-३) प्रथमादितृचस्यात्यष्टिः (४-७) चतुर्थ्यादिचतसृणाञ्च जगती छन्दसी
वनोति हि सुन्वन्दायं परीणसः सुन्वानो हि ष्मा यजत्यव द्विषो
देवानामव द्विषः ।
सुन्वान इत्सिषासति सहस्रा वाज्यवृतः ।

सुन्वानायेन्द्रो ददात्याभुवं रयिं ददात्याभुवम् ॥१॥

मो षु वो अस्मदभि तानि पौस्या सना भूवन्द्युमानि मोत जारिषुरस्मत्पुरोत
जारिषुः ।

यद्वश्चित्रं युगेयुगे नव्यं घोषादमर्त्यम् ।
अस्मासु तन्मरुतो यच्च दुष्टरं दिधृता यच्च दुष्टरम् ॥२॥

अग्निं होतारं मन्ये दास्वन्तं वसुं सूनुं सहसो जातवेदसं विप्रं न
जातवेदसम् ।

य ऊर्ध्वया स्वध्वरो देवो देवाच्या कृपा ।
घृतस्य विभ्राष्टिमनु वष्टि शोचिषाजुह्वानस्य सर्पिषः ॥३॥

यज्ञैः संमिश्लाः पृषतीभिर्ऋष्टिभिर्यामं छुभ्रासो अञ्जिषु प्रिया उत ।
आसद्या बर्हिर्भरतस्य सूनवः पोत्रादा सौमं पिबता दिवो नरः ॥४॥

आ वक्षि देवाँ इह विप्र यक्षि चोशन्हौतर्नि षदा योनिषु त्रिषु ।
प्रति वीहि प्रस्थितं सोम्यं मधु पिबाग्रीघ्रात्तव भागस्यं तृष्णाहि ॥५॥

एष स्य तै तन्वो नृम्णवर्धनः सह ओजः प्रदिवि ब्राह्मोर्हितः ।
तुभ्यं सुतो मघवन्तुभ्यमाभृतस्त्वमस्य ब्राह्मणादा तृपत्पिब ॥६॥

यमु पूर्वमहुवे तमिदं हुवे सेदु हव्यो ददिर्यो नाम पत्यते ।
अध्वर्युभिः प्रस्थितं सोम्यं मधु पोत्रात्सोमं द्रविणोदः पिब ऋतुभिः ॥७॥

(६८) अष्टषष्टितमं सूक्तम्

(१-१२) द्वादशर्चस्यास्य सूक्तस्य मधुच्छन्दा ऋषिः । इन्द्रो देवता । गायत्री छन्दः
सुरूपकृत्बुमृतये सुदुघामिव गोदुहै ।
जुहूमसि द्यविद्यवि ॥१॥

उप नः सवृना गंहि सोमस्य सोमपाः पिब ।
गोदा इद्रेवतो मदः ॥२॥

अथा ते अन्तमानां विद्याम सुमतीनाम् ।
मा नो अति ख्य आ गंहि ॥३॥

परैहि विग्रमस्तृतमिन्द्रं पृच्छा विपश्चितम् ।
यस्ते सखिभ्य आ वरम् ॥४॥

उत ब्रुवन्तु नो निदो निरन्यतश्चिदारत ।
दधाना इन्द्र इदुवः ॥५॥

उत नः सुभगाँ अरिर्वोचेयुर्दस्म कृष्टयः ।
स्यामेदिन्द्रस्य शर्मणि ॥६॥

एमाशुमाशवै भर यज्ञश्रियं नृमादनम् ।
पतयन्मन्दयत्सखम् ॥७॥

अस्य पीत्वा शतक्रतो घ्नो वृत्राणामभवः ।
प्रावो वाजेषु वाजिनम् ॥८॥

तं त्वा वाजेषु वाजिनं वाजयामः शतक्रतो ।
धनानामिन्द्र सातयै ॥९॥

यो रायोऽवनिर्महान्तसुपारः सुन्वतः सखा ।
तस्मा इन्द्राय गायत ॥१०॥

आ त्वेता नि षीदतेन्द्रमभि प्र गायत ।

सखायु स्तोमवाहसः ॥११॥

पुरूतमं पुरूणामीशानं वार्याणाम् ।
इन्द्रं सोमे सचा सुते ॥१२॥

(६६) एकोनसप्ततितमं सूक्तम्

(१-१२) द्वादशर्चस्यास्य सूक्तस्य मधुच्छन्दा ऋषिः ।

(१-११) प्रथमाद्येकादशर्चामिन्द्रः (१२) द्वादश्याश्च मरुतो देवताः । गयत्री छन्दः
स घा नो योग आ भुवत्स राये स पुरंध्याम् ।
गमद्वाजैभिरा स नः ॥१॥

यस्य संस्थे न वृणवते हरीं समत्सु शत्रवः ।
तस्मा इन्द्राय गायत ॥२॥

सुतपावने सुता इमे शुचयो यन्ति वीतर्ये ।
सौमांसो दध्याशिरः ॥३॥

त्वं सुतस्य पीतर्ये सद्यो वृद्धो अजायथाः ।
इन्द्र ज्यैष्ठ्याय सुक्रतो ॥४॥

आ त्वा विशन्त्वाशवः सोमांस इन्द्र गिर्वणः ।
शं ते सन्तु प्रचेतसे ॥५॥

त्वां स्तोमां अवीवृध्न्त्वामुक्था शतक्रतो ।
त्वां वर्धन्तु नो गिरः ॥६॥

अक्षितोतिः सनेदिमं वाजमिन्द्रः सहस्त्रिणाम् ।
यस्मिन्विश्वानि पौस्या ॥७॥

मा नो॒ मर्ता॑ ऋ॒भि द्रु॑हन्त॒नूना॑मिन्द्र॒ गिर्व॑णः ।
ई॒शानो॑ यवया व॒धम् ॥८॥

यु॒ञ्जन्ति॑ ब्र॒ध्मरु॑षं चर॒न्तं परि॑ त॒स्थुषः॑ ।
रोच॑न्ते रोच॒ना दि॒वि ॥९॥

यु॒ञ्जन्त्य॑स्य॒ काम्या॑ हरी॒ विप॑क्षसा॒ रथे॑ ।
शो॒णा धृ॒ष्णू नृ॒वाह॑सा ॥१०॥

के॒तुं कृ॒णव॑न्न॒केत॑वे॒ पेशो॑ मर्या॒ अपे॑शसै ।
समु॒षद्भि॑रजायथाः ॥११॥

आद॑ह॒ स्व॒धाम॑नु॒ पुन॑र्गर्भ॒त्वमै॑रिरे ।
दधा॑ना॒ नाम॑ य॒ज्ञिय॑म् ॥१२॥

(७०) सप्ततितमं सूक्तम्

(१-२०) विंशत्यृचस्यास्य सूक्तस्य मधुच्छन्दा ऋषिः ।

(१-२, ६-२०) प्रथमाद्वितीययोर्ऋचोः षष्ठ्यादिपञ्चदशानाञ्चेन्द्रामरुतः

(३-५) तृतीयादितृचस्य च मरुतो देवताः । गायत्री छन्दः

वी॒ळु चि॑दारुज॒त्तुभि॑र्गुहा॒ चिदि॑न्द्र॒ वह्नि॑भिः ।
अ॒वि॒न्द उ॒स्त्रिया॑ अ॒नु ॥१॥

दे॒व॒यन्तो॑ यथा॒ म॒तिम॑च्छा॒ वि॒दद्व॑सुं गिरः ।
म॒हार्म॑नूषत श्रु॒तम् ॥२॥

इन्द्रै॑ण॒ सं हि॑ दृक्ष॒से संज॑ग्मानो॒ अ॒बि॑भ्युषा ।
म॒न्दू स॑मान॒वर्च॑सा ॥३॥

अ॒न॒व॒द्यैर॑भिद्यु॒भिर्मुखः॑ सह॒स्वद॑र्चति ।

गुणैरिन्द्रस्य काम्यैः ॥४॥

अतः परिज्मन्ना गृहि दिवो वा रोचनादधि ।
समस्मिन्नृञ्जते गिरः ॥५॥

इतो वा सातिमीमहे दिवो वा पार्थिवादधि ।
इन्द्रं महो वा रजसः ॥६॥

इन्द्रमिद्राथिनो बृहदिन्द्रमर्केभिरकिराः ।
इन्द्रं वाणीरनूषत ॥७॥

इन्द्र इद्धर्योः सचा संमिश्ल आ वचोयुजा ।
इन्द्रो वृज्जी हिरण्ययः ॥८॥

इन्द्रो दीर्घाय चक्षस आ सूर्य रोहयद्विवि ।
वि गोभिरिन्द्रमैरयत् ॥९॥

इन्द्र वाजेषु नोऽव सहस्रप्रधनेषु च ।
उग्र उग्राभिरूतिभिः ॥१०॥

इन्द्रं वयं महाधुन इन्द्रमर्भे हवामहे ।
युजं वृत्रेषु वृज्जिणम् ॥११॥

स नो वृषन्नमुं चरुं सत्रादावृन्नपा वृधि ।
अस्मभ्यमप्रतिष्कृतः ॥१२॥

तुञ्जेतुञ्जे य उत्तरे स्तोमा इन्द्रस्य वृज्जिणः ।
न विन्दे अस्य सुष्टुतिम् ॥१३॥

वृषा॑ यू॒थेव॑ वंस॒गः कृ॒ष्टीरि॑य॒त्यो॒जसा॑ ।
ई॒शानो॑ अ॒प्रति॑ष्कृतः ॥१४॥

य एक॑श्च॒र्षणी॑नां वसू॒नामि॑र॒ज्यति॑ ।
इन्द्रः॑ पञ्च॒ क्षिती॑नाम् ॥१५॥

इन्द्रं॑ वो वि॒श्वत॑स्प॒रि ह॒वाम॑हे जने॒भ्यः ।
अ॒स्माक॑मस्तु॒ केव॑लः ॥१६॥

एन्द्रं॑ सान॒सिं र॒यिं स॒जित्वा॑नं सदा॒सह॑म् ।
वर्षि॑ष्ठ॒मूत॑यै भर ॥१७॥

नि येन॑ मुष्टि॒हृत्य॑या नि वृ॒त्रा रु॒णधा॑महै ।
त्वोता॑सो न्य॒र्वता॑ ॥१८॥

इन्द्र॑ त्वोता॑सु आ व॒यं वज्रं॑ घ॒ना द॑दीमहि ।
जयै॑म॒ सं यु॒धि स्पृ॑धः ॥१९॥

व॒यं शू॑रै॒भिर॑स्तृ॒भिरिन्द्र॑ त्वया॒ युजा॑ व॒यम् ।
सा॒स॒ह्याम॑ पृ॒तन्य॑तः ॥२०॥

(७१) एकसप्ततितमं सूक्तम्

(१-१६) षोडशर्चस्यास्य सूक्तस्य मधुच्छन्दा ऋषिः । इन्द्रो देवता । गयत्री छन्दः
म॒हाँ इन्द्रः॑ प॒रश्च॑ नु म॒हित्वम॑स्तु व॒ज्रिणै॑ ।
द्यौर॑न॒ प्र॒थि॒ना श॑र्वः ॥१॥

स॒मो॒हे वा॑ य आ॒शत॑ नर॒स्तो॒कस्य॑ स॒नितौ॑ ।
वि॒प्रा॒सो वा॑ धि॒या॒यवः॑ ॥२॥

यः कुक्षिः सौमपातमः समुद्र इव पिन्वते ।
उर्वीरापो न काकुदः ॥३॥

एवा ह्यस्य सूनृता विरप्शी गोमती मही ।
पक्वा शाखा न दाशुषे ॥४॥

एवा हि ते विभूतय ऊतय इन्द्र मार्वते ।
सद्यश्चित्सन्ति दाशुषे ॥५॥

एवा ह्यस्य काम्या स्तोम उक्थं च शंस्या ।
इन्द्राय सोमपीतये ॥६॥

इन्द्रेहि मत्स्यन्धसो विश्वेभिः सोमपर्वभिः ।
महाँ अभिष्टिरोजसा ॥७॥

एमेनं सृजता सुते म्दिमिन्द्राय म्दिने ।
चक्रिं विश्वानि चक्रये ॥८॥

मत्स्वा सुशिप्र म्दिभि स्तोमैभिर्विश्वचर्षणे ।
सचैषु सर्वनेष्वा ॥९॥

असृग्रमिन्द्र ते गिरः प्रतित्वामुदहासत ।
अजौषा वृषभं पतिम् ॥१०॥

सं चौदय चित्रमर्वाग्राध इन्द्र वरैणयम् ।
असदित्ते विभु प्रभु ॥११॥

अस्मान्सु तत्र चोदयेन्द्र राये रभस्वतः ।

तुर्विद्युम्न यशस्वतः ॥१२॥

सं गोमदिन्द्र वाजवदस्मे पृथु श्रवौ बृहत् ।
विश्वार्युर्धेह्यक्षितम् ॥१३॥

अस्मे धैहि श्रवौ बृहद्युम्नं सहस्रसातमम् ।
इन्द्र ता रथिनीरिषः ॥१४॥

वसोरिन्द्रं वसुपतिं गीर्भिर्गृणन्त ऋग्मियम् ।
होमं गन्तारमूतयै ॥१५॥

सुतेसुते न्योक्से बृहद्बृहत एदरिः ।
इन्द्राय शूषमर्चति ॥१६॥

(७२) द्विसप्ततितमं सूक्तम्

(१-३) तृचस्यास्य सूक्तस्य परुच्छेप ऋषिः । इन्द्रो देवता । अत्यष्टिश्छन्दः
विश्वेषु हि त्वा सर्वनेषु तुञ्जते समानमेकं वृषमणयवः पृथक्स्वः ।
सनिष्यवः पृथक् ।
तं त्वा नावं न पर्षणिं शूषस्य धुरि धीमहि ।
इन्द्रं न यज्ञैश्चितयन्त आयव स्तोमैभिरिन्द्रमायवः ॥१॥

वि त्वा ततस्त्रे मिथुना अण्वस्यवौ व्रजस्य साता गव्यस्य निःसृजः सक्षन्त
इन्द्र निःसृजः ।
यद्बुव्यन्ता द्वा जना स्वश्र्यन्ता समूहसि ।
आविष्करिक्वद्वृषणं सचाभुवं वज्रमिन्द्र सचाभुवम् ॥२॥

उतो नो अस्या उषसो जुषेत ह्यशुर्कस्य बोधि हविषो हवीमभिः स्वर्षाता
हवीमभिः ।

यदिन्द्र हन्तवे मृधो वृषा वज्रिञ्चिकेतसि ।
आ मे अस्य वेधसो नवीयसो मन्मं श्रुधि नवीयसः ॥३॥

(७३) त्रिसप्ततितमं सूक्तम्

(१-६) षड्चस्यास्य सूक्तस्य (१-३) प्रथमादितृचस्य वसिष्ठः

(४-६) चतुर्थ्यादितृचस्य च वसुक्र ऋषी । इन्द्रो देवता ।

(१-३) प्रथमादितृचस्य त्रिपदा विराडनुष्टुप्

(४-५) चतुर्थीपञ्चम्योऋचोर्जगती (६) षष्ठ्याश्चाभिसारिणी त्रिष्टुप् छन्दांसि
तुभ्येदिमा सर्वना शूर विश्वा तुभ्यं ब्रह्माणि वर्धना कृणोमि ।
त्वं नृभिर्हव्यौ विश्वधासि ॥१॥

नू चिन्नु ते मन्यमानस्य दुस्मोदंश्नुवन्ति महिमानमुग्र ।
न वीर्यमिन्द्र ते न राधः ॥२॥

प्र वौ महे महिवृधे भरध्वं प्रचेतसे प्र सुमतिं कृणुध्वम् ।
विशः पूर्वीः प्र चरा चर्षणिप्राः ॥३॥

यदा वज्रं हिरण्यमिदथा रथं हरी यमस्य वहतो वि सूरिभिः ।
आ तिष्ठति मघवा सनश्रुत इन्द्रो वाजस्य दीर्घश्रवसस्पतिः ॥४॥

सो चिन्नु वृष्टिर्यथ्याइ स्वा सचाँ इन्द्रः श्मश्रूणि हरिताभि प्रुष्णुते ।
अव वेति सुक्षयं सुते मधूदिद्धनोति वातो यथा वनम् ॥५॥

यो वाचा विवाचो मृध्रवाचः पुरू सहस्राशिवा जघान ।
तत्तदिदस्य पौस्यं गृणीमसि पितेव यस्तविषीं वावृधे शवः ॥६॥

(७४) चतुःसप्ततितमं सूक्तम्

(१-७) सप्तर्चस्यास्य सूक्तस्य शनःशेष ऋषिः । इन्द्रो देवता । पङ्क्तिश्छन्दः

यच्चिद्धि सत्य सोमपा अनाशस्ता इव स्मसि ।

आ तू न इन्द्र शंसय गोष्वश्वेषु शुभ्रिषु सहस्रेषु तुवीमघ ॥१॥

शिप्रिन्वाजानां पते शचीवस्तव दंसना ।

आ तू न इन्द्र शंसय गोष्वश्वेषु शुभ्रिषु सहस्रेषु तुवीमघ ॥२॥

निष्वापया मिथुदृशा सुस्तामबुध्यमाने ।

आ तू न इन्द्र शंसय गोष्वश्वेषु शुभ्रिषु सहस्रेषु तुवीमघ ॥३॥

ससन्तु त्या अरातयो बोधन्तु शूर रातयः ।

आ तू न इन्द्र शंसय गोष्वश्वेषु शुभ्रिषु सहस्रेषु तुवीमघ ॥४॥

समिन्द्र गर्दभं मृण नुवन्तं पापयामुया ।

आ तू न इन्द्र शंसय गोष्वश्वेषु शुभ्रिषु सहस्रेषु तुवीमघ ॥५॥

पताति कुरङ्गुणाच्या दूरं वातो वनादधि ।

आ तू न इन्द्र शंसय गोष्वश्वेषु शुभ्रिषु सहस्रेषु तुवीमघ ॥६॥

सर्वं परिक्रोशं जहि जम्भया कृकदाश्वम् ।

आ तू न इन्द्र शंसय गोष्वश्वेषु शुभ्रिषु सहस्रेषु तुवीमघ ॥७॥

(७५) पञ्चसप्ततितमं सूक्तम्

(१-३) तृचस्यास्य सूक्तस्य परुच्छेप ऋषिः । इन्द्रो देवता । अत्यष्टिश्छन्दः
वि त्वा ततस्त्रे मिथुना अ्वस्यवो व्रजस्य साता गव्यस्य निःसृजः सक्षन्त
इन्द्र निःसृजः ।

यद्बुव्यन्ता द्वा जना स्वश्र्यन्ता समूहसि ।

आविष्करिक्वद्वषणं सचाभुवं वज्रमिन्द्र सचाभुवम् ॥१॥

विदुष्टे अस्य वीर्यस्य पूरवः पुरो यदिन्द्र शारदीरवातिरः सासहानो

अवातिरः ।

शासुस्तमिन्द्र मर्त्यमयज्युं शवसस्पते ।

महीममुष्णाः पृथिवीमिमा अपो मन्दसान इमा अपः ॥२॥

आदितै अस्य वीर्यस्य चर्किरन्मदैषु वृषन्नुशिजो यदाविथ सखीयतो
यदाविथ ।

चकर्थ कारमैभ्यः पृतनासु प्रवन्तवे ।

ते अन्यामन्यां नद्यं सनिष्णात श्रवस्यन्तः सनिष्णात ॥३॥

(७६) षट्सप्ततितमं सूक्तम्

(१-८) अष्टर्चस्यास्य सूक्तस्य वसुक्र ऋषिः । इन्द्रो देवता । त्रिष्टुप् छन्दः

वने न वा यो न्यधायि चाकं छुचिर्वा स्तोमो भुरणावजीगः ।

यस्येदिन्द्रः पुरुदिनेषु होता नृणां नर्वो नृतमः क्षपावान् ॥१॥

प्र तै अस्या उषसुः प्रापरस्या नृतौ स्याम नृतमस्य नृणाम् ।

अनु त्रिशोकः शतमार्वहृन्कुत्सैन रथो यो असत्ससवान् ॥२॥

कस्ते मद इन्द्र रन्त्यो भूदुरो गिरौ अभ्युग्रो वि धाव ।

कद्वाहौ अर्वागुपं मा मनीषा आ त्वा शक्यामुपमं राधो अन्नैः ॥३॥

कदु द्युम्नमिन्द्र त्वावतो नृन्कर्या धिया करसे कन्न आगन् ।

मित्रो न सत्य उरुगाय भृत्या अन्नै समस्य यदसन्मनीषाः ॥४॥

प्रेरय सूरु अर्थं न पारं ये अस्य कामं जनिधा इव गमन् ।

गिरश्च ये तै तुविजात पूर्वीनर इन्द्र प्रतिशिञ्जन्त्यन्नैः ॥५॥

मात्रे नु ते सुमिते इन्द्र पूर्वी द्यौर्मज्मना पृथिवी काव्येन ।

वराय ते घृतवन्तः सुतासुः स्वाद्यन्भवन्तु पीतये मधूनि ॥६॥

आ मध्वो अस्मा असिचन्नमत्रमिन्द्राय पूर्णं स हि सत्यराधाः ।
स वावृधे वरिमन्ना पृथिव्या अभि क्रत्वा नर्यः पौंस्यैश्च ॥७॥

व्यानळिन्द्रः पृतनाः स्वोज्जा आस्मै यतन्ते सख्याय पूर्वीः ।
आ स्मा रथं न पृतनासु तिष्ठ यं भद्रया सुमत्या चोदयासे ॥८॥

(७७) सप्तसप्ततितमं सूक्तम्

(१-८) अष्टर्चस्यास्य सूक्तस्य वामदेव ऋषिः । इन्द्रो देवता । त्रिष्टुप् छन्दः
आ सत्यो यातु मघवाँ ऋजीषी द्रवन्त्वस्य हरयु उप नः ।
तस्मा इदन्धः सुषुमा सुदक्षमिहाभिपित्वं करते गृणानः ॥१॥

अवं स्य शूराध्वनो नान्तेऽस्मिन्नो अद्य सवने मन्दध्वै ।
शंसात्युक्थमुशनैव वेधाश्चिकितुषे असुर्याय मन्म ॥२॥

क्विर्न निरायं विदथानि साधन्वृषा यत्सेकं विपिपानो अर्चात् ।
दिव इत्था जीजनत्सप्त कारूनहा चिच्चक्रुर्वयुना गृणन्तः ॥३॥

स्वयद्वेदि सुदृशीकमकैर्महि ज्योती रुरुचुर्यद्धु वस्तोः ।
अन्धा तमांसि दुर्धिता विचक्षे नृभ्यश्चकार नृतमो अभिष्टौ ॥४॥

ववक्ष इन्द्रो अमितमृजीष्युभे आ पप्रौ रोदसी महित्वा ।
अतश्चिदस्य महिमा वि रेच्यभि यो विश्वा भुवना बभूव ॥५॥

विश्वानि शक्रो नर्याणि विद्वानपो रिरिच सखिभिर्निकामैः ।
अश्मानं चिद्ये बिभिदुर्वचौभिर्वजं गोमन्तमुशिजो वि ववुः ॥६॥

अपो वृत्रं वविवांसं पराहन्प्रावत्ते वज्रं पृथिवी सचेताः ।
प्राणांसि समुद्रियाण्यैनोः पतिर्भवञ्छवसा शूर धृष्णो ॥७॥

अपो यदद्रिं पुरुहूत ददर्वाविर्भुवत्सरमा पूर्व्यं तै ।
स नो नेता वाजमा दर्षि भूरिं गोत्रा रुजन्नङ्गिरोभिर्गृणानः ॥८॥

(७८) अष्टसप्ततितमं सूक्तम्

(१-३) तृचस्यास्य सूक्तस्य शंयुर्ऋषिः । इन्द्रो देवता । गायत्री छन्दः
तद्वौ गाय सुते सचा पुरुहूताय सत्वने ।
शं यद्ववे न शाकिनै ॥१॥

न घा वसुर्नि यमते दानं वाजस्य गोमतः ।
यत्सीमुप श्रवद्विरः ॥२॥

कुवित्सस्य प्र हि वृजं गोमन्तं दस्युहा गमत् ।
शर्चीभिरप नो वरत् ॥३॥

(७९) एकोनाशीतितमं सूक्तम्

(१-२) द्व्यृचस्यास्य सूक्तस्य (१) प्रथमर्चः पूर्वार्धस्य शक्तिः
(१, २) प्रथमोत्तरार्धस्य द्वितीयायाश्च वसिष्ठः द्वयोर्वसिष्ठो वा ऋषिः ।
इन्द्रो देवता । प्रगाथश्छन्दः

इन्द्र क्रतुं न आ भर पिता पुत्रेभ्यो यथा ।
शिक्षा णो अस्मिन्पुरुहूत यामनि जीवा ज्योतिरशीमहि ॥१॥

मा नो अज्ञाता वृजना दुराध्योऽि माशिवासो अर्व क्रमुः ।
त्वया वयं प्रवतः शश्वतीरपोऽति शूर तरामसि ॥२॥

(८०) अशीतितमं सूक्तम्

(१-२) द्व्यृचस्यास्य सूक्तस्य शंयुर्ऋषिः । इन्द्रो देवता । प्रगाथश्छन्दः
इन्द्र ज्येष्ठं न आ भरं ओजिष्ठं पपुरि श्रवः ।
येनेमे चित्र वज्रहस्त रोदसी ओभे सुशिप्र प्राः ॥१॥

त्वामुग्रमवसे चर्षणीसहं राजन्देवेषु हूमहे ।
विश्वा सु नो विथुरा पिबुना वसोऽमित्रान्सुषहान्कृधि ॥२॥

(८१) एकाशीतितमं सूक्तम्

(१-२) द्व्यृचस्यास्य सूक्तस्य पुरुहन्मा ऋषिः । इन्द्रो देवता । प्रगाथश्छन्दः
यद्द्याव इन्द्र ते शतं शतं भूर्मीरुत स्युः ।
न त्वा वज्रिन्त्सहस्रं सूर्या अनु न जातमष्ट रोदसी ॥१॥

आ पंप्राथ महिना कृष्या वृषन्विश्वा शविष्ठ शवसा ।
अस्माँ अव मघवन्गोमति वृजे वज्रिं चित्राभिरूतिभिः ॥२॥

(८२) द्व्यशीतितमं सूक्तम्

(१-२) द्व्यृचस्यास्य सूक्तस्य वसिष्ठ ऋषिः । इन्द्रो देवता । प्रगाथश्छन्दः
यदिन्द्र यावतस्त्वमेतावदहमीशीय ।
स्तोतारमिद्विधिषेय रदावसो न पापत्वार्य रासीय ॥१॥

शिञ्जेयमिन्महयते दिवेदिवे राय आ कुहचिद्विदे ।
नहि त्वदन्यन्मघवन्न आप्यं वस्यो अस्ति पिता चन ॥२॥

(८३) त्र्यशीतितमं सूक्तम्

(१-२) द्व्यृचस्यास्य सूक्तस्य शंयुर्ऋषिः । इन्द्रो देवता । प्रगाथश्छन्दः
इन्द्रं त्रिधातुं शरणं त्रिवरूथं स्वस्तिमत् ।
छुदिर्यच्छ मघवद्भ्यश्च मह्यं च यावया दिद्युमैभ्यः ॥१॥

ये गव्यता मनसा शत्रुमाद्भुरभिप्रघ्नन्ति धृष्णुया ।
अर्धं स्मा नो मघवन्निन्द्र गिर्वणस्तनूपा अन्तमो भव ॥२॥

(८४) चतुरशितितमं सूक्तम्

(१-३) तृचस्यास्य सूक्तस्य मधुच्छन्दा ऋषिः । इन्द्रो देवता । गायत्री छन्दः

इन्द्रा याहि चित्रभानो सुता इमे त्वायवः ।
अरवीभिस्तना पूतासः ॥१॥

इन्द्रा याहि धियेषितो विप्रजुतः सुतावतः ।
उप ब्रह्माणि वाघतः ॥२॥

इन्द्रा याहि तूतुजान् उप ब्रह्माणि हरिवः ।
सुते दधिष्व नश्चनः ॥३॥

(८५) पञ्चाशीतितमं सूक्तम्

(१-४) चतुर्ऋचस्यास्य सूक्तस्य (१-२) प्रथमाद्वितीययोर्ऋचोः प्रगाथः

(३-४) तृतीयाचतुर्थ्योश्च मेध्यातिथिर्ऋषी । इन्द्रो देवता । प्रगाथश्छन्दः

मा चिदुन्यद्वि शंसत् सखायो मा रिषयत ।
इन्द्रमिस्तौता वृषणं सचा सुते मुहुक्त्वा च शंसत ॥१॥

अवक्रक्षिणं वृषभं यथाजुरं गां न चर्षणीसहम् ।
विद्वेषणं संवननोभयंकरं मंहिष्ठमुभयाविनम् ॥२॥

यच्चिद्धि त्वा जना इमे नाना हवन्त ऊतयै ।
अस्माकं ब्रह्मेदमिन्द्र भूतु तेऽहा विश्वा च वर्धनम् ॥३॥

वि तर्तूर्यन्ते मघवन्विपश्चितोऽर्यो विपो जनानाम् ।
उप क्रमस्व पुरुरूपमा भर वाजं नेदिष्ठमूतयै ॥४॥

(८६) षडशीतितमं सूक्तम्

(१) एकर्चस्यास्य सूक्तस्य विश्वामित्र ऋषिः । इन्द्रो देवता । त्रिष्टुप् छन्दः

ब्रह्मणा ते ब्रह्मयुजा युनज्मि हरी सखाया सधुमाद आशू ।
स्थिरं रथं सुखमिन्द्राधितिष्ठन्प्रजानन्विद्वाँ उप याहि सोमम् ॥१॥

(८७) सप्ताशीतितमं सूक्तम्

(१-७) सप्तर्चस्यास्य सूक्तस्य वसिष्ठ ऋषिः । (१-६) प्रथमादितृचद्वयस्येन्द्रः

(७) सप्तम्या ऋचश्चेन्द्राबृहस्पती देवताः । त्रिष्टुप् छन्दः

अध्वर्यवोऽरुणं दुग्धमंशुं जुहोतन वृषभाय क्षितीनाम् ।
गौराद्वेदीयाँ अवपानमिन्द्रो विश्वाहेद्याति सुतसौममिच्छन् ॥१॥

यद्वधिषे प्रदिवि चार्वन्नं दिवेदिवे पीतिमिदस्य वक्षि ।
उत हृदोत मनसा जुषाण उशन्निन्द्र प्रस्थितान्पाहि सोमान् ॥२॥

जज्ञानः सोमं सहसे पपाथ प्र तै माता महिमानमुवाच ।
एन्द्रं पप्राथोर्वशुन्तरिक्षं युधा देवेभ्यो वरिबश्चकथ ॥३॥

यद्योधया महतो मन्यमानान्साक्षाम् तान्बाहुभिः शाशदानान् ।
यद्वा नृभिर्वृत इन्द्राभियुध्यास्तं त्वयाजिं सौश्रवसं जयेम ॥४॥

प्रेन्द्रस्य वोचं प्रथमा कृतानि प्र नूतना मघवा या चकार ।
यदेददेवीरसहिष्ट माया अथाभवत्केवलः सोमो अस्य ॥५॥

तवेदं विश्वमभितः पशव्यंशु यत्पश्यसि चक्षसा सूर्यस्य ।
गवामसि गोपतिरेक इन्द्र भक्षीमहि ते प्रयतस्य वस्वः ॥६॥

बृहस्पते युवमिन्द्रश्च वस्वो दिव्यस्यैशाथे उत पार्थिवस्य ।
धत्तं रयिं स्तुवते कीरयै चिद्युयं पात स्वस्तिभिः सदा नः ॥७॥

(८८) अष्टाशीतितमं सूक्तम्

(१-६) षडचस्यास्य सूक्तस्य वामदेव ऋषिः । बृहस्पतिर्देवता । त्रिष्टुप् छन्दः

यस्तस्तम्भ सहसा वि ज्मो अन्तान्बृहस्पतिस्त्रिषधस्थो रवेण ।
तं प्रत्नास ऋषयो दीध्यानाः पुरो विप्रा दधिरे मन्द्रजिह्वम् ॥१॥

धुनेतयः सुप्रकेतं मदन्तो बृहस्पते ऋभि ये नस्ततस्त्रे ।
पृषन्तं सृप्रमदब्धमूर्वं बृहस्पते रक्षतादस्य योनिम् ॥२॥

बृहस्पते या परमा परावदत आ त ऋतस्पृशो नि षेदुः ।
तुभ्यं खाता अंवता अद्रिदुग्धा मध्वं श्रोतन्त्यभितौ विरप्शाम् ॥३॥

बृहस्पतिः प्रथमं जायमानो महो ज्योतिषः परमे व्योमन् ।
सप्तास्यस्तुविजातो रवेण वि सप्तरश्मिरधमुत्तमांसि ॥४॥

स सुष्टुभा स ऋक्वता गुणेन वलं रुरोज फलिगं रवेण ।
बृहस्पतिरुस्त्रिया हव्यसूदः कनिक्रदद्वावशतीरुदाजत् ॥५॥

एवा पित्रे विश्वदेवाय वृष्णे यज्ञैर्विधेम नमसा हविर्भिः ।
बृहस्पते सुप्रजा वीरवन्तो वयं स्याम पतयो रयीणाम् ॥६॥

(८६) एकोननवतितमं सूक्तम्

(१-११) एकादशर्चस्यास्य सूक्तस्य कृष्ण ऋषिः । इन्द्रो देवता । त्रिष्टुप् छन्दः
अस्तैव सु प्रतरं लायमस्यन्भूषन्निव प्र भरा स्तोममस्मै ।
वाचा विप्रास्तरत् वाचमर्यो नि रामय जरितः सोम इन्द्रम् ॥१॥

दोहेन गामुप शिन्ना सखायं प्र बोधय जरितर्जारमिन्द्रम् ।
कोशं न पूर्णं वसुना न्यृष्टमा च्यावय मघदेयाय शूरम् ॥२॥

किमुङ्ग त्वा मघवन्भोजमाहुः शिशीहि मा शिशयं त्वा शृणोमि ।
अप्रस्वती मम धीरस्तु शक्र वसुविदं भर्गमिन्द्रा भरा नः ॥३॥

त्वां जना ममसत्येष्विन्द्र संतस्थाना वि ह्वयन्ते समीके ।
अत्रा युजं कृणुते यो हविष्मान्नासुन्वता सख्यं वष्टि शूरः ॥४॥

धनं न स्पन्द्रं बहुलं यो अस्मै तीवान्त्सोमाँ आसुनोति प्रयस्वान् ।
तस्मै शत्रून्त्सुतुकाँन्प्रातरहो नि स्वष्ट्रान्युवति हन्ति वृत्रम् ॥५॥

यस्मिन्वयं दधिमा शंसमिन्द्रे यः शिश्राय मघवा काममस्मे ।
आराच्चित्सभयतामस्य शत्रुर्न्यस्मै द्युम्ना जन्या नमन्ताम् ॥६॥

आराच्छत्रुमपे बाधस्व दूरमुग्रो यः शम्बः पुरुहूत तेन ।
अस्मे धैहि यवमद्गोमदिन्द्र कृधी धियं जरित्रे वाजरत्नाम् ॥७॥

प्र यमन्तवृषसवासो अगमन्तीवाः सोमा बहुलान्तासु इन्द्रम् ।
नाहं दामानं मघवा नि यंसन्नि सुन्वते वहति भूरि वामम् ॥८॥

उत प्रहामतिदीवा जयति कृतमिव श्वघ्नी वि चिनोति काले ।
यो देवकामो न धनं रुणद्धि समित्तं रायः सृजति स्वधाभिः ॥९॥

गोभिष्टरेमामतिं दुरेवां यवेन वा क्षुधं पुरुहूत विश्वे ।
वयं राजसु प्रथमा धनान्यरिष्टासो वृजनीभिर्जयेम ॥१०॥

बृहस्पतिर्नः परि पातु पश्चादुतोत्तरस्मादधरादघायोः ।
इन्द्रः पुरस्तादुत मध्यतो नः सखा सखिभ्यो वरीयः कृणोतु ॥११॥

(६०) नवतितमं सूक्तम्

(१-३) तृचस्यास्य सूक्तस्य भरद्वाज ऋषिः । बृहस्पतिर्देवता । त्रिष्टुप् छन्दः
यो अद्रिभिप्रथमजा ऋतावा बृहस्पतिराङ्गिरसो हविष्मान् ।
द्विबर्हज्मा प्राघर्मसत्पिता न आ रोदसी वृषभो रौरवीति ॥१॥

जनाय चिद्य ईवते उ लोकं बृहस्पतिर्देवहूतौ चकार ।
घ्नन्वृत्राणि वि पुरौ दर्दरीति जयञ्छत्रूरमित्रान्पृत्सु साहन् ॥२॥

बृहस्पतिः समजयद्वसूनि महो वृजान्गोमते देव एषः ।
अपः सिषासन्त्स्वशुरप्रतीतो बृहस्पतिर्हन्त्यमित्रमर्कैः ॥३॥

(६१) एकनवतितमं सूक्तम्

(१-१२) द्वादशरचस्यास्य सूक्तस्यायास्य ऋषिः । बृहस्पतिर्देवता । त्रिष्टुप् छन्दः
इमां धियं सप्तशीर्ष्णीं पिता न ऋतप्रजातां बृहतीमविन्दत् ।
तुरीयं स्वज्जनयद्विश्वजन्योऽयास्य उक्थमिन्द्राय शंसन् ॥१॥

ऋतं शंसन्त ऋजु दीध्याना दिवस्पुत्रासो असुरस्य वीराः ।
विप्रं पदमङ्गिरसो दधाना यज्ञस्य धाम प्रथमं मनन्त ॥२॥

हंसैरिव सखिभिर्वावदद्भिरश्मन्मयानि नहना व्यस्यन् ।
बृहस्पतिरभिकनिक्रदद्वा उत प्रास्तौदुच्चं विद्वाँ अगायत् ॥३॥

अवो द्वाभ्यां पुर एकया गा गुहा तिष्ठन्तीरनृतस्य सेतौ ।
बृहस्पतिस्तमसि ज्योतिरिच्छनुदुस्त्रा आकर्वि हि तिस्र आवः ॥४॥

विभिद्या पुरं शयथेमपाचीं निस्त्रीणि साकमुदधेरकन्तत् ।
बृहस्पतिरुषसं सूर्यं गामर्कं विवेद स्तनयन्निव द्यौः ॥५॥

इन्द्रो वलं रञ्जितारं दुधानां करेशैव वि चकर्ता रवेण ।
स्वेदाञ्जिभिराशिरमिच्छमानोऽरौदयत्पणिमा गा अमुष्णात् ॥६॥

स ई सत्येभिः सखिभिः शुचद्भिर्गोधायसं वि धनसैरदर्दः ।
ब्रह्मणस्पतिर्वृषभिर्वराहैर्घर्मस्वैदेभिर्द्रविणं व्यानत् ॥७॥

ते सत्येन मनसा गोपतिं गा इयानास इषणयन्त धीभिः ।
बृहस्पतिर्मिथोअवद्यपेभिरुदुस्त्रिया असृजत स्वयुग्भिः ॥८॥

तं वर्धयन्तो मतिभिः शिवाभिः सिंहमिव नानदतं सधस्थै ।
बृहस्पतिं वृषणं शूरसातौ भरैभरे अनु मदेम जिष्णुम् ॥६॥

यदा वाजमसंनद्विश्वरूपमा द्यामरुद्दुत्तराणि सद्य ।
बृहस्पतिं वृषणं वर्धयन्तो नाना सन्तो बिभ्रतो ज्योतिरासा ॥१०॥

सत्यमाशिषं कृणुता वयोधै कीरिं चिद्धचवथ स्वेभिरेवैः ।
पश्चा मृधो अप भवन्तु विश्वास्तद्रौदसी शृणुतं विश्वमिन्वे ॥११॥

इन्द्रो मृहा महतो अर्णवस्य वि मूर्धानमभिनदर्बुदस्य ।
अहन्नहिमरिणात्सप्त सिन्धून्देवैर्द्यावापृथिवी प्रावतं नः ॥१२॥

(६२) द्विनवतितमं सूक्तम्

(१-२१) एकविंशत्यृचस्यास्य सूक्तस्य (१-१५) प्रथमादिपञ्चदशर्चा प्रियमेधः
(१६-२१) षोडश्यादिषण्णाञ्च पुरुहन्मा ऋषी । (१-७, ६-२१) प्रथमादिसप्तानां
नवम्यादित्रयोदशानाञ्चेन्द्रः (८) अष्टम्याश्च पूर्वार्धस्य विश्वे देवाः, उत्तरार्धस्य च वरुणो
देवताः । (१-३) प्रथमादितृचस्य गायत्री ((४-७, ६-१२) चतुर्थ्यादिचतसृणां
नवम्यादिचतसृणाञ्चानुष्टुप् (८, १३) अष्टमीत्रयोदशयोः पङ्क्तिः (१४-१५)
चतुर्दशीपञ्चदशयोः पथ्याबृहती) (१६-२१) षोडश्यादिषण्णाञ्च प्रगाथश्छन्दांसि
अभि प्र गोपतिं गिरेन्द्रमर्चु यथा विदे ।
सूतुं सत्यस्य सत्पतिम् ॥१॥

आ हरयः ससृजिरेऽरुषीरधि बर्हिषि ।
यत्राभि संनवामहे ॥२॥

इन्द्राय गावं आशिरं दुदुहे वज्रिणे मधु ।
यत्सीमुपहरे विदत् ॥३॥

उद्यद्ब्रध्नस्य विष्टपं गृहमिन्द्रश्च गन्वहि ।

मध्वः पीत्वा संचेवहि त्रिः सप्त सख्युः पदे ॥४॥

अर्चतु प्रार्चतु प्रियमेधासो अर्चत ।
अर्चन्तु पुत्रका उत पुरं न धृष्ववर्चत ॥५॥

अव स्वराति गर्गरो गोधा परि सनिष्वणत् ।
पिङ्गा परि चनिष्कददिन्द्राय ब्रह्मोद्यतम् ॥६॥

आ यत्पतन्त्येन्यः सुदुघा अनपस्फुरः ।
अपस्फुरं गृभायत सोममिन्द्राय पातवे ॥७॥

अपादिन्द्रो अपादग्निर्वश्वै देवा अमत्सत ।
वरुण इदिह क्षयत्तमापौ अभ्यनूषत वत्सं संशिश्वरीरिव ॥८॥

सुदेवो असि वरुण यस्य ते सप्त सिन्धवः ।
अनुक्षरन्ति काकुदं सूर्यं सुषिरामिव ॥९॥

यो व्यतीरिंफाणयत्सुयुक्तां उप दाशुषे ।
तक्वो नेता तदिद्वपुरुपमा यो अमुच्यत ॥१०॥

अतीदु शक्र औहत इन्द्रो विश्वा अति द्विषः ।
भिनत्क्नीन ओदनं पच्यमानं परो गिरा ॥११॥

अर्भको न कुमारकोऽधि तिष्ठन्नवं रथम् ।
स पक्षन्महिषं मृगं पित्रे मात्रे विभुक्रतुम् ॥१२॥

आ तू सुशिप्र दंपते रथं तिष्ठा हिरण्ययम् ।
अर्धं द्युक्षं संचेवहि सहस्रपादमरुषं स्वस्तिगामनेहसम् ॥१३॥

तं घैमि॒त्था न॑म॒स्विन् उ॒प॑ स्वर॒राज॑मासते ।
अ॒र्थं चि॒दस्य॑ सु॒धितं॑ यदे॒तवे॑ आ॒व॒र्तय॑न्ति दा॒वनै ॥१४॥

अ॒नु प्र॒त्नस्यौ॑कसः प्रि॒यमे॑धास एषाम् ।
पूर्वा॒मनु॑ प्रय॒तिं वृ॒क्तब॑र्हिषो हि॒तप्र॑यस आशत ॥१५॥

यो राजा॑ चर्ष॒णीनां॑ या॒ता रथे॑भि॒रधि॑गुः ।
विश्वा॑सां तरु॒ता पृ॑त॒नानां॑ ज्येष्ठो यो वृ॒त्रहा॑ गृणे ॥१६॥

इन्द्रं॑ तं शु॒म्भ पुरु॑हन्म॒न्नव॑से यस्य॒ द्विता॑ वि॒ध॒र्तरि॑ ।
हस्ता॑य॒ वज्रः॑ प्रति॒ धायि॑ दर्श॒तो म॒हो दि॒वे न॑ सूर्यः ॥१७॥

नकि॒ष्टं कर्म॑णा नश॒द्यश्च॑कार॒ सदा॑वृ॒धम् ।
इन्द्रं॑ न य॒ज्ञैर्वि॒श्वगूर्त॑मृ॒भ्वस॑मधृष्टं धृ॒ष्ववो॑जसम् ॥१८॥

अषा॑ळह॒मुग्रं॑ पृ॒तना॑सु सास॒हिं यस्मि॑न्म॒हीरु॑रु॒जयः॑ ।
सं धे॒नवो॑ जा॒यमाने॑ अ॒नोन॑वु॒र्धावः॑ क्षामो॑ अ॒नोन॑वुः ॥१९॥

यद्द॒द्याव॑ इन्द्र ते श॒तं श॒तं भूमी॑रु॒त स्युः॑ ।
न त्वा॑ वज्रि॒न्त्सह॑स्रं॒ सूर्या॑ अनु॒ न जा॑तम॒ष्ट॒ रोद॑सी ॥२०॥

आ प॑प्राथ म॒हिना॑ वृ॒ष्या वृ॑ष॒न्विश्वा॑ शवि॒ष्ट श॑वसा ।
अ॒स्माँ अ॒व म॑घव॒न्गोम॑ति वृ॒जे वज्रि॑ञ्चि॒त्राभि॑रु॒तिभिः॑ ॥२१॥

(६३) त्रिनवतितमं सूक्तम्

(१-८) अष्टर्चस्यास्य सूक्तस्य (१-३) प्रथमादितृचस्य प्रगाथ ऋषिः (४-८)
चतुर्थ्यादिपञ्चानाञ्चेन्द्रमातरो देवजामय ऋषिकाः । इन्द्रो देवता । गायत्री छन्दः
उत्त्वा॑ मन्दन्तु॒ स्तोमाः॑ कृ॒णुष्व॑ राधौ॒ अद्रि॑वः ।
अ॒व ब्र॑ह्मद्विषो॑ जहि ॥१॥

प॒दा प॒णीरं॑रा॒धसो॑ नि बा॒धस्व म॒हाँ अ॑सि ।
न॒हि त्वा॒ कश्च॑न प्रति ॥२॥

त्वमी॑शिषे सु॒ताना॑मिन्द्र त्वमसु॑तानाम् ।
त्वं राजा॑ ज॒नाना॑म् ॥३॥

ई॒द्वय॑न्तीरप॒स्युव॑ इन्द्रं जा॒तमु॑पासते ।
भेजा॑नासः सु॒वीर्य॑म् ॥४॥

त्वमिन्द्र॑ बला॒दधि॑ सहसो जा॒त ओ॒जसः॑ ।
त्वं वृष॑न्वृषे॒दसि ॥५॥

त्वमिन्द्रा॑सि वृ॒त्रहा॑ व्य॒श्न॒न्तरि॑क्षमतिरः ।
उ॒दयाम॑स्तभ्ना ओ॒जसा ॥६॥

त्वमिन्द्र॑ स॒जोष॑सम॒र्कं बि॑भर्षि ब्रा॒ह्मोः ।
वज्रं॑ शिशा॒न ओ॒जसा ॥७॥

त्वमिन्द्रा॑भिभुर॑सि विश्वा जा॒तान्यो॑जसा ।
स विश्वा॑ भुव॒ आर्भ॑वः ॥८॥

(६४) चतुर्नवतितमं सूक्तम्

(१-११) एकादशर्चस्यास्य सूक्तस्य कृष्ण ऋषिः । इन्द्रो देवता । (१-३, १०-११)
प्रथमादितृचस्य दशम्येकादशयोश्च त्रिष्टुप् (४-६) चतुर्थ्यादिषण्णाञ्च जगती छन्दसी
आ या॒त्विन्द्रः॑ स्व॒पति॑र्मदा॒य॒ यो धर्म॑णा तू॒तुजा॑नस्तु॒र्विष्मान् ।
प्र॒त्व॒क्षा॒णो अ॒ति विश्वा॑ सहा॑स्यपा॒रेण॑ मह॒ता वृ॑ष्णयै॒न ॥१॥

सु॒ष्ठामा॑ रथः सु॒यमा॑ हरी॒ ते मि॒म्य॒क्ष्ण॒ वज्रो॑ नृप॒ते ग॑र्भस्तौ ।
शी॒भं राज॑न्सु॒पथा॑ या॒ह्यर्वा॑इव॒र्धाम॑ ते प॒पुषो॑ वृ॒ष्णया॑नि ॥२॥

एन्द्रवाहौ नृपतिं वज्रबाहुमुग्रमुग्रासस्तविषास एनम् ।
प्रत्वक्षसं वृषभं सत्यशुष्ममैर्मस्मत्रा संधमादौ वहन्तु ॥३॥

एवा पतिं द्रोणसाचं सचैतसमूर्जं स्कम्भं धरुण आ वृषायसे ।
ओजः कृष्व सं गृभाय त्वे अप्यसो यथा केनिपानामिनो वृधे ॥४॥

गमन्नस्मे वसून्या हि शंसिषं स्वाशिषं भरमा याहि सोमिनः ।
त्वमीशिषे सास्मिन्ना संत्सि बर्हिष्यनाधृष्या तव पात्राणि धर्मणा ॥५॥

पृथक्प्रायन्प्रथमा देवहृतयोऽकृणवत श्रवस्यानि दुष्टरा ।
न ये शेकुर्यज्ञियां नावमारुहमीमैव ते न्यविशन्त केपयः ॥६॥

एवैवापागपरे सन्तु दूढयोऽश्वा येषां दुर्युजं आयुयुजे ।
इत्था ये प्रागुपरे सन्ति दावने पुरुणि यत्र वयुनानि भोजना ॥७॥

गिरीरंजान्रेजमानां अधारयद्दयौः क्रन्ददन्तरिक्षाणि कोपयत् ।
समीचीने धिषणे वि ष्कभायति वृष्णाः पीत्वा मद उक्थानि शंसति
॥८॥

इमं बिभर्मि सुकृतं ते अङ्कुशं येनारुजासि मघवञ्छफारुजः ।
अस्मिन्सु ते सर्वने अस्त्वोक्त्यं सुत इष्टौ मघवन्बोध्याभगः ॥९॥

गोभिष्टरेमामतिं दुरेवां यवेन क्षुधं पुरुहूत विश्वाम् ।
वयं राजभिः प्रथमा धनान्यस्माकैन वृजनैना जयेम ॥१०॥

बृहस्पतिर्नः परि पातु पश्चादुतोत्तरस्मादधरादघायोः ।
इन्द्रः पुरस्तादुत मध्यतो नः सखा सखिभ्यो वरिवः कृणोतु ॥११॥

(६५) पञ्चनवतितमं सूक्तम्

(१-४) चतुर्ऋचस्यास्य सूक्तस्य (१) प्रथमर्चो गृत्समदः

(२-४) द्वितीयादितृचस्य च सुदाः पैजवन ऋषी । इन्द्रो देवता ।

(१) प्रथमाया अष्टिः (२-४) द्वितीयादितृचस्य च शक्वरी छन्दसी

त्रिकद्रुकेषु महिषो यवाशिरं तुविशुष्मस्तृपत्सोर्ममपिबद्विष्णुना सुतं
यथावशत् ।

स ई ममाद् महि कर्म कर्तवे महामुरुं सैनं सश्वदेवो देवं सत्यमिन्द्रं सत्य
इन्दुः ॥१॥

प्रो ष्वस्मै पुरोऽथमिन्द्राय शूषमर्चत ।

अभीकै चिदु लोककृत्संगे समत्सु वृत्रहास्माकं बोधि चोदिता
नभन्तामन्यकेषां ज्याका अधि धन्वसु ॥२॥

त्वं सिन्धूरंवासृजोऽधराचो अहन्नहिम् ।

अशत्रुरिन्द्र जज्ञिषे विश्वं पुष्यसि वार्यं तं त्वा परि ष्वजामहे
नभन्तामन्यकेषां ज्याका अधि धन्वसु ॥३॥

वि षु विश्वा अरातयोऽर्यो नशन्त नो धिर्यः ।

अस्तासि शत्रवे वधं यो न इन्द्र जिघांसति या तै रातिर्ददिवसु
नभन्तामन्यकेषां ज्याका अधि धन्वसु ॥४॥

(६६) षण्णवतितमं सूक्तम्

(१-२४) चतुर्विंशत्यृचस्यास्य सूक्तस्य (१-१०) प्रथमादिदशर्चा पूरणः (११-१६)

एकादश्यादिषण्णां रक्षोहाः (१७-२३) सप्तदश्यादिसप्तानां ब्रह्मा (२४) चतुर्विंश्याश्च

प्रचेता ऋषयः । (१-५) प्रथमादिपञ्चानामिन्द्रः (६-९) षष्ठ्यादिचतसृणामिन्द्राग्नी

आयुर्यक्ष्मनाशनञ्च (१०) दशम्या आयुः (११-१६) एकादश्यादिषण्णां गर्भसंस्त्रावे

प्रायश्चित्तम् (१७-२३) सप्तदश्यादिसप्तानां यक्ष्मविबर्हणम् (२४) चतुर्विंश्याश्च

दुःस्वप्ननाशनं देवताः । (१-८) प्रथमाद्यष्टानां त्रिष्टुप् (९) नवम्याः शक्वरीगर्भा

जगती (१०-१८, २४) दशम्यादिनवानां चतुर्विंश्याश्चानुष्टुप् (१९) एकोनविंश्याः

ककुम्मत्यनुष्टुप् (२०) विंश्याश्चतुष्पदा भुरिगुष्णिक (२१) एकविंश्या

उपरिष्ठाद्विराड्बृहती (२२) द्वाविंश्या उष्णिग्गर्भा निचृदनुष्टुप्
(२३) त्रयोविंश्याश्च पथ्यापङ्क्तिश्छन्दांसि
तीव्रस्याभिवयसो अस्य पाहि सर्वथा वि हरी इह मुञ्च ।
इन्द्र मा त्वा यजमानासो अन्ये नि रीरमन्तुभ्यमिमे सुतासः ॥१॥

तुभ्यं सुतास्तुभ्यमु सोत्वासुस्त्वां गिरः श्वात्र्या आ ह्वयन्ति ।
इन्द्रेदमद्य सर्वनं जुषाणो विश्वस्य विद्वाँ इह पाहि सोमम् ॥२॥

य उंशता मनसा सोममस्मै सर्वहृदा देवकामः सुनोति ।
न गा इन्द्रस्तस्य परा ददाति प्रशस्तमिच्चारुमस्मै कृणोति ॥३॥

अनुस्पष्टो भवत्येषो अस्य यो अस्मै रेवान्न सुनोति सोमम् ।
निररबौ मघवा तं दधाति ब्रह्मद्विषौ हन्त्यनानुदिष्टः ॥४॥

अश्वायन्तो गव्यन्तो वाजयन्तो हवामहे त्वोपगन्तवा उं ।
आभूषन्तस्ते सुमतौ नवायां वयमिन्द्र त्वा शुनं हुवेम ॥५॥

मुञ्चामि त्वा हविषा जीवनायु कर्मज्ञातयुद्धमादुत राजयुद्धमात् ।
ग्राहिर्जग्राह यद्येतदेनं तस्या इन्द्राग्नी प्र मुमुक्तमेनम् ॥६॥

यदि क्षितायुर्यदि वा परेतो यदि मृत्योरन्तिकं नीति एव ।
तमा हरामि निऋतेरुपस्थादस्पाशमिनं शतशारदाय ॥७॥

सहस्राक्षेण शतवीर्येण शतार्युषा हविषाहार्षमेनम् ।
इन्द्रो यथैनं शरदो नयात्यति विश्वस्य दुरितस्य पारम् ॥८॥

शतं जीव शरदो वर्धमानः शतं हैमन्ताञ्छतमु वसन्तान् ।
शतं त इन्द्रो अग्निः सविता बृहस्पतिः शतार्युषा हविषाहार्षमेनम् ॥९॥

आहार्षमविदं त्वा पुनरागाः पुनर्णवः ।
सर्वाङ्गु सर्वं ते चक्षुः सर्वमायुश्च तेऽविदम् ॥१०॥

ब्रह्मणाग्निः संविदानो रक्षोहा बाधतामितः ।
अमीवा यस्ते गर्भं दुर्णामा योनिमाशयै ॥११॥

यस्ते गर्भममीवा दुर्णामा योनिमाशयै ।
अग्निष्टं ब्रह्मणा सह निष्क्रव्यादमनीनशत् ॥१२॥

यस्ते हन्ति पतयन्तं निषत्स्रुं यः संरीसृपम् ।
जातं यस्ते जिघांसति तमितो नाशयामसि ॥१३॥

यस्त ऊरू विहरत्यन्तरा दम्पती शयै ।
योनिं यो अन्तरारेळ्हिह तमितो नाशयामसि ॥१४॥

यस्त्वा भ्राता पतिर्भूत्वा जारो भूत्वा निपद्यते ।
प्रजां यस्ते जिघांसति तमितो नाशयामसि ॥१५॥

यस्त्वा स्वप्नेन तमसा मोहयित्वा निपद्यते ।
प्रजां यस्ते जिघांसति तमितो नाशयामसि ॥१६॥

अक्षीभ्यां ते नासिकाभ्यां कर्णाभ्यां छुबुकादधि ।
यद्धमं शीर्षण्यं मस्तिष्काञ्जिह्वाया वि वृहामि ते ॥१७॥

ग्रीवाभ्यस्त उष्णिहाभ्यः कीकसाभ्यो अनूक्यात् ।
यद्धमं दोषण्यं शंसंसाभ्यां बाहुभ्यां वि वृहामि ते ॥१८॥

हृदयात्ते परिं क्लोमो हलीक्षणात्पार्श्वभ्याम् ।

यद्मं म॒त॒स्त्राभ्यां प्लि॒हो य॒क्नस्ते॒ वि वृ॒हाम॑सि ॥१६॥

आ॒न्त्रेभ्य॑स्ते गु॒दाभ्यो॑ वनि॒ष्ठोरु॒दरा॒दधि॑ ।
यद्मं कु॒क्षिभ्यां प्ला॒शेर्नाभ्या॑ वि वृ॒हामि॑ ते ॥२०॥

ऊ॒रुभ्यां॑ ते अ॒ष्टीव॒द्भ्यां पा॒र्ष्णिभ्यां॑ प्र॒पदा॑भ्याम् ।
यद्मं भ॒सद्यं॑ श्रो॒णिभ्यां॑ भा॒सदं॑ भा॒ससो॑ वि वृ॒हामि॑ ते ॥२१॥

अ॒स्थिभ्य॑स्ते म॒ज्जभ्यः॑ स्त्रा॒र्वभ्यो॑ ध॒मनि॑भ्यः
यद्मं पा॒णिभ्यां॑ म॒ङ्गुलि॑भ्यो न॒खेभ्यो॑ वि वृ॒हामि॑ ते ॥२२॥

अ॒ङ्गेअ॒ङ्गे लो॒मिलो॒मि यस्ते॑ प॒र्वणि॑प॒र्वणि॑ ।
यद्मं त्व॒चस्यं॑ ते व॒यं क॒श्यप॑स्य वी॒बर्हे॑ण॒ विष्व॑ञ्चं वि वृ॒हाम॑सि ॥२३॥

अ॒पैहि॑ म॒नस॑स्प॒तेऽप॑ काम॒ प॒रश्च॑र ।
प॒रो नि॒र्ऋ॒त्या आ च॑द्व॒ बहु॒धा जी॒वतो॑ म॒नः ॥२४॥

(६७) सप्तनवतितमं सूक्तम्

(१-३) तृचस्यास्य सूक्तस्य कलिर्ऋषिः । इन्द्रो देवता ।

(१-२) प्रथमाद्वितीययोर्ऋचोः प्रगाथः (३) तृतीयायाश्च बृहती छन्दसी

व॒यमे॑न॒मि॒दा ह्यो॒पीपे॑मे॒ह व॒ज्रिण॑म् ।
तस्मा॑ उ॒ अद्य॑ स॒म॒ना सु॒तं भ॒रा नूनं॑ भूष॒त श्रु॒ते ॥१॥

वृ॒क॒श्चि॒दस्य॑ वा॒र॒ण उ॑रा॒मथि॒रा व॒युने॑षु भूष॒ति ।
से॒मं न॒ स्तोमं॑ जु॒जुषा॑ण॒ आ ग॒हीन्द्र॑ प्र॒ चि॒त्रया॑ धि॒या ॥२॥

क॒दू न्व॑शु॒स्याकृ॑त॒मिन्द्र॑स्यास्ति॒ पौ॒स्यम् ।
के॒नो नु॑ कं श्रो॒मते॑न॒ न शु॑श्रु॒वे ज॒नुषः॑ परि॒ वृ॒त्रहा ॥३॥

(६८) अष्टनवतितमं सूक्तम्

(१-२) द्वयृचस्यास्य सूक्तस्य शंयुर्ऋषिः । इन्द्रो देवता । प्रगाथश्छन्दः
त्वामिद्धि हवामहे साता वाजस्य कारवः ।
त्वां वृत्रेष्विन्द्र सत्यंति नरस्त्वां काष्ठास्वर्वतः ॥१॥

स त्वं नश्चित्र वज्रहस्त धृष्णुया मह स्तवानो अद्रिवः ।
गामश्वं रथ्यमिन्द्र सं किर सत्रा वाजं न जिग्युषै ॥२॥

(६९) नवनवतितमं सूक्तम्

(१-२) द्वयृचस्यास्य सूक्तस्य मेध्यातिथिर्ऋषिः । इन्द्रो देवता । प्रगाथश्छन्दः
अभि त्वा पूर्वपीतय इन्द्र स्तोमैभिरायवः ।
समीचीनासं ऋभवः समस्वरनुद्रा गृणन्त पूर्व्यम् ॥१॥

अस्येदिन्द्रो वावृधे वृष्णयं शवो मदे सुतस्य विष्णवि ।
अद्या तमस्य महिमानमायवोऽनु षुवन्ति पूर्वथा ॥२॥

(१००) शततमं सूक्तम्

(१-३) तृचस्यास्य सूक्तस्य नृमेध ऋषिः । इन्द्रो देवता । उष्णिक छन्दः
अधा हीन्द्र गिर्वण उप त्वा कामान्महः संसृज्महे ।
उदेव यन्त उदभिः ॥१॥

वारण त्वा यव्याभिर्वर्धन्ति शूर ब्रह्माणि ।
वावृध्वासं चिदद्रिवो दिवेदिवे ॥२॥

युञ्जन्ति हरी इषिरस्य गार्थयोरौ रथ उरुयुगे ।
इन्द्रवाहा वचोयुजा ॥३॥

(१०१) एकोत्तरशततमं सूक्तम्

(१-३) तृचस्यास्य सूक्तस्य मेध्यातिथिर्ऋषिः । अग्निर्देवता । गायत्री छन्दः

अग्निं दूतं वृणीमहे होतारं विश्ववेदसम् ।
अस्य यज्ञस्य सुक्रतुम् ॥१॥

अग्निमग्निं हवीमभिः सदा हवन्त विशपतिम् ।
हव्यवाहं पुरुप्रियम् ॥२॥

अग्ने देवाँ इहा वह जज्ञानो वृक्तबर्हिषे ।
असि होता न ईडयः ॥३॥

(१०२) द्व्युत्तरशततमं सूक्तम्

(१-३) तृचस्यास्य सूक्तस्य विश्वामित्र ऋषिः । अग्निर्देवता । गायत्री छन्दः
ईळैन्यौ नमस्यस्तिरस्तमांसि दर्शतः ।
समग्निरिध्यते वृषा ॥१॥

वृषो अग्निः समिध्यतेऽश्वो न देववाहनः ।
तं हविष्मन्तः ईळते ॥२॥

वृषणं त्वा वयं वृषन्वृषणः समिधीमहि ।
अग्ने दीद्यतं बृहत् ॥३॥

(१०३) त्र्युत्तरशततमं सूक्तम्

(१-३) तृचस्यास्य सूक्तस्य (१) प्रथमर्चः सुदीतिपुरुमीढौ तयोरन्यतरो वा
(२-३) द्वितीयातृतीययोश्च भर्ग ऋषयः । अग्निर्देवता ।
(१) प्रथमाया बृहती (२-३) द्वितीयातृतीययोश्च प्रगाथश्छन्दसी
अग्निमीळिष्वावसे गाथाभिः शीरशौचिषम् ।
अग्निं राये पुरुमीळह श्रुतं नरोऽग्निं सुदीतये छर्दिः ॥१॥

अग्ने आ याह्यग्निभिर्होतारं त्वा वृणीमहे ।
आ त्वामनक्तु प्रयता हविष्मती यजिष्ठं बर्हिरासदै ॥२॥

अच्छा हि त्वा सहसः सूनो अङ्गिरः स्रुचश्चरन्त्यध्वरे ।
ऊर्जो नपातं घृतकेशमीमहेऽग्निं यज्ञेषु पूर्व्यम् ॥३॥

(१०४) चतुरत्तरशततमं सूक्तम्

(१-४) चतुर्ऋचस्यास्य सूक्तस्य (१-२) प्रथमाद्वितीययोर्ऋचोर्मेध्यातिथिः

(३-४) तृतीयाचतुर्थ्योश्च नृमेध ऋषी । इन्द्रो देवता । प्रगाथश्छन्दः

इमा उ त्वा पुरूवसो गिरौ वर्धन्तु या मम ।
पावकवर्णाः शुचयो विपश्चितोऽभि स्तोमैरनूषत ॥१॥

अयं सहस्रमृषिभिः सहस्कृतः समुद्र इव पप्रथे ।
सत्यः सो अस्य महिमा गृणे शर्वो यज्ञेषु विप्रराज्ये ॥२॥

आ नो विश्वासु हव्य इन्द्रः समत्सु भूषतु ।
उप ब्रह्माणि सर्वनानि वृत्रहा परमज्या ऋचीषमः ॥३॥

त्वं दाता प्रथमो राधसामस्यसि सत्य ईशानकृत् ।
तुविद्युमस्य युज्या वृणीमहे पुत्रस्य शर्वसो महः ॥४॥

(१०५) पञ्चोत्तरशततमं सूक्तम्

(१-५) पञ्चर्चस्यास्य सूक्तस्य (१-३) प्रथमादितृचस्य नृमेधः (४-५)

चतुर्थीपञ्चम्योश्च पुरुहन्मा ऋषी । इन्द्रो देवता । (१-२, ४-५)

प्रथमाद्वितीयाचतुर्थीपञ्चमीनामृचां प्रगाथः (३) तृतीयायाश्च बृहती छन्दसी

त्वमिन्द्र प्रतूर्तिष्वभि विश्वा असि स्पृधः ।
अशस्तिहा जनिता विश्वतूरसि त्वं तूर्य तरुष्यतः ॥१॥

अनु ते शुष्मं तुरयन्तमीयतुः क्षोणी शिशुं न मातरा ।
विश्वास्ते स्पृधः शनथयन्त मन्यवै वृत्रं यदिन्द्र तूर्वसि ॥२॥

इत ऊती वौ अजरं प्रहेतारमप्रहितम् ।

आशुं जेतारं हेतारं रथीतममूर्तं तुग्र्यावृधम् ॥३॥

यो राजा चर्षणीनां याता रथैभिरधिगुः ।
विश्वासां तरुता पृतनानां ज्येष्ठो यो वृत्रहा गृणे ॥४॥

इन्द्रं तं शुम्भ पुरुहन्मन्नवसे यस्य द्विता विधूर्तरि ।
हस्ताय वज्रः प्रति धायि दर्शतो महो दिवे न सूर्यः ॥५॥

(१०६) षडुत्तरशततमं सूक्तम्

(१-३) तृचस्यास्य सूक्तस्य गोषूक्त्यश्वसूक्तिनावृषी । इन्द्रो देवता । उष्णिक छन्दः
तव त्यदिन्द्रियं बृहत्तव शुष्ममुत क्रतुम् ।
वज्रं शिशाति धिषणा वरैरयम् ॥१॥

तव द्यौरिन्द्र पौंस्यं पृथिवी वर्धति श्रवः ।
त्वामापः पर्वतासश्च हिन्विरे ॥२॥

त्वां विष्णुर्बृहन्क्षयौ मित्रो गृणाति वरुणः ।
त्वां शर्धो मदत्यनु मारुतम् ॥३॥

(१०७) सप्तोत्तरशततमं सूक्तम्

(१-१५) पञ्चदशर्चस्यास्य सूक्तस्य (१-३) प्रथमादितृचस्य वत्सः (४-१२)
चतुर्थ्यादिनवर्चा बृहद्विवोऽथर्वा (१३-१४) त्रयोदशीचतुर्दशयोर्ब्रह्मा (१५) पञ्चदश्याश्च
कुत्स ऋषयः । (१-३) प्रथमादितृचस्येन्द्रः (४-१२) चतुर्थ्यादिनवानां वरुणः
(१३-१५) त्रयोदश्यादितृचस्य च सूर्यो देवताः । (१-३) प्रथमादितृचस्य गायत्री
(४-११, १४-१५) चतुर्थ्याद्यष्टानाञ्चतुर्दशीपञ्चदशयोश्च त्रिष्टुप्
(१२) द्वादश्या भुक्परातिजागता त्रिष्टुप् (१३) त्रयोदश्याश्चार्षी पङ्क्तिश्छन्दांसि
समस्य मन्यवे विशो विश्वा नमन्त कृष्टयः ।
समुद्रायैव सिन्धवः ॥१॥

ओज॒स्तद॑स्य तित्विष उ॒भे यत्स॒मव॑र्तयत् ।
इन्द्र॒श्चर्म॑व॒ रोद॑सी ॥२॥

वि चि॒द्वृत्र॑स्य॒ दोध॑तो॒ वज्रै॑ण श॒तप॑र्वणा ।
शिरो॑ बिभेद वृ॒ष्णिना॑ ॥३॥

तदिदा॑स॒ भुव॑नेषु॒ ज्येष्ठं॑ यतो॒ जज्ञ॑ उ॒ग्रस्त्व॑ेष॒नृम॑णः ।
स॒द्यो ज॑ज्ञानो नि रि॒णाति॑ शत्रू॒ननु॒ यदे॑नं॒ मदे॑न्ति॒ विश्व॑ ऊ॒माः ॥४॥

वा॒वृधा॑नः शर्व॑सा॒ भूर्यो॑जाः शत्रु॑र्दासाय॒ भिय॑सं दधाति ।
अ॒व्येन॑च्च॒ व्यन॑च्च॒ सस्त्रि॑ सं ते॒ नव॑न्त॒ प्रभृ॑ता॒ मदे॑षु ॥५॥

त्वे क्र॒तुम॑पि॒ पृञ्च॑न्ति॒ भूरि॑ द्वि॒र्यदे॑ते॒ त्रिर्भ॑व॒न्त्यूमाः॑ ।
स्वा॒दोः स्वा॑दीयः॒ स्वा॒दुना॑ सृ॒जा स॒मदः॑ सु मधु॒ मधु॑ना॒भि यो॑धीः ॥६॥

यदि॑ चि॒न्नु त्वा॑ धना॒ जय॑न्तं॒ रणै॑रणे॒ अनु॑मदन्ति॒ विप्राः॑ ।
ओ॒जीयः॑ शु॒ष्मिन्ति॒स्थर॑मा॒ तनु॑ष्व॒ मा त्वा॑ दभन्दुरे॒वासः॑ क॒शोकाः॑ ॥७॥

त्वया॑ व॒यं शा॑शद्यहे॒ रणै॑षु प्र॒पश्य॑न्तो॒ युधे॑न्यानि॒ भूरि॑ ।
चो॒दया॑मि॒ त् आ॒र्युधा॑ वचो॒भिः सं ते॑ शिशा॒मि ब्र॑ह्म॒णा वया॑ंसि ॥८॥

नि तद्द॑धि॒षेऽव॑रे॒ परे॑ च॒ यस्मि॒न्नावि॒थाव॑सा॒ दुरो॑णे ।
आ॒ स्था॑पयत॒ मातरं॑ जि॒गत्सु॑म॒त इ॒न्वत् क॑र्व॒राणि॑ भूरि॑ ॥९॥

स्तु॒ष्व व॑र्ष्म॒न्युरु॑व॒र्त्मानं॑ स॒मृभ्वा॑ण॒मिन॑त॒ममा॑प्त॒माप्त॑चाना॒म् ।
आ॒ द॑र्शति॒ शर्व॑सा॒ भूर्यो॑जाः प्र स॑न्नति॒ प्रति॑मानं॒ पृथि॒व्याः ॥१०॥

इ॒मा ब्र॑ह्म॒ बृह॑द्वि॒वः कृ॑णव॒दिन्द्रा॑य शूष॒मग्नि॑यः स्व॒र्षाः ।

म॒हो गो॒त्रस्य॑ क्षयति स्व॒राजा॒ तुर॑श्चिद्वि॒श्वम॑र्णव॒त्तप॑स्वान् ॥११॥

ए॒वा म॒हान्बृ॒हद्वि॒वो अथ॑र्वावो॒चत्स्वां॑ त॒न्वशु॑मिन्द्र॒मेव ।
स्वसा॑रौ मा॒तरि॒भ्वरी॑ अ॒रिप्रे॑ हि॒न्वन्ति॑ चै॒नेश॑वसा व॒र्धय॑न्ति च ॥१२॥

चि॒त्रं दे॒वानां॑ के॒तुरनी॑कं॒ ज्योति॑ष्मान्प्रदिशः॒ सूर्य॑ उ॒द्यन् ।
दि॒वाक॒रोऽति॑ द्यु॒मैस्तमांसि॑ विश्वा॒तारी॑दु॒रितानि॑ शु॒क्रः ॥१३॥

चि॒त्रं दे॒वाना॑मुद॒गादनी॑कं॒ चक्षु॑र्मि॒त्रस्य॑ वरु॒णस्या॑ग्नेः ।
आप्रा॑द्यावा॒पृथि॒वी अ॒न्तरि॑क्षं॒ सूर्य॑ आ॒त्मा ज॑र्गतस्त॒स्थुष॑श्च ॥१४॥

सूर्यो॑ दे॒वीमु॑षसं॒ रोच॑मानां॒ मर्यो॑ न योषाम॒भ्येति॑ प॒श्चात् ।
यत्रा॑ नरो॒ देव॑यन्तो॒ युगानि॑ वित॒न्वते॒ प्रति॑ भ॒द्राय॑ भ॒द्रम् ॥१५॥

(१०८) अष्टोत्तरशततमं सूक्तम्

(१-३) तृचस्यास्य सूक्तस्य नृमेध ऋषिः । इन्द्रो देवता । (१) प्रथमर्चो गायत्री
(२) द्वितीयायाः ककुबुष्णिक् (३) तृतीयायाश्च पुर उष्णिक् छन्दांसि
त्वं न इन्द्रा भ॑रुं ओजो॑ नृ॒म्यं श॑तक्रतो विचर्षणे ।
आ वी॑रं पृ॒तना॑षहम् ॥१॥

त्वं हि नः॑ पि॒ता व॑सो॒ त्वं मा॒ता श॑तक्रतो ब॒भूवि॑थ ।
अ॒धा ते॑ सु॒म्रमी॑महे ॥२॥

त्वां शु॑ष्मिन्पुरु॒हूत वा॒जय॑न्तमु॒प ब्रु॑वे शतक्रतो ।
स नो॑ रास्व सु॒वीर्य॑म् ॥३॥

(१०९) नवोत्तरशततमं सूक्तम्

(१-३) तृचस्यास्य सूक्तस्य गोतम ऋषिः । इन्द्रो देवता । (पथ्यापङ्क्तिश्छन्दः)
स्वा॒दो॒रि॒त्था वि॑षू॒वतो॑ म॒ध्वः पि॑बन्ति गौर्य॑ः ।

या इन्द्रेण स्यावरीर्वृष्णा मदन्ति शोभसे वस्वीरनु स्वराज्यम् ॥१॥

ता अस्य पृशनायुवः सोमं श्रीणन्ति पृशनयः ।
प्रिया इन्द्रस्य धेनवो वज्रं हिन्वन्ति सायकं वस्वीरनु स्वराज्यम् ॥२॥

ता अस्य नमसा सहः सपर्यन्ति प्रचैतसः ।
वृतान्यस्य सश्चिरे पुरुणि पूर्वचित्तये वस्वीरनु स्वराज्यम् ॥३॥

(११०) दशोत्तरशततमं सूक्तम्

(१-३) तृचस्यास्य सूक्तस्य श्रुतकक्षः सुकक्षो वा ऋषिः ।

इन्द्रो देवता । गायत्री छन्दः

इन्द्राय मद्धने सुतं परि षोभन्तु नो गिरः ।
अर्कमर्चन्तु कारवः ॥१॥

यस्मिन्विश्वा अधि श्रियो रणन्ति सप्त संसदः ।
इन्द्रं सुते हवामहे ॥२॥

त्रिकद्बुकेषु चेतनं देवासौ यज्ञमत्तत ।
तमिद्वर्धन्तु नो गिरः ॥३॥

(१११) एकादशोत्तरशततमं सूक्तम्

(१-३) तृचस्यास्य सूक्तस्य पर्वत ऋषिः । इन्द्रो देवता । उष्णिक छन्दः

यत्सोममिन्द्र विष्णावि यद्वा घ त्रित आप्तये ।
यद्वा मरुत्सु मन्दसे समिन्दुभिः ॥१॥

यद्वा शक्र परावति समुद्रे अधि मन्दसे ।
अस्माकमित्सुते रणा समिन्दुभिः ॥२॥

यद्वासि सुन्वतो वृधो यजमानस्य सत्पते ।

उक्थे वा यस्य रण्यसि समिन्दुभिः ॥३॥

(११२) द्वादशोत्तरशततमं सूक्तम्

(१-३) तृचस्यास्य सूक्तस्य सुकन्न ऋषिः । इन्द्रो देवता । गायत्री छन्दः
यद्द्य कच्च वृत्रहनुदगा अभि सूर्य ।
सर्वं तदिन्द्र ते वशै ॥१॥

यद्वा प्रवृद्ध सत्पते न मरा इति मन्यसे ।
उतो तत्सत्यमित्तव ॥२॥

ये सोमासः परावति ये अर्वावति सुन्विरे ।
सर्वास्ताँ इन्द्र गच्छसि ॥३॥

(११३) त्रयोदशोत्तरशततमं सूक्तम्

(१-२) द्व्यृचस्यास्य सूक्तस्य भर्ग ऋषिः । (इन्द्रो देवता) । प्रगाथश्छन्दः
उभयं शृणवच्च न इन्द्रो अर्वागिदं वचः ।
सत्राच्यो मघवा सोमपीतये धिया शर्विष्ठ आ गमत् ॥१॥

तं हि स्वराजं वृषभं तमोजसे धिषणे निष्टतत्तुः ।
उतोपमानां प्रथमो नि षीदसि सोमकामं हि ते मनः ॥२॥

(११४) चतुर्दशोत्तरशततमं सूक्तम्

(१-२) द्व्यृचस्यास्य सूक्तस्य सौभरिर्ऋषिः । इन्द्रो देवता । गायत्री छन्दः
अभ्रातृव्योऽअना त्वमनापिरिन्द्र जनुषा सनादसि ।
युधेदोपित्वमिच्छसे ॥१॥

नकी रेवन्तं सख्याय विन्दसे पीर्यन्ति ते सुराश्वः ।
यदा कृणोषि नदनुं समूहस्यादित्पितेव हूयसे ॥२॥

(११५) पञ्चदशोत्तरशततमं सूक्तम्

(१-३) तृचस्यास्य सूक्तस्य वत्स ऋषिः । इन्द्रो देवता । गायत्री छन्दः
अ॒हमिद्धि॑ पि॒तुष्परि॑ मे॒धामृ॑तस्य ज॒ग्रभ॑ ।
अ॒हं सूर्य॑ इवाजनि ॥१॥

अ॒हं प्र॒त्नेन॑ मन्म॒ना गि॑रः शु॒भ्यामि॑ क॒ण्वव॑त् ।
येनेन्द्रः॑ शु॒ष्ममि॑द्दुधे ॥२॥

ये त्वामिन्द्र॑ न तुष्टुवुर्ऋषयो॑ ये च तुष्टुवुः ।
ममेद्वर्ध॑स्व सुष्टुतः ॥३॥

(११६) षोडशोत्तरशततमं सूक्तम्

(१-२) द्वयृचस्यास्य सूक्तस्य मेध्यातिथिर्ऋषिः । इन्द्रो देवता । बृहती छन्दः
मा भूम॑ निष्टया॑ इवेन्द्र॑ त्वदर॑णा इव ।
वना॑नि नि प्र॑जहितान्यद्रिवो॑ दुरोषा॑सो अमन्महि ॥१॥

अ॒मन्म॒हीद॑ना॒शवो॑ऽनु॒ग्रास॑श्च वृत्रहन् ।
स॒कृत्सु॑ तै मह॒ता शू॑र रा॒घसानु॑ स्तोमं॑ मुदीमहि ॥२॥

(११७) सप्तदशोत्तरशततमं सूक्तम्

(१-३) तृचस्यास्य सूक्तस्य वसिष्ठ ऋषिः । इन्द्र देवता । विराङ्गायत्री छन्दः
पि॒त्रा सोम॑मिन्द्र॑ मन्द॒तु त्वा॑ यं तै सु॒षाव॑ ह॒र्यश्वा॑द्रिः ।
सो॒तुर्बा॑ह॒भ्यां सु॑र्यतो॒ नार्वा॑ ॥१॥

यस्ते॑ म॒दो यु॒ज्यश्चा॒रुर॑स्ति॒ येन॑ वृ॒त्राणि॑ ह॒र्यश्च॑ हंसि॑ ।
स त्वामिन्द्र॑ प्र॒भूव॑सो म॒मत्तु॑ ॥२॥

बो॒धा सु॑ मै म॒घव॑न्वाच॒मेमां॑ यां ते॒ वसि॑ष्ठो अ॒र्चति॑ प्र॒शस्ति॑म् ।
इ॒मा ब्र॑ह्म॑ स॒धमा॑दै जुषस्व ॥३॥

(११८) अष्टादशोत्तरशततमं सूक्तम्

(१-४) चतुर्ऋचस्यास्य सूक्तस्य (१-२) प्रथमाद्वितीययोर्ऋचोर्भर्गः

(३-४) तृतीयाचतुर्थ्योश्च मेध्यातिथिर्ऋषी । इन्द्रो देवता । प्रगाथश्छन्दः
शग्ध्युर्षु शचीपत इन्द्र विश्वाभिरूतिभिः ।
भगं न हि त्वा यशसं वसुविदमनु शूर चरामसि ॥१॥

पौरो अश्वस्य पुरुकृद्गवामस्युत्सो देव हिरण्ययः ।
नकिर्हि दानं परिमर्धिषत्त्वे यद्यद्यामि तदा भर ॥२॥

इन्द्रमिद्वेवतातय इन्द्रं प्रयत्यध्वरे ।
इन्द्रं समीके वनिनो हवामह इन्द्रं धनस्य सातयै ॥३॥

इन्द्रो महा रोदसी पप्रथच्छव इन्द्रः सूर्यमरोचयत् ।
इन्द्रै ह विश्वा भुवनानि येमिर इन्द्रै सुवानास इन्द्रवः ॥४॥

(११९) एकोनविंशत्युत्तरशततमं सूक्तम्

(१-२) द्व्यृचस्यास्य सूक्तस्य (१) प्रथमर्च आयुः (२) द्वितीयायाश्च श्रुष्टिगुर्ऋषी ।
इन्द्रो देवता । (प्रगाथश्छन्दः)

अस्तावि मन्म पूर्व्य ब्रह्मेन्द्राय वोचत ।
पूर्वीर्ऋतस्य बृहतीरनूषत स्तोतुर्मेघा असृक्षत ॥१॥

तुरण्यवो मधुमन्तं घृतश्चुतं विप्रांसो अर्कमानुचुः ।
अस्मे रयिः पप्रथे वृष्यं शवोऽस्मे सुवानास इन्द्रवः ॥२॥

(१२०) विंशत्युत्तरशततमं सूक्तम्

(१-२) द्व्यृचस्यास्य सूक्तस्य देवातिथिर्ऋषिः । इन्द्रो देवता । प्रगाथश्छन्दः

यदिन्द्र प्रागपागुद्विन्यग्वा हूयसे नृभिः ।
सिमा पुरू नृषूतो अस्यानवेऽसि प्रशर्ध तुर्वशै ॥१॥

यद्वा रुमे रुशमे श्यावके कृप इन्द्र मादयसे सचा ।
कगवासस्त्वा ब्रह्मभि स्तोमवाहस इन्द्रा यच्छन्त्या गहि ॥ २ ॥

(१२१) एकविंशत्युत्तरशततमं सूक्तम्

(१-२) द्व्यृचस्यास्य सूक्तस्य देवातिथिऋषिः । इन्द्रो देवता । प्रगाथश्छन्दः
अभि त्वा शूर नोनुमोऽदुग्धा इव धेनवः ।
ईशानमस्य जगतः स्वर्दृशमीशानमिन्द्र तस्थुषः ॥ १ ॥

न त्वावाँ अन्यो दिव्यो न पार्थिवो न जातो न जनिष्यते ।
अश्वायन्तो मघवन्निन्द्र वाजिनो गव्यन्तस्त्वा हवामहे ॥ २ ॥

(१२२) द्वाविंशत्युत्तरशततमं सूक्तम्

(१-३) तृचस्यास्य सूक्तस्य शुनःशेष ऋषिः । इन्द्रो देवता । गायत्री छन्दः
रेवतीर्नः सधुमाद् इन्द्रै सन्तु तुविवाजाः ।
क्षुमन्तो याभिर्मदेम ॥ १ ॥

आ घ त्वावान्मनाप्त स्तोतृभ्यो धृष्णवियानः ।
ऋणोरक्षं न चक्रयोः ॥ २ ॥

आ यदुर्वः शतक्रतुवा कामं जरितृणाम् ।
ऋणोरक्षं न शचीभिः ॥ ३ ॥

(१२३) त्रयोविंशत्युत्तरशततमं सूक्तम्

(१-२) द्व्यृचस्यास्य सूक्तस्य कुत्स ऋषिः । सूर्यो देवता । त्रिष्टुप् छन्दः
तत्सूर्यस्य देवत्वं तन्महित्वं मध्या कर्तोर्विततं सं जभार ।
यदेदयुक्त हरितः सधस्थादाद्रात्री वासस्तनुते सिमस्मै ॥ १ ॥

तन्मित्रस्य वरुणस्याभिचक्षे सूर्यो रूपं कृणुते द्योरुपस्थे ।
अनन्तमन्यद्दुशदस्य प्राजः कृष्णमन्यद्धरितः सं भरन्ति ॥ २ ॥

(१२४) चतुर्विंशत्युत्तरशततमं सूक्तम्

(१-६) षडृचस्यास्य सूक्तस्य वामदेव ऋषिः । इन्द्रो देवता ।

(१-२) प्रथमाद्वितीययोर्ऋचोर्गायत्री (३) तृतीयायाः पादनिचृद्गायत्री

((४-६) चतुर्थ्यादितृचस्य च त्रिष्टुप्) छन्दांसि

कया नश्चित्र आ भुवदूती सदावृधः सर्वा ।

कया शचिष्ठया वृता ॥१॥

कस्त्वा सत्यो मदानां मंहिष्ठो मत्सदन्धसः ।

दृष्हा चिदारुजे वसु ॥२॥

अभी षु णः सर्वाणामविता जरितृणाम् ।

शतं भवास्यूतिभिः ॥३॥

इमा नु कं भुवना सीषधामेन्द्रश्च विश्वे च देवाः ।

यज्ञं च नस्तन्वं च प्रजां चादित्यैरिन्द्रः सह चीक्लृपाति ॥४॥

आदित्यैरिन्द्रः सगणो मरुद्भिरस्माकं भूत्वविता तनूनाम् ।

हत्वार्य देवा असुरान्यदार्यन्देवा देवत्वमभिरक्षमाणाः ॥५॥

प्रत्यञ्चमर्कमनयञ्छचीभिरादित्स्वधामिषिरां पर्यपश्यन् ।

अया वाजं देवहितं सनेम् मदैम शतहिमाः सुवीराः ॥६॥

(१२५) पञ्चविंशत्युत्तरशततमं सूक्तम्

(१-७) सप्तर्चस्यास्य सूक्तस्य सुकीर्तिर्ऋषिः । (१-३, ६-७) प्रथमादितृचस्य

षष्ठीसप्तम्योर्ऋचोश्चेन्द्रः (४-५) चतुर्थीपञ्चम्योश्चाश्विनौ देवताः । (१-३, ५-७)

प्रथमादितृचस्य पञ्चम्यादितृचस्य च त्रिष्टुप् (४) चतुर्थ्याश्चानुष्टुप् छन्दसी

अपेन्द्र प्राचौ मघवन्नमित्रानपापाचो अभिभूते नुदस्व ।

अपोदीचो अप शूराधराच उरौ यथा तव शर्मन्मदैम ॥१॥

कुविद्ङ्ग यवमन्तो यवं चिद्यथा दान्त्यनुपूर्वं वियूय ।
इहेहैषां कृणुहि भोजनानि ये बर्हिषो नमोवृक्तिं न जग्मुः ॥२॥

नहि स्थूर्यतुथा यातमस्ति नोत श्रवो विविदे संगमेषु ।
गव्यन्त इन्द्रं सख्याय विप्रा अश्वायन्तो वृषणं वाजयन्तः ॥३॥

युवं सुराममश्विना नमुचावासुरे सचा ।
विपिपाना शुभस्पती इन्द्रं कर्मस्वावतम् ॥४॥

पुत्रमिव पितरावश्विनोभेन्द्रावथुः काव्यैर्दसनाभिः ।
यत्सुरामं व्यपिबः शचीभिः सरस्वती त्वा मघवन्नभिष्णाक् ॥५॥

इन्द्रः सुत्रामा स्ववाँ अवीभिः सुमृडीको भवतु विश्ववेदाः ।
बाधतां द्वेषो अभयं नः कृणोतु सुवीर्यस्य पतयः स्याम ॥६॥

स सुत्रामा स्ववाँ इन्द्रो अस्मदाराच्चिद्वेषः सनुतर्युयोतु ।
तस्य वयं सुमतौ यज्ञियस्यापि भद्रे सौमनसे स्याम ॥७॥

(१२६) षड्विंशत्युत्तरशततमं सूक्तम्

(१-२३) त्रयोविंशत्युत्तरशततमं सूक्तस्य वृषाकपिर्ऋषिरिन्द्राणी च ऋषिका ।

इन्द्रो देवता । पङ्क्तिश्छन्दः

वि हि सोतोरसृक्षत नेन्द्रं देवममंसत ।
यत्रामदद्वृषाकपिर्यः पुष्टेषु मत्सखा विश्वस्मादिन्द्र उत्तरः ॥१॥

परा हीन्द्र धार्वसि वृषाकपेरति व्यथिः ।
नो अह प्र विन्दस्यन्यत्र सोमपीतये विश्वस्मादिन्द्र उत्तरः ॥२॥

किमयं त्वां वृषाकपिश्चकार हरितो मृगः ।
यस्मा इरस्यसीदु न्वश्रुयो वा पुष्टिमद्वसु विश्वस्मादिन्द्र उत्तरः ॥३॥

यमिमं त्वं वृषाकपिं प्रियमिन्द्राभिरक्षसि ।
श्वा न्वस्य जम्भिषदपि कर्णे वराहयुर्विश्वस्मादिन्द्र उत्तरः ॥४॥

प्रिया तृष्टानि मे कपिवर्यक्ता व्यदूदुषत् ।
शिरो न्वस्य राविषं न सुगं दुष्कृतै भुवं विश्वस्मादिन्द्र उत्तरः ॥५॥

न मत्स्त्री सुभसत्तरा न सुयाशुतरा भुवत् ।
न मत्प्रतिच्यवीयसी न सक्थ्युद्यमीयसी विश्वस्मादिन्द्र उत्तरः ॥६॥

उवे अम्ब सुलाभिके यथैवाङ्ग भविष्यति ।
भसन्मै अम्ब सक्थि मे शिरौ मे वीव हष्यति विश्वस्मादिन्द्र उत्तरः
॥७॥

किं सुबाहो स्वङ्गुरे पृथुष्टो पृथुजाघने ।
किं शूरपति नस्त्वमभ्यमीषि वृषाकपिं विश्वस्मादिन्द्र उत्तरः ॥८॥

अवीरामिव मामयं शरारुरभि मन्यते ।
उताहमस्मि वीरिणीन्द्रपत्नी मरुत्सखा विश्वस्मादिन्द्र उत्तरः ॥९॥

संहोत्रं स्म पुरा नारी समनुं वाव गच्छति ।
वेधा ऋतस्य वीरिणीन्द्रपत्नी महीयते विश्वस्मादिन्द्र उत्तरः ॥१०॥

इन्द्राणीमासु नारिषु सुभगामहमश्रवम् ।
नह्यस्या अपरं च न जरसा मरते पतिर्विश्वस्मादिन्द्र उत्तरः ॥११॥

नाहमिन्द्राणि रारण सख्युर्वृषाकपेर्त्रते ।
यस्येदमप्यं हविः प्रियं देवेषु गच्छति विश्वस्मादिन्द्र उत्तरः ॥१२॥

वृषाकपायि रेवति सुपुत्र आदु सुस्रुषे ।
घसत्त इन्द्र उक्षणः प्रियं काचित्करं हविर्विश्वस्मादिन्द्र उत्तरः ॥१३॥

उक्षणो हि मे पञ्चदश साकं पचन्ति विंशतिम् ।
उताहमग्नि पीव इदुभा कुक्षी पृणन्ति मे विश्वस्मादिन्द्र उत्तरः ॥१४॥

वृषभो न तिग्मशृङ्गोऽन्तर्यूथेषु रोरुवत् ।
मुन्थस्त इन्द्र शं हृदे यं ते सुनोति भावयुर्विश्वस्मादिन्द्र उत्तरः ॥१५॥

न सेशे यस्य रम्बतेऽन्तरा सक्थ्याऽऽ कपृत् ।
सेदीशे यस्य रोमशं निषेदुषौ विजृम्भते विश्वस्मादिन्द्र उत्तरः ॥१६॥

न सेशे यस्य रोमशं निषेदुषौ विजृम्भते ।
सेदीशे यस्य रम्बतेऽन्तरा सक्थ्याऽऽ कपृद्विश्वस्मादिन्द्र उत्तरः ॥१७॥

अयमिन्द्र वृषाकपिः परस्वन्तं हतं विदत् ।
असिं सूनां नवं चरुमादेधस्यान आचितं विश्वस्मादिन्द्र उत्तरः ॥५॥

अयमैमि विचाकशाद्विचिन्वन्दासुमार्यम् ।
पिबामि पाकसुत्वनोऽभि धीरमचाकशं विश्वस्मादिन्द्र उत्तरः ॥१६॥

धन्व च यत्कृन्तत्रं च कति स्वित्ता वि योजना ।
नेदीयसो वृषाकपेऽस्तमेहि गृहाँ उप विश्वस्मादिन्द्र उत्तरः ॥२०॥

पुनरेहि वृषाकपे सुविता कल्पयावहै ।
य एष स्वप्रनंशनोऽस्तमेषि पथा पुनर्विश्वस्मादिन्द्र उत्तरः ॥२१॥

यदुदञ्चो वृषाकपे गृहमिन्द्राजगन्तन ।

क्वशुस्य पुल्वघो मृगः कर्मगं जनयोपनो विश्वस्मादिन्द्र उत्तरः ॥२२॥

पर्शुर्ह नाम मानवी साकं संसूव विंशतिम् ।
भद्रं भल त्वस्या अभूद्यस्या उदरमामयद्विश्वस्मादिन्द्र उत्तरः ॥२३॥

(१२७) सप्तविंशत्युत्तरशततमं खिलसूक्तम्
इदं जना उप श्रुत नराशंसु स्तविष्यते ।
षष्टिं सहस्रां नवतिं च कौरम् आ रुशमेषु दद्यहे ॥१॥

उष्टा यस्य प्रवाहणो वधूमन्तो द्विर्दश ।
वर्ष्मा रथस्य नि जिहीडते दिव ईषमाणा उपस्पृशः ॥२॥

एष इषाय मामहे शतं निष्कान्दश स्रजः ।
त्रीणि शतान्यर्वतां सहस्रा दश गोनाम् ॥३॥

वच्यस्व रेभ वच्यस्व वृक्षे न पक्वे शकुनः ।
नष्टे जिह्वा चर्चरीति क्षुरो न भुरिजौरिव ॥४॥

प्र रेभासौ मनीषा वृषा गाव इवेरते ।
अमोतपुत्रका एषाममोत गा इवासते ॥५॥

प्र रेभ धीं भरस्व गोविदं वसुविदम् ।
देवत्रेमां वाचं स्त्रीणीहीषुर्नार्वीरस्तारम् ॥६॥

राज्ञो विश्वजनीनस्य यो देवोमत्याँ अति ।
वैश्वानरस्य सुष्टृतिमा सुनोता परिद्धितः ॥७॥

परिच्छिन्नः क्षेममकरोत्तम् आसनमाचरन् ।

कुलायन्कृणवन्कौरव्यः पतिर्वदति जायया ॥८॥

कतरत्त आ हराणि दधि मन्थां परि श्रुतम् ।
जायाः पतिं वि पृच्छति राष्ट्रे राज्ञः परिक्षितः ॥९॥

अभीवस्वः प्र जिहीते यवः पक्वः पथो बिलम् ।
जनः स भद्रमेधति राष्ट्रे राज्ञः परिक्षितः ॥१०॥

इन्द्रः कारुमबूबुधदुत्तिष्ठ वि चरा जनम् ।
ममेदुग्रस्य चर्कधि सर्व इत्तै पृणादरिः ॥११॥

इह गावः प्रजायध्वमिहाश्वा इह पूरुषाः ।
इहो सहस्रदक्षिणोपि पूषा नि षीदति ॥१२॥

नेमा इन्द्र गावौ रिषन्मो आसां गोप रीरिषत् ।
मासाम्मित्रयुर्जन इन्द्र मा स्तेन ईशत ॥१३॥

उप नो न रमसि सूक्तैन् वचसा वयं भद्रेण वचसा वयम् ।
वनादधिध्वनो गिरो न रिष्येम कदा चन ॥१४॥

(१२८) अष्टाविंशत्युत्तरशततमं खिलसूक्तम्
यः सभेयौ विदथ्यः सुत्वा यज्वाथ पूरुषः ।
सूर्यं चामू रिशादसस्तद्देवाः प्रागकल्पयन् ॥१॥

यो जाम्या अप्रथयस्तद्यत्सखायं दुधूर्षति ।
ज्येष्ठो यदप्रचेतास्तदाहुरधरागिति ॥२॥

यद्भद्रस्य पूरुषस्य पुत्रो भवति दाधृषिः ।

तद्विप्रो अब्रवीदु तद्वन्धर्वः काम्यं वचः ॥३॥

यश्च पुणि रघुजिष्ठयो यश्च देवाँ अदाशुरिः ।
धीराणां शश्वतामहं तदपागिति शुश्रुम ॥४॥

ये च देवा अयजन्ताथो ये च पराददिः ।
सूर्यो दिवमिव गुत्वार्य मघवा नो वि रंशते ॥५॥

योऽनाक्ताक्षो अनभ्यक्तो अमणिवो अहिरण्यवः ।
अब्रह्मा ब्रह्मणः पुत्रस्तोता कल्पेषु संमिता ॥६॥

य आक्ताक्षः सुभ्यक्तः सुमणिः सुहिरण्यवः ।
सुब्रह्मा ब्रह्मणः पुत्रस्तोता कल्पेषु संमिता ॥७॥

अप्रपाणा च वेशन्ता रेवाँ अप्रतिदिश्ययः ।
अयभ्या कन्या कल्याणी तोता कल्पेषु संमिता ॥८॥

सुप्रपाणा च वेशन्ता रेवान्सुप्रतिदिश्ययः ।
सुयभ्या कन्या कल्याणी तोता कल्पेषु संमिता ॥९॥

परिवृक्ता च महिषी स्वस्त्या च युधिगमः ।
अनाशुरश्चायामी तोता कल्पेषु संमिता ॥१०॥

वावाता च महिषी स्वस्त्या च युधिगमः ।
श्चाशुरश्चायामी तोता कल्पेषु संमिता ॥११॥

यदिन्द्रादो दाशराज्ञे मानुषं वि गाहथाः ।
विरूपः सर्वस्मा आसीत्सह यक्षाय कल्पते ॥१२॥

त्वं वृषाक्षुं मघवन्नम्रं मर्याकरो रविः ।
त्वं रौहिणं व्यास्यो वि वृत्रस्याभिनुच्छिरः ॥१३॥

यः पर्वतान्व्यदधाद्यो अपो व्यगाहथाः ।
इन्द्रो यो वृत्रहान्महं तस्मादिन्द्र नमोऽस्तु ते ॥१४॥

पृष्ठं धार्वन्तं हर्योरौच्चैः श्रवसमब्रुवन् ।
स्वस्त्यश्च जैत्रायेन्द्रमा वह सुस्रजम् ॥१५॥

ये त्वां श्वेता अजैश्रवसो हार्यो युञ्जन्ति दक्षिणम् ।
पूर्वा नमस्य देवानां बिभ्रदिन्द्र महीयते ॥१६॥

(१२६) एकोनत्रिंशदुत्तरशततमं खिलसूक्तम्
एता अश्वा आ प्लवन्ते ॥१॥

प्रतीपं प्राति सुत्वनम् ॥२॥

तासामेका हरिक्निका ॥३॥

हरिक्निके किमिच्छासि ॥४॥

साधुं पुत्रं हिरण्ययम् ॥५॥

क्वाहतं परास्यः ॥६॥

यत्रामूस्तिस्त्रः शिंशपाः ॥७॥

परि त्रयः ॥८॥

पृदाकवः ॥६॥

शृङ्गं धुमन्तं आसते ॥१०॥

अयन्महा तै अर्वाहः ॥११॥

स इच्छकं सघाघते ॥१२॥

सघाघते गोमीद्या गोगतीरिति ॥१३॥

पुमां कुस्ते निर्मिच्छसि ॥१४॥

पल्पं बद्ध वयो इति ॥१५॥

बद्ध वो अघा इति ॥१६॥

अजागार केविका ॥१७॥

अश्वस्य वारो गोशपद्युके ॥१८॥

श्येनीपती सा ॥१९॥

अनामयोपजिह्विका ॥२०॥

(१३०) त्रिंशदुत्तरशततमं खिलसूक्तम्
को अर्यं बहुलिमा इषूनि ॥१॥

को असिद्याः पर्यः ॥२॥

को अ॒र्जु॒न्याः प॒र्यः ॥३॥

कः का॒ष्प॒र्याः प॒र्यः ॥४॥

ए॒तं पृ॒च्छ कु॒हं पृ॒च्छ ॥५॥

कु॒हा॒कं प॒क्व॒कं पृ॒च्छ ॥६॥

यवा॑नो य॒ति॒स्व॒भिः कु॒भिः ॥७॥

अ॒कु॒प्य॒न्तः कु॒पा॒य॒कुः ॥८॥

आ॒म॒ण॒को म॒ण॒त्स॒कः ॥९॥

दे॒व त्व॒प्र॒ति॒सूर्य ॥१०॥

ए॒न॒श्चि॒प॒ङ्गि॒का ह॒विः ॥११॥

प्र॒दु॒द्रु॒दो म॒घा॒प्र॒ति ॥१२॥

शृ॒ङ्गं उ॒त्प॒न्न ॥१३॥

मा त्वा॒भि स॒खा नो वि॒दन् ॥१४॥

व॒शा॒याः पु॒त्र॒मा य॑न्ति ॥१५॥

इ॒रा॒वे॒दु॒म॒यं द॒त ॥१६॥

अथो इयन्नियन्निति ॥१७॥

अथो इयन्निति ॥१८॥

अथो श्वा अस्थिरो भवन् ॥१९॥

उयं युकांशलोक्का ॥२०॥

(१३१) एकत्रिंशदुत्तरशततमं खिलसूक्तम्
आमिनोनि॒ति भ॑द्यते ॥१॥

तस्य॑ अनु॒ निभ॑ञ्जनम् ॥२॥

वरु॑णो याति॒ वस्व॑भिः ॥३॥

श॒तं वा॒ भार॑ती शर्वः ॥४॥

श॒तमा॒श्वा हि॑र॒ण्ययाः॑ ।
श॒तं र॒थ्या हि॑र॒ण्ययाः॑ ।
श॒तं कु॒था हि॑र॒ण्ययाः॑ ।
श॒तं नि॒ष्का हि॑र॒ण्ययाः॑ ॥५॥

अ॒हल॑ कुश॒ वर्त्त॑क ॥६॥

श॒फेन॑ इव॒ औ॒हते ॥७॥

आय॑ व॒नेन॑ती॒ जनी॑ ॥८॥

वनिष्ठा॒ नाव॑ गृह्यन्ति ॥६॥

इ॒दं म॒ह्यं म॒दूरि॑ति ॥१०॥

ते वृ॒क्षाः स॒ह ति॑ष्ठति ॥११॥

पाकं ब॒लिः ॥१२॥

शकं ब॒लिः ॥१३॥

अश्व॑त्थ॒ खदि॑रो ध्रुवः ॥१४॥

अ॒र॒दु॒पर॑म ॥१५॥

शयो॑ ह॒त इ॒व ॥१६॥

व्याप॒ पू॒रु॒षः ॥१७॥

अ॒दू॒ह॒मि॒त्यां पू॒ष॒कम् ॥१८॥

अ॒त्य॑र्ध॒र्चं प॑र॒स्वतः॑ ॥१९॥

दौ॒र्व ह॒स्ति॒नो॑ दृ॒ती ॥२०॥

(१३२) द्वात्रिंशदुत्तरशततमं खिलसूक्तम्
आदलाबुकमेककम् ॥१॥

अलाबुकं निखातकम् ॥२॥

क॒र्क॒रि॒को नि॒खा॒तकः ॥३॥

तद्वा॒त् उ॒न्म॑थायति ॥४॥

कु॒ला॒यं कृ॒णवा॒दिति ॥५॥

उ॒ग्रं व॒नि॒षदा॑ततम् ॥६॥

न व॒नि॒षदा॑ततम् ॥७॥

क ए॒षां क॒र्क॒री लि॒खत् ॥८॥

क ए॒षां दु॒न्दु॒भिं ह॒नत् ॥९॥

यदी॒यं ह॒न॒त्कथं॑ ह॒नत् ॥१०॥

दे॒वी ह॒न॒त्कु॒ह॒नत् ॥११॥

प॒र्या॒गा॒रं पु॒नःपु॒नः ॥१२॥

त्री॒ण्यु॒ष्टस्य॑ नामानि ॥१३॥

हि॒र॒ण्य इ॒त्येके॑ अब्रवीत् ॥१४॥

द्वौ वा॑ ये शिशवः ॥१५॥

नी॒ल॑शिखण्डवाहनः ॥१६॥

(१३३) त्रयस्त्रिंशदुत्तरशततमं खिलसूक्तम्
वितंतौ किरणौ द्वौ तावां पिनष्टि पूरुषः ।
न वै कुमारि तत्तथा यथा कुमारि मन्यसे ॥१॥

मातुष्टे किरणौ द्वौ निवृत्तः पुरुषानृते ।
न वै कुमारि तत्तथा यथा कुमारि मन्यसे ॥२॥

निगृह्य कर्णकौ द्वौ निरायच्छसि मध्यमे ।
न वै कुमारि तत्तथा यथा कुमारि मन्यसे ॥३॥

उत्तानायै शयानायै तिष्ठन्ती वाव गूहसि ।
न वै कुमारि तत्तथा यथा कुमारि मन्यसे ॥४॥

श्लक्ष्णायां श्लक्ष्णिकायां श्लक्ष्णमेवाव गूहसि ।
न वै कुमारि तत्तथा यथा कुमारि मन्यसे ॥५॥

अवश्लक्ष्णमिव भ्रंशदन्तलोममति हृदे ।
न वै कुमारि तत्तथा यथा कुमारि मन्यसे ॥६॥

(१३४) चतुस्त्रिंशदुत्तरशततमं खिलसूक्तम्
इहेत्थ प्रागपागुदगधराग् अरालागुदभर्त्सथ ॥१॥

इहेत्थ प्रागपागुदगधराग् वत्साः पुरुषन्त आसते ॥२॥

इहेत्थ प्रागपागुदगधराग् स्थालीपाको वि लीयते ॥३॥

इहेत्थ प्रागपागुदगधराग् स वै पृथु लीयते ॥४॥

इहेत्थ प्रागपागुदगधराग् आष्टे लाहणि लीशाथी ॥५॥

इहेत्थ प्रागपागुदगधराग् अदिल्ली पुच्छलीयते ॥६॥

(१३५) पञ्चत्रिंशदुत्तरशततमं खिलसूक्तम
भुगित्यभिगतः शलित्यपक्रान्तः फलित्यभिष्ठितः ।
दुन्दुभिमाहननाभ्यां जरितरोथामो दैव ॥१॥

कोशबिलै रजनि ग्रन्थैर्धानमुपानहि पादम् ।
उत्तमां जनिमां जन्यानुत्तमां जनीन्वर्त्मन्यात् ॥२॥

अलाबूनि पृषातकान्यश्चत्थपलाशम् ।
पिपीलिकावटश्चसौ विद्युत्स्वापर्णाशफो गोशफो जरितरोथामो दैव ॥३॥

वीमे देवा अक्रंसताध्वर्यो क्षिप्रं प्रचरं ।
सुसत्यमिद्रवामस्यसिं प्रखुदसिं ॥४॥

पुत्री यदृश्यते पुत्री यद्वयमाणा जरितरोथामो दैव ।
होता विष्टीमेन जरितरोथामो दैव ॥५॥

आदित्या ह जरितरङ्गिरोभ्यो दक्षिणामनयन् ।
तां ह जरितः प्रत्यायंस्तामु ह जरितः प्रत्यायन् ॥६॥

तां ह जरितर्नुः प्रत्यगृभ्णंस्तामु ह जरितर्नुः प्रत्यगृभ्णः ।
अहानेतरसं नु वि चेतनानि यज्ञानेतरसं नु पुरोगवामः ॥७॥

उत श्वेत आशुपत्वा उतो पद्याभिर्यविष्ठः ।
उतेमाशु मानं पिपति ॥८॥

आदित्या रुद्रा वसवस्त्वेनु त इदं राधुः प्रति गृभ्णीह्यङ्गिरः ।
इदं राधो विभु प्रभु इदं राधो बृहत्पृथु ॥६॥

देवा ददत्वासुरं तद्वौ अस्तु सुचैतनम् ।
युष्माँ अस्तु दिवैदिवे प्रत्यैव गृभायत् ॥१०॥

त्वमिन्द्र शर्मरिणा हव्यं पारावतेभ्यः ।
विप्राय स्तुवते वसुवनिं दुरश्रवसे वह ॥११॥

त्वमिन्द्र कपोताय च्छिन्नपक्षाय वञ्चते ।
श्यामाकं पक्वं पीलु च वारस्मा अकृणोर्बहुः ॥१२॥

अरंगुरो वावदीति त्रेधा बद्धो वरत्रया ।
इरामह प्रशंसत्यनिरामप सेधति ॥१३॥

(१३६) षट्त्रिंशदुत्तरशततमं खिलसूक्तम्
यदस्या अंहुभेद्याः कृधु स्थूलमुपातसत् ।
मुष्काविदस्या एजतो गौशफे शकुलाविव ॥१॥

यदा स्थूलेन पससाणौ मुष्का उपावधीत् ।
विष्वञ्चा वस्या वर्धतः सिकतास्वेव गर्दभौ ॥२॥

यदल्पिकास्वल्पिका कर्कधूकेवषद्यते ।
वासन्तिकमिव तेर्जनं यन्त्यवाताय वित्पति ॥३॥

यद्देवासौ ललामगुं प्रविष्टीमिनमाविषुः ।
सकुला दैदिश्यते नारी सत्यस्यान्निभुवौ यथा ॥४॥

म॒हान॒ग्र॒चु॒त्प्र॒द्वि॒ मो॒क्र॒द॒द॒स्था॒ना॒सर॒न् ।
श॒क्ति॒क॒ान॒ना॒ स्व॒च॒म॒श॒कं॒ स॒क्तु॒ प॒द्य॒म् ॥५॥

म॒हान॒ग्र॒चु॒लू॒ख॒ल॒म॒ति॒क्राम॑न्त्यब्रवीत् ।
यथा॒ तव॑ वनस्पते॒ निर॑घ्नन्ति॒ तथै॑वेति ॥६॥

म॒हान॒ग्र॒चु॒प॒ ब्रू॒ते भ्र॒ष्टो॒था॒प्य॑भूभुवः ।
यथै॒व तै॑ वनस्पते॒ पि॒प्य॑ति॒ तथै॑वेति ॥७॥

म॒हान॒ग्र॒चु॒प॒ ब्रू॒ते भ्र॒ष्टो॒था॒प्य॑भूभुवः ।
यथा॒ वयो॑ विदाह्य॒ स्व॒र्गे॒ न॒म॒व॒द॒ह्य॑ते ॥८॥

म॒हान॒ग्र॒चु॒प॒ ब्रू॒ते स्व॒सा॒वे॒शितं॑ पसः ।
इ॒त्थं॑ फ॒ल॒स्य॒ वृ॒क्ष॒स्य॒ शूर्पे॑ शूर्पं॒ भजे॑महि ॥९॥

म॒हान॒ग्री॒ कृ॒क॒वा॒कं॒ श॒म्य॒या॒ परि॑ धावति ।
अ॒यं न॒ वि॒द्य॒ यो॑ मृ॒गः॒ शी॒ष्णा॑ ह॒रति॑ धा॒णि॒काम् ॥१०॥

म॒हान॒ग्री॒ म॒हान॒ग्रं॑ धा॒वन्त॒मनु॑ धावति ।
इ॒मास्त॑द॒स्य॒ गा॒ र॒क्ष॒ यभ॑ मा॒म॒द्ध॒यौ॒दन॑म् ॥११॥

सु॒दै॒व॒स्त्वा॒ म॒हान॑ग्री॒र्ब॒बा॒धते॑ मह॒तः॒ सा॒धु॒ खो॒दन॑म् ।
कु॒सं॑ पी॒व॒रो॒ न॒वत् ॥१२॥

वृ॒शा॒ द॒ग्धा॑मि॒माङ्ग॑रिं प्रसृ॒जतो॒ग्रतं॑ परे ।
म॒हान्वै॑ भ॒द्रो॒ यभ॑ मा॒म॒द्ध॒यौ॒दन॑म् ॥१३॥

वि॒दै॒व॒स्त्वा॒ म॒हान॑ग्री॒र्वि॒बा॒धते॑ मह॒तः॒ सा॒धु॒ खो॒दन॑म् ।

कुमारीका पिङ्गलिका कार्द भस्मा कु धावति ॥१४॥

महान्वै भद्रो बिल्वो महान्भद्र उदुम्बरः ।
महाँ अभिक्त बाधते महतः साधु खोदनम् ॥१५॥

यः कुमारी पिङ्गलिका वसन्तं पीवुरी लभेत् ।
तैलकुण्डमिमाङ्गुष्ठं रोदन्तं शुद्धमुद्धरेत् ॥१६॥

(१३७) सप्तत्रिंशदुत्तरशततमं सूक्तम्

(१-१४) चतुर्दशर्चस्यास्य सूक्तस्य (१) प्रथमर्चः शिरिम्बिठिः (२) द्वितीयाया बुधः
((३) तृतीयाया वामदेवः) (४-६) चतुर्थ्यादितृचस्य ययातिः (७-११)
सप्तम्यादिपञ्चानां तिरश्चीराङ्गिरसो द्युतानो वा (१२-१४) द्वादश्यादितृचस्य च सुकन्न
ऋषयः । (१) प्रथमाया अलक्ष्मीनाशनम् (२) द्वितीयाया विश्वे देवा ऋत्विक्स्तुतिर्वा
((३) तृतीयाया दधिक्राः) (४-६) चतुर्थ्यादितृचस्य सोमः पवमानः
(७-८, १०-१४) सप्तम्या अष्टम्याद्यत्रिपादानां दशम्यादिपञ्चानाञ्चेन्द्रः
(८) अष्टमीचतुर्थपादस्य मरुतः (९) नवम्याश्चेन्द्राबृहस्पती देवताः ।
(१, ३-६) प्रथमायास्तृतीयादिचतसृणाञ्चानुष्टुप् (२) द्वितीयाया जगती
(७-११) सप्तम्यादिपञ्चानां त्रिष्टुप् (१२-१४) द्वादश्यादितृचस्य च गायत्री छन्दांसि
यद्ध प्राचीरजगन्तोरो मण्डूरधाणिकीः ।
हता इन्द्रस्य शत्रवः सर्वे बुद्धदयाशवः ॥१॥

कपृन्नरः कपृथमुद्घातन चोदयत खुदत वार्जसातये ।
निष्टिग्रयः पुत्रमा च्यावयोतय इन्द्रं सबाध इह सोमपीतये ॥२॥

दधिक्राव्णौ अकारिषं जिष्णोरश्वस्य वाजिनः ।
सुरभि नो मुखा करत्प्र ण आयूषि तारिषत् ॥३॥

सुतासो मधुमत्तमाः सोमा इन्द्राय मन्दिनः ।
पवित्रवन्तो अक्षरन्देवान्गच्छन्तु वो मदाः ॥४॥

इन्द्रुरिन्द्राय पवत् इति देवासौ अब्रुवन् ।
वाचस्पतिर्मखस्यते विश्वस्येशान् ओजसा ॥५॥

सहस्रधारः पवते समुद्रो वाचमीङ्खयः ।
सोमः पती रयीणां सखेन्द्रस्य दिवेदिवे ॥६॥

अव द्रप्सो अंशुमतीमतिष्ठदियानः कृष्णो दशभिः सहस्रैः ।
आवृत्तमिन्द्रः शच्या धर्मन्तमप स्नेहितीर्नृमणा अधत्त ॥७॥

द्रप्समपश्यं विषुणे चरन्तमुपहरे नद्यो अंशुमत्याः ।
नभो न कृष्णमवतस्थिवांसमिष्यामि वो वृषणो युर्ध्वताजौ ॥८॥

अर्ध द्रप्सो अंशुमत्या उपस्थेऽधारयत्तन्वं तित्विषाणः ।
विशो अदेवीरभ्याश्चरन्तीर्बृहस्पतिना युजेन्द्रः ससाहे ॥९॥

त्वं ह त्यत्सप्तभ्यो जायमानोऽशत्रुभ्यो अभवः शत्रुरिन्द्र ।
गूळ्हे द्यावापृथिवी अन्वविन्दो विभुमद्भ्यो भुवनेभ्यो रणं धाः ॥१०॥

त्वं ह त्यदप्रतिमानमोजो वज्रैण वज्रिन्धृषितो जघन्थ ।
त्वं शुष्णस्यावातिरो वधत्रैस्त्वं गा इन्द्र शच्येदविन्दः ॥११॥

तमिन्द्रं वाजयामसि महे वृत्राय हन्तवे ।
स वृषा वृषभो भवत् ॥१२॥

इन्द्रः स दामने कृत ओजिष्ठः स मदे हितः ।
द्युम्नी श्लोकी स सोम्यः ॥१३॥

गिरा वज्रो न संभृतः सबलो अनपच्युतः ।

वृ॒क्ष ऋ॒ष्वो अ॒स्तृतः ॥१४॥

(१३८) अष्टात्रिंशदुत्तरशततमं सूक्तम्

(१-३) तृचस्यास्य सूक्तस्य वत्स ऋषिः । इन्द्रो देवता । गायत्री छन्दः
म॒हाँ इन्द्रो॑ य ओ॒जसा॑ प॒र्जन्यो॑ वृष्टि॒माँ ई॒व ।
स्तोमै॑र्वत्सस्य॒ वावृ॑धे ॥१॥

प्र॒जामृ॑तस्य॒ पिप्र॑तः प्र यद्भ॒रन्त॑ वह्न॒यः ।
विप्र॑ ऋ॒तस्य॒ वाह॑सा ॥२॥

क॒गवाः॑ इन्द्रं॒ यद॑क्र॒तु॒ स्तोमै॑र्य॒ज्ञस्य॒ साध॑नम् ।
जा॒मि ब्रु॑वत॒ आयु॑धम् ॥३॥

(१३९) एकोनचत्वारिंशदुत्तरशततमं सूक्तम्

(१-५) पञ्चर्चस्यास्य सूक्तस्य शशकर्ण ऋषिः ।
अश्विनौ देवते । (१, ४) प्रथमाचतुर्थ्योर्ऋचोर्बृहती
(२-३) द्वितीयातृतीययोर्गायत्री (५) पञ्चम्याश्च ककुप् छन्दांसि
आ नून॑म॒श्विना॒ यु॒वं वृ॒त्सस्य॑ गन्त॒मव॑से ।
प्रा॒स्मै य॑च्छ॒तम॒वृ॒कं पृ॒थु च्छ॒र्दिर्यु॑त॒ या अ॒रा॒तयः॑ ॥१॥

यद॒न्तरि॑द्धे॒ यद्वि॑वि यत्पञ्च॒ मानु॑षाँ॒ अ॒नु ।
नृ॒मणं॑ तद्ध॒त्तम॑श्विना ॥२॥

ये वां॒ दंसां॑स्यश्विना॒ वि॒प्रा॑सः परि॒मामृ॑शुः ।
ए॒वेत्का॒गव॑स्य॒ बोध॑तम् ॥३॥

अ॒यं वां॑ घृ॒र्मो अ॑श्विना॒ स्तोमै॑न् परि॒ षि॒च्यते॑ ।
अ॒यं सो॒मो म॑धु॒मान्वा॒जिनी॑वसू॒ येन॑ वृ॒त्रं चि॒कै॒तथः॑ ॥४॥

यदप्सु यद्वनस्पतौ यदोषधीषु पुरुदंससा कृतम् ।
तेन माविष्टमश्विना ॥५॥

(१४०) चत्वारिंशदुत्तरशततमं सूक्तम्

(१-५) पञ्चर्चस्यास्य सूक्तस्य शशकर्ण ऋषिः । अश्विनौ देवते । (१) प्रथमर्चो
बृहती (२-४) द्वितीयादितृचस्यानुष्टुप् (५) पञ्चम्याश्च त्रिष्टुप् छन्दांसि
यन्नासत्या भुरणयथो यद्वा देव भिषज्यर्थः ।
अयं वां वत्सो मतिभिर्न विन्धते हविष्मन्तं हि गच्छथः ॥१॥

आ नूनमश्विनोर्ऋषि स्तोमं चिकेत वामया ।
आ सोमं मधुमत्तमं घर्मं सिञ्चादथर्वणि ॥२॥

आ नूनं रघुवर्तनिं रथं तिष्ठाथो अश्विना ।
आ वां स्तोमा इमे मम नभो न चुच्यवीरत ॥३॥

यदद्य वां नासत्योक्थैराचुच्यवीमहि ।
यद्वा वाणीभिरश्विनेवेत्कागवस्य बोधतम् ॥४॥

यद्वां कक्षीवाँ उत यद्वयश्च ऋषिर्यद्वां दीर्घतमा जुहाव ।
पृथी यद्वां वैन्यः सार्दनेष्वेवेदतौ अश्विना चेतयेथाम् ॥५॥

(१४१) एकचत्वारिंशदुत्तरशततमं सूक्तम्

(१-५) पञ्चर्चस्यास्य सूक्तस्य शशकर्ण ऋषिः । अश्विनौ देवते ।
(१) प्रथमर्चो विराडनुष्टुप् (२) द्वितीयाया जगती
(३) तृतीयाया अनुष्टुप् (४-५) चतुर्थीपञ्चम्योश्च बृहती छन्दांसि
यातं छर्दिष्पा उत नः परस्पा भूतं जगत्पा उत नस्तनूपा ।
वर्तिस्तोकाय तनयाय यातम् ॥१॥

यदिन्द्रेण सुरथं याथो अश्विना यद्वा वायुना भवथुः समौकसा ।

यदादित्येभिर्त्रुभुभिः सजोषसा यद्वा विष्णोर्विक्रमणेषु तिष्ठथः ॥२॥

यद्द्याश्विनाव्हं हुवेयु वाजसातये ।
यत्पृत्सु तुर्वणे सहस्तच्छ्रेष्ठमश्विनोरवः ॥३॥

आ नूनं यातमश्विनेमा हव्यानि वां हिता ।
इमे सोमासो अधि तुर्वणे यदाविमे कण्वेषु वामथ ॥४॥

यन्नासत्या पराके अर्वाके अस्ति भेषजम् ।
तेन नूनं विमदाय प्रचेतसा छर्दिर्वत्साय यच्छतम् ॥५॥

(१४२) द्विचत्वारिंशदुत्तरशततमं सूक्तम्

(१-६) षड्चस्यास्य सूक्तस्य शशकर्ण ऋषिः । अश्विनौ देवते ।

(१-४) प्रथमादिचतुर्ऋचामनुष्टुप् (५-६) पञ्चमीषष्ठ्योश्च गायत्री छन्दसी

अभुत्स्यु प्र देव्या साकं वाचाहमश्विनौः ।
व्यावर्देव्या मतिं वि रतिं मर्त्येभ्यः ॥१॥

प्र बौधयोषो अश्विना प्र देवि सूनृते महि ।
प्र यज्ञहोतरानुषक्प्र मदायु श्रवो बृहत् ॥२॥

यदुषो यासि भानुना सं सूर्येण रोचसे ।
आ हायमश्विनो रथो वर्तिर्याति नृपाय्यम् ॥३॥

यदापीतासो अशवो गावो न दुह ऊर्धभिः ।
यद्वा वाणीरनूषत् प्र देवयन्तौ अश्विना ॥४॥

प्र द्युम्नायु प्र शर्वसे प्र नृषाह्यायु शर्मणे ।
प्र दक्षाय प्रचेतसा ॥५॥

यन्नूनं धीभिरश्विना पितुर्योना निषीदथः ।
यद्वा सुमेभिरुक्थ्या ॥६॥

(१४३) त्रिचत्वारिंशदुत्तरशततमं सूक्तम्

(१-६) नवर्चस्यास्य सूक्तस्य (१-७) प्रथमादिसप्तर्चा पुरुमीढाजमीढौ (८)
अष्टम्याः पूर्वार्धस्य वामदेवः (८-९) अष्टम्या उत्तरार्धस्य नवम्याश्च मेध्यातिथिर्ऋषयः ।
अश्विनौ देवते । त्रिष्टुप् छन्दः

तं वां रथं वयमद्या हुवेम पृथुज्रयमश्विना संगतिं गोः ।
यः सूर्या वहति वन्धुरायुर्गिर्वाहसं पुरुतमं वसूयुम् ॥१॥

युवं श्रियमश्विना देवता तां दिवो नपाता वनथुः शचीभिः ।
युवोर्वपुरभि पृक्षः सचन्ते वहन्ति यत्ककुहासो रथे वाम् ॥२॥

को वामद्या करते रातहव्य ऊतये वा सुतपेयाय वाकैः ।
ऋतस्य वा वनुषे पूर्व्याय नमो येमानो अश्विना ववर्तत् ॥३॥

हिरण्ययेन पुरुभू रथेनेमं यज्ञं नासत्योप यातम् ।
पिबाथ इन्मधुनः सोम्यस्य दधथो रत्नं विधृते जनाय ॥४॥

आ नो यातं दिवो अच्छा पृथिव्या हिरण्ययेन सुवृता रथेन ।
मा वामन्ये नि यमन्देवयन्तः सं यद्दे नाभिः पूर्व्या वाम् ॥५॥

नू नो रयिं पुरुवीरं बृहन्तं दस्त्रा मिमाथामुभयैष्वस्मे ।
नरो यद्वामश्विना स्तोममावन्त्सधस्तुतिमाजमीळ्हासौ अगमन् ॥६॥

इहेह यद्वां समना पंपृक्षे सेयमस्मे सुमतिर्वाजरत्ना ।
उरुष्यतं जरितारं युवं ह श्रितः कामो नासत्या युवद्रिक ॥७॥

मधुमतीरोषधीर्घाव आपो मधुमन्नो भवत्वन्तरिक्षम् ।

क्षेत्रस्य पतिर्मधुमान्नो अस्त्वरिष्यन्तो अन्वेनं चरेम ॥८॥

पुनाय्यं तदश्विना कृतं वां वृषभो दिवो रजसः पृथिव्याः ।
सहस्रं शंसा उत ये गर्विष्टौ सर्वाँ इत्ताँ उप याता पिबध्वै ॥९॥
इति विंशं काण्डम्
इत्यथर्ववेदसंहिता